












**MEDICINA MORALIS  
TRIPARTITA, A CONTAGIO  
SOLICITATIONIS COMPREHENSÆ  
IN DIPLOMATIBVS PONTIFICIIS, ET  
A DENVNCIATIONE IN SANCTO  
OFFICIO CONFESSARIOS VTIVS  
PRÆSERVANS.  
IVXTA MENTEM, ET PRAXIM INQVI-  
SITIONIS HISPANICÆ.**

**AUCTORE. R. ADM. P. FR. IOSEPHO NVNQ**  
*Borgensi, Lectore Iubilato, Aragoniæ Inquisitionis Quali-  
ficatore, & Iudice ordinario, Archiepiscopatus Cesar-  
Augustani Synodali Examinatore, & Expro-  
vinciali Ordinis Minimorum Sanctissimi  
Patris nostri Francisci à Paula.*

Anno



1602.



Cesar-Augustæ: Apud EMMANVELEN ROMAN, Typog. Univ.

*Ex libris Recensy H. M. Jov. et Pauli de Urbe 1614*

QVIDQVĪD IN HOC OPERE DE CONFESSARIIS  
SOLICITANTIBVS DICAM SVBICIO S. R. E. ET  
IYDICIO DD. INQVISITORVM. ET SI QVĪD  
DIXERIM CONTRA TRAXIM, ET STYLV M SANC-  
TI TRIBVNALIS NVLLO MODO SEQVENDVM  
IYDICO,



REGIO ; SERENISSIMO ; SVPREMO  
CATHOLICÆ FIDEI AREOPAGO,

IN CVNCTO HISPANIARVM ORBE DIFFVSO,

S V B

EXCELLENTISSIMO DOMINO D.D. DIDACO  
SARMIENTO DE VALLADARES, ÆCVMENICO PRÆSI-  
DE, ET INQUISITORE, PLACENTINO PRÆSVLE,  
A CONSILIO REGII STATUS, &c.

SVBQ; ILLVSTRISSIMIS DOMINIS .

D.D. Antonio Zambrana de Bolaños.

Reverendissimo Patre Magistro Fr. Petro de Matilla;

D. D. Bernardo Vigil de Quiñones.

D. D. Bartholomæo de Ocampo & Mata.

D. D. Ioanni Baptistæ de Arzamendi.

D. D. Ioanni Vicyra de Otero.

D. D. Nicolao Rodriguez Fermosino.

D. D. Augustino Garcia Ybañez.

Eiusdem Supremi Senatus Consultissimis Consiliarijs, Apo-  
stolicisq; & orthodoxis adversus Hætherodoxos Inquisitorib⁹

Labio,

Corde,

Silentio.

S.

P.

D.

SERENISSIME FIDEI SENATVS!

**S**VB faustissima sacri tui ominis tutela, subque splen-  
dida gloriosi tui nominis vmbra, in publicum Orbis  
Theatrum rudis hæc nostra podit Minerva. Animum tibi  
con-

cōsecro, dū sacro presens opusculum, cum quilibet  
liber sit proprij Auctoris simulachrū Verbum eru-  
ctavit bonum gratum cor meū, dum dico Excellen-  
tiæ tuæ humillima opera mea, bino iure tibi prius  
debita, quam præli prælio commissā. Tibi debita,  
quia vndique resonant responsa, oracula, dogmata  
tua. Tibi debita, quia vndequaquē clamitant munia,  
officia, & munera mea, ex Apostolico tuo Throno,  
vti lumina, derivata. Hoc igitur opus, tot titulis  
tuum, *minimus tuus* Cliens cernuus, congen-  
natus, & provolutus tuas ad aras profundit; vt  
hinc dignoscatur, & tuæ Olympus magnitudi-  
nis, & meæ abyssus parvitaris; cum hæc potius  
necessaria restitutio, quam spontanea oblatio sit  
censenda. Hinc pariter agnosces, quod non  
arbitrio, sed imperiō impulsus; non libertate,  
sed necessitate coactus; non deliberatione, sed  
sympatica necessitudine inductus, te (Princeps  
Excellentissime) tuumque Supremum Senatum  
in Mæcenatem selegi dignissimum; cum iuxta  
cultam, & celebratissimam Senecæ paræmiam,  
*Sen. lib. 4. Benef. qui beneficium recipit, libertatem vendit.*

In æternum ergo specimen feliciter contractæ  
servitutis offero, & consecro hoc cordis, & men-  
tis holocaustum, hoc venerationis symbolum, hoc  
sinceræ dilectionis hieroglyphicum, & hoc gra-  
tissimæ memoriæ *ære perennius* monumentum.  
Tibi etiā, velut Sacro Minervæ Numini, di-  
gitos, & calamus sacro; tibi, quasi Mercurio,  
linguam Libo; velut Argo, oculos dico; vti Sa-  
turno, aurum Theologiæ reddo; vti Palladi pal-  
mam refero; & tibi (Phæbee Præsul) vti olim  
Phæbo, hæc orthodoxa spicula defero; vt tuæ in-  
hærentes manui, in fulgidos, & placidos vertantur  
radios.

Nec

Nec incongrua, aut adulatoria vrimur nomen-  
 clatura, dum tuam magnitudinem salutamus lo-  
 quutione phæbea. Inter inclyta namque Solis  
 stemmata, vnum præ cunctis celebratur nobi-  
 lius, omnia, nempe, illuminare, cunctaque res-  
 picere, vt divinum illud proclamat oraculum:  
*Sol illuminans per omnia respexit.* Hoc amplissi-  
 mo attributo non cares, sed imò gaudes, Prin-  
 ceptis Gloriosissime. Illuminasti siquidem, & res-  
 pexisti Supremum Sanctæ Crucis Valli-Solera-  
 num Collegium; litteraria Toga; Academiam il-  
 lam, Doctoratus laurea; ius cæsareum, & cano-  
 nicum, vespertina Cathedra. Illuminasti Urbem,  
 Orbis Dominam, in Sacra Rota; Valli-Solera-  
 num fidei Tribunal, iudiciali sententia; Re-  
 gias Navarræ carenas; Regentis sapientia. Res-  
 pexisti Præfulatum Overensem; Sacra Insula;  
 Placentinum, Cydari promerita. Illuminasti Re-  
 gium Castellæ Arcopagum; Præfectura; Augu-  
 stissimum Regij status Senatum; consilio; am-  
 plissimam Hispaniarum Coronam, Regiminis cla-  
 vo, & caduceo. Respexisti denique, & illumi-  
 nasti œcumenicum Catholicorum Tribunal, me-  
 ritis, consilijs, fide, luce, & Supremo Præsi-  
 dis gubernaculo; cuius Sacrosanctum domi-  
 nium, (cum omne cingat Hispanicum Imperium)  
 in cunctum protenditur Orbem Catholicum; ita  
 vt possimus proclamare: à Solis ortu, vsque  
 ad occasum; à Mari vsque ad Mare; à Gelida,  
 torridam vsque ad Zonam tua pervolat fama,  
 & dominatur sapientia; tuum sacrum veneratur  
 nomen, & timetur numen. Idcirco tripartitam  
 Theologiam lito tibi, vt per triplicem Orbis  
 cardinem dominanti. Omnia ergo respicis, om-  
 nia

Eccl. 42:  
 v. 16.

nia exaltas, cuncta illuminans. Proh Deum immortalem, qualis quantusque vir!

Verum enim vero nec sistit hic admiratio, adhuc maiora detego, superiora contemplor. Huius supremi, & superni Domini ipsum tuum sacrum nomen vaticinium est, & oraculum. *Excellentissimus D. D. Didacus Sarmiento de Valladares*. Primicerius Hispanicæ fidei vindex, legifer, administrator, & Inquisitor fuit ille *Didacus*, tonitruum filius, Europæ fulmen, & flumen; Gentilitatis fulgur, fulgor, & terror; hinc tu cum *Didaci* nomine hæreditasti omen, factus, & veneratus Hispaniarum Inquisitor oecumenicus. Pergo. Quod Hispani *Sarmiento*, latini vocitant *Palmitem*. Palmes ergo in vinea Domini præfulges ad dominium, ad supplicium, ad triumphum, ad trophæum.

- Palmes* præes in dominio, dum tot Inquisitorum propagines, & palmites diffundis per cunctas Hispanici Orbis plagas, & oras, in ore omnium laudatos, & veneratos; ita ut in te
- Psal.* 79. Davidicum illud videatur impletum: *Extendit*  
v. 12. *palmites suos usque ad mare, & usque ad flumen*  
*propagines eius*. Sat erat tuæ gloriæ, & magnificentiæ hoc Aragonicum fidei Tribunal, tantis impresentiarum circumdatum viris, quos, ut Iudices, formidamus; ut Parentes, diligimus; ut Sapientes, reveremur; quorumque zelum, fervorem, memoriam, & famam *nulla unquam delebit oblitio*; nec edax poterit abolere vetustas. Hostuos *palmites* dum veneratione contemplor, occurrit de te celebrandum illud Ezechielis oraculum. *Vidit altitudinem suam in multitudine palmitum suorum.*
- Ezec.* 19.  
v. 11.

*Pal-*



*Palmes* præexistis ad supplicium , dominicum sectando decretum . Siquis enim in Orthodoxa fide non manserit , à te *mititur foras*, Ioan. 15. *sicut palmes*, ut arescat ; & coligens eum in ignem mitis , ut ardeat ; ignem subministrante ignito fidei tuæ *Palmite*. Hoc igneum spectaculum , & vidit , & horruit , & toto pectore concelebravit Hispania anno ab Orbe redempto 1680. dum edacibus tradidisti flammis tot perfidos , & rabidos heheterodoxos .

*Palmes* tandem , & Palma ades ad triumphum , & trophæum , quibus in ævum Ecclesiæ tempora cingis , Hispaniam extollis , Urbem , & Orbem imples , tot anathematizatis hæreticis , tot convictis Iudæis , tot repressis , vinctis , devictis , & postratis fidei inimicis . Denique nec Augustissimum Agnomen *Valladares* misterio vacat , aut caret . Quid enim aliud *Valladares* insonat nobis , nisi quod zelus tuus infractus , impavidus , & inconcusus *Vallum* est Hispaniæ , & Ecclesiæ , quo cingitur , & *vallatur* , ne hæretica fraus insurgat , aut fraudulenter Hæreticorum furor invadat .

Tibi ergo (Præsul , & Senatus Serenissime) tot circumdato glorijs , tot circumamictis honoribus , tot exaltato dominijs , tot condecorato lauris , supplex confecto munus , & opus , ab Auctore *Minimum* , à veneratione magnum , ab argumento maximum , à Mæcenate Supremum . Benigno igitur , quo polles , vultu , illud supice , & fulcipe . Claudio tandem aliquando epistolam iisdem verbis , quibus suam finivit Scholarum Monarcha Doctor Angelicus , dum auream suam Evangelij catenam ad Urbani IIII. aras

ad.

adgenulatus appenderet : *Suscipiat magnitudo  
vestra præsens opus , vestro discutiendum , corri-  
gendumque iudicio , & vestre sollicitudinis fructum ;  
ut ad locum, unde exeunt flumina, revertantur. Diu  
in columis vive, regna, & impera.*

*Serenissime Domine*

**Magnitudinis tuæ addictissimus, & minimus servus**

*Fr. Iosephus Numa.*

CENSURA REVERENDISSIMI PATRIS

Orentij Ardanuy, in Caesaraugustano Societatis IESV  
Collegio Primarij Theologiae Professoris, Fidei  
Censoris, & Archiepiscopatus Caesaraugustani  
Examinatoris Synodalis.

**M**OREM gerens Perillustri Domino D. D. Bar-  
tholomæo Sanz de Vera, Oxomenis Ecclesiae  
Praecentori, & totius Archidieceleos Cas-  
raugustanae Vicario Generali, & Gubernato-  
ri, sic volenti, & iubenti, manibus excepi, oculisque vol-  
vi volumen ad vnguem castigatum, & ad libram accer-  
sij librum oppidò perutilem, cui titulus: *Medicina Mo-  
ralis tripartita à contagio sollicitationis comprehensa in  
Diplomatibus Pontificijs, & à denuntiatione in Sancto Offi-  
cio Confessarijs tutius praeservans.* Eius Auctor R. R. P.  
M. Fr. Iosephus Nuño, Aragoniae Minimorum Provin-  
ciae Ex Provincialis, vir, & de re litteraria optimè me-  
ritus, & in causis Fidem, eiusque Sacrosanctum Tribu-  
nal concernentibus apprimè gnarus, assiduèque versa-  
tus: qui eo quo pollet ingenij acumine, dicendi facun-  
dia, & rerum complanandarum dexteritate, quæstio-  
nes difficiles, veluti arduas aggreditur Spartas, & tanta  
eas facilitate, & felicitate dissolvit, ut quicquid se ver-  
tat, aspera, & salebrosa in vias planas convertat. Prioris  
instar Iosephi, Iosephus iste de crimine pessimo Fratres Genes. 37  
non tam accusat, quam liberat, dum salutaria, & præ-  
servativa alexipharmaca præparat; Confessarios enim  
solicitanter dum poenis propositis territat, à sacrilego,  
infandoque piaculo vendicat, & modum indigitat, quo  
crimina vitent, vel sceleris iam admissi leviores poenas  
luant. Poenitentes item monet, & instruit ut possint, ut  
soleant, ut debeant sceleratos huiusmodi Ministros  
ad Tribunal Sacrum deferre, ne sceleris redarguantur.

alieni, & quod reticent crimen, proprium faciant; nam  
 ut ait Macedonius ad Augustin. *Epist. 53. Certum est eos*  
*culpæ societate vinciri, qui cum impunitum esse volunt,*  
*qui culpæ tenetur obnoxius.* Tandem voluminis Auctor  
 sacri iura Tribunalis sacra testâ tueretur, dum rationum,  
 & auctoritatum pondere præmunis; & quæ contra repo-  
 ni possent, solida, & arguta subtilitate elidit, & invicta  
 dextra victrices præcidit lauros, quibus faustum, & sa-  
 lariferum Inquisitionis stemma redimitur. Sed his su-  
 persedeo, & multa quidem, & magna de tanti Magistri  
 doctoribus silentio premo; vereor enim, vel amicis, in  
 modestissimo Auctore supercilium. Quoad opus ipsum  
 attinet, liber iste tripertitus, funiculus mihi videtur tri-  
 plex, nulla temporum iniuria, aut detractorum livore  
 disrumpendus. Materiem continet gravem, utilem,  
 difficilem, quippè disserit ut sint sancta sanctè tractan-  
 da; & quia *casta placent superis*, teste vel Tibullo, in eos  
 invehit, stylumque vertit, qui ut Augustinus aiebat:  
*Sacramentum Numinis faciunt criminis*, homines nequâ,  
 & perditissimi: *Qui Curios simulant, & bacchanalia vi-*  
*vunt; Qui Cælum terris immiscunt, & mare Cælo;* qui libi-  
 dine incendunt quacumque incedunt; qui sacra procul-  
 cant, & suis commaculant concupiscentijs. Quo phar-  
 maca salubritèr instituta abeunt in animorum vulnera,  
 & secunda post naufragium tabula fit naufragij causa,  
 & salutis mysterium vergit in interitum, adeò detestan-  
 do facinore, ut referente Tacito, nec scelestissimus Ti-  
 berius rem haud ab similem in Anubidis mystis tulerit;  
 aut inuleam ire permiserit. His ergo malis mederi sata-  
 git volumen istud, quippè dum pericula obijcit, & præ-  
 nas sollicitantibus infligendas censer, à tantis eos piacu-  
 lis amover; nam ut canebat Poëta ille Anglicus: *Nemo*  
*cavenda timet, qui metuenda cavet.* Caveant igitur Sa-  
 cerdotes, ne pereant, & Augustinum sibi alloquentem

*Isa. 4.*

*Juvenal.  
Satur. 2.*

*Aug. serm.  
1. Dom. 2.*

audiant : Omnibus enim castitas pernecessaria est , sed  
maximè Ministris Christi , quorum vita aliorum debet  
esse eruditio, & assidua salutis prædicatio. Absit ergo ut  
tanti Præceptoris monentis negligamus verba, Dei, ho-  
minumque experturi verbera. Et ut munere, in præci-  
pientis obsequium , fungar censorio , librum accuratè  
volvi , exlex nihil reperi , neque aliquid , quod aut in  
legem peccarit , aut in Fidem ; singula enim , & bonis  
moribus, & orthodoxis respondent dogmatis. Imò quæ-  
que atrexit adeò sunt **perspicua** , ut iuxta vulgatam pa-  
ræmiam Delio natatore haud opus habeant, ita profun-  
da , ut ab alta veritatis fovea credideris eruta ; tam so-  
lida , & præclara , ut adamantis instar haud quaquam  
tenebrosos offucijs , aut mallei malè ferientis ictibus  
sint obnoxia. Quo perdoctum opus dijudico , & prælo  
dignum , & plausu. Cæsaraugustæ in Societatis IESV,  
Collegio, 14. Iunij anni 1692.

Orentius Ardanuy,  
è Societate IESV.

IMPRIMATUR.

Sanz de Vera, Gub. & V.G.

APPROBATIO D. RAPHAELIS MIRASSOL, ET CERESSO,  
in Universitate Cesaraugustana Sacrae Theologiae Doctoris,  
& in Metropolitana Sede Portionarij Penitentiarij.

**M**EDICVS mihi proponitur honorandus, magis quam approbandus, dum medicinam hanc tripartitam à RR. P. Fr. Iosepho Nuño Confessarijs præparatam, tot maturis consultationibus confectam, tot frequentibus experimentis probatam invenio. Coelesti sanè consilio opus hoc in salutem animarum conscriptum, ut iuxta æquissimam Sanctæ Inquisitionis stateram, appendantur aquæ, doctrinæ scilicet, in mensura, quod divinum resonat eloquium: *Qui fecit ventis pondus, & aquas appendit in mensura*, ne Confessarij circumferantur omni vento doctrinæ, ne varijs fluctibus hinc, inde, agitari, in profundum carcerem demergantur. Gratulari debemus longè doctissimo Auctori, qui dividens aquas ab aquis, eas quæ super firmamentum Sacri Tribunalis permanent, manifestat, alias quæ luto impunitæ obsecenitatis coinquantur, procul expellit: *Hominum natura* (ut ait elegantissimè D. Laurentius Iustinianus) *cum sit corruptibilis carnis indumento vestita, originalisque delicti colluvione sœdata, quandiu peregrinatur à Domino semper est proclivis ad malum, in virtutum censura instabilis, ad casum facilis, sepiissimè namque concupiscit noxia, abhorret vitia, perniciose amplectitur, labenti inheres, umbramque insequitur, veritate contempta*. Quot Confessarij sicut in virtutum censura, ita & in sententiarum discussione instabiles, concupiscentes noxia, abhorrentes vitia, perniciose amplectentes, labentibus inherentes, confugientes ad umbram huius, vel illius sententiæ excusantis à denunciatione, crimen sollicitationis fortasè perperarunt? Spes evadendi supplicium provocabat ad facinus.

Job 18. 25.

D. Laur.  
Iustin. lib.  
de obedientia, c. 26.

cinus, ignaros æquissimæ praxis Sanctæ Inquisitionis,  
 & dicentes in corde suo: non requiret; idè hic oculatissi- Psalm. 9.  
 mus Auctor, qui virgam vigilantem quotidie videt, in  
 integerrimo Fidei Senatu, docet, & monet Confessarios  
 Ezechielis gerens officium, qui loquens de viro illo  
 magno, ait: *Et funiculus in manu eius, & calamus mensu- Ezechiel.  
cap. 40.*  
 ræ. Iustissimum Sancti Officij Tribunal funiculum mē-  
 sorium habet in manu, & calamum mensuræ. Temerè  
 errant, qui iudicant huius, vel illius Auctoris liberi ca-  
 lamo, denunciationem, & pūitionem in Sancto Officio  
 mensurandam. Plurimum huic medicinæ tripartitæ de-  
 bemus, quæ docet nos omnium Auctorum calamos,  
 iuxta mensuram huius calami, vel sequi, vel abijcere.  
 Exactissimè personam Medici agit, qui pondus in pilu-  
 lis observat, & in potionibus, ne Confessarij ex Medicis  
 fiant infirmi, ex Iudicibus Rei, ex Pastoribus lupi, ex  
 Custodibus prædones. Saluberrimum est opus, sapien-  
 tia, & utilitate conspicuum, animarum saluti, sicut &  
 Auctoris instituto congruentissimum, *quoniam solum S. Lauren.  
Instit. de  
instituti.  
& regim.  
Prætor.  
cap. 18.*  
 Deus illud approbat opus, quod de radice intelligit assur-  
 gere charitatis, ait D. Laurentius Iustinianus, ut Religio-  
 nis Minimorum stemmata, quæ charitas sunt, in hoc  
 volumine maximè resplendeant, quia ex eodem Iusti-  
 niano. *Effundere utique doctrinam, effundere charitatem.*  
 Nec Regijs decretis quidquam dissonum inveni; sic  
 sentio obtemperans iussui Perillustri D. D. D. Bartho-  
 lomæi Perez de Nuevos, à Consilijs Catholicæ Maie-  
 statis, & Generalis Gubernationis Assessoris. Cæsaraug-  
 ustæ die 26. Maij anno 1692.

D. Rapbael Mirassol, & Cereffo.

IMPRIMATUR.

Perez de Nuevos, Assessor

CEN.

CENSURÆ RR. PP. Fr. FRANCISCI A PAULA,  
 Lectoris Iubilati, Inquisitionis Aragoniæ Qualificatoris,  
 Archiepiscopatus Cæsaraugustani Examinatoris Synodalis,  
 Aragoniæ Provinciæ Ordinis Minimorum Provincialis;  
 & Fr. Petri Tbañez, eiusdem Ordinis Lectoris Iubi-  
 lati, Regis Catholici Concionatoris, & eiusdem  
 Provinciæ Ex Provincialis.

**C**VM Maximus Imperator Constantinus Pius  
 circa editionem sacrorum librorum studium  
 adhiberet, suas commissionis litteras misit ad  
 Provinciale Iudicem Provinciæ Palestinæ,  
 ut ille faceret quidquid ipse fecisset, quod totum notum  
 fecit Eusebio Cæsariensi sua Imperiali Epistola: (1)  
 Quod visum est nostræ voluntati, decuit nos tuæ notum fa-  
 cere sapientiæ. Directæ sunt enim litteræ nostræ ad Pro-  
 vinciale Iudicem, quatenus omnia confectioni librorum ne-  
 cessaria præbere cures. Ut enim citius codices conscripti  
 conficiantur erit opus diligentiae tuæ. Quæ sanè verba  
 commendationem magis quam approbationem inclu-  
 dunt, sic tanti Imperatoris sequens augusta vestigia ze-  
 lo, religione, & pietate nulli secundus R.R. P.N. Fr. Ber-  
 nardinus à Fuscato, totius Sacri Ordinis Minimorum  
 P.N. Francisci de Paula Supremus Corrector Genera-  
 lis Apostolicus dixerit suæ commissionis litteras ad me  
 in hac Religiosissima Aragonum Provincia Provincia-  
 lem Iudicem, ut opus quidem cunctis vtilissimum, &  
 valdè necessarium, cui titulus est: *Medicina moralis tri-*  
*partita à contagio sollicitationis comprehensa in Diploma-*  
*tibus Pontificijs & à denunciatione in Sancto Officio Inqui-*  
*sitionis Confessorio tutius præservans;* Auctore R. Adm.  
 P. Fr. Iosepho Nuño, nostri Ordinis Lectore Iubilato,  
 Sanctæ Inquisitionis Qualificatore, & Iudice Ordinario,  
 Archiepiscopatus Cæsaraugustani Synodali Examina-  
 tore,

(1) *Casiodor. lib. 2. cap. 16.*



tore, huiusque Provinciae Ex Provinciali, & pro nunc  
 Definitore, inter radiantes calculos miro, & eleganti  
 modo contextum, meo precedente iudicio, se omnium  
 oculis legendum obijcere possit. In quo (ut meo muneri  
 satisficiam) licet tacere velim Auctoris diligentiam in  
 scrutandis Sacrae Paginae sententijs, Summorum Pon-  
 tificum Oraculis, Conciliorum Decretis, Sanctorumq;  
 Patrum doctrinis, quibus Medicina hæc superabundat:  
*Dedit namque ei Dominus spiritum sapientiae, & in omni-  
 bus intellectum.* Quomodo mirari desinam claram eius  
 solertiam, qua res admodum difficiles, parumque tri-  
 tas, ita perspicuas, exploratasque reddit, *divisa à tene-  
 bris luce*, ut iam cunctis possint esse meridiana luce cla-  
 riora, nullis involuta tegumētis? Rectè namque appel-  
 latur *Medicina*, si enim in illa Hierosolymitana Pisci-  
 na, (2) *ubi iacebat multitudo languentium post motionem* (2) *Ioan.*  
*aquæ factam à medicina Dei Angelo; nempe, Raphaelè,* cap. 5.  
*iuxta communem sententiam, sani fiebant qui in Piscinam*  
*descendissent.* Sic postquam motæ sunt aquæ sapientiæ,  
 & doctrinæ in hac *Medicina morali*, Auctore vices An-  
 geli gerente, Confessor qui in illam se totum immisse-  
 rit à contagio sollicitationis proculdubiò præservatus  
 existet. Præsertim cum omnia quæ circa hoc sparsa  
 erant per multos, in vnum collecta teneat, tam firmissi-  
 mis conclusionibus stabilitis, solidis fundamentis in-  
 nixis, magnoque Doctorum calculo comprobatis, ut ad (3) *S. Hiero-  
 10. yn lib.*  
*ita studendum est brevitati, ut nullam damnum fiat intel-* *comment.*  
*ligentiæ.* (3) Cui consonat Seneca *de vita Beata:* (4) *in Isaiam.*  
*Onerat discitem turba non instruit: multoque satius est* (4) *Seneca*  
*paucis te Auctoribus tradere, quam errare per multos.* *de vita*  
*Quapropter ut medicamina hæc profint ad medelam,* *beata, lib.*  
*suaderi debeo Confessarijs omnibus Erasmi verbis:* (5) *unic. c. 9.*  
*Si vis esse liber ab omnibus vitijs, & nullius mali tibi* (5) *Eraf.*  
*cons.* *mus Rot.*  
*in proam.*  
*lib 4. Ca-*  
*ronis.*

(6) *Trism.  
in prafat.  
ad Chrift.  
hom. in-  
fit.*

(7) *Rodol.  
Agric. in  
epift. ad  
Ioann.  
Agric.*

(8) *Apoc.  
22. v. 6.*

*confcius vivere, hæc femper habeas præ manibus: in quibus invenies, in quo de ipfo Magiftro poffis uti; nam ut ipfe Erasmus alibi commendans Chriftiani hominis institutum, ait: (6) Quæ nunc leges Sanctæ Ecclesiæ fant oracula, quæ tutò fequi poffis; perindè fic lege ut rem feriam; & ut in tanti operis excellentiam, noftramque exindè utilitatem finem imponam, non proprio, fed eruditiffimi viri Rodolphi Agricolæ utar testimonio: (7) Oportet nos certa quædam, & ad manum depofita vitæ habere præcepta quæ omnes noftras, velut ad filum, dirigant actiones, quorumque tenax infixa mentibus noftris memoria, rectè nos limitem egredi, ubique vetet: hic liber aptus, vel maximè ad hanc rem, atque accommodatus mihi videtur. Sicque mea eft fententia, quam citiùs poffit, luce potiatur publica, ut radijs fuæ doctrinæ ignorantia tenebras depellat, & luceat omnibus hominibus: cui etiam, iufta proportionè fervata, applicari poteft illud Apocalypfi: (8) Hæc verba fideliffima fant, & vera, & Beatus qui legerit, & cuftodierit verba libri huius. Salvo femper, &c. In hoc S. Mariæ Vitricis Cæfarauguftano Conventu, die 24. menfis Maij anni 1692.*

*Fr. Francifcus de Paula.*

**E**X commiffione Reverendiffimi P. N. Fr. Bernardini à Fulcaldo, Ordinis Minimorum Generalis Apostolicus, vidi, & vo'uptate perlegi opus infcriptum: *Medicina moralis tripartita à contagio follicitationis comprehenfæ in Diplomatus Pontificijs, & à denunciatione in Sancto Officio Confefarios tutiùs præfervans; cuius Auctor eft R. Adm. P. Fr. Iofephus Nuño, Lector Iubilatus, & Tribunalis Inquifitionis Aragoniæ Qualificator, & Ordinarius, Archiepifcopatus Cæfarauguftani Exami-*

nator Synodalis, & huius Provinciae Aragoniae Ex Provincialis: opus sanè egregium, eruditum, utilissimumq; de quo possum sine radio prædicare, quod de Claudio Mamerto Sydonius Appollinaris. scripsit: *Sensit ut Pythagoras, dividit ut Socrates, explicat ut Plato, implicat ut Aristoteles, ut Demosthenes irascitur, vernat ut Horatius, incitat ut Curio, suadet ut Cato, persuadet ut Tullius.* Estque in eo claritas, & utilitas, & potest applicari Auctori sententia Senecæ lib. 10. *Ede quamplurimum, quam celerrimè unde, ut tuo nomini celebritas, & nostris temporibus claritas, & studiosis omnibus parias utilitas.* Nihil in eo invenitur dissonum fidei, & bonis moribus. Sic sentio, &c. In hoc Conventu Cæsaraugustano die 25. Maij anni 1692.

**Fr. Petrus Ibáñez,**

I. loco | Sigilli.

## LICENTIA ORDINIS.

**F**RATER Bernardinus à Fuscaldo, totius Sacri Minimorum Ordinis S. Francisci de Paula Corrector Generalis Apostolicus, Cum R. Admod. P. Fr. Iosephus Nuño, nostri Instituti Lector Iubilatus, & Inquisitionis Aragoniæ Qualificator, & Ordinarius, Examinator Synodalis, ac Provinciæ nostræ Aragoniæ proximè Provincialis præteritus, & ad præsens Definitor, profunda litterarum eruditione, & peculiari religiosa virtute apud nos summo perè commendetur, ut librum huiusmodi præsignatum titulo, nempe: *Medicina moralis tripartita à contagio sollicitationis comprehensa in Diplomate Pontificijs, & à denuncatione in Sancta Officiali inquisitionis Confessarios tutius præservans*, quem diligenti studio, ac indefesso labore præclare elucubravit, prælo committere, ac in lucem mandare possit, licentiam eidemmet præsentium vigore litterarum concedimus, dummodò à RR. Adm. PP. Lectoribus Iubilatis Fr. Francisco de Paula, eiusdem Provinciæ Aragoniæ Provinciali, & S. Inquisitionis Qualificatore, & Fr. Petro Ybañez, olim prænunciatæ Provinciæ Provinciali, Regioq; Concionatore prælegatur, examinetur, & approbetur. In quorum fidem, &c. Dat. in hoc nostro S. Andree de Frattis Romano Conventu die 3. Ianuarij anni 1692.

Fr. Bernardinus à Fuscaldo,  
Minimus Generalis Apostolicus.

Loco † Sigilli.

De mandato Reverendissimi P. N. Generalis.  
Fr. Iosephus Gusch, Collega Hispanus, & Secr.

AD

# AD LECTOREM.

**S**TIMVLOS mibi ad scribendum admovit (benigne Lector) ardens erudiendi te desiderium integerrima S. Officij praxi præconceptum, & per sexdecim annorum spatium non ignaviter enutritum. Salubris est materia huius libri, gratis (ut spero) oculis excipienda, cuius fundamentum altitudo consilij, & supra eminentiam decisionum S. Inquisitionis erectum, sibi vendicat illud Davidis, *Psalm. 86. Fundamenta eius in montibus Sanctis.* Nec mea mens erat ab hoc opere incipere, sed commiseratione ductus cursum inflecto, dum hisce temporibus videmus, quod in suis diebus plangebar doctissimus Inquisitor D. D. Ioannes Escobar del Corro, crescente sollicitudine Confessariorum copia. Ego sanè animo revolvens, oculis cernens lavacrum hoc Sacramenti Pœnitentiæ tot spurcitijs pollutum, iterum, atque iterum cum Ieremia flevi, dum in Ecclesia hisce annis, eadem mihi, atque illi causa ante oculos ob-servatur, *cap. 1. & 4. Thren. Omnes porte eius destructæ, Sacerdotes eius gementes, virgines eius squalide... Quomodo obscuratum est aurum, mutatus est color optimus, dispersi sunt lapides Sanctuarij.* &c. Utinam Deus effrænem concupiscentiæ flammam, quæ ad usque rivos aquarum Sacramentalium percingit, extinguat. Nec parùm luxuriantem Confessariorum iuvit audaciam, ignorantia praxis S. Inquisitionis, & aliquorum Doctorum in opinando licentia. Quærelam hanc elegantè adductus iam Dominus Inquisitor expressit dum in suo Prologo hæc scribit: *Hoc tamen argumentum, vel nimis sejunè tractarunt, vel suis placitis ita rem totam laxarunt, potius ut videantur audaciam, quam terrorem huius facis Auctoribus obtulisse, nimirum dum limitant valde denunciandi obligationem, dum sceleris ipsius minuunt gravitatem.* Ad levandum igitur aliquorum mærorem, & nutantes aliorum sententias confirmandas, pluribus opus hoc visum est necessarium, cum in hac via quasi cæcus gradiatur, qui lucis expertus, nec de praxi

praxi Tribunalis Fidei certior factus, periculosius Incedit. Licet enim Sacrum hoc Tribunal in absconditis suis resolutionibus, & modo procedendi similitum sit libro quē vidit Ioannes *cap. 5. Apocalyp.* multis signato sigillis, cuius apertionem lachrymarum amaritudo precedit, necesse est, ut aliquando solvat Agnus signacula eius, ad abstergendas lachrymas seniorum qui Confessarii sunt, & eorum oculos illuminandos. Ideoque ad hoc nostri Regni Aragonum Tribunal congruentius spectat, librum istum tot sigillis zelatum aperire, quia in sanguine Agni fundatum est, dum eius Primus Inquilitor S. Petrus de Arbues in defensionem Fidei, niveas Canonicatus infulas purpuratas suo sanguine reliquit hac in Ecclesia Metropolitana, cuius insigne, sicut & Lucretia est Agnus. Plurima reperies bona in hoc tractatu, quia ex Auctoribus probati iudicii collecta, & quod proprio labore partum expono, accuratè didici in gravissima huius Senatus Scholâ. Methodum observo perspicuam, ne aliquorum captum Confessariorum prætervolet, quia omnia quæ in hoc tractatu sunt, omnibus esse volo. Sub tua censura prodeunt in lucem. & si qui sunt defectus, indulge, quia calamum arripui zelo, publicæ utilitatis accensus; si tamen foelicibus tuæ probationis auspicijs hoc opus excipitur, aliud aggrediar valdè proficuum his, qui pro Beneficijs Curatis adipiscendis quotidie in litterarijs certaminibus versantur. Vale.

#### ERRATA CORRIGENDA.

Pag. 9. n. 6. vbi teneur, corrige *tenentur*. Pag. 12. vbi habetur Confessarijs, lege *Confessarii*. Pag. 38. n. 71 vbi iurisdictionem Episcopalem, lege *iurisdiclio Episcopalis*. Pag. 64. n. 128. vbi utrumque, lege *utramque*. Pag. 81. n. 163. vbi ab, lege *ad*. Pag. 105. n. 215. vbi mortali, lege *mortali*. Pag. 111. n. 225. vbi eadem, lege *eandem*. Pag. 116. n. 237. vbi qui, lege *quia*. Pag. 174. n. 29. vbi donorandi, lege *dehonorandi*. Pag. 183. vbi confessionis, lege *confessionis*. Pag. 199. num. 63. vbi inviscere, & iste, lege *invisere, & ista*. Pag. 230. n. 152. vbi sunt, lege *sint*. Pag. 270. vbi de peccatis, lege *à peccatis*. Pag. 272. vbi sollicitans, lege *sollicitantes*. Pag. 307. n. 33. vbi ex, lege *est*. Pag. 331. n. 385. vbi in loco electo, lege *locum electum*. Pag. 367. n. 469. vbi exarata, lege *uxurata*. Pag. 386. n. 2. vbi poenitenti sollicitato, lege *poenitentem sollicitatum*. Pag. 418. n. 96. vbi apponitur, lege *opponitur*. Pag. 436. n. 114. vbi homicidum, lege *homicidam*. Adverto, quod vbi in 3 p. ponitur post paginam 472. pag. 471. 472. 473. 474. 475. 476. 477. 478. esse legendum 473. 474. 475. 476. 477. 478. 479. 480.

PARS

TRACTATUS TRIPARTITVS  
DE  
CONFESSARIIS  
SOLICITANTIBVS.  
PARS PRIMA.

Prooemium.



**I**NRE optimo Summi Pontifices speciali  
vigilantia, tanquam primi Patres, &  
Pastores Ecclesie gregem Domini cu-  
stodientes contra Confessarios sollicitan-  
tes, qui sub ovili pelle, & prætextu ad-  
ministrandi Sacramentum Poenitentiae  
tanquam lupi oves catholicas dilace-  
rant, varia diplomata Pontificia edide-  
runt, & præcipue Gregorius XV. Bullam contra prædictos  
confessarios expedivit, in qua omnino viam porrigendi loco  
panis venenum, occludit. Intantum non solum Gregorij XV.  
sed etiam aliorum Pontificum fuit, ut confessarius arceatur à  
tam enormi crimine ne loco panis porrigat venenum, & ex  
Patre spiritali proditor execrabilis animarum reddatur: &  
Sacerdotes ex suo officio sancti, sanctè Sacramentum Poeni-



*De Confessarijs sollicitantibus.*  
tentiæ tractent, & ne illud Sacrum Lavacrum obsecnitatibus polluat.

2 Ut autem timore penarum à tam gravi crimine liberentur, Summi Pastores pro qualitate huius delicti varias penas taxarunt, ut constat ex Diplomate Pij IV. expedito anno 1561. die 16. Aprilis. Idem Statuerunt Paulus IV. Paulus V. & Clemens VIII. & hic ad puniendum hoc delictum iurisdictionem privativam concessit Tribunali Sanctæ Inquisitionis quo ad Prælatos Regulares. Sed quia non obstantibus his, & alijs prohibitionibus, hoc crimen sollicitationis quotidie sub certis cautelis, & prætextibus criticum seminatum in agro Domini per suos operarios primos suffocabat; Gregorius XV. per Bullam quæ incipit: *Univerſi Domini gregis*, die 30. Augusti, anno 1622. Totaliter erradicavit cizaniam; siquidem in illa non solum determinat puniendos esse Confessarios sollicitantes in confessione, vel immediate ante, vel post, sed etiam si Confessarij ad hoc crimen perpetrandum sollicitent non solum inter se, sed etiam cum alijs, vel occasione, vel prætextu confessionis, etiam ipsa confessione non sequuta, sive extra occasionem confessionis in confessionali, aut in loco quocumque ubi confessiones Sacramentales audiuntur, seu ad confessionem audiendam electo, simulantes ibidem confessiones audire; aut cum eis illicitos Sermones, vel tractatus habuerint.

3 Ad omnia dubia occurrit Summus Pastor, & pro enormitate delicti taxat gravissimas pœnas, & ne in futurum dubium oriatur de pœnis imponendis sollicitantibus, & de modo contra eosdem procedendi, delictum, pœnas, & probationes sygillatim declarat, & ne occultum hoc crimen maneat, Confessarijs omnibus mandat, ut moneant pœniteres ab alijs Confessarijs sollicitatos de obligatione denunciandi sollicitantes, etsi contrarium consulerint, vel docuerint, ipsi Confessarij non monentes per DD. Inquisitores puniantur. Publicatis his constitutionibus circa intelligentiam, & mentem Summorum Pontificum, & præcipue Bullæ Gregorij XVI. Doctores varia docuerunt, ex quibus contra intentum Docto-

tum



rum malitia humana in perniciem Populi Christiani enormia delicta perpetravit. Ad talia crimina erradicanda Supremum Consilium Inquisitionis Hispaniæ, iuxta mentem Pontificis, & litteram Gregorianæ Bullæ, pro delictis poenas taxavit absque consideratione ad laxa placita aliquorum Doctorum fixis oculis in Constitutionibus Pontificijs.

4. Ut autem à crimine tam enormi, non solum denigrativo Confessarij; sed retractivo poenitentium à sanctissimo lavacro poenitentiae, Confessarij fugiant administrando Sanguinem Christi sincerè, & sanctè, opiniones secundum praxim, & stylum Sanctæ Inquisitionis in hoc tractatu amplectar, & si aliqua contra eius stylum, & saniorè intelligentiâ doceam, moneo Lectores, ne illa sequantur: ut autem aliqua principaliora præ oculis habeantur in toto hoc tractatu, primo de verbo ad verbum Decretum Gregorij XV. ad cuius terminos omnia Decreta aliorum Pontificum reducuntur, referam, & postea ante divissionem huius tractatus quæstionem Proemiale exagitarò, ex cuius decisione veritas huius tractatus clarè constabit.

BULLA GREGORII XV.

CONTRA CONFESSARIOS SOLICITANTES  
in confessionibus.

GREGORIUS PAPA XV. AD PERPETUAM REI MEMORIAM.

**V**Niversi Dominici Gregis curam, quamquam immeriti, celestis dispositione gerentes, sedulo invigilare tenemur, ut ab omnibus pravis contagijs conservetur immunis, uniusque maiori studio providere, ut omnis pestis, ab ijs avertatur, quibus alius sanandi officium est commissum, ne quod Evangelica scripta nos admonent sale inferna, eo non sit in quo salietur, & ad nihilum profluit vitæ, nisi ut mittatur foras, & conculcetur ab hominibus. Quoniam autem à Romanis Pontificibus Præcessoribus nostris, quibusdam in lo-

cis provissum fuit, ut impium, ac nefandum scelus, quod non solum inter Christi Fideles non esse, sed nec etiam nominari debet, procul ab ijs arceatur, videlicet ut aliquis Sacerdos ad Sacras audiendas Confessiones deputatus, Sacrosancto Pœnitentiæ Sacramento, sollicitando Penitentes ad turpia abuteretur, ac pro medicina venenum, pro pane aspidem porrigat, & ex Coelesti Medico infernalis beneticus, ex Patre Spirituali proditor execrabilis animarum reddatur: idcirco nos ea, quæ his perniciosissimis diaboli insidijs arcendis certis locis salubriter constituta sunt, ut nullibi desiderentur, quantum ex alto conceditur, providendum duximus. Alias siquidem à fel. record. Pio Papa IV. Prædecessore nostro emanarunt Litteræ thenoris subsequenter, videlicet Pius Papa IV. Venerabili Fratri Archiepiscopo Hispalensi, in Regnis Hispaniarum Hæreticæ Pravitatis Inquisitori Generali. Cum sicut nuper, non sine animi nostri molestia, accepimus diverſi Sacerdotes in Regnis Hispaniarum, atque etiam in eorum Civitatibus, & Diocessibus Curam Animarum habentes, sive eam pro alijs exercentes, aut alias audiendis confessionibus pœnitentium deputati in tantam proruperint iniquitatem, ut Sacramento Pœnitentiæ in actum audiendi confessiones abutantur, nec illi, & qui id instituit Domino Deo, & Salvatori nostro Iesu Christo iniuriam facere vereantur, mulieres videlicet penitentes ad actus inhonestos, dum earum audiunt confessiones alliciendo, & provocando, seu allicere, & provocare tentando, & procurando, ac loco earum per Sacramentum huiusmodi Creatori nostro reconciliationis graviori peccatorum moleſtas onerando, & in manibus diaboli tradendo, in Divinæ Maiestatis offensam, & animarum perniciem, Christi fidejium scandalum non modicum. Nos in animum inducere nequeunt, quod qui de fide Catholica rectè sentiunt, Sacramenti in Ecclesia Dei instituti abutantur, aut illi iniuriam faciant, fraternitati tuæ, de cuius eximâ pietate, virtute, atque doctrinâ plurimum in Domino confidimus; per præſentes committimus, & mandamus, quatenus per te, vel per alijs,

seu alios à te deputandum, seu deputandos, contra omnes, & singulos Sacerdotes dictorum Regnorum, ac illarum Civitatum, & Diocesium, de præmissis quomodolibet diffamatos, tam Sæculares, quàm quorumvis etiam exemptorum, ac Sedi Apostolicæ immediatè subiectorum Ordinum Regulares, cuiuscumque Dignitatis, status, gradus, Ordinis, conditionis, & præheminentiæ existant, tam super præmissis, quàm super Fide Catholica, & quid de ea sentiant, diligenter inquiras, & iuxta facultatum tibi contra Hæreticos, aut de Hæresi quovis modo suspectos à Sede Apostolica concessarum continentiam, & tenorem procedas, ac culpabiles repertos, iuxta excessuum suorum qualitates, prout iuris fuerit, punias eos, etiā si, & prout de iure fuerit faciendum, devota præcedente degradatione Sæcularis Iudicis arbitrio puniēdos tradendo. Non obstantibus Constitutionibus, & Ordinationibus Apostolicis, ac Ecclesiarum, & Monasteriorum, necnon Ordinum quorūlibet, quorum ipsi Sacerdotes, fuerint etiam iuramento confirmatione Apostolica, vel quavis firmitate alia roboratis, Statutis, & consuetudinibus, Privilegijs quoque Indultis, & Litteris Apostolicis sub quibuscūq; tenoribus, & formis, ac cum quibusvis clausulis, & decretis, etiam Motu proprio, aut alias quomodolibet concessis etiam iteratis vicibus approbatis, & innovatis. Quibus omnibus, eorum tenores præsentibus pro expressis habentes, hac vice dumtaxat specialitè, & expressè derogamus, ceterisque contrarijs quibuscumque. Dat. Romæ apud Sanctum Petrum, sub Annullo Piscatoris, die 16. Aprilis, anno 1561. Pontificatus nostri anno 2. Igiture, ut Litteræ prædictæ perpetuis futuris temporibus, & ubique locorum inviolabiliter observentur Motu proprio, & ex certa scientia, ac matura deliberatione nostra, ac de consilio Venerabilium Fratrum nostrorum S. R. E. Cardinalium contra Hæreticam Pravitatem Generalium Inquisitorum, præinsertas Litteras huiusmodi, ac omnia, & singula in eis contenta Apostolica Auctoritate, tenore præsentium approbamus, & confirmamus, illisque omnibus, & singulis inviolabilis Apostolicæ firmitatis robur adjicimus; illaque non solum in prædictis

Regnis Hispaniarum, sed in quibuscumque Christiani Orbis partibus, firmiter, & inviolabiliter observari precipimus, & mandamus. Ac præterea, ne in futurum de pena ijs delinquentibus imponenda, & modo contra eosdem procedendi ab aliquo dubitari possit. Statuimus, decernimus, & declaramus, quod omnes, & singuli Sacerdotes, tam Sæculares, quam quorumvis, etiam quomodolibet exemptorum, ac Sedi Apostolicæ immediatè subiectorum Ordinum, Institutorum, Societatum, & Congregationum Regulares, cuiuscumque Dignitatis, & Preæminentiz, aut quovis privilegio muniti existant, qui personas, quæcumque illæ sint, ad inhonesta, sive inter se, sive cū alijs quomodolibet perpetranda in Actu Sacramentalis Confessionis, sive ante, vel post immediatè, seu occasione, vel prætextu Confessionis huiusmodi, etiā ipsa Confessione nō sequata, sive extra occasionem Confessionis in Cōfessionali, aut in loco quocumque ubi Cōfessiones Sacraméntales audiantur, seu ad Confessionem audiendam electo, simulantes ibidem Confessiones audire, sollicitare, vel provocare tentaverint, aut cum eis illicitos, & inhonestos Sermones, sive tractatus habuerint, in Officio Sanctæ Inquisitionis severissimè, ut infra puniantur. Et præterea omnes Hæreticæ Pravitatis Inquisitores, & Locorum Ordinarios omnium Regnorum, Provinciarum, Civitatum, Dominiorum, & Locorum Vniversi Orbis Christiani in suis, quemque Diocessibus, & Territorijs per has nostras Litteras etiam privativè quoad omnes alios specialitèr, ac perpetuò Iudices delegamus, ut super his contra prædictos simul, vel separatim in omnibus, prout in causis Fidei iuxta Sacrorum Canonum formam, necnon Officij Inquisitionis huiusmodi Constitutiones, Privilegia, Consuetudines, & Decreta diligentèr inquireant, & procedant, & quos in aliquo ex huiusmodi nefarijs excessibus culpabiles repererint, in eos pro criminū qualitate, & circumstantijs, suspensionis ab executione Ordinis, privationis Beneficiorum, Dignitatum, & Officiorū quorumcumque, ac perpetuæ inhabilitatis ad illa, necnon vocis activæ, & passivæ, si Regulares fuerint, exilij, damnationis ad terretres, & car-



ceres etiam in perpetuum absque vlla spe gratiæ, aliâsque penas decernant: eos quoque si pro delicti enormitate graviores poenas meruerint devota præcedente degradatione Curiaæ Sæculari puniendos tradant. Dantes etiam facultatem Venerabilibus Fratribus nostris S. R. E. Cardinalibus, Generalibus Inquisitoribus, ne delictum tam enorme, & Ecclesiæ Dei, tam perniciosum remaneat ob probationum defectum impunitum, (cum difficilis sit probationis) testibus etiam singularibus, concurrentibus præsumptionibus, indicijs, & alijs adminiculis delictum probatum esse arbitrio suo iudicandi, & Curiaæ Sæculari ut præfertur, reum tradendum esse pronuntiandi. Non obstantibus omnibus, quæ dictus Prædecessor in suis Litteris prædictis voluit non obstare, cæterisque contrarijs quibuscumque. Mandantes omnibus Confessarijs, ut suos poenitentes, quos noverint fuisse ab alijs, ut supra sollicitatos, moneant de obligatione denunciandi sollicitantes, seu, ut præfertur, tractantes, Inquisitoribus, seu locorum Ordinarijs prædictis, quod si hoc Officium prætermiserint, vel poenitentes docuerint non teneri ad denunciandum Confessarios sollicitantes, seu tractantes, ut supra; iidem locorum Ordinarij, & Inquisitores illos pro modo culpæ punire non negligant. Volumus autem, ut præsentium transumptis, etiam impressis manu alicuius Notarij Publici subscriptis, & sigillo alicuius personæ in Dignitate Ecclesiastica constitutæ munitis eadem prorsus Fides in iudicio, & extra ubique habeatur, quæ præsentibus haberetur, si forent exhibitæ, vel ostensæ, quodque eadem præsentibus Litteræ, seu illarum exempla ad Balbas Basilicarum Sancti Ioannis Lateranensis, ac Principis Apostolorum de Urbe, & in acie Campi Floræ affixæ omnes ita ærteret, & afficiant, ac si unicuique personaliter intimatæ fuissent. Dat. Romæ apud Sanctam Mariam Maiorem sub Annullo Piscatoris, Die 30. Augusti, Anni 1622. Pontificatus nostri anno 2.

*S. Card. S. Sussanne.*

**A**Nno à Nativitate D. N. Iesu Christi millesimo sexcentesimo vigesimo secundo, indictione quinta, die vero prima mensis Septembris, Pontificatus Sanctissimi in Christo Patris, & D. N. D. Gregorij, Divina Providentia Papæ XV. Anno eius secundo, retroverscripta constitutio, sive Litteræ Apostolicæ affixæ fuerunt ab Balbas Sancti Iohannis Lateranensis, & Principis Apostolorum Basilicarum de Vrbe, & in Acre Campi Floræ, ut moris est per me Brandimartem Latinum Apostolicum Cursorem.

*Octavius Spada Mag. Cursum.*

**QVÆSTIO UNICA PROÆMIALIS**  
*an sufficiat probabilitas Doctrinæ ut Confessorius liberetur à pœnis taxatis contra sollicitantes.*

**P**Lura sub titulo involvuntur, ex quorum decisione, quæstionis reolutio pender, & acquiescentia aliquarum difficultatum, quas his temporibus non sine fundamento plures graves Magistri excitarunt, cum videant puniri in Sancto Officio delicta, quæ secundum mentem Doctorum non infamæ notæ. in Bullijs contra sollicitantes non comprehenduntur, & ut menti horum satisfaciam prius aliqua supponam, & postea difficultati satisfaciam, pro quo sit.

**§. I.**

*Aliqua supponuntur.*

**7** **S**uppono primo, quod præter propositiones damnatas à Supremis Ecclesiæ Pastoribus, nulla alia opinio est censuranda, quæ contròvertitur inter Catholicos, donec aliena damnetur ab Ecclesiâ. Ita determinavit sub præcepto Sanctæ Obedientiæ formalis Sanctissimus Dominus noster Inno-

cencius Papa XI. felic. recordationis in decreto, quo damnavit 65. propositiones die 2. Martij anni 1679. ex quo infert Pater Cardenas, explicando contra Caramuel primam propositionem damnatam, quod in Summo Pontifice est auctoritas damnandi propositiones probabiles; quia probabilitas est perfectio amissibilis, quæ potestas, vel auctoritas est reservata Sedi Apostolicæ, & ita illam Innocentius XI. referavit. Quare quando Tribunal Sanctæ Inquisitionis aliquem librum prohibet; quod est probabile non facit improbabile, sed declarat continere propositiones scandalosas, erroneas, improbables; temerarias, &c. quia huiusmodi propositiones contentas in illo volumine iudicat coincidere cum alijs propositionibus damnatis à Sede Apostolica.

8 Suppono secundo: iuxta damnationem tertiæ propositionis Innocentij XI. in praxi opinionem tenuæ probabilitatis sequendā non esse; hoc est, ut explicat Cardenas prudenter operari non possumus amplectendo opinionem, de cuius probabilitate graves Doctores dubitant, exempli gratia: est opinio probabilis, quod Religiosi professi non initiati ordine sacro in Religione addicti ad chorū, horas canonicas extra chorum recitare non tenetur. Sed quia graves Auctores iudicant hanc sententiam probabilem non esse, nam Reginaldus *lib. 18. num. 4.* illam temerariam vocat; Sanchez *lib. 7. conf. cap. 2. d. 3. num. 6.* non probabilem, Diana *part. 6. tract. 8. resol. 12.* prorsus improbandam; post talem damnationem talis opinio ad praxim deducenda non est; siquidem est dubium de eius probabilitate; ac per consequens ad summum solum probabilitate tenui gaudere potest.

9 Ex quo notabili infertur, quod si in alijs materijs in praxi opinio probabilitatis tenuæ sequenda non est, multò minus in hoc crimine sollicitationis, cum non sit singulare peccatum tantum, sed pestis grassans in univērsas oves Christi; huius farinæ sunt plures opiniones in hoc Tractatu referendæ, & sufficiat nunc exempli gratia vnam adducere, quæ vti-  
nam tam frequenter non reduceretur ad praxim. Est opinio

aliquorum Doctorum pœnitentem ad confessarium denuntiandum non teneri, illo in sollicitationem consentiente, quâ sententiam suo in loco referam, & impugnabo: hæc opinio est tenuæ probabilitatis; quia de probabilitate huius opinionis cum maximo fundamento gravissimi Magistri dubitant: quare hodie nulla est controversia, hoc genus probabilitatis insufficiens esse, ut confessarius immunis à pœnistaxatis in Bullis contra sollicitantes evadat.

10 Quod enim vertitur in dubium est; an quando pro parte Confessarij est opinio certò probabilis liberans illum à crimine sollicitationis contentæ in Bullis, & contra illum est alia sententia contradictoriè opposita primæ in favorem animarum, Confessarius cum prima liberetur à pœnis taxatis in Bullis contra sollicitantes? Quia ab hoc puncto pendet vnicè meum morivum scribendi, ne Confessarij fissi in probabilitate opinionum tam enorme delictum committant, & incidant in manus Sancti Officij cum magno scandalo pusillorum; exemplum maximè controversum his temporibus apponam. Valdè plausibilis est sententiâ defensans, quod sollicitare in Confessionario extra occasionē confessionis sine simulatione non est casus comprehensus in Bulla Gregoriana, ad cuius terminos alia diplomata Pontificia, & decreta Sacræ Congregationis reducuntur. Ista sententia est probabilior saltem extrinsicè, quàm contraria, quia pro illa, ut postea suo loco referam, sunt plûsqvam viginti & quatuor Auctores, & pro contraria ad summum sex; quod ergo inquiretur est, an qui hoc modo sollicitavit fissus in huius sententiæ probabilitate, liberetur ab incarcerationatione in Sancto Officio, & à pœnis contra sollicitantes stabilitis immunis red-

datur? Resolvo nunc quæstionem; pro quo sit.



**§. 11.**

*Deciditur Questio.*

**S**IT conclusio: non est sufficiens probabilitas favens Confessario in crimine sollicitationis circa iurisdictionem, ut à pœnis taxatis in diplomatibus Pontificijs liberetur, si sit contra stylum procedendi in Sancto Officio. Hæc conclusio sub his terminis singularis apparet, sed in praxi est communis non solum in Sancto Officio, sed etiam in omnibus Tribunalibus Ecclesiasticis, & secularibus. Quod sit communis modus procedendi in omnibus Tribunalibus cognoscere de criminibus secundum sententiam probabilem circa iurisdictionem, referunt Thomas Hurtado *tom. 2. resol. moral. tract. 3. cap. 6. resol. 44.* Sanchez *lib. 1. in Decalog. cap. 9. num. 46.* Vazquez *1. 2. disp. 64. num. 5.* Probatum primo conclusio: quia ut asserunt Fagundez *in præcept. 2. Eccles. lib. 8. cap. 8. num. 38.* Diana *part. 1. tract. 11. resol. 27. ad 3. argum.* & Thomas Hurtado *loco citato tract. 5. cap. 6. à num. 1452.* stylus, & praxis Tribunalis Sanctæ Inquisitionis fundatur in vnius sententiæ probabilitate absque eo, quod contrariæ probabilitatem tollat: ergo stat bene, quod sit opinio probabilis liberans Confessarium à pœnis latis contra sollicitantes, & quod sit stylus, & praxis Tribunalis procedendi sequendo contrariam sententiam, ac per consequens, quod confessarius sollicitans per Tribunal puniatur.

12 Confirmatur; nam iuxta Bullas Clementis VIII. *expeditas an. 1596. & 1599.* DD. Inquisitores debent iudicare secundum id, quod habent de iure communi, vel de consuetudine, etsi contrarium faciunt munus officij non implent: ergo si est opinio favens Confessario, & consuetudo, & stylus iudicandi in Sancto Officio in contraria sententia fundatur, iuxta istam tenentur DD. Inquisitores iudicare reum.

13 Dices, si hoc est verum, sequitur, quod aliquando sententia probabilior reddatur improbabilis. Probatum sequelas

suppono, quod sententia favens reo sit probabilior, & contraria minus probabilis, & quod stylus, & praxis Tribunalis sit iudicare secundum sententiam condemnantem reum; in hoc casu non reducitur ad praxim, nisi sententia minus probabilis: ergo sententia probabilior redditur saltem practice improbabilis; cumque istæ sententiæ frequenter sint practicae, sententia probabilior per stylum Tribunalis manet inanis, & improbabilis. Thomas Hurtado occurrit huic objectioni num. 1454. dicendo, verum esse, hoc multoties contingere, ut patet in sententia defensante, Confessarium sollicitantem in Confessionali non esse reum Bullæ Gregorianæ simulationis abest, quæ est contra praxim Inquisitionis; sed tunc talis sententia est probabilior speculative, & practice in foro conscientia, non practice in ordine ad forum externum; quia praxis huius Tribunalis fundatur in probabilitate contrariæ sententiæ, quin tolrat probabilitatem alterius.

14 Ex quibus deducitur aliqua observatio pro Confessarijs consulentibus denuntiationem feminae sollicitata, quam omnes debent commendare memoriæ in hoc, & similibus casibus, qui quotidie se offerunt; quia aliud est ius iudicandi in Tribunali, & ius consulendi in foro conscientia, ut optimè advertit Thomas Hurtado loco citato num. 1456. Vbi hæc habet verba: *Verum est, quod Theologi dum consilium dant pro foro conscientia non semper tenentur illud dare secundum praxim receptam in Tribunali, sed possunt sequi opinionem oppositam.* Citat Granado, Geballos, & Henriquez. Et ego addo, quod semper, & quando talis casus se offert Confessarij consulentes ne resolvant repente, sed videant Auctores, & Bullas, & communicent de licentia poenitentis casum cum Theologis versatis in materijs pertinentibus ad Sanctum Officium, attendendo ad tertiam propositionem damnatam ab Innocencio XI. nam si in dando consilio sequuntur opinionem probabilitatis tenuæ, possunt contra illos procedere D D. Inquisitores secundum tenorem Bullæ Gregorij XV. & decreti Alexandrij VII. in quibus Confessariis non

monentes de obligatione denunciandi subijciuntur iurisdictioni Tribunalis Sancti Officii.

15 Ostenditur secundo nostra conclusio; nam Consilium generale fidei Romæ, & in Hispania non ponit in numero cum Tribunali Summi Pontificis, a quo habet potestatem, sicut Tribunal Vicarij Generalis, & Episcopi non distinguuntur, sed hoc non obstanti Consilium generale Romæ, & Consilium generale, & Supremum Hispaniæ iuxta variam praxim, & stylum diverso modo procedunt in condemnandis reis, & sic Sacerdotem sollicitantem, & cum qui contraxit viuas nuptias vivente prima vxore, Romæ facit adiurare de vehementi, & in Hispania de levi; ergo probabilitas favens Confessario non sufficit, ut evadat pœnas contra sollicitantes, si contrariatur stylo Tribunalis.

16 Tertiò probatur conclusio efficacissimè. Quamvis Innocencius XI. damnet propositionem defensantem non esse illicitum in Sacramentis conferendis sequi opinionem probabilem de valore Sacramenti relicta tutiore, & iurisdictione in Sacerdote ad absolvendū ad lineam valoris Sacramenti Pœnitentiæ pertineat; nihilominus, ut refert Pater Cardenas, explicando primam propositionem, plures Doctores gravissimi docent, Sacerdotem validè posse absolvere pœnitentem sequendo opinionem certò probabilem de iurisdictione, relicta tutiore, & præcipua ratio est, quia consuetudo dat iurisdictionem, & est consuetudo in Ecclesia absolvendi sequendo opinionem certò probabilem: ergo si est consuetudo, & praxis in Sancto Officio iudicandi de sollicitatione Confessarij iuxta opinionem probabilem, etiamsi sit in favorem Rei alia opinio certò probabilis, Confessarius non relevatur à pœnis latis contra sollicitantes in Bullis, quia per consuetudinem iudicandi secundum sententiam contrariam D. D. Inquisitores habent iurisdictionem certam contra talem Confessarium.

17 Quarto probatur conclusio alia instantia: ut refert Carena *part. 1. de Episcopis titul. 4. num. 11.* etiam si sit tutior sen-

sententia secundum Farinat. *quæst.* 136. *num.* 56. & *segg.* quod Inquisitores sine Episcopo non possunt ferre sententiam absolutoriam, nihilominus si in aliqua Inquisitione practicatur sententia contraria, hæc est sequenda : ergo quia DD. Inquisitores tenentur iudicare, iuxta stylum Tribunalis etiam si praxis inquisitionis non fundetur in opinione probabiliori, vel tutiori : quare optime dicit Thomas Hurtado loco citato *num.* 1455. quod quamvis opinio in qua fundatur praxis Tribunalis non sit probabilior, sed opposita favēs reo, tamen nullus iuste conqueri potest si iuxta praxim suam inquisitio ipsum puniat : ergo non sufficit probabilitas favens Confessario, si stylus inquisitionis sequatur opinionem contrariam condemnantem, ut à pœnis contentis in Bullis contra Confessarios sollicitantes huiusmodi Confessarius liberetur : ne ergo deveniant Confessarij ad Tribunal Sanctæ Inquisitionis non confidant in probabilitate opinionum, quæ criminosis potius favent, quam animabus.

18 Confirmatur ex alia doctrina erudite ponderata à Patre Salelles *tom.* 1. *de mat. inq.* *lib.* 1. *cap.* 16. *reg.* 127. Licet graves Doctores teneant, quod Inquisitores possunt cognoscere de abusu Sacramenti Poenitentiae non solum in rebus venereis, sed etiam circa furtum, & homicidium, &c. taliter quod hæc facultas ex iure communi eis competat, citatque pro hac sententia Peñam, Castrum à Palao, & alios, quia huiusmodi abutentes sunt suspecti in fide; tamen quia in multis Tribunalibus deest consuetudo procedendi contra tales delinquentes, & ipse testatur de Tribunali Melitensi; in his Inquisitionibus, nec tales delinquentes incarcerantur, nec contra illos admittitur denuntiatio; idemque traddit de abusu aliorum Sacramentorum, ut Baptismi, Extremæ unctionis, Matrimonij, &c. in re venerea, & tenent Acuña Freitas, Sanchez in select. Castrus à Palao citati per Salellem *num.* 17. ergo in puniendis delictis ad consuetudinem, & praxim Tribunal Sanctæ Inquisitionis attendit: ergo si praxis stat pro punitione parum refert, quod sit sententia certo probabilis in favorem Confessarij sollicitantis.

Pro-



19 Probatur ultimo ab inconvenienti. Suppono, quod Confessarius enormia crimina in materia venerea committeret in confessionali extra occasionem confessionis absque simulatione: nunc sic; est sententia certò probabilis defensans non pertinere ad Tribunal Sanctæ Inquisitionis punire huiusmodi Confessarium; est enim alia sententia cum æquali probabilitate ad illud pertinere; si enim esset sequenda opinio favens Confessario, hoc delictum impunitum maneret, quia ex vna parte Tribunal Sanctæ Inquisitionis hoc delictum punire non posset; ex alia parte si Prælati de hoc crimine cognoscere vellet, Confessarius allegare posset non pertinere ad suam iurisdictionem, quia est sententia defensans talium criminum punitionem ad Tribunal Sanctæ Inquisitionis pertinere: ergo ne talia crimina impunita maneant, ad stylum, & praxim Tribunalium recurrendum est: ergo si praxis Sanctæ Inquisitionis fundatur in opinione probabilis de cognitione talis sollicitationis; parum refert quod sit opinio certo probabilis in favorem Confessarii sollicitantis, consequenterque, ut Confessarius sollicitans per DD. Inquisitores non puniatur, non sufficit opinio probabilis in favorem illius.

§. III.

*Argumenta militantis contra conclusionem solvantur.*

20 **A**rgues 1. ex reg. 11. de regulis iuris in 6. *Cum sunt partium iura obscura reo favendum est potius, quam alicui;* sed quando est sententia favens Confessario reo, & Tribunali Sanctæ Inquisitionis, est obscurum, an Confessarius debeat puniri, ut sollicitans, vel non: ergo favendum est Confessario stando pro opinione illi favente: ergo si adest probabilitas, quod non est sollicitatio comprehensa in Bulla DD. Inquisitores tenentur iudicare secundum talem sententiam.

21 Varijs modis potest occurri huic obiectioni. 1. secundum sententiam D. Ioann. Escobar à Corto *tom. 2. part. 2. quest. 2. de iure, vel præcepto denunciandi*, qui distinguit inter opinionem circa ius, & circa factum, & dicit quod si opinio est circa ius potest sequi à Iudice etiam si contraria sit probabilior; sed hoc non habet locum quando sententia versatur circa factum; nam in hoc casu opinio est circa iura partium, & iniuria sequeretur pronuntiando contra habentem melius probatam suam intentionem; ex qua probatione sequitur potiori iure esse ius istius, quam alterius; sicut etiam sequeretur iniuria contra reum iudicando in concursu parium probationum, ut discuntur Banez, Bonacina, Diana, Trullench, quos citat Escobar. Idem defensat Thomas Hurtado *tract. 3. cap. 6. resol. 44.* Citatque Thomam Sanchez, Valentiam, Sorem, Aragonium, Salonium, & alios. Secundum istam intelligentiam cum in casu argumenti dubium non sit circa factum, non est contra regulam allatam iuris punire talem Confessarium. Licet hæc responsio non careat solido fundamēto, secundum sententiam Reverendis. Magist. Lumbier Elianæ Familiæ stellæ fulgentissimæ in observatione 4. 2. propositionis coincidet cum secunda propositione damnata ab Innocentio XI.

22 2. Respondeo: quod quando DD. Inquisitores iudicant de sollicitatione secundum opinionem certo probabilem, etiamsi sit dubium speculativum, non autem est dubium practicum, nam licet opinio certo probabilis includat in propositione directa dubium; in reflexa autem per quam regulatur praxis, illud excludit, ideoque iudicare secundum sententiam certo probabilem, etiamsi non sit in favorem rei non est contra regulam iuris positam in argumento. Præterea, quia semper praxis Sanctæ Inquisitionis fundatur in opinione certo probabili, cum qua semper operatur cum omnimoda securitate formalis; nam ut discuntur Castus à Palao *tom. 1. disput. 2. punct. 2. num. 3.* & citat Ioannem Sanchez: Omnes opiniones probabiles sunt æqualiter securæ formaliter, quod intel-

Intelligo de opinionibus certò probabilibus; ac per consequens possunt cum omnimoda securitate hodie reduci ad praxim; excepto in valore Sacramenti circa materiam, & formam; nam in materia, & forma Sacramentorum non solum desideratur securitas formalis; sed etiam materialis, quia si materialitèr, vel à parte rei non est instituta illa materia, vel forma à Christo D. parum refert, quod opiniones propugnantes pro illis sint certò probabiles.

23 Argues 2. Tribunal Christi specialitèr resplendet in Tribunali Sanctæ Inquisitionis; nam in hoc ad imitationem illius iustitiæ, & pax osculatæ sunt; ideòque Sancta Inquisitio condecoratur ense, & ramo olivarum pro armis, symbolum iustitiæ, & misericordiæ; sed in Tribunali Christi si reus affert in sui favorem sententiam certò probabilem iuxta illam à Ministro Christi iudicatur: ergo idem fieri debet in Tribunali Sanctæ Inquisitionis; etiam si pro reo sit sententia minùs probabilis; dummodò non sit tenuæ probabilitatis.

24 Confirmatur idem assumptum: etiam si post damnationem Innocentij XI. Iudex non possit iudicare secundum sententiam minùs probabilem in causis civilibus; non ita est in criminalibus, ut discurrit Reverendissimus Lumbier loco citato num. 96. itaq; si est sententia favens reo, quavis sit minùs probabilis iuxta illam Iudex potest ferre sententiam: imò addit Pater Cardenas supra secundam propositionem *differt. 3 cap. 2. art. 3. num. 31.* quod in hoc calu licet secundum propositionem directam Iudex sequatur opinionem minùs probabilem, secundum reflexam, in qua consistit ultimum iudicium ad operationes regulandas, opinionem probabiliorè aplectitur, quia ferè est communis opinio, quæ docet in causis criminalibus esse sequendam opinionem faventem reo, etiam si talis opinio sit minùs probabilis; sed punire Confessarios in Sancto Officio, & non solum punire, sed tantum incarcerare ex causis criminalibus criminalior est; ideòque cum summa maturitate, & prævio Consilio Su-



premi Senatus procedunt DD. Inquisitores ad incarcerationem, si non timeatur fuga, quia non solum punicio, sed etiam incarceration est maxime denigrativa rei, ut Pater Salelles in diversis locis ponderat: ergo si est sententia certo probabilis, quod sollicitatio non est comprehensa in Bullis; iuxta illam debent DD. Inquisitores iudicare.

25 Antequam respondeam ad argumentum non possum omittere doctrinam Thomæ Hurtado, quæ aperte contrariatur cum illis, quæ tradidit idem Auctor locis citatis in resolutione quæstionis; nam in *tract. 4. cap. 8. resol. 62. §. 3. num. 877*. Stat pro doctrina posita in argumento, siquidem defensat non polle DD. Inquisitores procedere contra Confessarios sollicitantes, si circa sollicitationem sunt opiniones oppositæ, scilicet an sollicitatio sit comprehensa in Bulla, vel non; siquidem præcipue *num. 1452. & seqq.* defensat sty- lum, & praxim Sanctæ Inquisitionis fundari an probabilitate unius sententiæ, et si stylus Tribunalis sit iudicare secundum illam non possunt rectè procedere sequendo contrariam sententiam, ideòque *num. 1456.* etiam citato idem repetit: ergo aperte est sibi contrarius tradendo doctrinam positam in argumento in citata resolutione.

26 Respondeo nunc ad argumentum: esse maximam disparitatem inter Tribunal Christi, & Sanctæ Inquisitionis; licet in his duobus sit maxima affinitas; nam Tribunal Christi est ad absolvendum, & Tribunal Sanctæ Inquisitionis multoties cum poenitentibus salutaribus absolvit, ut faciat cum illis, qui spontè nullis indicijs præventi integrè, & sincerè fateantur sua crimina, etiamque habet similitudinem maximum cum Christi Tribunali, nam sicut istud principale est institutum in favorem animarum, ita & illud. Discriminatur autem in eo, quod Tribunal Christi est pro foro interno, ideòque ad absolvendum, ad emendationem, & doctorem de præteritis criminibus solùm attendit; ac verò Tribunal Sanctæ Inquisitionis pro foro externo institutum est; & hac ratione non solum attendit ad emendationem, sed



etiam ad punitionem, ut ceteri timeant; ideòque si crimen est iuridicè probatum, cum sententia probabili de iurisdictione DD. Inquisitores, ut dixi, non solum possunt, sed etiam debet iudicare, si praxis Sancti Officij habet consuetudinem iudicandi secundum illam sententiam, etiam si sit in favorem rei sententia contraria probabilior, quod omnia Tribunalia Secularia, & Ecclesiastica observant; quia si est sententia certò probabilis pro iurisdictione, & consuetudo iudicandi secundum illam, cum consuetudo iurisdictionem certò tribuat, sequendo talem opinionem abique periculo procedunt.

27. Ad confirmationem ex dictis facillimo negotio respondetur: sed ut firmiori fundamento alia argumenta, quæ possunt fieri contra nostram resolutionem diluantur est maxime memoriæ commendandum, quod alia est probabilitas facti, & alia iurisdictionis: verum enim est, quod si est probabilitas facti in favorem rei, taliter quod Auctores classici iudicent factum, vel delictum non esse legitime probatum secundum dispositionem iuris, tunc tenentur iudices sequi opinionem faventem reo; siquidem verificatur regula iuris posita in argumento 1. *Cum partium iura, &c.* Sed quando delictum est legitime probatum, vel per testes, vel per Confessionem rei, & est probabilitas certa de iurisdictione pro vno Tribunali, si tunc tale Tribunal habeat consuetudinem iudicandi, & condemnandi talem reum, non solum potest iudicare de illo delicto, sed tenetur iudicare.

28. Roboratur hæc doctrina cum stylo aliorum Tribunalium; nonne Tribunal seculare in pluribus casibus solum cum sententia probabili, quam plures Theologi iudicant improbabilem, vel tenuæ probabilitatis, cognoscit de causis Ecclesiasticis? Si hoc toleratur inoffenso pede, quare non possunt DD. Inquisitores iteni facere sequendo sententias certò probabiles, de quarum probabilitate nullus cordatus vir, si fundamenta meditetur, potest dubitare? Ergo stat be-

nè, quod sit sententia certò probabilis defensans delictum sollicitationis non esse comprehensum in Bullis, & aliunde sit alia sententia affirmativa contra reum, & quod DD. Inquisitores sequendo istam, vt sollicitantem puniant Confessarium, quia sequuntur opinionem faventem iurisdictioni.

19 Ex quibus Colligo DD. Inquisitores iudicando secundum sententiam certò probabilem in causis pertinentibus ad suam iurisdictionem prudentissimè operari, quia procedunt secundum praxim, & consuetudinem omnium Tribunalium, etsi Tribunalia solùm iudicare possent de rebus pertinentibus ad suam iurisdictionem absque controversia, vix aliquem condemnarent; ac per consequens delicta enormia manerent impunita. Hoc suadetur a paritate; si enim præcipiendo secundum sententiam probabilem optimè præcipit superior, & subditus tenetur obedire, etiam si iudicio speculativo contrarium sentiat, vt tenent Clavis Regia, Navarro, Valencia, Turrianus, Layman, Paleotus, Vazquez, Corduba, Salas, & alij, quos citat, & sequitur Thomas Hurtado tom. 1. *resol. moral. tract. 2. cap. 5. num. 139.* quare non potest rectè iudicare sequendo opinionem probabilem circa iurisdictionem, dummodo non sit tenuæ probabilitatis? Maneat ergo decium non sufficere opinionem certò probabilem defensantein, sollicitationem factam à Confessario non esse comprehensam in Bullis, vt talis Confessarius liberetur à penis, latis contra sollicitantes, si praxis Inquisitionis in iudicando de hoc delicto fundatur in sententia contraria certò probabili. Ne autem Confessarij fissi in probabilitate opinionum incidant in manus Sancti Officij defectu cognitionis, sequar in toto hoc tractatu opiniones, quas intelligo observari secundum stylum Sancti Officij.

( . ? . )

QVÆSTIO I.

*An Bulla Gregorij XV. sit recepta in Hispania.*

30 **V**T omnia cum claritate intelligantur, omnes meas resolutiones principalitèr reducam ad terminos Bullæ Gregorij XV. quia licet alia diplomata Põtificia sint in viridi observantia, in dicta Bulla comprehenduntur omnia, quæ sunt dispersa in Constitutionibus antecedentibus; vt autem omnia rectè, & clarè procedant, totum Tractatum in tres dividam partes. In 1. dissolvam difficultates pertinentes ad iurisdictionem DD. Inquisitorum circa cognitionem huius criminis, ad personas subiectas Tribunali Inquisitionis, ad obligationem denunciandi Confessarios sollicitantes, & vltimo loco ponam duas propositiones damnatas ab Alexandro VII. In secunda agam de omnibus delictis sollicitationis comprehenditis in Bulla Gregoriana. In tertia autem de obligatione monendi pœnitentes sollicitatos, vt denuntient Confessarios sollicitantes, de pœnis contentis in Bulla Gregoriana contra prædictos Confessarios sollicitantes, & de modo probandi hoc delictum, & procedendi in Sancto Tribunali, vt autem circa receptionem Bullæ Gregorij XV. in Hispania nullum sit dubium, prius resolvā propositam quæstionem.

*§. vnicus. Resolvitur Quæstio.*

31 **H**ÆC quæstio fuit controversa ab Auctoribus tempore, quo pauci habebant notitiam huius Bullæ promulgationis: idèoque Doctissimis Castrus à Palao *tom. I. tract. 4. disp. 9. punct. 1. num. 9.* affirmat hanc Bullam non esse in Hispania receptam ab Inquisitoribus, & addit, quòd ita illi retulit Doctor D. Isidorus de San Vicente Inquisitor

Cæ-



Cæsar-Augustanus vir p. us, doctus, & in materijs Inquisitionis satis veritatus.

32 Fundamentum ad hoc stabiliendum est, quia in Bulla Gregoriana in cognitione de crimine sollicitationis sunt æquales Inquisitores, & Ordinarij Locorum: ergo non receperunt hanc Bullam Inquisitores Hispaniæ, quia in hac parte derogat iurisdictioni Inquisitorum concessæ a Pio IV. & à Clemente VIII. ut privativè ipsi Inquisitores cognoscant de hoc crimine. Præterea, quia hæc Bulla parum, vel nihil extendebat iurisdictionem Inquisitorum, nam Inquisitores Hispaniæ propter identitatem rationis iurisdictionem sibi concessam a Pio IV. contra sollicitantes feminas, etiam ad viros sollicitatos extendebant, sicut iurisdictionem concessam ad puniendam sodomiam extendunt ad bestialitatem: ex alia parte Inquisitionis iurdictio limitatur, quia conceditur per dictam Bullam Ordinarijs Locorum iurdictio, quare si esset recepta dicta Bulla, hæc facultas non esset privativa, sed cumulativa; aliunde videmus, quod Inquisitiones Hispaniæ in hac materia cognoscunt privativè, taliter quod separatim non intromittuntur Ordinarij: ergo quia hæc Bulla Gregoriana non est recepta in Tribunali Sanctæ Inquisitionis.

33 Sic conclusio Bulla Gregorij XV. est publicata, & recepta in Hispania ab omnibus Inquisitionibus. De hac conclusione non potest hodie dubitari, quia omnibus annis publicatur in edictis, & ulterius sic referunt graves Doctores. Pater Hieronymus Trimarchius ex nostra Minimerum Religione citatus per Ægydium Trullench *tom. 1. in Præcep. Decal. lib. 1. cap. 3. dub. 18. num. 4. in fine*, & Diana 1. *part. tractat. 4. resol. 25.* afferunt, quod prædicta Bulla fuit Panormi promulgata per DD. Inquisitores, *die 10. Martij an. 1614.* & ne aliquis dubitaret de promulgatione D. D. Andreas Pacheco Inquisitor Generalis per epistolam Missam ad omnes Inquisitores *Martij subscriptam die 6. Septembris anno 1614.* & postea D. D. Antonius de Sotomaior in edictis promulgarum.

di-

dictam Bullam, & nunc omnibus annis publicatur.

34 Idem constat, nam vt refert idem Ægydij Trulench loco citato Urbanus VIII. mandavit scribere litteras die 3. Octobris anno 1626. per Eminentiſſimum Cardinalem Milinum Ordinarijs, seu eorum Vicarijs Generalibus, vt cunctis Sacerdotibus Regularibus, & Sæcularibus in actu approbationis ad audiendas confessiones legatur Constitutio Gregorij XV. ita refert noster Trimarchius in suo tract. de Confessore abutente disp. 1. sect. 5. num. 12. & postea narrat num. 15. decrevisse eundem Urbanum VIII. quod singulis annis feria 6. post octavam Assumptionis Beatæ Mariæ Virginis superiores regulares sub pœna privationis vocis activæ, & passivæ ipso facto incurrendæ in publica mensa, seu capitulo ad hoc specialiter convocato, & in quolibet Capitulo Generali, vel Provinciali, seu Conventuali, legantur Constitutiones Apostolicæ pertinentes ad Officium Inquisitionis, quod inviolabiliter in nostra Religione observatur, & credo, quod in omnibus, & inter alias Constitutiones legitur ista Gregoriana: ergo quodd sit recepta hodiè non potest verti in dubium.

35 Quamvis autem receptio Bullæ Gregorianæ sit tam notoria, vt aliqui liberent pœnitentes ab obligatione denuntiandi, sequendo sententiam Castri à Palao, dicunt, quod talis Bulla non est in usu, quia alias semina sollicitata posset denunciare Confessarij, & sollicitantē coram Ordinario; siquidem conceditur in dicta Bulla, vt simul, vel separatim de hoc crimine Ordinarij, & Inquisitores cognoscant; sed omnibus annis præcipitur sub excommunicatione, quod tales denuntiationes fiant coram Inquisitoribus, ergo quia hæc Bulla, vel nō est recepta in Inquisitionibus Hispaniæ, vel non est in usu. Audivi aliquos doctos verbaliter defendere, quod vi prædicti decreti Gregorij XV. semina sollicitata satisfaceret, si denuntice Confessarium sollicitantem coram Ordinario, & vt istæ voces non transcant ad praxim, sic secunda questio.



## QVÆSTIO II.

*An ex hoc novo indulto Gregorij XV. valeant Ordinarij de crimine sollicitationis separatim cognoscere.*

## §. I.

*Aliqua supponuntur, & deditur questio.*

36. **S**Vpposito quod hæc Bulla Gregoriana est recepta in Hispania, est maxima difficultas circa illa verba: *Et præterea omnes Inquisitores, & locorum ordinarij super his contra predictos simul, vel separatim in Omnibus, &c.* Quare Trullench *dub. 18. citato* dicit, quod licet Bulla Gregorij XV. sit recepta in Hispania, ex parte qua concedit Ordinarijs facultatem cognoscendi in crimine sollicitationis, nullomodo est recepta, imo per contrarium vsum abrogata; quare quod dubitatur in presenti est; an in Regnis Hispaniæ ex hoc novo indulto valeant Ordinarij de crimine sollicitationis separatim cognoscere, & iudicare?

37. Vt autem hæc gravissima quæstio cum fundamento decidatur, suppono primo; quod ante Constitutiones Pauli IV. Pij IV. & Clementis VIII. Inquisitores minimè valebant cognoscere de crimine sollicitationis. Ita Lodovicus à Paramo *de origine Sanctæ Inquisitionis lib. 3. quest. 10. nu. 92.* Vnde olim Episcopi sibi hunc casum reservare cõsueverunt, vt refert Graff. *de varijs Episcopis de casib. reservat. lib. 2. cap. 12. num. 8. & seqq.*

38. Suppono secundo, post dictas Bullas DD. Inquisitores ante Bullam Gregorij XV. absque controversia cognovissent de hoc crimine, eo modo quo cognoscebant de alijs causis hæresis, vel de delictis generantibus suspicionem in fide cum interventu Ordinarij. Ita Sanctarellus *de hæresi cap. 44. dub. 5. num. 1. Freitas in addit. quest. 2.* sed tales Bullæ solum

hæ-

habent locum in Hispaniarum Inquisitionibus, quia solum ad istas fuerunt directæ.

39 Suppono tertio, quod etiam si inter Doctores post Bullam Gregorianam punctum propositum sit valdè controversum nihilominus inoffenso pede in Inquisitionibus Hispaniæ nihil est innovatum, & de nostra Aragoniæ Inquisitione attestare possum, in qua tanquam Ordinarius Illustrissimi D. Archiepiscopi Cæsar-Augustani simul cum DD. Inquisitoribus de hoc sollicitationis crimine cognovi, & iudicavi.

40 Suppono quarto, Bullam Gregorij XV. confirmasse Constitutionem Pij IV. illamque extendisse ad omnes Christiani orbis partes, & simul ampliavit iurisdictionem DD. Inquisitorum ad huiusmodi delicti punitionem; ut constat ex tenore Bullæ; quare Bulla Gregorij XV. est directæ ad omnes partes, ubi Christiana religio viget, idèdque incipit: *Vni-versi Domini gregis*. His suppositis.

41 Prima sententia docet, ex hoc novo decreto Gregorij XV. posse Ordinarios iudicare de crimine sollicitationis separatim ab Inquisitoribus; hanc sententiam defensant Diana 1. part. tract. 4. de denuntiis. resol. 29. quamvis postea mutaverit sententiam, ut videbimus §. seqq. Peirinis tom. 2. de privileg. Minim. Constit. 4. Gregorij XV. §. 6. num. 20. Fagundez ad 2. Ecclesiæ præceptum lib. 4. cap. 3 & seqq.

42 Sit conclusio: in Regnis Hispaniæ non possunt iudicare Ordinarij de hoc crimine sollicitationis separatim ab Inquisitoribus ex indulto, vel Constitutione Gregorij XV. Pro hac sententia sunt plures gravissimi Auctores, & præcipuè Escobar à Corro tom. 2. part. 2. de Confessarijs sollicitantibus quest. 2. §. 1. de præcepto denunciandi. Diana 4. part. tract. 5. de Confessarijs sollicit. resolut. 53. Trullench loco citato, Thomas Hurtado tom. 1. resolut. moral. tract. 4. de Confessarijs sollicit. cap. 8. resolut. 10. à num. 98. & alij citati ab his Auctoribus. In favorem huius assertionis primò stat praxis Inquisitionum Hispaniarum; nam absque controversia cum Ordinarijs, post dictam Bullam Gregorianam, cognos-

cum, & indicant de crimine sollicitationis, & si aliquando ad Episcopos hoc enorme delictum delatum est, isti remittunt negotium, vel delationem ad Tribunal Sanctæ Inquisitionis.

43 Secundò probatur; quia in Regnis Hispaniæ, in quibus adest Inquisitio, ex consuetudine, & privilegio Pontificio Episcopi sine Inquisitoribus cognoscere non possunt causas pertinentes ad fidem, & si fuerint delatæ tales causæ ad illos, ipsi Ordinarij ad Inquisitores remittere tenentur, neque possunt reum incarcerare, si non timetur fuga. Ita referunt ex communi sententia Santarellus *tract. de heres. cap. 40. dub. 2. num. 15.* Molina *de iust. tom 5. tract. 5. disp. 28.* Barbosa *in Collectan. tom 3. lib. 5. tit. 2. cap. 17. num. 3.*

44 Hoc stabilito, sic arguitur: Constitutio Gregoriana Episcopis auctoritatem præbet, ut separatim de crimine sollicitationis possint inquirere; ut faciunt in causis fidei iuxta dispositionem Sacrorum Canonum; sed ut dictum est in Hispaniarum Regnis, ubi adest Inquisitio, Episcopi separatim, nec iudicare, nec inquirere possunt de causis fidei, sed simul cum Inquisitoribus: ergo neque separatim in casu sollicitationis inquirere, nec iudicare possunt; nam in dicta Constitutione non revocantur consuetudines, & privilegia Inquisitionibus Hispaniarum in contrarium concessa. Eodem modo discurret Antonius Sousa *in annot. ad Bullam Gregorij XV. num. 21.* in favorem huius Inquisitionis Lusitanæ, ubi erat idem privilegium, & praxis.

45 Tertiò roboratur conclusio; nam in eadem Bulla dicitur, quod sollicitantes *Severissime in Officio Sanctæ Inquisitionis, ut infra, puniantur*; ergo secundum Bullam, ubi adest Inquisitio, in illa cum assistentia Ordinarij, Sicut antea delictum sollicitationis puniri debet: ergo per dictam Bullam in Regnis Hispaniarum, in quibus adest Inquisitio, facultas puniendi sollicitantes semper est privativa, non autem cumulativa quo ad Ordinarios. Præterea, quia in dicta Bulla mul-



la fientio, vt dixi, derogationis privilegiorum, & consuetudinum Inquisitionis Hispaniæ; quod erat necessarium, vt Ordinarij separatim cognoscerent, vt tenent communiter Canonistæ.

46 Quartò probatur eadem conclusio; quia nostrum assertum constat ex declaratione per vivæ vocis oraculum Gregorij XV. quæ declaratio fuit intimata per D. Inquisitorem Generalem D. D. Andream Pacheco per epistolam Missam ad omnes Inquisitiones Hispaniæ latam *Matriti* 6. Septembris anni 1624. vbi hæc erant verba: *Que no ha sido su intencion, ni voluntad alterar en los tales Reynos el estilo, y costumbre, que los Inquisidores tenían de proceder privativamente contra los solicitantes, y que en esto se guardasse el modo, y termino, que se avia tenido hasta el dia que se publicò el dicho Breve Apostolico.* Etiam est alia Epistola Consilij Sanctæ, & Generalis Inquisitionis Hispaniæ lata *Matriti* 19. Maij anno 1629. vbi loquendo de dicto Brevi Gregorij XV. ita statuit: *Consultado el Ilustrissimo Señor Cardenal, ha parecido, que se executen los casos que se ofrecieren, advirtiendo, que aunque en el suena, que se dà jurisdiccion acumulativamente al Santo Oficio, ha declarado su Santidad, que no se entienda esta acumulacion en las Inquisiciones de los Reynos de su Magestad; y si algun Ordinario se entremetiere à conocer del dicho delito, se inhibirà, dando luego aviso de ello al Consejo.* Idèdque Pater Molina tom. 6. de iust. & iure tract. 5. disp. 28. num. 13. hæc habet: *Postquam hæc scripsi accepi, litteras Apostolicas esse in Hispanijs, in quibus præcipitur, vt hæc Episcopi, & alij Ordinarij Inquisitoribus relinquunt, neque in eis se intromittant.* Quid elarius pro nostra conclusione?

## S. II.

*Occurritur fundamentis contrarijs, & aliqua cordialiter  
resolvuntur.*

47 **P**rimùm fundamentum contrariæ sententiæ potest sic proponi: Bulla Gregorij XV. loquitur absolutè de Episcopis, & Inquisitoribus omnium Regnorum Christiani Orbis; sed de illis dicit, quòd cognoscere, & inquirere possunt, de crimine sollicitationis simul, vel separatim: ergo etiam in Regnis Hispaniæ, ubi adest Inquisitio, Ordinarij habent facultatem per dictam Bullam inquirendi, & cognoscendi de crimine sollicitationis simul, vel separatim, quia ubi ius non distinguit, nec nos distinguere debemus.

48. Ut respondeas huic fundamento recole, quæ dixi in notabilibus, scilicet ante Bullam Gregorij XV. solos Inquisitores in Hispania facultatem privatam quoad Episcopos habere cognoscendi de crimine sollicitationis; hoc enim privilegium non derogatur per Bullam Gregorianam; imò potius illud confirmat; siquidem omnia contra in Bulla Pij IV. refert absque eo, quòd aliquid derogat, quare respondetur, quod Bulla Gregorij XV. in ordine ad cognoscendum de hoc crimine per Ordinarios separatim, loquitur (cū directa sit ad omnia Regna Catholica) de alijs Regnis, & Inquisitionibus, ubi talis consuetudo, & privilegium Papæ non adest, in quibus per dictam Bullam de crimine sollicitationis possunt Ordinarij extra Regna Hispaniæ simul, vel separatim cognoscere, etiam si sit Inquisitio.

49 Secundum fundamentum contra ultimum quòd dixi de epistolis D. Inquisitoris Generalis, & Consilij Supremi, sic proponitur: declaratio adducta à D. Inquisitore Generali, & à Supremo Consilio, hodie non subsistit, quia Urbanus VIII. in quodam motu proprio edito die 20. Decembris

anno

Anno 1631. de plenitudine potestatis derogavit omnia vivæ vocis oracula, etiam facta ad instantiam Regum, quamvis sint subscripta ab aliquo Eminentissimo Cardinali; sed privilegium allegatum, per vivæ vocis oraculum fuit concessum, ut constat ex tenore epistolarum: ergo hodie possunt cognoscere separatim Ordinarij, etiam in Hispania, de crimine sollicitationis per facultatem concessam in Bulla Gregoriana. Respondetur fuisse derogata omnia vivæ vocis oracula, quæ continebant novum privilegium, non autem ea, quæ erant declarationes Summorum Pontificum, & in hoc facto à Gregorio XV. ipse Summus Pontifex declarat iurisdictionem Inquisitorum in Hispania, & nullam de novo concedit.

50 Tercium fundamentum sic se habet: possunt Episcopi procedere separatim ab Inquisitoribus contra suspectos in fide, imò contra hæreticos, ut patet, *ex cap. per hoc, de heret. in 6.* ex quo capite inferunt gravissimi Doctores, ut Panormitanus, *in cap. ad abolendam de heret. cum Glossa, Silvester ver. Hæreticus, §. 2. num. 10. Simancas de Cathol. inst. tit. 25. num. 4.* iurisdictionem Inquisitorum Episcoporum iurisdictioni non præiudicare, quia conceditur cumulativè non autem privativè; sed crimen sollicitationis generat suspicionem in fide: ergo possunt Ordinarij procedere separatim ab Inquisitoribus contra Confessarios sollicitantes tanquam suspectos in fide.

51 Respondetur ad maiorem, in qua est tota v's argumenti cum distinctione: Episcopi possunt separatim cognoscere, & procedere contra suspectos de fide in terminis iuris communis concedenda est propositio; ex consuetudine, & privilegio Apostolico in Hispania, est neganda: hæc doctrina est Ludovici Molina *de iust. tract. 5. disp. 28. num. 13.* Videatur, quia ex suis rationibus constat, quam utiliter talis consuetudo fuit introducta in Hispania, & privilegium Pontificium concessum.

52 Potest pro sententia contraria addi hoc quartum fundamentum, ut constat ex quæstione præmiali, ut Iudices

cog-

cognoscant de aliquo crimine, vel causa sufficit probabilitas circa iurisdictionem; sed est probabile, ut constat ex con-  
 rat a sententia defensata à gravibus Auctoribus cum  
 fundamento in diplomate Pontificio, quod Ordinarij, sepa-  
 ratim ab Inquisitoribus, possunt cognoscere de crimine soli-  
 citationis: ergo sequendo illam possunt inquirere, & cog-  
 noscere contra sollicitantes separatim. Respondetur, non  
 sufficere, ut dixi in eadem questione proemiali, quod sit  
 opinio probabilis quomodocumque circa iurisdictionem,  
 sed ulterius requiritur consuetudo, & praxis procedendi in  
 tali Tribunali sequendo illam sententiam probabilem de  
 iurisdictione; & in hac materia praxis est in contrarium,  
 si quidem in omnibus Inquisitionibus Hispaniæ procedunt,  
 & inquirunt de hoc crimine DD. Inquisitores, & ad pronun-  
 tiandam sententiam contra sollicitantes simul Inquisitores, &  
 Ordinarius concurrunt.

§3. Inquiresian in Regnis, in quibus non adest Inquisi-  
 tio Hispanica, si Confessarius sollicitans, & femina sollici-  
 tata eodem tempore citentur ab Episcopo, & Inquisitoribus,  
 debeant comparere coram Inquisitoribus, vel Episcopo? Hoc  
 dubiolum moveo, quia meo videri illud inconsequenter re-  
 solvit Diana *loco citato, vers. Notandum est*; quia cum commu-  
 ni sententia fatetur, per Bullam Gregorij XV. Episcopos  
 habere iurisdictionem procedendi contra Confessarios so-  
 licitantes separatim in Regnis, in quibus non adest Inquisi-  
 tio Hispanica, & in hoc §. asserit, quod iurisdic-  
 tio Inquisitorum in hac parte est potentior, quia delegata à Summo  
 Pontifice, & Episcoporum Ordinaria: in quo involvitur  
 inconsequentia, quia per dictam Bullam sunt æquales In-  
 quisitores, & Ordinarij, ac per consequens habent ambo iu-  
 risdictionem delegatam. Quare iudico in talibus Regnis, ubi  
 non adest Inquisitio Hispanica, posse comparere coram Epis-  
 copo, vel coram Inquisitoribus, quia per dictam Bullam sunt  
 æquales, & aliundè sicut Inquisitores habent iurisdictionem  
 delegatam, & ordinariam, ita Episcopi.

54 Ex dictis in hac quaestione infero primo cum Escobar à Carro *pars. 3. de Confessarijs sollicitan. quest. 1. de ludi- cibus. in caus. sollicit. num. 8.* contra Fagundez *ad 2. preceptum Eccles. lib. 4. cap. 3. num. 45. & 47.* non excusari feminam sollicitatam ad denunciandum Confessarium Inquisitoribus propter denunciationem factam coram Ordinario in Hispania; nam licet Bulla Gregorij XV. sit recepta in Hispania, est cum ipsa declaratione ipsius Summi Pontificis; nempe quòd in Regnis, in quibus adest Inquisitio Hispanica, cognoscere de crimine sollicitationis, solum competit Inquisitoribus, non autem Ordinarijs separatim. Præterea, quia respectu Hispaniæ non est verbum in Bulla, quòd sonet derogationem huius facultatis, imò colligitur contrariù cum simul confirmet Bullam Pij IV. inquit Inquisitori Generali Hispaniæ facultas privativa cognoscendi de hoc crimine conceditur.

55 Inferitur secundò cum eodem Escobar *num. 9.* quòd si sollicitans, vel est absolutus, vel condemnatus ab Episcopo, post Constitutiones Apostolicas, possunt Inquisitores iterum cognoscere, & iudicare de tali crimine sollicitationis; nam cum hoc crimen generet suspicionem in fide administris de levi; ideòque facultas de illo cognoscendi privativè ad Inquisitores pertineat; etiam si talis Confessarius sit absolutus, vel condemnatus possunt Inquisitores illum reassumere, saltem ut illum cogant ad abjurationem de sevi.

56 Dices: ergo saltem in casu, in quo Confessarius sollicitans non esset suspectus in fide posset puniri ab Ordinario, & postea non esset remittendus ad Tribunal Sanctæ Inquisitionis. Probat, quia cessante præsumptione contra fidem, suspenditur iurisdictio Inquisitorum; sed in hoc casu cessat præsumptio: ergo talis sollicitans potest puniri ab Ordinario absque eo, quòd postea remittatur ad Inquisitores. Respondetur negando consequentiam, & maiorem illius probationis; nam licet ratio commissionis sit suspicio, commissio autem Pontificis absoluta est. Exque infert Mol-  
fe-



seius in *Summ. tom. 1. tract. 7. cap. 24. num. 45.* quòd si Confessarij solicitantes non sunt suspecti de hæresi (quòd solum in aliquo casu extraordinario potest contingere) ab Inquisitoribus pœnitentia salutaris sine abiuratione secundum qualitatem delicti imponi debet: ergo adhuc in casu, in quo non est suspicio de hæresi, facultas cognoscendi de hoc crimine privativè pertinet ad Tribunal Sanctæ Inquisitionis.

57 Infertur tertio ex doctrina tradita à Castro Palao 1. *part. tract. 4. disp. 8. punct. 13. de modo iudicandi in causis fidei* contra Pegnam in *direct. part. 3. comment. 97.* quòd si Episcopus absque Inquisitoribus, vel Inquisitores absque Episcopo, vel eius Vicario sententiam condemnatoriam contra solicitantes proferant est nulla; nam postquam in *Clementina 1. de heret. §. duro*, dixit Pontifex non posse Inquisitorem sine Ordinario, vel è contra, ad sententiam contra reos procedere, concludit: *Non valebit, etsi secus præsumptum fuerit irritum sit, & innane*, sed quòd irritum est, & innane nullum præstat effectum: ergo talis sententia erit nulla; imò propter hanc rationem, si postea coincideret in idem delictum, vel in hæresim abiuratam, si esset hæreticus, non esset puniendus ut relapsus.

### §. III.

*Aliqua dubiola connexa cum questione resolvuntur.*

58 **E**X ultimo corolario oritur primum dubiolum non contemnendum: supposito quòd Inquisitores sine Episcopo, nec Episcopus sine Inquisitoribus non possunt proferre sententiam contra solicitantes, quæ condemnatoria sit, an sententia diffinitiva absolutoria, vel interlocutoria, qua reus absolvitur à tortura, vel ab alio actu possit Inquisitores sine Episcopo, vel è contra proferre: certum est non posse fieri hoc in Hispania; nã in instructionibus particularibus datis Inquisitoribus disponitur, quòd Inquisi-  
tores

tores sine Ordinario non proferant tales sententias, & iuxta tales instructiones iurisdictio Inquisitoribus conceditur à D. Inquisitore Generali. De hoc stylo attestatur Simancas de Cathol. instit. tit. 3. rubric. de absol. num. 9. Difficultas maior est an attento iure communi ita fieri debeat? Azorius 1. part. lib. 8. cap. 18. quest. 16. dicit, debere fieri absolutionem cum concursu Inquisitorum, & Ordinarij, & vocat hanc sententiam tutiorem, & æquioram.

§ 59 Fundamentum principale est; quia antequam Inquisitor proferat contra reum sententiam debet Episcopum requirere, & inter se communicare processum, & videre, an reus sit condemnandus, vel absolvendus: ergo assistentia utriusque requiritur ad condemnandum, & absolvendum; aliàs si valida esset sententia diffinitiva, quando absolvitur reus, dissentiente Ordinario, vel è contra, ex iure communi non esset remittenda causa Pontifici, sicut disponitur in cap. per hoc, sed debebat prævalere sententia absolutoria, utpote in favorem rei. Ideoque in Inquisitione Hispanica, quando non est fundamentum ad damnandum reum, opeime proceditur non pronuntiando sententiam diffinitivam, sed suspendendo causam.

§ 60 Sed quia contraria sententia fere communis est, placet referre eius principale fundamentum, quod est huiusmodi: à iure antiquo non est recedendum nisi quando per ius novum expressè est correctum, l. Sancimus, C. de testament. l. precipimus, de appellat. aubent. de non alien. aut permut. rebus Eccles. §. fin. cap. ad nostram. de regular. sed iure antiquo disponitur expressè, quod Episcopus potest diffinire totum hoc negotium, & hoc solum est correctum quoad sententiam condemnatoriam, ut constat ex Clemens. 1. per illa verba: Neque ad sententiam procedere contra eos: ergo quilibet eorum potest separatim proferre sententiam absolutoriam. Præterea, quia motivum Summi Pontificis ad stabiliendum concursum Inquisitoris, & Ordinarij, fuit propter multas causas diversorum, sed quærelæ non fulcrunt de absolutionibus,

sed de condemnationibus: ergo quo ad sententiam absolutoriam non fuit correctum ius antiquum; ac per consequens, quilibet eorum separatim sententiam absolutoriam proferre potest.

61. Confirmatur; quia in quodam rescripto Urbani IV. quod incipit: *Præ cunctis, S. si vero, & Clement. 7.* incipiente cum sicut dicitur, quod Inquisitores in criminibus contra fidem procedant contra exemptos, & ad proferendam sententiam, si fuerit condemnatoria, concurrant, & procedant cum consensu Ordinarij: ergo tales textus insinuant tacite, quod si sententia fuerit absolutoria non est necessarius concursus Ordinarij: ergo si regularis in crimine sollicitationis absolvitur, vel quia de illo non est convictus, vel propter beneficium spontaneitatis, non est necessaria assistentia Ordinarij, sed possunt separatim DD. Inquisitores proferre sententiam.

62. Fateor fundamentum esse efficax, sed non ideo recedendum a sententia negante: primum quia in cap. per hoc de heres. in 6. absolute præcipitur, quod in causis in quibus debet dari sententia per Episcopum, & Inquisitores, tam contra reos, quam pro reis, ambo concurrant. Secundò, quia licet in Clementina solùm dicitur de sententia condemnatoria, indirectè loquitur de qualibet sententia, quia requirit, quòd communicetur processus, & examinetur per Inquisitores, simul cum Episcopo, quod est necessarium non solùm pro sententia condemnatoria, sed etiam absolutoria: ergo non solùm requiritur consensus Episcopi, & Inquisitoris, ad proferendam sententiam condemnatoriam, sed etiam ad absolutoriam.

63. Ex quibus oritur aliud dubium: quid faciendum cum Inquisitoris, & Ordinarij discordant in proferenda sententia? Respondit spectato iure communi esse recurrentium ad summum Pontificem, nisi quæ esset causam remittendam cum summaria informacione; sic determinatur in cap. per hoc de heres. in 6, ubi habentur hæc verba: In qua (scilicet



Sententia) ferenda si non convenerint, per utrosque negotium sufficienter instructum ad Sedem Apostolicam remittatur. In Hispania autem causa remittitur ad Inquisitorem Generalem, & eius Senatui, & prout ijs vis videtur executioni mandatur; hoc enim habet Inquisitio Hispanica ex iure particulari, ut testatur Molina *tract. 5. de iust. disp. 28. num. 14.* & nullo modo contrarium potest credi; nam ita observatur in omnibus Inquisitionibus Hispaniæ, & non ita fieret sine speciali commissione Sedis Apostolicæ, ob præiudicium Ordinariorum.

64. Tertium dubium; an sit valida sententia contra sollicitantem in aliquo casu abique concursu Ordinarij? Aliqui supponendo cum sententia communi, quod Ordinarius ad proferendam sententiam debet esse requisitus ab Inquisitoribus, respondent cum distinctione, & dicunt, quod si intra octo dies à puncto requisitionis non comparer per se, vel per Vicarium ad significandum suum dictamen, propter infirmitatem, sententia est nulla, sic Bonifacius de Vitalinis *dicta Clement. 1. num. 75. vers. Si propter infirmitatem*, Farinacius *quest. 186. num. 97.* Sed abique limitatione est dicendum, quod si requisitus intra octo dies non comparer, possunt DD. Inquisitores per se solos proferre sententiam, nam dicta Clementina dicit posse procedere requirentem, si requisitus intra octo dies non potuerit, aut noluerit convenire: ergo non solum quando Ordinarius non vult venire, sed etiam quando non potest, valida est sententia;

in casu infirmitatis non concurrit, quia non potest: ergo si Inquisitores proferant

sententiam talis senten-

tia valida

erit.

E

QVAE

## QVÆSTIO III.

*Quæ personæ subijciantur Tribunali Inquisitionis per crimen sollicitationis, & quæ sint exemptæ.*

## §. I.

*Resolvitur questio quo ad aliquas personas subiectas, & exemptas.*

65 **L**icet Bulla Gregorij XV. sit tam expressa; ut nullus alie, et ignorantiam, penam gradatam in hoc §. personas, quæ absque controversia per illam iurisdictioni DD. Inquisitorum subijciuntur, & postea, quæ per privilegia Summi Pontificis eximuntur: Primo dico, quod si Sacerdos, qui caret iurisdictione ad audiendas confessiones, illas audit, & sollicitat, tenore dictæ Bullæ est denunciandus DD. Inquisitoribus. Probatur; quia iste Sacerdos simplex absolute dicitur Confessarius, cum habeat potestatem ordinis, ideòque possit absolvere à peccatis venialibus, & in casu necessitatis ab omnibus; sed omnes Confessarij sollicitantes per Bullam Gregorianam subijciuntur Tribunali Inquisitionis: ergo & simplex Sacerdos sollicitans etiam si careat potestate iurisdictionis.

66 Dices: suppono quòd mulier sollicitata diceret, quòd illa habebat peccata mortalia, de quibus simplex Sacerdos non potest absolvere; in hoc casu iste non est Confessarius respectu huius feminae, quia caret iurisdictione absolvendi à peccatis mortalibus: ergo cum Bulla sit contra Confessarios sollicitantes, femina sollicitata per simplicem Sacerdotem esset absque onere denunciandi; ac per consequens huiusmodi Sacerdos, vi Bullæ Pontificæ, non subijciatur iurisdictioni Inquisitionis. Dupliciter respondetur ad hanc instantiam: primò sufficere in illo Sacerdote esse iurisdictionem absol-

ven-

endi à peccatis venialibus, ut dicatur Confessarius sollicitans comprehensus in Bulla; sicut diceretur Confessarius sollicitans comprehensus in eadem Bulla si sollicitaret poenitentem, qui solum haberet peccata reservata, ad quorum absolutionem iurisdictionem non haberet. Secundo respondetur, quod etiam si liberaretur, quia non sollicitaret in actu Sacramentalis confessionis, coincideret in manus Tribunalis tenore Bullæ, quia simularet confessionem venialium.

67 Secundo: subiunguntur iurisdictioni Inquisitionis omnes Confessarii sollicitantes, siue sint seculares, siue regulares virtute Bullæ Gregorij XV. Probatur apponendo verba Bullæ, quæ loquendo de Confessoribus denunciandis in Sancto Officio, hæc habet: *Omnes & singuli Sacerdotes, tam seculares, quàm quorumvis, etiam quomodolibet exemptorum, ac Sedi Apostolicæ, immediatè subiectorum ordinum, institutorum, societatum, & Congregationum regulares, cuiuscumque dignitatis, & prebeminentis, aut quovis privilegio muniti existant &c.* En quo modo per dictam Bullam omnes Confessarii subiunguntur iurisdictioni Inquisitionum, si in crimine sollicitationis sint comprehensi.

68 Ex quo sequitur, nec iure, nec ratione nitti sententiam Soufæ in Aphor. lib. 1. cap. 34. num. 55. ubi pro certo statuit posse Confessarium circa dubiam sollicitationem puniri per suum superiorem. Dixi non nitti iure, nec ratione, quia per verba relata Bullæ Gregorianæ nulla est iurisdictione in superiore regulari in casu certo sollicitationis: ergo nequid dubio, præcipue ad punitionem, quæ omnino iurisdictionem, & certitudinem requirit, ex l. 1. §. 1. a. u. d. annu 8 §. profect. 5. de poenit. l. 2. cap. eodem: & si hoc esset verum superiores regulares haberent iurisdictionem in omnibus delictis sollicitationis, saltem ad inquirendum; an sollicitatio esset vera, vel dubia, quod esset contra Bullas Pontificias, & iurisdictionem Inquisitionum.

69 Quod enim pro certo habeo est, quod si Confessarii regulares in audiendis confessionibus habeant aliquos excessus

fus

tus extra lineam sollicitationis, ex quibus oriatur levis suspicio, quod non tractant Sacramentum Poenitentiae ea integritate, gravitate, & puritate, ut expedit; ut si frequenter habeant locutiones, & colloquia cum spiritualibus filiis, possunt corrigi per suos superiores, & taliter possunt excedere, ut puniatur, non sub nomine sollicitationis, sed sub alio titulo, quia possunt esse delicta alterius lineae.

70 Nec valet dicere, quod beatus Pius V. sancivit in constit. quae incipit: *Pastoris aeterni*, ut Inquisitores possint inquirere in omnes Religiosos haereticos, vel de haeresi suspectos, dummodo a suis Superioribus praeventi non fuerint: nam hoc die stat Constitutio Pauli V. in qua interdicatur Praeclatis regularibus cognoscere de causis haereticalibus suorum subditorum, eosque punire, ut bene notat Santarellus de haeresi, cap. 40. dub. 3. num. 21.

71 Dico tertio: Episcopos consecratos non subiei in crimine sollicitationis Inquisitoribus; quia Episcopus non est subiectus illis: constat ex Trident. sess. 24. cap. 5. de reform. & ex c. *Inquisitores de haeret. in 6.* ubi in crimine haeresis Episcopi non subduntur Inquisitoribus: ergo multò minus in crimine sollicitationis; si quidem solum generat suspicionem in fide. Propter eandem rationem nec subduntur Episcopi titulares, quia verè sunt Episcopi, nec Episcopi electi, & a Sede Apostolica approbati, etiam si consecrati non sint; quia ex approbatione Sedis Apostolicae nansciscitur iurisdictionem Episcopalem, & privilegia illi annexa. Ita Molina tom. 6. de iust. tract. 5. disp. 28. num. 19. Contrarium est dicendum de Episcopo electo, sed non approbato: idem Molina loco citato num. 20.

72 Dico quarto: Nuntios, seu Legatos Sedis Apostolicae, & Ministros alios eiusdem Sedis, vel Officiales, nec in crimine sollicitationis, nec in alio gravissimo, esse subiectos Inquisitoribus, neque Ordinarijs. Constat ex Extravag. cum *Matheus de haeret.* Et communiter hæc assertio patrocinator ab omnibus Auctoribus. Dicuntur delegati Sedis Apostolicae,

vel

vel Ministri, qui mittuntur nomine Sedis Apostolicæ ad negotium tractandum eiusdem Sedis; non autem illi, qui ad causas particulares inter alios iudicandas, ac dirimendas quotidie à Sede Apostolica mittuntur, quia licet isti sint Ministri, & negotium tractent nomine Sedis Apostolicæ, non faciunt eius negotium, sed personarum particularium, vel communitatum. Ita Molina *tract. 5. disp. 23. num. 20.*

73 Dico quinto: si Inquisitores sollicitant in confessione non sunt denunciandi Episcopo, sed Excellentissimo D. Inquisitori Generali, & magno Inquisitionis Cōsilio. Sic Eximius Doct. P. Franciscus Suarez *de fide. disp. 20. sect. 4. num. 26.* Diana 4 p. *tract. 8. resol. 25.* licet dicat Hemeric *lib. 3. director. Inquisit. quest. 30.* & Pegna *Schol. 79.* esse Inquisitores annumerandos inter Delegatos Sedis Apostolicæ. Sed mihi videtur certior sententia Simanch. *tit. 25.* dicentis, hos esse Ministros, vel Committarios Inquisitoris Generalis: ergo si incidant in hoc, vel in alijs criminibus non sunt denunciandi, nec Episcopo, neque alteri Inquisitori, sed Supremo Senatui, vel Generali Inquisitori. Sed si Inquisitores denunciandi sunt (quod nunquam evenit) ut corrigantur, vel puniantur, unus Inquisitor potest accipere depositiones testium, & illas remittere Inquisitori Generali, vel Supremo Senatui.

74 Ex quibus infero primo; Laicos fingentes se Sacerdotes, & Confessiones excipientes si sollicitent ad veneranda non esse denunciandos vi Bullarum contra sollicitantes, quia istæ Bullæ solum loquuntur de Sacerdotibus. At ex Constit. Gregorij XIII. lata adversus illos, qui se simulant Sacerdotes, & excipiunt Confessiones sunt denunciandi; sunt quæ etiam alia decreta contra prædictos Pauli I V. Sixti V. & Clementis VIII. de quibus in secunda parte.

75 Infero secundo; neque interpretem Confessionis etiam si Sacerdos sit, & in confessione sollicitet poenitentem non esse denunciandum tenore Bullarum contra Confessarios sollicitantes; quia interpret non est Confessarius, sed tenet ex parte poenitentis. Ita Ioannes Sanchez *disp. 11. num. 10.* &

37. Neque vi harum Bullarum esse denunciandum pœnitentem Confessarium solicitantem, quia dictæ Bullæ, & earum pœnæ non sunt contra pœnitentes, sed contra Confessarios solicitantes. Iterum in 2. p. de hoc erit sermo.

76 Sed superest vnum dubiolum, scilicet; quibus personis faciendâ est denunciatio contra Episcopos, Archiepiscopos, & Legatos Sedis Apostolicæ, si forsitâ aliqui istorum sollicitent in confessione; quia isti vt dixi non sunt subiecti Inquisitoribus, neque in hoc crimine, neque in alijs. Credo sub censura, quod si hæc denunciatio fieri non potest Summo Pastori ob loci distantiam, vel ob aliam causam urgentem potest fieri Inquisitoribus fidei. Ratio est, quia licet Inquisitores non possint formare processum, incarcerare, nec sententiare prædictos immediatè subiectos Sedi Apostolicæ, nihilominus benè possunt excipere testimonia, & dicta testium, & ita illa remittere ad Summum Pontificem; & colligitur ex Extrag. cum Mattheus de heres. ergo denunciatio huius delicti contra prædictos faciendâ est Inquisitoribus, non vt iudicent, sed vt referant Pontifici.

## S. II.

*Vtrum Generales Religionum possint propter heresim, vel sollicitationem puniri à DD. Inquisitoribus.*

77 **P**rima sententia asserit: DD. Inquisitores non posse procedere contra Generales Religionum, sed ad summum facere summariam informationem, & illam ad Summum Pastorem remittere. Ita Hieronymus Rodriguez in compend. qq. regul. resol. 73. nam. 1. Emmanuel Rodriguez in qq. regul. tom. 2. quest. 81. art. 1. Navarrus cap. 1. de foro competenti. Noster Peirinis tom. 2. privileg. Minim. constitut. 9. Pauli V. §. 1. num. 2. dicit, quod in causis Generalium ordinum, antequam contra illos procedatur, debent Inquisitores certiorum facere Supremum Senatum, dummodò  
non



non sint suspecti de iuga, quia in hoc casu, possunt eos statim incarcerare. Sed in hoc nihil speciale tribuit Generalibus; quia Inquisitores ad Supremum Senatum fidei omnes causas Sacerdotum, tam regularium, quam secularium ante incarcerationem mittere debent, & ante executionem iudicantis, quod inviolabiliter observatur in praxi ex speciali instructione Supremi Senatus fidei Hispaniarum.

78 Noster Trimarchius in suo *Tractatu de Confessore absente Sacramento Pœnitentiæ disp. 8. sect. 4.* defendat, quod cum Generalibus Religionum debent procedere DD. Inquisitores, sicut procedunt cum Episcopis de hæresi suspectis, & præcipue cum illis Generalibus, quorum Religio serè est extensa per totum orbem Christianum, ut sunt Generales Predicatorum, Minorum; Carmelitarum, Sancti Augustini, Minorum, Iesuitarum, Capuchinorum, &c. dixit præcipue, quia est certum, quod rigorosè, omnes Generales etiam si habeant paucas domos sunt æquales in dignitate, utpotè immediate subiecti Summo Pontifici, & habent merum, & mixtum imperium in subditos; quod verò hoc imperium, vel iurisdictio magis, vel minus extensa sit non variat speciem dignitatis, sicut in Episcopis constat; nam non habet minorem dignitatem Episcopus Iaccensis, quam Episcopus Turiasensis, etiam si istius iurisdictio sit magis extensa, imò quamvis Episcopus non habeat Diocesim, ut videre est in Episcopo titulari.

79 Sic conclusio: Generales Ordinum non sunt exempti à iurisdictione Inquisitorum vi alicuius privilegij; sed possunt procedere contra illos in consulto Summo Pontifice si in crimine sollicitationis comprehensi fuerint; Idemque est dicendum de Magistris Ordinum Militarium in crimine hæresis, vel generante suspicionem in fide. Probatum primò de crimine sollicitationis, de quo in præsentibus, ex Bulla Gregorij XV. hæc sunt verba: *Omnes, & singulos Sacerdotes, tam seculares, quàm quorumvis, etiam quomodolibet exemptorum, ac Sedi Apostolicæ immediate subiectorum, Ordinum, Institutuum,*

*Societatum, & Congregationum regulares, cuiuscunque dignitas, & prebeminentia, aut quovis privilegio muniti existant; &c.* Ex quibus verbis constat, Provinciales, Generales, imò, & Episcopum electum non confirmatum subijci Inquisitoribus in crimine sollicitationis, ut patet ex illis verbis: *Cuiuscunque dignitatis, & prebeminentia*, quia in *cap. Inquisitores*, solum eximuntur Episcopi consecrati, vel saltem confirmati: ergo per dictam Bullam subijciuntur iurisdictioni Inquisitorum Generales Religionum, & Magistri Ordinum Militarium.

80. Probatur secundo: quia quod Episcopi eximantur in causis fidei a iurisdictione Inquisitorum est privilegium, quod præter in *cap. Inquisitores*, habetur in Concilio Tridentino *sess. 24. cap. 5.* Ex quo inferunt Auctores, quod etiam in causa atrocissima hæresis, Episcopi non possunt citari ad comparandum, neque ab Inquisitoribus, neque à Cardinalibus, nisi ex speciali commissione manu Papæ signata: ergo si non eximuntur per aliud privilegium Generales Religionum, & Magistri Ordinum Militarium, subijciuntur iurisdictioni Inquisitorum: hoc enim privilegium hucusque non est in rerum natura. Probatur consequentia, quia ut optime Eximius Suarez *lib. 8. de legib. cap. 10. num. 4.* privilegium iuri communi contrarium sub eadem ratione odiosum censetur, idèoque potius est restringendum quam ampliandum; idque determinavit Rota, ut constat ex novissimis *Farinacij in una Romana mense Nummulariæ coram R. Corino 3. Julij 1614.* & etiam sumitur argumentum ex *cap. ne alii qui de privileg. in 6.* ergo per tale privilegium non eximuntur a iurisdictione Inquisitorum Generales Religionum, nec Magistri Militares.

81. Nec valet dicere, quod Generales in favorabilibus veniunt sub nomine Episcoporum, quia ut dicit noster *Trimarchius loco citato* habent in suos subditos, sicut Episcopi æcerum, & mixtum imperium; & immediatè sunt subiecti Summo Pontifici. Non valet primo; quia hoc privilegium, ut di-



dixi, cum sit iuri communi contrarium est odiosum; ac per consequens non est extendendum ad Generales Ordinum. Secundò, quia etiam si admittatur sententia Thomæ Sanchez, qui lib. 7. de Matrim. disp. 47. num. 3. dicit, in relativis privilegium vni concessum esse probabile concedi alteri; unde privilegium fori concessum Marito, censetur concessum uxori; quia habent maximam connexionem, & sunt vna caro; sed Generales non habent connexionem cum Episcopis, quia aliàs sicut graviores causæ Episcoporum deferendæ sunt Summo Pontifici, ita Generalium, quòd est falsum, quia Capitulum Generale potest illos punire; ergo in ordine ad hoc privilegium non sunt excepti Generales à iurisdictione Inquisitorum, nec nomine Episcoporum veniunt Generales.

§ 2. Probatur tertio conclusio evertendo principale fundamentum Trimarchij si Generales non possent puniri ab Inquisitoribus absque speciali commissione Summi Pontificis, idèò esset quia habent nomen speciale, & elegans, idèò quæ non veniunt in generali loquutione, ex cap. multa de præbendis, cap. Sedes Apostolica de restitut. cap. ne aliquis de privilegi. in 6. sed etiam si demus, ex hac parte per Bullam Gregorij XV. Generales non comprehendi in iurisdictione Inquisitorum; tamen per Bullam Urbani VIII. quæ incipit: *Quòd sicut accepimus edita 5. Novembris anno 1631.* comprehenduntur in omnibus causis pertinentibus ad Sanctum Officium, ut constat ex illis verbis: *Nisi specialiter, & expresse excipiantur etiam si ipsi privilegiati forent magis speciali nota, & expressione digni*: ergo in causis pertinentibus ad Sanctum Officium omnes subijciuntur iurisdictioni Inquisitorum, etiam si habeant nomen elegans, vel sint digni speciali nota, si expresse non excipiuntur; sed Generales, & Magistri Militares non excipiuntur, sed tantum Episcopi; ergo in crimine sollicitationis subijciuntur iurisdictioni Inquisitorum.

§ 3. Licet ex dictis soluta mancant omnia, quæ affert

Trimarchius, vnum argumentum proponam, quod sic formatur: in cap. *Inquisitores de heret. in 6.* non solum eximuntur in causa hæresis à iurisdictione Inquisitorum Episcopi, sed etiam Generales: ergo propter identitatem rationis potiori iure eximuntur in crimine sollicitationis. Probatur antecedens in dicto capite hæc habentur verba: *Si tamen Inquisitores ipsi Episcopos, vel alios Superiores Prælatos sciverint, vel invenerint circa crimen hæresis commississe, id tenebuntur Sedi Apostolicæ nuntiare*: ergo in dicto capite non solum eximuntur à iurisdictione Inquisitorum in causis hæresis Episcopi, sed etiam Generales, vñ constat ex illis verbis: *vel alios Superiores Prælatos*; ac per consequens potiori titulo in crimine sollicitationis sunt exempti Generales à iurisdictione Inquisitorum.

84. Respondetur per superiores Prælatos nullatenus intelligi Generales Ordinum, sed tales Superiores Prælati positi in dicto capite sunt Archiepiscopi, Patriarchæ, Cardinales, & alij delegati Papæ, vñ ex verbis capitis constat, siquidem dicit *Superiores Prælatos*, quod est idem ac dicere, quod excipiuntur illi Prælati, qui sunt Superioris dignitatis, aut iurisdictionis quam Episcopi; quia alias si per Superiores Prælatos intelligerentur Generales, etiam cum sub nomine Superioris Prælati veniant Provinciales, & Vicarij Generales, omnes isti essent exempti à iurisdictione Inquisitorum in causis fidei, quod nullus dixit, aliundè stat communis intelligentia Doctorum in contrarium.

85. Ex quibus inferò malè dixisse Thomam Hurtado, & inconsequenter loquutum fuisse; siquidem *tract. 4. de Sacerdotib. sollicitan. cap. 8. resol. 17. num. 153.* dicit, de Abbatibus, qui non solum in Clericos, sed etiam in Laicos quasi Episcopalem reſident dignitatem, & iurisdictionem esse philosophandum eodem modo, ac de Episcopis (quantum ad subiectionem respectu Inquisitorum. Dixi in consequentèr loquutum fuisse, nam si ille nobiscum sentit, Generales Ordinum esse subiectos in crimine sollicitationis iurisdictioni Inquisi-

torum, quomodo nunc contrariū allerit de Abbatibus, siquidem eodem fundamento, quo statuit primos esse subiectos. *resol. 51. n. 614. & seqq.* resolvo esse, etiam subiectos secundos, scilicet Abbates, quia in Bulla Gregorij XV. omnes Confessarij sollicitantes includuntur, & aliunde in capite citato *Inquisitores*, non excipiuntur Abbates: ergo in crimine sollicitationis subijciuntur DD. Inquisitoribus, quamvis non solum habeant iurisdictionem in Clericos, sed etiam in Laicos.

## QVÆSTIO IV.

*An Bullæ contra Confessarios sollicitantes sint favorabiles, vel odiosæ.*

### S. I.

*Respondetur quæstioni.*

86 **H**ÆC quæstio est cum maxima distinctione, & claritate enucleanda, quia ex illius decisione pendet plures casus, qui frequentèr accidunt in materia hac sollicitationis, in illa enim duplex est sententia. Prima asserit tales Bullas contra sollicitantes esse penales, & odiosas: pro hac sententia stat Diana 1. part. tract. 4. de denunciatis. *resol. 12.* citat Variola, Portel, Fagundez, Rodriguez, & alios, illamque tenet Thomas Hurtado tom. 1. *resol. moral. tract. 4. de Sacerdotib. sollicitant. cap. 8. resol. 32. §. 2. num. 349.* ubi pro hac sententia citat D. Ioannem Escobar de Corro, sed malè, quia statim pro contraria sententia illum adducam.

87 Secunda sententia tenet quod tales Bullæ contra sollicitantes, & præcipuè Bulla Gregorij XV. sunt favorabiles; Diana 4. part. tract. 5. de Confess. sollicitant. *resol. 33.* hanc sententiam communem vocat, quia ante Bullam Gregorianam

nam Doctores Constitutiones Pontificias extendebant; si-  
quidem in alijs Constitutionibus solum Confessarijs sollici-  
tantes feminas erant denunciandi tenore Bullarum, & exten-  
debant illas ad sollicitantes masculos. Sic Castrus à Palao  
1. *part. tract. 4. de modo proced. in causis fidei, disp. 9. punct.*  
1. num. 19. Noster Peirinis tom. 2. *de privil. Minim. Const. 4.*  
Gregorij XV. §. 5. num. 14. Escobar à Corro *part. 1. quest. 3. de*  
*materia sollicitationis num. 7 & seqq.*

88 Hanc secundam sententiam amplector. Fundamen-  
tum principale est; quia licet secundario hæc Constitutio  
Pontificia sit panalis illius finis præcipuus est in favorem  
Sacramenti Pœnitentiæ, ut purius, & honestius, & cum maio-  
ri fructu animarum tractetur; patet ex verbis Bullæ Gre-  
gorij XV. sed quando finis præcipuus alicuius Bullæ favo-  
rabilis est, etiam si redundet in alterius gravamen extendē-  
da est ut favorabilis, ut tenet Diana coordinatus to. 5. *tract. 2.*  
*de censur. resol. 51.* citat Glossam in *cap. si propter, verb. Pri-*  
*mi ann. de rescriptis in 6. & in cap. sciatis cuncti, verb. Alios,*  
*de elect. in 6.* Idem tenent Felinus in *cap. de spon. num. 14.*  
*vers. Aliud est, & in cap. non dubium, num. 2 de sentent. excom.*  
Bartolus in *l. qui exceptionem, num. 2. ff. de condit. indebit.*  
Ioann. Albertus, & Salicetus ibidem, Castrensis in *l. si quis,*  
*nec causam, num. 4. ff. si certus per. Cobarruvias lib. 1. variar.*  
*cap. 1. num. 5.* qui alios citat, Tiraquellus in *tract. in præfat.*  
*num. 56.* Mandosius *reg. 10. de ann. quest. 3. num. 3.* Menoch.  
*recuper. posses. remed. 1. num. 28. & 38. cum seqq.* Cephalus  
*conf. 35. volum. 1.* Hondedeus *conf. 95. num. 17.* Silvester  
*verb. Interpretatio in fin. Sanchez lib. 1. de Matrimon. dis-*  
*put. 1. num. 4.* Parisius *de resignat. lib. 12. quest. 2. num. 23.*  
Ergo hæc Bulla Gregoriana non est vocanda odiosa, sed  
favorabilis. Probatur minor, nam quando favor, & odium  
non possunt separari, si finis præcipuus est favorabilis,  
Constitutio favorabilis vocatur, quamvis redundet in gra-  
vamen alterius, sed in hac materia favor non potest se-  
parari ab odio, vel onere; nam ex hoc quod Summi Ponti-

fices in favorem Sacramenti, & animarum subijciant Sacerdotes sollicitantes in confessione Tribunali Inquisitionis, non potest non redundare in gravamen, & pœnam sollicitantis, & finis præcipuus est favorabilis; constat enim hoc *in l. de sygillo servoando*, quæ favorabilis est nulla alia ratione, nisi quia cum Sacramentum Pœnitentiæ sit in favorem animarum, præcipuus finis huius legis est favor, licet sit gravamen contra Confessarios frangentes sygillum: ergo cum eadem ratio militet in Bullis expeditis cōtra Confessarios sollicitantes, quia in illis finis præcipuus est pura administratio Sacramenti Pœnitentiæ in favorem animarum, tales Constitutiones favorabiles sunt.

89 Probatur secundo conclusio a paritate: quando enim Summus Pontifex concedit aliquod privilegium perpetuum, verbi gratia, quod tales æquites, eorumque successores non solvant decimas, quia contra Turcas extrenuè pugnarunt, etiam si ista lex non possit separari a gravamine, vel detrimento alterius, nempe Episcopi, vel Rectoris; nihilominus, quia finis præcipuus talis concessionis est favor, hæc lex non vocatur pœnalis, sed favorabilis; sed finis præcipuus Constitutionis Gregorianæ favorabilis est bono communi Ecclesiæ, Sacramento Pœnitentiæ, & animabus: ergo talis constitutio non est odiosa, sed favorabilis.

90 Ne aliqui intelligant esse liberè dictum finem præcipuum Bullæ Gregorianæ favorabilem esse, & aliorum diplomatum Pontificum circa hanc materiam, ponam finem contentum in Bullis. Pius IV. & Paulus IV. non solum ponunt pro motivo, & fine abusum Sacramenti; sed quod Confessores sollicitantes loco reconciliationis cum creatore nostro onerant pœnitentes graviore molle peccatorum *in manibus Diaboli tradendo in divine Maiestatis offensum, & animarum perniciem*. Gregorius XV. in principio suæ Constitutionis omnia motiva proponit; sic loquitur: *Sacrosanctæ Pœnitentiæ Sacramento sollicitando pœnitentes ad turpia abutatur, ac prae medicina venenû, pro pane aspidem porrigat, & ex caelesti medico*  
in-



*infernalis beneficium, ex Patre spiritali proditor execrabilis animarum reddatur* : ergo finis præcipuus Constitutionum Pontificiarum est favor Sacramenti Pœnitentiæ, bonum commune spirituale, & pœnitentium beneficium : ergo hæc Bulla Gregoriana, & aliæ contra solicitantes favorabiles sunt.

91 Probatur tertio: omnis dispositio, & lex pro conservanda honestate est favorabilis, ut patet *ex l. 3. § Prætor ait*, & præcipuè si est lata in favorem Ecclesiæ, vel Sacramentorum, *cap. 1. §. fin. de postulat. Prælat.* ut constat in omnibus legibus, & dispositionibus Pontificijs factis in favorem immunitatis Ecclesiæ, etiam si secundariò afferant gravamen contra Laicos, & præcipuè dum agitur de salute animæ ad vitandum peccatum. Ita Glossa *in l. omnes 7. verbo Apostolica, cap. de serijs*; sed Constitutiones Pontificiæ contra solicitantes in Confessione sunt in favorem Sacramenti Pœnitentiæ, animarum, & ad enormia peccata evitanda ut dixi: ergo tales Constitutiones etiam si inseparabiles sint a gravamine, non idèò sunt odiosæ, sed favorabiles.

92 Ultimò probatur à paritate; nam licèt verum sit, quòd Bullæ Pauli V. & Pij IV. nullum verbum loquantur contra solicitantes masculos, nihilominus ante Constitutionem Gregorij XV. Doctores communiter extendebant pœnas ad Confessarios solicitantes masculos, & Castrus à Palao *loco citato*, ad Confessarios solicitantes simulando se audire confessionem, & proximè ad confessionem, sed in his casibus extensio fiebat Bullarum: ergo quia Constitutiones Pontificiæ contra solicitantes sunt favorabiles.

93 Præter hucusq; dicta, exornatur nostra resolutio doctrina, & eruditione, quam traddit D. D. Ioan Escobar à Corro *in suo tract. bipartito de puritate sanguinis in nova editione Lugdunenfi, quest. 3. §. 2 & 3.* ubi copiosè probat, statuta puritatis sanguinis esse favorabilia, & non potest negari, onerosa, & pœnalia esse respectu prætenforum. In primis enim *num. 6 & seqq.* ostendit, statutum Inquisitionis scilicèt, quòd eius Ministri habeant puritatem, sanguinis favorabile esse,

&

& non alia ratione, nisi, quia cum Inquisitio sit instituta ad  
punitorem hæreticorum, & præcipuè contra Apostatas à fide  
comprehensos in sectis Iudeorum, & Maurorum, vt refert  
Paramus *de origine Sanctæ Inquisitionis lib. 2. tit. 3. cap. 4. à nu-  
mer. 2.* & ad ipsius fidei propagationem, & defensionem, quæ  
in publicam omnium vtilitatem vertitur, vt colligitur *ex tit. 6  
Decretalium de sum. Trinit. & fide Cathol.* & ex adductis  
à Vazquez *in 3 part. disp. 169. cap. 1.* Idem tenent Thomas  
Sanchez *in Decal. lib. 2. cap. 2.* Bellarm. *lib. de pœnis, cap. 8.*  
Eximius Doctor P. Franciscus Suarez *in 3. part. to 3. quest. 65.  
art. 4. in Comment.* & quod fidei causa, favorabilis sit pro-  
bat Textus *in Clement. sepè, de verborum significat.* & Siman-  
cas *de Cathol. instit. cap. 40. num. 30.* Acuña *de Confes. solici-  
tant. quest. 5. num. 30.* Antonius Sousa *in opuscul. de Confes. so-  
licitant. 1. part. cap. 18. num. 13.* Cum autem qui sunt infe-  
cti, quia descendunt ab hæreticis sectarijs, vel ab Apostatis,  
habeant ratione sanguinis cum inimicis fidei maximam con-  
iunctionem, & amicitiam, quia faciliè revertuntur ad mores  
parentum, vt constat ex cap. *Si gens 10.* & Aristotiles idem  
docet *in lib. de generat. lib. 1. cap. 19.* & cum illo Ioseph Mas-  
car. *de probat. conclus. 1073. num. 11.* hinc fit talia statuta fa-  
vorabilia esse.

94 Eadem ratione ostendit idem Escobar *num. 15. &  
segg.* statuta ordinum militarium de nobilitate sanguinis fa-  
vorabilia esse; quia si Ministri Sancti Officij pugnant con-  
tra inimicos Fidei calamo, & vigilantia; Equites Ordinum  
Militarium armis. Idem statuit de statuto pro puritate san-  
guinis Ecclesiæ Tolerantiæ, quia finis huiusmodi statuti est  
pax, & concordia Ecclesiæ, quæ maximè conducit ad bonum  
publicum. Constat *ex l. inter claras 8. versic. Nam pax Eccles.  
cap. de sum. Trinit.* ideòque graviter puniuntur, qui contra  
Ecclesiæ pacem operantur. Text. *in cap. Qui contra 32. 24. quest.  
10.* vbi summarius ait: *Proprio expolientur honore, qui contra pa-  
cem Ecclesiæ nittuntur;* & cum Iudei, & Hæretici, eorumque  
descendentes, inquieti mendaces, moribusque pravis perdi-



ti ſint, & nihil magis diſſonum paci; hinc eſt, quòd ſtatutum Eccleſiæ Tolerantiæ eſt favorable. Idemque diſcurrit in ſtatutis de puritate ſanguinis pro Collegijs maioribus Hiſpaniæ, & de exercitibus prima officia Reipublicæ.

95 Ex quibus, & alijs deducit idem Auctòr, eſſe certum apud omnes, leges, & ſtatuta, quæ publicam auctoritatem reſpiciunt, & concernunt, non eſſe odioſa, & ſtricti iuris, ſed favorabilia; ac per conſequens extendenda ad ſimiles caſus; conſtat *ex l. ſi quis in gravi* 3. §. *Hi quoque* 14. ad S. C. *Sylancam*; ita explicat Gloſſa *verb. Alios, in cap. Sciatis cuncti, de elect. in 6. & in cap. ſoliſe de maiorit. & obed.* Sic Salas *de legib. queſt. 97. tract. 14. diſp. 21. ſect. 4. & 5.* Ioann. Sanchez *in ſelect. diſp. 11. num. 12. verſ. Et licet prædicta lex, pag. 49.* Quare dum favor Reipublicæ intervenit, etiam ſi ſit in odium, & pondus aliquorum, ſtatutum nullo modo ut penale, ſed ut favorable eſt habendum, quia dicitur lex favorabilis, vel odioſa à præcipua cauſa, quam reſpicit, *l. iſta vulneratus* 51 *circa fin.* Bart. *in l. Qui exceptionem, de condit. in deb. & in l. Quemadmodum, cap. de Agricola, & Auctores communiter.*

96 Quòd autem ſtatuta, Conſtitutiones, & Leges pariant extensionem, etiam admiſſo quòd ſint penales, in caſibus pertinentibus ad favorem Reipublicæ, tradunt Nicol. Ederad. *in topicis legalib. loco à ratione legis larga, numer. 71.* Andreas Tiraq. *in l. ſi unquam, verb. Libertis, num. 62. C. de revocand. donat.* Marſil. plura adducit *in præſt. crim. §. Aggredior, num. 53. & ſeqq.* Ratio eſt, quia etiam odioſa, & reſtringenda ob bonum publicum favorabilia efficiuntur; ut communiter tenent Doctores *in cap. Que ſicut.* Ita idem Nicol. Ederad. *in locis legal. loco à ratione legis larga, num. 51.* Quare ob publicam utilitatē licet recedere à regulis iuris communis, etiam ſi incidenter in alterius odium vertatur, ut communiter probant omnes, *ex l. Qui exceptionem* 40 *de condit. in deb.* Ita Molin. *de Hiſpan. primog. lib. 1. cap. 18. num. 2. & ſeqq.* Andreas Tiraquel. *de reſtract. in præſat.*

*fat. num. 66. in fin.* Iacobus Menoch *de recuper. remed. 1. 2 num. 7.* etsi contra hoc ultimum sint plures Auctores; tamen dum favor publicus principaliter, & primario consideratur; odium verò personarum secundario; tunc Constitutiones, & statuta absque dubio favorabilia sunt. Ita Escobar *num. 46.* qui citat pro hac sententia Velazquez, Tiraquel, Menoch. Nicol. Ederad. Farinac. & alios; quia semper utilitas publica privatis commodis præferri debet, *ex l. Actione 63. labeo 5 pro socio, l. und. §. penult. C. de conduc. tollend. capis. Bona prima;* & quamvis odium veniat in necessariam consequentiam concessionis favorabilis, considerandum non est.

97 Ex quibus concludit idem Escobar *num. 53.* hæc statuta nobilitatis, & puritatis sanguinis, respectu Ecclesiæ Tolerantiæ, Sanctæ Officij, Ordinum Militarium, Collegiorum, & Senatum favorabilia esse, quia eorum respiciunt utilitatem communem, licet gravamen respectu infectorum afferant; nam in eorum odium inventa fuerunt, ut constat ex serie statuti Tolerantiæ, & aliorum; sed quia potentior, & dignior causa, & finis est favorabilis, siquidem est utilitas illorum, & causa publica, non sunt vocanda huiusmodi statuta odiosa, sed favorabilia.

98 His positis sic arguo: omnia statuta relaxata etiam si afferant gravamen non sunt vocanda odiosa, sed favorabilia, quamvis odium veniat in necessariam consequentiam concessionis favorabilis, quia dignior causa, & finis est favorabilis; cum sit publica utilitas; sed ut constat ex serie Bullæ Gregorianæ, etiam si talis Bulla sit inventa contra Confessarios sollicitantes, & ad sua delicta puniendos, & odia veniant in necessariam consequentiam concessionis, dignior, & potentior causa est favor Sacramenti, & fidelium, ut constat ex tenore illius: ergo cum a potentiori, & digniore causa, & fine nomen accipiat, non est vocanda odiosa, sed favorabilis.

## §. II.

*Fundamenta contrariae sententiae proponuntur.*

99 **C**ontraria sententia gravissima habet fundamenta efficacissima. Primū est Thomæ Hurtado *lococitato*, ubi ita discurrit : ut aliqua Bulla dicatur favorabilis non debet referri ad bonum commune, sed ad personas; sed istæ Bullæ contra sollicitantes, quo ad favorem solum ad bonum commune referuntur, non autem ad particulares personas: ergo non est favorabilis, sed odiosa, & pœnalis. Probatur minor; nam lex lata pro immunitate Ecclesiæ contra Iudices Laicos refertur ad bonum commune; sed hoc non obstant, vocatur odiosa, & pœnalis ex hac parte: ergo lex, quæ non est in favorem personarum immediatè, sed refertur ad bonum commune pœnalis est, & odiosa.

100 Potest ad hoc dupliciter responderi. Primò iuxta doctrinam Dianæ 4. *part. tra. 7. §. de Confessarijs sollicitantibus, resol. 33.* quòd adhuc admissio, quòd hæ Bullæ sint pœnales, potest fieri declaratio casus ad casum, quando est eadem ratio, & casus est omninò similis, ut fit in *cap. si postquam, de elect. & in leg. quedam, §. nummularios, ff. de edendo*, ejusdem dictaminis est Escobar à Corro *lococitato*; nam extensio solum fit, quando casus non est omninò similis, & in praxi Inquisitionis solum fit declaratio ad casum omninò similem, ubi est eadem ratio, vel ut dicunt Iurisperiti fit inclusio casus in lege, & tunc non fit extensio, sed in pœnalibus inclusio.

101 Secundò responderetur secundum nostra principia, copeniendo leges esse pœnales, etiam si sint favorabiles bono communi, si favor non refertur ad particulares personas; sed est negandum, quòd Bullæ contra sollicitantes præter relationem ad bonum commune, quòd non sit delinea præcipui suis relatio favoris ad particulares personas; nam ut

con-

constat expressè ex Bulla Gregorij XV. finis præcipuus non solum est favor Sacramenti Pœnitentiæ, sed etiam pœnitentium, ut constat ex illis verbis: *loco panis porrigit venenum*, &c. Et non refert, quod sint in gravamen Confessorum, sicut non refert, quod leges in favorem Ecclesiasticorū inseparabiles sint ab onere Laicorum, ut dicantur favorabiles.

102 Secundum fundamentum sic proponitur; ut asserit Eximius Suarez *lib. 5. de legib. cap. 2.* per totum; favorabilitas, & odiositas legum summendæ sunt ab earum materia, sed materia Constitutionum Pontificum contra Confessarios sollicitantes sunt pœnæ: ergo tales Constitutiones sunt odiosæ. Responderetur distinguendo. maiorem, favorabilitas, vel odiositas est summenda à materia præcipua, & principaliori cōcedo maiorem, à conexa cū principaliori nego in uorem; materia autem Bullarum contra Confessarios sollicitantes; præcipua, & principalior, est favor Sacramenti, & animarum; Ideoque licet huic fini, & materiæ præcipuæ, pœnæ contra Confessarios sollicitantes conexæ sint, Bullæ non odiosæ, sed favorabiles vocandæ sunt.

103 Tertium fundamentum militat doctissime contra hucusque dicta destruendo. principale fundamentum nostræ sententiæ in huc modum: si Constitutio Gregoriana (idem de alijs Pontificijs) esset favorabilis, & non odiosa, idem esset, ut multoties dixi, & dicunt sectatores nostræ sententiæ, quia in favorem Sacramenti est promulgata, & ad animarum pericula evitanda directæ; sed non idem non est odiosa talis Constitutio; aliàs nullâ lex Pontificia esset odiosa; ergo talis Bulla Gregorij XV. odiosa est. Minor in qua est tota difficultas multipliciter parificatur. Primo quia omnes leges etiam si odiosissimæ sint habent pro fine favorem totius Reipublicæ, & ipsius bonum. Secundò reservatio votorum est in salutem animarum, & quia pœnalis est odiosa. Terrio reservatio peccatorum, ut asserit Tridentinum *sess. 14. cap. 7.* fuit introducta in Ecclesiâ in favorem animarum, & tamen quia pœnalis est odiosa; ergo stat benè, quod Constitutio Grego-



in iustitiam favorabilis Sacramenti, & animum, & quia poenalis  
 est non sit favorabilis, sed odiosa. Item hoc non potest  
 1047 Hoc fundamentum est tam plausible, & efficax, ut  
 propter illud Sacramentum de *Heresi cap. 4. §. 1. dub. 5. n. 3. vers. Res-*  
*pondeo*, defensas contrariam sententiam, & fateor quod solu-  
 tionem, addequatam in nullo Auctore potui invenire, sed  
 ex diversis principiis videtur posse responderi, quod leges  
 poenales sunt favorabiles bono communi, & hoc convincere  
 argumentum libenter concedo; quare non est sufficiens ad  
 hoc ut leges dicantur favorabiles, quod tales sint respectu  
 boni communis; si aliunde non sunt favorabiles particula-  
 ribus personis; tunc enim dicuntur leges favorabiles, quando  
 fidei precipue est favor, & pro illis personis pro quibus est fa-  
 vor non sunt lata poenales. Item hoc non potest  
 1050 Ut hæc doctrina maneat omnino firma ponam exem-  
 plum in legibus favorabilibus Ecclesiasticis; lex enim libe-  
 rans personas Ecclesiasticas a gavelis est favorabilis, quia  
 suis precipue est favor; hoc non obstantibus ipsa lege po-  
 nuntur, & stabiliuntur poenae contra impedientes, & turbantes  
 res, habentium habitarem Ecclesiasticis concessam, sed quia  
 poenae non sunt latae contra Ecclesiasticos pro quibus est  
 favor, & hic se habet ut finis precipuus legis; de hæc lex  
 non dicitur poenalis sed favorabilis. Verum enim est, quod  
 Bullae Pontificiae contra sollicitantes sunt poenales respectu  
 Confessorum abutentium Sacramento Poenitentiae, sed poe-  
 na non sunt materia precipua, & finis Bullarum, sed favor  
 Sacramenti, & Poenitentiae, & respectu istorum pro quibus  
 est favor non est poenalis Bulla, & de hoc Agatoles dicit  
 & ostendit, quod poenales sunt poenales abutentium Sacra-  
 mento Poenitentiae non subiunguntur poenis hanc Bullam  
 rum, quia respectu istorum sunt favorabiles, & si simul essent  
 poenales non essent Constitutiones favorabiles, sed odiosae.  
 1051 Per quod patet ad duplicem partem de voto  
 & casibus relativis, nam constat ex illis, quae diximus in  
 principio responsionis ratio, ad illud de legibus poenali-  
 bus,

bus, quæ solum sunt favorabiles respectu boni communis, & nullatenus in ordine ad particulares personas, sicut sunt istæ Constitutiones Pontificiæ contra sollicitantes, quæ principaliter ordinantur in favorem Pœnitentium. Nunc ergo facile constat disparitas ad illud de voto, & casibus reservatis; quia cum reservatio sit gravamen, & onus respectu illorum quibus fit favor dicitur lex pœnalis, idemquæ contingit in reservatione peccatorum; sed in Constitutionibus Pontificiis contra sollicitantes fit favor Sacramento, & pœnitentibus, & respectu istorum non sunt lætæ pœnæ, & aliunde ut constat ex Bulla Gregorij XV. talis favor est præcipua materia, & finis Constitutionis, vel legis Pontificiæ, ideoque tales Bullæ non sunt odiosæ, sed favorabiles.

107 Si autem vis sequi opinionem communem asserentem tales Bullas esse merè pœnales, & odiosas, idem resolves in casibus occurrentibus, si teneas quod ratio expressa in lege extenditur ad omnes eius species, etiam si lex sit merè pœnalis. Ita Andreas Tiraquell. *de cessante causa, limit. 2. num. 1.* Menoch. *conf. 11. num. 10.* quod est idem ac dicere, quod lex pœnalis circa unum casum extenditur ad omnes similes in quibus est eadem identitas rationis expressæ in lege, constat *ex leg. si uxori 3. §. 1. ad l. l. de adulter.* ideoque consequenter defendunt isti Auctores, quod casus expressi in lege, solum ponuntur exempli gratia, ex quibus abundè invenies in decretalibus.

## QVÆSTIO V.

*An in crimine sollicitationis ante denunciationem sit præmittenda correctio fraterna.*

### §. I.

*Aliqua utilia ad questionem referuntur.*

108 **V**T cum maiori fundamento in hac gravissima questione procedam, oportet aliqua supple-



re de denunciationibus, & de correctione fraternâ iuxta mentem Doctorum disputantium ex professio de hoc puncto. Pro quo suppono primò; denunciationem non esse aliud: *Quam delationem criminis sine inscriptione ad Iudicem competentem ex vi præcepti, ut reus corrigatur, aut puniatur.* Colligitur hæc definitio denunciationis, ex cap. 2. & 3. cap. super his 11. de accusat. cap. novit 13. de indicijs. Ita Escobar à Corro p. 2. quest. 1. num. 2. & alij, quos citat.

109 Breviter explicatur definitio: per illas particulas: *Delatio criminis*, convenit denunciatio cum accusatione, quia etiam ista est delatio ad vindictam, & pœnam. Per ceteras particulas discriminatur ab accusatione. Primò, quia ad accusationem requiritur inscriptio, ut constat ex pluribus legibus antiquis, licet hodie non sint in usu; sed non cessat similitudo supplicij in calumniantes, per leg. 3. §. idem Divus de testib. leg. 3. cap. de advoc. diversorum indicior. Quare denunciator non tenetur suam assertionem probare; sed denunciatio debet fieri apud Iudicem competentem, qui de causa cogniturus est; & dicitur: *ex vi præcepti*; nam de crimine sollicitationis, de quo loquimur, est præceptum formale denunciandi, quia licet sit præceptum naturale ad denunciandos sollicitantes, quia tale crimen est contra bonum commune, in dispendium animarum, & abusum Sacramenti; tamen huic præcepto naturali additur aliud positivum. Quare qui omittit denunciationem non solum peccat contra charitatem, ex qua oritur naturale præceptum, sed etiam contra iustitiam, ex qua tenemur obedire mandatis Superiorum, licet plures Auctores non sine fundamento affirmant utrumque præceptum tantum respicere unam virtutem, & ex transgressione unicum oritur peccatum, licet gravius; sed cum hac differentia, quod in præcepto positivo additur pœna excommunicationis.

110 Denique apponuntur illa verba in definitione: *Ut reus puniatur, aut corrigatur*: nam denunciatio fit Inquisitoribus tanquam Patribus, & applicant remedium, eo modo, quo  
in-

infirmetas possit corrigendo laicivum Confessarium ob illius bonum spirituale, quod principaliter intenditur per denunciationem. Ideoque Summi Pontifices taxant diversas pœnas contra Confessarios sollicitantes, vt DD. Inquisitores tanquam periti medici illas applicent secundum qualitatem morbi, & si oportet Confessarius tantum corrigatur; si autem fuerit expediens puniatur gravibus pœnis, quia indiget efficaciori medicina, qui gravius ægrotavit.

111 Suppono secundò, quod vt aliquis sub censura teneatur denunciare oportet, vt subditas sit ferentis censuram, consequenterque, qui non est subiectus superiori concedenti monitorium, edictum, vel legem sub excommunicatione, non ligatur excommunicatione lata contra non revelantes. Ita tenent communiter Theologi, & Canonistæ, & ratio est, quia præcipere est actus iurisdictionis; sed nemo potest iurisdictionem exercere in non subditum: ergo non potest ligari censura aliquis, si ferentis censuram subditus non est.

112 Suppono tertio, quod nemo tenetur in sui dâmmum, vel in causa propria denunciare delinquentem, nisi aliter postulet commune bonum. Ratio est, quia non est præsumendum Prælatum velle obligare contra ipsum denunciantem. Dixi nisi aliter postulet bonum commune, nam si oportet ad bonum commune, quia præferendum est particulari, etiam in causa propria est denunciandum, vt dicam postea de fœmina, quæ est complex delicti Confessari j sollicitantis.

113 Suppono quarto non esse obligationem denunciandi ea, quæ non scimus verè, & realitèr. Probatur hæc suppositio; quia obligatio denunciandi non est extendenda ultra id quod præcipitur in edictis; sed edicta solum loquuntur de scientibus; & qui non scit verè, & realitèr aliquid, propriè non dicitur sciens: ergo non est obligatio denunciandi nisi ea, quæ verè, & realitèr scimus. Vnde vt talis obligatio resultet in nobis oportet illa contenta in edictis scire per administrationem alicuius sensus externi: ex quo deducitur, quod

ut sit obligatio denunciandi crimina contenta in edicto Inquisitionis sufficit ut quis habeat notitiam per auditum, nam verba edicti sunt: *Si sciebis, & aveis oydo dezir.*

114 Suppono quintò contra Bonacinam *tom. 1. disp. 6. de onere. & obligatione denunciandi, punct. 1. § 4. num. 40.* quòd ut aliquis habeat obligationem denunciandi non oportet, quòd possit probare delictum. Probatur, nam eodem loco loquendo de teste dicit, quòd si adictum præcipit testificare, tenetur quis se offerre in testem, etiam si non possit probare delictum, quia hoc non pertinet ad testem, sed neque ad denunciante[m], quia in hoc distinguitur ab accusante: ergo quòd in edicto præcipitur denunciatio, si aliud non obstat, tenetur, qui scit delictum denunciare delinquentem, etiam si illud non possit probare. Quod est verius in delictis pertinentibus ad Sanctum Officium, quia Promotor Fiscalis præsentat denunciante[m] ut testes; quare si est obligatio testificandi, etiam si delictum non possit probari, etiam denunciandi in Sancto Officio, quia idem est ac præcipere testificationem.

115 Suppono sextò ex doctrina communi tradita à Bonacina *loco citato §. 5. num. 1. & 2.* quòd quamvis vi edicti nemo obligetur ad revelandum id quòd scit sub secreto naturali, vel ratione consilij, vel ad remedium adhibendum pro salute animæ, aut corporis, aut si quis perijt remedium a medico, vel consilium ab avvocato, quia obligatio secreci est de iure naturalis. Si delictum est in damnum & ei publicum, vel terrij, vel contra bonum commune, & publicum spirituale, vel temporale tunc enim non est servandum secretum, excepto secreto Confessionis; & ratio adequata est, quia ius naturale dicit ut servetur secretum, nisi iusta, & rationabilis causa aliter postulet sed causa rationabilis est, quòd tale secretum non servetur, quando delictum est in damnum publicum, & commune spirituale, vel temporale: ergo talia delicta debent propagari, etiam si notitia habeatur sub secreto naturali.

116 Suppono septimo: obligationem constitutam in  
 ædictis, vel monitorijs ad revelanda delicta incipere à die  
 publicationis; quare qui non revelavit intra terminum assigna-  
 tum in ædicto, vel monitorio promulgato sub excommu-  
 nicatione latæ sententiæ, statim transacto termino ligatur  
 vinculo excommunicationis: constat ex *cap. 2. nobis de sen-  
 tent. excommu.* Hoc cum grano salis intelligendum est, scilicet  
 non ligari excommunicatione, si sciens excusetur ob  
 iustam, & rationabilem causam, ut si non potuit præmittere  
 correctionem fraternam, quam sperat pro futuram in deli-  
 ctis, in quibus talis correctio locum habet; at si ultimus  
 dies termini incidit in diem festum; tunc enim probabile  
 est terminum censi dilatum in sequentem diem tertium.  
 Ita Abbas in praxi *cap. 14. num. 7. Clavis Regia lib. 12. cap. 14.  
 num. 34. vers. 3.* Et Addo eadem ratione esse probabile pos-  
 se differri per omnes dies feriatis, qui ad ultimum diem suc-  
 cedunt ut contingit tempore à Nativitate D. N. Iesu Christi  
 (in quo hæc describo) & Pascharum, quia non est maior ratio  
 unius, quam alterius.

117 Deinde adverte, quod ut sit obligatio denunciandi  
 intra terminum præfixum in ædictis, vel monitorijs oportet,  
 ut sit notitia illorum, & obligationis denunciandi, & termi-  
 nus præfixus incipit currere à die illius notitiæ. Ratio est,  
 quia qui ignoravit ædictum non est peioris conditionis, eo  
 qui illius habuit scientiam, sed iste non tenetur denuncia-  
 re, nec ligatur censuris, quousque transeat terminus præfi-  
 xus: ergo neque qui ignoravit ædictum tenetur denuncia-  
 re, nisi post notitiam ædicti transeant dies præfixi. Unde si  
 in ædictis assignantur sex dies, nec numeratur dies, in quo  
 publicantur, nec dies denunciationis; quare qui ignoravit, ut  
 incidat in censuras contra omittentes denunciationem, &  
 debet transire dies in quo habuit notitiam ædicti, & obliga-  
 tionis denunciandi, sex dies præfixi in ædicto, & alius dies  
 in quo erat facienda denunciatio. Et si in primo die in quo  
 pervenit ad notitiam illius eliceat propositum non denun-



ciandi, licet peccet mortaliter si postea intra terminum præfixum mutat propositum, & denunciat, non incurrit excommunicationem; quia hæc lata est contra non denunciantes intra terminum præfixum, & iste intra illum denunciat. Hæc sufficiant ut Confessarij habeant aliquam notitiā de obligatione monendi pœnitentes, ut denuncient in casibus, in quibus est denunciandum, & simul sciant tempus quo debet fieri denunciatio. Hæc dixi ex classicis Doëtoribus, & idem faciam supponendo aliquam de correctione fraterna.

118. Ut autem transeam ad resolvendam quæstionem propositam cum claritate, suppono primò: corrigere, vel corripere peccatorem esse actum honestum misericordiæ, & charitatis. Constat ex pluribus locis Sacræ Scripturæ. Prov. 27. *Melior est manifesta correptio, quam amor absconditus.* Eccles. 29. *Melius est à sapiente corripì, quam stultorum adulatione decipi.* Psalm. 140. *Corripiet me iustus in misericordia.* Math. 18. *Si peccaverit in te frater tuus corripe illum, &c.* ergo corrigere fratrem peccatorem est actus honestus misericordiæ, & charitatis.

119. Suppono secundò: dari præceptum corripiendi proximum, divinum, & naturale: de divino constat ex locis citatis, & ex 1. ad Thesal. 5. *Corripite inquietos.* Vnde infert Eximius Suarez de fide disp. 8. sect. 1. n. 3. esse de fide hoc præceptum corripiendi fratres, quia præterquam textus sunt tam expressi, ut patet ex illo Math. 18. *Corripe illum,* & ex Apost. *Corripite inquietos;* quæ verba sunt præceptiva; ita communiter intelliguntur à Theologis, & Canonistis, quod autem etiam hoc præceptum sit naturale, hoc modo probat Eximius Suarez: nam hoc præceptum corripiendi fratrem non distinguitur à præcepto elemosinæ; liquidem imperatur ab eadem virtute misericordiæ; sed naturali præcepto tenemur subvenire proximo patienti necessitatem corporalem: ergo multò magis ex præcepto tenemur isti subvenire patienti necessitatem spiritualem, quod per fraternam correptionem fit: idèoque Aristoteles cognovit hoc præcep-

tum

tum solum ductus lumine rationis, & 9. *Etihe cap. 3.* scribit: *Pravum amicum corrigendum esse ac magis iuvandum in moribus, quam in pecunijs, dissolvendamque amicitiam si negligat correctionem.* Hoc enim præceptum ex genere suo obligat ad mortale; quia ut dixi est pars misericordiæ; sed præceptum misericordiæ in corporalibus obligat ex genere suo sub mortali: ergo multò magis hoc præceptum correctionis fraternæ; cum per illud subveniatur proximo in necessitate spirituali.

120 Suppono tertio: hoc præceptum obligare omnes personas idoneas ad corripiendum; etiam si alias ex officio non teneantur, quia cum hoc præceptum sit naturale, & divinum, ea parte, qua naturale est, etiam obligat infideles; & quia divinum omnes fideles secundum illud, *Eccle. 7. Vnicuique mandavit Deus de proximo suo*; licet proportionaliter magis obliget Prælatos, quam subditos, & magis patrem erga filium, & Dominum erga servum. Ita D. Thom. 2. 2. *quæst. 33. art. 3. ad 1.* nam hæ personæ sunt magis idoneæ regulariter loquendo ad hoc præceptum exequendum; ideòque in communitate seniores, qui habentur inveneratione strictius obligantur.

121 Ut autem hoc præceptum obliget debet esse spes emendationis; & in delictis occultis, & particularibus antequam deveniatur ad denunciationem hoc ordine est procedendum iuxta Evangelium, *Math. 18.* primo debet esse admonitio secreta: *Corripe eum inter te, & ipsum solum.* Secundo correctio coram vno, vel duobus testibus. & si hoc modo non emendatur, talis frater denunciandus est; ut constat ex illis verbis: *Dic Ecclesie.* Omnes isti actus ut discursit Eximius Suarez loco citato *sect. 6.* cadunt sub præcepto, quia omnes eodem tenore præcipiuntur. Si autem in delictis particularibus occultis hic ordo Evangelicus perverteretur, taliter ut quis ante admonitionem secretam corripere coram vno, vel duobus testibus graviter peccaret, idemque est dicendum si ante istam correctionem denunciaret.

122 Dixi in delictis particularibus; nam si peccatum ver-



titur in damnum commune, & publicum, spirituale, vel temporale quantumcumque sit occultum statim est denunciandum coram superiore, & præcipue si ita monent ædicta, etiam si habeas spem emendationis cum secreta correctione. Hæc resolutio est contra Suarez loco citato *num. 5.* quo ad secundam partem, quia quando periclitatur bonum commune, ad damnum evitandum est adhibendum efficax remedium; sed solum est remedium: efficax denunciatio: ergo si delictum sit occultum non est omittenda denunciatio. Hæc sufficiant de correctione fraterna in communi; nam cetera constabunt ex immediatè sequentibus.

## §. II.

*Alia non minus utilia stabiliuntur.*

123 **S**uppono primò ut certum, & indubitatum, in crimine hæretis, vel apostasie à fide ante denunciationem non esse præmittendam correctionem fraternam, etiam si crimen occultum sit, talitèr quòd vnus tantum præter delinquentem illud cognoscat. Hæc suppositio est contra Villadiegos, Panormitanum, Ioannem Andream citatos per Patrem Salelles *tom. 1. de materijs Inquisitionis lib. 1. regul. 153. cap. 21.* Sed nostra suppositio est communis, & non solum non est præmittenda talis correctio, sed est præceptum denunciandi, etiam si solus denunciatus cognoscat illud crimen; ita Angel. Mag. 2. 2. *quest. 33. art. 7.* & ibi Cayeranus; Soto *lib. 5. de iust. quest. 5. art. 1.* Toletus *lib. 4. sum. cap. 5. num. 1.* Azorius *tom. 1. lib. 8.* Martinus del Rio *disquisit. magic. lib. 5. sect. 4.* & quia hodie nulla est controversia in hac questione solum vnico fundamento ostendam, hanc obligationem denunciandi hæreticos, & apostatas.

124 Summitur enim ratio efficax ad hanc obligationem suadendam ex illo textu Deuteronomij *cap. 13. nec parcas oculus tuus ut miserearis, & ocules eum.* Vbi est sermo de fra-

tre

tre infideli, qui alium sollicitat occultè ad idola colenda, & ei præcipit Dominus vt sine vlla misericordia statim deterat delictum, & denunciet illum, & non taceat titulo occultandi, vel non infamandi, idolatram. Ex hac lege divina summitur optimum, & efficax argumentum ad suadendum obligationem denunciandi hæreticum; quia hæresis non est minùs grave peccatum, nec minùs nocivum fidelibus, quam sit idolatria: ergo est præceptum divinum saltem mediatè denunciandi hæreticum, vel apostatam non præmissa correctione fraterna.

125 Contraria sententia plura congerit contra istam veritatem; sed breviter referam illa, quæ maiorem continent difficultatem, ne postea de hac materia redeat sermo. Sic enim arguit: Correctio fraterna est de iure naturali, & divino in omnibus delictis occultis, & patet ex verbis Christi: *Si peccaverit in te frater tuus vade, & corripe eum inter te, & ipsa solum*: Ergo talis correctio est observanda in delictis occultis, etiam si hæreses sint. Secundo arguit ex regula generali iuris Canonici: delicta occulta iudicio divino reservantur. *cap. si Sacerdos de officio ordinarij, cap. qualiter, & quando de accusationibus, cap. Christus 1. quest. 1. & cap. si omnia 6 quest. 1.* ergo nūquam licet peccatum occultum etiam si sit hæresis deferre ad iudicium humanum. Tertiò ex Clement. *Nollentes de hæres.* Vbi in casu hæresis asserit Pontifex *Si secreta noverint eos talia commississe, ipsos graviter arguere, & corrigere studeant in secreto*: ergo in crimine hæresis occulto nunquam licet transire ad denunciationem iudicialem. Videtur enim hanc consequentiam esse sententiam D. Thomæ; nam 2.2 quest. 35. art. 7 ait: *Si tamen esset firma spes, quod hæreticus statim esset emendandus, præmittenda esset privata correctio.*

126 Ratio præcipua contrariæ sententiæ est, quia in crimine hæresis occultæ denuntiatio esset nociva peccatori, & alijs utilis non esset: ergo sub obligatione est omittenda denuntiatio. Antecedens quo ad primam partem ostenditur; quia per talem denunciationem infamatur frater in re gra-

villima; quo ad secundam etiam constat, quia per talem denunciationem in tali crimine occulto Iudex nihil potest facere, quia nec potest interrogare denunciatum, nec de illo delicto inquirere: ergo talis denunciatio iudicialis est nociva, & non est utilis...

127. Respondetur ad rationes adductas pro contraria sententia, relictis alijs solutionibus: ad primum de precepto Christi: *Si peccaveris in se, &c.* loqui ut assertit D. Thomas *quest. 33. art. 7.* de peccato privato, & omnino secreto, non autem de peccato heresis, quia quantumcumque occultum sit non est reputandum ut secretum, siquidem immediate est contra Deum, ut potè crimen: lese Maiestatis Divine, & contra publicum bonum Ecclesie. Ad secundum facilis est responsio ex dictis; nam ibi est sermo de alijs peccatis occultis præter heresim, quia heresis ex parte obiecti semper est peccatum publicum. Ad tertium malè allegatur Clementina secunda, quia ibi non est sermo de peccato heresis, sed de alijs peccatis.

128. Ad quartum argumentum respondetur negando antecedens quo ad utramque partem; quia talis denunciatio est utilis ad salutem spiritualem denunciati, & necessaria ad bonum commune Reipublice Christiane. In primis est utilis hæretico, nam hoc modo magis timebit labi in heresim, vel saltem illam communicare, vel alium inducere, & sic minus saltem peccabit, & potest contingere, quod per correctionem Ecclesie respiciat. Etiam est utilis talis denunciatio Ecclesie, quia licet per illam solam non possit Iudex inquirere in particulari, potest contingere, quod talis hæreticus etiam occultè coram alio proferat suam hæresim, & tunc adveniente alia denunciatione potest puniri; quia in hoc crimine admittuntur testes singulares cum sit difficilis probationis. Nec auctoritas D. Thomæ est contra nostram sententiam, quia solum currit in casu speculativo, & conditionali, ut constat ex illis verbis: *Si tamen esset firma spes, &c.* imò ut constat ex loco citato in responsione prima argumenti aperte stat

stat pro nostra sententia. De hoc his temporibus non est dubium, imò asserere contrarium est temerarium, & scandalosum, nam præterquam, quòd in Bullis Pontificijs est tale præceptum, etiam imponitur per adicta Inquisitorum, & præceptum Inquisitionis vim minorem non habet, quam lex Canonica, quia fertur Apostolica auctoritate, & quamvis videatur præceptum ab homine, tamen quia Tribunal à quo procedit perpetuum est, ideo per modum legis perpetuò durat.

129 Suppono secundò: quemlibet Catholicum teneri sub præcepto peccati mortalis denunciare hæreticum quantumcumque secretum, etiam si sciat hoc crimen sub secreto naturali firmato iuramento; nam iuramentum non potest esse vinculum iniquitatis; sed si cmitteret denunciare hæreticum occultum esset vinculum iniquitatis, nam hæresis pertinet ad corruptionem spiritualem multitudinis, & est peccatum oppositum bono communi Ecclesiæ: ergo quilibet Catholicus tenetur denunciare hæreticum, etiam si talis criminis habeat notitiam per secretum naturale firmatum iuramento.

130 Suppono tertio: non posse aliquem denunciare hæreticum quantumcumque sua hæresi corrumpat multitudinem fidelium dogmatizando, si hoc scit sub sigillo confessionis. Ita D Thomas in 4. dist. 21. quest. 3. art. 1. ad 1. & 2. 1. quest. 70. art. 2. ad 2. Et ratio est, quia Confessarius tenetur ad sigillum confessionis ex vi iuris divini: præceptum denunciandi hæreticum est humanum, & etiam si sit divinum veldignius est inferioris Ordinis: ergo non tenetur, nec potest illum denunciare. Hoc verum tenet etiam si confessio fuerit incepta, & non finiatur, vel quia pœnitens non est dispositus, vel quia in Confessario non est iurisdictio ad hæresim absolvendam. Ita Fagundez lib. 6. in 2. præcept. Eccles. cap. 4. num. 24.

131 Dixi sub sigillo confessionis, quia ad hoc ut cadant sub sigillo confessionis, ea quæ pœnitens dicit Confessario oportet quòd accedat pœnitens animo confitendi, vel se accusandi, quia si hoc fingat ad decipiendū Confessarium, vel ad hoc



hoc, ut illum corrumperet suis erroribus, & hoc Confessarius certo cognoscat, tenetur illum hæreticum denunciare, quia tunc poenitens abuitur Sacramento Poenitentiae, & huiusmodi abusus non est materia sigilli. Ita idem Fagundez loco citato, & hæc doctrina communis est in praxi Sancti Officij; sed oportet esse magnam prudentiam in Confessario, ut discernat, an talis poenitens accedat animo confitendi, vel dogmatizandi, aut decipiendi, & in dubio debet stare pro sigillo confessionis. Ideoque rectè faciet, & prudenter, si quando aliquis accedit, ut petat Consilium circa delicta pertinentia ad Sanctum Officium antequam propaler aliquod delictum in particulari, inducat illum ad confitendum, seu habendum animum sacramentaliter se accusandi, quia hoc modo noticia illorum delictorum cadit sub sigillo Sacramentali, & excusabitur ab obligatione denunciandi in Sancto Officio huiusmodi confessarium.

132. Suppono quarto; in crimine hæresis, quia, infert perniciæ communitari, eo quod ut cancer serpit, teneri denunciare fratrem contra fratrem, maritum contra uxorem, & è converso, discipulum contra Magistrum, subditum contra Prelatum, servum contra Dominum, filium contra Patrem, & è converso: hæc veritas, constat ex Sacra Scriptura clarè; nam 13. Deuteronomij sic dicitur: *Si tibi voluerit persuadere frater tuus, filius Matris tue, aut filius tuus, vel filia, sive uxor, quæ est in sinu tuo, aut amicus, quem diligis ut animam tuam, dicens eamus, & serpiamus Dijs alienis non acquiescas ei, nec audias, neque parcat ei oculus tuus ut miscearis, & oculus eum: ergo nullus est qui excusetur ab obligatione denunciandi in crimine hæresis.*

133. Sed potest argui contra hucusque dicta ex illo Pauli ad Tit. 3. *Hæreticum hominem post unam, vel secundam admonitionem debita: ergo etiam in hæreticis datur locus ad correctionem fraternam.* Respondetur D. Paulum non loqui de admonitione privata fraterna, sed de iudiciali publica; nam in presenti loco non loquitur cum privatis hominibus, sed cum Episcopo Tito, ad quem ex officio expectabat hæreticum

iudicare, & iudicialiter admonere, & si trina admonitio non erat sufficiens, vel vna pro tribus illum hæreticum declararet excommunicatū. Quare particula illa *de hiis* significat, fac debitari ab alijs, ita D. Thomas in explicatione huius loci tū per epistolas Pauli, Simānch. *de Cathol. inst.* 19. num. 14. Fagundez loco citato num. 14.

134 Cum his hucusque dictis in hoc § & antecedenti poterat resolvi questio; nam eodem modo, & eisdem verbis D. D. Inquisitores importunt orus denunciandi delicta generalia suspicionem in fide, sive de levi, sive de vehementi, ac crimen hæresis, sub pœna excommunicationis maioris. *Sin comunicarlo con persona alguna, por que assi contiene.* Ita edictum, & de Confessarijs sollicitantibus habet hæc verba: *Si sabeis, o azeis oydo dezir, que algun Confessor, o Confessores, Clerigos, o Religiosos, de qualquier estado, o confesion que sean, en el acto de la Confession, o proximately della, ayan sollicitado a sus hijas de Confession, provocandolas con herbos, o con palabras, &c.* Et prosequitur cum omnibus casibus contentis in Bullis; sed quia non obstante addito hæc questio de præmittenda correctione fraterna ante denunciationem in criminis sollicitationis est valde controversa illam resolvam, & apertam statum, in quo hæc materia hodie reperitur.

### §. III.

*Stabilitur conclusio pro parte negativa.*

135 **P**RO parte affirmativa acriter pugnat Thomas Hurtado tom. 1. *resol. morali*, nam illam defendit in suo tractatu de Confessarijs sollicitantibus, tract. 4. cap. 6. §. 1. num. 82. & seqq. idem repetit cap. 8. *resol.* 55. num. 666. & seqq. idemque tenet *resol.* 56. §. 1. num. 690. & seqq. contra Dianam, & nostrum Trimarchium, defendentemque hanc sententiam noster Peirinis tom. 2. *de privil. Minim. Constit.* 4. Gregorij XV. §. 9. num. 69. Fagundez de præcept. Eccles. tract. 2.



*lib. 4. cap. 3. num. 31. Ioannes de la Cruz in direct. conscientie; part. 1. precept. 5. quest. 2. dub. 5. conclus. 2. Caltrus à Palao tom. 1. tract. 4. de sollicit. disp. 9. punct. 10 num. 2. sed licet absolute iste Auctor adhæreat huic sententiæ dicit postea: Raro tamen existimo banc emendationem hac correctione secreta sperari posse, ac proinde raro cessare obligationem denunciandi, Sotus lib. 5. de iust. quest. 5. art. 2. Ledesma in summ. tom. 2. tract. 4. conclus. 24. difficul. 2. & alij graves Auctores citati ab Hurtado pro sua sententia.*

136. Hæc sententia his temporibus substinenda non est, & abstinendo a censuris ut certum, & indubitatum teneo Confessarium sollicitantem semper deberi denunciari non præmissa correctione fraterna. Ita intelligitur, & observatur in Sancto Officio, & taliter est praxis pro hac sententiâ, quod si Confessarij non monerent pœnitentes ad denunciandum, sed fassi in probabilitate prioris sententiæ negative consulere privatam correctionem, contra dictos Confessarios procederet Tribunal Sanctæ Inquisitionis. Pro hac sententiâ stat Bonacina tom. 1. disp. 6. de onere, & obligatione denunciandi, punct. 3. num. 9. Trullench tom. 1. in Decalog. lib. 1. cap. 3. dub. 8. num. 26 & citat pro hac sententiâ num. 22. Villalobum, Turrianum, Enriq. Freitam, etiam stat pro hac sententiâ Elcobar à Corro tom. 2. part. 2. quest. 4. §. 1. de correct. frater. n. 56. Diana 1. p. tract. 4. de denunciationib. resol. 2. & 4. part. tract. 5. de Confessarijs sollicitantibus, resol. 24. Carena p. 2. de Confessarijs sollicitantibus 7. §. 22.

137. Probatur primo hæc nostra conclusio, & simul ostenditur, quod sententia contraria non potest reduci ad praxim; quia in causis pertinentibus ad fidem correctio fraterna est damnata ab Alexandro VII. per Bullam expeditam die 8. Julij anno 1660. hæc sunt verba Bullæ: *Præterea idem Sanctissimus declaravit præfatos subditos, etiam si nulla fraterna correctio, vel alia monitio præmissa fuerit omnino teneri, & obligatos esse accedere ad denunciandum Ordinarijs, vel Inquisitoribus locorum quoscunque etiam confratres, ac Superiores etiam*

primarios suos eiusdem Ordinis, vel Religionis, quos noverint esse de fide quomodolibet, etiam leviter suspectos, ac propterea eosdem debere omnes, & quoscumque etiam alios à se consilium petentes, ut supra monere, & obligare ad denunciandum; nec posse illos à denunciando sub dictæ fraternæ correctionis, vel alio quovis pretextu detrahere, aut retardare, & præfatos omnes tam Superiores, quàm Subditos contra facientes, sanctitas sua voluit, & declaravit subiacere omnibus censuris in dicta Constitutione Pauli V. expressis, necnon privationis quarumcumque dignitatum siue prelatorum, seu officiorum suorum ordinum, ac vocis activæ, & passivæ, perpetuæque inhabilitatis ad eadem ipso facto absque alia declaratione: Ergo hodie post dictum decretum non potest praticari sententia defensans correctionem fraternam ante denunciationem.

138 Secundò probatur; nam præmittere correctionem fraternam in crimine sollicitationis, adhuc secundum contrariam sententiam ad praxim irreducibile est; quia Auctores qui melius discunt, ut Castus à Palao loco citato dicunt, quòd hæc correctio rarò potest adhiberi, & excusari ab obligatione denunciandi; & D. Thomas loco citato de heretico dicit: *Si sit firma spes, &c.* quare rarissimè potest contingere esse locum ad correctionem fraternam in his delictis, adhuc secundum principia contrariæ sententiæ; sed casus non debent resolvi secundum illa quæ rarò contingunt; sed ex communiter contingentibus, textus in *l. iura. 3. cum tribus seqq. de leg.* ergo cum sententia contraria sit de rebus, quæ rarò contingunt, nullatenus ad praxim reduci potest.

139 Confirmatur; nam quando stabilitur in moralibus aliquod assertum generalitèr, & absolute, quòd solum in aliquo casu potest praticari, dicitur tale assertum periculosum in praxi; ideòque Sanctissimus Pater Innocentius XI. in decreto quo damnavit 65. propositiones asserit eas esse ad minus scandalosas, quia periculosas in praxi; & sententia, vel opinio, quæ solù potest praticari in aliquo casu singulari, non dicitur probabilis; ideòque gravissimi Auctores dicunt, quòd

quòd quando non est aliud remedium debemus uti opinione, quæ generalitèr est improbabilis. Pono exemplum, secundum primam propositionem damnatam ab Innocentio XI. in valore Sacramenti non posuimus uti opinione probabili relictâ tutiori; ac per consequens in praxi opinio circa materiam, vel formam, quæ erat minus probabilis hodie non est probabilis; etiam si speculativè habeat aliquam probabilitatem, quia solum in casu raro possumus praticare talem opinionem; sed emittere denunciationem in crimine sollicitationis utendo correctione fraterna secundum contrariâ sententiam raro potest reduci ad praxim: ergo talis sententiâ non est practicè probabilis.

140 Probatur tertio, & declaratur equivocatio aliquorum Doctorum; nam ex eo dicunt correctionem fraternam debere denunciationem præcedere, quia ut asserit Thomas Hurtado *cap. 9. resol. 28. num. 173.* non est potestas creata etiam Summi Pontificis, quæ possit obligare ad delictum occultum propalandum, non præmissa correctione fraterna, sed adhuc admissio quòd talis correctio obligaret etiam in crimine sollicitationis non idèò esset excusanda denuntiatio: ergo quantumcumque speretur emendatio, delatio coram Inquisitoribus adhibenda est. Probatur minor. In primis ex verbis Bullæ Alexandri VII. *Etiam si nulla fraterna correctio præmissa fuerit obligatos esse accedere ad denunciandum.* Secundo ratione; quia ut dicit Magister Acacius de Velasco *tom. 2. resol. moral. verb. Denunciatio, resol. 230.* quod DD. Inquisitores præcipiunt in edictis non est correctio fraterna, sed iuridica; quia correctio fraterna tendit ad lucrandum peccatorem, correctio autem iuridica, quam intendunt DD. Inquisitores, non tantum attendit ad conscientiam delinquentis, quantum ad hoc ut Sacramentum Pœnitentiæ purè, & sanctè tractetur, & non onerentur pœnitentes cum novis, & gravioribus peccatis, sed à præteritis mundetur, terrendo Confessarios cum tali præcepto denunciationis: ergo quamvis admittatur correctio fraterna non est emittenda denuntiatio.

Idèò:

141 Ideòque amplectendo hanc sententiam Ioannes Sánchez in *select. disp.* 11. num. 56. ait: Quòd quando dicitur ædictum Inquisitorum obligare, ut denunciatio fiat non præmissa correctione fraterna, nò in eo sensu est intelligendù, quòd ædictum prohibere intendat correctionem absolurè, sed solum obligat, ut denunciatio non omittatur titulo correctionis factæ, vel faciendæ: ergo etiam si admittatur correctio fraterna in his criminibus, non ideò denunciationis obligatio cessat.

142 Probatur quartò conclusio: ut asserit Eximius Suarez de *charitate disp.* 8. sect. 6. num. 6. pag. 760. hæc est differentia inter peccata, quæ tantum afferunt nocivum peccatori, & quæ alijs nocent, quòd prima fraternalitè corrigi debent quævis tantum sit probabilis spes fructus, secunda requirunt moralem certitudinè emendationis, ut adhibeatur talis correctio; sed ad summum possumus habere per signa maiorem, vel minorem probabilitatem futuræ emendationis per fraternam correctionem: ergo cum crimen sollicitationis noceat alijs, siquidem opponitur puritati Sacramenti, & est in perniciè animarum, adhuc si non esset decretum Pontificium semper pro remedio adhibenda esset denunciatio, quia de futurà emendatione nunquam possumus habere certitudinem moralem.

143 Ultimò probatur ab inconvenienti, quia si ante denunciationem esset præmittenda correctio fraterna, & differenda denunciatio si esset spes emendationis; cum hoc delictum occultissime perpetretur, si sollicitata admoneret Confessarium, etiam si esset maximè criminolus, simularet emendationem ad fugiendam denunciationem, & idem faceret cum alia sollicitata, imò cum multis; sed hoc modo illa atrocissima delicta nunquam haberent debitam punitionem; quàm imendunt Summi Pontifices per Bullas, & DD. Inquisitores per ædicta, ut Confessarij à tam horrendo crimine saltem mœtuspœnæ arceantur: ergo in hoc crimine nunquam est omittenda denunciatio.

## §. IV.

*Argumentis contrarijs occurritur.*

144 **L**icet sufficiat decretum Alexandri VII. ut ne-  
 modubiret de veritate nostræ assertionis, ni-  
 hilominus proponam, & dissolvam aliqua argumenta principa-  
 liora contrariæ sententiæ, ut omnes Confessarij firmitus stent  
 pro parte denunciationis. eam consulendo pœnitentibus ab  
 alijs Confessoribus sollicitatis. Argues. primò pro sententia  
 Thomæ Hurtado: adhuc supposito decreto Pontificio obli-  
 gat præceptum divinum de correctione fraterna, etiam in  
 crimine sollicitationis: ergo non est omittenda talis correc-  
 tio. Antecedens probatur ex eodem Auctore: non est pote-  
 stas in terra contra præceptum Divinum de correctione fra-  
 terna: ergo adhuc supposito decreto Alexandri VII. obligat  
 tale præceptum; sed crimen sollicitationis est occultum: ergo  
 in illo non est procedendum ad denunciationem si per cor-  
 rectionem fraternam speratur emendatio.

145 Dupliciter potest responderi ad argumentum secun-  
 dum dicta: primò stando in sententia Ioannis Sanchez, quod  
 etiam si correctio fraterna obliget sub præcepto divino in  
 omnibus delictis; adhuc ista supposita, in crimine sollicitatio-  
 nis non est omittenda denuntiatio. Quod enim præcipitur  
 secundum principia huius Auctoris à Summo Pontifice, & à  
 DD. Inquisitoribus non est, quod in quolibet crimine occul-  
 to non adhibeatur correctio fraterna, sed quod fiat denun-  
 ciatio de delictis contra fidem, vel generantibus suspicionem  
 in fide, quod est valdè diversum; nam correctio præcepta à  
 Christo est Evangelica, quæ tendit ad emendationem, denun-  
 ciatio est correctio iuridica, quæ versatur circa punitionem.  
 Sed quia hæc responsio aliquomodo militat contra adiectum  
 Inquisitionis in quo hæc sunt verba: *Si n comunicarlo con nadie,*  
*porque assi conviene vengais à manifestarlo dentro de seis dias,*  
*circa*



circa quæ verba Auctores ad summum admittunt communi-  
cationem cum aliquo litterato , non autem cum Confessario  
solicitante, ideòque transco ad aliam responsionem, commu-  
nem, sed vnicam.

146 Respondetur secundò iuxta dicta in 2. §. Correctio-  
nem fraternam non obligare quando peccatum est cõtra bo-  
num publicum temporale, vel spirituale ; cum autem crimen  
solicitationis sit contra bonum publicum Sacramenti , & fi-  
delium, in hoc crimine non est obligatio præmittendi fra-  
ternam correctionem, quia vt dixi licet crimina huius classis  
subiectivè sint secreta , obiectivè publica sunt, & solum est  
obligatio præmittendi talem correctionem in delictis occul-  
tis non solum subiectivè, sed etiam obiectivè.

147 Sed vt omnia cum claritate, & distinctione resolan-  
tur non omitam doctrinam, meo videri, satis proficuum Pa-  
tris Moya in *selectis* tom 2. *Appendice ad tract. 3. de Pœnitent.*  
*disp. 5. quest. 2. §. 4. num. 21.* vbi dicit, quòd si pœnitens soli-  
citus habeat firmam spem emendationis Confessarij soli-  
citantis, non tenetur omittere correctionem fraternam, quia  
potest contingere, quòd talis Confessarius contra se non ha-  
beat aliam denunciationem , nec adminicula in Tribunali  
Sanctæ Inquisitionis ; & in hoc casu, etiam si pœnitens de-  
nunciet nihil faciet Tribunal contra talem Confessarium,  
quare cum tantum possit lucrari correctione fraterna, non est  
ratio ad illam omittendam ; sicquè potest illum corrigere, &  
simul in Tribunali denunciare. Hoc enim nequè est contra  
decretum Alexandri VII. nec contra ædictum Inquisitionis ;  
sicut non est contra ædictum consulere virum doctum ad sciẽ-  
dum , an delictum sit denunciandum , vel non ; quòd enim  
ædictum intendit est , quòd postquam pœnitens habet cer-  
titudinem de obligatione denunciandi, hoc cum nullo com-  
municet, & decretum, quòd etiam si non præcesserit correctio  
fraterna non ideò omittenda sit denunciatio, per quòd patet  
ad tacitam obiectionem.

148 Argues secundò cum Thoma Hurtado : correctio

K

fra



fraterna non est contra ædictum Inquisitorum: ergo præmittenda est ante denunciationem in crimine sollicitationis. Probatur antecedens: illa verba ædicti: *Sin communicarlo con nadie* fundatur in rationabili præsumptione, quod correctio fraterna est inutilis: ergo talis correctio non est omittenda, non obstante ædicto, si sit utilis. Probatur consequentia: est sententia communis, quod quando lex fundatur in præsumptione, cessante præsumptione etiam cessat obligatio legis: ergo non erit contra ædictum præmittere talem correctionem cessante præsumptione, quod erit inutilis talis correctio: ergo dum modo speretur certò emendatio Confessarij potest adhiberi correctio, & admonitio secreta, & denunciatio omitti, & iuxta hunc modum discurrendi Thomas Hurtado in secundo loco citato num. 290. dicit quod ædictum de denunciatione nõ præmissa correctione fraterna debet intelligi, quando non speratur fructus.

¶ 149. Respondetur iuxta dicta negando antecedens, ad illius probationem nego etiam antecedens; nempe quod ædictum Inquisitionis fundetur in præsumptione, quia etiam ista cessante cum non ordinetur solù ad correctionem, sed ad punitionem semper est inexcusabilis denunciatio. Parificatur ad hominem contra Thomam Hurtado; nam loco citato §. 8. numer. 272. asserit, quod in crimine hæresis formalis potest summus Pastor Ecclesiæ edere monitorium, quo statuatur, quod hæreticus formalis denuncietur non præmissa correctione fraterna, non obstante; quod secundum principia istius Auctoris, si crimina hæresis est occultum, & est summa spes emendationis, eadem ratio militat ad talem correctionem non omittendam; nam præceptum de correctione est de iure naturali divino, & lex Pontificia de iure humano; & fundamentum istius Auctoris est, quia quando Summus Pontifex tollit in crimine hæresis correctionem fraternali utitur episcopo, & declarat legem Christi, cuius obligatio non tenet respectu hæreticorum, sicut licet lex naturæ obliget ad observandum secretum nobis commune, tamen deficit eius obligatio, quan-



que extendenda ad diversos casus, ubi est eadem identitas rationis. Secundò quòd adhuc admissò, quòd sint pœnales etiam debent applicari ad istos casus; nam est sententia plausibilis asserens, quòd Bulla, vel lex pœnalis applicatur ad casus ubi est eadem ratio expressa in lege, sicut invenitur, ut ponderatur in argumento, in Confessario sollicitante ad diversa peccata, à luxuria; & si in Bulla Gregoriana solum fiat mentio de sollicitantibus ad venerea, est qui a frequentius contingit, ideòque secundum aliquos Doctores sollicitatio ad turpia ponitur exempli gratia. Tertiò secundum alios, quòd licet verum sit, quòd vi istarum constitutionum solum sit denunciandus Confessarius sollicitans ad venerea non præmissa correctione fraterna vi iuris communis, & ex consuetudine Tribupalis eodem modo debet procedere poenitens cum Confessarijs sollicitantibus ad peccata diversa à luxuria.

152 Ex quibus inferò primò contra Thomam Hurtado *resol. 42. §. 2. num. 459 & seqq.* & contra nostrum Peirin. *tom. 2. de privileg. Minim. constit. 4. Gregorij XV. §. 9. num. 314* quòd etiam si Confessarius iam sit emendatus tenetur poenitens illum denunciare: Primò, quia iam talis prætextus emendationis præteritæ prohibitus est in Bulla citata Alexandri VII. siquidem dicit, *quovis prætextu*. Secundò, quia, ut dixi, finis denunciationis non solum est emendatio; nam præceptum denunciandi Confessarium, etiam si crimen sollicitationis sit occultum habet æquè primò plures fines, scilicet præservationem à tanto crimine, rectam Sacramenti Poenitentiae administrationem, fidei Christianae conservationem, semper plenam probationem ex testimonio personæ sollicitatæ, ut hoc freno, qui semel sollicitavit ab iterando crimine metu integre probationis absteat: ergo cum finis legis denunciationis non solum sit emendatio; etiam cessante hoc fine, cum alij fines sufficere perseverent, non est omittenda denunciatio.

153 Inferò secundò contra eundem Auctorem; poenitens

tem sollicitatum, etiam si speret firmiter emendationem Confessarij, non posse sperare per triennium ad comprobandam emendationem, sed intra sex dies iuxta tenorem ædicti Inquisitionis tenetur denunciare talem Confessarium. Constat hoc corolarius ex dictis in antecedenti. Præterea, quia mulier sollicitata hoc spatio temporis solum potest cognoscere, se non esse sollicitatam amplius ab illo Confessario; non verò istum non sollicitasse alias feminas, & si hæc sententia haberet probabilitatem frustra essent ædicta Inquisitorum, quia ferè numquam esset obligatio denunciandi.

## QVÆSTIO VI.

*Verùm cessante suspitione, quod Confessor sollicitans male sentit de Sacramentis sit denunciandus.*

### §. I.

*Proponuntur sententiæ, & tutior eligitur.*

154. **A**ntequam ponam pœnas, vel censuras, in quibus incurrit femina sollicitata si non denunciat, præmitto præsentem quæstionem, quia est valdè affinis cum antecedenti circa quam iudicium Auctorum tripartitum est; Hanc quæstionem in proprijs terminis disputavit noster Trimarchius *disp. 12. sect. ultim.* qui proponit diversa placita Auctorum. Prima sententia defensat, quòd si præsumptio non est vera, sed fallitur in aliquo casu particulari, Confessarius non est denunciandus. Ita in alijs terminis tenet Riccius *p. 3. decis. 278. num. 8.* Valerus *de differ. utriusque iuris, verb. Hæresis num. 4. vers. 5.*

155. Secunda sententia asserit, quòd quamvis ædictum DD. Inquisitorum, & Bullæ Pontificiæ fundentur in præsumptione; adhuc ista cessante in Confessario sollicitante denunciandus est; ita Trimarchius *loco citato*, Freitas *quæst. 21. num.*

num. 26 Bosius de casib. cap. 28 nu. 95 Diana 1. part. tract. 4. de denuntiatis. resol. 10. Etcobar à Corro p. 3. q. 2. §. 1. nu. 30. defendit primam sententiam in puncto iuris, & hanc secundam in facto, vel in praxi, quia nunquam certo constare potest denotare suspicionem in fide; manente tamen de hæresi suspecto.

156 Tertia sententia alia via procedit, & defendit, quod si Confessor sollicitans non est diffamatus de sollicitatione, & alias bonæ vitæ, & benè opinatus ubi moratur, & mulier sollicitata format prudentialiter dictamen, quod rectè de fide sentit, quamvis semel, aut iterum sollicitet eandem personam, non tenetur hæc femina talem Confessarium denunciare, sed sufficit si illum fraternaliter corrigit; sed si sunt præsumptiones contra huiusmodi Confessarium, & conclusuræ, quod alias feminas sollicitavit in alijs Confessionibus, cum hoc sufficiat ut sit diffamatus, etiam si cesset præsumptio, quod sit suspectus in fide est Inquisitoribus denunciandus. Ita H. Thomas Hurtado loco citato resol. 57. §. 2. à num. 722. & seqq.

157 Sed ego iuxta secundam sententiam assero, quod etiam si cesset præsumptio, quod Confessarius malè sentit de Sacramento Pœnitentiæ, & non sit suspectus in fide semper est denunciandus. Pluribus rationibus probatur hæc conclusio, & in primis ad hominem contra Thomam Hurtado; nam si talis Confessarius non esset denunciandus ideo esset, quia in tali casu particulari non est suspectus in fide, sed quamvis hoc esset verum, non cessat obligatio denunciandi; ergo huiusmodi Confessarius denunciandus est. Minor in primis probatur à paritate. In secunda conclusione num. 734. defendit quod si Confessarius est diffamatus, taliter quod sint præsumptiones contra illum de alijs sollicitationibus, quamvis iudicetur prudentialiter, quod non sentit malè de Sacramento, est denunciandus; sed in hoc casu cessat præsumptio, & suspicio in fide: ergo etiam si prudentialiter iudicetur non sentire malè de fide, denunciandus est.



158. Secundo probatur eadem minor alia paritate; nam bene stat quod aliquis subijciatur indicio Inquisitorum, & quod non sit suspectus in fide: ergo etiam si huiusmodi Confessarius non sit suspectus, virtute Bullarum subijcitur foro Inquisitorum. Probatur antecedens primò: possunt procedere Inquisitores virtute Bullæ Gregorianæ, & decreti Alexandri VII. contra Confessarios non monentes poenitentes sollicitatos ab alijs Confessarijs, quod denuncient in Sancto Officio, & Confessarij non monentes non sunt suspecti in fide. Secundo doctus Pater Salelles tom. 3. pag. 30. num. 21. & seqq. affert duos casus in quibus de consilio supremæ Inquisitionis Romæ cognovit Inquisitio Melitensis, & in reis non erat præsumptio, quod malè sentirent de fide: ergo etiam si Confessarius non sit diffamatus, nec præsumatur malè sentire de fide est denunciandus. Præterea, quia plures Auctores defendant Confessarium sollicitantem in Confessionali esse denunciandum, & quia non est suspectus in fide, etiam si subijciatur iurisdictioni Inquisitorum non debere abjurare de levi: ergo stat bene, quod Confessarius non sit suspectus in fide, & quod subijciatur iurisdictioni Inquisitorum, idèdque sit illis denunciandus.

159. Nec valet dicere, in his, & similibus casibus, delicta non fundari in præsumptione, ut subijciantur criminosis Inquisitoribus; ac verò in casu sollicitationis contrarium evenit, ut constat ex verbis Bullæ Gregorij XV. *Nos in animum inducere nequentes, quod qui de fide Catholica rectè sentiunt, &c.* Ex quibus verbis apertè constat, quod motivum Pontificis subijciendi hoc delictum iurisdictioni Inquisitorum est quia generat suspicionem in fide. Non valet hæc responsio, primò, quia licet sit motivum non est unicum; nam plura assignat Summus Pontifex, quia loco panis porrigit venenum, parat laqueum diaboli, &c. & quodlibet istorum est sufficiens motivum, ut hoc crimen sollicitationis subijciatur iurisdictioni Inquisitorum: ergo etiam si daretur casus in quo cessaret ista præsumptio, non idèd Confessarius evaderet liber

à punitione Inquisitorum, nec esset femina absque obligatione denunciandi, vt constat ex dictis de sollicitante in Confessionali, §. antecedenti.

160 Secundo; nam etiam si motivum sit præsumptio; quòd talis Confessarius denunciatur, ista cessante, semper est obligatio denunciandi, quia subdito scienti edictum solum pertinet obedire ædicto superioris; non autem iudicare an cesset præsumptio, vel non, in qua fundatur ædictum superioris, Bart. *in l. qui testaments. §. fin. ad finem de testam.* Ergo etiam si Bullæ Pontificæ, & ædictum de obligatione denunciandi Confessarios sollicitantes fundentur in præsumptione, omnes sollicitari tenentur obedire denunciando, etiam si forment iudiciũ, quòd cessat præsumptio, quia hoc non pertinet ad subdites, sed ad Superiorem.

161 Secundo probatur conclusio: quia iudicare in fortis legijs an sit suspicio in fide non pertinet ad denunciantem, sed ad Inquisitores: ergo pariformitèr iudicare an in crimine sollicitationis sit suspicio in fide non pertinet ad denunciantem, vel ad feminam sollicitatam, sed ad Inquisitores. Præterea, quia non est dubium, quòd sollicitatio sit crimen generans suspicionem in fide; sed tale crimen afficit personam: ergo sollicitans. est suspectus in fide; sed quòd non sentiat malè de Sacramento Pœnitentiæ consistit in animo: ergo solum potest præsumi ex coniecturis, quòd non sentiat malè de fide; ac per consequens cum suspicio possideat, quia factum certò inducit suspicionem in fide, numquam mulier sollicitata subterfugit obligationem denunciandi. Tum etiã, quia vt ait D. Ioannes Etcobar à Corro *num. 30.* iudicare, accurrant sufficiens præsumptiones, vt cesset suspicio in fide, nec pertinet ad testes, nec ad denunciantes, sed ad DD. Inquisitores, qui in his causis sunt Iudices delegati Summi Pontificis.

162 Tertiò probatur conclusio: idem Thomas Hurtado loco citato *num. 746.* respondendo ad tertium argum. contrariæ sententiæ dicit, quòd etiam si animus sit internus de illo

illo potest constare ex coniecturis, & argumentis probabilibus; sed si factum generat suspicionem in fide ex talibus coniecturis, & rationibus probabilibus non potest cessare præsumptio contra Confessarium sollicitantem: ergo est denunciandus. Probatur minor: nam certum est, quod factum generat suspicionem in fide; sed quod cessat præsumptio est sub dubio: ergo ex coniecturis, & rationibus probabilibus non potest cessare præsumptio certa quod malè sentiat de fide: ergo semper ut suspectus est denunciandus talis Confessarius.

163 Quarto probatur; quia si hæc doctrina posset reduci ad praxim vix esset in Hispania obligatio denunciandi Confessarios sollicitantes. Primo, quia non desunt coniecturæ, & rationes probabiles, ut cesset in fere omnibus præsumptio, quod malè sentiant de fide, cum possit iudicari de quolibet Confessario probabiliter, ex firmitate fidei Hispanorum, tale crimen sollicitationis non processisse ex mala credulitate circa Sacramentum Pœnitentiæ, sed ex sua fragilitate, & passione, & ex his coniecturis intelligere, cessare obligationem denunciandi, quia non est præsumptio in tali Confessario de mala credulitate. Secundo si esset necessum ab obligationem denunciandi, quod talis Confessarius esset diffamatus de alijs sollicitationibus, cum hoc sit difficile, siquidem ista crimina committuntur omnino secreto, & si mulier sollicitata non est perditæ vitæ, tacet illam sollicitationem, & sic vix esset casus in quo daretur, talis obligatio, quia ad hanc diffamationem non esset locus, & multò minùs si femina consentiret; quare posset Confessarius plures feminas sollicitare, & evadere denunciationem.

## §. II.

*Argumenta contraria solvuntur.*

164 **S**olum proponā principaliora fundamenta contrariæ sententiæ, quia ex dictis cetera sunt soluta. Primum fundamentum sic procedit : quando ædictum fundatur in præsumptione, si cessat talis præsumptio non ligat ; sed ædictum de denunciandis Confessarijs sollicitantibus fundatur in præsumptione, quod malè sentiant de fide : ergo si cessat talis præsumptio denunciandi non sunt. Probatur maior : decretum denunciandi Astrologos iudiciarios, & chyromanticos, quia fundatur in præsumptione, quod malè sentiant de fide, ut constat ex Constitutione Sixti V. quam postea confirmavit Urbanus VIII. in Bulla edita anno 1631. cessante hac præsumptione non sunt denunciandi, ut tenent gravissimi Auctores, quos citat Diana 2. *part. tract. 15, resol. 53.* ergo si ædictum de denunciatione in præsumptione fundatur, cessante præsumptione non est obligatio denunciandi, quia finis cuiuscumque dispositionis inspicendus est ex textu in *l. etsi non sunt 20. aliàs leg. cum aurum 19. §. perveniamus 13. & arg. leg. l. 3. cap. de institut. & substit. ex pluribus iuribus adductis per Glossam in cap. dudum 22. de elect. & in cap. scientes, de censib. & si consequens est, non est amplius procedendum, ex *l. fin. §. fin. mandati* : ergo cum ædictum denunciandi Confessarios sollicitantes fundetur in præsumptione, quod malè sentiant de fide, cessante hac præsumptione, denunciandi non sunt.*

165 Responderetur primò negando maiorem ; ad illiusque probationem nego antecedens, nam etiam si ex parte denunciantis cesset præsumptio, & ædictum fundetur in præsumptione, semper Confessarius sollicitans denunciandus est, nam iuxta hunc modum discurrendi datur duplex obligatio, alia denunciantis, & alia Iudicis denunciationem præcipientis ; obli-

obligatio denunciantis solum est obedire edicto superioris denunciando, obligatio autem Superioris precipientis iudicare an cesset presumptio, in illo particulari, & si ratione presumptionis ad illum pertinet iudicare de illo crimine, cessante presumptione non potest punire criminolum; sed quod precipitur poenitenti feminae sollicitatae est, quod denunciet Confessarium sollicitantem, non autem, quod iudicet de presumptione: ergo etiam ista cessante debet denunciare. Tum etiam, quia ut recte Diana 4. p. tract. 5. resol. 54. licet ratio commissionis sit suspicio, commissio tamen Pontificis est absoluta. Citat Soufiam, & Molfesum.

166. Secundo responderetur iuxta dicta admitiendo maiorem cum distinctione; quando cessat presumptio cum omnimoda certitudine concedo maiorem, quando solum ex coniecturis, & probabilibus rationibus, nego maiorem, & quantumcumque Confessarius (idemque de Astrologis Iudiciarijs) se ostendat emendatum, cum mala credulitas consistat in animo non possunt esse signa certa ostendentia non esse presumptionem de mala credulitate, & cum delictum sollicitationis certo generet suspicionem in fide, ex coniecturis, & probabilibus rationibus non potest presumptio tolli, quare in omni eventu Confessarius sollicitans denunciandus est. Ideoque DD. Inquisitores quantumcumque Confessarius sollicitans det signa, quod non sentit male de fide, cum delictum generet hanc suspicionem faciunt huiusmodi Confessarium abiurare de levi.

167. Secundum fundamentum pro eadem sententia hoc est, cessante fine adaequato legis in aliquo particulari, in illo adaequate cessat lex, sicut cessante fine adaequato in omnibus generaliter cessat lex, ita tenet Navarrus in Rubricis de Iudicijs num. 74. Enriquez lib. 11. cap. 17. num. 2. & littera O. Soufia in Bulla Clementis VIII. de largitione muner. fundam. 3. Granadus 1. 2. controu. 7. tract. 3. part. 1. disp. 15. sect. 2. Diana part. 7. tract. 10. resol. 33. Caramuel in Regul. Sancti Benedicti disp. 5. num. 50. Machado sem. 1. Summ lib 3. part. 4. dorum. 4.



num. 2. sed finis Summi Pontificis, & dicti Inquisitorum in denunciatione Confessarij solicitantis, est quia malè sentit de fide; ergo si ista præsumptio cessat, non est denunciandus.

168 Licet pro responsione huius argumèti possit applicari doctrina primæ solutionis primi, hac relicta, iuxta dicta in quæstionis resolutione, respondetur distinguendo minorem: finis Summi Pontificis est, quia Confessarius malè sentit de fide, finis adæquatus negotii minorem; inadæquatus concedo; nam præcipuus finis est favor Sacramenti, & Pœnitentium; cum autem etiam si cessaret præsumptio semper sollicitare in Confessione esset contra bonum Sacramenti, & animarum, adhuc obligaret lex denunciationis; iam enim dixi, aliqua crimina subijci iurisdictioni Inquisitorum, & non generare suspicionem in fide, & ad hoc confirmandum præter exempla adducta constat ex sequentibus: punire revelantes suas depositiones factas in Sancto Officio, & committentes crimen falsi in Sancto Officio pertinet ad iurisdictionem DD. Inquisitorum, & nullum ex his delictis generat suspicionem in fide, si non sunt in favorem hæreticorum.

169 Pro tertia sententia sic arguit Thomas Hurtados: Confessor sollicitans non est denunciandus nisi iuxta dispositionem Constitutionum Pontificum; sed si sollicitans est vir bonæ famæ, & semel, & iterum tantum sollicitavit, illum denunciare non est iuxta dispositionem Pontificum: ergo non est denunciandus Confessarius sollicitans si sit bonæ famæ. Probat minor: Pius IV. & Gregorij XV. in suis diplomatibus dicunt esse denunciandos Confessarios solicitantes quomodolibet diffamatos; sed quando Confessarius est bonæ famæ, non est diffamatus: ergo iuxta dispositionem Pontificum non est denunciandus.

170 Antequam respondeam, dico quòd iuxta istam sententiam, & modum arguendi, neque esset denunciandus Confessarius sollicitans bonæ famæ, quamvis esset præsumptio quòd malè sentit de Sacramento Pœnitentiæ; nam benè compo-

nitur, quòd non cesset præsumptio, & non sit diffamatus, quia si solum sollicitaret vnam feminam, etiam si multoties illam sollicitaret, & huiusmodi Confessarius in Republica esset benè opinatus, non cessaret præsumptio, quòd malè sentit de fide; sed in hoc casu non esset diffamatus: ergo si iuxta Constitutiones Pontificias solum essent denunciandi Confessarii sollicitantes, quando sunt diffamati de sollicitatione, etià si essent suspecti in fide, non essent denunciandi, quòd non cōcedit Thomas Hurtado, neque concedendum est.

171 Nunc respondeo ad argumentum concedendo maiorem, & negando minorem; ad illius probationem distinguo minorem, quando Confessarius est bonæ famæ non est diffamatus absolute, concedo minorem, aliquo modo nego minorem, nam iam est diffamatus apud pœnitentem, quòd sufficit ad verificandam obligationem denunciandi, modo quo præcipitur in Bullis, quia Bullæ Pontificiæ non dicunt esse denunciandos Confessarios sollicitantes diffamatos, sed quomodolibet diffamatos; si enim vnam feminam sollicitat, iam aliquomodo huiusmodi Confessarius est diffamatus, sicut si aliquis apud omnes habet bonam famam, & coram vno committit aliquod crimen, licet absolute non sit diffamatus, tamen aliquomodo diffamatus est, quia respectu illius bonam famam amisit; pariformitèr est discurrendum in casu sollicitationis.

172 Adverte ad verba Pontificis, & si illa penetres stabis pro mea sententia, nam occurrit ad ea, quæ poterant obijci hoc modo; vt delictum Iudici manifestetur oportet, quòd criminiosus non sit occultus, ac per consequens quòd crimen publicetur, & persona sit diffamata: ergo quando omninò est occultus criminiosus non est denunciandus. Ad hanc tacitam obiectionem occurrit Summus Pontifex per illa verba: *Quomodolibet diffamatos*; quasi diceret est obligatio denunciandi Confessarium sollicitantē, si aliquomodo huiusmodi Confessarius est diffamatus: ergo constat ex Constitutione Pontificia esse obligationem denunciandi crimen sollicitationis quantumcumque occultum.

Ex

173 Ex dictis intero, malè dixisse Thomam Hurtado num. 738. asserendo, quòd etiam si cesset præsumptio contra fidem si Confessarius sollicitans est diffamatus, debet denunciari coram Inquisitoribus, quia non pertinet ad prudentiam æconomicam alicuius particularis iudicare, an sollicitans sit suspectus in fide, sed ad politicam prudentiam iudicium; malè enim dixit; nam si non pertinet ad prudentiam æconomicam alicuius particularis iudicare de præsumptione, & ratione istius præsumptionis delictum sollicitationis subijcitur Inquisitoribus principaliter: ergo neque pertinet iudicare ad denunciantem, vel ad testem, an sit diffamatus, vel non sollicitans; sed obedire præcepto Inquisitorum.

174 Quartum fundamentum est à paritate; quamvis in Bullis sint diversa motiva, principaliter motivum est abusus Sacramenti Pœnitentiæ. ideoque DD. Inquisitores procedunt contra delinquentes ex consuetudine, & ex iure communi, quia sunt suspecti in fide; sed qui sollicitat semel tantum, non abutitur Sacramento Pœnitentiæ, consequenterque non est suspectus in fide: ergo non est denunciandus. Probatur minor: B. Pius V. in sua Constitutione, quæ incipit: *Horrendum*, ponit graves pœnas contra exercentes sodomiam, & communiter Auctores dicunt, non incurrere has pœnas, qui bis, vel ter commissit hoc crimen, quia exercere denotat frequentiam actuum; sed etiam abusus Sacramenti Pœnitentiæ frequentiam actuum denotat: ergo qui tantum semel, vel iterum sollicitavit, non abutitur hoc Sacramento, consequenterquè nec denunciandus est.

175 Respondetur primò, paritatem tenere in ordine ad punitionem; non autem in ordine ad delationem; nam in vno, & altero casu, qui scit aliquem esse sodomitam, vel sollicitantem tenetur illum denunciare coram iudicibus fidei, & multoties contingit, quòd etiam si cum vno solum semel commissit huiusmodi crimen, quòd DD. Inquisitores habeant alia adminicula, vel probationes, & cum delatione illius procedunt ad incarcerationem; at verò ut in vno, & altero

crimine detur poena ordinaria attenditur ad frequentiam actuum, & sic iuxta maiorem, vel minorem frequentiam gravius, vel mitius puniuntur.

176 Respondetur secundo, admittendo paritatem, & negando utramque minorem: disparitas desumitur ex D. Thoma Doctore Quinto Ecclesie 1. 2. *quest. 12.* in qua agit de usu in sua propria significatione, & dicit, quod ad vium in propria significatione frequentia actuum non requiritur, nam quando quis solum unico actu utitur potestate absolvendi, dicitur propriissime uti tali potestate; cum autem idem iudicium sit de abusu, quia abusus nihil aliud est, quam malus usus potestatis; ut aliquis abutatur Sacramento, sufficit vnus actus abusivus sue potestatis; non sic est de nomine exercitij, quia in sua propria significatione continuitatem actuum exprimit. Ex quibus constat disparitas, Bulla enim Beati Pij V. est contra exercentes sodomiam, & cum non sit exercitium actuum in illo, qui bis, vel ter commisit hoc delictum, non dicitur exercens, ideoque non est comprehensus in Bulla; (licet secundum praxim Sancti Officij huiusmodi sodomita sit denunciandus) non sic est de Sacerdote sollicitante; nam Bullę sunt contra Confessarios abutentes Sacramento Pœnitentię; & cum abusus verificetur proprie in vno actu, sufficit vna sollicitatio, ut talis Confessarius sit comprehensus in Bullis; & per consequens ut sit in sollicitatio strictissima obligatio denunciandi huiusmodi Confessarium.

177 Quintum fundamentum sic procedit: iure divino, & naturali tenemur conservare famam proximi ipsum non infamando, nisi sit hereticus formalis; sed si non esset edictum Inquisitorum, secundum Bullas Pontificias non esset obligatio denunciandi crimen sollicitationis occultum: ergo neque posito hoc edicto, & Bullis tenemur denunciare talem sollicitantem occultum. Probatur consequentia ratione, & paritate; primo ratione hoc modo; quando occurrunt duo precepta, quod est superius, & antiquius, & irrevocabile est observandum; sed preceptum conservandi famam proximi est su-

perius, & antiquius, & irrevocabile, quia est de iure divino naturali: ergo adhuc possitis Bullis Pontificijs, & edicto Inquisitionis non est obligatio denunciandi sollicitantem occultum, quia habet ius, ut sua fama conservetur. Secundò probatur à paritate; nam etiam si integritas confessionis sit de iure divino, quia conservare famam proximi est de iure naturali, quod superius, & fortius est, si non potest cū integritate conservari fama, tunc non obligat præceptum de integritate confessionis: ergo cum præceptum conservandi famam proximi sit superius, & antiquius, quam præceptum denunciationis, cum non possit observari primum si denunciatur crimen occultum sollicitationis, etiam si dentur Bullæ, & ædictum de denunciatione, talis Confessarius non est denunciandus.

178 Licet hoc argumentum sit solum in quæstione de correctione fraterna sub alijs terminis oportuit illud repetere cum nova instantia, & paritate, ut radicatus penetraretur veritas praxis Tribunalis. Quare in forma illud solvam, pro quo est neganda maior primi syllogismi, nam non solum non obligat præceptum conservandi famam proximi in crimine hæresis, sed neque in delicto Læsæ Maiestatis humanæ in persona Principis, ut tenent communiter Doctores; ac per consequens semper, & quando delictum est contra bonum commune, cum hoc de iure naturæ præferendum sit particulari, præceptum conservandi famam proximi non obligat, quia hoc licet sit de iure naturæ, est de bono particulari, cui præferendum est bonum commune; per quod patet ad probationes.

179 Ut autem hæc doctrina, & allata in quæstione de correctione fraterna firmiores. maneat, duæ paritates pro illis se offerunt: prima est in ipso exemplo de peccato hæresis adducto in argumento; nam præceptum conservandi famam proximi naturale est, & præceptum de denunciando hæreticum est Ecclesiasticum: quare ergo si primum est fortius istud secundum obligat, etiam si crimen hæresis sit occultum;

nul-



Nulla alia ratione, nisi quia conservare famam proximi est bonum particulare, & conservare bonum fidei est bonum spirituale commune fidelibus, & Ecclesiæ; cum autem hæretis opponatur huic secundo bono maiori, non est contra ius naturale hæreticum denunciare; imò potius iuxta illud; quare, ut dixi Summi Pontifices, & Inquisitores quando præcipiunt denunciare hæreticum occultum declarant, hoc non esse contra præceptum naturale conservandi famam proximi. Similiter est discurrendum in omnibus delictis generantibus suspicionem in fide; nam vel sunt contra bonum commune Ecclesiæ, vel Sacramentorum, vel fidelium, & aliquando contra bonum commune temporale, ut patet in pluribus sortilegijs.

180 Secundò parificatur; nam non solum non occidere, sed etiam non desiderare mortem est præceptum naturale; ideòque damnatur ab Innocentio XI. esse licitum desiderare mortem alicuius, non ex displicentia personæ, sed ob aliquod temporale emolumentum, & est in ordine 13. propositio damnata; hoc non obstanti, ut notat Cardenas ibidem in explicatione huius propositionis, desiderare mortem alicuius propter ingens bonum temporale communitatis, vel Ecclesiæ non est damnatum in hac condemnatione; nulla alia ratione, nisi quia bonum commune temporale, vel spirituale particulari præferendum est; ideòque tale desiderium non est contra præceptum naturale non desiderandi mortem: ergo cum punire Confessarios sollicitantes sit in favorem boni communis Sacramentorum, & Pœnitentium, etiam si sit præceptum naturale conservandi famam proximis; quòd tales Confessarii denunciètur, & puniantur non est contra præceptum naturale, quia bonum commune particulari est præferendum.

181 Ad illud quòd dicitur in argumento, quòd si non essent Bullæ Pontificiæ, & ædictum Inquisitorum, non esset denunciandus talis Confessarius sollicitans, qui non est diffamatus respondeo; quòd licet sub excommunicatione non esset tunc obligatio denunciandi, benè verò sub peccato mortali, vel coram Ordinario, vel coram Prælato regulari, si solici-

tans esset regularis; quod confirmo ex egregia doctrina Trimarchi qui *disp. 12. sect. 1. num. 13.* dicit, quod quilibet particularis, ut membrum corporis mystici, iure naturæ tenetur Reipublicæ damnum impedire; & ex hoc præcepto obligatur iure naturæ aperire Principi per denunciationem causam damni, ut illud avertat, ne corpus mysticum destruat; cum autem crimen sollicitationis tendat ad destruendum bonum Sacramenti Pœnitentiæ, quod est fundamentum Ecclesiæ, etiam si non essent Bullæ Pontificiæ, quilibet teneretur impedire hoc damnum, manifestando illud crimen Iudici Ecclesiastico per denunciationem, ut remedium ad damnum tam enorme evitandum adhibeat.

## §. III.

## Casus practici resolvuntur.

182. **P**rimus casus practicabilis, qui ex dictis infer-  
tur est: Quidam Confessarius abstractus vehem-  
enti passione feminam sollicitavit in Confessione Sacra-  
mentali; sed statim dedit signa sufficientia Pœnitentiæ cum  
lacrimis ostendendo suam emendationem; talis Confessa-  
rius est ne denunciandus? Trimarchius loco citato respon-  
det affirmativè, & ego cum illo idem teneo; nam si non  
sufficiunt rationes probabiles, & coniecturæ, imò neque cer-  
titude moralis, quod huiusmodi Confessarius emendatus est,  
ut cesset obligatio denunciandi; quia Bullæ, & adictum In-  
quisitorum non solum respiciunt emendationem, sed etiam  
punitionem, ut ceteri timeant, & ne falsi in misericordiâ  
committant, tam enormia delicta: ergo etiam si iste statim  
det signa sufficientia pœnitentiæ denunciandus est.

183. Secundò constat hæc decisio ab inconvenienti;  
quia si iste Confessarius non esset denunciandus, quia in præ-  
xi potest sequi hæc opinio, posset plures feminas sollicitare,  
& expleta libidine, ostendere eadem signa pœnitentiæ, ut li-  
be-

beraretur à denunciatione in Sancto Officio, & hac via hoc enorme crimen maneret impunitum, & aperiretur ianua ad sollicitandas plures feminas, quod est perniciosissimum in praxi: ergo quantumcumque Confessarius det signa poenitentiae non potest evadere denunciationem.

184. Præterea, quia ut dixi §. 1. cognoscere, & iudicare an sit suspectus in fide Confessarius, non pertinet ad denunciārem, neque ad testes, sed ad DD. Inquisitores: ergo neque cognoscere an illa sollicitatio procedat ex nimia passione, vel ex mala credulitate. Consequentia patet a paritate; nā ex eo ad denunciāntē iudicare de præsumptione non attinet, quia hoc per Bullas Pontificias committitur Inquisitoribus; sed etiam cognitio emendationis remittitur ad Inquisitores, quia de hoc etiam debent iudicare, cum sit proprium Iudicis; ad denunciāntem autem solum pertinet deferre delicta: ergo non debet attendere mulier sollicitata ut denunciet, an crimen sollicitationis sit emendatum, vel non, per poenitentiam, an processerit ex vehementi passione, vel ex mala credulitate, sed ad adictum quod præcipit ut denunciet.

185. Dices contra hoc: si hac doctrina esset vera, semper, & quando præcipitur denunciatio alicuius delicti sub obedientia, deberet revelari superiori quantumcumque occultum esset; sed hoc est contra præceptum de correctione fraterna, quod est naturale, & divinum: ergo non solum pertinet ad inferiorem denunciare; sed etiam iudicare de emendatione delicti. Probatur sequela; nam ex eo quantumcumque sit occultum crimen sollicitationis, & sollicitans dederit sufficientia signa poenitentiae, tenetur mulier sollicitata illum denunciare, quia obedire adicto pertinet ad inferiorem, iudicare autem an sit ablatum peccatum per poenitentiam, ad superiorem: ergo quando datur præceptum superioris de revelatione alicuius delicti, quantumcumque delictum sit occultum tenentur subditi illud revelare; hoc ut dixi est falsissimum: ergo & fundamentum principalius nostræ resolutionis.

186 Respondetur negando sequelam; ad illius probationem distinguenda est minor; taliter quòd ista doctrina solum habeat locum in delictis oppositis bono communi spirituali, vel temporali concedo minorem, in alijs oppositis particularihus personis, nego minorem. Itaque ex iure naturæ, & divino in alijs delictis occultis si speratur emendatio, qui scit tale delictum, & est superior, & inferior, est superior, quia ius naturale, & divinum tribunt illi potestatem ad corrigendum, primò inter se, & ipsum solum, secundò coram testibus; & cum corripere sit superioris, hoc modo est superior; si autem, nò emendetur tunc instat præceptum denunciandi obediendo superiori, & hoc modo est subditus, & inferior; in delictis autem, quæ sunt contra bonum commune spirituale, vel temporale, quia est periculum multitudinis, hoc ex iure naturæ debet præferri bono particulari peccatoris; ac per consequens quantumcumq; det signa pœnitentiæ denunciandus est, quod contingit in crimine sollicitationis.

187 Secundus casus colligitur ex resolutione antecedentis, & ex dictis §. 1. Diximus, quòd etiam cessante præsumptione est denunciandus Confessarius, & aliundè in antecedenti casu, quòd etiam si det signa sufficientissima pœnitentiæ. Hoc posito. Suppono quòd in aliquo Confessario sollicitante còcurrant hæc duo; & quòd in illo cesset præsumptio, quòd malè sentit de fide, & prudenter iudicet pœnitens, quòd iam est emendatus, tenetur ne illum denunciare? Noster Trimarchius *disp. 12. sect. 1. num 30.* docet, quòd si Confessarius sollicitans sit emendatus, & nulla laborat infamia, nec inde posset aliquod scandalum provenire non fore denunciandum. Nescio, quæ consequentia loquatur, nam ipse casu antecedenti defenlat fore denunciandum; etiam si statim pœniteat, & det sufficientia signa pœnitentiæ. Thomas Hurtado loco citato docet consequenter ad ea, quæ dixit in casu antecedenti, talem Confessarium sollicitantem non esse denunciandum.

188 Solum possumus salvare in his, quæ dicit Trimarchius,

chius, aliquam consequentiam doctrine; quia quando dixit, quod est denunciandus Confessarius quamvis det signa sufficientia doloris, & pœnitentiæ; cum his potest stare quod timeat pœnitens, an si nō denunciat, postea adveniat aliquod scandalum; quia abstractus passione potest prudenter iudicari, quod aliam fœminā sollicitet, quod præsumeretur ex sua fragilitate; at verò in casu præsenti cum supponatur Confessarius sollicitans ex vna parte emendatus, & ex alia non timeatur scandalum; in hoc secundo casus variatur, & sic stat benè, quod teneatur denunciare in primo casu, non autem in secundo.

189 Sed his non obstantibus resolvo contra Trimarchiũ, & Thomã Hurtado, quod etiã si cōcurrant hęc duo, & quod Confessarius sollicitans det sufficientia signa emendationis, & cesset præsumptio, quod malè sentit de fide, adhuc talis Confessarius est denunciandus. Hęc resolutio patet ex dictis, quia vt dixi, licet Bullæ Pontificiæ fundentur in præsumptione, absolute præcipitur in illis denunciatio. Deinde, quia ad sollicitatos non pertinet iudicare de præsumptione, nec de emendatione, sed solum ad illos pertinet deferre delicta ad DD. Inquisitores: ergo quamvis cesset præsumptio, & Confessarius det sufficientia signa emendationis, semper est denunciandus.

190 Probatum radicaliter resolutio casus: quando constat certò de aliquo delicto, quod generat præsumptionem ex natura sua, vt cesset præsumptio, oportet quod signa sint certa, taliter quod prevaleant contra præsumptionem; sed talia signa quo ad forum externum, ad quod est attendendum in his delictis, non possunt esse tã efficacia, vt vincant præsumptionem: ergo non est dabilis casus in quo cesset præsumptio huiusmodi. Probatum minor; quia omnia signa, quę possunt assignari, nempe nobilitas confessarij, virtus, bona fama, solum inducunt ad formandum iudicium probabile, quod Confessarius non habet malam credulitatem de Pœnitentię Sacramento; sed præsumptio est certa: ergo talia signa non possunt

sunt



iunt essetiam efficacia ut vincant presumptionem. Ideoque in Sancto Officio postquam reus est convictus, & causa contestata, si in sui defensionem allegat ignorantiam, vel fragilitatem, quantumcumque iuret, & proteketur, se nunquam malè sentire de fide, & concurrant ceteræ circumstantiæ, ut nobilitas sanguinis, &c. semper dicitur in calificatione non relevari à suspitione in fide, quia facta contrarium evincunt: ergo semper tenetur pœnitens denunciare Confessarium sollicitantem quantumcumque det signa emendationis, & iudicet prudentialiter de bona credulitate.

191 Deinde probatur ab inconvenienti; quia si hæc signa de emendatione, & præsumptio, quod Confessarius non sentit malè de fide, sufficerent ad liberandum pœnitentem ab obligatione denunciandi, eodè modo posset quis excusari ab onere denunciandi hæreticum, vel apostatam, quod nullatenus est dicendum. Probatur sequela; quia omnes rationes, quæ stant pro hæretico denunciando, etiam stant pro Confessario sollicitante, ut diximus, & sicut Confessarius sollicitans potest ostendere signa sufficientia pœnitentiæ, & bonæ credulitatis, ita hæreticus in pluribus casibus: ergo si sollicitans in tali casu esset excusandus à delatione, etiam hæreticus formalis; sed si iste non potest excusari, vel est, quia non pertinet ad testem, vel ad denunciantem iudicare de emendatione, & de mala credulitate, vel quia delictum est certum, & relevationes tantum probabiles: ergo cum eadem ratio militet in crimine sollicitationis, quamvis concurrant signa sufficientia pœnitentiæ, & iudicium probabile, quod Confessarius non sentit malè de fide semper est denunciandus.

192 Licet non possit fieri aliquod argumentum quod nō sit solum ex dictis, proponam principalius, quia in his materijs superflua non nocent, quod sic se habet: quando delictum est occultum, & criminofus emendatus correctione fraterna, si crimen non est contra bonum commune, spirituale, vel temporale, non est deferendum ad iudicem; sed in hoc casu

casu crimen est occultum, & non est contra bonum commune, aliunde criminossius est emendatus: ergo non est denunciandus. Probatur minor; primò, in hoc casu crimen supponitur occultum, & emendatum; deinde quòd non sit contra bonum commune sic ostenditur; nam ex eo crimen sollicitationis est contra bonum commune, quia per illud Confessarij tamquam lupi dilacerant oves Christi, ideoque dixit Gregorius XV. *Loco panis porrigit venenum*; sed in casu posito cum sint signa sufficientia emendationis dest periculum pervertendi alios poenitentes: ergo non est contra bonum commune; ac per consequens cessat in his circumstantijs motivum adæquatum denunciationis.

193. Respondetur primò, quòd eadem instantia potest fieri in crimine hæresis, quam tenetur solvere advertarij, & iuxta suam responsionem neganda est minor, nam quantumcumque se ostendat talis Confessarius emendatus, & cesset præsumptio quòd malè sentit de Sacramento Penitentia, tale delictum fuit patratum cum abusu, & iniuria Sacramenti, ac per consequens est contra bonum Sacramenti, & hac ratione cõtrariatur bono publico Ecclesiæ. Aliud est quo ad punitionem, quæ ad DD. Inquisitores pertinet, nam si Confessarius est emendatus, & formant iudicium probabile, quòd non sentit malè de fide, mitius procedent cum illo, utendo solita misericordia Inquisitionis.

194. Secundò, quia quantumcumque iste Confessarius se ostendat emendatum omisso denunciationis semper est mala, quia periculosas nam facile iste Confessarius simili passione abstractus potest sollicitare aliam feminam, & etiam si ista secunda denunciaret, nec incarcerari, nec puniri, quia non sunt in Tribunali contra illum alia adminicula, & est contra bonum cõmune spirituale, quòd talia delicta impunita, maneant; nec hoc, ut dixi, est contra præceptum correctionis fraternæ, quia licet summi Pastores non possint contra illud præcipere, possunt tamen illud declarare; itaque fuit factum pro crimine hæresis, & alijs generantibus suspicionem de mala credulitate.

Ter-

195 Tertius casus: quidam Confessarius fuit punitus in Sancto Officio ob crimen sollicitationis; cuius poenitentia habuit notitiam femina ab illo sollicitata, ex qua notitia tenet remorsum conscientia, & crimen, & circumstantias illius alij Confessario revelavit; difficultas est an hæc mulier teneatur denunciare? iste casus potest contingere dupliciter, primo modo taliter, quod huiusmodi Confessarius postquam fuit liber iterum reincidat in crimen sollicitationis (quamvis hoc difficile sit; cum tales Confessarii in perpetuum priventur a confessionibus audiendis) ad istam partem respondet Ioannes Sanchez in select. in tract. de Confes. sollicit. quest. 3. num. 34. quod si talis Confessarius fuit punitus in Sancto Officio, & abiuravit, etiam si postea reincidat, non tenetur femina propter talem sollicitationem præteritam illum denunciare.

196 Diana distinguit casum, & 1. part. tract. 5. resol. 22. docet, quod si talis Confessarius postquam fuit punitus, & abiuravit propter sollicitationem alterius femina, iterum commisit crimen sollicitationis, in hoc casu tenetur illum denunciare propter præteritam sollicitationem, & eadem 1. part. tract. 4. resol. 26. dicit, quod si iam est emendatus talis Confessarius, convictus, & confessus propter alias sollicitationes, & abiuravit non est denunciandus propter præteritam sollicitationem. Ita Peirinis tom. 2. Privilegio Confess. 4. Gregorij XV. §. 9. num. 32. & Thomas Hurtado tract. 4. cap. 8. resol. 48. §. 1. & 2.

197 Sed idem Pater Diana 4. part. tract. 5. resol. 49. explicat se ipsum; referam eius verba, quia utilia ad nostram resolutionem, hæc enim sunt: *Hæc sententia defendi potest, quando Confessarius fuit confessus, aut plene convictus, & in primo casu ego illam tenui; secus autem dicendum est si Confessarius fuit absolutus, aut non plene punitus ex defectu probationis; nam in tali casu adest obligatio denunciandi, quia Promotor Fiscalis Sancti Officii habet iam ius acquisitum ad procedendum contra Confessarium, quod non cessat per primam sententiam, quia nec ad-*

veniente probatione denuo repetitur causa, cum sit de re pertinente ad fidem; non enim in rem iudicatam transeunt huiusmodi sententiae; cum ergo hoc ita sit non videtur cessare obligationem denunciandi, cum adhuc stet censura Inquisitorum; quae in favorem causarum fidei possit esse; unde quia non constat rem sufficienter esse punitum regulariter denunciandus est. Hæc Diana.

198 His relatis, resolvo, quod si Confessarius fuit convictus, vel confessus de sollicitatione illius femine, quæ nondum denunciavit, & propter illam, & alias sollicitationes abiuravit, & fuit punitus, talis femina non tenetur illum denunciare propter illam sollicitationem præteritam; si autem abiuravit, & fuit punitus propter alias sollicitationes, adhuc huiusmodi femina sollicitata tenetur denunciare. Ita Bonacina tom. 1. disp. 6. de denunci. punct. 3. num. 15. Prima pars probatur ex ea ratione communi, quia iudicium bis exerceri non solet in ipsum, & res semel iudicata, & punita iterum non revocatur in iudicium ut puniatur; sed in prima parte supponitur, quod iste Confessarius, vel quia fuit convictus, vel quia Confessus, non solum fuit punitus, & abiuravit propter alias sollicitationes, sed etiam propter illam præteritam non denunciata: ergo in hoc casu femina sollicitata non tenetur denunciare.

199 In secundo autem casu non est immunis ab obligatione denunciandi, etiam si Confessarius abiuraverit, & fuerit punitus propter alias denunciations. Primum constat hæc resolutio ex doctrina allata Patris Dianæ. Secundò, quia in Tribunali Sanctæ Inquisitionis licet sollicitans convictus, & Confessus, abiuret, & puniatur, tamen punitur secundum mensuram delictorum; taliter quod qui plures habet sollicitationes gravius puniatur, & in hoc crimine non solum Tribunal attendit ad emendationem, sed etiam ad punitionem delictorum: ergo cum non sit punitus propter illam sollicitationem, quia in primis non fuit de ea convictus, deinde non fuit confessus, tenetur femina illum Confessarium denunciare, etiam si sit emendatus. Præterea, quia absolutus, vel con-



condemnatus in causa hæresis accedente nova probatione iterum debet puniri, & abinuvare. Ita Rojas *de hæres.* 2. *part. assert.* 49. & *seqq.* sed idem iudicium, ut dixi, fit in delictis generantibus suspicionem in fide: ego etiam si sollicitans sit condemnatus, & abiuraverit, quamvis sic emendatus, iterum propter sollicitationem præteritam debet denunciari..

200 Ioannes Sanchez loco citato sic arguit: obligatio denunciandi præteritam sollicitationem extincta fuit, eo quod sollicitans fuit punitus; sed hæc obligatio non renascitur ex reincidentia Confessoris in idem crimen: ergo etiam si detur reincidentia non est obligatio denunciandi Confessarium propter sollicitationem præteritam. Præterea, quia inutilis esset talis denunciatio ad puniendum illum Confessarium; nam talis punicio solum attendit ad crimina commissa post primam punitionem; non autem ad antecedentia. Respondetur hoc argumentum convincere Confessarium punitum non solum propter alias sollicitationes, sed etiam propter istam, quam omisit femina denunciare, postea non esse denunciandum ab hac femina, etiam si reincidat in alias sollicitationes, quia cum iam ille Confessarius esset punitus propter illam inutilis esset denunciatio.

201 Sed quia Ioannes Sanchez intendit probare, quod etiam si Confessarius non sit punitus propter illam sollicitationem, sed ob alias, iam obligatio denunciandi huiusmodi Confessarium fuit extincta. Respondeo in forma distinguendo maiorem, huiusmodi obligatio fuit extincta, si solum fuit Confessarius punitus propter alias sollicitationes, nego maiorem; si fuit punitus etiam propter istam, quia Confessarius illam manifestavit, concedo maiorem, & nego suppositum minoris, quod est, in hoc casu hanc obligationem fuisse extinctam. Ad illud quod addit, quod hæc denunciatio esset inutilis, iam constat ex antecedentibus inutilissimam esse, quia cum ista delicta non transeant in rem iudicam, facta hac delatione possunt Inquisitores punire sollicitantem; nam



nec fuit penitus, nec abiuravit propter istam sollicitationem.

## QVÆSTIO VII.

*Quas penas incurrant persone sollicitate si non denunciant,  
& quæ tenentur denunciare.*

101. **H**ucusque sermo fuit de correctione fraterna, & de connexis cum illa; & in quaestione antecedenti plura diximus de obligatione denunciandi; sed ut adimpleant poenitentes sollicitati suum munus, opere prestatum est, in hac quaestione aperire poenas, in quibus persone sollicitate incurrunt, si non denunciant hoc enorme crimen sollicitationis in Tribunali Sanctæ Inquisitionis, & postea in eadem quaestione erit sermo de personis, quæ tenentur denunciare, pro quo fit.

### §. I.

*Explicantur effectus deliberate omissionis denunciandi  
Confessorium sollicitantem.*

102. **S**uppono; quod ut femina sollicitata incurrat in poenas taxatas contra omittentes sollicitationis denunciacionem, huiusmodi omissionem debere esse liberam, ea libertate, quæ requiritur ad peccatum mortale committendum; quare effectus non denunciandi Confessorium sollicitantem solum incurrunt feminae sollicitatae, quæ scientes adictum Inquisitorum non denunciant. In presenti enim oportet ostendere, quinam sint isti effectus; ut omnes sollicitatae feminae adicto Inquisitionis satisfaciant.

104. Dico primo: si femina sollicitata non denunciat sollicitantem Sacerdotem, cum possit absque gravi periculo, vel nocumento, peccat mortaliter; in hoc nulla controversia est

apud Doctores. In primis enim facit contra præceptum Summorum Pontificum in materia gravi, quare quamvis Pius IV. non dicat nisi denunciandos esse Confessarios sollicitantes a peccantibus sollicitatis; cum hoc sit in materia tam gravi, omnes Auctores intellexerunt, intentum huius Pontificis esse obligare ad denunciandum sub peccato mortali; sed hodie post Bullam Gregorij XV. in qua declaravit hanc obligationem, non manet via ad dubitandum de hoc præcepto. Secundo, quia DD. Inquisitores omnibus annis sub excommunicationis pœna ita præcipiunt, & cum hæc sit pœna gravis nõ imponitur nisi propter peccatum mortale, quia est excommunicatio maior: ergo absque controversia, mulierẽ sollicitam non denunciare Confessarium sollicitantem peccatum mortale est.

205 Supposito quod sit peccatum mortale, dubium non continendum occurrit; ad quam speciem peccatorum pertineat hæc omisso libera denunciandi Confessarium sollicitantem. Ioannes Sanchez in *select. disp.* 11. num. 48. dicit esse peccatum sacrilegij, quam sententiam tenet Acuña *quest.* 20. num. 10. Sed Thomas Hurtado loco citato *resol.* 47. num. 562. & *seqq.* licet teneat solum esse peccatum mortale inobedientię, existimat probabilem sententiam Ioannis Sanchez: ponam fundamenta principaliora utriusque sententię. Ex eo quod femina sollicitata non denunciaret Confessarium sollicitantem pro ea stat, quod Sacramentum Pœnitentię pollicitur rebus obscenis, & quod huiusmodi Confessarius postea abutatur Sacramento Pœnitentię; sed hoc est peccatum sacrilegij, quia femina omittendo denunciationem cooperatur ad iniuriam Sacramenti moralitèr cum Sacerdote abutente: ergo omisso libera denunciationis est peccatum sacrilegij oppositum virtuti religionis.

206 Secundo parificatur hoc fundamentum; nam si Prælatus præciperet in virtute sanctę obedientię denunciationem furis, si aliquis potest denunciare, & non denunciare committit peccatum cum duplici malitia, scilicet in obedienti-

diētiæ, & iniustitiæ, quia hoc peccatum, & opponitur obedientiæ, & iustitiæ, quatenus stat pro omittente denunciacionem, quod fur non restituat: ergo pariformitèr si aliquis non denunciatur Confessarium sollicitantem cum possit; committit duas malitiās in ipsa voluntaria omissione, aliam sacrilegij, & aliam inobediētiæ.

207 D. Ioannes Escobar à Corro *part. 2. quest. 5. §. 2. numer. 4.* in ista voluntaria omissione solum cognoscit vnam malitiā sacrilegij, & fundatur in eo, quod finis Pontificum, & Inquisitorum in edictis publicandis fuit, vt Sacramentum Pœnitentiæ ab omnibus veneretur, & ne rebus obscenis pollueretur. Hæc sententia pace tanti viri impugnatur; quia etiā si finis Prælati in virtute sanctæ obediētiæ præcipientis, quod manifestetur furtum, sit vt restituatur ablatum, tamen non ideo subditus omittens voluntariè manifestare furem liberatur à peccato inobediētiæ: ergo similiter, etiā si finis Pontificum, & Inquisitorum in edictis promulgandis sit, quod manifestentur sollicitantes ad evitandam iniuriā Sacramenti Pœnitentiæ, & ne pollueretur rebus obscenis, non ideo ommissio libera denunciacionis subterfugit malitiā peccati inobediētiæ.

208 Doctissimus Martinus Bonacina stat pro sententia Ioann. Escobar à Corro *tom. 1. disp. 6. de obligat. denunciandi. punct. 3. num. 16.* & respondet ad hoc argum. cum distinctione dicendo: verum esse, quod tale peccatum est contra obediētiā generalem; non autem contra virtutem specialem obediētiæ. Aliunde non est omittendum fundamentum Bonacine, quod sic potest proponi: denunciatio, in casu sollicitationis, est actus Religionis: ergo ommissio libera denunciacionis est peccatum oppositum virtuti Religionis. Consequentia constat, & potest parificari; quia honorare parentes est actus pietatis, omittere liberè huiusmodi honorem est contra virtutem pietatis: ergo pariformitèr est discurrendum in omissione libera denunciacionis. Antecedens sic probatur à Bonacina: actus constituitur in ea specie virtu-

tis, quam Legislator respicit dum actum præcipit. Ita Vazquez i. 2. *disp.* 98. *cap.* 2. sed in præcipienda denunciatione Summi Pontifices, & Inquisitores respiciunt virtutem Religionis, siquidem finis intentus est ne iniuria fiat Sacramento Pœnitentiæ, & ne fideles retrahantur ab illo suscipiundo: ergo denuntiatio constituitur in specie virtutis Religionis; ac per consequens non denunciare liberè est peccatum oppositum virtuti Religionis.

209 Licet in hac materia non extendam calamus, quia de hoc puncto ponderato eruditè à Bonacina tractant Theologi abundè in materia de legibus: ramen nescio quo fundamento isti Auctores etiam si tribuant his actibus bonitatem, vel malitiam à fine principalitèr intento, negant specialem malitiam, vel bonitatem à fine operantis contra speciale præceptum Prælati, vel iuxta illud. Si enim Religiosus contra expressum præceptum Superioris è conventu exiret animo violandi castitatem, etiam si in prohibendo exitum finis superioris esset virtus castitatis; quare talis transgressio subditi non haberet duplicem malitiam, vnam contra virtutem obedientiæ specialem, & aliam contra castitatem? Alias ferè nunquam daretur peccatum oppositum specialitèr virtuti obedientiæ, quia frequenter superiores in præcipiendo, & prohibendo, alias virtutes pro fine præcepti habent.

210 Omitto sententiam Ioann. Escobar in sua probabilitate, quia non est contra meum intentum; solum adverto malè dixisse Thomam Hurtado asserendo *num.* 565. Ioann. Escobar processisse ut Iuristam, non autem ut Theologum, quia gravissimi Theologi defensant sententiam Escobar, siquidem præter Patrem Vazquez citatum illam tenent Trullenc. *tom.* 1. in *Decalog.* *lib.* 1. *cap.* 30. *dub.* 18. *num.* 17. & citat Enriq. *lib.* 6. *cap.* 22. *num.* 6. etiam citat Dianam 4. *part. tract.* 5. *resol.* 3. sed malè, quia in dicto loco solum iste Auctor astringit breviter obligationem denunciandi sub onere peccati mortalis non explicando speciem.

211 Non omittam pro corona de huius disputationis ten.

sententiam propriam Thomæ Hurtado loco citato; nam licet admitat esse probabile, quod huiusmodi ommissio libera denunciationis est peccatum mortale inobedientiæ, & sacrilegij; nihilominus ad adstruendum esse tantum peccatum inobedientiæ, si non omittatur denunciatio ex intentione, quod Sacramentum iniurietur. Sic discurrit primo: licet Sacerdos sollicitans in confessione sit sacrilegus, quia abutitur Sacramento, tamen qui omittit illum denunciare sacrilegus non est: ergo licet sollicitatio in confessione sit peccatum sacrilegij, ommissio denunciationis in femina sollicitata non est peccatum sacrilegij, sed inobedientiæ. Probaturs antecedens; ommissio denunciandi hæreticum non est hæresis, sed inobedientiæ; nec omittens liberè huiusmodi denunciationem est hæreticus: ergo etiam si Sacerdos sollicitans sit sacrilegus; non autem femina omittens illum denunciare: ergo ommissio libera denunciationis solum est peccatum inobedientiæ. Secundo sic discurrit; quando est ommissio denunciandi, nec moraliter adest Sacramentum: ergo illi non infertur iniuria omittendo denunciationem; sed ommissio huiusmodi denunciandi solum posset habere malitiam sacrilegij propter cooperationem moralem ad sacrilegium cum Sacerdote sollicitante: ergo cum ex hac parte non habeat hanc malitiam, quia tunc Sacramentum, nec moraliter adest non erit peccatum sacrilegij, sed inobedientiæ. Ex his tribus sententijs potes sequi, quam malueris, quia quælibet ex his est certo probabilis, & in omnibus est indubitatum, omittentes liberè denunciationem Confessarij sollicitantis committere gravissimum peccatum mortale.

212 Secundus effectus omissionis libere denunciationis est excommunicatio maior; de hoc effectu nullum est dubium: quia licet non exprimaturs in Bullis Apostol eis omnibus annis intimatur per edictum DD. Inquisitorum Difficultas in præsentia est, an hac excommunicatio incurratur quoties est opportunitas denunciandi, & femina sollicitata non denunciat. Pro parte affirmativa stat Bonacina tom. 1. disp. 1.

de



de censuris, quæst. 1. punct. 5. num. 2. & disp. 6. de onere, & obligat. denunt. punct. 1. §. 9. num. 9. in eandem sententiam inclinatur Escobar à Corro in suo tract. de Confess. solicitant. part. 2. quæst. 5. §. 1. num. 16. licet §. antecedenti num. 18. dicat sententiam contrariam esse amplectendam; nam asserere, quod quoties mulier sollicitata non denunciât transacto termino edicti cum possit denunciare, ligari nova excommunicatione, nimis durum est.

213 Contrariam sententiam defensat Diana 3. part. tract. 5. in miscellaneis, resol. 95. cum Lazario de monitorijs sect. 2. quæst. 4. num. 8. & ego illam amplector, quia benignior, & certò probabilis; quia ex vna parte in omnibus Tribunalibus Ecclesiasticis est praxis solum absolviendi ab unica censura, etiam si excommunicatus multum tempus in illa perseveret; & ex alia, hæc sententia & habet graves Auctores, & nittitur solido fundamento, & sic potest proponi: Excommunicatio ponitur contra omissionem liberam externam denunciandi; sed etiam si mulier sollicitata per longum tempus omitat denunciationem, vna dumtaxat datur ommissio exterior: ergo huiusmodi femina solum incurrit vnâ excommunicationem. Maior est certa, & est doctrina communis in materia de censuris. Minor probatur: si essent moraliter plures omissiones exteriores, ideo esset ut asserunt Auctores contrariæ sententiæ, quia multiplicantur omissiones internæ; nam quoties occurrit opportunitas denunciandi, & mulier sollicitata omitit denunciationem peccat mortaliter contra præceptum denunciandi, sed ad summum imperatur à diversis actibus internis: ergo etiam si per longum tempus maneat mulier sollicitata in hac omissione, unica ommissio exterior concedenda est: ergo cum excommunicatio incuratur propter omissionem externam denunciandi, etiam si per longum tempus omitatur denunciatio, solum vnâ excommunicationem femina sollicitata incurrit.

214 Purificatur hoc primò: si Episcopus, vel Prelatus

regularis ponat excommunicationem contra non restituentem etiam si per longum tempus huiusmodi non restituens omittat restitutionem; solum vnicam excommunicationem contrahit; ideoque quando restituit solum ab una excommunicatione absoluitur; ut dicunt in terminis Navarra *de de restit. lib. 4. cap. 4. num. 9.* Tannerus 2. 2. *disp. 4. quest. 6. dub. 4. num. 423.* Cardinalis de Lugo *de iust. disp. 6. sect. 2.* ergo idem dicendum est de femina sollicitata omittente libere denunciatorem per longum tempus; quia sicut in casu restitutionis dantur plures omissiones libere interne peccaminosae; ita in non denunciante Confessarium sollicitantem; sed hoc non obstant in casu omissionis restituendi solum incurritur unica excommunicatio, quia omisso peccaminosa exterior est officii: ergo non denunciante Confessarium sollicitantem solum incurrit vnicam excommunicationem, quia omisso exterior unica est.

215. Licet fundamentum Bonacinae ex dictis maneat solutum, ut melius nostrum assertum penetretur ad hanc formam reduci valet. Quando contra transgressores aliquod praeceptum fulminantur censurae tot sunt censurae, quot sunt transgressiones formaliter, & materialiter praecepti; sed in nostro casu, semper, & quando potest femina sollicitata denunciare, & non denunciat datur transgressio praecepti formalis, & materialis: ergo quoties potest denunciare, & non denunciat incurrit de novo excommunicationem latam contra non denunciantes. Maior constat primoratione: quia lex ponit censuram propter transgressionem ipsius legis: ergo si datur multiplex transgressio, multiplex est censura, sicut si unica tantum transgressio, solum datur unica censura. Secundo probatur eadem maior a paritate: qui percutit successive, & sine interruptione Clericum unicam tantum incurrit excommunicationem, ut colligitur ex Canone, *pro causa de sententia excommunicationis*; si autem percutit cum interruptione mortali incurrit plures excommunicationes; sed hoc ideo est, quia in primo casu solum datur unica transgressio

moralis præcepti, licet actus physici multiplicentur, in secundo quia sunt plures transgressiones formales, & morales, incurruntur plures censuræ: ergo tot sunt censuræ, quot sunt transgressiones morales præcepti, sed semper, & quando femina sollicitata transacto tempore præfixo in edicto non denunciat, cum possit, transgreditur præceptum edicti: ergo semper incurrit excommunicationem, & cum sint plures transgressiones, plures incurrit censuras.

216 Respondetur distinguendo maiorem, tot sunt censuræ quot sunt transgressiones internæ nego maiorem, externæ concedo maiorem, ad illius probationem distinguo antecedens, lex ponit cëluram propter transgressionem externam concedo antecedens, propter internam nego. Per quod patet disparitas, & ex illa fundamentū solum nostræ resolutionis, nam ex eo qui absque interruptione vulnerat Clericum tantum incurrit unicam excommunicationem, quia transgressio exterior præcepti, vel legis est unica moraliter, & qui cum interruptione percutit illum incurrit plures excommunicationes, quia transgressiones externæ legis sunt plures moraliter, cum autem in casu omissionis denunciationis, licet sint plures transgressiones legis internæ sit tantum unica ommissio externa imperata à pluribus omissionibus internis, solum qui per multum tempus omittit liberè denunciationem unicam excommunicationem incurrat.

217 Quod enim hæc instantia convincit est, quod si mulier sit sollicitata à duobus Confessarijs, si illos non denunciat transacto termino edicti cum possit, incurrat duplicem excommunicationem, quia habet duplicem omissionem anteriorem moralem numero distinctam, quamvis ommissio physica sit una, sicut si quis unico actu physico occideret tres Clericos tres incurreret excommunicationes, & qui unico verbo quatuor induceret ad peccandum quatuor peccata numero distincta comitteret. Ita Sanchez *tom. 1. Sum. lib. 1. cap. 6. num. 8.* Salas *part 2. tract. 3. disp. 5. sect. 13 num. 110.* qui citant plures gravissimos Auctores, quia licet sit tantum uni-

ais actus phisicus multiplex est moraliter: ergo cū in hoc casu etiam si omisso libera denunciandi sit vna phisicè, moraliter sit multiplex, quia respicit plures denunciandos, talis femina incurreret duplicem excommunicationem.

218 Difficultas autem stat supposito quòd ad incurrendam excommunicationem requiritur, quòd omisso denunciandi sit libera, quæ ignorantia sit requisita vt femina sollicitata liberetur ab incurso excommunicationis, quia in hac materia variant Auctores; vt autem ad pleniorē intelligentiam huius difficultatis pervenias, de hac ignorantia, & de alijs causis excusantibus ab obligatione denunciandi erit sermo in sequenti.

## §. II.

### *De causis excusantibus à denunciatione.*

219 **S**uppono primò ex sententia communi, quòd si aliquis ignorat invincibiliter esse ædictum obligans ad denunciandum non incurrit excommunicationem, si non denunciat. Ratio est manifesta, quia non potest quis incurrere excommunicationem, si non committit peccatum mortale; sed qui ignorat invincibiliter præceptum, læthaliter non peccat contra illud: ergo qui ignorat invincibiliter ædictum DD. Inquisitorum excommunicationem non incurrit omitendo denunciationem.

220 Suppono secundo, quòd aliquis etiam excusatur à censura, & à peccato mortali ex obliuione, inadvertentia, & naturali inconsideratione; quod accidit dum quis est conscius præcepti, sed hic & nunc ad illud non advertit, sic tenent Thomas Sanchez, Suarez, Azorius, & communiter Doctores. Imò etiam si habeat advertentiam ad præceptum, vel ædictum, sed non advertit ad pœnam impositam non incurrit censuram, quæ pœna est. Ita Thomas Sanchez in *Decal. lib. 4. cap. 22. n. 19*. Diana 3. p. tract. 6. in miscel. resol. 41.



221 Suppono tertio; quod etiam si aliquis sciat esse pœnam contra non denunciante sollicitantem, si ignorat qualitatem sollicitationis, quam etiam si sciret non denunciaret, & tunc cum hac ignorantia concommittante facti non denunciaret sollicitantem, licet peccet mortaliter ea parte, qua est dispositus ad non denunciandum, quamvis cognosceret esse formalem sollicitationem, non tamen incurrit excommunicationem positam in edicto. Explicatur suppositio hoc exēplo: occidisti Petrum Clericum, quem Laicum putabas, sed taliter animus erat dispositus, quod si cognosceres esse Clericum eodem modo occideres; non incidis in excommunicationem Canonis latam contra occisores Clericorum, quia actu deficit voluntas occidendi Clericum, nam actus occisionis Clerici non fuit præcognitus, pariformiter: cognoscit esse excommunicationem contra non denunciante Confessarios sollicitantes, habes notitiam sollicitationis, sed non cognoscis esse sollicitationem comprehensam in edicto, verum taliter eras dispositus, quod etiam si illam cognosceres non denunciare, peccas mortaliter, sed liberaris ab incurso excommunicationis, quia actus sollicitationis non fuit præcognitus, quod erat necessarium ad incurrendam excommunicationem positam in edicto.

222 Suppono quarto, quod habeas ignorantiam probabilem circa sollicitationem, quia etiam si sic sollicitatio, graves Auctores tenent probabile esse non esse sollicitationem comprehensam in Bullis, nec in edicto DD. Inquisitorum, si talis ignorantia non est tenuæ probabilitatis, sed certò probabilis, nec peccas, nec incurris excommunicationem. Sic tenent Suarez *de censur. tom. 5. disp. 4. sect. 8. num. 2.* Sayrus *de conf. lib. 1. cap. 18.* Thomas Sanchez *in Decal. lib. 1. cap. 16. num. 18.* nam cum huiusmodi pœnitēs cum fundamento ignoret, & qui ignorat non potest dici ad monitum, non incurrit censuram, quia ad incursum huius pœnæ requiritur contumacia; quare omittendo denunciationem non solum liberatur à censura, sed etiam à peccato; qui enim

ope-



operatur sequendo opinionem certo probabilem bene operatur, dummodo non sit in valore Sacramenti.

223 His suppositis difficultas est in præsentī, an simulier sollicitata ignoret ignorantia vincibili, affectata, vel supina esse impositam excommunicationem contra non denunciante Confessarios sollicitantes, si omittit denunciationem incurrat censuram? Breviter dicam differentiam, quam Doctores cognoscunt inter has ignorantias, dicunt enim, ignorantiam vincibilem esse, quando adhibetur aliqua diligentia ad consequendam notitiam censure, sed non sufficiens, ignorantia crassa, & supina, quando ad notitiam habendam pœnæ, vel censure, vel parva, vel nulla diligentia applicatur, in quo casu verificatur illa verba sacre pagine: *Noluit intelligere ut bene ageret.*

224 Duplex sententia in hac materia invenitur, & una parum differt ab alia; primam sententiam defensat Pater Tamburinus tom. 1. in Decal. lib. 1. cap. 2. §. 10. num. 14. & seqq. & dicit, quod quando pœna imponitur sub his, vel similibus verbis: *Qui scienter, qui temere, qui audacter, qui malitiose, qui consulto id fecerit hanc pœnam incurrat.* Tunc sufficiens est, quælibet ignorantia, ut quis excusetur ab incurfione pœnæ, quamvis sit supina, vel affectata. Pro hac sententia citat Sanchez, & Bonacinam; at quando pœna non imponitur sub illis formulis, sed absolute, nempe: *Qui hoc fecerit hanc pœnam, vel excommunicationem incurrat;* in hoc casu ignorantia crassa, & affectata non sufficiunt ad hanc pœnam evitandam.

225 Secunda sententia absque distinctione procedit, & defensat ignorantiam crassam, vel supinam pœnæ non excusare ab incurfione talis pœnæ: hanc sententiam patrocinantur Thomas Sanchez lib. 9. de Matrim. disp. 32. num. 317. Portel. in addit. ad dub. regul. verb. Ignorantia, num. 253. Augustinus Barbosa in cap. 2. num. 7. & 8. tit. 2. lib. 1. in 6. Diana 3 p. tract. 6. in viscer. resol. 13. & est communis. Iuxta hanc sententiam.

126. Affero primò: ignorantiam cralam, & supinam non esse sufficientem ut mulier sollicitata omittendo denunciationem liberetur ab incurfu excommunicationis. Hęc conclusio primo efficaciter probatur ex cap. *ut animarum*, de *Constit.* in 6. ubi sic fatur Summus Pontifex Bonifacius VIII. *Statuta quorumcumque Ordinariorum ligare nolumus ignorantes, dum tamen eorum ignorantia crassa nō fuerit, aut supina: ergo omnia statuta, vel ædicta ligant si ignorantia est crassa, vel supina: ergo quamvis mulier sollicitata habeat ignorantiam crasam, vel supinam excommunicationis contra non denunciantes, si non denunciatur non liberatur ab incurfu excommunicationis.*

127. Nec valet dicere Summum Pontificem loqui de pœnis impositis ab Episcopis, vel Ordinarijs, & ista excommunicationis pœna contra non denunciantes Confessarios sollicitantes non est imposita ab Ordinarijs, sed à DD. Inquisitoribus. Non valet hæc evasio, quia in dicto capite nomine Ordinariorum intelliguntur omnes Iudices Ecclesiastici inferiores Papa; & præterquam ex dictis apparet ratio propter identitatem rationis: hanc intelligentiā tenent Avila. *de censur. part. 2. disp. 5. cap. 5. dub. 8. con. 2.* Filliucius *tract. 11. cap. 8. quest. 11. num. 256.* Barbosa *in collectat. ad 6. decretal. cap. ut animarum. de Constit. num. 7.* Sanchez *de Matrim. lib. 9. disp. 32. num. 31.* Bonacina *tom. 1. disp. 1. de censur. quest. 2. punct. 1. num. 10.* Diana *5. part. tract. 9. resol. 17.* Tannerus *tom. 4. disp. 6. quest. 10. dub. 3. num. 47.* Ergo nomine Ordinariorum in præsentī intelliguntur omnes Iudices Ecclesiastici inferiores Papa, & Ordinarij ponuntur exempli gratia.

127. Secundò probatur conclusio ad hominem contra Patrem Tamburinum; nam ex eo, & benè defensat ignorantiam crasam, & supinam non excusare ab incurfione pœnæ, quando pœna ponitur absolutè contra aliquod crimen, quia sic ignorans cum dolo operatur, & cum dolo nemini suffragari debeat, non est ratio ut à pœna incurrenda

da liberetur ; sed hæc eadem ratio militat , quando poena imponitur sub illis formulis , *qui aduulter, vel scienter, &c.* ergo per talem ignorantiam non liberatur a poenis. Probatur minor eadem ratione, qua Tamburinus probat maiorem, quia dum quis dolosè , & fraudulentè procedit contra legem, etiam si formalitè non consentiat contra illam, interpretativè consentit : ergo etiam si non habeat cognitionem formalem poenæ, interpretativam illius habet , quia cognoscere, & nolle cognoscere in moralibus est idem : ergo sicut in casu maioris incurritur poena, quia dolus nemini suffragatur, & ignorare interpretatur ac si sciret, pariformitè in nostro casu; nam eodem modo iste operans affectat ignorantiam in fraudem legis.

228 Tertiò probatur ; nam etiam si admittatur distinctio Patris Tamburini, numquam ignorantia crassa, & supina mulierem sollicitam non denunciantem Confessarium ab excommunicationis poena liberat , quia in add. DD. Inquisitorum non ponuntur illa verba : *Scienter, vel consulto, &c.* sed absolutè ponitur poena excommunicationis , verba enim ædicti sunt hæc : *T so pena de excomunion lata sententia, trina canonica monitione premissa, mandamos à todos, y à qualesquiera de vos, que supieredes, ò buvieredes hecho, visto, oydo dezir, &c.* quando enim ponuntur illa verba : *Scienter, vel consulto* non appellant supra notitiam directam delicti , sed supra reflexam criminis, & poenæ ; sed ædictum solum requirit notitiam directam delicti ex visu , vel auditu : ergo etiam si sententia Tamburini sit vera, adhuc ignorantia crassa , vel supina excommunicationis non liberat mulierem sollicitam ab incurso talis poenæ , si non denunciât Confessarium sollicitantem.

229 Dico secundò esse probabile , quod si mulier ignoret vincibiliter esse excommunicationem contra non denunciâtes Confessarios sollicitantes si non denunciât non incurrit excommunicationem. Ita Tamburinus loco citato *num. 17.* eadem doctrinam patrociniatur Thomas Sanchez *lib. 9.*

de

de *Matrim. disp.* 32. num. 30. Probatur ex dicto cap. de *Constit.* in 6. Nam ibi Summus Pontifex solum vult obligare ad penas statutas per Iudices Ecclesiasticos, quando ignorantia est crassa, & lupina; sed ignorantia vincibilis non est crassa, ut tenent communiter Doctores contra Patrem Suarez, quod sequitur Villalobos in *Summ. tom. 1. tract. 16. diff. 22. num. 6.* qui confundit ignorantiam vincibilem cum crassa, & lupina: ergo si mulier solicitata ignorat invincibiliter excommunicationem, licet peccet mortaliter contra preceptum, si non denunciat non incurrit excommunicationem.

230 Probatur secundò ratione, quia censuræ, & irregularitates sunt pœnæ, quæ contemptum legis requirunt, ut dicit Navarrus cap. *accepta, de restit. spoliat. opposit. 82. illat. 9. num. 35.* sed non est contemptus ubi est adhibita aliqua diligentia: ergo cum in ignorante vincibiliter tantum excommunicationem, sit adhibita aliqua diligentia, illam non incurrit. Probatur minor; quia ut esset contemptus in ignorante vincibiliter deberet esse dolus; sed in illo, qui facit aliquam diligentiam, etiam si non sufficiens advincendam, ignorantiam non præsumitur dolus: ergo neque contemptus. Modo sic: qui tantum vincibiliter ignorat esse excommunicationem contra non denunciante Confessarios solicitantes non contemnit pœnam excommunicationis, quia iam fuit adhibita aliqua diligentia pro illo, & igitur esse pœnam excommunicationis: ergo si mulier vincibiliter tantum ignorat esse excommunicationem contra non denunciante Confessarios solicitantes, quamvis non denunciet non incurrit excommunicationem. Præterea, quia ad incurrendam excommunicationem requiritur contumacia, ac per consequens trina monitio, vel una pro tribus; hæc enim in ignorante vincibiliter tantum non invenies: ergo nec excommunicationem. Pro hac sententia stat Bonacina *tom. 1. disp. 1. de censur. quest. 2. punct. 1. num. 10.*

231 Argues primò contra secundam conclusionem: si datur ignorantia invincibilis excommunicationis, dummodo

de:

detur notitia præcepti obligantis sub mortali incurritur excommunicatio : ergo multò melius cum sola ignorantia vincibili excommunicationis. Probatur antecedens : excommunicatio est pœna propter peccatum ; sed pœna incurritur etiam si non detur notitia illius ; dummodo sit culpa propter quam est imposita pœna : ergo quamvis non detur notitia excommunicationis, si cognoscitur præceptum obligari sub culpa gravi, incurritur excommunicatio. Probatur minor : si aliquis graviter transgreditur præceptum, etiã si invincibiliter ignoret pœnas inferni, quia tales pœnæ sunt propter transgressiones præcepti, incurrit illas : ergo etiam si non detur notitia pœnæ dummodo committatur delictum cui pœna imposita est, hæc incurritur. Præterea, quia vel pœna est proportionata delicto, vel improporcionata ? Si hoc secundum dicitur est iniusta ; si primum eo ipso quòd delictum committatur tenetur quis subire pœnam, sed excommunicatio, si adest transgressio gravis præcepti, est pœna proportionata culpæ : ergo si mulier sollicitata non denunciando transgreditur præceptum, quamvis ignoret pœnam excommunicationis illã incurrit.

232. Propter hoc argumentum plures graves Auctores, ut Covarrubias *cap. alma mater* 1. part. §. 10. num. 9. Cordova *in quest. lib. 1. quest. 25. in principio*, Avila 2. part. cap. 5. *disp. 5. dub. 10. conclus. 2.* & alij tenent, excommunicationem incurri cum ignorantia invincibili illius ; dummodo detur advertentia præcepti, propter cuius transgressionem est imposita excommunicatio ; sed non ideo est recedendum à nostra sententia, quæ communis est ; & ad argumentum respondetur in forma negando antecedens, ad illius probationem distinguo minorem ; sed pœna incurritur etiam si non detur notitia illius, si pœna est ordinaria concedo minorem ; si sit extra ordinaria nego minorem. Per quod patet ad paritatem de pœna inferni ; nam ista est ordinaria, & proportionata peccato mortali secundum se considerato, & non est pœnã, quã debet exequi in se peccator, sed in illo est ex-



quenda; Excommunicatio enim debet exequi ab ipso criminoso, ac per consequens vt subiiciatur tali pœnæ oppor-  
ter, vt illam cognoscât, quod non contingit in ignorante in-  
vincibiliter. Ad confirmationem responderetur, excommuni-  
cationem non esse pœnam proportionatam peccato conside-  
rato secundum se; benè verò attentis circumstantijs nempe  
contumacia, quòd sit contra bonum commune, & alijs ex  
quibus movetur Iudex ad imponendam huiusmodi pœnam; si  
autem homo sit ignarus huius pœnæ, hanc non incurrit, quia  
licèt sit proportionata attentis circumstantijs culpæ, non au-  
tem peccato considerato secundum se.

233 - Argues secundò contra eandem conclusionem:  
etiam si aliquis vincibiliter ignoret legem, vel præceptum,  
si in materia gravi illud transgreditur, non excusatur à  
peccato mortali: ergo etiam si ignoret vincibiliter pœ-  
nam impositam contra non denunciâtes, si non denunciat  
pœnam incurrit, hoc argumentum est fundamentum uni-  
cum contrariæ sententiæ, sed tam efficax, quòd propter  
illud plures Auctores teneant contrariam sententiam, &  
alii dicunt hanc esse probabilẽ, sicut ego dixi in conclusio-  
ne, quare stando in illa responderetur, concedendo antecedens,  
& negando consequentiam; quia quo ad peccatum idem est  
debere scire, ac scire, *ex l. quod de mibi 5. ff. de reb. cred.*  
at quo ad pœnam non est idem, & præcipuè in excommu-  
nicatione, & irregularitate, eo quòd sint pœnæ, quæ con-  
temptrum lègis requirunt, & videtur non esse contemp-  
tum ubi est adhibita aliqua diligentia, etiam si non sit  
sufficiens ad notitiam capiendam de pœna; *nam sicut ista diligentia excusat à*  
*dolo, ita ab incurfu excom-*  
*municationis,*

( . 2 . )

§. III.

*De alijs causis excusantibus à denunciatione.*

234 **S**uppono primò, quòd apud omnes Doctores dictum DD. Inquisitorum ad minas est, annuale, ac per consequens obligat per integrum annum, ut omnes denuncient intra sex dies, qui non sunt computandi, ut dixi, à die publicationis, & à die, quo quis habet notitiam delicti, & delicti. Dico ad minus esse annuale, quia Ioan. Sanchez in select. disp. 11. num. 62. contra Freiram defendat hoc dictum esse perpetuum; ac per consequens etiam si non publicetur omnibus annis; cum hoc præceptum sit per modum legis est obligatio denunciandi; non solum sub peccato mortali, sed sub pena excommunicationis maioris.

235 Suppono secundò, quòd adhuc si non esset obligatio sub pena excommunicationis denunciandi Confessarios sollicitantes per dictum DD. Inquisitorum; per aliud decretum Pontificum emanatum 3. Ianuarij anno 1623. est obligatio denunciandi hæreticos, & de hæresi suspectos, non solum sub peccato mortali, sed etiam sub pena excommunicationis. Sic noster Peyrinus tom. 2. privileg. Constit. 9. Pauli V. §. 1. num. 27. quòd decretum fuit publicatum tempore Gregorij XV. cumque crimen sollicitationis generet suspicionem in fide, etiam si cessaret dictum DD. Inquisitorum, per dictum decretum sub pena excommunicationis esset obligatio denunciandi Confessarios sollicitantes.

236 Aliqui dicunt etiam hoc decretum solum obligasse tempore Gregorij XV. quia fuit expeditum per modum præcepti, & non per modum legis, & constitutionis, ut constat ex tenore ipsius, & inter præceptum, & legem hæc est differentia, quòd ista est perpetua, præceptum solum durat tempore, quo vivit præcipiens. Non valet hæc distinctio; nam ut

advertit noster Peyrinis loco citato, decretum, & præceptum sæpius confunduntur in iure citat Turch. *vers. Præceptum, conclus. 480. num. 4. & 11.* Et constat clariùs ex quadam Constit. Sixti V. circa agitationes taurorum, quæ incipit: *Nuper siquidem*, quam refert Gutierrez *lib. 1. Can. 99. cap. 17. num. 38.* ubi postquam retulit idem Pontifex Constitutionem Beati Pij V. & Gregorij XV. ait: *Nos ut Romanorum Pontificum præcepta prout decet inviolabiliter observentur.* Vbi Constitutiones, & leges Pontificias vocat præcepta.

237 Hoc assumptum magis fundatur; qui ex dicto præcepto nullum apparet signum, quare non debeat esse perpetuum; nam illa verba: *Præcipimus ut infra duodecim dies proxime computandos*: intelliguntur à die notitiæ delicti, & non à die datæ dicti præcepti. Tum, quia hoc præceptum obligat ubique, & pœna indefinitè posita perpetua est; sed proponitur hæc constitutio nomine præcepti, quia hoc est familiarius in Sancto Tribunali: ergo cum sollicitatio sit ex delictis generantibus suspicionem in fide, etiam si non esset editum DD. Inquisitorum per dictum decretum sub pœna maioris excommunicationis esset deferenda sollicitatio ad Tribunal Sanctæ Inquisitionis. His suppositis.

238 Est certum apud omnes, quòd si in muliere sollicitata sit aliquod impedimentum, vel antè, vel superveniens, eo duranti, non tenetur denunciare, quia vel illud impedimentum est impotentia phisica, vel moralis; sed stante qualibet istarum, nec violatur præceptum, nec incurritur excommunicatio: ergo sive sit impedimentum antè, vel superveniens; dummodo procedat ab impotentia phisica, vel morali, illo duranti Confessarius sollicitans denunciandus non est; sed quòdnam sit sufficiens impedimentum prudens Confessarius iudicabit, posteaq; aliqua enumerabo, ut attentis circumstantijs proportionaliter discurrant.

239 Sed circa hoc est primum dubium; si aliquis est impeditus iusto titulo, cessante impedimento, tenetur ne denunciare statim, vel illi est concedendus terminus præfixus in

ædicto : Respondeo cum Suarez *de cens. disp. 10. sect. 3. n. 14.* cum distinctione, aut impedimentum illud fuit cum ignorantia publicationis ædicti, aut cum scientia eiusdem, & ex alio capite fuit impedimentum. In primo casu est assignandus terminus ædicti, qui currit à secunda die publicationis, ut dixi ; quia talis terminus datur, ut supposita noticia obligationis possit deliberare quomodo debet fieri denunciatio, & si est casus in quo obligatur denunciare ; sed omnia ista supponunt noticiam ædicti : ergo si impedimentum denunciandi fuit ex ignorantia ædicti non tenetur mulier sollicitata denunciare ante sex dies, nec incurrit excommunicacionem si antea non denunciavit.

240 Si autem impedimentum est cum scientia obligationis denunciandi, etiam respondeo cum distinctione ; si enim illud impedimentum fuit tale, quod consilium capere impedivit ; quia supervenit gravis infirmitas, aut quid simile assignandus est illi terminus ædicti ; nam sex dies dantur, ut aliquis capiat consilium, & deliberet de modo, quo fit denunciatio, supposita noticia obligationis denunciandi ; sed in hoc casu fuit impedimentum ad capiendum consilium, etiam si supponatur notitia ædicti : ergo si denunciat intra terminum præfixum sex dierum non incurrit excommunicacionem : si enim impedimentum iam supervenit ad consilium, & ad deliberationem denunciationis, existimo, quod ablato impedimento, statim tenetur denunciare, quia non est ratio cur denunciatio differatur ; cum iste habeat noticiam ædicti, & aliunde sciat quomodo sit exequenda denunciatio : ergo in hoc casu statim ablato impedimento, huiusmodi poenitens tenetur denunciare.

241 Secundum dubium est : quædam femina sollicitata habet noticiam ædicti, & quod in Hispania terminus præfixus ad denunciandum est sex dierum, in Italia duodecim, & in Lusitania triginta, & simul cognoscit, quod spectando terminum præfixum habebit impedimentum ad denunciandum propter longam peregrinationem, vel aliud simi-

le; teneatur ne prævenire denunciationem ante terminum præfixum, quia prævidet impedimentum. Potest responderi cum distinctione; si enim ista femina sollicitata timeat probabiliter, aut fugam sacerdotis, aut novam aliam sollicitationem statim teneatur denunciare; si autem hoc non timeatur potest denunciare vel iure suo ab Inquisitoribus concessio, quia per accidens est, quod dilateretur denunciatio propter superveniens impedimentum. Sic discurrunt communiter Auctores, & in terminis Ioannes Sanchez *select. n. num. 6.* sed iudicio probabilis, quod si femina sollicitata prævidet, quod transacto termino adiciatur superveniens aliquod magnum impedimentum longi temporis, statim teneatur denunciare, non solum sub peccato mortali, sed etiam sub incursu excommunicationis, quod multipliciter probatur a Diana 4. p. tract. 5. de Confess. solliciti. resol. 29. & patificatur hoc modo, qui timeat quod quando obligabit Confessio non erit copia Confessarij teneatur prævenire tempus Confessionis, & idem est dicendum de præcepto communionis in Paschate; ita Suarez *tom. 4. disp. 36. sect. 5. num. 5.* Layman in *Theol. mor. lib. 5. tract. 6. cap. 3.* Silbius in 3. part. *quest. 80. art. 11. diff. 10.* Fagundes *part. 3. lib. 1. cap. 6. num. 3.* & si quis in die testis prævidet se non posse audire Sacram hora nona propter aliquod impedimentum superveniens, teneatur anticipare tempus, & audire Sacram: ergo pariformiter huiusmodi femina sollicitata teneatur anticipare denunciationem si prævidet impedimentum superveniens.

242 Ex quo infero aliud dubium; quod est huiusmodi: quedam femina sollicitata est in articulo mortis in oppido ubi nec est Inquisitio, nec Commissarius, vel alius minister Sancti Officii, quomodo cum ista Confessarius procedere debet, & ulterius, si iste casus succedit cum Moniali sollicitata, quæ ratione clausuræ habet perpetuum impedimentum accedendi ad DD. Inquisitores; istæ enim duæ feminae tenentur denunciare Confessarium sollicitantem, & si non denunciant, Confessarius potest illas absolvere? Ratio dubitandi est, quia



quia nec femina moribunda, nec Monialis possunt accedere ad Tribunal Sanctæ Inquisitionis deferendo denunciationem contra Confessarium sollicitantem; hoc enim est penale, & in penalibus non fit extensio: ergo cum non possint facere per se denunciationem non tenetur illam deferre ad DD. Inquisitores per Confessarium, vel per alium.

243 Hæc difficultas ponderatur cum doctrina Tamburini *tom. 1. in Decal. lib. 2. cap. 1. de fide, §. 8. num. 10.* in quo duo statuit, & pro secundo citat Castrum à Palao, Sanchez, & Enriquez. Primo dicit, quod si aliquis, qui incidit in heresim formalem externam est constitutus in articulo mortis, etiam si pro absolutione possit vocare Superiorem per Confessarium, vel possit disponere, quod huiusmodi Superior det Confessario facultatem illum absolvendi à censura, non est obligatus hoc exequendi; sed potest absolvi à quocumque Confessario approbato: idemque dicitur de Moniali, quæ in heresim externam incidit, & hoc est secundum, quod affirmat; & *num. 8.* idem statuit si poenitens habet impedimentum perpetuum, verbi gratia, egritudine, paupertatem, poenam, carceris, vel tristem, & fundatur in eo, quod iste persona non possunt per se adire, & non est dicendum, quod comparent per alios, quia alimur in materia odiosa, & penali, & hoc modo fieret extensio.

244 Ex qua doctrina sic possumus arguere: licet Bullæ contra Confessarios sollicitantes sint favorabiles principaliter; tamen ea parte, qua obligant denunciare Confessarios sunt odiose, & penales; sed in penalibus non fit extensio, sed restrictio: ergo nec illa femina moribunda, nec Monialis tenetur denunciare, quia ambe habent impedimentum denunciandi per se, & si obligarentur ad denunciandum per alium fieret extensio in penalibus. Probatur consequentia a paritate; nam sicut textus in materia hæresis disponunt, quod hæretici adeant ad Superiores pro obtinenda absolutione, ita quod femina sollicitata denuncient; sed iuxta sententiam propositam pro obtinenda absolutione

non

non tenentur hæretici comparere per alium: ergo nec in casu proposito femina moribunda, nec Monialis tenentur denunciare Confessarium sollicitantem per alium.

145 His non obstantibus resolvendum est; feminam moribundam, & Monialem teneri denunciare Confessarium sollicitantem per alium, taliter quod si denunciare nollunt non possunt absolvi à Confessario. Secunda pars resolutionis est omnino certa; quia non possunt absolvi excommunicati nisi prius satisfaciant parti, vel præstent cautionem iuratoriæ satisfaciendi, ut postea dicam; sed in hoc casu, & femina moribunda, & Monialis habent obligationem denunciandi sub pena excommunicationis, & si terminus adiecti est præfixus sunt excommunicata: ergo non possunt absolvi si non denunciant per alium.

146 Prima pars resolutionis non minorem certitudinem habet; nam præterquam, quod sententia Tamburini, & Cæstris Palabapæ propositionem quædam damnatam ab Alexandro VII. hodie post Bullas Innocentij XI. & Alexandri VII. facultas absolvendi ab hæresi etiam occulta privative residet in DD. Inquisitoribus: ergo nec Monialis, nec qui habet perpetuum impedimentum possunt absolvi à Confessario si possunt comparere per alium; & in articulo, vel periculo mortis, taliter fit absolutio, quod si postea infirmus convalescerit tenetur comparere, quod quidem in his casibus debent advertere Confessarij: ergo similiter huiusmodi Monialis sollicitata, & femina moribunda, quæ non possunt denunciare per se tenentur per alium denunciare Confessarium sollicitantem.

147 Sed quomodo debet fieri hæc denunciatio? in Moniali cum magna facilitate, quia ad impletionem sui muneris sufficit si mittat Confessarium, ut nomine illius denunciet; nam postea per Commissarium, vel per alium Ministrum Tribunal restitutionem illius habebit. In femina moribunda alio modo est procedendum, quia si ex illa infirmitate moritur, Tribunal non potest ad illam recurrere, & si tantum

fit vnus referens, nempe Confessarius non potest integrè convincere de testimonio feminae relatae. Quare vt integrè, & indicialitèr constet de testimonio illius feminae moribundae Confessarius petat facultatem à femina advocandum alium Sacerdotem, vel si non est Sacerdos, personam secretam, & disponat, quòd coram huiusmodi persona referat femina, & sollicitationem, & nomen Confessarij sollicitantis, & si illa còsensit, advertat, & instruat huiusmodi feminam, ne coram illo vocato explicet suum consensum, & si fuerit tempus est melius, quòd Confessarius dictum feminam scribat, & subscribatur postea per ipsum Confessarium, & testem, & hoc modo postea presentetur in Sancto Officio. Hæc dixi ad longum, quia casus est practicus, hoc enim modo monialis, & femina moribunda faciunt quod possunt, & eodem modo est discurrendum, & practicandum cum omnibus habentibus perpetuū impedimentum denunciandi per se.

248. Vt autem nullus qui impedimento caret subterfugiat obligationem denunciandi non solū ex vi decreti Pontificis, sed etiam ædicti DD. Inquisitorum hic se offert quoddam dubiolū, nempe vtrū ædictū Inquisitionis obliget externos transeuntes per Regna Hispaniarum? Pono casum, aliquis Catholicus habitabat in aliqua Provincia Alemanniæ, vel in Anglia vbi nec publicatur ædictū Inquisitorum, nec Ordinarij, quia omnes incolæ sunt hæretici; iste peregrinationis, vel negociationis causa transit per ista Regna, & sollicitatur ab aliquo Confessario, tenetur ne huiusmodi penitens sollicitatus denunciare Confessarium, taliter, quòd si non denunciaret incurrat excommunicationem ædicti?

249 Duplex resolutio valet adhiberi huic dubiolo secūdum duas sententias Doctorum: iuxta sententiam Layman in Theol. mor. tract. 5. part. 1. cap. 4. num. 5. Koninch. de Sacrament. disp. 13. dub. 18. num. 60. & Dianæ part. 5. tract. 5. resol. 73. ex vi ædicti non tenetur talis pœnitens denunciare Confessarium sollicitantem, quia peregrini non subiacent legibus locorum, ad quæ adveniunt, & sique Auctores citant

pro hac sententia Sanchez, Fagundez, & Granados. Ex qua potest formari hoc argumētum: iurisdicōtio Inquisitorum est delegata à Summo Pontifice in Hispania, sicut in Lusitania pro Provincijs illius Regni: ergo cum ædictum dimanet ab hac iurisdicōtione delegata solum extenditur ad incolas Hispaniæ; nam isti solum sunt subditi, *ex cap. à nobis 21. de sentent. excomm.* ergo secundum istam sententiam est dicendum, quod etiam si huiusmodi penitens peregrinus sollicitetur à Confessario in Hispania, vi ædicti non tenetur denunciare.

250 Nihilominus est resolvendum, & practicandum, quod huiusmodi advena vi ædicti DD. Inquisitorum tenetur denunciare Confessarium solicitantem: Primò probatur destruendo principalius fundamentum contrariæ sententiæ, quia peregrinus, & advena ratione delicti sortitur forum, & subiicitur legibus territorij, in quo habitet, *l. 3. D. de Officia Præsidis*, idemque Præses Provinciæ adversus extraneos habet imperium, ut notat Glossa in capite à me citato, nam si aliquis deliquit in aliqua Provincia, illic iuri subiacet *Authentica, que in Provincia, C. ubi de crimine agi oportet*, quod verius est si delictum sit in præiudicium alicuius, ut notat Glossa ad cap. placuit 6. *quest. 3. l. 1. C.* ergo cum delictum sit commissum in Hispania, ratione delicti subiicitur ædicto Inquisitionis; nam nō solum criminofus est subiectus, sed etiā testis criminis, & est commune: ergo cum huiusmodi Confessarius sollicitans subiiciatur foro Inquisitorum, etiam sollicitatus, quia est reus delicti.

251 Secundò probatur destruendo aliud fundamentum contrariæ sententiæ, quia ut constat ex textu *singuli in cap. à nobis*, citato semper debet attendi in proferenda sententia ad auctoritatem, quam tribuit delegans, & idē in dicto capite sic loquitur Clemens III. *Dicimus, quod hac sententia non nisi subditi obligantur, nisi forte plus contulerit, maior, & largior auctoritas delegantis*; sed dum Summus Pontifex suam auctoritatem delegavit DD. Inquisitoribus, eam non limitavit, sed

ad



ad omnes extendit in causa fidei : ergo huiusmodi advena, & peregrinus, cum subditus sit Inquisitorum ex delegatione Summi Pontificis vi adiecti tenetur denunciare huiusmodi Confessarium sollicitantem. Parificatur, quia si huiusmodi peregrinus scit aliquem esse hæreticum absque controversia tenetur illum denunciare : ergo etiam Confessarium sollicitantem. Probatur consequentia. ex eo tenetur denunciare hæreticum, quia hæresis est contra bonum commune fidei, sed etiam crimen sollicitationis est contra bonum commune Sacramenti Pœnitentiæ, & contra bonum fidelium : ergo tenetur denunciare huiusmodi Confessarium sollicitantem. Per quod patet ad fundamenta contrariæ sententiæ.

252 Aliud dabiolum affine præcedenti se effert : in multis terris Turcarum Reges Mahumetani permittunt templis pro captivis, & etiam Sacerdotes qui audiunt Confessiones, in illis terris quidam Confessarius, vel in vera Confessione, vel simulata sollicitavit ad turpia femina captivam, & ista fuit redempta, & iam moratur in Regnis Hispaniæ; tenetur ne denunciare vi adiecti illum Confessarium sollicitantem ? Ex dictis est resolvendum huiusmodi femina teneri denunciare Confessarium sollicitantem, quando est in Hispania ubi est Inquisitio. Probetur nam huiusmodi Confessarius, etiam si sollicitet ubi non est publicatum adiectum, est suspectus in fide : ergo femina sollicitata tenetur illum denunciare intra terminum præfixum in adiecto, & si ablato impedimento non denunciat incurrit excommunicationem.

253 Contra istam resolutionem potest fieri quedam instantia efficax, quæ sic formatur : leges Pontificiæ, & Conciliorum secundum probabilem sententiam non obligant in conscientia etiam si Romæ publicentur, in illis Provinciis, in quibus non sunt sufficienter promulgatæ. Ita Diara 1. part. tract. 10. resol. 8. Molina tom. 2. de iust. tract. 2. disp. 895 num. 4. Sotus lib. 1. de iust. quest. 1. art. 4. Layman lib. 1. tract. 4. cap. 3. num. 3. Beccanus 1. 2. tract. 3. cap. 6. num. 5. & 6. Homobonus in exam. part. 2. tract. 12. cap. 3. quest. 10. ex qua doctrina in-



fert Sanchez *lib. 3. de Matrimon. disp. 18. num. 31.* quòd fideles contrahentes in terris infidelium, in quibus non est publicatum decretum Concilij non concurrentibus testibus, & Parocho valide contrahunt, sed in illo loco in quo hæc mulier fuit sollicitata non erat publicatum ædictum : ergo quando venit ad terras Hispaniæ vi ædicti non tenetur denunciare.

254 Si respondeas quòd iam dum commoratur in Hispania est in terris in quibus est ædictum publicatum, ac per consequens licet non teneretur vi ædicti antea denunciare, bene verò in Hispania, ubi ædictum singulis Provinciis est sufficienter promulgatum. Contra : quia ut dicunt Palacios in 4. *distin. 24. disp. 1. vers. Iam verò.* Fagundez de *Præcept. Eccles. in ultim. editione, præcept. 2. lib. 4. cap. 3. numer. 74.* & Sousa in *additione ad Bullam Gregorij XV. num. 3.* quòd Bulla Gregorij XV. neq; in his quæ confirmat ex certa scientia, neque in alijs, quæ de novo statuit extenditur ad lapsus præteritos; ac per consequens nec ad eos lapsus, qui præcellerunt ad illius promulgationem in singulis Provinciis, sed quando ista mulier fuit sollicitata in illis terris non erat sufficienter promulgatum ædictum : ergo etiam si postea sit publicatum non tenetur denunciare vi ædicti, quia tale ædictum non debet extendi ad sollicitationem præteritam.

255 Responderetur : aliud esse de Constitutione Pontificia discurrendum, & aliud de ædicto DD. Inquisitorum statuto in principiis sententiæ positæ in argumento; nam cum Constitutiones Pontificiæ sint leges, non possunt comprehendere casus commissos ante illarum publicationem, nam antequam detur lex non potest quis operare contra legem; cum autem ædictum non sit nova lex circa crimina contenta in illo, sed executio iurisdictionis delegatæ per leges Pontificias, hinc est quòd Constitutiones Pontificiæ non extenduntur ad casus præteritos; bene verò ædictum cum per illud applicetur remedium ad punienda delicta patrata post Constitutiones Pontificias, quæ licet sint præterita respectu ædicti, respectu Constitutionis Pontificiæ posteriora sunt; quare

cum

cum talis sollicitatio sit posterior reipſe Constitutionis, ad illam extenditur ædictum, imò potius vt constat ex tenere ædicti, quod intendunt DD. Inquisitores per illud est vt delicta præterita revelentur, & non solum in futurum commissa; hæc sunt verba ædicti: *Si sabeis, ò aveis oydo dezir, que algun Confessor, ò Confessores, Clerigos, ò Religiosos de qualquier estado, condicion, ò preeminencia que sean, en el acto de la Confession ayan sollicitado, ò atentado sollicitar, &c.* & sic non solum in hoc delicto, sed in alijs, ædictum extenditur ad lapsus præteritos.

§. IIII.

*An femina sollicitata teneatur denunciare cum aliquo gravi damno.*

256 **P** Rincipalius damnum, quod timent mulieres nobiles ad deferendū crimen sollicitationis ad Sanctæ Inquisitionis Tribunal est, si consenserunt amittere suam famam apud DD. Inquisitores explicando suum crimen, quare advertant Confessarij, vt instruant tales feminas sollicitatas in modo disponendi suam delationem, quia solum tenentur deferre delicta Confessarij, non autem propria; & si hoc modo est in illis maximus horror, vel aliud inconveniens ad deferendam delationem pro se; cum licentia, & consensu talis femine ipse Confessarius deferat delationem ad Tribunal; quia in his materijs pro bono Sacramenti Pœnitentiæ, & fidelium debet fieri quantum potest attentis circumstantijs. Et DD. Inquisitores disponunt, quod ista femina nobilis absque nota faciat delationem per aliquem Commissarium, & hic non interroget de consensu mulieris, sed de delicto Confessarij; imò potius si illa explicat in delatione consensum, existimo non esse scribendum. Diana, *part. 1. traſt. 4. de denunciationib. resol. 9. §. notandum est tamen.* Dicit quod si femina explicat consensum non debet scri-

scribi in actis tanquam res non spectans ad Tribunal Inquisitionis.

257 Post quam Peyrinis hoc idem asseruit *tom. 2. in privileg. Minim. Constit. 4. Gregorij XV. §. 3. num. 12.* dicit quod Confessarij debeat proponere hæc, & alia media feminis ad illas inducendas ad denunciandum Confessarium sollicitantem, & si aliqua adhuc non determinatur ad denunciandum, quia non potest deponere horrorem possunt DD. Inquisitores dare auctoritatem Confessario recipiendi in scriptis denunciationem cum iuramento persone sollicitæ, quam teneat Confessarius deferre Inquisitoribus, & addit huiusmodi casum esse decretum Sacre Congregationis expeditum *die 7. Septembris anno 1624.* subscriptum per Cardinalem Milinum. Nunquam hoc vidi in praxi sed aliquando esse conveniens, quia sunt aliquæ femine tam pusillanimes, in quibus alio modo non est medium ad earum timorem, & verecundiam vincendam. Hoc supposito.

258 Non est quæstio in presenti an femina sollicitata, quæ consensit teneatur denunciare Confessarium sollicitantem; nam de hoc postea erit sermo, sed dixi antecedentia, ut habeant media Confessarij moventes feminas sollicitatas ad Confessarios sollicitantes denunciandos, & in presenti est quæstio de alijs damnis, quæ possunt timere si denuncient, & non credant facile Confessarij ex delatione obvenire feminis denunciantibus notabilia damna, quia multoties femine trepidant timore, ubi non est timor, & in his materijs, adhibito grano salis, frequenter rigor consulendus est in favorem Sacramenti, & animarum. Solum enim est quæstio in presenti, an si femina timeat mortem, abscissionem membri, vel gravia vulnera teneatur denunciare.

259 Affero talem feminam non teneri ad denunciationem, illo timore perseverante, nec Confessarius consulat, quod denunciet in his angustijs, ac verò advertat, illis damnis cessantibus, huiusmodi feminam habere obligationem denunciandi. Pro hac sententia stat Diana 4. pars. tract. 5.

resol. 19. Lezana in Summ. cap. 19. num. 34. Peyrinis tom. 2. privileg. Constit. 4. Gregorij XV. §. 9. num. 28. Fagundez 2. precept. Eccles. cap. 3. num. 31. Lugo de iust. & iure, disp. 38. sect. 2. num. 36. & alij citati per Dianam. Probatur primum: quia quando metus cadit in constantem virum non est obligatio denunciandi illo perseverante. Constat ex cap. cum dilectus de his, que vi; sed metus mortis, abscissionis membri, & vulnerrum est metus cadens in constantem virum: ergo illo perseverante non est obligatio denunciandi Confessarium sollicitantem.

260. Ista ponuntur exempli gratia; nam metus mortis, abscissionis, membri, &c. inducunt metum in virum constantem, & si alia attentis circumstantiis inducant eundem metum, etiam illo perseverante cessat obligatio denunciandi. In hoc enim ut advertit Sanchez lib. 4. de Matrim. disp. 3. nu. 2. non potest assignari regula pro omnibus, quia in metu debemus attendere ad qualitatem illum patientis; nam metus qui terreat virum quietum, & pacificum, non terreat militem rixosum affluctum armis, & ut metus dicatur respectu feminae cadens in virum constantem, regulariter est minor, quam in viro. Hæc dixi ut attendas ad qualitates persone, ut resolves, que passim possunt occurrere in hac materia, in matrimonio, & professione.

261. Secundo probatur conclusio auctoritate D. Thomæ 2. 2. quest. 147. ars. 3. ad 2. ubi ponit hanc conclusionem universalem in omnibus preceptis positivis, & humanis: Si quis ex rationabili causa statutum non reserbet, precipue in casu, in quo etiam si Legislator adesset, non decerneret esse servandum, talis transgressio non constituit peccatum mortale; sed dum est metus rationabilis mortis, &c. si adesset Legislator non decerneret, quod in illo casu esset obligatio denunciandi: ergo tunc si mulier sollicitata non denunciat, nec peccat mortaliter, nec incurrit excommunicationem. Probatur minor, nam tunc dicitur, quod non obligaret Legislator, quando non est rationabile, quod obliget; sed non est rationabile, quod obli-

get si est: talis metus: ergo si adesset Legislator non obligaret: ergo cum obligatio denunciandi Tribunali Inquisitionis oriatur ex præcepto positivo humano, si est metus mortis, &c. illo perieverante cessat obligatio denunciandi.

262 Nec valet si dicas: præceptum denunciandi Confessarios sollicitantes respicere bonum commune, conservatio vitæ, membrorum, &c. respicit bonum particulare, & cum hoc sit postponendum, etiam si sit præceptum positivum humanum, obligat cum periculo mortis, abscessionis membri, & vulnorum in corpore. Hoc fundamento D. Ioan. Escobar à Corro 2. part. quæst. 3. §. 7. num. 32. & seqq. obligat feminam sollicitatam ad denunciandum etiam cum periculo vitæ, & famæ, quia in præcepto denunciationis agitur de vindicanda iniuria illata Sacramento Penitentiæ, & de evitandis damnis inde obvenientibus salutis animarum, quod est præferendum privato bono vitæ, & famæ.

263 Ut respondeam ad hoc fundamentum, & firmior maneat conclusio duo principia supponi debet. Primum est, quod homo habet ius naturale ad defendendam vitam, famam, & res familiares; Vnde in favorem horum contra invasorem licet insurgere cum moderamine inculpatæ tutelæ, id est si aliter defensio illorum bonorum fieri nequit. Secundum quod inferitur ex primo est, quod habemus ius naturale ad damnum notabile contra prædicta repellendum à quacunque potestate humana veniat, quia non est in mundo potestas obligans ad aliquod, quod opponitur iuri naturali divino. Est sententia omnium cum D. Thoma 1. 2. quæst. 22. art. 5.

264 Deinde est notandum, quod licet Princeps absolutus si utatur plenitudine potestatis, & secundum dominium altum, quod habet in ordine ad conservationem, & defensionem boni communis possit sancire legem, quæ obligaret etiam cum periculo vitæ ad defensionem, & conservationem Reipublicæ, ut tenent fere omnes Doctores, tamen loquendo de potestate legislativa ordinaria, & secundum dominium



basum, iuxta quod vult lege sua obligare fortiter, & suaviter; leges humane iuvè canonicę; sive civiles sint non obligāt cum notabili nocumento, quod prudenter timeatur venturum ex illarum observatione.

265 Ex his probatur tertio conclusio, & simul impugnatur doctrina D. Ioann. Escobar: præceptum denunciandi est positivum, & humanum; sed etiam si præceptum humanum possit obligationem inducere, quando ordinatur ad bonum commune cum periculo vitę secundum dominium alium Legislatoris, non autem secundum potestatem ordinariam legislativam: ergo præceptum denunciandi etiam si ordinetur ad bonum commune non obligat cum periculo mortis, abscissionis membri, &c. Probatur consequentia: quia si tale præceptum obligaret cum periculo vitę deberet constare Summos Pontifices in constitutionibus vsuros fuisse dominio alto; hoc non constat, quia in illis idem observarunt, ac in alijs constitutionibus, quę continent potestatem ordinariam legislativam: ergo præceptum denunciandi etiam si ordinetur ad bonum commune non obligat cum periculo vitę, &c.

266 Dicēs: in his quę pertinent ad bonum commune vel temporale, vel spirituale debet intelligi Legislatores vti nō solum potestate ordinaria, sed dominio alto; patet nam quando imperant quod aliqui inserviant propter bonum commune peste corruptis obligat ista lex, vel præceptum; sed obligat cum periculo vitę: ergo quia Legislatores in legibus, & præceptis concernentibus bonum commune vtuntur dominio alto. Respondetur, quod tunc vtuntur dominio alto, quando periculum est intrinsicè connexum cum actione, quę imperatur, vt est in casu posito in maiori; nam periculū mortis est intrinsicè connexum cum servitio infectorum peste; non autem quando ab extrinseco venit, tūc enim præsumitur, quod Princeps non obligat cum periculo vitę; cum autem in denunciatione sollicitantium timor non sit connexus intrinsicè cum denunciatione, sed ab extrinseco adveniat de obliga-

tur huiusmodi semina sollicitata ab observatione talis præcepti.

267 Quarto purificatur hæc conclusio, & probatur non obligare denunciationem cum timore mortis. Est sententia probabilissima, quod hæreticus absolutus in articulo mortis ab hæresi, & censura, si vivat; dummodo sit relapsus, & timeat poenam mortis, quod non tenetur se præsentare (loquor in casu, in quo prudenter existimat præventionem Tribunalis) etiam si præsentatio ad obtinendam absolutionem disponatur in iure canonico, ut constat *ex cap. eos qui* 22. *de sentent. excomm. in 6.* quia nemo tenetur facere illud, ex quo mors sequatur. Hanc doctrinam docet Valerius *verb. Hæresis, differ. 5.* & alijs terminis æquivalentibus illam amplectuntur, Sylvesteri *verb. Accusatio, num. 12. & 17.* Panormitanus *cap. si vero, de iure iurando. & l. 1. D. de bonis eorum,* dicitur: *Ignoscendum esse ei, qui sanguinem suum qualitercumque redemerit, vitur enim iure naturali suo, quod nullus ei auferre potest:* ergo si mulier sollicitata prudenter timet mortem si denunciat, perseverante illo periculo non tenetur denunciare, quia iure naturali tenetur conservare propriam vitam.

268 Ex quibus infero, neque obligare denunciationem, si timet mulier sollicitata amittere maiorem partem bonorum temporalium; nam talis metus cadit in virum constantem, *ex cap. cum venissent de insis. & latè probat Escobar p. 2. q. 3. §. 7. num. 14. & 15.* ubi dicit, quod amissio maioris partis bonorum equiparatur amissioni omnium bonorum, & hæc equiparatur morti, ut latè probat Tiraquellus *de nobilitate. cap. 33. num. 369.* sed metus mortis cadit in virum constantem: ergo metus amissionis maioris partis bonorum cadit in virum constantem; sed perseverante metu cadente in constantem virum non est obligatio denunciandi: ergo si mulier timet amissionem maioris partis bonorum, illo perseverante non tenetur denunciare.

269 Iterum adverto, quod mulier sollicitata, & Confes-

sa-

farius consulens cum magna prudentia aspiciant antimeatur aliquod ex periculis enumeratis obventuris ex denunciatione, quia multoties timetur ubi non est ratio timendi quare considerandæ sunt circumstantiæ, & motiva, ex quibus verò similiter, & cum probabilitate potest oriri hoc periculum, quia non est facile, quod oriatur ex denunciatione facta in Sancto Officio, quia in illo proceditur cum summo secreto, & advertendo periculum non deficiet dispositio ad hoc ut puniatur sollicitans, & ut mulier sollicitata denunciata ab omni damno liberetur.

270 Dices contra nostram conclusionem: sollicitans est denunciandus cum iactura propriæ famæ: ergo multò melius cum periculo amissionis bonorum, quia magis estimatur fama quam bona temporalia. Probatur antecedens: hæreticus est denunciandus cum iactura propriæ famæ: ergo etiam Confessarius sollicitans. Respondetur admittendo paritatem, & assignando disparitatem, nam hæresis est crimen læsæ maiestatis divinæ immediatè, & apertè affert contagium oppositū bono communi Religionis, quod facile crescit, & inficit; at verò crimen sollicitationis, licet sit læsæ maiestatis divinæ nō est immediatè, & aliunde rarò qui committit tale delictum est hæreticus, ideòque in Hispania sollicitans solum abiurat de levi, & in illo non est periculum tam proximum inficiendi, sicut in hæresi.

271 Sed superest vnum dubiolum, an si timet ex denunciatione mulier sollicitata, quod eveniet aliquod damnum ex enumeratis alicui benefactori, vel consanguineo teneatur denunciare? Diana loco citato dicit: talem fœminam sollicitatam non teneri ad denunciationem, si timet talia damna evenitura benefactori; vel consanguineo, nisi in casu in quo bonum fidei periclitetur, sed existimo cum Bonacina *1. par. in tract. var. disp. 6. punct. 1. §. 3. num. 6. & punct. 3. num. 11.* non ideò esse denunciationem omittendam, sed huiusmodi fœminam teneri denunciare. Ratio fundamentalis est, quia licet leges positivæ non obligent cum illis damnis enumeratis

ris respectu nostri, beneverò etiam si timeatur talia advenire criminosis; imò potius, quòd iustè intèdunt leges est quòd puniatur gravibus pœnis delicta gravia; sed in ordine ad alios prius est bonum Sacramenti, & remedium animarum, quam amicitia, vel consanguinitas: ergo etiam si timeantur talia damna eventura consanguineis, & benefactoribus, in fœmina sollicitata est obligatio denunciandi Confessarium sollicitantem.

272 Probatum secundo ab inconvenienti; nam si hæc doctrina posset reduci ad praxim vix esset casus obligans ad denunciandum Confessarium sollicitantem, quia non potest negari, quòd per denunciationem maximè periclitatur fama illius; nam fœmina sollicitata prudenter potest timere, talè Confessarium per alià vel per alias sollicitationes esse preventum in Sancto Officio, & simul, quòd si illum denunciat erit incarcerationandus, & puniendus, quòd est maximè denigrativum personæ, & habita notitia huius opinionis Confessarij sollicitantes elargirent munera, & beneficia; ut hoc modo evaderet huiusmodi fœmina obligationem denunciandi. Ex quo sequeretur alia sollicitatio, quia beneficia, & munera de novo illam fœminam allicerent ad venerea cum Confessario: ergo ne sequantur hæc inconvenientia est dicendum huiusmodi fœminam habere obligationem sub peccato mortali denunciandi Confessarium sollicitantem, & si omittit delationem intra terminum præfixum in ædicto incurrit excommunicationem.

## §. V.

*An mulier sollicitata, quæ omisit denunciationem possit absolvi virtute Bullæ Cruciatæ.*

273 **C**ertum est, quod Confessarius non potest absolvere mulierem sollicitatam, nec virtute Bullæ, nec alterius privilegij si illa non sit parata denunciare, quamvis idem Confessarius admoneat huiusmodi mulierem de obligatione denunciandi, quam huiusmodi fœmina.

mina ignorabat, ac per consequens ante incursum excommunicationis, quia ista, ut dixi, non incurritur quovisque terminus sex dierum impleatur, postquam femina habuit notitiam excommunicationis. Patet hęc suppositio, quia non est absolvendus pœnitens indispositus; sed huiusmodi femina indisposita accedit, siquidem non est parata ad obediendum ædicto: ergo licet adhuc non sit excommunicata est illi deneganda absolutio.

274 Difficultas solum stat in muliere sollicitata, quæ propter omissionem liberam denunciationis contraxit excommunicationis vinculum; an ista possit absolvi virtute Bullæ Cruciatæ? Thomas Hurtado duo dicit, vnum mihi placet, aliud displicet; nã *resol. 47. §. 3.* statuit duas conclusiones, primam *num. 573.* & in illa resolvit, quod ante incursum censuræ potest semel, & iterum absolvi femina, si promittat denunciare; hoc est probabilissimum, quia intra terminum ædicti est illi liberum denunciare: ergo illis sex diebus ædicti, nec peccat mortaliter, nec incurrit excommunicationem si non denunciat; sed si non habet peccatum mortale, nec excommunicationis vinculum denegatio absolutionis non est rationabilis: ergo si promittat denunciare intra terminum præfixum in ædicto potest semel, & iterum absolvi.

275 Postea *num. 576.* statuit secundam conclusionem, in qua defensat, Confessarium virtute Bullæ Cruciatæ valide absolvere feminam sollicitatam non denunciantem Inquisitoribus, etiam si non satisfaciat parti denunciando. Eandem sententiam tenet Lucius in *Summ. cap. 24. num. 11.* in eandem sententiam videtur inclinare Freitas in *tract. de Confess. sollicitant. quest. 2. num. 25.* Sed Pater Diana 4. part. *tract. 5. resol. 35.* asserit: si non est iusta causa, nec semel potest Confessarius absolvere feminam ab excommunicatione, nisi prius satisfaciat Tribunali denunciando, pro hac sententia stare Escobar à Corro part. 2. *quest. 4. §. 1. num. 25. & seqq.* Suarez de censur. disp. 7. *sect. 5. num. 45.* Gutierrez in *99. Canon lib. 1. cap. 5. num. 30. & 31.* Trullench. in *Bull. Cruciat. lib. 1. §. 7. cap.*



cap. 2. dub. 8. Ioanni. Sanchez in select. disp. 11 num. 62. Acuña, Freitas, Sousa, & Enriquez citati per Elcobar.

276 Cum his Auctoribus alitero, Confessarium non posse absolvere feminam solicitatam, quæ excommunicationem contraxit omittendo liberè denunciationem intra terminum præfixum in ædicto nec virtute Bullæ, nec alterius privilegij, nisi prius denunciaret Confessariū solicitantē, nisi in aliquo casu, in quo interveniat aliqua iusta causa. Probatur primò, quia nemo valet absolvi a peccatis, nisi prius sit immunis à censura; sed non potest absolvi ab excommunicatione nisi prius pars satisfacta sit: ergo si prius mulier solicitata non denunciaret non potest absolvi. Probatur consequentia: pars in hac excommunicatione, cui satisfieri debet est Tribunal Sanctæ Inquisitionis, à quo ædictum procedit; sed non satisfacit hæc mulier, quæ iam contraxit excommunicationem, nisi denunciaret: ergo si prius non denunciaret non est absolvenda.

277 Secundò probatur hæc conclusio à paritate. Vt docet Suarez loco citato: & est sententia plausibilis non est absolvendus, qui excommunicatur donec eijciat concubinam, nisi prius sit expulsa, nec sufficit quòd proponat expellere; nulla alia ratione, nisi quia est res magni momenti, & periculosa, sed si mulier solicitata iam habuit animum incurrendi in excommunicationem, valdè periculosum est illam absolvere, quin prius denunciaret, & hoc crimen solicitationis est res tam magni momenti, quòd multi Auctores, ut Fagūdez in Exam. Theolog. moral. part. 3. cap. 9. §. 16. sect. 1 num. 1. Azorius tom. 1. lib. 8. cap. 19. quest. 9. dicunt non posse absolvi virtute Bullæ Cruciatæ crimen solicitationis, quia cum hoc delictum generet suspicionem in fide includitur sub nomine hæresis: ergo etiam si mulier solicitata promittat denunciare, si iam terminus ædicti voluntariè fuit elapsus, & contraxit excommunicationem, non est absolvenda nisi prius denunciaret.

278 Dixi nisi interveniat aliqua iusta causa; nam si sit in tali

rali muliere sollicitata periculum mortis, tunc solum tenetur committere delationem Confessario, ut ille suo nomine talem denunciationem deferat ad DD. Inquisitores; nam tunc facit quod potest; etiam est causa iusta si est dies magni jubilei, & distat Commissarius, vel Tribunal Sanctæ Inquisitionis, vel si est dies feriatas, aut femina pateretur infamiam non suscipiendo Eucharistiam; in his enim, & similibus casibus potest absolvi si præstat cautionem iuratoriam denunciandi statim ac offeratur commoditas. Sic Thomas Sanchez in *Decalog. lib. 2. cap. 13. à n. 17.* Ioann. Sanchez in *select. disp. 11. num. 63.* & ratio est impròptu, quia in illis angustiis femina sollicitata facit quantum in se est: ergo illi non est deneganda absolutio.

279 Etiam est mihi certum contra Fernandez, Azorium, & Ledesnam locis citatis, quòd si ista mulier sollicitata, quæ iam excommunicationem contraxit denunciavit; postea potest absolvi à censura per quemcumque Confessarium virtute Bullæ: sic tenent Ioann. Sanchez in *select. disp. 11. num. 60.* D. Ioann. Escobar à Corro loco citato num. 27. Diana 4. part. tract. 5. resol. 29. in fin. Egidius Trullench loco citato num. 10. quia in Bulla factisfacta parte privilegium absolvendi ab omnibus censuris conceditur, & solum excipitur crimen hæresis: ergo si mulier sollicitata denunciando satisfecit, à quocumque Confessario virtute Bullæ absolvi potest, vel ut tradit Trullench. potest absolvi à mendicantibus virtute suorum privilegiorum, & addit Diana ex quo idem advertit Trullench. feminam non indigere fateri Inquisitoribus se negligentem fuisse in denunciatione, & quòd iam contraxit excommunicationem; quod est observandum, quia frequens, & contingit in alijs casibus contentis in additis.

280 Contra nostram conclusionem arguitur primo fundamento contrariæ sententiæ: virtute Bullæ validè potest Confessarius absolvere ab omnibus censuris excepta excommunicatione contracta per crimen hæresis; sed talis excom-

mu-

municatio contracta per omissionem voluntariam denunciandi intra terminum prefixum in edicto non incurritur propter crimen heresis : ergo virtute Bullę Confessarius ab illa absolvere potest. Respondetur distinguendo maiorem potest absolvere Confessarius ab omnibus excommunicationibus virtute Bullę satisfacta parte concedo maiorem, alio modo nego maiorem, & ita disponitur in Bulla, in qua datur facultas Confessarijs absolvendi ab omnibus censuris prius satisfacta parte, quando sine notabili detrimento potest fieri, & præcipue si res est magni momenti ut contingit in præsenticali.

281 Argues secundo : qui retinet rem alienam potest absolvi, & ter cum proposito restituendi : ergo etiam femina sollicitata saltem semel potest absolvi ab excommunicatione si præstat cautionem iuratoriam denunciandi. Probatur consequentia : sicut qui est excommunicatus tenetur satisfacere parti, ita qui retinet rem alienam; sed hoc non obstanti iste potest absolvi si præstat cautionem iuratoriam restituendi : ergo similiter qui tenetur denunciare, & non denunciavit ; ac per consequens potest Confessarius absolvere feminam sollicitatam si præstat cautionem iuratoriam denunciandi.

282 Respondetur concedendo antecedens, & negando consequentiam, quia per omissionem restitutionis solum periclitatur aliquod bonum temporale particulare, & si restitutio debet fieri Reipublicę solum periclitatur bonum commune temporale ; ac verò per omissionem denunciationis periclitatur bonum Sacramenti, & bonum commune spirituale animarum ; ideòque dixi esse talem omissionem in re magni momenti ; ac per consequens in primo casu potest absolvi cum cautione iuratoria, non autem in nostro ; per quod patet ad probationem.

283 Ex quo infero primo, quòd non est absolvenda huiusmodi femina si prius non denunciaret, etiam in casu, in quo in Sacerdote sollicitante nulla esset suspicio in fide, quia ut dixi

dixi iudicium circa suspicionem competit Inquisitoribus, non autem feminis sollicitatis, nec Confessarijs consultantibus; & si ista femina voluntarie omittit denunciationem præter peccatum mortale, & excommunicationem, quam incurrit, ut optime advertit Pater Sousa de *Confessar. sollicitant. tract. 2. per totum cap. 19.* possunt DD. Inquisitores præcedere contra illam, & punire feminam sollicitatam duobus titulis, vel quia femina favet sollicitantibus, aut quia non obedit mandatis Tribunalis, quibus omnes tenentur obedire; nam certum est, quod omittere voluntarie delationem est magnum crimen punibile; sed non est punibile per aliud Tribunal: ergo DD. Inquisitores possunt punire illud delictum.

284 Ex quo infero secundo resolutionem cuiusdam casus, qui frequenter contingit: quidam Confessarius erat in carceratus in Tribunali Sanctæ Inquisitionis; & antequam daretur illi accusatio fateatur plura crimina sollicitationis, de quibus non erat denunciatus. Si enim femina sollicitata citata non solum huiusmodi crimina facerentur, sed etiam notitiam ædicti, & obligationis denunciandi; propter inobedientiam, & contumaciam per DD. Inquisitores possunt puniri; nam licet non sint suspectæ in fide, quia per annum non inforduerunt; ratione inobedientiæ, & contumaciæ subiiciuntur foro Inquisitorum.

285 Infero tertio: quod crimen sollicitationis potest absolvi à quocumque Confessario approbato virtute Bullæ; quia ut dixi, in Bulla solum fit exceptio de crimine hæresis. Ita Peyrinis de *Privileg. Constit. 4. Gregorij XV. §. 8. num. 25* Enriquez *lib. 6. cap. 10. §. 1.* Nec obstat quod excommunicatio sit lata contra non revelantes, quia nemo tenetur se ipsum prodere.

Deinde, quia ut optime Peyrinis, præceptum dirigitur in non revelantem, non insollicitantem; sed de hoc

iterum erit sermo, cum de obligatione

monendi penitentes sollicitatos tractemus.

## §. VI.

*An non solum femina sollicitata, sed etiam quilibet sciens  
Confessorem sollicitasse teneatur denunciare in  
Tribunali Sanctæ Inquisitionis.*

286 **I**N præsentī non est difficultas de pœnitente sollicitato, quia iam constat de eius obligatione; sed de alijs, qui aliquo modo sciunt delictum sollicitationis; & ratio dubitandi est, quia ex vna parte Bullæ Pontificiæ solum dicunt esse monendos pœnitentes ab alijs Confessarijs sollicitatos de obligatione denunciandi; sed de alijs, qui hoc delictum alio modo sciunt nihil dicitur. Ex alia parte in ædicto DD. Inquisitorum, quod habet vim legis dicitur: *Si sabeis, ò aveis oydo dezir, que algun Confessor, ò Confessores, Clerigos, ò Religiosos, &c.* quæ verba non solum pœnitentes sollicitatos obligant ad denunciandos Confessarios sollicitantes, sed etiam omnes, qui habent scientiam, vel noticiam ex auditu criminis sollicitationis: quare in præsentī inquiritur an non solum femina sollicitata, sed etiam ille, qui scit aliquomodo crimen sollicitationis teneatur denunciare Confessarium sollicitantem?

287 Pater Thomas Hurtado *tract. 4. de Confess. sollicitan. resol. 64. §. 2.* plura dicit, & inculcat, ex quibus iam aliqua sunt impugnata, quia sunt contra stillum Sancti Officij, verpore periculosa in praxi. Primò *num. 862.* statuit primam conclusionem, in qua defensat, quod si quis malitiosè audit Confessionem alicuius feminae, in qua audit, quod Confessor illam sollicitavit, si hoc per alium testem potest probare, ut potest in hoc casu per feminam sollicitatam, absque dubio teneretur denunciare. Deinde *num. 895.* ponit secundam conclusionem, & dicit, quod excepto delicto hæresis formalis, & blasphemie hæreticalis, quia cõtinet hæresim, in omnibus alijs delictis positis in ædictis Inquisitorum audiens illa ex relatione.



tione, etiam à persona fide digna, non tenetur denunciare nisi illud possit probare Citat pro hac conclusione Fagundez in *impressione antiqua de præcept. Eccles. in 2. lib. 4. cap. 3. num. 31.* Reginaldum, Megalam, Homobonum, qui *tom. 4. consult. part. 4. dicit*, quòd sola femina sollicitata tenetur denunciare.

288 Pater Diana 1. *part. tract. 4. de denunc. resol. 1. dicit* quòd in casibus pertinentibus ad Tribunal Sancti Officii, denunciatio est facienda, etiam si delator non possit probare delictum. Citat pro hac sententia Barbosam de potestate Episcopi *part. 3. alleg. 96. num. 51.* Homobonum citatum pro contraria sententia, sed alio loco, nempe de *Exam. Eccles. part. 1. tract. 7. cap. 2. quest. 14* & *part. 2. tract. 11. cap. 4. quest. 4. resol. 4.* etiam illam defensant Santarellus de *heresi cap. 9. dub. unic. num. 3.* & 4. Bonacina de *cenfur. disp. 2. quest. 6. punct. 1. num. 9.* Suarez *tract. de fide disp. 20. sect. 4. num. 7.* Thomas à Iesu *lib. de visit. regul. tract. 11. cap. 16. num. 4.* & 10. Portel. in *addit. ad dubia regul. verb. Solicitare feminas, nu. 19.* & alij quos citat Diana. Eadem sententiam tenet noster Trimarchius *disp. 6. sect. 1. 2. & 3.* & dicit contrariam sententiam esse improbabilem, contra quem insurgit Thomas Hurtado *nom. 889.*

289 Iuxta secundam sententiam assero, quòd si aliquis audit Confessarium sollicitasse in Confessione, taliter quòd sit casus comprehensus in Bulla Gregoriana tenetur illum denunciare etiam si non possit probare delictum sollicitationis. Hæc conclusio posita sub his terminis non continet difficultatem meo videri. Primo, quia in ædictis DD. Inquisitorum dicitur: *Si sabeis, ò aveis oydo dezir, que algun Confessor, ò Confessores, &c.* sed de eo qui auditiv aliquem Confessarium sollicitasse est verum dicere, *que lo oyò dezir*: ergo iste tenetur denunciare huiusmodi Confessarium. Secundo, quia noster Peyrinis *tom. 2. Privileg. Const. 9 Pauli V. §. 2. num. 27.* adducit decretum Sacræ Congregationis expeditum *die 3. Ianuarij ann. 1623.* in quo præcipitur sub excommunicatione, ut omnes denuncient non solū hæreticos, sed de hæresi quo-

modolibet suspectos, de quibus notitiam habuerint; sed crimen sollicitationis generat suspicionem in fide: ergo quomodolibet notitia habeatur Confessarius sollicitans denunciandus est.

290 Tertio probatur contra Thomam Hurtado; nam ex eo defenfat audientem non teneri denunciare, quia non est obligatio denunciandi, si denunciator non potest probare delictum; sed hæc doctrina non habet locum in delictis contra fidem, vel generantibus suspicionem in fide: ergo auditor sollicitationis tenetur denunciare. Probatur minor; nam licet denunciator de iure teneatur probare suam denunciationem, *ex l. Divus, & ex l. ab accusatore, ff. de Senatus Consult. Turpill.* hodie tamen de consuetudine contrarium servatur, ita probat Hemericus in *direct. Inquisit. part. 3. Rubrica de secundo modo procedendi in causa fidei per denunciationem, numer. 68.* ex Saliceto, & Mariano Socino, & dicit Farinacius *tract. de hæresi quest. 185. §. 5. num. 17.* ita fuisse pluries dictum, & ratio quam adducit iste Auctor *num. 64.* est, quia licet denunciator non possit probare delictum; per illam tamen delationem, & forsam per alia adminicula, & secreto DD. Inquitorum probabitur delictum: ergo doctrina contraria non habet locum in delictis pertinentibus ad Tribunal Inquisitionis.

291 Quarto probatur nostra conclusio contra Patrem Hurtado; nam ex eo iste audiens non tenetur denunciare, quia non potest probare delictum; sed femina in actu Sacramentalis Confessionis sollicitata non potest probare delictum; ergo non tenetur denunciare, sed hoc est falsum in sententia omnium: ergo etiam si audiens aliquem Confessarium sollicitasse non possit sollicitationem probare tenetur denunciare. Probatur hæc consequentia, quia sicut iste audiens non probat plene delictum, neque una femina quantumque honorata; sed hæc tenetur denunciare: ergo etiam qui audit huiusmodi faminam fuisse sollicitatam per aliquem Confessarium.

292 Si autem respondeas esse maximam disparitatem inter feminam sollicitatam, & audientem sollicitatam fuisse, quia illa est testis habens evidentiam delicti, iste autem auditor testis, ac per consequens referens, qui nihil probat si dictum non fatetur relatis testis; quare mulier sollicitata etiam si non possit probare tenetur denunciare, non autem auditor, Sed contra: fundamentum Thomæ Hurtado ad istum excusandum à denunciatione, ut asserit *nam. 899.* est, quia solum obligat ad dictum si auditor taliter habet notitiam, quod possit probare delictum sollicitationis saltem semiplenè, quia crimen, quod probari non potest perinde se habet, ac si ignoraretur; sed si excusaretur ab obligatione denunciandi ex hoc capite, idem esset dicendum de femina sollicitata, quia quantumcumque sit honorata, & bonæ famæ dictum illius nec semiplenè probat, cum habeat exceptionem sexus; ac per consequens nulla femina potest esse testis integer in sententia omnium Doctorum: ergo etiam si huiusmodi auditor non possit probare semiplenè delictum ex vi adicti tenetur denunciare.

293 Quare malè dixit Trimarchius *sect. 1. nam. 1.* quod si aliquis à femina parum honesta, vel non bonæ famæ audiatur, quod ipsam Confessarius sollicitavit, non tenetur Confessarium denunciare; quia fortè innocens erit, & exponeretur periculo amittendi honorem. Dixi malè dixisse; nam ut optimè Diana 4. *part. tract. 8. de officio Inquisitorum, resol. 57.* in Sancto Officio omnes testes admittuntur præter inimicos capitales: ergo sicut femina parum honorata tenetur denunciare, etiam si habeat non solum inhabilitatem sexus, sed etià sit malæ famæ; similiter qui audit ab illa femina fuisse sollicitatam tenetur denunciare; nam iudicare de inhabilitate non pertinet ad testem, sed ad DD. Inquisitores; & si non sunt alia adminicula Confessarius honorem non amitteret.

294 Ultimò probatur conclusio: quando superior præcipit, quod delictum inferens alteri iniuriam denunciatur;

præ-

præcipue si inferat iniuriam bono communi, etiam si aliquis non possit illum probare tenetur denunciare. Ita noster Vega in *Summ. lib. 3. casu 136.* sed crimen sollicitationis inferit iniuriam maximam Sacramento, & bono spirituali fidelium: ergo etiam si auditor non possit probare tale delictum tenetur denunciare. Præterea, quia ut dicit noster Trimarchius *sect. 3.* est maximum periculum, ne Sacerdos sollicitans, si non denunciatur, serpat eius venenum sicut pestis; & si illum denunciet, hoc modo femina sollicitata vocabitur per citationem, & cum illius Confessione, & forre si huiusmodi Confessarius est præventus incarcerabitur, & impeditur ne serpat venenum, & ne ulterius faciat iniuriam Sacramento Pœnitentiæ: ergo semper tenetur auditor denunciare.

295 Ex quibus intero cum nostro Trimarchio *sect. 2.* quod etiam si Confessarius dicat sollicitationem amico, consanguineo, patri, matri, filio, vel benefactori, isti tenentur illum denunciare; & ratio est, quia quilibet tenetur magis favere Sacramento Pœnitentiæ, bono Ecclesiæ, & salutis spirituali animarum, quia omnia ista sunt bona ordinis superioris, quam famæ coniunctorum, vel benefactorum; idemque est dicendum si auditor sollicitationis, & sollicitans sint eiusdem ordinis: ergo omnes isti, si audiant Confessarium sollicitasse, tenentur denunciare. Præterea, quia si isti cum audiunt non tenentur denunciare, si pater sollicitaret in actu Sacramentalis Confessionis filiam, vel sororem, vel feminam, cui maxima beneficia illo tempore, quo perseverat in sollicitatione impertiretur: omnes istæ femine sollicitatæ non haberent obligationem denunciandi propter eandem rationem, quod non est audiendum; sed in isto casu tenentur denunciare iuxta Bullas, & ædictum: ergo etiam in primo.

§. VII.

*Proponuntur fundamenta contrariae sententiae.*

196 **P**rimum fundamentum summit contraria sententia ex auctoritate D. Augustini, qui *lib. 50. homil. 50. cap. 12.* (& refertur *cap. plerumq. 2. quest. 7.*) ait: *Plerumque boni viri propterea sufferunt aliorum peccata, quia saepe deferuntur publicis documentis, quibus ea, quae ipsi sciunt iudicibus probare non possunt; sed ille qui audit a femina fide digna sollicitatam fuisse à Confessario, ad illam sollicitationem probandam non habet aliud documentum, quam dictum feminae: ergo non tenetur denunciare huiusmodi Confessarium, quia crimen sollicitationis non potest probare.*

197 Varijs modis potest responderi ad hoc fundamentum, sed alijs omissis, responderetur primo Divum Augustinum loquutum fuisse de manifestatione delictorum per viam accusationis, quia accusator tenetur probare crimina, de quibus accusat; minimè verò de manifestatione delicti per viam denunciationis, quia denunciator non indiget documentis ad probandum, cum illi non incumbat hoc onus, sed Iudici. Secundo responderetur: sermonem esse de delictis, quae non opponuntur bono publico spirituali, vel temporali, quia alias si hæc doctrina esset generalis pro omnibus delictis, nec teneretur denunciare, qui habet evidentiâ de crimine hæresis, nec femina sollicitata in actu Sacramentalis Confessionis, quia non habent documenta ad delicta probanda, quia raro continget, quòd vna femina sollicitata habeat notitiam, quòd Confessarius sollicitavit aliam feminam. Ex quo constat D. Augustinum loquutum fuisse de alijs delictis particularibus.

198 Secundum fundamentum sic procedit: si auditur sollicitationis teneretur denūciare Confessariū, vel esset ex vi Cōstitutionū Pontificū, vel ex vi ædicti DD. Inquisitorū; sed rō ex vi Constitutionum, nec ædicti: ergo qui audit a femina



na bonæ famæ à Confessario fuisse sollicitatam non tenetur denunciare. Probatur minor quo ad primam partem. Primò, quia Bullæ Pontificiæ solum loquuntur de feminis sollicitatis, & non de auditoribus sollicitationum. Secundò, quia in Bullis solum imponitur obligatio denunciandi Confessarios sollicitantes, quomodolibet diffamatos, ut dicit Thomas Sánchez *lib. 6. consil. cap. 2. dub. 14.* sed si hoc solum audivit à femina fide digna, adhuc Confessarius nullo modo est diffamatus: ergo ex vi Constitutionum Pontificum in tali audiente sollicitationem non est obligatio denunciandi. Nec est obligatio ratione ædicti; nam ædictum Inquisitorum loquitur cum illis, qui sciunt iudicialiter, & cum illis, qui in iudicio comparere possunt; sed auditor non scit iudicialiter, quia si non habet alia adminicula, vel indicia ad probandum delictum, nec semiplenè probat: ergo in audiente feminam fuisse sollicitatam ex vi ædicti non nascitur obligatio denunciandi.

299 Ut respondeam huic fundamento, in quo principaliter nittitur contraria sententia, dicendum est huiusmodi auditorem obligationem habere denunciandi, & vi Bullarum, & ratione ædicti DD. Inquisitorum. Primò ex vi Bullarum, quia licet istæ primariò loquantur cum sollicitatis, propter identitatem rationis idem iudicium debet fieri de auditore; nam motivum principale Pontificum est propulzare iniuriam factam Sacramento Pœnitentiæ, & bono communi fidelium, & cum delatione auditoris DD. Inquisitores examinantur feminam sollicitatam, vel per se, vel per Commissarium, & fortè erunt alia indicia, vel adminicula ad Confessarium incarcerandum. Aliunde Bullæ sunt contra Confessarios de sollicitatione aliquomodo diffamatos, & iste iam est aliquomodo diffamatus, cum sit absque bona fama, non solum apud feminam sollicitatam, sed etiam apud auditorem suæ sollicitationis, quia si femina sollicitata tenetur denunciare, etiam si tantum Confessarius apud ipsam sit diffamatus, multò melius ex hac parte incumbit obligatio auditori sollicitationis, quia iam est diffamatus apud illum, & apud matronam honoratam.

Eti am

300. Etiam tenetur denunciare ratione adiecti; nam ex vi illius non solum incumbit obligatio sollicitatis; sed etiam auditoribus sollicitationis, ut constat ex illis verbis: *Si fabris; d'aveis oydo dezir, &c.* & miror quod Thomas Hurtado vir versatus in materijs pertinentibus ad Sanctum Officium sumat pro medio ad excusandum ab hac obligatione, quod non tenetur denunciare ille, qui non potest probare delictum saltem semiplenè; ita tenetur num. 899. citato. Si hac doctrina posset reduci ad praxim, ut dixi, vix esset femina sollicitata, quæ omittendo denunciationem operaretur contra ædictum, quod nullo modo concedit Thomas Hurtado: ergo sicut ista tenetur semper denunciare, etiam si non possit probare delictum, pariformiter auditor sollicitationis. Et ratio radicalis est, quia in delictis contra fidem, vel generantibus suspicionem in fide non est discurrendum sicut in alijs criminibus particularibus.

301. Ex dictis occurrit aliquod dubiolū satis curiosum; an si aliquis malitiosè audivit feminae confessionem, & ex illa audivit Confessarium sollicitasse huiusmodi feminam teneatur denunciare Confessarium? Et ratio dubitandi est, quia illa, quæ iste audit malitiosè in confessione debent taceri ab auditore ipso non solum sub sigillo naturali, sed etiam sub sigillo Confessionis, ita D. Thomas in 4. dist. 2. quæst. 3. art. 4. & quodlibet. 11. art. 17. quem ferè omnes sequuntur: quare videtur non posse denunciare huiusmodi Confessarium, quia prius est observare sigillū confessionis, quod est de iure divino, quam denunciare, quod est de iure humano.

302. Respondeo ergo ad quæsitum, quod huiusmodi audiens malitiosè tenetur denunciare Confessarium sollicitantem; & ratio est evidens, quia licet peccata quæ mulier confitetur transeant ad auditorem non solum cum sigillo naturali, sed etiam sacramentali, & omnia quæ subdit clavisbus Ecclesiæ; tamen sollicitatio Confessoris cum sit abusus Sacramenti, nec est materia Sacramenti, nec sigilli, sicut si sollicitaret ad hæresim, quare tantū abest quod per illā de-

nunciationem fiat iniuria Sacramento, quod imò potius defenditur, honoratur, veneratur, & colitur; per quod patet ad rationem dubitandi.

§. VIII.

*An femina solicitata, quæ non pervenit ad duodecim annos teneatur denunciare.*

303 **I**N pueris quatuordecim anni dicuntur anni pu-  
bertatis, & in feminis duodecim; quare pueri  
ante quatuordecim annos dicuntur impuberes, & similiter  
feminae ante duodecim; quod enim inquiritur in præsentī  
est, an pueri ante decimumquartum annum, & feminae ante  
duodecimum si sollicitentur in confessione teneantur sub  
Excommunicatione Confessarium denunciare?

304 Ferdinandus à Castro *tom. 1. tract. 3. disp. 1. punct. 24. §. 2. num. 8. & 9.* defendat pueros, & feminas ante annos pu-  
bertatis non incurrere censuras, vel pœnas latas ab homine,  
quia hoc habetur expressè, *cap. 1. de delictis pœtorum, & in*  
*cap. referente eodem titulo*; ideoque dicunt Thomas Sanchez  
*lib. 1. in Decalog. cap. 12. num. 7.* Azorius *tom. 1. lib. 7. cap. 40.*  
*quæst. 6.* Vazquez *tom. de Pœnitent. quæst. 90 art. 2. dub. 4. num. 5.*  
Sorus *4. distinct. 18. quæst. 1. art. 1. & alij*, quòd etiam si pueri  
ante quatuordecim annos, & feminae ante duodecim possint  
peccare, ex benignitate Ecclesiæ à pœna imposita peccato  
excusantur; sed communiter asserunt Doctores, quòd licet  
ante talem ætatem excusentur à pœnis, & censuris ab ho-  
mine latis, non autem à censuris iuris, si sunt ante illam æta-  
tem capaces rationis: fundatur in *cap. super eo, cap. pueris, cap.*  
*quomvis ex sentent. excommun.* & iraddunt hanc sententiam  
Vgolinus *de censur. cap. 17 § 3. num. 5.* Suarez *tom. 5. de censur.*  
*disp. 5. sect. 1. num. 19.* Enríquez *lib. 8. de Eucharist. cap. 42.*  
*comm. 8.*

305 Sed est advertendum, quòd isti Auctores solùm de-  
fendant ante annos puertatis nec pueros, nec feminas incur-  
rere censuras specialiter latas ab homine; probant suā con-  
clusionem Suarez, & Vgolinus hoc medio: impuberis ætas  
non

non censetur apta ad ordinem iudicalem intelligendum; ideòque de iure non potest citari impubes, neque admitti ad agendam, vel defendendum in iudicio; sed hoc solum probat non posse incurrere censuras specialiter latas ad homine, quæ indigent citatione speciali: ergo secundum istam sententiam si sunt capaces doli, vel rationis possunt incurrere censuras generaliter latas ab homine, cum autem censura posita in ædicto generalis sit, secundum hunc modum discurrendi si tales feminae, vel pueri sollicitentur in confessione incurrunt excommunicationem si non denunciant.

306 Sed Ferdināus à Castro citatus *num. 9.* dicit, quòd impuberes si sunt doli capaces solum incurrunt excommunicationem laram contra percusorem Clerici propter eius gravitatem, quia in textibus supradictis ita habetur; at verò non solum non incurrunt censuras specialiter latas ab homine, verum etiam neque generaliter latas, quia sumus in materia odiosa, & odia debent restringi. Ex quo infert quòd etiam si pueri, & feminae omittant confessionem, & communionem ante dictos annos non contrahunt excommunicationem ab Episcopo laram adversus non communicantes in Paschate, & non confitentes intra annum, ita Filiucius *tom. 1. tra. 7. 11. cap. 5. n. 130.* & Avila *de censur. 7. p. disp. 6. sect. 1. dub. 13* & cum eo Enriquez *de irregularitate cap. 3. num. 4.* defensat puerum impuberem occidentem non contrahere irregularitatem, licet contrarium teneat Thomas Sanchez cum Sylvestro *lib. 1. cap. 12. num. 8 in fin.*

307 Sed potest inferri ex hoc: ergo posito aliquo interdicto locali non comprehenduntur pueri doli capaces, vel ante quatuordecim annos, idemque de feminis ante duodecim. Probatur consequentia: secundum istam sententiam pueri impuberes si sunt capaces doli solum incurrunt excommunicationem contra Clerici percussores, non autem alias poenas Ecclesiasticas; sed interdictum locale est poena Ecclesiastica: ergo non ligat interdictum pueros doli capaces ante quatuordecim annos, nec feminas ante duodecim.

Responderetur ex doctrina Patris Suarez tom. 5 de censur. disp. 5. sect. 1. num. 19. quod tales pueri obligantur ad interdictum locale ratione præcepti inclusi in interdicto, sed propter transgressionem non incurrunt aliquas pœnas latas contra transgredientes interdictum. Ita Corduba in Summ. quæst. 60. dist. 3. Sylvester verb. Interdictum 2. num. 18. Thomas Sanchez in Decalog. cap. 12. num. 8.

308 Licet verum sit quod omnia hucusque dicta non careant probabilitate, quia gravissimi Auctores illa patrocinantur; nihilominus in casu proposito est defendendum pueros ante quatuordecim annos, & fœminas ante duodecim, dummodo habeant iudicium rationis, vel sint doli capaces, incurrere excommunicationem positam in ædicto si non denunciant Confessarios sollicitates. Probatur primo ex Bulla Gregorij XV. ubi hæc habentur verba: *Mandantes omnibus Confessarijs, ut suos pœnitentes, quos noverint fuisse ab alijs sollicitatos moneant de obligatione denunciandi sollicitantes, seu ut præferant irascantur, Inquisitoribus, &c.* ut enim dixi hæc Bulla est favorabilis, quia est in favorem animarum, & Sacramenti Pœnitentiæ: ergo non solum iuxta illam possunt DD. Inquisitores sub pœna excommunicationis obligare ut denunciât post quatuordecim annos, sed etiam ante si doli capaces sunt.

309 Secundò probatur; quia præter excommunicationem positam in ædicto, in illo, & in Bullis Pontificijs includitur præceptum, & cum sit in materia gravissima obligat sub mortali: ergo adhuc admissa contraria sententia, pueri, & fœminæ sollicitatæ habent obligationem sub peccato mortali denunciandi Confessarium sollicitantem ante annos pubertatis, si sint capaces doli. Probatur consequentia; quia licet interdictum quo ad pœnas in sententia contraria non obliget pueros, vel fœminas ante pubertatis annos, obligat quo ad culpam si sunt doli capaces: ergo etiam Bullæ Pontificiæ, & ædictum DD. Inquisitorum obligabit ad denunciandum Confessarios sollicitantes ante pubertatis annos, saltem sub peccato mortali secundum principia contrariæ sententiæ.

Ex



310 Ex quo infero, quod non solum in hoc casu incur-  
runt excommunicationem pueri, & fœminæ ante annos pu-  
bertatis, sed etiam si Episcopus, vel Nuntius Apostolicus fe-  
rant sententiam excommunicationis ipso facto incurrendæ,  
contra non manifestantes furtum, vel quid simile, & ratio est,  
quia tales pueri, vel fœminæ habent ut supponitur sufficiens  
iudicium rationis ad cognoscendū delictum furti: ergo si ge-  
neraliter ponatur excommunicatio contra non revelantes  
tale furtum, si huiusmodi pueri, & fœminæ sciunt, & non re-  
velant, incurrunt excommunicationem latam contra non re-  
velantes.

§. IX.

*An teneatur sollicitans se ipsum denunciare Inquisitoribus:*

311 **V**T certa ab incertis separentur suppono primo;  
quod si Iudex legitimè interrogat, etiam reus  
teneatur iuxta interrogata respondere; sed an teneatur facere  
suum delictum si solum est semiplenè probatum est in qua-  
stione, & controversia apud auctores; de hoc enim in præsen-  
ti non est questio. Neque quando aliquod Edictum publica-  
tur non ad puniendum, sed ad evitandum damnum, v.g. in  
matrimonio, vel in susceptione ordinum; nam in hoc casu, ut  
discurrunt Thomas Sanchez lib. 3. de matrim. disp. 14. num. 2.  
& Basilius de Leon, lib. 5. de matrim. cap. 33. & 34. vel tene-  
tur desistere à matrimonio, vel à susceptione ordinum, aut se  
manifestare, ut illud malum evitetur, si aliquis habet impedi-  
mentum dirimens, vel malè suscepit ordines. Ratio est, quia  
tunc non intendit superior, ut aliquis habeat penam, aut in-  
fametur iuridicè, sed ut evitetur offensa Dei, & tunc non  
procedit ut Iudex, sed ut fidelis minister Dei, vel ut Pater  
habens potestatem à Deo, ut illi revelentur etiam delicta  
occulta, ut evitetur peccatum occultè, & sine strepitu iudicii.

312 Suppono secundo, quod & si difficultas procedat,  
quando Edictum, vel Monitorium indicitur, ut quis subeat  
penam delicti, adhuc in hoc casu distinguunt Doctores; nam

Ray.

Raynaudus de Monitor. Eccl. p. 1. cap. 3. quest. 20. fol. 178. dicit, quod de delictis, quæ non possunt saltem semiplenè probari non tenetur quis aperire spontè Iudici suum crimen; si autem est crimen probabile semiplenè tunc tenetur per Edictum generale obedire, & spontè veritatem propalare. Alij autem absque distinctione detensant neminem teneri denunciare se ipsum ita Castrus à Palao tom. 1. tract. 4. disp. 2. punct. 4. num. 11. Suarez disp. 20. de fide, sect. 4. num. 19. Cayetanus 2. 2. quest. 70 art. 10. § in hoc articulo, Sotus de secreto membr. 2. quest. 7. Sanaucas tit 41. num. 13. Santarellus tract. de heres. cap. 11. dub. vni. num. 19. Acuña de Confes. sollicit. quest. 10. num. 4. & quest. 21. à num. 2. Portel. in addition. verb. Sollicitare, num. 15.

313 Diana 1. p. tract. 4. de denuntiatis. resol. 8. distinguit, & dicit, quod solum in casu, in quo aliquis teneretur ponere vitam propriam pro bono communi, saltem indirectè tenetur quis denunciare se ipsum: idèque refert casum in quo obligarunt Theologi quemdam, ut indirectè se ipsum denunciaret, hoc modo refert casum: *Annis elapsis in quadam nostra Italie nobilissima civitate, doctissimi Theologi obligarunt denunciare quemdam hereticum dogmatizantem, & doctentem alios heresim, quamvis ipsi denunciantes essent discipuli eiusdem heretici, & idè complices delicti*, at verò in alijs casibus non tenentur criminosi vi Edicti DD. Inquisitorum se ipsos denunciare.

314 Iuxta istam sententiam sit prima conclusio: nullus confessarius sollicitans, quantumcumque suum crimen sit probabile tenetur coram Inquisitoribus spontè comparere, & se ipsum denunciare ex vi Edicti, quamvis excommunicatione ipso facto incurrenda obfirmetur. Probatum primò, quia est axioma omnium Theologorum, & Canonistarum, quod nemo tenetur se ipsum proderè; sed si confessarius sollicitans se ipsum denunciaret se proderet: ergo quantumcumque suum delictum sit probabile non tenetur se ipsum denunciare.

315 Secundò probatur, quia per Edictum, vel Monitorium,

rium, non queritur veritas ab aliquo tamquam reo, sed tanquam teste, vel denunciatore: sed nulla est potestas humana, quæ possit cogere aliquem, ut sit primus testis, & denunciator contra se ipsum directè, veritatem contra se aperiendo: ergo ex vi Edicti non potest obligari confessarius sollicitans, ut directè contra se apud DD. Inquisitores apperiat veritatem. Præterea quia si testis, vel denunciator, ex vi Edicti non tenetur denunciare, quando ex denunciatione timet contra se infamiam: quare obligabitur ipse sollicitans, qui denunciando se ipsum, infamia est inevitabilis: ergo saltem directè confessarius sollicitans non tenetur se ipsum denunciare vi Edicti.

316 Sed statim se offert alia difficultas an criminofus in aliquo casu teneatur se ipsum denunciare, & spontè sua delicta apperire coram DD. Inquisitoribus saltem indirectè: circa quod sit secunda conclusio: quando crimen alterius non potest manifestari, quin exprimat complicitas si non vergit in damnum notabile spirituale, vel temporale multitudinis non tenetur quis ad denunciandum, & ratio est, quia cõplicitas non potest denunciari sine denunciatione sui, ad quod nemo tenetur; nam ut ait Pater Suarez *loco citato*, nu. 19. ex eo quòd manifestetur socius delicti manifestatur cõplex, quia socius, & complex delicti mutuam relationem dicunt, & sunt simul cognitione: ergo cum nullus teneatur, nec indirectè se ipsum prodere, si crimen non vergit in damnum spirituale, vel temporale multitudinis, non tenetur quis cum hoc periculo denunciare delinquentem.

317 Si autem tale crimen, inferat maximum damnum Reipublicæ, ut contingit in casu proposito a Diana tenetur denunciare, quamvis indirectè se ipsum denunciaret, non ex vi Edicti, sed iuris naturalis, quo quis tenetur propriam famam, vitam, & divitias expendere ad evitandum damnum communis. Nec timeat denunciare in casu posito a Diana, qui potest contingere non solum in hæresi, sed etiam in delictis generantibus suspicionem in fide, quia si in dicto casu, & in alijs

alijs similibus facetur discipulatum, & omnia sua delicta patratra in tali complicitate gaudebit in Sancto Officio beneficio spontaneitatis, & cum penitentijs salutaribus liber evaderet sine aliqua nota, vel in carceratione. De obligatione denunciandi confessarium solicitantem, etiam si fœmina solicitata sit complex delicti postea dicam in secunda parte.

318. Fundamentum Raynaudi ad stabiliendum, quòd si delictum est probabile tenetur quis ex vi Edicti se ipsum denunciare sic proponitur: si quis supposita semiplena probatione iuridica interrogetur tenetur propalare delictum: ergo si per Edictum generale, vel Monitorium præcipitur sub excommunicatione, ut tale delictum reveletur, tenetur delinquens illud denunciare, si est probabile semiplenè. Probatur consequentia; nam & si illud Monitorium sit generale non potest negari, quòd est validum, & obligatorium; nulla alia ratione, nisi quia est expeditum, & intimatum à legitima potestate; sed quando delictum est semiplenè probatum est obligatio in criminoso apperendi veritatem, etiam si sit contra ipsum, quia interrogatur à legitima potestate: ergo cum per illud Edictum etiam interrogetur de crimine per potestatem legitimam, si semiplenè est probabile tenetur criminofus se ipsum prodere apperendo veritatem.

319. Respondetur esse disparem rationem de reo quando interrogatur iuridicè, ac dum per Monitorium, vel Edictum quaeritur, ut crimina alicuius manifestentur; nam Monitorium non loquitur cum reis, etiam si sua delicta possint iuridicè probari, solum enim loquitur cum eis, qui ut testes, vel ex relatione, vel ex scientia possunt veritatem, quam sciunt apperire, modo quo sciunt; at verò dum quis ut reus iuridicè interrogatur tenetur obedire Iudici præcipienti, nam tunc ad minus est delictum semiplenè probatum in hoc enim casu, nec iste se prodit, nec in se ipsum agit, sed veritatem quam zelabat contra depositionem testium, qui sua depositione illum in tali statu possuerunt propalat, & manifestat, quem statum non habebat antequàm ab alijs denunciaretur, & sic non tenetur propalare delictum.

§. X.

*An sit sanum consilium, quod Confessarius, qui sollicitavit, se ipsum Tribunali denunciet.*

320 **V**T hoc quælitum satis curiosum decidatur operet aperire ianuam Sancti Officij circa beneficium spontaneitatis; quomodo enim in illo Sancto Tribunali intelligatur illud principium, ille comparet spontè qui accedit ad Tribunal, nullis preventus indicijs. Quod enim gaudeat beneficio spontaneitatis, qui accedit absque eo, quod per Sanctum Tribunal sit preventus non est dubium, quia ita fuit declaratum per litteras Sacræ Congregationis die 9. Iunij anno 1606 sed circa intelligentiam indiciorum etiam variant auctores; solum referam duas sententias, & postea meum iudicium fundatum in practica Sancti Officij, & ratione meo videri efficaci apperiam. Pater Salelles tom. 1. de materijs Inquisitionis; lib. 2. cap. 8. num. 41. & seqq. postquam varias sententias cum suis auctoribus retulit, deffendat illos esse spontè comparentes, & frui privilegio spontaneæ comparitionis, qui non sunt preventi indicijs iufficientibus ad citationem, vel in carcerationem, ideoque addit in definitione *legitimis*; & num. 27. statuit pro regula: *Censentur spontè comparentes, quicumque delinquentes contra fidem, qui antequam denuncientur & legitimis indicijs præveniantur se coram Inquisitore presentant, & ei iudicialiter omnia sua delicta, & complicitum absque tergiversatione manifestant.* Si enim ut non fruatur privilegio spontè comparentium debet comparens esse preventus indicijs legitimis; cum ille qui etiam si sit preventus aliquibus indicijs, non possit citari, vel capi, non est preventus indicijs legitimis, & sicut iuxta istam sententiam fruatur privilegio spontaneitatis, & nu. 42. dicit, quod ita praticatur in Tribunali Militenfi.

321 Quod enim ut certum proponit Carena p. 3. tit. 8. §. 7. num. 41. (& observatur in Sancto Officio absque controversia) est, quod in Sancto Officio spontè comparentes mitissimè tractantur; qui preventi, sed non vocati comparent mitius puniuntur.



tur, quam qui vocati compareant, & inter eos mitius adhuc, qui in primis audientijs delicta sua fateantur, quam qui id agunt testibus, indicijs, & interrogatorijs præssi, verba sunt Carenae, sed ad litteram hæc observantur in Tribunali, & propter hanc rationem, aliqui, qui minora crimina patrarunt, aliquando magis puniuntur, quam qui maiora commiserunt, & non alia ratione, nisi quia etiam si isti fuerint præventi non fuerunt vocati, vel etiam si fuerint vocati in primis audientijs integrè omnia sua delicta propalarunt. Idem Carena *p. 2. tit. 18. §. 1. num. 1.* & *seqq.* agit de spontè comparentibus, & dicit eos dicendos esse spontè comparuisse in Sancto Officio, qui nullis præventi indicijs coram Inquisitoribus compareant, plenam ac meram tæ de se, quam de alijs veritatem dicunt, ac de suis delictis humiliter veniam petunt. Coligit hanc diffinitionem *ex l. sponte de munerib. & honorib. l. 4. §. fin. Cod. de fscar. l. 2. Cod. de his qui latron.* citat Pegnam, & Farinacium, & est communis; nam ita intelligitur hoc privilegium in omnibus Inquisitionibus Hispaniarum. Secundùm hanc explicationem ut aliquis gaudeat hoc privilegio duo requiruntur, & quòd non sit præventus in Sancto Officio, & quòd fateatur sua crimina plenè; idest quòd nullum delictum ex pertinentibus ad Sanctum Officiū taceat.

322 Ex hac doctrina adverte, quòd ad hoc ut criminosi gaudeant hoc privilegio nō oportet, ut fateantur illa crimina, quorum cognitio non pertinet ad Sanctum Officiū, quia ex hac parte confessio non est diminuta; nam ibi solū quæruntur delicta attinentia ad iurisdictionē Inquisitorum, nec oportet quamvis sit aliquis incarceratus, ut mitius puniatur, quòd faciat confessionem generalem coram Inquisitoribus omnium delictorum pertinentium, & non pertinentium ad Sanctum Officiū, quia quamvis solū reus fateatur delicta pertinentia ad Sanctum Officiū, confessio erit integra, & cum maxima benignitate punietur.

323 Sed circa præsentem difficultatem ex doctrina tradita à Carena *num. 2* videtur, quòd nullus confessarius sollicitans potest gaudere privilegio spontè comparentium, nam ve  
ad.

advertit non dicitur spontè comparens, qui quamvis accedat non vocatus, nec prævencus, tamen venit metu probationum: quomodo enim confessarius sollicitans potest subterfugere hanc suspicionem; quia iste non est sicut hæreticus formalis externus, qui non potest absolvi virtute alicuius Privilegij, vel Bullæ Cruciatæ. Iste enim casus sollicitationis verum est, quod est reservatus in aliquibus Diœcesibus, ut refert Trimarchius *de confessore abutente, disp. 14. sect. 6.* & in multis religionibus; sed potest absolvi virtute Cruciatæ, & ubi non est reservatio potest absolvi à quocumque Sacerdote, qui in alia peccata iurisdictionem habet. Ita Trimarchius loco citato, Peirinis *de privileg. Minim. tom. 2. Const. 4. Gregorij XV. §. 9. num. 14.* Fagundes *de præcept. 2. Eccl. lib. 4. cap. 3. num. 31.* Si enim confessarius sollicitans potest habere beneficium absolutionis absque Tribunali, & aliunde non ignorat, quod femina sollicitata denunciabit, quia prudenter non credit, quod voluntariè illa femina vult permanere semper in peccato mortali, & excommunicatione cum evidenti periculo suæ damnationis; nonne est violenta præsumptio, quod iste accedit ad Tribunal timore probationum? ergo secundum sententiam Carenæ, in nullo eventu potest sollicitans gaudere privilegio spontaneitatis.

324 Nihilominus iudico, quod si confessarius sollicitans accedit ante omnem præventionem, & sine notitia, quod femina iam est preparata ad illum denunciandum debet gaudere privilegio spontè comparentium, quia aliàs non solum confessarij sollicitantes retraherentur à voluntaria delatione, sed etiam præter hæreticos formales externos omnes alij, qui habent delicta generantia suspicionem in fide, ut sortilegi, malefici, benefici, &c. quia quavis isti casus reserventur possunt absolvi virtute Bullæ, quare non est practicabilis casus, in quo nõ detur suspicio, quod isti accedunt ad Tribunal timore probationum, nisi habeant ignorantiam de beneficio absolutionis virtute Bullæ: ergo cum ex vna parte sit certum, & practicabile quotidie in Sancto Officio, confessarios sollicitantes multoties gaudere privilegio spontè comparentium, & aliunde sem-

per detur præsumptio illos accedere cum aliquo timore probationum est dicendū quòd si se præsentant Tribunali antequā aliquomodo sint preventi fruuntur beneficio spontaneitatis.

325 Hoc supposito redeo ad quæsitum in titulo, & proponam dicta auctoꝝ, qui de hac materia scripserunt, & postea dicam, quòd sentio iuxta praxim S. Officij. Peirinis *tom. 2. privit. constit. 4. Gregorij 15. nu. 3* & Trimarchius *disp. 14. sect. 6. nu. 38. & 39.* dicunt esse salubre consiliū, quòd tales confessarij sollicitantes spontè compareant corā Inquisitoribus, & fateantur sua crimina, quia hoc modo absque incarceratione secretò accipient poenitentias salutare, & abiurant, absque strepitu iudicij; quia isti confessarij sollicitantes sunt suspecti in fide, & quia in Italia hæc suspicio est de vehementi abiurant de vehementi, & quia in Hispania hoc delictum generat suspicionem de levi solum abiurant de levi.

326 Thomas Hurtado *resol. 53. nu. 646. & seqq.* distinguit in hunc modum: si fama sollicitata est bonæ famæ, & confessarius moraliter est certus, quòd illa denunciabit, & aliundè confessarius non est bonæ vitæ, quia in materia libidinis est suspectus; cum hoc sit sufficiens vt asserunt Peirinis, Molfesius, Escobar à Corro, & Acuña, quos citat Thomas Hurtado, vt iste confessarius incarcerationetur, & penis arbitrarijs puniatur, optimè faciet confessarius, si subito se præsentet DD. Inquisitoribus, & si ultra non relabietur, negotium in perpetuum occultum manebit; si autem confessarius est bonæ famæ non consulit, quòd se præsentet, sed quòd se emendet, & sanctè administret Sacramentum Pœnitentiæ, quia si se præsentat amittit bonam famam apud viros gravissimos, & aliundè, si hæc fama denūciat etiam si sit bonæ famæ non creditur, quia prævalet fama Confessarij. Si autem timet, quòd delictum probari potest testibus singularibus, tunc prudenter faciet si se ipsum præsentet, se accusans humiliter ab omnibus sollicitationibus.

327 Existimo enim secundum sententiam Thomæ Hurtado, quòd in nullo eventu Confessarius sollicitans potest frui beneficio spontaneitatis, quia si solum est salubre consiliū, quòd se

se præsentet DD. Inquisitoribus, quando delictum potest tem-  
plene probari, taliter, quod probatio sit sufficiens ad illum  
recludendum in carcere Sancti Officij, & ad imponendas pœ-  
nitentias arbitrarías; semper, & quando se præsentat Confessa-  
rius apertè est timore probationum; sed hoc modo non fruitur  
beneficio spontaneitatis: ergo vel in omni eventu est sanum  
consilium, quod se præsentet DD. Inquisitoribus, vel in nullo,  
quia non possunt formare iudicium de emendatione futura, si  
non concipiunt illam præsentationem esse animo exonerandi  
suam conscientiam, & applicandi remedium efficax, ut in fu-  
turum non relabatur.

328 Quare iudico esse sanum consilium, quod iste Confes-  
sarius statim ac sollicitavit se præsentet coram DD. Inquisito-  
ribus, & ibi integrè, & sincerè fateatur sua delicta, quia si con-  
fessio fuerit diminuta melius est, quod non se præsentet, quia  
cum testificatione vnius feminæ honestæ de alia sollicitatione  
potest incarcerari, & puniri, præcipuè si adminiculatur, vel iu-  
batur aliquibus indicijs; & ne omittat hanc spontaneam dela-  
tionem, ex eo quod existimat esse virum bonæ famæ in Repu-  
blica, quia multi hoc idem iudicant, & carent illa. Probatur,  
quod hoc sit sanum consilium; nam certum est, quod in his de-  
lictis habet locum privilegium spontaneitatis; sed per illud iste  
Confessarius, nec incarcerabitur, nec detinebitur in Sæcto Of-  
ficio, sed secretò pœnitentijs salutaribus punietur, & si non re-  
labitur omnia in perpetuum manent occulta in Tribunali: er-  
go est sanum consilium, quod huiusmodi Confessarius, siue sit  
bonæ, vel malæ famæ, siue semel sollicitaverit, siue iterum, &  
iterum, quod se præsentet DD. Inquisitoribus, & integrè fa-  
teatur sua delicta.

329 Sed Confessarij sollicitantes duo observent; nam aliàs  
incident in manus Sancti Officij: primum fateri omnia sua  
crimina patrata in confessione, vel comprehensa quomodoli-  
bet in Bullis contra sollicitantes, quia si confessio est diminu-  
ta, melius facient si non se præsentent, nā hoc modo, nec pro-  
dest beneficium spontaneitatis, & habent illud testimonium

pro-

proprium contra se in sancto Officio. Secundum ne ulterius relabantur, quia cum in sancto Officio numquam delicta transeant in rem iudicatam, si postea aliqua femina defert aliam sollicitationem coniungitur cum antecedenti, vel antecedentibus confessis sponte a Confessario, & absque remedio iustissime punitur penis ordinarijs propter novam sollicitationem, & antecedentes.

330 Sed ut occurrat ad omnia se offert vnum dubiolum resolvendum etiam si cum Confessarijs solicitantibus DD. Inquisitores mitissime procedant; & ideo cum sponte comparentibus nec procedunt ad incarcerandum, nec ad recludendum, sed secretò imponunt penitentias salutes, & tunc talis conditionis, quòd apud regulares rarissime possunt permanere secretò; nempe suspensio ab audiendis confessionibus, & abiuratio, quia in communitate erit nota, si huiusmodi confessarius non administrat Sacramentum Pœnitentiæ. Deindè, ex eo quòd abiuravit de levi ex Decreto Urbani VIII. *facti die 1. Octob. 1629.* manet inhabilis ad officia, de quo suo loco erit disputandum. Quomodo ergo si per hanc viam iste Confessarius manet diffamatus. erit sanum consilium, quòd se præsentet DD. Inquisitoribus? Respondetur ad dubiolum, quòd dupliciter possunt procedere cum hoc confessario DD. Inquisitores: primò secretò, dando illi penitentias salutes, & licet tunc ab iuret de levi, & suspendatur à confessionibus audiendis per talem abiurationem Confessarius non redditur inhabilis ad officia, nec manet privatus voce activa, & passiva, quia tunc DD. Inquisitores procedunt extrajudicialiter, cum solum procedant examinando sub iuramento confessarium.

331 Secundò, & est frequentius in primis admonent confessarium, ut se absteat à confessionibus audiendis, & causa suspenditur, nec transit in rem iudicatam, & si accedunt testes sufficientes ad probandum delictum; tunc DD. Inquisitores formant processum, & lite contestata, & causa conclusa, si inveniunt, quòd ante preventionem omnia sua crimina sollicitationis propalavit sententiam proferunt, & si mitissimam, quia



solum abiurat de levi in Hispania, & in Italia de vehementi, & privatur ab audiendis confessionibus; & cum tunc procedant DD. Inquisitores iudicialiter, si confessorius est regularis manet privatus voce activa, & passiva in perpetuum, quo vique à Pontifice restituatur, & à Sacra Congregatione Eminentissimorum Cardinalium, iuxta Decretum Urbani VIII. sed ex dictis videtur, quod huiusmodi Confessorius præcipue si fuerit regularis per talem spontaneam comparitionem, vel denunciationem vix habet aliquod beneficium, quia cum postea videant in sua religione, quod non audit confessiones, nec habet vocem in Capitulo excitatur desiderium inquirendi, quare hoc tolleratur à superiore, & præcipue si antea frequenter audiebat confessiones, & non quiescent religiosi quousque habeant notitiam causæ; itaque ultimò, vel per indicia, vel per notitiam delicti manet diffamatus, in quo consistit maior pena apud viros honoratos: ergo non prodest delatio spontanea ad evitandam principalem penam.

332 Respondetur multum prodesse, quia si contra confessorium sponte comparentem solum accedit semiplena probatio semper causa manet suspensa, & non proceditur contra confessorium illum in carcerando, quod fieret si non haberet in Sancto Officio spontaneam delationem, & cum alijs administriculis daretur illi aliqua pena arbitraria. Etiam prodest multum, quamvis post suam delationem accedant sufficientes probationes delicti, quia in hoc casu etiam si faciant illum ab iurare, & priveretur à confessionibus audiendis est, absque strepitu cum magno secreto, si sua delatio concordat cum dictis testinarum quæ denunciant, & ulterius sunt varij modi in Sancto Officio ad dictas penitentias salutes occultandas, quia possunt vocare superiorem, & obligare sub excommunicatione, & iuramento de secreto servando, quod taliter negotium illius Confessorij disponat, quod tollatur suspicio in communitate, si ex alia parte religiosi non habent notitiam.

333 Ex dictis occurrit quidam casus practicus, quem tangit Trimarch. us *sect. 8. num. 59.* quædam femina fuit sollicita

ad

proprium contra se in sancto Officio. Secundum ne ulterius relabantur, quia cum in sancto Officio numquam delicta transeant in rem iudicatam, si postea aliqua femina defert aliam sollicitationem coniungitur cum antecedenti, vel antecedentibus confessis sponte a Confessario, & absque remedio iustissime punitur penis ordinarijs propter novam sollicitationem, & antecedentes.

330 Sed ut occurrat ad omnia se offert vnum dubiolum resolvendum: etiam si cum Confessarijs sollicitantibus DD. Inquisitores mitissime procedant; & ideo cum sponte comparentibus nec procedunt ad incarcerandum, nec ad recludendum, sed secretò imponunt pœnitentias salutes, dæ sunt talis conditionis, quòd apud regulares rarissime possunt permanere secretò; nempe suspensio ab audiendis confessionibus, & abiuratio, quia in communitate erit nota, si huiusmodi confessarius non administrat Sacramentum Pœnitentiæ. Deindè, ex eo quòd abiuravit de levi ex Decreto Urbani VIII. *facti die 1. Octob. 1629.* manet inhabilis ad officia, de quo suo loco erit disputandum. Quomodo ergo si per hanc viam iste Confessarius manet diffamatus, erit sanum consilium, quòd se præsentet DD. Inquisitoribus? Respondetur ad dubiolum, quòd dupliciter possunt procedere cum hoc confessario DD. Inquisitores: primò secretò, dando illi pœnitentias salutes, & licet tunc abiuret de levi, & suspendatur à confessionibus audiendis per talem abiurationem Confessarius non redditur inhabilis ad officia, nec manet privatus voce activa, & passiva, quia tunc DD. Inquisitores procedunt extraiudicialiter, cum solum procedant examinando sub iuramento confessarium.

331 Secundò, & est frequentius: in primis admonent confessarium, ut se absteat à confessionibus audiendis, & causa suspenditur, nec transit in rem iudicatam, & si accedunt testes sufficientes ad probandum delictum; tunc DD. Inquisitores formant processum, & lite contestata, & causa conclusa, si inveniunt, quòd ante præventionem omnia sua crimina sollicitationis propalavit sententiam proferunt, & si mitissimam, quia

solum abiurat de levi in Hispania, & in Italia de vehementi, & privatur ab audiendis confessionibus; & cum tunc procedant DD. Inquisitores iudicialiter, si confessorius est regularis manet privatus voce activa, & passiva in perpetuum, quo vivente à Pontifice restituatur, & à Sacra Congregatione Eminentiſſimorum Cardinalium, iuxta Decretum Urbani VIII. sed ex dictis videtur, quod huiusmodi Confessorius præcipue si fuerit regularis per talem spontaneam comparitionem, vel denunciationem vix habet aliquod beneficium, quia cum postea videant in sua religione, quod non audit confessiones, nec habet vocem in Capitulo excitatur desiderium inquirendi, quare hoc tolleratur à superiore, & præcipue si antea frequenter audiebat confessiones, & non quiescent religiosi quousque habeant notitiam causæ: itaque ultimo, vel per indicia, vel per notitiam delicti manet diffamatus, in quo consistit maior pena apud viros honoratos: ergo non prodest delatio spontanea ad evitandam principalem penam.

332 Respondetur multum prodesse, quia si contra confessorium sponte comparentem solum accedit semiplena probatio semper causa manet suspensa, & non proceditur contra confessorium illum in carcerando, quod fieret si non haberet in Sancto Officio spontaneam delationem, & cum alijs adminiculis daretur illi aliqua pena arbitraria. Etiam prodest multum, quamvis post suam delationem accedant sufficientes probationes delicti, quia in hoc casu etiam si faciant illum ab iurare, & privetur à confessionibus audiendis est, absque strepitu cum magno secreto, si sua delatio concordat cum dictis feminarum quæ denunciant, & ulterius sunt varij modi in Sancto Officio ad dictas penitentias salutes occultandas, quia possunt vocare superiorem, & obligare sub excommunicatione, & iuramento de secreto servando, quod taliter negotium illius Confessarij disponat, quod tollatur suspicio in communitate, si ex alia parte religiosi non habent notitiam.

333 Ex dictis occurrit quidam casus practicus, quem tangit Trinchus *sect. 8. num. 59.* quædam femina fuit sollicita

ad

ad venerat in confessione, postea habuit notitiam Edicti, & quod teneretur denunciare huiusmodi confessorium, sed illa confitetur cum ipsomet Confessario sollicitante, quid enim faciet in hac angustia iste Confessarius ratio dubitandi est, quia sollicitans est loco Confessarij, cui obligatio gravissima incumbit monendi poenitentem, ut constat ex Bulla Gregorij 15. & Decreti Alexandri 7. & cum hoc præceptum sit in materia gravissima obligat sub mortali: aliunde non videtur verosimile, quod Pontifex velit obligare sollicitantem, quod moneat sollicitatum de obligatione, quam habet denunciandi; esset enim monere contra se ipsum, ad quod iure naturæ non teneretur sollicitans; quid ergo faciet in his angustijs?

334. Respondet Trimarchius, & bene: *Sunt qui dicunt quod Confessarius in presenti casa debet se ostendere poenitentem, & emendatum de illo delicto, & instruere mulierem poenitentem, quod propter emendationem saltem secundum probabilem sententiam non tenetur sollicitatam denunciare. Verum ego consulerem, quod sponte suam culpam dicat Inquisitori, eo modo quo supradictum est, & moneat interim mulierem de obligatione.* Hæc ille, & bene, quia primum medium, quod refert ex contraria sententia hodie non habet probabilitatem, ut constat ex dictis in quæstione de correctione fraterna præmittenda ante denunciationem. Et licet admittatur, quod iste Confessarius ad hoc non teneatur ex vi Edicti, vel Bullarum, bene verò ratione sui officij; nam teneretur præbere remedium tali feminae, quod non faciet si non dat consilium, ut deferat delationem ad DD. Inquisitores. Aliam quætionem de propositionibus damnatis ponam ultimo loco in secunda parte, &c. hæc sufficiant de prima.

# PARS II. DE CONFESSARIIS SOLICITANTIBVS.

## PROOEMIUM.



NTEQVAM descendam ad casus particulares comprehensos in Bulla Gregoriana, quibus quilibet Confessarius, siue Sæcularis, siue Regularis subijcitur iurisdictioni DD. Inquisitorum, operæpretium erit, præmittere illam gravissimam quæstionem: an Confessarius excusetur à crimine sollicitationis comprehenso in Bullis per materiæ parvitatem; ut autem melius hæc controversia decidatur, prius dissolvam ea, quæ connexionem habent cum hac quæstione. Pro quo sit.

## QVÆSTIO I.

AN CONFESSARIVS EXCVSETVR A CRIMINE  
*sollicitationis per materiæ parvitatem.*

### §. I.

EXPLICANTVR TERMINI BVLLÆ GREGORII XV.

**V**T omnia, quæ in hac parte tractanda sunt, melius Confessarij intelligant, termini Bullæ explicantur  
X quia



quia Gregorius XV. ponit diversos casus, in quibus Confessarius subijcitur foro Inquisitorum, & cum omnes casus reducantur ad terminum *solicitare* principaliter, oportet, scire, quomodo in presenti accipiat solicitatione, & quodnam peccatum sit *solicitare* poenitentem ad venerea in actu Sacramentalis Confessionis, & in alijs locis, & circumstantijs contentis in Bulla.

3<sup>a</sup> Circa primum, licet sollicitudo, ut optime D. Thomas includat vehemens studium, & diligentiam circa aliquid agendum, ut tenet 2. 2. *quest.* 47. *art.* 9. pro ut ad præsens attinet, dicuntur solicitantes, qui in actu Confessionis, immediate ante, vel post &c. inducere procurant persuasionibus, vel mendacijs, precibus, aut blanditijs, osculis, tactibus, aut alijs signis, personam, sive sit masculus, vel foemina ad aliquid inhonestum perpetrandum, sive hoc faciant per se ipsos immediate, sive per interpositam personam. Ita noster Peirinis *tom.* 2. *de privileg. Minim. constit.* 4. Gregorij XV. §. 2. *nu.* 2. Bonacina *tom.* 1. *disp.* 6. *de onere denunt. punct.* 3. *na.* 1. taliter explicat terminum *solicitare*, quod simul ad illud reducit alios terminos Bullae, siquidem advertit, quod in presenti *solicitare* est idem, ac provocare, aut allicere, seu precibus rogare, aut alia ratione invitare ad turpia, & inhonestas; id est, ad res carnales, & venereas. Quare, vel invitetur poenitens per allicientias, vel per verba oblectamina, vel per tactus, vel per signa, cum per haec media, & alia, quomodocumque sint invitetur ad turpia est proprie *solicitare*; ideoque in Bulla non solum ponitur verbum *solicitare*, sed allicere, tentare, provocare, &c. quia sunt diversi modi *solicitandi*.

4<sup>a</sup> Ex quibus infero cum Escobar à Corro 1. *part. quest.* 1. *num.* 4. & cum Trullenchi *tom.* 1. *in decal. lib.* 1. *cap.* 3. *dub.* 18. *num.* 12. solitationem esse diffiniendam pro ut in presenti: Facinus in fide suspectum à Confessario patratum dum in actu Confessionis, sive ante, sive post eam immediate, aut sine Confessione eam simulando, aut in loco ad Confessiones deputato sistendo, ad actus aliquos poenitentes provocat, sive provocare tentat, turpia vel loqui-

*loquitur.* Omnia delicta contenta in Bullis contra sollicitantes comprehenduntur in dicta diffinitione. Dicitur, *facinus in fide suspectum*, quod est genus, & alia verba ponuntur loco diffinitionis.

5 Vt autem ex ista diffinitione varios casus, & quaestiones resolves, debes advertere ad omnes particulas: Primò dicitur, *crimen, seu facinus patratum à Confessario*, quod potest committi blanditijs alliciendo, aut signis, vel verbis provocando, aut aliqua inhonesta cum cautelis proponendo, tentando poenitentem, vt provocetur ad turpia; itaque illis verbis comprehenduntur omnia delicta, quæ possunt patrari à Confessario, contenta in Bulla Gregorij XV. Aliæ particulae ponuntur, vt advertant Confessarij, non solum esse punibilem per DD. Inquisitores Confessarium sollicitantem aliquo ex dictis modis in Confessione, sed etiam si sollicitet immediate ante, vel post, aut sine vera Confessione eam simulando, aut in loco deputato ad audiendas Confessiones, qui locus, & est Confessionarius, & quicumque vbi Confessiones Sacramentales audiuntur. Additur in diffinitione: *turpia* *ve loquitur*, ad demonstrandum, quod etiam si Confessarius non sollicitet, si sollicitatus à poenitente loquitur turpia in occasionibus, aut locis enumeratis, etiam est reus Bullæ.

6 Etiam ostenditur in diffinitione gravitas huius criminis, quia per illas particulas: *in fide suspectum*, constat, hoc peccatum generare suspicionem in fide; de hac suspicionem erit sermo in 3. part. Hoc enim peccatum est enorme sacrilegium, non solum propter circumstantiam Sacerdotis peccantis, sed etiam quia Sacramentum Poenitentiae sumitur vt medium ad hoc peccatū committendum; quod non obscure colligitur ex verbis Constitutionis Pij IV. Ita loquitur Summus Pontifex: *Nos in animum inducere nequeunt, quod qui de Fide Catholica recte sentiunt Sacramentis in Ecclesia Dei institutis abutantur, aut illis iniuriam faciant.* Ergo cum ex his verbis, cum abusu violetur Sacramentum Poenitentiae per crimen sollicitationis, non potest non esse gravissimum sacrilegium; quia

si solum lædere sanctitatem Ecclesiæ est sacrilegium, quanto melius erit lædere Sacramentum, quod est sanctum, & causat sanctitatem.

7 In definitione solum dicitur, huiusmodi delictum sollicitationis esse suspectum in fide; non autem esse peccatum contra fidem, ut intelligatur, quod licet sit enorme sacrilegium, non autem est peccatum hæresis, quia omne peccatum sumit malitiam à suo obiecto; sicque peccatum contra fidem habet obiectum contrarium fidei; sed obiectum sollicitationis non contrariatur fidei, sed honestati, & sanctitati Sacramenti Pœnitentiæ; ergo sollicitatio non est crimen hæresis, licet sit horribile sacrilegium. Tum, quia licet ad sollicitationem sumatur ut medium Sacramentum Pœnitentiæ; cum Confessarius, quod principaliter intendit per tale medium sit explere libidinem, si habet verum assensum fidei, non potest esse hæreticus, sed fornicarius sacrilegus; cum actus specificetur ab illo, quod principaliter inspicit: ergo crimen sollicitationis non est peccatum hæresis.

8 Nec obstant verba Gregorij XV. scilicet, quod contra Confessarios sollicitantes procedatur in Sancto Officio, *propterea in causis fidei, iuxta Sacrorum Canonum formam*. Imò potius ex eis constat, quod sollicitantes non sunt hæretici; nam non dicitur, quod sit causa hæresis sollicitatio, sed quod procedatur in hac causa ad modum quo proceditur in causis fidei. Et ex ipsa Bulla Gregorij XV. inferitur, quod crimen sollicitationis non est hæresis, quia contra sollicitantes non statuit pœnas hæreticorum; nec ut tales tractantur in Sancto Officio.

9 Ex quibus omnibus colligēs, non solum esse circumstantiam mutantem speciem sollicitare in Confessione, sed etiam immediatè ante, vel post; ac per consequens talis circumstantia est aperienda in Confessione. Ita Diana 4. *par. tract. 5. resol. 34.* qui citat Petrum de Ochagavia *tract. 2. de Confess. Sacrament. quest. 14. num. 14.* & addo, quod nō solum hæc circumstantia est aperienda in Confessione ex parte Confessarij, sed etiam ex parte foraminis si consensit, quia etiam sacrilegium

gium enorme committit, licet non comprehendatur sicut Confessarius in Bulla.

10 Sed quid de Confessario sollicitante, non in vera Confessione, nec immediatè ante, vel post, sed prætextu Confessionis, ipsa Confessione non sequuta, aut in loco deputato ad audiendas Confessiones, & occasione Confessionis, aut in alio loco simulando Confessionem. Varia docent DD. & nescio si consequenter, quia ex vna parte asserunt, talia delicta punibilia esse per DD. Inquisitores ex vi Bullarum Pontificum, & ex alia parte dicunt non asserre secum circumstantiam mutantem speciem; quia fundamentum ad subiicienda dicta crimina iudicio Inquisitorum est, quia Confessarius sollicitans abutitur Sacramento Pœnitentiæ, & ei infert iniuriam; sed hæc non possunt verificari absque violatione Sacramenti Pœnitentiæ, quæ violatio sacrilegium constituit: ergo talis circumstantia est aperienda in Confessione.

11 Dices: illa verba Bullæ non esse intelligenda de his criminibus, sed de sollicitatione in ipsa Confessione, & ad summum immediatè ante, vel post; quia hæc verba habentur in Bulla Pij IV. quæ solum loquitur de sollicitatione facta in Confessione, quam plures Auctores extendebant ad sollicitationem immediatè ante, vel post Confessionem, ergo ex Bullis Pontificijs solum infertur, esse circumstantiam mutantem speciem sollicitare in Confessione vera, & ad summum immediatè ante, vel post. Probatur consequentia: Gregorius XV. qui in sua Bulla crimina sollicitationis enumerata subiicit Inquisitoribus, non dicit, quod per illa Confessarius facit iniuriam Sacramento, sed cõfirmat Bullam Pij IV. & eam extendit ad casus relatos: ergo ex Bullis non habemus nisi quod sollicitatio in Confessione vera, & secundum DD. immediatè ante, vel post, habet circumstantiam mutantem speciem; non autem si sollicitatio fiat prætextu, & occasione Confessionis, &c. ergo istæ circumstantiæ non sunt aperiendæ in Confessione.

12 Responderetur negando consequentiam, ad illius proba-

tionem distinguo antecedens, non dicit, quod per enumeratas sollicitationes Confessarius facit iniuriam Sacramento, verbis expressis concedo antecedens, implicite, & illative nego antecedens: quia Gregorius XV. primò refert, & confirmat in omnibus Bullam Pij IV. & postea eodem tenore verborum illam ampliavit ad casus relatos ex eodem motivo; cum autem motivum Pij IV. sit abusus Sacramenti Pœnitentiæ, & iniuria eius, cum prosequitur Gregorius XV. ampliando Bullam ad alios casus sub eodem motivo, est dicendum, quod si sollicitatio in Confessione vera includit circumstantiam mutantem speciem, etiam quæ sit in Confessione simulata, prætextu, & occasione Confessionis, &c. ac per consequens si est sollicitatio comprehensa in Bulla, includit circumstantiam sacrilegij aperiendam in Confessione. Idem iudicium est formulandum de foramina sollicitata si consensit.

## §. II.

AN IN REBUS VENEREIS DETVR  
materie parvas.

13 **P**LVRES Auctores docuerunt dari in re venerea parvitatem materiæ. Ita Sanchez de *Matrim. lib. 9. disp. 46. num. 7.* sed postea iam factus senior, re melius considerata, palinodiam cantavit *tom. 2. operis morâlis, lib. 5. cap. 6. nu. 9.* de quo postea, sed absolute eam defenso. Zanardus in *direct. Confess. 1. part. de Sacram. Matrim. cap. 41. quæst. 28.* Salas in p. 2. *disp. 6. sect. 21. num. 149.* Villalobos in *summ. tract. 4. dub. 9. nu. 8.* ubi sic asserit: *Tambien se ha de advertir, que se puede hallar en este pecado parvidad de materia, como en otros, quales son los tocamientos leves, como de la mano de una muger, y del pie, tocarle los dedos, ò pisarle el pie.* Ita ille. Sanchez in *select. disp. 11. num. 12.* & Malderus in *2. part. quæst. 74. art. 10.* dicit hanc sententiam speculative esse probabilem, & videtur doceri implicite à Thoma Hurtado *tract. 4. cap. 8. resolut. 36. num. 393. & seqq.*

Sic



14 Sic conclusio: hodie non potest reduci ad proxim sententia defensor parvitatem materiæ in rebus venereis. Stant contra parvitatem materiæ Tannerus in 2. part. disp. 4. quest. 8. lib. 6. num. 109. Basilius Pontius de Matrim. lib. 10. cap. 16. §. 2. num. 8. Diana part. 2. tract. 5. in miscelan. resol. 1. citat Læsum, Rebellium, illamque tenent Castus Palaus tom. 1. tractat. 2. disp. 2. punct. 10. §. 2. num. 4. Trullench. in Decalog. tom. 2. lib. 6. cap. unic. lib. 1. num. 7.

15 In primis meo videri hæc conclusio est tam certa, quod contraria non habet probabilitatem practicam, nam Sanchez loco citato, ubi mutavit sententiam, & nostram patrocinator, hæc habet verba: *Vnum tamen advertere volo, sententiam, quam lib. 9. de Matrim. disp. 46. num. 7. dixi, esse verissimam; ne npe amplexus, & oscula libid. nosa, quamvis sola venerea delectatio, quæ sentitur placeat, excluso alio ordine ad copulam esse mortalia, & contraria n. ab aliquibus appellari semerariam, & erroneam, hodie approbatam esse à Summis Pontificibus Clemente VIII. & Paulo V. qui Inquisitoribus fidei denunciari iusserunt, afferentem, in illis non committi crimen lethale. & quamvis ibi num. 9. dixerim, hanc doctrinam esse moderandam, nisi delectatio esset parva, quia tunc ratione parvitatæ materiæ excusaretur à mortali; at nunc confirmius ad dictum motum proprium, & veritatem, iudico non reperiri parvitatem materiæ in delectationibus venereis, quæ deliberatè capiuntur ex obiecto gravi, etiam secluso periculo pollutionis, & consensus in aliud obiectum grave.* Hæc ille.

16 Deinde Reverendissimus P. Claudius de Aquaviva, Generalis Societatis Iesv, die 24. Aprilis, anno 1612. decretum contra parvitatem materiæ in delectatione venerea, iuxta Constitutiones Pontificias expedivit pro tota sua Religione de consilio gravium Theologorum, in quo statuit, sententiam defensorantem talem materiæ parvitatem esse intolerabilem, periculosam, ac omninò falsam in praxi; ideòque sub præcepto obedientiæ, sub pœna excommunicationis, & sub alijs pœnis gravibus prohibet; nullum Religiosum Societatis docere,

cere, nec consilium dare, nec significare talem doctrinam sibi placere. Idem cum maiori expressione determinavit die 25. Ianuarij anni 1647. Reverendissimus P. Vincentius Carrafa, eiusdem Societatis Generalis, quia confirmavit Decretum sui Antecessoris Romæ, & illud ampliavit ad delectationem veneream, non quæsitam, sed admissam. Castrus Palaus, loco citato asserit, dictam doctrinam pro sententia affirmativa, nullam habere probabilitatem: ergo ex his aperte constat in delectatione venerea, non esse parvitatem materiæ.

17 Secundò probatur non minùs efficacitè nostra conclusio; nam hodie contraria sententia non potest ad praxim reduci; quia si concedamus aliquam probabilitatem pro ea, non excedit limites tenuæ probabilitatis; sed secundum propositionem tertiam, damnatam ab Innocentio XI. opinio probabilitatis tenuæ non potest reduci ad praxim: ergo contraria sententia non est amplectenda. Probatur maior; nam illa opinio est probabilitatis tenuæ, de cuius probabilitate dubitant graves Auctores, ut dixi cum Patre Cardenas *quæst. unic. proæm.* §. 1. sed de probabilitate contrariæ sententiæ talitèr dubitant graves Auctores, quod Castrus Palaus vocat illam improbabilem; apud Thomam Sanchez loco citato, alij dicunt esse temerariam, alij erroneam: Pater Aquaviva, de consilio Theologorum Societatis, illam prohibet in sua Religione, ut intolerabilem, periculosam, & falsam ad minùs in praxi: ergo talis opinio ad summum potest habere probabilitatem tenuem; idèdque Malderus loco citato, illam vocat probabilem speculativè: ergo attenta damnatione Innocentij XI. sententia defensans parvitatem materiæ in delectatione venerea non habet probabilitatem practicam: ergo firmitèr est standum pro sententia negante.

18 Tertiò probatur fundamento communi Doctorum, patrocinantium nostram conclusionem: nulla est tam parva, fornicatio quæ non sit peccatum mortale; sed delectatio venerea sortitur morem actus: ergo omnis delectatio venerea est peccatum mortale. Præterea, quia omnis inchoatio pollutionis

tionis

tionis est peccatum mortale; sed omnis delectatio venerea est inchoatio pollutionis; nam secundum Galenum provocat, & movet appetitum sensitivum: ergo omnis delectatio venerea est peccatum mortale; nam sicut quilibet actus quantumcumque parvus, si est inchoativus pollutionis est peccatum, ita etiam omnis delectatio venerea.

19 Pater Salelles *tom. 3. de mase. Inquisit. lib 5. pag. 116. num. 890.* parificat hanc doctrinam hac forma: delectatio venerea quantumcumque modica sit est de obiecto mortali: ergo est peccatum grave. Probatur consequentia: complacentia deliberata, quantumcumque modica sit de homicidio, furto, & similibus de obiecto mortali, semper est peccatum lethale; sed delectatio venerea, quantumcumque modica sit, ut ex se constat, est de obiecto mortali: ergo erit peccatum lethale: ergo ex parvitate materiæ non potest esse peccatum veniale.

20 Quartò probatur ex doctrina Castri à Palao, loco citato, *num. 5.* nullus solutus potest delectari de copula, sub conditione cogitata, si esset licita; citat pro hac sententia Sanchez, Basilium de Leon, & Vazquez; quia illa delectatio est præsens, & commovet appetitum sensitivum, & vocat spiritus vitales servientes generationi: ergo multò minus est licita sine tali conditione delectatio venerea; quia si adhuc sub conditione, quòd esset licita copula, est peccatum mortale, quia vel secundum se est principium coitus; vel pollutionis; cum eadem ratio maiori cum fundamento in delectatione venerea militet, quantumcumque parva sit, erit peccatum grave. Præterea, quia oscula, tactus, amplexus, & alia huiusmodi, si aliundè non honestentur, sunt peccata lethalia; nam licet sint inefficaces secundum se ad coitum, appetitum delectant; sed magis movet appetitum delectatio ad coitum, vel pollutionem, quam amplexus, & tactus secundum se: ergo maiori fundamento dicendum est, delectationem veneream esse peccatum lethale.

21 Sed maximè est advertendum ex dictis; quòd si delectatio est indeliberata, non est peccatum mortale, dummodò adveniente advertentia de prohibitione, voluntas dissentiat, vel ut melius dicam, non complaceat in tali delectatione: Quare non solum oscula, sed etiam tangere manum mulieris vellicare brachium, premere pedem, & alia huiusmodi propter delectationem sunt peccata gravia, quantumcumque sit parva delectatio; nisi aliundè honestentur, & præter intentionem loquatur delectatio, ut si ex benevolentia, vel propter consanguinitatem, vel alium finem honestum hæc fierent, quia in hoc casu non essent in linea materiæ venereæ.

22 Maius fundamentum contrariæ sententiæ potest reduci ad hanc formam: in alijs præceptis Decalogi, propter parvitatem materiæ liberatur homo à peccato mortali: ergo etiam in delectatione venerea. Probatur consequentia: sicut non furari est præceptum Decalogi, ita non mechari; sed furari in parva quantitate solum est peccatum veniale: ergo parva delectatio venerea erit peccatum veniale. Respondetur primò, quod non in omnibus præceptis Decalogi datur parvitas materiæ; nam in peccatis oppositis Fidei, Spei, Charitati Dei, & Religioni, quæ contrariantur primo Decalogi præcepto, propter parvitatem materiæ non liberantur à culpa gravi, ut patet in desperatione, in odio Dei, & blasphemijs; idem dicendum est in sexto Decalogi præcepto. Secundò potest responderi ex dictis, negando consequentiam; nam furum in modica quantitate non est obiectum mortale: at verò è contra est discurrendum de parva delectatione, ut constat ex dictis in quarta probatione conclusionis. Præterea, quia licet in se non esset peccatum grave, ratione periculi indueret hanc gravitatem, ideòque optimè Machado *tom. 1. lib. 2. p. 3. tract. 18. docum. 11. num. 3.* hæc habet: *Lo cierto es, que en ninguna materia se deve cerrar mas la puerta,*

*que en estos pecados, por ser de suyo tan pegajosos.*



## §. III.

## RESOLVITVR QVÆSTIO.

23 **F**ACILIS est resolutio questionis ex dictis, nam si in rebus venereis ex delectatione, etiamsi sit modica, non admittitur parvitas materiæ extra Confessionem, multò minùs intra Sacramentum Pœnitentiæ; quare ex dictis inferitur per consequentiam legitimam, Confessarium qui in Confessione, vel immediatè ante, vel post, habuit aliquos tactus, etiamsi non essent ordinati ad copulam fore denuntiandum, quia in Confessario non potest dici quòd tales tactus, vel amplexus sunt, vel ex benevolentia, vel ex vñu patriæ, vel ex consanguinitate; cum omnia ista sint procùl in administratione huius Sacramenti Pœnitentiæ, quod debet tractari à Confessario cum modestia, gravitate, prudentia, & omni moda puritate: ergo cum in illo cessent omnia mòtiva, quæ possunt asferre secum indifferentiam, si exercentur à Confessario, debet præsumi, omnia esse facta, vel dicta ex delectatione venerea; ac per consequens cum in ista non admittatur culpa levis ex parvitate materiæ, Confessarius est denunciandus.

24 Maior difficultas est; an stando in opinione asserente, delectationem veneream ex parvitate materiæ non esse peccatum lethale, exercendo tales actus, ex quibus oritur parva delectatio, in Confessione detur peccatum grave; ac per consequens Confessarius talia exercens, sit denunciandus Inquisitoribus? Portel in *addit. ad dub. regul. verb. Solicitans*, num. 4. defensat in sollicitatione ad venerea dari parvitatem materiæ. Sequuntur hanc sententiam Castrus Palaus tom. 1. tract. 4. de *Confess. sollicit.* disput. 9. punct. 3. Magister Sousa in *aphor. lib. 1. cap. 33. num. 4. de Confess. sollicit. tract. 1. cap. 1. n. 7.*

25 Negant autem in sollicitatione parvitatem materiæ plures graves Auctores, quos sequitur in praxi Sanctæ Inqui-



sitionis Tribunal. Ita Diana 4 *part. tract. 5. resolut. 5.* Noster Trimarchius de *Confess. abus. disp. 2. sect. 7. num. 4.* Fagundez in 2. *præcept. Eccl. lib. 4. cap. 3. num. 52.* & omnes DD. defensores conclusionem positam §. antecedenti, contra parvitatem materiæ in delectatione venerea, præter Castum Palaum, qui meo videri, & laxat habenas conscientia, & discurrit inconsequentè; nam dicit, quod non est sollicitatio comprehensa in Bullis tangere manus, vel mamillas fœminæ, digitos intorquere, & velicare; nonnè præcipuè tangere mamillas; & digitos intorquere, sunt actiones provocativæ, & periculosæ: Ergo talis opinio non est sustinenda in praxi, quia est nimis laxa. Eriam discurrit inconsequentè; nam loco citato in §. antecedenti, negat in delectatione venerea parvitatem materiæ: ergo inconsequentè eam admittit in crimine sollicitationis.

26. Sit conclusio: In crimine sollicitationis non est admittenda in rebus venereis parvitas materiæ. Sic observatur inviolabiliter in Tribunali Sanctæ Inquisitionis. Probatur primò conclusio: Sacerdos sollicitans in Confessione ad inhonestam, sive per verba, sive per tactus, vel per signa subiicitur iurisdictioni Inquisitorum, & pœnitens tenetur illum denuntiare, quia etiam si talia verba, facta, vel signa extra Sacramentum peccata levia sint, intra Sacramentum lethalia censentur: ergo in crimine sollicitationis non est parvitas materiæ. Probatur antecedens: verba inhonestam, facta, & signa, quæ extra Sacramentum sunt levia peccata, intra sunt gravia crimina; quia licet talia peccata ex suo objecto immediato sint levia, sunt gravissima perpetrata intra Sacramentum Pœnitentiæ; nam imbibunt abusum tanti Sacramenti; sed in abusu Sacramenti non datur parvitas materiæ: ergo peccata, quæ extra Sacramentum levia sunt, intra Sacramentum sunt lethalia. Probatur minor: in Dei contemptu, in dissensu in rebus fidei non datur parvitas materiæ; imò ut optime Diana 5. *part. tract. 5. resolut. 28. nec in sortilegijs, & magia*  
nam

nam quòd Dæmon invocetur expressè , vel tacitè in re parva, vel magna semper est peccatum grave : ergo nec in abusu Sacramenti Pœnitentiæ ; & ratio est , quia abusus respicit hoc Sacramentum , tanquam medium ad actum venereum , & sic non est minor inordinatio contra venerationem debitam Sacramento , quòd actus venereus sit peccatum mortale in sua specie, vel veniale.

27 Parificatur primò hoc vltimum ; nam licèt mendacium leve sit peccatum veniale secundùm se , vocare Deum in testem per iuramentum talis mendacij, est peccatum grave, talitèr , quòd dicere contrarium est damnatum ab Innocentio XI. vt constat ex propositione 24. damnata : ergo dato , quòd aliquod peccatum sit leve intra genus luxuriæ extra Sacramentum , cum abusu Sacramenti est peccatum grave. Probatur consequentia ; nam ex eo vocare Deum in testem levis mendacij est peccatum grave , quia homo respicit Deum , vt medium ad mendacium , in quo imbibitur gravis deordinatio, etiã si mendacium sit leve ; sed qui profert verba, vel committit facta intra Sacramentum , quæ extra Sacramentum sunt levia peccata , per abusum respicit hoc Sacramentum , vt medium ad actum venereum , quod secundùm se est malum : ergo dato , quòd extra Sacramentum sit peccatum leve , in Confessione est enorme peccatum talia exercere.

28 Secundò parificatur idem assumptum ; licèt respectu ieiunij Ecclesiastici sumere parùm panis non sit peccatum lethale ; sumere illud ante sumptionem Eucharistiæ , grave sacrilegium est : ergo similitèr licèt proferre aliqua verba profana , vel inhonesta extra Sacramentum Pœnitentiæ non sint peccata gravia , intra Sacramentum meritò tam gravia censentur , quòd sint sacrilegia.

29 Probatur secundò conclusio : in blasphemijs non est peccatum veniale ex parvitate materiæ : ergo nequè in crimine sollicitationis. Antecedens latè ostendunt Eximius Sua-

recz tom. 5. de Relig. tract. 3. lib. 1. cap. 6. num. 2. Valmaseda tom. 1. de Fide, disp. 91. sect. 11. §. 48. Doctor Angelicus 2. 2. quest. 13. art. 2. Caietanus in Summ. verb. Blasphemia, & communiter Expositores Divi Thomæ: ratio fundamentalis est, quia in omnibus blasphemijs semper est eadem ratio formalis, quæ fundat malitiam mortalem, scilicet, animus directus, vel indirectus, virtualis, aut interpretativus dehonoriandi Deum; & cum Deus æquè dehonoreretur, sive illi attribuantur falsò res corporeæ magnæ, vel parvæ; hinc est, quòd in his peccatis non datur parvitas materiæ; imò potius talis parvitas peraccidens se habet ad huiusmodi peccata. Probatur consequentia à paritate: in omnibus peccatis sollicitationis est eadem ratio formalis: ergo non datur parvitas materiæ. Probatur antecedens: ex eo sollicitans est suspectus in fide, quia abutitur Sacramento Pœnitentiæ, & ei infert iniuriam; sed licet res sit parva, vel magna, semper abutitur Sacramento, & ei infert iniuriam: ergo in crimine sollicitationis semper est eadem ratio formalis; sed quia in blasphemijs semper est eadem ratio formalis, non datur peccatum levè ex parvitate materiæ: ergo nequè in crimine sollicitationis.

30. Probatur tertio: verba iniuriosa continentia parvum contemptum, quæ prolata in alium essent peccata venialia, prolata in Patrem, vel Prælatum sunt peccata mortalia ratione personæ offensæ: ergo Confessor, qui in administratione Sacramenti admiscet tactus, verba impudica, signa, & alia similia, etiam si in alio loco, & occasione essent levia, ratione sanctitatis Sacramenti, quod administrat, sunt peccata gravia; & ratio horum est, quia Sacramenta sanctè administranda sunt, & non cum scandalo, & ruina fidelium.

31. Probatur ultimò ab inconvenienti; nam si in crimine sollicitationis admittitur parvitas materiæ, datur ansa Confessarijs profanandi Sacramentum Pœnitentiæ; nam si consentirent mulieres ad tactus, vel verba venerea, ex illis transirent Confessarij ad alios turpiores tractatus; si non consentirent



tirent foeminae, cessarent, & propter parvitatem materiae manerent immunes à delatione; ac per consequens cum omni libertate admiscerent tactus, signa, verba impudica, & alia huiusmodi profanando tam salutiferum Sacramentum: ergo ne hoc sequatur, est abolenda parvitas materiae à crimine sollicitationis.

32. Advertendum tamen est, quòd aliquandò exercere cum vna persona aliquas actiones, non habet vnde honestetur; benè verò cum alia, nam si mulieri adultæ Confessor tangeret manus, vel faciem, præsumitur esse propter delectationem veneream; ac per consequens nō haberent istæ actiones partem, ex qua honestatem induerent; si autem illas exerceret, vel cum masculis, vel cum foeminis parvulis possent honestari; siquidem ex vna parte in istis non sunt provocativæ, nec periculosæ; & ex alia potest præsumi talia exercere Confessarium, ut non concipiant horrorem, & liberiùs cum his blanditijs sua peccata fateantur.

§. III.

ARGUMENTIS CONTRARIIS SATISFIT.

33. **P**LVRA argumenta accumulante Auctores contrariæ sententiæ, sed solum proponam principaliora. Primum sic procedit: si in crimine sollicitationis parvitas materiae non daretur, esset obligatio in pœnitente denunciandi Confessarium in Sancto Officio propter peccata levia; sed hoc non potest dici: ergo quia in crimine sollicitationis datur parvitas materiae. Probat minor: Edictum Inquisitionis imponit præceptum denunciandi sub pœna excommunicationis maioris; sed quandò talis pœna imponitur in Edictis, non obligant ad denunciandum peccatum leve: ergo non potest dici, quòd detur obligatio denunciandi crimen sollicitationis propter peccatum leve. Minor, in qua est difficultas, constat ex sententia omnium DD. siquidem cum excommu-

niciatio sit poena gravis, non imponitur ad manifestandum peccatum leve.

34 Respondetur, quòd quodlibet crimen in rebus venereis in Sacramento Poenitentiae est peccatum grave; nam ut dixi, licet in rebus venereis admittatur parvitas materiae, intra Sacramentum, cum quodlibet peccatum huius speciei committatur à Confessario cum abusu Sacramenti, & in tali abusu nò detur parvitas materiae, quia sive abusus sit magnus, sive parvus continet gravem irreverentiam; hinc fit, quòd intra Sacramentum non datur parvitas materiae. Quod potest parificari principaliter duabus instantiis positis §. antecedenti, de blasphemijs, & iuramento.

35 Replicabis: in hac quaestione admittitur, licet non concedatur, quòd extra Sacramentum in delectatione venerea datur peccatum veniale propter parvitatē materiae: ergo idem dicendum erit intra Sacramentum. Probatur consequentia à paritate, si huiusmodi delectatio nò esset peccatum veniale, maximè, quia committitur in Confessione Sacramentali; sed stat bene, quòd committatur intra Sacramentum, & quòd si aliundè sit peccatum veniale; in eadem linea perseveret: ergo etiam si committatur intra Sacramentum, non idè est peccatum mortale. Probatur minor: mendacium leve, quod extra Sacramentum Poenitentiae est peccatum veniale, commissum intra Sacramentum etiam peccatum veniale est. ergo si delectatio venerea in materia parva extra sit peccatum veniale, intra Sacramentum non induit aliam malitiam.

36 Respondetur ad instantiam negando consequentiam, & ad illius probationem distinguenda est maior, maximè, quia committitur in Confessione Sacramentali, taliter quòd Confessio respiciatur ut medium ad delectationem venereā, concedo maiorem, taliter, quòd sic non respiciatur, nego maiorem: per quod manifestatur disparitas; nam idè mēti in materia levi in Confessione Sacramentali non est pec-

causa



catum grave, quia non respicit Sacramentum, ut medium, sicut parva delectatio, & confessio ad mendacium per accidens se habet. Sed cur Confessarius in delectatione venerea abutitur Sacramento Pœnitentiæ; non autem qui profert mendacium leve in eodem Sacramento? Respondeo, idè esse, quia Confessarius se habet formalitèr, ut Minister, & quod attinet ad illum est administrare; cum autem loco administrandi remedium ponat peccatum; etiam si istud sit aliundè leve, cum abutatur, vitur hoc Sacramento, ut medio ad veneream delectationem intrinsecè malam, quod est sacrilegium; quæ ratio non militat in pœnitente, ad quem solum attinet non ponere obicem ad remedium, quod administrat Confessarius.

37 Secundum argumentum sic formant adversarij: ex eo punire sollicitationem in Confessione pertinet ad Inquisitores, quia tale crimen generat suspicionem in fide; sed de rebus venereis in parva materia suspicio in fide non generatur: ergo quia intra Sacramentum non est peccatum grave. Probatum minor: ex levi coniectura suspicio in fide non potest generari; nam ista suspicio cum non sit solum transcendentalis, sed iuris, & à iure, non potest generari ex quolibet peccato gravi, sed ex enormi, ut constat in omnibus peccatis generantibus talem suspicionem; sed delectatio parva venerea, etiam si sit peccatum grave, non est enorme: ergo ex illa non generatur suspicio in fide.

38 Responderetur negando minorem; nam parva delectatio intra Sacramentum non est coniectura levis; quia cum committatur cum abusu Sacramenti, respicit Sacramentum, ut medium ad talem parvam delectationem veneream; & cum in hoc reperiatur deordinatio gravis, idè non est levis coniectura tale peccatum ad generandam suspicionem in fide, quia fundamentum, quod habent Summi Pastores Ecclesiæ ad stabiliendam hanc suspicionem, sumunt ex hoc, quod Confessarius abutitur hoc Sacramento ad suam libidinem explendam, qui abusus reperitur in delectatione venerea etiam parva.

39 Tertium argumentum sic procedit : si sollicitare foemina ad tales actus, aliunde venialiter inhonestos, esset peccatum grave, pro illis esset denunciandus Confessarius ; sed pro his actibus non est denunciandus : ergo talis sollicitatio non est peccatum grave. Probatur minor : in Bulla Pij IV. quam postea ampliavit, & confirmavit Gregorius XV. dicitur esse denunciandos Confessarios sollicitantes, qui mulieres poenitentes ad actus inhonestos provocant, & loco reconciliationis cum Deo graviore peccatorum molle eas onerant, & in manibus Diaboli tradunt, Clemens VIII. nihil aliud fecit, quàm renovare hoc Decretum, & Gregorius XV. in sua Constitutione vocavit hoc scelus nefandum, impium, & illud facientem, infernalem veneficum, & proditorem execrabilem ; sed per actus solùm venialiter inhonestos, Confessarij non tradunt animas in manus Diaboli, nec eas onerant graviore peccatorum molle, quia tales actus, ut supponitur in hac quæstione, solùm sunt venialiter inhonesti : ergo pro talibus actibus Confessarius non est denunciandus.

40 Hoc confirmatur : ut Confessarius sit denunciandus Inquisitoribus, non solùm debet esse suspectus in fide suspicione Theologica, sed etiam iuridicè ; sed etiam si sollicitando ad actus venialiter inhonestos sit suspectus suspicione Theologica, non tamen est suspectus iuridicè : ergo non est denunciandus. Maior constat, etiam si in crimine revelationis sigilli Sacramentalis detur suspicio in fide Theologica, & sit enorme sacrilegium, pro illo non est denunciandus Confessarius Inquisitoribus, nulla alia ratione, nisi quia talis suspicio, quòd malè sentiat de Sacramento Poenitentiae non est à iure : ergo solùm est denunciandus Inquisitoribus fidei, qui est suspectus in fide iuridicè. Minor sic ostenditur, ut constat ex Diplommatibus Pontificijs citatis ; Confessarij sollicitantes sunt iuridicè suspecti, quia tradunt animas in manus Diaboli, & gravant eas maiori peccatorum molle, sed si sollicitant ad actus inhonestos veniales, licet Confessarij onerentur gravibus peccatis, quia, ut diximus, abutuntur Sacramen-

men-

mento; non sic est in pœnitentibus, quia isti non abutuntur, etiam si consentiant, quia non sunt administratores sanguinis Christi: ergo talis Confessarius non est suspectus in fide iuridicè; ac per consequens Inquisitoribus denunciandus non est.

41 Respondetur ex dictis: tales Confessarios esse denunciandos, non quia sollicitant ad actus venialiter inhonestos, quia licèt verum sit, quòd demus tales actus extra Sacramentum esse venialiter inhonestos; intra Sacramentum ratione abusus sunt sacrilegia gravia, non solum ex parte Cōfessarij, sed etiam, si consentiat fœmina, ex parte illius; sicut furtum leve est peccatum veniale, & aliquando ratione gravis damni est peccatum mortale; quare in isto casu verificantur verba Decretorum Pontificum, quòd talis Confessarius tradit animas in manus Diaboli, &c. Per quod patet ad confirmationem; & iste Confessarius non solum est suspectus theologicè, sed etiam iuridicè.

42 Replicabis: ex eo, vt diximus, qui dicit mendacium leve in Confessione non peccat mortaliter, quia licèt dicat illud intra Sacramentum, cum non sit Mīnister, non abutitur Sacramento; ergo licèt Confessarius provocat, & tenet pœnitentem, & iste consentiat in actus venialiter inhonestos; pœnitens non peccat mortaliter, quia non est Minister Sacramenti Pœnitentiæ; ideoque illo non abutitur: ergo nec tenetur denunciare Confessarium, etiam si iste peccet mortaliter, quia non onerat pœnitentem maiori peccatorum molle, nec illum tradit in manus Diaboli, cum solum pœnitens committat peccatum veniale.

43 Respondetur distinguendo antecedens; quia licèt illud mendacium dicat intra Sacramentum non abutitur Sacramento; nec consentit abufui, nec ad talem consensum provocatur, vel reoratur, concedo antecedens; si consentiret abufui non esset peccatum grave, nego antecedens, & nego consequentiam; quia abuti, & consentire sunt intra eandem lineam, sicut provocare, allicere, & consentire; & sicut furari, & consentire

consequens esset cooperta, & paliata sollicitatio, quæ tentatio dicitur comprehensa in Bullis.

46 Dices: per ly *ſ* suspenditur sollicitatio, sicut per talem conditionem suspenditur contractus in futurum; ut constat ex leg. Itaque, *ſſ ſi certum petatur institut. de verbor. obligat. §. ex condicionali*: ergo tunc non est sollicitatio. Probatur antecedens; nam ly *ſ* taliter suspendit contractum, quod non datur contractus si non purificatur conditio; ac per consequens de præſenti non datur, sed solum est futurus, & pro tunc suspenditur; ergo etiam suspenditur sollicitatio; sed solum debet denunciari delictum præſens, non autem futurum: ergo cum in nostro casu, sollicitatio non sit præſens, non est denunciandus Confessarius; qui talia verba proferret.

47 Respondetur admittendo suspensionem sollicitationis clarè, sed non ideo talis Confessarius liberatur à denunciatione, nec à pœnis taxatis in Bullis, licet non puniatur cum tanto rigore, ac si aperte sollicitaret; nam in hoc delicto non solum est punienda sollicitatio secundum tenorem Bullæ Gregorianæ, sed etiam tentatio, & conatus ad sollicitationem, ut bene Escobar à Corro loco citato num. 61. Neque hoc solum est speciale in hoc delicto; quia non tantum subijciuntur Inquisitoribus non Sacerdotes qui Missas celebrant, sed etiam, qui incipiunt celebrare, & similiter qui contrahunt sponsalia cum alia uxore, vivente prima, etiam si non contrahant matrimonium. Præterea, quia licet regulariter quando imponuntur pœnæ contra aliquod delictum, debeant de delicto consummato, & perfecto intelligi, non ita discurrendum est in sollicitatione, quia cum fundentur istæ pœnæ in abusu, & iniuria Sacramenti, & abutatur non solum, qui clarè, & cõsummatè sollicitat, sed etiam qui tentat sollicitare, vel procurat; idè cum sola tentatione, vel conatu Confessarius subijcitur pœnis, & est denunciandus, & licet mitius puniatur ab Inquisitoribus, semper pœnæ sunt graves, siquidem non potest liberari ab abiuratione de levi, & consequenter, si fuerit regularis manet privatus in perpetuum voce activa, & passiva, &

ab

ab audiendis Confessionibus cum alijs salutaribus pœnitentijs, de quibus suo loco.

48. Ex dictis occurrat alius casus. suppono, quòd Confessarius dicat femina in Sacramentali Confessione, optarem quòd licita esset fornicationis sollicitatio, & non prohibita, ut te sollicitarem ad venerea; talis modus sollicitandi est ne sollicitatio? Resolutio huius casus dependet ab illa questione an conditio auferat malitiam ab actu, quando actus est intrinsicè malus? Circa quam difficultatem duplex est sententia, prima affirmat, quam sequuntur Valencia l. 1.2. disp. 6. quæst. 4. punct. 4. Salas tract. 13. disp. 16. sect. 27. Vazquez disp. 116. per totam, & alij plures quos citabit isti Auctores. Secunda sententia, quam sequor in praxi est, quòd talis conditio non auferat malitiam ab actu, si actus ab intrinsicò est malus.

49. Iuxta secundam sententiam resolvo casum, & dico huiusmodi Confessarium fore denunciandum, & addo, quòd hanc sententiam sequitur in praxi nostra Inquisitio Hispanica. Probatur resolutio; quia talis modus sollicitandi est tentatio, & allicientia ad venerea; nam quantumcumque Confessarius ponat illam universalem conditionem, per quam iudicetur excludere omnem malitiam, semper relinquitur in actu sua turpitudine, & obsecritas; ac per consequens talis modus loquendi est idem, ac allicere, provocare, & tentare ad venerea, quòd subijcitur secundum Bullam Gregorij XV. Inquisitoribus fidei, ideoque huiusmodi Confessarius denunciandus est.

50. Dices: talis Confessarius nullum peccatum commisit: ergo non est denunciandus. Probatur antecedens: illa particula conditionalis si auferat ab actu omnem malitiam: ergo huiusmodi Confessarius nullum peccatum commisit. Probatur antecedens: iste actus in sua essentia in eo distinguitur ab absoluto, quòd absolutus imbibit taliter malitiam, quòd ex nullo capite tollitur, ac verò conditionatus induit naturam conditionis; sed illa conditionalis nullam habet malitiam: ergo neque actus, qui induit naturam talis conditionis.

Ref.



51 Respondetur primò, quòd etiam si secundum primam sententiam huiusmodi actus conditionatus in se non habeat malitiam præcisus ab alijs circumstantijs, induit tamen eam prolatus in administratione Sacramenti Pœnitentiæ ratione scandalij; patet in innumeris casibus, in quibus actus secundum se non est malus, & ratione circumstantiarum induit malitiam; nam dicta talia verba fœminæ non potest negari esse periculosa, siquidem ut constat ex terminis ad minus sunt illicitiva, & tentativa ad venerea: ergo etiam si concedatur, quòd dicta, vel prolata in alio loco non essent peccatum, dicta mulieri in Sacramento Pœnitentiæ est grave peccatum, ac per consequens punibile, & denunciabile. Secundò est dicendum stando in secunda sententia, illam conditionalem non auferre malitiam, quia talis sollicitatio est intrinsecè mala, & in genere moris non distinguitur iste actus conditionatus ab absoluto sollicitandi.

52 Tertiùs casus est: quædam vxorata accessit ad Confessarium, & inter interrogationes de usu matrimoni (in quibus debent Confessarij cautè procedere) miscuit alias impertinentes, interrogando de partibus pudoris mariti; de molle sui corporis in coitu, & de alijs huiusmodi, est ne denunciandus huiusmodi Confessarius? Respondetur fore denunciandum; quia licet non sollicitaret ad inhonestà, siue inter se, siue cum alijs, habuit cum illa fœmina inhonestos sermones, idèdque est casus comprehensus in Bulla Gregorij XV. aliundè talia verba sunt provocativa, nec ex aliquo capite possunt honestari, siquidem omninò impertinentia sunt ad integritatem Confessionis. Pono casus huius conditionis, quia similes frequenter contingunt ob lasciviam, & ignorantiam aliquorum Confessariorum existimantium, talia crimina non cõtineri in Bullis Pontificijs; posteaque fœminæ ex remorsu conscientiæ consulunt Confessarijs doctis, qui admonent de obligatione denunciandi, & Confessarij talia loquentes incidunt in manus Sancti Officij.

53 Quartus casus: quidam Confessarius in actu Confessionis immediate ante, vel post dedit fœminæ penitentiæ annullum au-

reum

reum, vel duo scuta aurea, aut aliud donum in solitum, postea in die sequenti ixit in domum suam, & eam sollicitavit; tenetur ne ista femina denunciare Confessarium tanquam reum Bullæ Gregorianæ? Noster Trimarchius *disp. 2. sect. 4.* dicit, teneri illum denunciare, & citat pro hac resolutione Patrem Oren-gum nostri Ordinis Iubilatum Lectorem, & cum illis idem res-solvo; nam ut dicit idem Trimarchius, talis donatio facta in Confessione est sollicitatio implicita, & palliata; quia licet in Confessione venenum non evomeret, illa donatio fuit infecta intentione sollicitandi, ac per consequens fuit inchoata sollicitatio: ergo huiusmodi Confessarius denunciandus est: parificatur hoc fundamentum; nam ut constat ex damnatione Alexandri VII. Confessarius dans feminae chartam in Confessione, in qua con-singeretur sollicitatio, licet nihil explicet in Confessione, sed de-illam, ut postea legatur domi est denunciandus, quia venenum sollicitationis administratur in Confessione; sed etiam in illa donatione annulli, vel alterius doni insoliti imbolvitur vene-nom sollicitationis, ut postea explicatur domi à Confessario, si-cut per chartam domi explicatur sollicitatio: ergo sicut in casu donationis chartæ Confessarius est denunciandus, ita in casu donationis doni insoliti.

54. Contra istam resolutionem insurgit contra Trimar-chium Thomas Hurtado in appendice 1. ad *traët. de sollicitant. traët. 4. resol. 22.* hoc modo: in sententia Trimarchij, si Confes-sarius in Confessione Sacramentali daret feminae pauperi, quam-tumvis pulchræ, pecunias, & postea domi eam sollicitaret non esset puniendus in Sancto Officio: ergo si tribuat mulieri non pauperi in Confessione annulum aureum, vel scuta, & postea domi sollicitet non est reus Bullæ. Probatur consequentia à pa-ricate: ex eo in primo casu non est sollicitatio, quia per actum externum donationis, nec per se, nec per accidens significatur mala intenrio Confessarij, sed præsumitur talis donatio effectus misericordiæ, vel charitatis erga feminam pauperem; sed etiam in nostro casu potest procedere donatio, vel ex liberalitate, vel

ex prodigalitate, aut ex gratitudine : ergo talis donatio non facit Confessarium reum Bullæ. Iterum constat alia paritate. omnes DD. docent Hæreticum nō incurrere penas latis in Bullis, quantumcumque habeat errorem in intellectu , si actus externus non significat per se actum internum hæresis; sed per illam donationem non significatur, nec per se, nec per accidens , aliqua sollicitatio ad venerea; siquidem Confessarius, nec loquitur, nec agit in Confessione aliquid inhonestum : ergo quod postea domi sollicitet per accidens se habet respectu illius donationis: ergo huiusmodi Confessarius nullo modo ut sollicitans est denunciandus.

56 In primis potest responderi negando paritatem , & bene ; nam etiamsi talis donatio esset facta pauperi feminae ; si postea Confessarius donans eam domi sollicitaret , esset præsumptio violenta contra illum, quod talis donatio fuit facta intuitu sollicitationis futuræ, non autem ex charitate , aut ex misericordia , nam per effectum sequutum tollitur contraria præsumptio , quia factum est contrarium ; ac per consequens talis donatio est inchoata sollicitatio , & credo , quod iste casus ita intelligitur in Sancto Officio. Secundò responderetur concedendo antecedens, & negando consequentiam; disparitas stat in eo, quod quando illud donum datur pauperi feminae , etiamsi postea Confessarius domi sollicitet, in ipsa paupertate potest fundari præsumptio, quod in Confessione illa donatio non fuit intuitu sollicitationis, sed effectus misericordiæ, vel charitatis. & si postea sollicitet, non est intuitu donationis, sed effectus fragilitatis. In femina divite cessat omninò hæc præsumptio ; imò potius ex communiter contingentibus præsumitur sollicitatio, vel inchoatio sollicitationis , & dando illum annullum parat laqueum Diaboli, ut postea manifestatur.

57 Responderetur ad confirmationem distinguendo maiorem; liberatur à pœnis omninò contra Hæreticos , si ex dictis, & circumstantiis adiunctis non explicetur error intellectus sufficiens, concedo maiorem, si explicatur, ergo maiorem, nam

vt bene Salelles *tom. 3. pag. 119. num. 923.* Si aliquis efficiat sortilegia amatoria, interrogandum est, an crediderit posse per illa tolli humanam libertatem, et si habeat capacitatem sufficientem, vt sciat hunc articulum fidei habendus est, vt Hæreticus formalis, & si est paratus ad correctionem, debet abiurare de formali; licet sortilegium amatorium possit procedere non ex errore intellectus, sed ex affectu ad libidinem, & regulariter inter Catholicos ex hoc capite dimanat; nam applicantur illa media ad libidinem explendam; non obstanti, quia postea explicat suum animum iudicatur in hoc facto, vt Hæreticus formalis: ergo similiter cum tribuens tale donum postea sollicitè domi, debet iudicari ex his circumstantijs adiunctis illam donationem esse inchoatam sollicitationem.

58 Miror enim magis huius Auctoris, siquidem *num. 224.* addit, quòd etiam si Confessarius dicat feminae domi, illum donum dedisse in Confessione illi, animo alliciendi ad suum amorem laicium, adhuc huiusmodi Confessarius non est denunciandus; cum in hoc eventu aperte includatur iste casus in Bulla, quia huiusmodi Confessarius explicat illam donationem fuisse animo alliciendi, & tentandi feminam ad venerea; sicut etiam si per verba, vel facta indifferentia aliquis significaret errorem contra fidem, & postea explicaret habuisse malam credulitatem in illis verbis, & factis, & non processisse ex alio capite, nisi ex errore intellectus, vt Hæreticus esset habendus: ergo etiã in hoc alio casu Confessarius est habendus vt sollicitans, si postea explicat domi illam donationem factam in Confessione processisse ex animo alliciendi, & tentandi ad libidinem.

59 Isti duo casus confirmantur ex illis, quæ asserit D. Ioannes Escobar *1. part. quest. 3. §. 1. num. 18. & 19.* nam postquam dixit, laudare pulchritudinem mulieris, venusta em, & alia dona non esse sollicitationem (de quo casu §. sequenti) affirmat talia dicere in Sacramento, si postea extra Sacramentum etiam cum aliquo intervallo temporis Confessarius sollicitet puellam ad turpitudinem, verè vt sollicitator eris iudicandus;

du; nam ex post factis declaratur animus præcedens in Confessione, ex text. *in l. item si filius 7. l. sed Iulianus*, §. Proinde 12. ergo cum postea huiusmodi Confessarius sollicitet, debet colligi in tali donatione annulli, vel alterius doni fuisse sollicitantem.

§. VI.

ALII CASVS RESOLVUNTVR.

60 **P** RIMVS casus: Confessarius in Confessione laudat pulchritudinem mulieris, ornatum, venustatem, & alia huiusmodi; est ne iste Confessarius denunciandus, & idem interrogari potest si blandis verbis offert illi ramusculum florum? Circa hunc casum est duplex sententia ex diametro opposita, & vtraque certò probabilis. Prima asserit, talem Confessarium non fore denunciandum Ita D. Ioann. Escobar à Corro loco citato num. 14. Thomas Hurrado *resol.* 13. à nu. 225. & *seqq.* Freixas in editione novissima de *Confess. sollicitant.* quest. 7. à num. 44. & 45. Fagundez in 2. præcept. *Eccles. lib. 4. cap. 3. num. 51.*

61 Secunda sententia, quam amplector, asserit, talem Confessarium fore denunciandum Tribunali Sanctæ Inquisitionis, ut sollicitantem. Ita Bonacina *tom. 1. disp. 6. punct. 3. pag. 773 num. 5.* Acuña *quest. 7. num. 6. & 13.* Santarel, de *Heresi, cap. 44. dub. unic. num. 9.* Augustinus Barbosa de *offic. Parochi, cap. 19. sub num. 49.* Noster Trimarchius loco citato, *sect. 5.* Noster Peirinis *tom. 2. de privileg. constit. 4.* Gregorij XV. §. 6. num. 21. vbi sic ait *Notq secundò, quòd Inquisitores possunt, & debent procedere contra Confessarios, qui non verbis expressis, sed solum tacitis, & occultis alliciunt penitentes ad actus inhonestos, ut si illos de pulchritudine, venustate, &c. laudent.* Eandem sententiam tenet Diana *par. 4. tract. 5. resol. 18.* & sequitur in praxi Inquisitio Hispanica.

62 Probatnr primò hæc resolutio; nam Gregorius XV. prohibet non solum sollicitare, sed etiam allicere, & tentare, sed his verbis femina solent tentari, & provocari ergo talia verba sunt sollicitationes comprehensæ in Bulla. Secundò proba-



tur, quia in dubio, an Confessarius protulerit illa verba animo tentandi, vel provocandi ad libidinem, vel non, præsumptio stat contra Confessarium: ergo ut sollicitator est denunciandus. Antecedens probatur; nam quando est dubium circa verba præsumptio debet sumi ex communiter contingentibus; sed communiter accidit, ut feminae his verbis alliciantur, provocentur, & subvertantur: ergo debet præsumi, illa verba fuisse prolata animo alliciendi, & tentandi ad venerea. Confirmatur; quia sola confabulatio secreto cum femina in deteriore partem accipi solet, *cap. Perniciosum* 18. *quest. 2.* & *cap. Clericus, distinct.* 81. ergo multò melius debent accipi in deteriore partem illa verba, quibus feminae ad libidinem solent allici, & provocari.

63 Sed Bonacina loco citato limitat hanc assertionem dicendo talia verba esse sollicitationem comprehensam in Bulla Gregoriana, dummodò non constet, vel præsumatur, Confessarium protulisse hæc verba alio fine, quàm intentione alliciendi ad actus inhonestos, ut si v. g. dicat feminae penitenti iniuriam suæ pulchritudini, & venustati facere prostituendo seipsam alijs. In primis, ut rectè Diana loco citato, etiam in hoc casu debent Confessarij se abstinere ab his verbis, quia Confessarij inveniunt in libris aliam rationem efficaciorē, ut penitentes ab actibus libidinis cessent; & ad minus per tales loquutiones, præcipuè mulieres cōcipiunt maiorem æstimationem suæ pulchritudinis, & magis augetur earum vanitas, quàm contritio de peccatis.

64 Circa hanc limitationem sentio, salvo iudicio Tribunalis, quòd si non proferantur à Confessario nuda, sed applicentur modo dicto ad correctionem feminae (quod ex alio capite debet Confessarius, ut dicit Diana, excusare) & aliundè fuerit talis Confessarius vir probus, & Religiosus, & nullo modo suspectus in libidinis rebus non est denunciandus, quia illa verba ex fine explicito, & ex vita Cōfessarij relevantur à præsumptione communi; si autem Confessarius sit rebus inhonestis delictus, etiam si explicet eodem modo animum, non est vnde hone-

*fin.*

stentur illa verba, quia ex una parte sunt inefficacia ad correctionem, & ex alia vita Confessarij non auferit præsumptionem; ac per consequens debet præsumi in illo fuisse animum sollicitandi.

65. Ultimò probatur assertum: si laudare pulchritudinem, venustatem, &c. non esset sollicitatio; talis laudatio posset honestari prolata in Confessione; sed illo tempore, & loco ex nullo capite honestari potest: ergo est denuncianda vt sollicitatio. Probatur minor: illo tempore, & loco vtendum est veris, & securis consilij, & sanctis monitis, & omninò relinquenda est levitas, & lascivia; sed dicere talia verba est omninò impertinens ad consulendum, monendum, & corrigendum: ergo non est caput, vnde talia verba honestentur. Præterea, quia talia verba rationem allicientia subterfugere non possunt, quia illis frequenter ad minus alliciuntur feminae; & si esset necessarium, quòd verba aperitè essent provocativa ad libidinem, Summus Pontifex solùm poneret in Bulla tentare, & provocare, non autem allicere: ergo ly *allicere* positum in Bulla intendit omninò excludere à tanto Sacramento, & à puritate illius non solùm verba, quæ aperitè sunt provocativa, sed etiam ista allicitiva foeminarum, quia etiam si ista rarò provocent, ad minus inclinant, quod est inchoare tentationem.

66. Dices: omnia ista verba, & similia, & donare, vel petere ramusculum florum sunt indifferentia, & turpem animum Confessoris non significant; sed in dubijs, si non occurrant aliæ circumstantiæ, non est præsumendum pro delicto: ergo neque in his casibus, & verbis est præsumendum pro sollicitatione. Respondetur: quòd licet ista verba, & similia, alio loco, & tempore sint indifferentia, intra Sacramentum allicitiva sunt, quia non potest præsumi cum fundamento, quod proferantur ex alio fine; cum talis Confessarius talia dicendo non adimpleat suum munus, ex qua circumstantia cum verba sint, omninò extranea ab obligatione Confessarij; colligitur, & præsumitur delictum sollicitationis.

Non

67 Non possum omittere verba Ioann. à Corro; quia totum meum desiderium est liberare Confessarios à crimine tam denegrativo corporis, & animæ, & modus securior non incidendi in manus Sancti Officij est tractare hoc Sacramentum cum omni puritate, & integritate: quare transcribam verba D. Ioann. Escobar à Corro num. 20. qui postquam loquutus fuit de casu proposito, & alio simili hæc verba habet: *(In unaquaque specie, & similibus Confessarijs strictissime consulo, & pro Dei visceribus exopto, se abstineant ab his, & alijs levibus, loquutionibus cum feminis, consistentibus, quæ alienæ sunt à tanto Sacramento, & ab eis, quæ in eo tractari debent, etiamsi ex pio, & bono oriantur animo; illo enim actu animæ remedia agenda, & tractanda sunt, non aliena, & levia, nec futilia, quæ levitatem per se afferunt, differuntque à modestia, & gravitate, qua hic sacer actus tractari debet, aliàs verò magna per se forent pericula, & licet levia ingentem possunt atrahere ruinam, & sua dulcedine magnam afferre amaritudinem.)* Hæc ille, quæ maximè memoriæ commendanda sunt.

68 Ex quibus infero alium casum, nempe, quod si Confessarius exaggerat affectum, & amicitiam, erga feminam poenitentem in Confessione, & illi proponit domum illius adire, eamque frequenter inviscere; si ex circumstantijs aliundè iste non honestantur, nempe quia talis mulier maximo opere desiderat consulere frequenter illi Confessario pro tranquillitate suæ conscientiae, & alia huiusmodi: si ista ita non se habeant, sed imò potius Confessarius explicet suum affectum, quia illi placent colloquia, & dicteria illius feminae; cum hoc sit allicere, & inclinare ad aliquam delectationem libidinofam, quamvis sit parva, talis Confessarius est denunciandus.

69 Secundus casus est; an si aliquis Confessarius diceret in actu Sacramentalis Confessionis feminae poenitentis meum bonum, mea vita, meum cor, amica mea, Angelus meus, & alia verba amatoria huiusmodi, esset denunciandus vt sollicitator? Thomas Hurtado distinguit, & dicit, quod si dicat Confessa-

rius



rius prima verba, vel alia similia, scilicet: meum bonum, mea vita, meum cor, est denunciandus, non autem si verba sint secundi generis, nempe amica mea, Angelus meus, & alia huiusmodi, sic sentit loco citato *resol. 65. §. 3. num. 942.* Sed talia verba prima, & secunda esse sollicitationes, secundum dicta nullum est dubium, nam posita in primo non sunt tam provocativa, & dixi esse sollicitationes.

70. Deinde probatur ad hominem contra Thomam Hurtado; nam ex eo asserit prima verba esse sollicitationem, quia dicere verba amatoria, quæ non nisi à marito respectu vxoris, aut ab amasio respectu suæ concubinæ dicuntur, sunt sollicitationes ad venerea; nam talia verba in foro externo manifestant malum animum Confessoris, & cum sint maximè teneritudinis, ad luxuriam multum feminas inclinant; sed eadem ratio militat in secundis verbis; siquidem amica mea, Angelus meus maritus dicit vxori, & amasius concubinæ, & etiam sunt verba allicitiva, quibus frequenter feminæ ad luxuriam provocantur ergo prima, & secunda verba sunt sollicitationes. Et si dicere verba æquivoca si redoleant aliquomodo allicientiam ad venerea secundum praxim Sancti Officii sunt sollicitationes comprehensæ in Bulla Gregoriana; multò melius erunt verba omnia posita, cum clarè amatoria sint.

71. Ex quibus, & ex dictis in resolutione questionis infero resolutionem alterius casus contra Thomam Hurtado loco citato *num. 935.* scilicet non solum esse sollicitationem comprehensam in Bullis osculare in Confessione feminam in facie, vel in ore, tangere crura, atrectare mammillas; sed etiam osculare manus, vellicare brachium, præmere pedem. Nam etiam si admittitur sententia defensante parvitatem materiæ in Sacramento Pœnitentiæ intra genus luxuriæ, osculare manus, vellicare brachium, & præmere pedem non sunt peccatum mortale, ex ea parte, qua opponuntur castitatis àmen, ratione scandalii peccatum lethale sunt; ergo quamvis iste Confessarius ex parte sua in his actionibus non peccet mortaliter intra genus luxuriæ, ratione

atione scandali peccatum lethale committit; sed ad intentum Pontificis, quòd Confessarius intra genus luxuriæ solùm venialiter peccet, per accidens est, vt sit denunciandus: ergo non solùm primæ actiones sunt sollicitationes denunciandæ, sed etiam secundæ. Minor subsumpta probatur; intentum Pontificis est vitare scandalum, & ruinam pœnitentis, vt patet ex illis verbis Bullæ: *In Divine Maiestatis offensam, animarum perniciem, Cbris- tificidii scandalum non modicum*: ergo quòd Confessarius peccet intra genus luxuriæ tantùm venialiter parùm refert ad intentum Bullarum contra sollicitantes; ideoque ad hoc vt deat peccatum grave scandali, vt ait D. Thomas Angelicus Præceptor 2.2. *quæst.* 43. *art.* 1. quem omnes Theologi sequuntur, solùm desideratur, *quod sit dictum, vel factum minus rectum præbens alteri occasionem ruinæ*, cum autem etiam si concedatur in illis factis non esse ex parte Confessarij peccatum grave intra genus luxuriæ, præbeat fœminæ occasionem ruinæ, quia frequenter cadunt cum his actionibus, etiam si multoties per accidens non cadant; hinc fit esse sollicitationes comprehensas in Bullis, non solùm prima facta, sed etiam secunda.

72 Ex quo infero, quòd in sententia, in qua defenditur parvitas materiæ intra genus luxuriæ, quando Confessarius exercet secunda facta, in illis actionibus datur duplex malitia, alia venialis intra genus luxuriæ, & alia mortalis ratione ruinæ, & scandali proximi passivi; quare DD. Inquisitores in foro externo semper præsumunt talia facta esse peccata mortalia, sicut si Confessarius diceret verba inhonesta, & turpia. Dixi, etiam si admittatur in rebus veneris intra Sacramentum parvitas materiæ, quia eam negavi, etiam extra Sacramentum §. 1. huius quæstionis. Sed adhuc admissa, dixi quòd proferre talia verba inhonesta, ratione scandali est peccatum mortale, etiam si extra Sacramentum ex levitate peccata gravia non sint. Probatur à paritate, nam si concionator exercendo munus prædicationis deliberatè diceret verba turpia, & inhonesta in sententia etiam peccaret lethaliter: ergo etiam Confessarius, si talia verba

pro-



proferret in Confessione. Probatur consequentia: sanctius debet tractari Sacramentum Pœnitentiæ, quam cathedra prædicationis, quia si ista est cathedra veritatis, Sacramentum Pœnitentiæ sanctitatis, sed proferre in pulpito talia verba est peccatum mortale: ergo multò melius in Confessione Sacramentali.

73 Ex quibus colligo decisionem trium casuum, de quibus Sousa *tract. 1. cap. 18. num. 14.* Diana *4. par. tract. 5. resol. 47.* Trimarchius *disp. 6. sect. 1. num. 9.* Primus casus est, quando Confessor in Confessione ante, vel post immediatè, vel in alijs locis, & circumstantijs contentis in Bulla Gregoriana, postea referendis, persuadet femina, ut sibi ostendat vas naturale, quod infirmum esse dixit ipsa, quia Confessarius est excellens chirurgus, & vult applicare medicinam ad illam infirmitatem curandam. Est enim hæc suasio aperta sollicitatio, quia tempus, & locus Confessionis non sunt apta ad medicinam corporalem præstandam, ut optimè Diana loco citato; & in praxi Inquisitionis Hispaniæ non solum iste Confessarius est denunciandus in hoc casu, sed etiam, si ut porrigat medicinam exposcat, ut femina ostendat superiores partes crurum. Ita Thomas Sanchez *lib. 9. de Matrim. disp. 46. num. 23.* & ego addo secundum dicta, quòd in hoc crimine non est parvas materiæ, ideoque etiam est sollicitatio comprehensa in Bulla, si Confessarius exposcat, ut sibi ostendat inferiores partes crurum, vel digitos pedum, quia circumstantia loci, & occasionis impertinens est ad medicinam præstandam. Ex his enim habes doctrinam ad discernendas alias sollicitationes paliatas huius generis.

74 Secundus casus ponitur & deciditur à Diana loco citato per hæc verba: Duo Confessarij fœminis sibi Confessis hanc imposuerunt pœnitentiam, ut ab ipsismet Confessarijs nuda verberarentur, & cum ad hoc pervenissent altera manu propria Confessarij, altera verò scutica, quam Confessarius tenebat manu vapulabat ab ipso. Dabiturum fuit, an huiusmodi actû sollicitationes in Confessione factæ dicenda forent. Et resoluta est pars affirmativa, & merito quidem cum sint actûs inhonesti, qui sollicitantes, seu pœnitentes

*ius sollicitationis tentationes dici debent.* Sed cōtra istā doctrinā potest fieri hæc instantia; ut aliqua sollicitatio sit comprehensa in Bulla debet esse, vel provocativa, aut scandalosā in Confessione, vel in illis locis, & occasionibus comprehensis in Bulla; sed huiusmodi sollicitationes si sunt provocativæ sunt extra Confessionem; & occasionem Confessionis; & extra locum deputatum ad audiendas Confessiones; cum verberationes, ex quibus potest sequi provocatio, fuerint procūl distantes ab his locis, & circumstantijs: ergo videtur, quod iste casus malè resolvitur à Diana.

75 Iste Auctor satisfacit tacitę obiectioni, & optimè cum ratione fundante suam resolutionem, quia demonstrat huiusmodi sollicitationes factas esse in Confessione; nam sunt pœnitentiæ, & pœnitentia Confessionis est annexa per se, cum sit pars Confessionis. Ex quibus est neganda minor instantiæ; quia cum in duobus Confessarijs illæ verberationes executæ fuerint, ut pœnitentiæ Confessionum ratione connexionis dicunt semper ordinem ad Confessionem; ac per consequens sunt factæ in Confessione, ut potè in parte integrali Confessionis. Idem iudicium debet fieri, si disponat Confessarius, quod ipsa mulier se verberet sine ostensione carnis, talitèr quod verberationes audiantur à Confessario; cum audire talia sit vrgentissimus stimulus luxuriæ respectu audientis; ideoque est denunciandus Confessarius, quia licet femina non provocetur, ille abutitur Sacramento Pœnitentiæ ad explendam suam libidinem.

76 Tercius casus est, si Confessarius facit, quod femina fœmoralia ostendat, vel subtilem subuculam, hæ enim visiones incitant ad luxuriam; quare huiusmodi Confessarius est denunciandus. Ita Thomas Hurtado tract. 4. resol. 64. nu. 921. §. 5. sed postea meo videri inconsequenter loquitur, siquidem hæc habet verba: *Quod si Confessarius remedium aliquod sciatur ad aliquam infirmitatem, quæ in hæst mammillis fœminarum, cum harum aspectus non sit ita de se provocativus ad luxuriam, non videtur denunciandus, nisi animum malum alijs signis ostenderit.* Dixi loqui

loqui inconsequenter; nam si videre femoralia, aut subuculam tantum, est actus sollicitationis comprehensus in Bulla, quia incitativus ad luxuriam, etiam si Confessarius non exposcat, quod femina ostendat carnes immediate; si in secundo casu postulat ut ostendat mammillas, quod magis incitat ad luxuriam, quare non erit maior provocatio, ac per consequens potiori titulo actus sollicitationis comprehensus in Bulla? In utroque enim casu Confessarius ut sollicitans est denunciandus, & ita intelligitur in nostra Inquisitione Hispanica.

77 Solùm adverto pro coronide, quòd in his factis, & verbis datur intra genus sacrilegæ sollicitationis maior, vel minor gravitas, ac per consequens etiam poenæ sunt maiores, vel minores in Sancto Officio ratione maioris, vel minoris scandalis; quis enim dubitat magis incitare tactus in mammillis, quam in facie, & magis in cruris; quàm in mammillis. Rursus magis incitat osculum in ore, quam in fronte. Idem constat de nutibus, magis enim movent, quæ fiunt toto corpore, quam qui fiunt capite, aut ore, nisi tali modo ista fiant, quòd magis provocent, & amplius incitant ad libidinem verba, quæ clare, & distinctè significant partes verendas, quam alia, quæ significant alias partes, & ex modo dicendi aliqua verba, magis tentant, quàm eadem verba dicta alio modo, quia ex primo modo dicendi vivacius significatur amor mundanus; ideoque iuxta naturam, & modum horum verborum, nuxum, & factorum habent maiorem; vel minorem gravitatem; ideoque gravius, vel mitius puniuntur in Sancto Officio, licet omnes talia exerceantur, ut sollicitantes puniantur, & ut tales debent denunciari.

\*\*\*

## QVÆSTIO II.

**UTRUM CONFESSARIUS CONSENTIENS**

*supra solicitationi factæ à femina sit denunciandus.*

**UTRUM SE CONFESSARIUS SOLICITET, ET FOEMINA**

*consentiat, hæc teneatur denunciare.*

**V** melius percipiatur resolutio huius quæstionis præ-  
mittondam, inclusam in hoc primo §. circa quam  
sunt varia placita DD. sed ut clariùs procedam ad duas senten-  
tias illâ reducâ. Prima asserit, huiusmodi foeminam non tene-  
ri denunciare Confessarium sollicitantem. Ita Portet *in addit. ad*  
*dub. regul. verb. Denuntiatio, num. 10. & verb. Solicitare foeminâ,*  
*num. 15.* & videtur hanc sententiam esse plausibilem, siquidem  
cômuniter equi docent Auctores classici, quod quis non teneatur  
denunciare, quando ex denunciatione sequitur aliquod grave  
detrimētum in vitâ, honore, & fama. Sic Barbola *de potest. Episc.*  
*allegat. 96. num. 17. & his lib. 2. de iust. cap. 30. dub. 6. num. 50. §. 6.*  
*Sanchez contr. lib. 3. disp. 13. num. 4. pag. 290. Suárez de censurâ*  
*disp. 20. sect. 3. regul. 3. num. 3. §. secundum exemplum, pag. 325.* Cum  
autem foemina sollicitata in Tribunali debeat fateri veritatem,  
teneatur si denuntiâ aperire consensum, quod est contra suam  
famam, & aliunde, etiam si illa taceat consensum, Confessor de-  
latus ad istius convictus dicit in Tribunali, se cum tali foemi-  
na tales, vel tales actus exercuisse, & sic exponitur fama mulie-  
ris. Vndè huiusmodi foemina saltè indirectè se proder, ad  
quod, ut dixi, non tenetur, nisi in casu quo periclitaretur Religio  
Catholica.

79 Secunda sententia est communior, quam sequitur in  
praxi Tribunal Sanctæ Inquisitionis, & meo videri hodie sen-  
tentia contraria est tenuæ probabilitatis. Quare debet defen-  
di.

di, quod etiam si fœmina cōsentiat sollicitationi est denunciandus Confessarius. Thomas Hurtado *tract. 4. cap. 5. resol. 4.* vocat hanc sententiam securiorem, quamvis num. 46. dicat contrariam probabilem esse. Illam patrocinantur Bonacina *tom. 1. disp. 6. de obligat. denunc. punct. 3. prop. 2. num. 10.* Peirinis *de privilegi. Minim. tom. 2. constit. 4.* Gregorij XV. §. 3. num. 11. Acuña *de Confess. sollicitant. quæst. 10. num. 10.* Santarellus *tract. de heresi, cap. 44. dub. vnic. num. 12.* Diana 1. par. *tract. 4. resol. 9. vers. Notandum est & 4. par. tract. 5. resol. 31.*

80. Hæc resolutio primò constat ex tenore Bullæ Gregorij XV. siquidem secundum illam est puniendus, & denunciandus Confessarius provocans, alliciens, & tentans pœnitentes ad inhonestâ; sed huiusmodi Confessarius sollicitat, tentat, & provocat ad inhonestâ: ergo ut comprehensus in Bulla Gregoriana est denunciandus, etiam si fœmina consentiat. Secundò constat ex quadam epistola, quam affert Diana 4. par. citata Cardinalis Melini, directâ ad Fredericum Cardinalem Borromeum, Archiepiscopum Mediolan. expedita die 27. Septemb. anno 1624. ubi expressè declaratur, talem Confessarium fore denunciandum secundum tenorem Bullæ Gregorij XV.

81. Secundum tenorem huius epistolæ primò non est audienda sententia Sossæ, qui in sua *tract. de Confess. sollicitant. tract. 2. cap. 7. num. 4.* affert, quod si fœmina consentit sollicitationi, & committit peccatum præsertim in Confessione, non tenetur denunciare Confessarium; nam apertè contrariatur epistolæ relatæ, & Bullæ Gregorianæ, ad quod principalitèr est attendendum. Secundò non est deducenda ad præmissam sententia, Freitas in edit. noviss. *de Confess. sollicitant. quæst. 10. num. 40.* qui affert, huiusmodi fœminam consentientem sollicitationi non solum teneri denunciare Confessarium sollicitantem, sed etiam aperire copulam, & omnes actus inhonestos, & si hoc non facit, possunt DD. Inquisitores interrogare de omnibus rebus inhonestis exercitis cum Confessario. Hoc enim non potest sustineri; quia, inter alia, in epistola citata Cardinalis Me-



lini dicitur, fuisse determinatum in Sacra Congregatione, fœminam sollicitatam non teneri deferre, nec explicare in delatione proprium consensum, neque debere Inquisitorem, vel Vicarium de illo interrogare; non pono verba, quia est epistola idiomate Italix scripta; sed expressissima quod transcribo, invenies in dicta epistola.

82 Per quod patet ad fundamentum contrariæ sententiæ, quia in hoc casu non obligatur fœmina sollicitata ad deregendam propriam turpitudinem, sed tantummodò ad manifestandum Confessarium sollicitantem, quod potest fieri absque eo, quòd explicetur consensus, dicendo se denunciare, vel ex zelo fidei, vel ne incurrat pœnas impositas contra non denunciantes. Et si cōtra tenorem Bullæ, vel epistolæ relatæ interrogent DD. Inquisitores de consensu ex parte fœminæ, potest huiusmodi fœmina negare consensum, vel vtendo verbis equivocis, vel aliquo signo externo, vel attentis circumstantiis taliter, quòd non addat tantum in mente restrictionem, ne incidat in propositionem 26. damnatam ab Innocentio XI. Et ratio huius est, quia nemo tenetur spontè propalare delictum proprium, quia non est potestas humana, quæ ad hoc obliget, quando delictum non est ad minus semiplenè probatum; quare si interrogaretur de consensu modo dicto, potest negare, quia non interrogatur iuridicè.

83 Dices: complex, vel socius criminis non tenetur denunciare cum periculo suæ famæ; sed si mulier sollicitata quæ consensu sit, donunciat, etiam si taceat consensum deferret delationem Confessarij cum periculo propriæ famæ: ergo non tenetur denunciare, etiam si taceat consensum. Probatum minor; si postea Confessarius incarceratur, vel in primis audiencijs, vel postquam publicantur dicta testiū confitetur sua crimina cū omnibus circumstantiis; ac per consequens vt mitiùs puniatur, explicat non solum consensum fœminæ, sed facilitatem si illam habuit, & multoties aliqua verba equivoca ex parte fœminæ, quæ fuerunt allicitiva, & provocativa Confessarij; sed hoc est exponere se periculo amittendi suam famam: ergo etiam si fœmina soli-

*solicitata non explicet consensum*, si deferat delationem Confessarij sollicitantis ad DD. Inquisitores sua fama periclitatur, cum hoc enim periculo ad summum in casu hæresis est denunciandum.

84 De hoc puncto aliqua dixi *1. pars. quest.* 7. §. 4. sed quia constat experientia, quod præter inconveniens ponderatum, non solum foeminae, sed etiam aliqui Theologi maxime dubitarunt consulendo de obligatione denunciandi Confessarium, quando foemina consensit, & exercuit aliquos actus turpes cooperando cum Confessario, dicendo, quod Commissarij Sancti Officij interrogant non solum de sollicitatione Confessarij, sed etiam de actibus, ad quos cooperarunt foeminae sollicitatae, hæc posui, & aliunde, quod in processu, in Confessione rei, non solum scribuntur actus turpes Confessarij, sed etiam cooperationes pœnitentium; cum autem nullos teneatur denunciare cum periculo propriæ famæ, & procedendo prædicto modo non solum femina amittit famam apud DD. Inquisitores, sed etiam apud alios assistentes, quando legitur sententia cum meritis; videtur cum maximo fundamento dubitari de obligatione foeminae ad Confessarium denunciandum, quando consensit sollicitationi.

85 Quare ut in hoc puncto non remaneat fundamentum dubitandi de obligatione denunciandi huiusmodi Confessarium, omnia quæ fiunt, & debent fieri in similibus casibus, ad occultandum consensum foeminae sollicitatae aperiunt. Primò, ut dixi *1. par. quest. citat.* Confessarius monens de obligatione denunciandi debet instruere taliter pœnitentem, quod explicet integrè sollicitationes, & actiones, vel verba obscena Confessarij, & nihil dicat, nec de proprio consensu, nec de suis actibus impudicis. Secundò, omnes qui scripserunt de hac materia dicunt, quod etiam si pœnitens explicet consensum in Tribunali, non scribitur in actis, nec debet scribi, quia est res non spectans ad Tribunal Inquisitionis. Ita Peirinis loco citato. Tertiò, admoneo Commissarios Sancti Officij, ne interrogent à foeminis

minis sollicitatis, nec de consensu, nec de suis cooperationibus; quia postea hoc referunt, & non solum illarum, sed etiam aliarum sollicitatarum retrahuntur à delatione Confessorum sollicitantium in perniciem animarum, & iniuriam Sacramenti Pœnitentiæ; si enim omnia ista observantur, fœminarum sollicitatarum nullum vestigium rationis allegare possunt ad omittendam sollicitationis delationem, quando consenserunt, & credant, quod ita oportet, ut fiat examen, & legatur sententia cum meritis, quia aliquando audivi, quod ex circumstantiis cooperationis cognoverunt, audientes merita causarum, quæ erant illarum fœminarum sollicitatarum, & præcipuè debet observari, si fœminarum sollicitatarum sunt honestæ in foro externo.

86. Etiam adverto, quod in aliquibus sollicitationibus oportet explicare aliquomodo consensum, & cooperationem fœminarum sollicitatarum, quia alio modo non potest constare gravitatem, & enormitatem criminis, ut contigit quando Confessarius habuit copulam in actu Sacramentalis Confessionis, vel sodomiticum congressum, & alia huiusmodi. Sed in his, & similibus casibus, ne retrahantur fœminarum sollicitatarum ab obligatione denunciandi, & tam enormia crimina maneat impunita, salvo stylo Sanctæ Inquisitionis, intelligo multum iubare ad huiusmodi delationes deferendas, si de his non fieret mentio coram Sacerdotibus vocatis ad audiendam sententiam, nec coram communitate regulari, si Confessarius sollicitans regularis fuerit. Hæc dixi, ut cōsultantes nullum fundamentum habeant, ut liberent pœnitentes ab obligatione, & onere denunciandi in Sancto Officio, & si hæc via placuerit DD. Inquisitoribus ad procedendum in his, & similibus casibus, quia ego in omnibus sequor toto corde stylum, & praxim Tribunalis, utpotè meliorem, & securiorem.



§. II.

QVÆSTIONI RESPONDETUR.

87 **I**N hac gravissima quæstione duplex est sententia: prima defensat, talem Confessarium consentientē sollicitationi factæ à femina, nec ex vi Bullarum antiquarum, neque Bullæ Gregorij XV. fore denunciandum. Ita Thomas Hurtado *tract. 4. cap. 8. resol. 32. num. 323. & seqq.* citat pro hac sententia Santarellum *tract. de hæresi, cap. 46. num. 2.* Ioann. Sanchez *in select. 11. num. 25 & 26.* Homobonum *de exam. Eccles. tom. 2. tract. 11. cap. 12. quæst. 26.* Bonacinam *tom. 1. disp. 6. de onere denunciandi, punct. 3. num. 17.* Lezanam *in summ. cap. 19. num. 34.* Bosium *in addit. dub. 3. à num. 8.* Acuña *tract. de Confess. sollicit. quæst. 11.* Portel *in addit. ad dub. regular. num. 10.* Hieronymum Rodriguez *resol. 131. num. 7.* & Bonacina loco citato addit Grassium *cons. 7. num. 8. de pœnitentia, & remiss.* Eandem sententiam defensat noster Peirinis *tom. 2. privileg. constit. 4. Gregorij XV. num. 9. §. 3.* etiam ad illam inclinatur Diana *1. par. tract. 4. resol. 9.* siquidem *vers. Non reticebo*, dicit: *Hæc opinio probabilis, & iusta mihi videtur.*

88 Secunda sententia procedit cum distinctione, & dicit esse distinguendum, nam vel loquitur quæstio tenore Bullarum Pauli V. Pij IV. Clementis VIII. vel tenore Bullæ Gregorij XV. si sit sermo tenore aliarum Bullarum, Confessarius consentiens sollicitationi non est denunciandus, & in hoc sensu loquuntur plures Auctores antiqui citati pro prima sententia, & aliqui moderni. Si autem sit sermo in terminis Bullæ Gregorij XV. Confessarius consentiens sollicitationi denunciandus est. Ita Pater Hieronymus Trimarchius *disput. 9. num. 5. & 6.* P. Salles *tom. 1. de mater. Inquis. lib. 1. cap. 16. regul. 130. num. 63. & seqq.* & statuit pro regula Tribunalis, quòd si Confessarius consentiat semper est denunciandus, secundum Bullas Pij IV. Pauli V. & Clementis VIII. & multò certius secundum Constitutionem

C

Grego

Gregorij XV. Eandem sententiam defenfat Diana 4.p.tract. 3.resol.4.idemque docet resol.15.& Paramus de origine Inquisit. quest.10. Carena 2.p.tit.6. de Confessar sollicit. §.5.num.35. dicit hunc casum non esse decidendum in consulto supremo Senatu.

89. Sit prima conclusio: Confessarius consentiens sollicitationi factæ à femina tenore Bullæ Gregorij XV. est denunciandus DD. Inquisitoribus. Ita observatur in praxi in Hispaniarum Inquisitionibus, Probatur primo ex verbis Bullæ, nam in illa non solum comprehenduntur Confessarij, qui in actu Sacramentalis Confessionis provocant, tentant, & elliciunt, sed etiam qui habent inhonestos sermones, & tractatus; sed Confessarius consentiens sollicitationi factæ à femina, habet sermones inhonestos, seu tractatus: ergo tenore Bullæ Gregorij XV. talis Confessarius denunciandus est. Maior constat, siquidem in ipsa Bulla loquendo de obligatione Confessariorum ad monendos pœnitentes sollicitatos ab alijs Confessarijs, ut eos denunciarent, hæc sunt verba: *Moneant de obligatione denunciandi sollicitantes, seu ut præfertur tractantes*: ergo non solum est obligatio denunciandi Confessarios sollicitantes, & provocantes, sed etiam tractantes de rebus inhonestis, sive per verba, sive per facta. Probatur minor: talis Confessarius, vel consentit sollicitationi per verba, aut per signa, aut per facta; si per verba, vel signa, habet sermones inhonestos, quia signa supponunt pro verbis; si per facta, habet inhonestos tractatus: ergo Confessarius consentiens sollicitationi habet cum femina pœnitente inhonestos sermones, vel tractatus; ac per consequens tenore Bullæ Gregorij XV. est denunciandus.

90. Probatur secundo: tenore Bullæ Gregorij XV. idem Confessarius sollicitans est denunciandus, quia abutitur Sacramento Pœnitentiæ, sed Confessarius consentiens sollicitationi æquè abutitur Sacramento Pœnitentiæ, ac si ille sollicitaret: ergo tenore Bullæ Gregorij XV. est denunciandus. Probatur minor: ex eo Confessarius sollicitans abutitur Sacramento Pœnitentiæ, quia sollicitando ad venerea lædit puritatem Sacramen-



ti; sed puritas Sacramenti æquè læditur consentiendo sollicitationi; quia cooperatur cum fœmina sollicitante ad libidinem: ergo Confessarius consentiens sollicitationi, æquè abutitur Sacramento Pœnitentiæ, ac Confessarius sollicitans, ac per consequens est denunciandus. Confirmatur hac instantiâ: nullus effugit pœnas pro delicto aliquo taxatas, ex eo quod sollicitatus v.g. ad sodomiam, aut ad sacrilegium, huiusmodi peccata committat: ergo neque effugiet hæresis suspicionem, & pœnas Bullæ Gregorianæ, ex eo quod sollicitatus à fœmina peccaverit in Confessione in rebus venereis.

91. Sic 2. conclusio: Confessarius consentiens sollicitationi factæ à fœmina pœnitenti, non solum denunciandus est DD. Inquisitoribus tenore Bullæ Gregorij XV. sed etiam vi Bullarum Pij IV. Pauli V. & Clementis VIII. ita Salelles loco citato, num. 70. & seqq. contra Castrum Palaum 1. part. disp. 9. punct. 5. num. 4. Probatur ex doctrina tradita à Ioan. Sanchez in se'lect. disp. 11. num. 28. quia ut rectè asserit iste Auctor, quando Confessarius ex parte consentit sollicitationi est denunciandus tenore Bullarum: ergo multo melius quando totalitèr consentit. Probatur antecedens: ex eo est denunciandus Confessarius vigore prædictarum Bullarum, quia abutitur Sacramento Pœnitentiæ, sed qui consentit sollicitationi abutitur Sacramento Pœnitentiæ, quia ut dixi, per cooperationem ad venerea puritas Sacramenti læditur: ergo Confessarius consentiens sollicitationi est denunciandus, non solum tenore Bullæ Gregorij XV. sed etiam vi Bullarum Pij IV. Pauli V. & Clementis VIII.

92. Confirmatur: finis denunciandi Confessarium sollicitantem ad venerea est abusus Sacramenti Pœnitentiæ; talitèr, quod idè est denunciandus Confessarius sollicitans, & provocans ad venerea, quia abutitur Sacramento Pœnitentiæ, & hoc est vigore omnium Bullarum contra sollicitantes; sed qui consentit sollicitationi factæ à fœmina pœnitente abutitur Sacramento Pœnitentiæ, siquidem lædit illius puritatem, ergo huiusmodi Confessarius est denunciandus tenore omnium Bullarum

contra sollicitantes. Minor constat: ex eo qui sollicitat, provocat, vel tentat ad libidinem in Confessione abutitur Sacramento Pœnitentiæ, quia illo malè utitur ad explendam libidinem; sed qui consentit sollicitationi factæ à fœmina pœnitente utitur Sacramento ad explendam libidinem: ergo huiusmodi Confessarius est denunciandus, quia abutitur Sacramento Pœnitentiæ.

93 Sit 3. conclusio: non solum est denunciandus Confessarius consentiens sollicitationi, quando Confessarius in ipsa Confessione actum turpem exequitur, ut factus impudicos in partibus verendis, mollitiem, &c. sed etiam quando solum assentitur simpliciter sollicitationi, ut postea hæc inhonesta extra Confessionem exercentur. Hæc conclusio est doctrina Patris Salesii loco citato, num. 68. illamque defensat in terminis Diana loco citato, versio. Verum contrariam sententiam, citatque pro illa aliquos Auctores, estque contra D. Ioann. Escobar loco citato, num. 45. & contra nostrum Peirinum, etiam loco citato, num. 10. Ex dictis facile probatur hæc conclusio: Non solum Cōfessarius abutitur Sacramento Pœnitentiæ quando consentit sollicitationi, & ibi exercet actus inhonestos, sed etiam quando consentit simpliciter, ut postea talia inhonesta exequantur; sed in primo casu est denunciandus: ergo etiam in secundo. Præterea, quia qui consentit ut postea turpia exequatur, habet in Sacramento Pœnitentiæ tractatus, & sermones inhonestos, quod prohibetur in Bulla Gregorij XV.

## §. III.

## ARGUMENTIS CONTRARIIS SATISFIT.

94 PRIMVM argumentum militat contra 1. conclusio-  
nem, & potest ad hanc formam reduci: Bulla Grego-  
ri XV. solum comprehendit Confessarios suspectos in fide; sed  
qui consentit sollicitationi factæ à fœmina, non est adhuc leviter  
suspectus in fide: ergo non est comprehensus in Bulla Gregorij  
XV. Minor probatur: ut aliquis sit leviter suspectus in fide, oportet

tet ut aliquomodo prudenter præsumatur, illum malè sentire de fide; sed de illo qui consentit sollicitationi, non præsumitur malè sentire de fide, quia solum præsumitur consensisse ex humana fragilitate: ergo qui consentit sollicitationi, nec levitèr est suspectus in fide; ac per consequens nec est denunciandus Inquisitoribus tenore Bullæ Gregorianæ.

95 Respondetur negando minorem; ad illius probationem etiam est neganda minor, nam factum scilicèt consensus est delictum generans suspicionem in fide, quia potest procedere, vel ex fragilitate, vel ex mala credulitate; ideòque prudenter præsumitur talia exercentem malè sentire de Sacramento Pœnitentiæ, licèt frequentius huiusmodi delicta procedant ex affectu ad libidinem; ideòque in nostra Hispanica Inquisitione Confessarius abutens Sacramento Pœnitentiæ ad suam libidinem explendam, tantum est suspectus de levi in fide.

96 Secundum argumentum sic procedit à paritate: quando ab Episcopis reservatur delictum sodomix, solum in reservatione comprehenduntur agentes, non autem patientes, quia reservatio est respectu exercentium sodomiam, & patientes, nō dicuntur exercere actum sodomiticum, sed pati. Ita Graff. cum alijs de casibus reservat. lib. 1. cap. 11. de sodomia, num. 5. sed Bulla Gregorij XV. est contra Confessarios sollicitantes, & Confessarius consentiens sollicitationi non est sollicitans, quia se habet per modum patientis: ergo tale delictum non est comprehensum in Bulla Gregoriana. Præterea, quia in isto Confessario non est consideranda tanta malitia, quanta est in Confessario sollicitante.

97 Duplicitèr potest responderi huic argumento. Primò, assignando disparitatem inter casus reservados, & crimen sollicitationis; nam reservatio est odiosa, ideòque restringenda; at verò Bulla Gregorij XV. est favorabilis, quia ut dixi, præcipuus finis Bullæ est favor Sacramenti, & animarum, ideòque amplianda ad casus similes. Secundò responderetur concedendò maiorem, & distinguendò minorem; Bulla Gregorij est contra

Con:

Confessarios solicitantes tantum, nego minorem; contra Confessarios solicitantes, & habentes cum pœnitentibus inhonestos sermones, vel tractus, concedo minorem; idèoque etiam si admittatur, quòd huiusmodi Bulla est odiosa, cum iste casus sit comprehensus expressè in Bulla, quia Confessarius cum fœmina pœnitente habet inhonestos sermones, vel tractatus, vt dixi in prima probatione primæ conclusionis §. antecedenti, denuntiandus est.

98 Ad illud quod dicitur de malitia peccati huius Confessarij responderetur, esse eiusdem speciei cum sollicitatione, & tentatione in alijs Confessarijs, solumque differunt huiusmodi delicta, gradualitèr, vel penes magis, & minus, quia in duplici casu datur abusus Sacramenti Pœnitentiæ, & oppositio eidem virtuti; cum autem secundum Constitutionem Gregorij XV. non solum in Confessario sollicitante, sed etiam in consentiente sollicitationi factæ à fœmina, generatur suspitio in fide iuris, & à iure; hinc deducitur, Confessarium sollicitantem, & consentientem sollicitationi subijci iurisdictioni DD. Inquisitorum.

99 Tertium argumentum est Thomæ Hurcado loco citato, quod sic procedit: Gregorius XV. solum prohibet, & subijcit Inquisitoribus illam sollicitationem, quæ est scandalosa pœnitenti; sed Confessarius consentiens sollicitationi non scandalizat pœnitentem, nec provocat, sed ille provocatur, & scandalizatur: ergo tenore Bullæ Gregorianæ huiusmodi Confessarius non est denunciandus Minor constat: quando Confessarius sollicitat fœminam pœnitentem, & illa consentit, quamvis postea habeat cum illo Confessario sermones inhonestos, & tractatus, non dicitur quòd sollicitat, vel scandalizat Confessarium: ergo idem est discurrendum de Confessario consentiente, etiam si postea habeat cum fœmina sermones, vel tractatus inhonestos, Maior in qua consistit difficultas probatur: ratio motiva quare disponit Gregorius XV. quòd Confessarij solicitantes tam severe puniantur in Tribunali Inquisitionis est, vt loquitur in Bulla, quia mulieres pœnitentes ad actus inhonestos, dum earum

audiunt

*adiunt Confessiones alliciendo & provocando, seu allicere, & provocare tentando, ac procurando, loco earum per Sacerdotem huiusmodi Creatori nostro, reconciliationis graviorum peccatorum molles eas onerando, & in manus Diaboli tradendo, in Divina Maiestatis offensam, & animarum perniciem, & Christi fidei scandalum non modicum: Verba autem allicere, provocare, tentare, & scandalum non modicum, apertè denotant, quòd non est casus comprehensus in Bulla si Confessarius inhonestus non incipit: ergo Summus Pontifex solum subijcit DD. Inquisitoribus sollicitationem scandalosam pœnitenti.*

100. Confirmat argumentum in hac forma: non enim dicitur aliquis alium provocare, & tentare, si iam provocatus, & tentatus invenitur; sed quando Confessarius consentit sollicitationi factæ à femina pœnitente, ista iam est provocata, & tentata: ergo etiam si Confessarius postea exerceat actus inhonestos, vel dicat aliqua obscena; cum ista non sint provocativa, non comprehenduntur in Bulla: quare illa verba: *Aut cum eis illicitos sermones, vel tractatus habuerint*, debent referri ad antecedentia, & intelligi de sermonibus, & operationibus inhonestis, quæ ex parte Confessarij sint provocativa, & præbeant pœnitenti occasionem ruinæ, ut constat ex illis verbis: *Scandalum non modicum.*

101. Ad dicta reducuntur omnia quæ affert pro sua sententia doctissimus P. Thomas Hurtado, & licet secundum verba relata Bullæ sint efficacissima, obstant alia quæ in eadem Bulla Summus Pastor ponit. Quare respondeo ad argumentum negando maiorem; ad illius probationem distinguenda est maior: ratio motiva Summi Pontificis est, quia Confessarij sollicitantes provocant, tentant, & scandalizant pœnitentes; ratio motiva adæquata, nego maiorem; inadæquata, quamvis sufficiens, concedo maiorem. Ex eo enim Summus Pastor in motivo Bullæ principaliter fecit mentionem de sollicitatione provocativa, & scandalosa, quia hæc frequentius contingit; sed non solum prohibet hoc delictum, sed quodlibet inhonestum patratum in  
Sacra.



Sacramento Pœnitentiæ, quia motivum adæquatum subijciendi hoc delictum Inquisitoribus est abusus Sacramenti Pœnitentiæ, & ut expressè hoc declarer, dicit esse denunciandos non solum Confessarios qui abutuntur hoc Sacramento, alligando, tentando, scandalizando, & provocando, sed etiam eos qui habent cum pœnitentibus sermones, vel tractatus inhonestos, quia etiam in hoc casu reperitur abusus Sacramenti. Per quod patet ad confirmationem, quia si intentum Summi Pontificis solum esset ut denunciarentur illi Confessarij qui abutuntur Sacramento Pœnitentiæ, provocando, vel scandalizando pœnitentes; ad quid essent illa verba: *Aut cum eis illicitos sermones, vel tractatus habuerint.*

102. Argues quartò cum D. Ioanne Escobar à Corro, loco citato, contra 2. conclusionem: in Diplomatis Pontificijs antiquis solum subijcitur iurisdictioni Inquisitorum Confessarius provocans, & sollicitans; nam solum in Bulla Gregoriana inveniuntur illa verba: *Aut cum eis illicitos sermones, vel tractatus habuerint;* sed Confessarius consentiens sollicitationi, nec sollicitat, nec provocat: ergo vigore aliorum Diplomatum non venit denunciandus: ergo solum est denunciandus attenta nova Constitutione Gregorij XV.

103. Antequam respondeam ad argumentum non possum omittere distinctionem D. Ioan. Escobar à Corro, & sua ratione satisfaciam huic argumento; nam loco citato, num. 39. defensat, huiusmodi Confessarium vigore Bullarum antiquarum non fore denunciandum, etiam si non solum assentiatur sollicitationi, sed etiam si postea turpem actum extra Sacramentum cum femina sollicitante adimpleat, quia verè non sollicitat Confessarius; & postea num. 40. tenet, quòd si in ipsomet Sacramento, paulò ante, vel post habeat coitum cum ea, est denunciandus. Tum, quia sollicitatio non solum prohibetur per se, sed quatenus dirigitur ad obscenòs actus. Tum, quia prohibetur sollicitatio, velut preparatoria ad copulam. Tum, quia adest abusus Sacramenti Pœnitentiæ. Videtur enim in his esse inconsequen-

tiam

fiat doctrinæ; nam quando Confessarius consentit sollicitationi, ut postea cum fœmina turpem actum adimpleat, ille consensus dirigitur in actum Sacramentalis Confessionis ad obscenos actus, etiam est præparatorius ad copulam, & abusivus Sacramenti; sed quia quando adest coitus in Sacramentali Confessione, talis consensus dirigitur ad copulam, vel ad obscenos actus, & quia datur abusus Sacramenti, etiam si Confessarius non sollicitet, aut provocat, est denunciandus in sententia huius Auctoris: ergo similiter quando consentit in Sacramentali Confessione, ut postea exerceat copulam, vel actus obscenos, quia talis consensus dirigitur ad copulam, vel ad actus obscenos, & est abusivus Sacramenti Pœnitentiæ; quamvis Confessarius non sollicitet.

104 Ex his faciliè responderetur ad argumentum, negando maiorem; nam in Diplommatibus antiquis non solum fit mentio de sollicitatione activa Confessarij, sed etiam de abusu Sacramenti Pœnitentiæ; imò potius provocatio, & sollicitatio ad venerea, subiiciuntur DD. Inquisitoribus propter abusum Sacramenti Pœnitentiæ, quamvis non provocat, nec sollicitet ad venerea; & in dictis Bullis subiiciantur DD. Inquisitoribus omnes Confessarij abutentes Sacramento Pœnitentiæ; hinc est, quòd vigore harum Bullarum talis Confessarius est denunciandus.

105 Quintum argumennum sic procedit contra eandem conclusionem ex doctrina Castri à Palao loco citato, & Thomæ Hurtado, num. 329. Licitum est alteri consulere minus malum, ut maius vitetur: ergo licet sit illicitum consentire sollicitationi ad venerea, saltem non erit denunciandus Confessarius, si mulier sollicitat ad copulam, & ille solum consentit ad oscula, & tactus. Probatur consequentia: huiusmodi Confessarius est sollicitatus ad maius malum, & solum consentit, & suadet, quod est minus; sed qui consulit minus malum, ut vitet maius non peccat: ergo licet huiusmodi Confessarius peccet graviter, quia est provocatus ad maius malum, & suadet minus, ad quod etiam est provocatus, non est denunciandus.

*Dd*

*Ad*

106 Ad hoc argumentum responderet Ioan. Sanchez *in select.*  
*disp. 11 num. 28. in fine*, tale Confessarium fore denunciandum,  
 quia tenetur non solum non consentire copulæ, ad quam solici-  
 tatur, sed non exercere alios actus venereos, etiam si sint mi-  
 noris malitiæ; nam licet sit licitum alteri consulere minus ma-  
 lum, ut maius vitetur, quando alia via vitari non potest; cum  
 quilibet in se ipso vitare possit maius malum sine effectione  
 minoris, nullo modo licet minus efficere; cum autem huiusmo-  
 di Confessarius sollicitatus ad copulam non solum teneatur vi-  
 tare copulam, sed etiam oscula & tactus; etiam si sint minora  
 mala, dum illa amplectitur, est reus denunciationis vigore Di-  
 plomatum antiquorum, quia lædit puritatem Sacramenti Pœ-  
 nitentiæ intra eandem speciem, etiam si tam graviter non abu-  
 satur. Ex dictis facile solves argumenta quæ possunt fieri con-  
 tra tertiam conclusionem, ideoque illa omitto.

## §. IV.

## ALIIQA COROLARIA, ET DVBIOLA PROPONVNTVR.

107 **E**X dictis infero 1. maioris claritatis gratia, quod si  
 accedit ad Confessarium aliqua fœmina, vel animo  
 verè confitendi sua peccata, vel simulando Confessionem, &  
 sollicitat Confessarium ad copulam, & ille ab illa dissuadet, & est  
 contentus solum cum osculis, vel tactibus in mamillis, vel cum  
 velicationibus brachij, &c. est denunciandus virtute saltem  
 Bullæ Gregorij XV. Quæ resolutio est contra Castrum à Palao,  
*num. 4* citato; sed est conformis praxi Inquisitionis, & Bullæ  
 Gregorianæ, & etiam si in actu veræ Confessionis, vel simulate  
 nullam actionem veneream exerceat dummodo consentiat, &  
 se ostendat paratqs ad illas actiones exercendas extra Confes-  
 sionem, quia iam verificantur verba Bullæ; nam explicare illum  
 consensum, est habere cum fœmina pœnitente sermones inho-  
 nestos; ergo talis Confessarius denunciandus est. Tum, quia  
 abutitur Sacramento Pœnitentiæ, non solum vigore Bullæ Gre-  
 goriæ.

gorianæ, verum etiam aliarum antiquarum, huiusmodi Confessarius est deferendus ad Tribunal Sanctæ Inquisitionis.

108 Infero 2. casum practicum: si fœmina videns Confessarium, cum quo habet res inhonestas in Confessionali, accedit ad illum, & genuflectit, non animo confitendi, sed loquendi inhonestè, & ambo simul ad invicem se sollicitant, sive Confessarius incipiat sollicitationem, sive fœmina, huiusmodi Confessarius est denunciandus. Quæ resolutio est contra nostrum Perrinum loco citato, *num. 10.* sed est iuxta stylum Tribunalis, fundatum in verbis citatis Bullæ: ergo hæc sententia est sequenda in praxi. Dixi sive Confessarius incipiat, sive fœmina; quia ex suppositione quod fœmina sit parata ad venerea, per accidens est, quod fœmina incipiat, vel Confessarius.

109 Infero 3. cum Bonacina *tom. 1. disp. 6. de onere, & obligat. denuncian. num. 17. vers. Hoc tamen intelligitur*, quod si accederet fœmina ad Confessarium animo confitendi, & se accusaret de pravo affectu erga Confessarium, & de innumeris cogitationibus cum consensu voluntatis directis ferè semper à vehementi passione exequendi cum illo suam libidinem; sed non animo provocandi, sed confitendi, vel fugiendi talia mala, & Confessarius inde ansam assumeret ad sollicitandum ad turpia, etiam si in casibus antecedentibus non esset denunciandus, benè verò in præsentii; quia in hoc casu pœnitens fœmina non sollicitat, nec provocat Confessarium, sed ille scandalizat, & tentat: ergo absque dubio est denunciandus.

110 Infero 4. cum Escobar à Corro, loco citato, *num. 49.* quod etiam in contraria sententia, in qua Confessarius consentiens sollicitationi factæ à fœmina, non est denunciandus, si hæc sollicitaret ad oscula, Confessariusque ad copulam, vel ad veneranda contrectanda, aut ad aliud distinctum actum non inclusum in sollicitatione fœminæ, dicere non esse denunciandum huiusmodi Confessarium, est improbabile, quia in nulla sententia dicitur Confessarium sollicitantem in Confessione non esse denunciandum; sed in præsentii casu verè sollicitat ad actum

venerendum, ad quem non est sollicitatus: ergo etiam in sententia contraria est denunciandus.

111. Infero, 3. alium datum praeceptum traditum à Diana loco citato, 4. part. Accedit foemina non animo verè confitendi, sed sollicitandi Confessarium, & de facto illum sollicitat ad inhonestà; tunc responderet Confessarius, hic non loquamur de triplici hac materia; relinquamus adimpletionem nostri desiderij ad aliud tempus, & postea non præbet foeminae absolutionem; in hoc enim casu etiam iste Confessarius est denunciandus. Probat hanc resolutionem Diana hac ratione: ut Confessarius dicatur verè sollicitator, non est opus ut Sacramentalem absolutionem impendat, nec quòd de rebus veneris, longius cum poenitente loquatur; sed sufficit sollicitationi foeminae acquiescere, quia talis consensus ad sollicitationem non efficitur mentalitèr, sed verbis; sed eo ipso quòd efficiatur verbis, vel signis, habet cum poenitente inhonestos sermones, vel tractatus, quod expresse prohibetur per Bullam Gregorij XV. & aliunde abutitur Sacramento Poenitentiae: ergo ut sollicitator est denunciandus.

112. Sed P. Sousa in apbor. Inquisit. lib. 1. cap. 34. num. 10. defendit talem Confessarium non esse denunciandum, ratio illius potest hoc modo proponi: ut Confessarius incadat in poenas sollicitationis, oportet quòd inferat iniuriam Sacramento Poenitentiae; sed si non impendit absolutionem, nullam iniuriam infert: ergo verè non est sollicitator. Probat minor, quando poenitenti indisposito negatur absolutio, etiam si Confessarius non conetur avertere à peccato poenitentem, non fit iniuria Sacramento Poenitentiae, etiam si tunc sit Minister infidelis Confessarius, quia ad illius munus attinet avertere poenitentem à malo proposito; sed huiusmodi Confessarius negavit absolutionem poenitenti indisposito: ergo quàmvis sit infidelis Minister, non infert iniuriam Sacramento Poenitentiae.

113. Responderetur negando minorem: ad illius probationem distinguo maiorem; quando poenitenti indisposito non im-



penditur absolutio, nulla fit iniuria Sacramento, si cum illo consentiendo non cooperatur ad peccatum, concedo maiorem; si explicando verbis, aut signis consentum cooperatur, nego maiorem. Itaque in nostro casu Confessarius, & est infidelis Minister, quia non conatur avertere foeminam ab illo malo proposito, & est sollicitator, quia præter hoc consentiendo sollicitationi cooperatur cum illa ad peccatum iniuriando Sacramentum Poenitentiae; in quo consistit abusus Sacramenti; & sic non solum, ut vult Soula, Confessarius dicitur male utens, sed positivè abutens Sacramento.

- 1147. Ex dictis occurrit primum dubiolū: si talis Confessarius, nec verbis, nec signis manifestaret consensum, & solum non dissuaderet foeminam à malo proposito, esset ne denunciandus? D. Ioan. Escobar à Corro. respondet negativè loco citato, num. 44. in fine; sed ego existimo loquendum esse cum distinctione: Si enim nec signis, nec verbis explicet consensum, nec postea illam foeminam querit ad loquendum inhonestè, nullo modo est denunciandus, etiam si internè consentiat, quia actus interni non subiacent poenis fori exterioris, ut communiter tenent DD. vnde quavis talis Confessarius sit Minister infidelis; quia non conatur avertere foeminam ab illo impudico proposito, nullo modo est positivè abutens, sed male utens Sacramento, ac per consequens non est denunciandus. Si autem non solum internè consentiat, sed postea transacto intervallo temporis querat foeminam, & explicet suum consensum, habet maiorem difficultatem, licet D. Ioan. Escobar à Corro, ut videbimus in dubio 10, vel in casu sequenti; sentiat talem Confessarium non fore denunciandum; nam ex vna parte est efficax argumentum pro ista parte negativa, quia nec iste Confessarius allicit, provocat, vel tentat ad venerea, nec in actu Confessionis, nec immediatè ante, vel post, nec simulando, nec in Confessionali; nec occasione Confessionis, neque in his locis, & circumstantijs positus in Bulla Gregoriana habet sermones, aut tractatus inhonestos: ergo etiam si postea explicet suum consensum non est denun-

denunciandus, quare lenius hanc resolutionem habere maximam probabilitatem, nescio an sit iuxta stylum Tribunalis.

115 Pro parte affirmativa est etiam fundamentum in Bulla, licet non firmum, quia occasione Confessionis præterita, in qua femina explicuit suum animum, huiusmodi Confessarius illam quærit, & sollicitat manifestando illum internum consensum habitum in Confessione; sed sollicitare occasione Confessionis, est casus comprehensus in Bulla Gregoriana: ergo talis Confessarius est denunciandus; Sed quia communiter explicant Auctores *ly occasione Confessionis*, de occasione proxima, non autem remota, videtur hanc resolutionem non habere tantam probabilitatem, sicut habet antecedens pro parte negativa. Sed caveant Confessarii fisci in hac probabilitate, ne ita procedant, quia Bulla Gregorij XV. est principaliter expedita in favorem animarum.

116 Ut autem circa hanc materiam omnia habeas, in hoc loco se offert aliud dubiolum. Accedit femina ad Confessionem, & inter confitendum Confessarius habet secum pollutionem; postea extra occasionem Confessionis hoc aperit feminæ, ut illam inclinet ad inhonestam cum illo perpetranda, estne talis Confessarius denunciandus? Martinus Bonacina loco citato respondet negativè, *num. 3 in fine*, licet Confessarius grave sacrilegium committat, & rationem assignat, quia Confessarius non tenet provocare feminam ad inhonestam, licet ipse turpiter, & inhonestè agat. Idem sentit D. Ioan. Escobar à Corro loco citato, *num. 57. & seqq.* & rationem assignat, quia verba, aut facta sollicitationis debent ita intervenire, ut innotescant feminæ in actu Confessionis, vel in Confessionali, &c. sed in hoc casu non ita contingit, nam innotescunt extra Confessionem, extra Confessionale, &c. ergo huiusmodi Confessarius non est denunciandus. Citat pro hac sententia Freiram, & Acuña *quest. 11. num. 14.* Augustin. Barbosam *de offic. Parochi, cap. 19. num. 49.* Ioann. Ægidium Trullench *tom. 1. in decalog. cap. 3. dub. 18. num. 45.*

117 Fateor hanc sententiam esse probabilissimam, vixit  
valla;

vallaram efficacibus fundamentis, & clancis Auctoribus versatis in materijs Sanctæ Inquisitionis; sed pace horum DD. seniorio, huiusmodi Confessarium esse denunciandum, & sumo primo fundamentum ex traditis *num. 59* ab Escobar à Corroina in iste Auctor tenet, quod si fœmina advertit, vel potest advertere ad inhonesta exercita à Confessario, est denunciandus, quia tunc aperta est sollicitatio ex parte Confessarij, & subdit huiusmodi delictum iudicio Inquisitorum, quia potest ex tali pollutione attrahere fœminam ad peccatum; sed etiam potest advertere illam pollutionem semper, cum exterior sit, & per accidens est quod non advertat; ergo semper est denunciandus, etiam si veniat ad noticiam fœminæ extra Confessionem.

118 Secundum fundamentum sumitur à paritate: nam hæresis externa formalis, etiam si pronuntietur in loco, in quo nec audiatur ab aliquo, nec possit audiri, semper, & quando venit in noticiam alicuius est ut Hæreticus denunciandus: ergo etiam si nullus advertat inhonesta exercita in Confessione, semper, & quando habeatur notitia, talia exercens est denunciandus. Consequentia probatur: ex eo Hæreticus occultus est denunciandus quando manifestatur, quia ex eo quod hæresis sit externa, semper est per accidens, quod nullus audiat, sed eo quod sollicitatio, vel inhonesta facta in Confessione non advertantur, non tollit quod talia inhonesta sint externa; ac per consequens quod sint per accidens occulta: ergo etiam si talia nullus advertat, illa exercens in Confessione est denunciandus.

119 Tercium fundamentum sic propono in eodem casu: Si fœmina pœnitens nec adverteret ad inhonesta exercita à Confessario, nec posset advertere, quia Confessionale est clausum, & ex alia parte aliquis videret, Confessarium huiusmodi peccatum exercere, proculdubio esset sub onere illum denunciandi: ergo etiam fœmina pœnitens, si postea habet noticiam, Probatur consequentia, nam non stat quod audiens, vel videns, tunc delictum teneatur denunciare, & quod fœmina audiens postea non habeat eandem obligationem, quia si delictum est  
denun:

denunciabile; cum sit idem in utroque casu pambō tenetur denunciare; sed videns talia inhonesta exercita in Confessione; tenetur denunciare: ergo etiam femina postea audiens; talia inhonesta fuisse perpetrata in Confessione.

120 Quantum fundamentum sic procedit; si huiusmodi Confessarius non esset denunciandus esset; quia nec sollicitat foeminam, nec allicit, nec tentat; sed in actu Confessionis verificatur, quod tentat activè, quod sufficit, ut verificetur tentare, & allicere: ergo est denunciandus. Probat̃ur minor; nam quando sollicitat per verba, vel signa, inhonesta, & advertit foemina; etiam si ista non tenetur, vel provocetur, verificatur, quod provocat, & tentat, quia ad casum comprehensum in Bulla sufficit provocatio, & tentatio activa; sed etiam si non advertat foemina poenitens non tollitur, quod sit provocatio, & tentatio activa: ergo verificatur in hoc casu, quod tentat, & provocat Confessarius activè, quod est sufficiens, ut verificentur verba: *Tentare, & provocare*, posita in Bulla Gregorij XV. Praeterea, quia abutitur talis Confessarius Sacramento Poenitentiae ad suam libidinem explendam; quod est casus comprehensus in Bulla: ergo verè est sollicitator, ac per consequens denunciandus.

S. V.

**ALIA DUBIOLA CONNEXA CVM ANTECEDENTIBVS;**

*resolvuntur.*

121 **P** RIMVM dubiolum deducitur ex antecedentibus, nam dicit: Confessarium sollicitatum consentientem sollicitationi factae à foemina poenitente denunciandum, fore DD. Inquisitoribus; de quo oritur dubium, quid sit faciendum de foemina sollicitante Confessarium, sive iste consentiat, vel non? Certum enim est Inquisitores non posse procedere contra istam foeminam sollicitantem attentis Bullis, & Decretis Pontificum; nam in eis solum cautum fuit contra Confessarios sollicitantes, quia eorum sollicitatio frequentius contingit; & est

an-

animarum saluti magis pernicioſa. Pater Saleſſes loco citato, num. 75. deſenſat, & indicat valdè probabile, eſſe talem ſœminam ſolicitantem ſub iuriſdictione Inquiſitorum ex vi generalis facultatis, quam ipſi habent ad procedendum contra quemcumque de hæreſi ſuſpectum; quia non poteſt dubitari, quòd talis ſœmina ſolicitans ſit ſuſpecta de hæreſi, cum abuta- tur Sacramento Pœnitentiæ ad ſuam libidinem explendam. ergo licèt non ſit denuncianda vigore Bullarum nihilominus ex generali ratione, quia eſt ſuſpecta in fide eſt deferenda ad Tribunal.

122 Hoc poteſt parificari ex alio caſu practico: quidam homo plebeius abutebatur Sacramento Pœnitentiæ ad acquirendas pecunias, narrando multa mendacia Confefſarijs, & fuit incarceratus in Sancto Tribunali; poſtea publicè abiuravit de le- vi, & damnatus fuit ad verberationem per loca publica huius Civitatis, nulla alia ratione, niſi quia abutebatur Sacramento Pœnitentiæ ad acquirendas pecunias; ſed talis ſœmina ſolicitans abutitur Sacramento Pœnitentiæ ad ſuam libidinem explendam: ergo ut ſuſpecta in fide eſt denuncianda.

123 Sed ego diſtinctione utor in hoc caſu; nam certum eſt apud omnes Auctores verſatos in materia Tribunalis Sanctæ Inquiſitionis, quòd ut cognoscant de aliquo crimine DD. Inquiſitores, non ſufficit quæcumque ſuſpicio in fide, ſed debet eſſe ſuſpicio iuris, & à iure; id eſt, vel quia ut cognoscant de tali delicto habent Bullam Pontificiam, vel quia hoc habent ex conſuetudine; ſed ut cognoscant de ſœmina ſolicitante Confefſarium non eſt Bulla Pontificia: ergo ubi non eſt conſuetudo denunciandi, talis ſœmina non eſt denuncianda.

124 Hoc idem eſt talitèr in praxi in Sancto Officio, & tam indefectibilitèr obſervatur, quòd multoties accedunt ad denunciandos Confefſarios revelantes ſigillum ſacrum Confefſionis, & quamvis talis Confefſarius ſit ſuſpectus in fide, quia non eſt hæc ſuſpicio iuris, & à iure, cum nec ſit Bulla Pontificia, nec conſuetudo cognoscendi de hoc delicto, remittunt denuncian-



tem ad Ordinarios, non obstante illa generali facultate cognoscendi de delictis generantibus suspicionem in fide; ergo ubi non est consuetudo cognoscendi de delicto perpetrato à fœmina solicitante, huiusmodi fœmina non est denuncianda ad Tribunal Sanctæ Inquisitionis, etiam si sit suspecta in fide.

125 Sed ex suppositione, quòd in Tribunali detur talis consuetudo iudicandi de delicto perpetrato à fœmina solicitante, est difficultas, à quo debet fieri hæc denunciatio, quod est secundum dubiolum. In primis videtur, quòd hæc denunciatio non est exequenda ab ipso Confessario solicitato, quia hoc delictum est cognitum in Confessione; sed non est licitum propagare delicta, quæ manifestantur in Confessione, etiam si pœnitens accedat indispositus. ergo videtur, quòd Confessarius non potest denunciare hoc delictum. Ex alia parte cum frequenter sit occultum, & alteri non innotescat, videtur quòd si Confessarius illud non denunciat, est inconveniens, quòd maneat tale delictum impunitum, & maiori ratione, si ista fœmina frequentat talem sollicitationem in perniciem Confessorum, & irreverentiam debitam Sacramento Pœnitentiæ.

126 Pater Salelles num. 76. respondet ad hoc dubiolum; talem denunciationem esse faciendam à quocumque, qui extra occasionem Confessionis, vel extra Confessionem auditit aliquid de dicta sollicitatione, sive sit Confessarius solicitatus, sive alius; cum omnes æquè sub Edicto Inquisitionis obligatione denunciandi abstringantur. Ex quo deducitur, quòd solum potest fieri hæc denunciatio, vel à Confessario solicitato, vel ab alio, quando habet notitiam talis sollicitationis extra Confessionem; non autem si solum habet notitiam intra Confessionem.

127 Sed pace tanti Auctoris resolvo, Confessarium solicitatum debere denunciare talem fœminam solicitantem, etiam si solum habeat notitiam de illa sollicitatione per illam Confessionem, in qua illum sollicitavit, si in Tribunali est consuetudo cognoscendi de illa sollicitatione facta à fœmina. Hæc decisio colligitur ex dictis num. 122. nam in tali casu primi Theologi huius

huius Regni Aragoniæ cum quibus consultus fui minimus inter illos, dixerunt tales Confessarios habere obligationem denunciandi illum plebeium abutentem Sacramento Pœnitentiæ ad acquirendas pecunias, dummodò nihil dicerent de alijs quæ poterant esse materia Sacramenti Pœnitentiæ, quamvis talis plebeius non accederet animo eliciendi veram Confessionem; & nulla alia ratione, nisi quia ad habendas pecunias abutebatur Sacramento Pœnitentiæ, & abusus Sacramenti Pœnitentiæ non est materia sigilli, vt tenet communis sententia DD. sed huiusmodi fœmina sollicitans Confessarium ad venerea abutitur Sacramento Pœnitentiæ: ergo absque fractione sigilli potest Confessarius illam denunciare, & tenetur si in Tribunali est consuetudo cognoscendi de tali sollicitatione, & principalitèr si illa fœmina est assueta talia delicta perpetrare.

128 Ex quo deciditur casus practicus: Quædam fœmina bonæ famæ ex vehementi passione sollicitavit Confessarium, ille vt bonus Minister varijs rationibus pijs conabatur auertere illam à tali crimine: hæc fœmina instabat, & dixit, si non consentis vociferabo, & postea dicam Tribunali, te me sollicitavisse ad venerea; talis Confessarius non consentit, sed postea timec delationem. Quid faciet iste Confessarius in his angustijs? Consulo non solum vbi est consuetudo denunciandi huiusmodi delicta, sed etiam vbi non viget talis consuetudo; quòd Confessarius accedat ad Tribunal, & deferat illam sollicitationem cum omnibus circumstantijs pertinentibus ad illam, & non timeat, si ita processit; nam etiam si postea accedat fœmina sollicitans, dictum Confessarij prævalet, & aliundè manet indemne sigillum Confessionis, quia denunciatur solum abusus Sacramenti, qui non est materia sigilli.

129 Sed restat resolvere 3. dubiolum, quod immediatè se offert. Supposita probabilitate sententiæ defensantis, non esse denunciandum Confessarium consentientem sollicitationi factæ à fœmina; si in ipsa Confessione fœmina desistit à sollicitatione, & postea Confessarius illam sollicitat, est ne denunciandus talis

Confessarius? Dixi supposita probabilitate contrariæ sententiæ; nam in praxi Tribunalis non est difficultas, quia ad obligationem denunciandi subeundam satis est, quòd Confessarius consentiat. Nunc respondeo, quòd etiam supposita contraria sententiâ, & sequendo illam huiusmodi fœmina, tenetur denunciare Confessarium. Probatur: tota ratio contrariæ sententiæ ad liberandum Confessarium consentientem sollicitationi à delatione est, quia in tali casu non est sollicitator, nec provocat, nec tentat, &c. sed quando fœmina quæ prius sollicitavit, desistit à sollicitatione, & postea in ipsa Confessione Confessarius sollicitat, iam est sollicitator, tentat, & provocat: ergo etiam secundum principia contrariæ sententiæ, huiusmodi Confessarius est denunciandus ut reus Bullarum Pontificum.

130 Ex modo quo discurrunt defensores, Confessarium consentientem sollicitationi non esse denunciandum, resultat 4. dubium. Quædam fœmina inter confitendum fuit consopita gravi somno, aut aliquo paroxysmo, vel gravi morbo, talitèr quòd nihil sentiebat; vnde Confessarius arripuit occasionem, & inhonesta exercuit, talitèr quòd atrectavit mamillas, & partes verendas, vel alia huiusmodi: illa nihil sensit, sed postea omnia facta narravit Confessarius tali fœminæ; est ne denunciandus secundum principia contrariæ sententiæ? Videtur, quòd non, quia ex eo non est denunciandus in hac sententiâ Confessarius consentiens sollicitationi, quia non provocat, nec tentat fœminam pœnitentem; sed in isto casu Confessarius non provocat, nec tentat fœminam, quia supponitur insensibilis; ergo secundum principia contrariæ sententiæ, talis Confessarius non est denunciandus.

131 His non obstantibus dico, quòd non solum stando in principijs nostræ sententiæ, & in praxi Tribunalis, sed etiam in fundamentis contrariæ sententiæ, talis Confessarius est denunciandus. Ita Bonacina loco citato, num. 3. & Graff. conf. 7. de pœnitent. & remiss. Et ratio est, quia secundum contrariam sententiam, & Bullam Gregorij XV. non solum est denunciandus

Con-

Confessarius, qui in Confessione sollicitat, & provocat, sed etiam qui tentat provocare foeminam; sed etiam si huiusmodi Confessarius non provocet, nec sollicitet, quia foemina est insensibilis, tentat provocare: ergo non solum discurrendo cum stylo Inquisitionis, fundato in nostra sententia, sed etiam secundum principia contrariae sententiae, huiusmodi Confessarius est denunciandus tanquam sollicitator.

132. Quod enim non solum in hoc casu sit denunciandus Confessarius, sed etiam quando in hoc eventu habet copulam cum foemina, probatur ratione fundamentali: sollicitatio ad inhonesta principaliter prohibetur in Bulla propter turpitudinem, ad quam dirigitur, scilicet, quia habet pro fine commixtionem carnalem, ad quam ordinatur; sed in hoc casu in ipsa Confessione est commixtio carnis, aut copula: ergo si sollicitatio ad inhonesta est denuncianda, multò melius ipsa copula, & commixtio Confirmatur, nam est axioma commune Philosophorum: *Propter quod unumquodque tale, & illud magis*; sed sollicitatio est prohibita, & denuncianda, quia ordinatur ad copulam: ergo multò melius ipsa copula habita in Confessione, cum sit finis, ex quo actus fiunt turpes. Ita Angelicus Doctor 2. 2. *quest.* 154. *art.* 4.

133. Nec valet si dicas, quod Bulla Gregorij XV. non est contra Confessarios fornicarios, sed contra sollicitantes ad turpia; sed huiusmodi Confessarius non fuit sollicitans, quia non fuit usus Confessione ad illam turpitudinem, sed nata illa occasione suum libidinosum consummavit affectum: ergo non est denunciandus ut sollicitans. Respondetur negando maiorem, quia licet illa occasio fuerit nata ex ipsa Confessione, non idè, ut dixi, excusatur, cum exerceat turpia in ipsa Confessione; & aliunde tentat provocare, & habet tractatus inhonestos, quod prohibetur in Bulla Gregoriana.

134. Dubium 5. quod occurrit ex casu resolutum est: an si per minas foeminae sollicitantis, quia dicit se excludaturam, vim sibi inferri, si non consentit, vel illum denunciare in Sacerdotio.



ficio, si Confessarius ex hoc metu consentiret esset denunciandus à tali foemina? Pro parte affirmativa, & negativa refert graves Auctores Diana 4. par. resol. 15. traet. 5. Pro sententia defensante fore denunciandum stant principalitèr, Carena de Offic. Sanctæ Inquisit. par. 2. tit. 6. §. 19. nu. 94. & seqq. Ican. Sanchez disp. 11. num. 30. versic. *Addam, ea constis*. Gregorij contra nostrum Peirinum, tom. 2. de privileg. Minim. constit. 4. Gregorij XV. num. 9. & conformitèr ad nostra principia, & stylum Tribunalis Hispaniarum sentio, talem Confessarium fore denunciandum, & præcipuè attenta constitutione Gregorij XV.

135. Probo primò hanc resolutionem contra Peirinum loco citato; nam si talis Confessarius non esset denunciandus, esset quia huiusmodi metus esset gravis cadens in virum constantem; sed ut dicit ipse Peirinus loco citato, iste metus est levis; verba illius sunt: *Et iste levi isto timore correptus*; ergo est denunciandus. Probatur minor; quia ut metus cadat in constantem virum, debet probabilitèr timeri, ut notant DD. in l. *metum*, l. 2. ff. *quod metus causa*; sed in casu nostro Confessarius non debet damnū aliquod probabile timere ex exclamatione foeminae, vel minis Tribunalis: ergo non est metus cadens in virum constantem. Ut autem non timeant Confessarij ex talibus minis habeant præ oculis aurea verba D. Ambrosij in lib. de Ioseph. cap. 5. ubi ita loquitur: *Non turbentur innocentes, cum falsis criminibus appetuntur. & oppressa iustitia detruduntur in carcerem, visitat Deus, & in carcere suos, & idè ibi est plus auxilij, ubi plus periculi.*

136. Probatur secundò nostra resolutio; quia metus non excludit culpam, licèt eam attenuet, constat ex textu in cap. *Sacris de his, quæ vi*, & communitèr ita tenent Canonistæ: ergo licèt iste Confessarius consentiat ex metu non excluditur à crimine perpetrato sollicitationis, Probatur cōsequentia, quia quod Gregorius XV. statuit est poenæ contra Confessarios sollicitantes, sed huiusmodi Confessarius commisit crimen sollicitationis; quia per metum non excluditur culpa: ergo licèt consentiat ex

metu



metu semper verificatur, quod commisit crimen sollicitationis. Præterea, quia de tali Confessario verificantur verba relata Bullæ, *aut cum eis illicitos sermones, vel tractatus habuerint*. Idèd- que Sanchez loco citato, num. 30. magna ratione non miratur de Acuña, & Grassio, quia scripserant ante Bullam Gregorianam; benè verò de Bonacina, & de Sousa, qui post dictam Bullam scripserunt; idemque dici potest de Peirino, quia habebat præ oculis Bullam Gregorianam.

137 Ideoque Sousa in *Aphor Inquisit. lib. 1. cap. 34. num. 28.* & in *opuscul. de Confess. sollicit. tract. 1. cap. 17. num. 8. & seqq.* vult talem Confessarium eximere ab omni abiuratione. Sed licèt sit verum ex stylo Inquisitionis, talem Confessarium puniri mi- nus; quia licèt non extinguatur culpa per metum, tamen at- tenuatur; hoc non, obstanti debet abiurare de levi, quia levitèr est semper suspectus in fide, cum abutatur Sacramento Pœnitent- iæ. Itaque existimo in hoc casu talem Confessarium solum esse puniendum secretò cum abiuratione de levi, & alijs salutaribus pœnitentijs. Nam etiam si Apostata à fide secundum stylum Tribunalis abiuret de formali, si probat fuisse Apostatam co- actione, solum abiurat de vehementi, & talis potest esse coactio, quòd non abiuret nisi de levi, & secretò expediatur salutaribus pœnitentijs, ergo eodem modo est procedendum proportiona- liter cum Confessario consentienti sollicitationi ex metu.

### QVÆSTIO III.

AN CONFESSARIUS, QUI SOLICITAVIT  
adolescentem in Confessione sit denunciandus.

#### §. I.

### DECIDITVR QVÆSTIO.

138 **O**LIM ante Bullam Gregorij XV. communior sen- tentia erat pro parte negativa, sed hodie post Bul- lam

Iam Gregorij XV. nullum dubium potest esse in hac materia, quia in illa generaliter loquitur Summus Pontifex per hæc verba: *Qui personas, quæcumque illæ sint ad inhonestas, &c.* Ex quibus inferit Benacina *tom. 1. disp. 6. de obligat. denunt. punct. 3. proposit. 3. num. 16.* non solum feminam, quæ ad oscula, aut impudicos actus sollicitata fuit, vel in Confessione, vel prætextu, & occasione Confessionis, vel simulando Confessionem, teneri Confessarium denunciare, verumetiam ad idem masculum teneri, si provocatus fuerit ad nefandum peccatum, ad mollitiem, sive ad alios actus libidinosos. Quare post Bullam Gregorianam ita tenent omnes Auctores, cum in illis verbis: *Quæcumque illæ sint* comprehendantur mares, *hæc Divus 16. ubi hæc habentur verba: Quicumque accipere debemus, tam masculum, quam feminam, de iure Fisci.* Solum enim potest verti in dubium: verum huiusmodi Confessarius non solum sit denunciandus virtute Bullæ prædictæ, sed etiam tenore antiquarum?

139. Circa præsens dubium duplex est sententia. Prima resoluit non solum virtute Bullæ Gregorij XV. esse denunciandos huiusmodi Confessarios sollicitantes masculos ad inhonestas, sed etiam tenore Bullæ Pij IV. & Clementis VIII. Ita Quarantæ *verb. Ordo, & verb. Confessor in fine*; Ludovicus Lopez *1. part. instruct. cap. 35. versic. Ad hic iam in fine*, Ioan. Sanchez *in select. disp. 11. num. 12. & 13.* Castrus à Palao *tom. 1. tract. 4. de modo procedendi in caus. fidei, disp. 9. punct. 2. num. 13.* Graff. *tom. 1. consilior. cons. 1. de cognat. spirit. in fine, à nu. 45.* Manuel Rodriguez *tom. 1. regul. quest. 50. art. 4. in fine, & tom. 2. quest. 27. art. 3.* Corilianus *de castib. reservat. part. 1. sect. 4. num. 22. fol. 136.* Acuña *de Confess. sollicit. quest. 6. à nu. 6.* Carena *ris. 6. de Confess. sollicit. p. 2. num. 15. §. 3.* dicit hanc sententiam esse magis receptam in practica Sancti Officij. P. Diana *tom. 1. tract. 4. de denuntiatis. resol. 12.* iudicat hanc sententiam probabilem, & fatetur quod olim illam sustinebat cum aliquibus Auctoribus citatis, & alijs quos citat.

140. Secunda sententia tenet, quod huiusmodi Confessarius sollicitans masculos, non est denunciandus tenore Bullarum

anti-

antiquarum. Ita tenent Paramus *de orig. Inquisit. lib. 3. quæst. 10. num. 42.* Sousa *tract. 1. cap. 12. num. 6. & seqq.* Bariola *in floribus Confess. solicit. versic. Suspectus quoque, fol. 227.* Portel *in addit. ad dub. Regul. verb. Sollicitare fœminas, Fagundez ad 2. præcept. Eccl. lib. 4. cap. 3. num. 31.* cum alijs Auctoribus quos citat.

141 Existimo enim in hac quæstione esse procedendum cum distinctione, & ut clarè constet veritas, duplici resolutione satisfaciam. Pro quo sit prima: tenore Bullæ Pij IV. & Clementis VIII. Confessarius sollicitans masculos, non est denunciandus. Probatur primò hæc conclusio: Bullæ Pij IV. & Clementis VIII. solum loquuntur de Confessarijs sollicitantibus fœminas, sed harum appellatione non veniunt mares, nec propriè, nec impropriè, ut constat ex text. in *l. si ita scriptum 45 in princip. de l. 2. Clement. attendentes*, ubi Gloss. *verb. Cedisse, de statu Mona. her.* ergo tenore Bullarum Pij IV. & Clementis VIII. Confessarius sollicitans masculum non est denunciandus.

142 Probatur secundò resolutio: Nam etiam si in nostra sententia Bullæ contra sollicitantes sint favorabiles, quia finis præcipuus est favor Sacramenti, & animarum; nihil minus si quæ sunt promulgatæ derogant iuri alterius quæsito, non sunt extendendæ, sed limitandæ; sed si dictæ Bullæ Pij IV. & Clementis VIII. extenduntur ad sollicitantes masculos, derogant iuri Ordinariorum: ergo tenore illarum, non sunt denunciandi Confessarij sollicitantes masculos in Tribunali Inquisitionis. Probatur maior: ultra proprietatem verborum non est extendendum privilegium derogans iuri alterius quæsito. *cap. ex tractat. de auctoritate, & usu palij, & cap. licet in corrigendis de Offic. Ordinar. l. 2. §. merito, & §. si qui, ff. ne quid in loco publico*; & sic semper præsumitur non esse mentem Principis ledere in tertij, *l. nec, C. de mancipat. liberor.* Ergo Bullæ quæ derogant iuri alterius non sunt extendendæ; sed si dictæ Bullæ Pij IV. & Clementis VIII. extenduntur ad sollicitantes masculos, derogant iuri Ordinariorum, quia per illas excludunt huiusmodi delinquentes ab eorum iurisdictione: ergo tenore harum Bullarum, non

sunt denunciandi huiusmodi Confessarij DD. Inquisitoribus.

143. Probatur tertio: Specialiter contra defenlantes huiusmodi constitutiones contra Confessarios sollicitantes esse odiosas hoc medio, vis, & effectus legis pœnalis tantum habet locum in personis, & calibus expressis in lege, & extensio non permittitur ad non expressa in lege, *l. factum 155. §. fin. de reg. iuris, cap. in pœnis, eod. tit. in 6.* sed ferè apud omnes contrarios DD. huiusmodi constitutiones sunt pœnales & odiosæ: ergo non debent extendi ad Confessarios sollicitantes masculos. Tum, quia leges disponunt regulariter de rebus communiter accidentibus, non verò de raro, & extraordinarie contingentibus, sed huiusmodi sunt provocationes Confessorum respectu masculi ad nefandum: ergo Bullæ contra Confessarios sollicitantes fœminas, non sunt extendendæ ad Confessarios sollicitantes masculos, *text. in l. iura 3. cum 3. seqq. de legib.*

144. Parificatur quartò resolutio: In Concilio Tridentino *sess. 25. de regul. cap. 8.* excommunicantur omnes, qui cogunt mulieres ad ingrediendum Monasterium; sed Thomas Sanchez *in summ. tom. 1. lib. 4. cap. 4. num. 3.* tenet cum alijs, quòd Concilium nomine mulierum non includit viros: ergo in dictis constitutionibus nomine fœminarum non includuntur masculi. Idem constat ex *Clement. unic. de consang. & affinit.* ubi excommunicantur Moniales professæ, & accipientes illas in vxores, & etiam excommunicantur professi ineuntes matrimonium; & tamen si aliqua fœmina secularis contraheret cum professò non excommunicatur, nec fit extensio ad illam, nulla alia ratione, nisi quia nomine masculorum non fit extensio ad fœminas: ergo nec in dictis Bullis de fœminis sollicitatis debet fieri extensio ad masculos: ergo vi harum constitutionum non sunt denunciandi Confessarij sollicitantes masculos.

145. Sit secunda resolutio: Ante Bullam Gregorij XV. Confessarij sollicitantes masculos erant denunciandi DD. Inquisitoribus, non solum quia ex consuetudine, & de iure possunt DD. Inquisitores cognoscere de omnibus criminibus generantibus

tibus suspicionem in fide, sed quia iam ex privilegio speciali Pontificio hanc iurisdictionem habebant. Probatum conclusio: quia ut testatur Ioannes Baptista Scordia in *Bull. Pontif. epitom.* 77. theorem. 197. Paulus V. die 6. Februarij, anni 1619. decrevit expresse Confessarios sollicitantes masculos fore denunciandos Tribunali Inquisitionis: Et Soufanzpuse de *Confess. sollicit. tract.* 1. cap. 12. num. 12. facit mentionem de alio Decreto eiusdem Pontificis, expedito die 29. Novembris ann. 1612. ergo ante Bullam Gregorianam tenore harum constitutionum, Confessarij sollicitantes masculos erant denunciandi DD. Inquisitoribus.

## §. II.

FUNDAMENTA CONTRARIA, ET ALIQUA DUBIOLA  
ponuntur.

146 FUNDAMENTVM primum militat contra primam resolutionem, & potest ad hanc formam reduci: Secundum nostram sententiam, Bullæ Pontificiæ contra sollicitantes, sunt dispositiones favorabiles, quia expeditæ principaliter in favorem Sacramenti Pœnitentiæ, & animarum; ideoque quod procuratur in huiusmodi constitutionibus est vindicare iniuriam factam Sacramento, & pœnitentibus; sed secundum mea principia, quando finis præcipuus alicuius dispositionis favorabilis est, etiam si in pœnam, & gravamen alterius redderetur, est extendenda constitutio, & præcipue quando odium à favore distingui nequit: ergo ex vi constitutionum Pij IV. & Clementis VIII. etiam sunt denunciandi Confessarij sollicitantes masculos, quia hoc modo fit extensio.

147 Si autem respondeas secundum dicta, quod etiam si ex hoc capite in constitutionibus favorabilibus fiat extensio, quia ex alio capite extensio redundat in diminutionem iurisdictionum Ordinariorum; extensio non habet locum secundum doctrinam ponderatam §. 1. in 2. probat. 1. resolut. Contra est: constitutio in qua reservantur fructus vacaturæ Episcopo



mortuo, appellatur favorabilis, quamvis redundet in damnum Ecclesiæ Cathedralis, ideòque extendenda. Ita Thomas Sanchez *lib.1. de Matrim disp.1.num.4. ex Gloss. in cap. si propter. de rescriptis in 6. verb. prim. ann.* ergo multò melius hæ constitutiones contra sollicitantes fœminas debent extendi ad sollicitantes masculos, etiam si redundant in præiudicium iurisdictionis Ordinariorum.

148 His non obstantibus, benè respondetur ad argumentum, quia licet in favorabilibus debeat fieri extensio, quando non derogant iurisdictioni alterius, & in ea parte, in qua non gravant tertium; non autem constitutio favorabilis patitur extensionem in præiudicium alterius, nisi expressè ponatur casus, sicut ponitur quando fit dispositio de fructibus vacaturæ, & aliundè, ut statim quæstione sequenti dicam, extensio non fit, etiam si in duobus casibus militet eadem ratio expressa in Bullis ad alias personas præter nominatas; cum autem extendere huiusmodi Bullas ad sollicitantes masculos, redundet in præiudicium iurisdictionis Ordinariorum, & fiat extensio ad alias personas præter nominatas, quia in dictis constitutionibus solum nominantur fœminæ; hinc est, quòd vi antiquarum Bullarum solum veniunt denunciandi Inquisitoribus Confessarij sollicitantes fœminas.

149 Fundamentum secundum sic proponitur: In hac materia non est recedendum à praxi, & stylo Inquisitionis Hispaniæ; sed ante constitutionem Gregorij XV. iam vigore constitutionum Pij IV. & Clementis VIII. Inquisitio Hispanica cognoscebat de hoc delicto, ut constat ex epistola generali missa ad omnes Inquisitiones Hispaniæ, lata Martii 8. *Maij anni 1613.* ergo vi dictarum constitutionum erant denunciandi Confessarij sollicitantes masculos. Roboratur sententia contraria alia instantia: levior luxuria est sollicitare fœminas, quam viros, quia sollicitare viros est peccatum contra naturam; sed in his casibus etiam si in lege gravius peccatum non exprimitur, adhuc in pœnalibus fit extensio.: constat ex *l. si vxor 13. §. 1. ad leg. Iul. de adul.*

*adulter.* ergo etiam si in his constitutionibus non fiat mentio de Confessarijs sollicitantibus masculos, quia est gravius peccatum intra genus luxuriæ, ad talem sollicitationem debet fieri extensio, & dum agitur, sicut in præsentî, de salute animæ ad vitandum peccatum, semper fit extensio, Gloss. in *l. omnes 7. verb. Apostolica, C. de ferijs.*

150 Responderetur ad primam instantiam dupliciter. Primò, admittendo, quòd vigore constitutionum Pij IV. & Clementis VIII. iam in Inquisitione Hispanica erat in praxi punire Confessarios sollicitantes masculos; sed non idèò hæc sententia amittit suam probabilitatem specularivè, & practicè in ordine ad forum interius, quia ut dixi in quæstione proœmiali, stylus, & praxis Inquisitionis fundatur in opinione probabili, sed non idèò tollit probabilitatem contrariæ sententiæ. Secundò responderetur, & melius, quòd praxis Sanctæ Inquisitionis non fuit fundata in Bullis Pij IV. & Clementis VIII. in ordine ad cognitionem huius delicti, sed in Decreto citato Pauli V. quia primum Decretum huius Pontificis extensivum Bullarum contra sollicitantes, fuit expeditum, & promulgatum anno 1612. & epistola generalis Consilij Supremi ad omnes Inquisitiones Hispaniæ, fuit lata *Matriti* anno 1613. quare si postea ante Bullam Gregorij XV. fuit stylus cognoscendi de hoc crimine, non fundabatur in Bullis Pij IV. & Clementis VIII. sed in prædicto Decreto Pauli V.

151 Ad secundam instantiam responderetur negando minorem; nempe, quòd fiat extensio in Bullis quando peccatum est gravius, si reperitur in personis non nominatis in Bulla, & ita textus citatus debet intelligi, quòd tunc fit extensio, quando peccatum est gravius in eodem genere, & reperitur in personis expressis in lege, & constitutione; cum autem in Bullis Pij IV. & Clementis VIII. non fiat mentio de Confessarijs sollicitantibus masculos, ad illos non debet fieri extensio, etiam si Bulla favorabilis sit, & peccatum intra genus luxuriæ sit gravius, quia in ordine ad punitionem, tunc pertinebat ad iurisdictionem Ordinariorum.

Ex

mortuo, appellatur favorabilis, quamvis redundet in damnum Ecclesiæ Cathedralis, ideòque extendenda. Ita Thomas Sanchez lib. 1. de Matrim disp. 1. num. 4. ex Gloss. in cap. si propter, de rescriptis in 6. verb. prim. ann. ergo multò melius hæ constitutiones contra solicitantes fœminas debent extendi ad solicitantes masculos, etiam si redundant in præiudicium iurisdictionis Ordinariorum.

148 His non obstantibus, benè responderetur ad argumentum, quia licet in favorabilibus debeat fieri extensio, quando non derogant iurisdictioni alterius, & in ea parte, in qua non gravant tertium; non autem constitutio favorabilis patitur extensionem in præiudicium alterius, nisi expressè ponatur casus, sicut ponitur quando fit dispositio de fructibus vacaturæ, & aliundè, ut statim quæstione sequenti dicam, extensio non fit, etiam si in duobus casibus militet eadem ratio expressa in Bullis ad alias personas præter nominatas; cum autem extendere huiusmodi Bullas ad solicitantes masculos, redundet in præiudicium iurisdictionis Ordinariorum, & fiat extensio ad alias personas præter nominatas, quia in dictis constitutionibus solum nominantur fœminæ; hinc est, quod vi antiquarum Bullarum solum veniunt denunciandi Inquisitoribus Confessarij solicitantes fœminas.

149 Fundamentum secundum sic proponitur: In hac materia non est recedendum à praxi, & stylo Inquisitionis Hispaniæ; sed ante constitutionem Gregorij XV. iam vigore constitutionum Pij IV. & Clementis VIII. Inquisitio Hispanica cognoscebat de hoc delicto, ut constat ex epistola generali missa ad omnes Inquisitiones Hispaniæ, lata Matriti 8. Maij anni 1613. ergo vi dictarum constitutionum erant denunciandi Confessarij solicitantes masculos. Roboratur sententia contraria alia instantia; levior luxuria est sollicitare fœminas, quam viros, quia sollicitare viros est peccatum contra naturam, sed in his casibus etiam si in lege gravius peccatum non exprimitur, adhuc in pœnalibus fit extensio: constat ex *l. si vxor 13. §. 1. ad leg. Iul. de adul.*

*alter.* ergo etiam si in his constitutionibus non fiat mentio de Confessarijs sollicitantibus masculos, quia est gravius peccatum intra genus luxuriæ, ad talem sollicitationem debet fieri extensio, & dum agitur, sicut in præsentî, de salute animæ ad vitandum peccatum, semper fit extensio, Gloss. in l. omnes 7. verb. Apostolica, C. de ferijs.

150 Responderur ad primam instantiam dupliciter: Primò, admittendo, quòd vigore constitutionum Pij IV. & Clementis VIII. iam in Inquisitione Hispanica erat in praxi punire Confessarios sollicitantes masculos; sed non idèò hæc sententia amittit suam probabilitatem speculativè, & practicè in ordine ad forum interius, quia vt dixi in quæstione proœmiali, stylus, & praxis Inquisitionis fundatur in opinione probabili, sed non idèò tollit probabilitatem contrariæ sententiæ. Secundò responderur, & melius, quòd praxis Sanctæ Inquisitionis non fuit fundata in Bullis Pij IV. & Clementis VIII. in ordine ad cognitionem huius delicti, sed in Decreto citato Pauli V. quia primum Decretum huius Pontificis extensivum Bullarum contra sollicitantes, fuit expeditum, & promulgatum anno 1612. & epistola generalis Consilij Supremi ad omnes Inquisitiones Hispaniæ, fuit lata *Matriti* anno 1613. quare si postea ante Bullam Gregorij XV. fuit stylus cognoscendi de hoc crimine, non fundabatur in Bullis Pij IV. & Clementis VIII. sed in prædicto Decreto Pauli V.

151 Ad secundam instantiam responderur negando minorem; nempe, quòd fiat extensio in Bullis quando peccatum est gravius, si reperitur in personis non nominatis in Bulla, & ita textus citatus debet intelligi, quòd tunc fit extensio; quando peccatum est gravius in eodem genere, & reperitur in personis expressis in lege, & constitutione; cum autem in Bullis Pij IV. & Clementis VIII. non fiat mentio de Confessarijs sollicitantibus masculos, ad illos non debet fieri extensio, etiam si Bulla favorabilis sit, & peccatum intra genus luxuriæ sit gravius, quia in ordine ad punitionem, tunc pertinebat ad iurisdictionem Ordinariorum.

Ex

152. Ex quibus infero 1. malè dixisse Castrum à Palao, Bullam Gregorianam parùm, aut nihil iurisdictionem Inquisitionum extendere. Primò, quia in Bullis Pij IV. & Clementis VIII. solum fit mentio de Confessarijs sollicitantibus foeminas; at in Bulla Gregoriana de Confessarijs sollicitantibus quilibet personas, ut constat ex illis verbis: *Qui personas, quæcumque illæ sunt ad inhonestà.* Secundò, per Bullas Pij IV. & Clementis VIII. solum veniebat puniendus Confessarius sollicitans in Confessione; sed ex Decreto Gregorij XV. qui sollicitat non solum in Confessione, sed immediatè ante, vel post, prætextu, vel occasione Confessionis, etiam ipsa Confessione non sequuta, sive in Confessionario, sive in loco ubi Confessiones Sacramentales audiuntur, vel electo ad audiendas Confessiones, simulantes ibidem se audire Confessiones; aut si cum pœnitentibus sermones inhonestos, vel tractatus habuerint. Terriò, quia in Decretis Pij IV. & Clementis VIII. nulla obligatio præter eam, quæ iure naturæ inest, imponebatur pœnitenti Confessarium denunciandi; at verò in Decreto Gregorij præsupponitur hæc obligatio, & insuper mandatur omnibus Confessarijs, ut moneant pœnitentes sollicitatos de obligatione denunciandi: ergo huiusmodi Bulla fuit ampliativa, & extensiva iurisdictionis Inquisitionis.

153. Infero 2. contra Thomam Hurtado *tract. 4. cap. 5. resol. 5. §. 3. num. 59.* consequenter ad mea principia, quòd si masculus sollicitat Confessarium ad sodomiam, & Confessor divercit, vel ad oscula, vel ad mollicitem, huiusmodi Confessarius est denunciandus, quia etiam si divercat ad minus peccatum; cum habeat cum illo tractatus, & sermones inhonestos, comprehenditur in Bulla, & ut subterfugiat pœnas taxatas in Bullis contra sollicitantes, non solum debet evitare illud delictum gravius, ad quod sollicitatur, sed omnia venerca quantumcumque minima.

154. Infero 3. non solum esse denunciandos Confessarios sollicitantes masculos in actu Sacramentalis Confessionis, sed etiam



etiam si sollicitent immediate ante, vel post, vel prætextu, & occasione Confessionis, vel in Confessionario, aut in quocumque loco ubi Confessiones Sacramentales audiuntur, sive in loco electo, simulantes se ibidem audire Confessiones, aut si in his locis, & occasionebus cum masculis habeant sermones, vel tractatus inhonestos. Hoc corollarium pono, quia multi illiterati existimant solum esse denunciandum Confessarium sollicitantem masculos in actu Sacramentalis Confessionis, ut intelligant eodem modo esse discurrendum in hoc crimine, sicut in sollicitatione foeminarum; nam Bulla eodem tenore loquitur de Confessarijs sollicitantibus masculos, & foeminas, ut constat ex illis verbis: *Qui personas, quæcumque illæ sint, &c.*

#### QVÆSTIO IV.

**AN SACERDOS SOLICITANS IN CONFESSIONE AD alia peccata extra venerea, & in omnibus alijs Sacramentis ad venerea, sit denunciandus virtute Bullæ Gregorij XV.**

155 **H**ÆC questio duo inquirat. Primò: an si Confessarij in Confessione sollicitant ad alia peccata præter venerea, v.g. ad homicidium, vel furtum, sint denunciandi DD. Inquisitoribus virtute Bullæ Gregorij XV. Secundò: an si Sacerdos sollicitat in alijs Sacramentis ad venerea, vel in Eucharistia, vel in Matrimonio, &c. sit deferendus ad DD. Inquisitores, ut autem loquar cum distinctione, distinctè hæc duo resolvam.

##### §. I.

#### PRIMA PARS QVÆSTIONIS DECIDITVR.

156 **Q**UOD enim in prima parte questionis in dubium vertitur est: an Confessarius sollicitans in Confessione ad alia peccata præter venerea, sit denunciandus DD. Inquis

Inquisitoribus? Duplex est sententia in hac materia extreme opposita. Prima enim asserit huiusmodi Confessarium tenore Bullarum contra solicitantes, fore denunciandum Inquisitoribus, & aliqui idem defensabant ante Bullam Gregorij XV. ut *Pegna in direct. Inquist. part. 2. commentar. 81. vers. Ille quoque*, idemque cum distinctione docet *Freitas in addit. ad tract. de Confess. solicit. quest. 8. nu. 17.* ubi dicit, hanc sententiam sequendam esse, quando Confessor sollicitat peccitentem ad eadem peccata quæ confitetur; v. g. si confitetur sortilegium, & Confessarius petat ab illo instructionem de practica sortilegij, quia in tali casu acciperet Confessarius occasionem à peccato confesso, & ita huiusmodi delictum generaret suspensionem in fide.

157 Eandem sententiam sequuntur *Emmanuel Moura opusc. 1. de ensalm. & incant. sect. 3. cap. 3. num. 17.* *Lelius Zechius in summ. tom. 1. tract. de fide, cap. 11. num. 5. §. 3. suspicio*, *Thomas Hurtado tract. 4. cap. 8. resol. 35. num. 372. & seqq.* ponit duas conclusiones; in prima affirmat, quod si Confessarius non in vera Confessione, sed vel in simulata, vel in Confessionali sollicitat ad alia peccata præter venerem, non est denunciandus Tribunali Inquisitionis, benè verò si in vera Confessione sollicitat.

158 Secunda sententia docet, quod virtute Bullarum contra solicitantes, non veniunt denunciandi Confessarij qui sollicitant ad alia peccata præter venerea in Confessione vera, vel simulata. Hanc sententiam tenet *Diana 1. part. tract. 4. resol. 20. vers. At his non obstantibus*; citat pro illa *Paramum de orig. Inquist. lib. 3. quest. 10. num. 121.* *Aloysium Bariola in flor. Inquist. fol. 215.* *Scorciam in Bull. Pontif. epitom. 77. theorem. 197.* *Molfes. in summ. tom. 1. tract. 7. cap. 24. num. 31.* *Roder. Acugna tract. de Confess. solicit. quest. 8.* idem tenet *4. p. tract. 5. resol. 17.* & addit *Sousam, Bonacinam, Freiram, & Homobonum.* Idem docet noster *Peirinis de privileg. M. minor. constit. 4. Gregorij XV §. 3. num. 7.* Alij graves Auctores docent prædictum Confessarium sollicitantem ad alia peccata præter venerea, subiici foro Inquisitorum, sed non tenore Bullarum contra Confessarios solici-

tan-

tantes, sed ex iure communi procedendi in Sancto Officio contra Hæreticos, & de hæresi suspectos, Ita Tralamiera de *Polygamia*, lib. 3. quest. 2. §. unic. num. 46. Ioan. Sanchez in *select. disp.* 11. num. 13. Trimarchius in *suo tract. de Confess. abutente*, disput. 14. sect. 3. num. 15. & 16. Castrus à Palao *tom. 1. tract. 4. disp. 9. punct. 6. num. 2.* iudicat hanc sententiam probabilem, Carena *part. 2. de Confess. solicit. tit. 6. pag. 110. num. 20. §. ego in casu*, existimat rem hanc deferendam esse ad Sacram Congregationem, P. Salesles *tom. 1. de mater. Inquisit. lib. 1. cap. 16. regul. 128. num. 10. & seqq.* inclinatur in hanc sententiam, & dicit *num. 13.* quod apud nullum Auctorem legitur, ut alicubi dicta sententia fuerit ad praxim reducta, taliter quod Inquisitores cognoverint de abusu Sacramenti Pœnitentiæ circa alia peccata extra venerem.

159 Ut autem hanc quæstionem resolvam tres conclusiones ponam; sicque prima: Confessarius sollicitans in Confessione ad alia peccata præter venerem, virtute Bullarum contra Confessarios sollicitantes non est denunciandus Hæc conclusio probatur primò: non est recedendum à communi intelligentia Inquisitionum in his materijs; sed in omnibus Inquisitionibus Bullæ contra Confessarios sollicitantes intelligantur de sollicitationibus ad venerem; non autem ad alia peccata: ergo virtute harum Bullarum non sunt denunciandi Confessarij sollicitantes ad alia peccata præter venerem.

160 Probatur secundò: Certum enim est, quod Bullæ Pontificiæ solum concedunt facultatem DD. Inquisitoribus, ut procedant contra sollicitantes ad venerem in Confessione: ergo non possunt cognoscere de sollicitationibus in Confessione ad alia peccata. Probatur antecedens: Delegati Sedis Apostolicæ non possunt excedere fines suæ mandatæ iurisdictionis Ita Paramus *quest. 10. num. 121. & seqq.* Ioan. Sanchez in *select. disp.* 11. num. 22. Martinus Bonacina *de onere denunciat. punct. 3. num. 15.* sed DD. Inquisitores sunt Delegati Sedis Apostolicæ, ideoque dicuntur Inquisitores Apostolici: ergo non possunt excedere fines Delegationis, nec ad excessum habent iurisdictionem; sed in dictis

Bullis solum Summi Pontifices concedunt illis facultatem, vt cognoscant de sollicitationibus ad venerem in Confessione: ergo non habent iurisdictionem cognoscendi de alijs criminibus commissis in Confessione.

161 Respondetur, in Bulla Gregorij XV. omnia delicta sollicitationis in Confessione comprehendendi, vt patet ex illis verbis: *Aut cum eis illicitos, & inhonestos sermones, siue tractatus habuerint*; nam appellatione *illiciti*, omne prohibitum comprehenditur; constat ex *l. fideicommissa* 11. § *si quis illicitè* 14. de leg. 3. *l. locatio* 9. § *quod illicitè* 7. de publican. *l. si filia* 10. C. de donat. ante nupt. Ergo cum sollicitatio in Confessione ad alia peccata præter venerea sit prohibita, & illicita, etiam comprehenditur in Bulla Gregoriana. Non enim hoc vincit, quia licet *ly illicitis* sit generale ad omne vitium, vel iure naturæ, vel positivo prohibitum; cum in subiecta materia tantum versetur circa inhonesta, ad illa debet coarctari, & non extendi ad alia, ex *l. ff. vno* 4. in princip. locati: ergo virtute Bullæ Gregorianæ solum possunt cognoscere DD. Inquisitores de sollicitationibus ad venerem, non autem de alijs delictis.

162 Probatur tertio conclusio, & simul ostenditur quare Summi Pontifices contra Confessarios patranes in Confessione peccata inhonesta Diplomata ediderunt, non autem contra sollicitantes ad alia crimina. Summi Pastores, & omnes Prælati pharmacum pœnarum applicant contra delicta, quæ frequentius committuntur; sed peccatum carnis frequentius committitur in Sacramento Pœnitentiæ, quam alia peccata; nam licet Confessarij audiant alia crimina non provocantur, quia ad ea natura non est tam inclinata, & aliunde cognoscit Confessarius fragilitatem pœnitentis, ex quo sumit fundamentum ad explendam suam libidinem: ergo intentum Summorum Pontificum subijciendi Confessarios sollicitantes ad venerea iurisdictioni Inquisitorum, fuit refrenare hoc remedio illorum libidinem, quod non contingit in alijs peccatis; ideoque tenore harum Bullarum Confessarij sollicitantes ad alia peccata præter ve-

nerem,

nerem, non subijciuntur iurisdictioni Inquisitorum.

163. Sit secunda conclusio: DD. Inquisitores ex iure communi possunt cognoscere contra Confessarium sollicitantem in actu Sacramentalis Confessionis ad alia peccata præter venerem. Aliqui Auctores, ut Castrus Palaus, loco citato; hoc negant, licet illud iudicent probabile, quia in Sancto Tribunali non est praxis, nec stylus iudicandi de Confessarijs committentibus huiusmodi crimina. Parum enim hoc refert, quia aliud est non cognoscere, & aliud non posse cognoscere. Præterea, quia de multis delictis non est praxis in Tribunali, etiam si illa punire ad Inquisitionem attineat, quia raro contingunt, & possum aliqua referre; cum autem sollicitare ad alia peccata præter venerem, raro contingat; quid mirum si punire huiusmodi delicta non sit in praxi Tribunalis!

164. Probatur primò à paritate: Si quis abuteretur vestibus sacris, aut religiosis, applicando eas ad usus profanos, & iocosos, absque dubio ut suspectus de mala credulitate puniretur à DD. Inquisitoribus, & ita est in praxi in pluribus Inquisitionibus, quia tempore vacante aliqui abusi fuerunt habitu religiosos; sed potiori iure est suspectus de mala credulitate, qui abuitur Sacramento Pœnitentiæ ad alia peccata præter venerem, quia si illi habitus sunt benedicti, Sacramentum est quid Sacrum: ergo denunciandus, & puniendus est Confessarius, qui sollicitat in Confessione Sacramentali ad alia peccata præter venerem, utpotè suspectus de mala credulitate.

165. Probatur secundo conclusio: Qui sollicitat ad quodlibet peccatum mortale in Confessione Sacramentali, abuitur Sacramento Pœnitentiæ, & est suspectus in fide; sed qui committit aliquod peccatum generans suspensionem in fide, est denunciandus DD. Inquisitoribus: ergo qui sollicitat in actu Sacramentalis Confessionis ad alia peccata præter venerem, est denunciandus Tribunali Inquisitionis. Minor probatur: in Decreto Sacre Congregationis Eminentissimorum Cardinalium, facto coram Urbano VIII. die 3. Ianuarij anni 1623. præcipitur sub



pœna excommunicationis, vt infra duodecim dies, omnes habentes notitiam Hæreticorum, vel de hæresi quomodolibet suspectorum Inquisitoribus, vel eorum Commissarijs eos manifestent: ergo qui committit aliquod peccatum inducens suspicionem in fide, est denunciandus Inquisitoribus; ac per consequens Confessarius sollicitans ad alia peccata extra venerem, vtpotè suspectus in fide, denunciandus est.

166 Tertiò probatur à paritate: Confessarius sollicitans ad venerem est denunciandus, quia suspectus in fide; sed sollicitatio ad alia peccata in Confessione Sacramentali inducit maiorem suspicionem in fide: ergo huiusmodi sollicitatio ad DD. Inquisitores deferenda est. Probatur minor: maior malitia reperitur in inductione ad alia peccata, quam in provocatione ad luxuriam, quia inductio ad luxuriam magis procedit ex passione, quam provocatio, & suasio ad alia peccata: ergo datur maius fundamentum ad præsumendum, quòd huiusmodi inductio in Confessione Sacramentali procedit ex mala credulitate, quam provocatio ad venerem, quia frequentèr hæc procedit ex passione, vel fragilitate.

167 Sit tertia conclusio: Confessarius sollicitans ad alia peccata præter venerem simulando Confessionem, vel in Confessionali formali, etiam est denunciandus DD. Inquisitoribus. Hæc conclusio est contra Thomam Hurtado loco citato, *num.* 382. sed probatur primò ad hominem ex doctrina illius. In 2. conclusione, *num.* 383. statuit, quòd Confessarius sollicitans ad alia peccata præter venerem, non solum in Confessione Sacramentali, sed etiam immediatè antè, vel post, est punibilis per DD. Inquisitores, & pro hac resolutione citat Trimarchium *disp.* 14 *sect.* 3. *num.* 19. ergo etiam est punibilis per Inquisitores Confessarius sollicitans in Confessionali formali, vel simulando Confessionem. Probatur consequentia: idè in sententia istius Auctoris, Confessarius sollicitans in Confessionali, vel simulando Confessionem, non est punibilis per DD. Inquisitores quando sollicitat ad alia peccata extra venerem, quia cum non abu-

ratus

ratur Sacramento vero Pœnitentiæ, non est suspectus in fide; sed si hæc doctrina est vera, neque Confessarius sollicitans immediatè ante, vel post ad talia peccata, esset punibilis per Tribunal Inquisitionis, quia neque iste erit suspectus in fide, cum non abutatur vero Sacramento: ergo etiam si sollicitans simulando Confessionem, vel in Confessionario, non abutatur vero Sacramento, est punibilis per DD. Inquisitores, sicut qui sollicitat immediatè ante, vel post.

168 Probatur secundò conclusio, destruendo fundamentum Thomæ Hurtado: Qui sollicitat ad alia peccata extra venerea in Confessione simulata, vel in Confessionario formali, est suspectus in fide: ergo est denunciandus DD. Inquisitoribus. Probatur antecedens. Primò, quia in sententia istius Auctoris, qui sollicitat ante, vel post immediatè ad huiusmodi peccata, est suspectus in fide: ergo etiam qui sollicitat simulando Confessionem, vel in Confessionali formali. Probatur consequentia: qui sollicitat ante, vel post immediatè non abutitur vero Sacramento, & hoc non obstanti in sententia Thomæ Hurtado est suspectus in fide: ergo etiam si sollicitans simulando Confessionem, vel in Confessionali non abutatur vero Sacramento, est suspectus in fide.

169 Probatur secundò idem antecedens à paritate: qui sollicitat ad venerea simulando Confessionem, vel in Confessionali est suspectus in fide. ergo etiam qui sollicitat ad alia peccata præter venerea. Probatur antecedens primò; quia in Inquisitione Hispanica Confessarius sollicitans ad venerem in Confessionario abiurat de levi, quæ abiuratio correspondet suspicioni de levi: ergo qui sollicitat in Confessionali, vel simulando Confessionem, est suspectus in fide. Secundò probatur idem antecedens; quia ut optimè observat Diana 4. part. tract. 5. resol. 50. in fin. Gregorius XV. postquam enumerat istos casus sollicitationis cum alijs subiungit, ut Inquisitores, & Ordinarij super his, prout in causis fidei inquirent, & procedant; sed in causis fidei non inquirent, nec procedunt, si ad minus delicta, non generant suspicionem.

picionem in fide: ergo qui sollicitat ad venerem simulando Confessionem, vel in Confessionali formali, est suspectus in fide; sed, ut dixi, eadem ratio militat in sollicitante ad alia peccata, imò cum maiori præsumptione de mala credulitate: ergo Confessarius sollicitans ad alia peccata præter venerem, vel in Confessionario formali, vel simulando Confessionem, est punibilis per DD. Inquisitores.

## §. II.

*FVNDAMENTA CONTRARIÆ SENTENTIÆ  
contra conclusiones.*

170 **A**RGVMENTVM primum militat contra primā conclusionem, quod sic proponitur. Bulla Gregorij XV, est favorabilis, ut dixi in 1. part. sed statuta, & constitutiones favorabiles pariunt extensionem, prout distinguuntur à poenalibus, & odiosis: ergo virtute Bullæ Gregorij XV. Confessarius sollicitans in Confessione ad alia peccata præter venerem, est punibilis per DD. Inquisitores. Probatur consequentia: in hoc distinguitur Bulla, & lex favorabilis ab odiosa, quòd prima extenditur ad omnes casus præter contentos in Bulla, ubi est eadem identitas rationis, non autem secunda, ut tenet probabilior sententia; sed eadem ratio expressa in Bulla Gregoriana militat in Confessario sollicitante ad furtum, v. g. ac in sollicitante ad luxuriam, quia in utroque casu est ratio expressa in lege, quæ est abusus Sacramenti: ergo huiusmodi Confessarius tenore Bullæ est denunciandus, sicut qui sollicitat ad venerem.

171 Responderetur negando consequentiam, & ad illius probationem, distingo maiorem, Bulla favorabilis extenditur ad omnes casus, ubi est eadem ratio expressa in Bulla, si sint eiusdem generis, concedo maiorem, si sint diversi generis, nego maiorem, eodem modo est distinguenda propositio minor, & neganda consequentia. Quando enim constitutio favorabilis est connexa cum poena, ut est Bulla Gregoriana, solum in eodem

dem genere delicti, ubi est eadem, vel maior ratio fit extensio, existente utilitate publica, ad alios casus præter expressos in Bulla. Ita Glossi. *verb. Italie*, in cap. 1. de tempor. ordin. in 6, sed non fit extensio, si agatur de diverso genere criminis. Ita Nicolaus Garcia de Benef. II. part. cap. 11. num. 206. Ioan. Sanchez in Select. disp. 14. num. 13. Cum autem licet sollicitare ad furtum, v.g. habeat eandem identitatem rationis expressam in constitutione, cum etiam in hoc delicto sit abusus Sacramenti, quia est delictum in diverso genere ad illud, extensio non fit.

172. Parificatur responsio: in Confessario sollicitante, & in femina provocante Confessarium datur eadem identitas rationis; nam ambo sunt suspecti in fide, quia abutuntur Sacramento Pœnitentiæ; hoc non obstanti, virtute Bullæ Gregoriæ, Confessarius sollicitans est denunciandus, non autem femina provocans Confessarium, etiam si Bulla sit favorabilis: non alia ratione, nisi quia in eodem genere personarum fit extensio, non autem in diverso genere, & dispositio Pontificia solum est in genere Confessariorum, & ultra nominatas personas non fit extensio, ex leg. *Quæ conditio* 39. de condition. & demonstration. leg. *Si verò* 64. §. *Viro* 9. sol. matrim. Ita Azebedo in Rubr. nu. 1061 tit. 2. lib. 6. recopil. ergo cum eadem ratio militet in diverso genere delictorum, licet detur eadem ratio expressa in Bulla in Confessario sollicitante ad alia peccata præter venerea, non est denunciandus virtute Bullæ Gregorij XV.

173. Argumentum secundum militat contra secundam conclusionem, & potest sic proponi: Ut aliquis sit punibilis per DD. Inquisitores, debet esse suspectus suspitione iuris, & à iure; sed qui sollicitat ad alia peccata in Confessione extra venerea, non est suspectus suspitione iuris, & à iure: ergo non est denunciandus DD. Inquisitoribus. Minor probatur: ut sit suspicio à iure, debet esse Bulla Pontificia eam declarans, in qua tribuat facultatem Inquisitoribus cognoscendi de delicto, vel privativam, vel comularivam: sed non est Bulla, quæ huiusmodi facultatem tribuat, nec declaret suspicionem in his delictis: ergo Confessarius

rius

rius sollicitans in Confessione ad alia peccata præter venerea, non est suspectus à iure.

174 Respondetur distinguendo minorem: Qui sollicitat in Confessione ad alia peccata extra venerem, non est suspectus à iure particulari, concedo minorem; à iure communi, nego; & applicata distinctione ad probationem, est neganda consequentia. Verùm enim est, quòd non est Bulla Pontificia, quæ tribuat facultatem specialitèr DD. Inquisitoribus ad procedendum contra Confessarios sollicitantes in Confessione ad alia peccata præter venerem; at verò de iure communi huiusmodi facultatem habent à Summis Pontificibus, ut constat ex Decreto citato Urbani VIII. quia per illud conceditur Inquisitoribus facultas procedendi contra omnes quomodolibet suspectos in fide; & cum Confessarij sollicitantes ad alia peccata præter venerea, sint suspecti in fide; hinc est, quòd à iure communi habent facultatem Pontificiam ad procedendum contra huiusmodi Confessarios.

175 Replicabis primò; Confessarius frangens sigillum Sacramentale est suspectus in fide, siquidem tale delictum generat suspicionem de mala credulitate; sed hoc non obstanti, huiusmodi delictum non est punibile per DD. Inquisitores; sed per Ordinarios; nulla alia ratione, nisi quia non est Bulla, quæ tribuat DD. Inquisitoribus facultatem cognoscendi de hoc delicto; ergo ut Confessarius sollicitans ad alia peccata extra venerem, sit punibilis per Tribunal Inquisitionis oportet, quòd DD. Inquisitores habeant facultatem, & ius speciale, & non sufficit ius commune.

176 Replicabis secundo: si hæc doctrina esset vera, ante emanationem Bullarum non solum possent DD. Inquisitores cognoscere de hoc crimine sollicitationis, sed etiam de alijs, v.g. de sortilegijs, de sollicitationibus ad venerea simulando Confessionem, de sodomia, & bestialitate, quia omnia ista delicta generant suspicionem in fide; sed hoc non est dicendum, quia ante Bullas Pontificias tribuentes hanc facultatem Inqui-

sitor.



ficoribus, vel procedebant contra huiusmodi delinquentes Ordinarij, vel Magistratus Sæculares: ergo ne hoc dicatur est tenendum, DD. Inquisitores nullatenus posse cognoscere de sollicitationibus in Confessione ad alia peccata extra venerem. Probat sequela: omnia delicta enumerata generant suspicionem in fide, sicut sollicitatio in Confessione ad alia peccata præter venerea; sed secundum mea principia, Inquisitores per illam facultatem generalem cognoscendi de omnibus delictis generantibus suspicionem in fide, possunt cognoscere de sollicitatione in Confessione ad alia peccata extra venerea: ergo etiam de alijs delictis generantibus suspicionem in fide ante emanationem Bullarum, quod non est concedendum.

177 Ad primam replicam responderetur negando minorem; nam aliud est quod non puniatur, & aliud quod non sit punibile, admissio quod generat suspicionem in fide, de qua plures graves Auctores dubitant; & ratio motiva non cognoscendi est, quia in Tribunali Hispaniæ non est consuetudo procedendi contra Confessarios frangentes sigillum, & sunt Ordinarij in possessione puniendi huiusmodi delinquentes; DD. autem Inquisitores relinquunt illos in sua possessione, ad quod maxime debet attendi in puniendis delictis; quia hoc modo conservantur Tribunalia in pace excusando competencias iurisdictionum, quæ sunt valde odiosæ, & solum non debent excusari quando delicta enormia manent impunita, & præcipue si sint nociva Sacramentis, & bono communi fidelium.

178 Ad secundam replicam responderetur concedendo sequelam, secundum doctrinam traditam per Salellem loco citato, *num. 19.* quæ memoriæ est commendanda, quia ut optime discurret, ante emanationem Bullarum potuerunt DD. Inquisitores procedere contra committentes huiusmodi delicta per facultatem generalem, quam à iure Divino, & Canonico habent procedendi contra quemcumque de hæresi suspectum. Ut autem delictum sit punibile per Inquisitores, tantummodò requiritur, quod generet suspicionem in fide, ut constat ex Decreto

cirato Urbani VIII. & si hoc habeat, iam ante emanationem Bullarum specialium tribuentium facultatem ad puniendā aliqua delicta, possunt DD. Inquisitores de illis cognoscere.

179 Quia enim hæc doctrina ad multa potest applicari, parificatur aliquibus exemplis. Primò, si aliquis, ut dixi, tempore vacante ad iocum viceretur habitu religioso, vel sacro, puniretur per DD. Inquisitores, & non est Bulla specialis, quæ hanc facultatem eis tribuat. Secundò, si aliquis abuteretur Sacramento Pœnitentiæ ad acquirendas divitias petendo illas à Confessarijs, & ad hoc fingeret plura mendacia, puniretur à DD. Inquisitoribus, & propter hoc crimen hoc tempore publicè fuit punitus in hac Aragoniæ Inquisitione quidam homo plebeius, & non est Bulla specialis, quæ tribuat hanc iurisdictionem Inquisitoribus. Etiam DD. Inquisitores cognoscunt de bestialitate, & non habent Bullam specialem: ergo ex eo cognoscunt, quia de iure Divino, & Canonico habent illam generalem facultatem cognoscendi de delictis generantibus suspicionem in fide.

180 Sed ut omnia ista firma maneant, restat vnum dubiolum: Ad quid enim deserviunt Bullæ Pontificiæ, si antequam edantur iam aliundè suam iurisdictionem Inquisitores habent per illam facultatem generalem procedendi contra omnes delinquentes de hæresi suspectos? Ad hoc dubiolum responderet Salles *num. 20.* deservire Bullas Pontificias ad multiplices effectus; primò, ad assignandas graviores pœnas pro maiori enormitate delictorum; secundò, ad excitandam iurisdictionem, si fortè obdormiebat; tertio, ad eam modificandam in ratione procedendi, vel etiam ampliandam, ut fecit Gregorius XV. in nostra Bulla: quare secundum hunc modum discurrendi Bullæ Pontificiæ speciales, iam supponunt facultatem, & iurisdictionem in Inquisitoribus, quia supponunt delictum generare suspicionem in fide, & solam sunt excitativæ iurisdictionis, & assignant pœnas contra enormia delicta.

181 Contra tertiam conclusionem potest fieri hoc argu-

men

mentum: Qui sollicitat ad alia peccata præter venerea in Confessionario formali, vel alibi simulando Confessionem, non est suspectus in fide: ergo non est denunciandus Inquisitoribus. Probatur antecedens, ut sit suspectus in fide, oportet quod abutatur vero Sacramento, sed qui sollicitat in Confessionali, vel simulando Confessionem, non abutitur vero Sacramento, quia ibi nec ponitur vera materia, nec forma: ergo qui sollicitat in Confessionali ad alia peccata extra venerem, vel simulando Confessionem, non est suspectus in fide, ac per consequens non est punibilis per DD. Inquisitores.

182 Ad hoc argumentum respondetur ex dictis negando antecedens; ad illiusque probationem constabit ex dicendis in illa celebri quæstione: an sollicitans in Confessionali sit denunciandus, sed pro nunc sufficiat Bulla Gregoriana, secundum quam Confessarii sollicitantes ad venerea, sive in actu Sacramentalis Confessionis, sive in Confessionario, vel simulando Confessionem, sunt suspecti in fide; & cum eadem ratio militet in sollicitante ad alia peccata extra venerem, similiter debet esse huiusmodi sollicitans suspectus in fide. Ex quo constat inconsequentè loquutum fuisse Thomam Hurtado, *num.* 386. siquidem asserit simulantem Confessionem, & sollicitantem ad venerea esse suspectum in fide; non autem sollicitantem ad alia peccata, quia ad ista non extendit Gregorius XV. suspicionem in fide, quod solum tenet verum de suspicionem à iure particulari, non autem de suspicionem à iure communi, quæ est sufficiens, ut huiusmodi sollicitatio sit punibilis per DD. Inquisitores.

183 Ex quibus se offert quoddam dubiolum: an si Confessarius sollicitet pœnitentem in Sacramentali Confessione, vel ad mendacium iocosum, vel ad furtum leve, sit punibilis per DD. Inquisitores. Thomas Hurtado loco citato, *num.* 392. respondet huiusmodi Confessarium non esse suspectum in fide, ac per consequens non fore denunciandum; & ratio illius est, quia non abutitur Sacramento in re gravi; sed consequentè ad mea principia existimo fore punibilem huiusmodi Confessarium per DD.

Inquisitores, utpotè suspectum in fide, quia vitur Sacramento ut medio ad mendacium, quod est maxima irreverentia, etiam si sit ad inducendum ad peccatum leve; sicut dixi de iuramento falso in re levi, quod est peccatum grave.

## §. III.

## PARS SECUNDA QUÆSTIONIS RESOLVITVR.

184 **L**ICET ex dictis facilis sit resolutio quæsitæ, ut omnia continentia ad hanc materiam ex professò tractem duplici conclusione satisfaciam huic 2. parri quæstionis, pro quo fit prima: Qui sollicitat ad venerea in alijs Sacramentis præter Sacramentum Pœnitentiæ, non est denunciandus DD. Inquisitoribus ex vi Bullæ Gregorij XV. Constat hæc conclusio ex dictis, quia sicut in favorabilibus non fit extensio ad diversas personas, nec ad aliud genus delictorum, ita similiter neque ad diversa Sacramenta; sed Bulla Gregorij XV. fuit expedita contra sollicitantes ad venerem in Confessione, non autem in alijs Sacramentis: ergo qui sollicitant ad venerea in alijs Sacramentis, non sunt denunciandi coram Inquisitoribus.

185 Sic secunda conclusio: Confessarij sollicitantes, & quilibet alius ad venerea in alijs Sacramentis sunt denunciandi DD. Inquisitoribus. Ita Thomas Hurtado loco citato, num. 387. & seqq. est contra Bonacinam tom. 1. disp. 6. de obligat. denunciat. punct. 3. propos. 2. num. 14. Probatur conclusio ex verbis Bullæ Pij IV. confirmatæ, & renovatæ à Gregorio XV. ubi hæc habentur: *Nos in animum inducere nequeunt, quod qui de Fide Catholica rectè sentiunt Sacramentis in Ecclesia Dei institutis abutantur, aut illis iniuriam faciant, &c.* Ergo principalius motivum Summorum Pontificum tribuendæ facultatem Inquisitoribus ad procedendum contra Confessarios sollicitantes ad venerea in Sacramento Pœnitentiæ est, quia abutitur Sacramentis; sed qui sollicitat ad venerea in alijs Sacramentis, etiam illis abutitur, & facit eis iniuriam: ergo puniendus est ab Inquisitoribus, utpotè suspectus in fide.

Tru:



186 Trullench *tom. 1. in Decalog. lib. 1. cap. 3. dub. 18. num. 58.*  
duo dicit, quæ non placent. Primò, quòd sollicitans ad venerea  
in alijs Sacramentis, vel in vſu illorum est denunciandus, sed  
non Inquisitoribus, sed suo Superiore, & idem sentit si in Con-  
fessione sollicitat Confessarius ad alia peccata præter venerea.  
Secundò dicit, esse vtendum in hac materia, sicut in alijs ante  
denunciationem correctior e fraterna. Circa primum loquen-  
dum est cum distinctione; nam certum est, vt dixi, ex iure com-  
muni sollicitantem in alijs Sacramentis ad venerea, & in Con-  
fessione ad alia peccata subijci foro Inquisitorum; sed est atten-  
dendum ad praxim, & stylum Tribunalis, & si est iuxta praxim,  
quòd DD. Inquisitores procedant contra huiusmodi delinquen-  
tes, coram illis est facienda denunciatio; si autem non procedi-  
tur in aliqua Inquisitione contra hos delinquentes, fiat denun-  
ciatio coram Superiore proprio sollicitantis.

187 Circa secundum est asserendum, quòd etiam si de hoc  
delicto cognoscant DD. Inquisitores, vel alij Superiores Eccle-  
siastici, ante denunciationem non oportet præmittere corra-  
ctionem fraternam, quia cum sint abusus Sacramentorum con-  
tra bonum publicum Ecclesiæ, & fidelium; idèdque generent  
suspicionem in fide: de sollicitatione in Confessione ad alia pec-  
cata præter venerem, & in alijs Sacramentis, vel ad venerea,  
vel ad alia peccata, est discurrendum sicut in alijs delictis ge-  
nerantibus suspicionem in fide, in quibus non est omittenda  
denunciatio prætextu correctionis fraternæ, vt constat ex Do-  
creto Urbani VIII. posito *in 1. p. in quæst. de correctione fraterna.*

188 Advertendum tamen est, sollicitantem ad venerea in  
alijs Sacramentis non esse puniendum pœnis contentis in Bulla  
Gregoriana; nam sicut non fit extensio de vno delicto ad aliud  
diversi generis, neque de pœnis correspondentibus vni delicto  
ad alias correspondentes alio diversi generis, licet in vno, &  
alio delicto reperiat idem motivum, vt contingit in præsentì,  
quia in sollicitatione ad venerea in Confessione, motivum est  
abusus Sacramenti, quod fundat, vt asserit Pius IV. suspicionem



in fide, & qui sollicitat ad venerem in alijs Sacramentis, etiam est suspectus in fide propter abusum Sacramentorum: & ulterius licet in duobus casibus sit abusus Sacramentorum, est motivum superius in Sacramento Pœnitentiæ, quia in eo frequentius hoc scelus committitur; nam est Sacramentum quotidianum, in quo propalantur delicta carnis, quæ magis atrahunt, & alliciunt homines; ideòque ut Confessarij se abstineant, magnas pœnas contra huiusmodi delictum taxarunt Summi Pontifices: sicque cum non sint assignatæ pœnæ contra sollicitantes ad venerem in alijs Sacramentis, ubi est stylus cognoscendi de hoc delicto, sunt taxandæ ad arbitrium Inquisitorum; & si non est stylus in Inquisitione procedendi contra huiusmodi sollicitantes, etiam erunt assignandæ pœnæ ad arbitrium proprij Superioris.

189. Sed quid est dicendum de practica Inquisitionis Hispaniæ, cognoscitur enim in illa sollicitatio ad venerem, vel ad alia peccata in alijs Sacramentis? Pro quo suppono idem dubiolum procedere de sollicitatione in Confessione ad alia peccata extra venerem. Ad vnum, & ad aliud responderetur non esse facile scire stylum, & praxim Inquisitionis in his materijs, quia rarissimè contingunt, & præcipuè sollicitatio ad venerea in usu aliorum Sacramentorum, nam Sacramentum Baptismi, Confirmationis, Matrimonij, &c. coram multis administrantur, & si sollicitatio non sit per signa, non est facile ut fiat. Quod enim multoties evenit, & potest quotidie evenire est sollicitatio in Sacramento Pœnitentiæ ad furtum, quia aviditas ad pecunias, sicut inclinatio ad luxuriam, est iuxta inclinationem naturæ humanæ corruptæ. Responderetur ad utrumque dubiolum, quòd licet vnum, & aliud delictum sollicitationis sit punibile per DD. Inquisitores, non est in Inquisitione stylus, quòd talia exercentes coram Inquisitoribus denuncientur. Ita audiavi à viro docto, & versato, & mihi retulit, quòd de hac materia Tribunalia non habent epistolam Supremi Senatus Inquisitionis, quam vocant acordatam, nec in Aediis fit mentio de his delictis; ideòque stando in praxi Tribunalis est observanda doctrina Trullench  
citata,

citata; quoad primum quod dicit; nempe, huiusmodi delinquentes puniendos esse per suos proprios Superiores, & sic coram illis est facienda denunciatio.

190 Contra conclusionem potest fieri hoc argumentum; Fœmina sollicitans Confessarium in Confessione non est denuncianda, nec punibilis per DD. Inquisitores; ergo neque sollicitans ad venerem in alijs Sacramentis. Probatur consequentia, quia sicut sollicitans ad venerem in usu Sacramentorum est suspectus in fide, ita fœmina sollicitans Confessarium in Confessione, quia abutitur Sacramento Pœnitentiæ, sed non obstanti suspitione in fide, huiusmodi fœmina non est punibilis per DD. Inquisitores; ergo neque sollicitans ad venerem in usu aliorum Sacramentorum. Propter hoc argumentum oportet statim resolvere: an fœmina sollicitans Confessarium in Confessione, sit denuncianda Tribunali Inquisitionis. Pro quo sit.

§. IV.

*AN FOEMINA SOLICITANS CONFESSARIUM SIT  
denuncianda Tribunali Inquisitionis.*

191 **H**ANC questionem plures Auctores tractant, sed absque distinctione iuris communis; & particularis. Ægidius Trullench *1. part. lib. 1. cap. 3. dub. 18. num. 39.* resolvit non fore denunciandam fœminam sollicitantem Confessarium in Confessione, quia Bullæ Pontificiæ, & Ædicta Inquisitorum in Confessarios sollicitantes diriguntur, non autem in fœminas sollicitantes; ex quo resolvit huiusmodi fœminas non fore denunciandas Tribunali. Quod tenet verum ex vi iuris particularis, & non propter rationem allatam *num. 6.* nempe, quod istæ sunt leges pœnales, ideòque restringendæ, quia ut dixi, Bullæ contra sollicitantes sunt favorabiles. Sententia Trullench, & probationes suæ resolutionis sunt P. Diana, qui idem tenet *1. part. resol. 23.* Pro ea enim parte, qua asserit huiusmodi fœminam non fore denunciandam DD. Inquisitoribus virtute Bullæ Gregorij

gorij XV. est vera, quia ut multoties dixi, neque in favorabilibus sit extensio ad diversas personas, & Bulla Gregoriana solum est contra Confessarios sollicitantes, non autem contra poenitentes. Ex quibus resolvo contra Paramum *de orig. Inquis. lib. 3. quest. 10. in fine*, huiusmodi foeminam non esse denunciandam Inquisitoribus vigore constitutionum contra Confessarios sollicitantes.

192 Tota difficultas est in praesenti, an sit huiusmodi foemina denuncianda ex iure communi, sicut sollicitans ad ventrem in usu aliorum Sacramentorum, taliter quod Confessarius teneatur illam denunciare, & quilibet alius audiens hanc sollicitationem, quia in Aedictis dicitur: *Si sabeis, d'aveis oïdo dezir*, quae verba debent applicari ad omnia crimina pertinentia ad Tribunal Inquisitionis. Circa praesentem difficultatem duplex est sententia. Prima negat huiusmodi foeminam sollicitantem esse denunciandam Inquisitoribus. Ita tenent Escobar à Corro *de Confess. sollicit. par. 1. quest. 2. num. 38.* citat Acuña *quest. 11. num. 1 & 7.* Freitas *num. 24.* Soulam *tract. 1. cap. 7. nu. 4. & Aphor. lib. 1. cap. 34. num. 12.* Santarellum *de heresi, cap. 46. nu. 4.* Ioan. Sanchez *in select. disp. 11. num. 24.* Martinum Bonacinam *de onere, & obligat. denunc. disp. 6. punct. 3. nu. 17.* Castrum à Palão *tom. 1. disput. 9. tract. 4. punct. 9. num. 7.* nostrum Peirinum *tom. 2. de privileg. Minim. constit. 4. Gregorij XV. § 3. num. 8.* sed ferè omnes isti Auctores loquuntur vigore Bullarum contra Confessarios sollicitantes, & ita se explicat noster Peirinis. Idem defensor Cæsar Carena *part. 2. de Confess. sollicit. tit. 6. nam licet, § 6. num. 48.* hanc quaestionem vertat in dubium, & dicat quod hæc res eget Pontificia declaratione inclinatur in hanc sententiam; sed postea, pag. 114. adducit quaestionem in proprijs terminis disputatam per Reverendissimum Patrem Magistrum Ricardum, Ordinis Prædicatorum, Magistrum Sacri Apostolici Palatii; in qua defendit huiusmodi foeminam non esse denunciandam.

193 Sententia secunda ferè est communis, & defensor, quod licet

licet fœmina sollicitans Confessarium non sit denuncianda virtute Bullarum contra sollicitantes; bene verò ex iure communi. In primis vix est Auctor ex citatis, qui hoc neget, quia omnes quos vidi loquuntur attendendo ad Bullas speciales contra sollicitantes. Hæc sententia in terminis defenditur à Patre Salles tom. 1. de materijs Inquis. lib. 1. cap. 16. regul. 130. num. 74. & seqq. & regul. 133. num. 232. idem repetit, & asserit fœminam sollicitantem Confessarium esse denunciandam à quovis extra Confessionem talis sollicitationis notitiam habente.

194 Sit conclusio: fœmina sollicitans Confessarium non est denuncianda DD. Inquisitoribus, nec punibilis per ipsos etiam ex iure divino, sive ex communi. Hæc conclusio sub his terminis à nullo defenditur, sed meo videri in praxi debet esse communis. Probatur primò fundamentalitèr, licet sit de iure communi denunciandus quicumque abutitur Sacramentis, quia est suspectus in fide, & ita præcipitur per Decretum Urbani VIII. citatis; nihilominus ex ipso iure communi non est denuncianda fœmina sollicitans, quamvis sit suspecta in fide: ergo neque ex iure particulari, nec ex iure communi est denuncianda huiusmodi fœmina. Probatur antecedens: sicut est de iure communi, & divino, quòd denunciatur suspectus in fide, ita etiam est de iure communi, quòd si ex denunciatione sequitur maius damnum, quam sit bonum ortum ex ipsa denunciatione, quòd non denunciatur, quia maius malum debet evitari in illis circumstantijs; sed ex eo quòd denunciatur fœmina sollicitans est periculum, ut sequatur maius malum, quam sit bonum proveniens ex denunciatione: ergo quòd non denunciatur est de iure communi.

195 Minor, in qua est tota difficultas, ostenditur assignando mala, quæ possunt evenire ex denunciatione fœminæ sollicitantis. Primū est retrahere fœminas à denunciatione, quia ex eo quòd sollicitat, si Confessarius consentit, potest timere, ne illam denunciet, si illa defert cooperationem Confessarij ad Tribunal Inquisitionis. Secundum, ut Confessarij evitent denunciationem



possent denunciare fœminas, & dicere eas illos sollicitasse, tacere consensum, & postea si accedit fœmina ad denunciandum non creditur, & semper timerent fœminæ sollicitatæ prudenter hanc præventionem; ergo ex eo quod denunciatur fœmina sollicitans sequitur maius malum, quam sit bonum originatum ex eius denunciatione.

196 Probatur secundò à paritate: quando Confessarius sollicitat fœminam, & illa consentit, non potest denunciari à Confessario, nec creditur, nec scribitur, si Confessarius in sua delatione consensum, & cooperationem fœminæ deponat, & hoc est de iure communi: ergo nec est denuncianda fœmina sollicitans Confessarium. Probatur consequentia; quia sicut fœmina sollicitans abutitur Sacramento Pœnitentiæ, ita fœmina consentiens sollicitationi, quia cooperatur ad abusum Sacramenti cum Confessario; sed fœmina consentiens sollicitationi ex iure communi, nec est punibilis per DD. Inquisitores, nec est denuncianda: ergo neque fœmina sollicitans Confessarium. Probatur hæc consequentia: ratio efficax omittendi denunciationem fœminæ sollicitatæ consentientis, etiam si abutatur Sacramento Pœnitentiæ est, quia hoc modo prudenter retraheretur hæc fœmina à denunciatione Confessarij sollicitantis, sed eadem ratio militat in fœmina sollicitante, quia ambe prudenter timerent delationem Confessarij, ut evaderet pœnas Bullarum contra sollicitantes: ergo fœmina sollicitans non est denuncianda DD. Inquisitoribus.

197 Neque Audiens extra Confessionem illam fœminam sollicitasse Confessarium tenetur illam denunciare ex iure communi, si Confessarius consensit sollicitationi, imò potius tenetur denunciare Confessarium, quia ita præcipitur in Bullis, & in Edictis, quia si denunciaret fœminam posset timeri prudenter illam vocatam negaturam fuisse consensum, & tractatus in honestos Confessarij, quia saltèm indirectè se proderet, & propalaret suum crimen, quia etiam si esset bene instructa, & negaret consensum, vel sollicitationem propriam ex dicto testis;



His, qui audit sollicitationem, iam esset magna suspicio provocationis mulieris: ergo neque qui audit sollicitationem mulieris tenetur illam deferre ad DD. Inquisitores, sed tractatus, vel verba illicita, si fuerunt ex parte Confessarii.

198. Fundamentum vnicum Patris Salelles ad stabilendam obligationem denunciandi feminam sollicitantem ex iure divino, & communi, licet sufficienter sit solutum ex dictis in probatione conclusionis, sic breviter potest proponi: DD. Inquisitores possunt procedere contra quamlibet personam quomodolibet suspectam in fide; sed femina sollicitans Confessarium est suspecta in fide, quia abutitur Sacramento Pœnitentiæ ad explendam suam libidinem: ergo de iure divino, & communi est denuncianda huiusmodi femina DD. Inquisitoribus.

199. Respondetur distinguendo maiorem: DD. Inquisitores possunt procedere contra quamlibet personam suspectam in fide in abstracto, concedo; in concreto circumstantiarum, nego; itaque cum ex eo, quod denunciatur femina sollicitans, sequantur mala enumerata in prima probatione, cum quibus circumstantiis est de iure communi, quod non practicetur, quod illis seclusis debet fieri secundum idem ius, hinc est, quod est secundum ius commune, quod huiusmodi femina non denunciatur; & quotidie hoc evenit in rebus, quæ sunt de iure gentium, & de iure Divino; ideoque optime dicunt Auctores, quod quando in casibus sunt aliquæ circumstantiæ, ex quibus exercitium iuris est nocivum, est vitandum epyqueia; & tunc est iuxta idem ius, quod non fiat, quod in alijs circumstantiis; & secundum se est exequendum.

200. Pro coronide oportet scire practicam, & stylum Tribunalis Inquisitionis Hispanicæ, ne in aliquo ab illo recedamus. Iste casus est practicabilis, & multoties evenit. Dico non esse stylum in Inquisitione Hispanica præcipere tales delationes, nec punire feminas sollicitantes, nec provocantes Confessarios ad venerea. Ex quo sumitur efficax argumentum pro nostra conclusione, nam etiam si non sint Bullæ speciales ex generali

facultate, quam habent procedendi contra omnes suspectos in se, puniunt Inquisitores abusus Sacramenti Pœnitentiæ, ut constat quando pœnitens abutitur Sacramento Pœnitentiæ ad habendas divitias, & si aliquis in Confessione evaginaret gladium contra Confessarium: ergo si in his, & similibus casibus, qui rarò eveniunt, contra huiusmodi delinquentes procedunt DD. Inquisitores, etiam si non habeant ius speciale; multò melius procederent contra fœminas sollicitantes in Confessione, quia hic casus frequentèr contingit, si ex circumstantijs adiunctis ex iure communi possent procedere.

## QVÆSTIO V.

### *VTRVM CONFESSARIVS SOLICITANS AD lenocinium, sit denunciandus,*

#### §. I.

#### *RESOLVITVR QVÆSTIO CVM CONNEXIS.*

201 **O**LIM ante Bullam Gregorij XV. fuit magna controversia apud DD. ut refert Carena *de Offic. Inquis.* part. 2. tit. 6. §. 5. num. 25. an esset denunciandus DD. Inquisitoribus Confessarius sollicitans fœminam ut sit lena, vel mediatrix, ut alia fœmina secum habeat copulam, vel alios tractatus inhonestos. Sed quia in Bulla Gregorij XV. disponitur, quòd denunciatur Confessarius qui sollicitat ad venerca in actu Sacramentalis Confessionis, sive per se, sive cum alijs, quod etiam intellegendum est de sollicitante immediatè ante, vel post, occasione, vel prætextu Confessionis, & in alijs locis, & circumstantijs comprehensis in Bullis, videtur hodie esse absque controversia sollicitationem comprehensam in Bulla Gregoriana, allicere, provocare, aut tentare in his, & similibus circumstantijs ad libidinem.

202 Sed quia hoc lenocinium multipliciter potest contingere

ex parte Confessarij, ideòque cum distinctione est hæc quæstio decidenda; nam primò potest esse Confessarius lenon sollicitando foeminam ad venerea perpetranda cum alio, qui eam desiderat, & ut illam consequatur loquutus fuit suo Confessario, ut mediarer cum illa suasionibus, vel consilijs. Secundò, sollicitando ipsam fœminam ut sit lena, vel mediatrix cum alia, ut exerceat libidinem, vel cum ipso Confessario, vel cum alio. Tertiò, sollicitando filium Confessionis, ut cum aliqua fœmina habeat amicitiam inhonestam, vel ut reddeat ad eam, quam reliquit, vel sollicitando filium Confessionis, ut sit lenon cum aliqua fœmina in favorem Confessarij, vel alterius. Quartò, sollicitando ut filia, vel consanguinea fœminæ pœnitentis, vel masculi prostituatur ipsi Confessario, vel alteri personæ. Quintò, quando Confessarius expressè pecuniam exposcit fœminæ, vel masculo pœnitenti, ut ea mediante consequatur aliam fœminam ad exequendam suam libidinem. Sextò, quando Confessarius postulat à pœnitenti domum suam, ut ibi se videat cum concubina. Omnia ista habent connexionem cum hac quæstione, ideòq; sigillatim de omnibus est tractandum, ut ex his, Confessarij resolvant alios casus similes.

203 Ante resolutionem quæstionis præmitto, quòd hodie post Bullam Gregorij XV. parùm difficultatis habet hæc quæstio, quoad 1. part. & secundum mea principia, etiam erat denunciandus huiusmodi Confessarius, qui est lenon, vel mediator in actu Sacramentalis Confessionis exui constitutionum Pij IV. Clementis VIII. & Pauli V. quia Bullæ contra sollicitantes sunt favorabiles, ideòque extendendæ quando casus est omninò similis, & non sit extensio ad diversas personas, nec ad diversas pœnas delictorum; sed in lenocinio Confessarij casus est omninò similis, siquidem pertinet ad speciem luxuriæ, persona est eadem expressa in Bullis, quia sunt contra Confessarios sollicitantes: ergo non solum virtute Bullæ Gregorianæ, sed aliarum est denunciandus Confessarius sollicitans lenon, vel mediator.

204 Afferò primò: Confessarius sollicitans fœminam, ut prosti-

prolicuatur cum alio, est denunciandus DD. Inquisitoribus virtute Bullæ Gregorianæ. Ita Thomas Hurtado *tract. 4. de Confess. sollicit. cap. 8. resol. 39. num. 427.* Casar Carena loco citato, D. Ioan. Escobar à Corro *part. 1. de Confess. sollicit. quest. 3. §. 2. num. 24. & seqq.* citat Acuña *quest. 17. per tot.* ibi Freitas *num. 13.* Graff. *conf. 1. num. 41. ad fin. de cognat. spirit.* Ioan. Sanchez *in select. disp. 11. num. 47.* Illamque defendunt in proprijs terminis Diana *4. part. tractat. 5. resol. 12.* Bonacina *tom. 1. disput. 6. de onere denunciat. punct. 3. num. 6. & 18.* Salelles *tom. 1. lib. 1. cap. 16. regul. 131. num. 93. & seqq.* Castrus à Palao *tom. 1. tract. 4. de Confess. sollicitant. disp. 9. punct. 5. num. 1.* & est communis. Solum teneo contrarium Sousa *lib. 1. cap. 14. num. 3. & 4.* qui defendat esse probabile, quod adhuc virtute Bullæ Gregorianæ non est denunciandus Confessarius lenon.

205. Hæc conclusio breviter probatur verbis Bullæ Gregorij XV. Primò, quia in Bulla præcipitur denunciatio Confessarij sollicitantis ad venerea perpetranda, *sive per se, sive cum alijs* sed Confessarius lenon sollicitat ad inhonesta perpetranda cum alijs: ergo vigore Bullæ Gregorianæ est denunciandus Tribunali Inquisitionis. Secundò, quia in eadem Bulla præcipitur denunciare Confessarium, qui in actu Sacramentalis Confessionis, vel immediatè ante, vel post, occasione, vel prætextu Confessionis, &c. cum prænitentibus illicitos sermones, & tractatus habet; sed Confessarius lenon habet cum prænitente sermones, & tractatus inhonestos: ergo vigore Bullæ Gregorianæ etiam ex hoc capite est denunciandus. Existimo enim sententiam Souzæ non habere probabilitatem, non solum quia opponitur sententiæ communi DD. sed quia apertè Bullæ Gregorij XV. contrariatur.

206. Affero secundò, Confessarium sollicitantem feminam ut sit lena, vel mediatrix cum alia, vel ut ipse Confessarius introducatur ad correspondentiam veneream, vel alius esse denunciandum vigore Bullæ Gregorianæ. Ita Auctores citati propria conclusione, & addo Laurentium de Peisinis *tom. 2. de*

*privileg. Minor. constit. 4. Gregorij XV. §. 5. num. 16. Trullench  
rom. 1. lib. 1. cap. 3. dub. 18. num. 49.* Probatur primò ex Bulla Gre-  
goriana, quia licet iste non habeat cum foemina pœnitente ver-  
ba inhonesta ordinata ultimatè ad illam, tamen habet sermo-  
nes, & tractatus inhonestos, mediante foemina pœnitente, ordi-  
natos ad aliam foeminam; sed hoc est apertè contra Bullam  
Gregorij XV. ergo huiusmodi Confessarius tenore huius Bullæ  
denunciandus est Inquisitoribus.

207 Probatur secundò hæc conclusio: Si huiusmodi Con-  
fessarius non esset denunciandus, ex eo esset, quia ut dicit Soufa  
loco citato, non sollicitat pœnitentem ad venerea, etiam si soli-  
citet ad inhonesta in alio genere, quia lenocinium licet ordinetur  
ad venerea, non est actus venereus; sed sollicitare pœniten-  
tem ad lenocinium, est provocare, & tentare ad actum vene-  
reum: ergo Confessarius sollicitans foeminam, ut sit lena, vel  
mediatrix cum alia, ut Confessarius, vel alius cum ista habeat  
tractatus inhonestos, est denunciandus Inquisitoribus. Probatur  
minor: Lenocinium reputatur gravius peccatum quocumque  
alio intra genus luxuriæ, ut dicit Gloss. verb. *Eum qui servitute,  
in l. Athletas, §. Pomponius*; & ratio est, quia lenocinium directe  
tendit ad copulam, idèdque lenocinium dicitur à leniendo, quia  
dirigitur ad strupa, & adulteria, blanditijs alliciendo, & provo-  
cando ad ista, & similia: ergo provocare pœnitentem ad lenoci-  
nium, est provocare, & tentare ad actum venereum. Præterea,  
quia eiusdem generis, & malitiæ est sollicitare ad illud quod est  
medium ad copulam, ac ad ipsam copulam, quia medium ordi-  
natur ad finem; sed lenocinium est medium per se ordinatum  
ad copulam, vel ad alios tractatus inhonestos: ergo est eiusdem  
rationis cum sollicitatione ad copulam; ac per consequens est  
provocare, & sollicitare ad venerem, quod est sollicitatio denun-  
cianda Inquisitoribus, non solum tenore Bullæ Gregorianæ, sed  
etiam aliorum Diplomatum contra Confessarios sollicitantes.

208 Ex his deducitur tertia conclusio, scilicet esse denun-  
ciandum Confessarium, qui in Confessione immediatè ante, vel  
post,



post, &c. sollicitat pœnitentem ad amicitiam inhonestam habendam cum aliqua fœmina, vel vt reddeat ad eam, quam reliquit, & etiam si illum sollicitet, vt sit lenon in favorem Confessarij, vel tertiij. Hæc conclusio patet ex dictis in antecedentibus, quia in hac provocatione, & allicientia ad venerem Confessarius propriissime est lenon; deindè in 2. part. conclusionis sollicitat pœnitentem vt sit lenon; omnia ista sunt in genere veneris, quia, vt dixi, ordinantur ad copulam: ergo Confessarius sollicitans in Confessione immediatè ante, vel post vt lenon, vel vt ipse pœnitens mediet ad inhonestam cum aliqua fœmina est denunciandus.

209 Sit quarta conclusio: Confessarius sollicitans in Confessione immediatè ante, vel post, &c. pœnitentem fœminam, vel virum, vt soror, filia, vel consanguinea prostituatur ipsi Confessario, vel alijs personis, est denunciandus DD. Inquisitoribus. Hæc conclusio in substantia non distinguitur à conclusione secunda, quia huiusmodi Confessarius sollicitat ad lenocinium; nam provocare, & suadere fœminam, vt filia, soror, vel consanguinea ipsi Confessario, vel alijs prostituatur apertè est lenocinium: ergo huiusmodi Confessarius virtute Bullæ Gregorij XV. venit denunciandus.

210 Sit quinta conclusio: Quando Confessarius expostulat pecunias à fœmina sibi confitenti, vt elargiendo illas alteri fœminæ copiam sui faciat, etiam est denunciandus DD. Inquisitoribus; quia licet petere pecunias secundum se, non sit inhonestum in genere luxuriæ, quod requiritur ad hoc vt Confessarius sit denunciandus virtute Bullæ Gregorianæ; petere illas cum expressione talis finis, est miscere in Confessione sermones inhonestos; sed virtute Bullæ Gregorij XV. huiusmodi Confessarius est denunciandus: ergo si Confessarius à pœnitente expostulet pecunias, vt eas elargiendo alicui fœminæ copiam sui faciat, est denunciandus Tribunali Inquisitionis.

211 Sed est advertendum, quòd si Confessarius pecuniam expostulet à fœmina sibi confitenti, non exprimendo animum  
clar.

elargiendi alteri fœminæ eam pecuniam, licet in mente habeat hunc finem lasciviandi, & ex post factis. aperiatur intentum, quia tunc nulla fit iniuria Sacramento Pœnitentiæ, nec ratione rei, nec verborum; in hoc casu huiusmodi Confessarius non est denunciandus, quod autem nulla fuerit illata iniuria Sacramento, nec ratione rei, nec verborum constat; nam postulatio pecuniæ non explicato fine, nihil continet obscœnum, deindè nec ratione finis inhonesti, quia non fuit manifestatus, sed mente retentus: ergo nulla iniuria fuit illata Sacramento Pœnitentiæ, *l. si repetendi 7. C. de condit. ob causam.*

212 Sit sexta conclusio: Si Confessarius petat in Confessione à fœmina pœnitente domum suam, ut ibi adducat concubinam, est denunciandus Tribunali Inquisitionis. Hæc conclusio in proprijs terminis defenditur à P. Diana 4. part. tract. 5. resol. 45. & dicit hanc conclusionem esse casum comprehensum in Bulla Gregoriana in illis verbis: *Ad inhonestâ, sive inter se, sive cum alijs quomodolibet perpetranda.* Probatur quod sit casus comprehensus in Bulla, quia non potest negari quod lenocinium comprehenditur in illis verbis, ut dixi; sed si Confessarius exposulet à pœnitente, ut habeat sibi suam domum paratam, ut in ipsa se videat cum sua concubina, apertè, & directè petit ut lenocinium exerceat, ut constat ex *l. auxilium 37. §. fin. de minorib. l. 1. §. fin. de extraordin. crimin. loqui. domum* 8. ergo si Confessarius fœminam pœnitentem sollicitat, ut habeat sibi paratam domum ad se videndum cum sua concubina tenore Bullæ Gregorij XV. est denunciandus.

213 Idem est dicendum, si Confessarius in Confessione, vel immediatè ante, vel post, vel prætextu Confessionis, &c. tribueret masculo, vel fœminæ chartam, in qua contineretur sollicitatio ad lenocinium, vel ut haberet suam domum paratam ad videndam suam concubinam. Probatur, quia sicut in Bulla Gregorij XV. prohibetur sollicitatio ad inhonestâ inter se, ita cum alijs; sed si Confessarius in Confessione, vel immediatè, vel post, tribueret fœminæ confitenti chartam, in qua contine-

retur sollicitatio ad venerea inter ipsum Confessarium, & pœnitentem, esset denunciandus; ergo si tribuit chartam, in qua sollicitat, ut pœnitens mediet cum alia femina, vel ut sibi habeat paratam domum ad videndam concubinam, cum sollicitet ad inhonesta cum alijs est denunciandus. Minor constat ex propositione damoata ab Alexandro VII. ex qua sequitur consequentia.

214. Ex quibus sequitur, quod si Confessarius diceret pœnitenti, quia in Confessione exprimit eum ex zelotypia concubinae nolle reddere ad suum amorem lascivum, huiusmodi concubina nullam iniuriam, nec malam fidem fecit tibi, scio enim nihil habuisse cum alio, illa plorat, & est cum magna tristitia; in hoc casu absque dubio esset denunciandus, nam huiusmodi verba sunt maximè allicitiva respectu amassij, & directè talia proferre, est exercere officium lenonis: ergo virtute Bullæ Gregorianæ, huiusmodi Confessarius est denunciandus Tribunali Inquisitionis.

## §. II.

*ARGUMENTA CONTRARIA.*

215. **C**ONTRA istam conclusionem nullum est argumentum magni momenti; quia est communis; solum referam fundamentum. Solutæ, quod est huiusmodi: Solum est denunciandus virtute Bullæ, qui exercet in Confessione immediate ante, vel post, &c. actum venereum; sed quando Confessarius sollicitat feminam, ut faciat sui copiam alteri, nullum exercet actum venereum: ergo vigore Bullæ Gregorianæ non est denunciandus. Respondetur negando maiorem: nam ut sollicitatio sit comprehensa in Bulla Gregoriana, non requiritur quod sit actus venereus, sed sufficit quod sit illicitus intra genus luxuriæ, aliàs quando Confessarius sollicitat verbis feminam in Confessione, ut postea exerceat cum illa actum venereum, non esset denunciandus Confessarius, quia in Confessione non exercet actum venereum. Quare si in hoc casu absque controversia

est denunciandus Confessarius, quia licet non exerceat actum venereum, ordinatur ad illum; similiter quando Confessarius est lenon, siquidem sollicitatio habet pro fine actum venereum exercendum cum alio.

216 Contra secundam conclusionem potest fieri hæc instantia: sollicitatio Confessionis ut mediet femina pœnitens cum alia femina ad libidinem Confessoris, vel alterius explendam, non est casus comprehensus in Bulla Gregorij XV. ergo non est denunciandus Confessarius qui sollicitat feminam pœnitentem, ut sit lena, vel mediatrix cum alia, vel ad explendam libidinem Confessoris, vel alterius. Probatur antecedens, quia Bulla Gregoriana solum præcipit denunciare Confessarium qui sollicitat feminam pœnitentem ad venerea perpetranda, vel cum ipso Confessario, vel cum alijs, ut constat ex illis verbis: *Vel per se, vel cum alijs*; sed in hoc casu non sollicitat feminam, neque ut ipsa perpetretur actum venereum cum illo, nec cum alijs, sed ut sit mediatrix, ut exerceatur ab alia femina: ergo sollicitatio feminae pœnitentis, ut sit mediatrix cum alia, non est casus comprehensus in Bulla Gregorij XV.

217 Respondetur primò ad hoc argumentum, quòd dato, & non concesso, quòd vigore illorum verborum *Per se, vel cum alijs*, non sit talis sollicitatio Confessarij casus comprehensus in Bulla Gregoriana, propter illa verba: *Illicitos sermones, vel tractatus habuerint*, comprehenditur iste casus in Bulla, quia est sollicitatio ad lenocinium, quod pertinet ad genus luxuriæ. Respondetur secundò, huiusmodi sollicitationem esse casum comprehensum in Bulla, etiam tenore illorum verborum: *Per se, sive cum alijs*, quia sollicitatur femina pœnitens, ut provocat, & alliciat aliam feminam ad actum venereum, quòd est idem ac sollicitare, ut cum alia habeat tractatus pertinentes ad genus luxuriæ.

218 Contra quintam conclusionem potest fieri hoc argumentum: petere pecunias à pœnitente non est sollicitatio ad venerea: ergo etiam si illas petat, ut his mediantibus Confessa-

rius adimpleat fornicationem cum alia fœmina non est denunciandus. Probatur consequentia, ut sit sollicitatio venerea, debet esse sollicitatio ad aliquod malum determinatè; sed etiam si Confessarius explicet suam libidinofam intentionem pœnitens non sollicitatur determinatè ad malum: ergo etiam si petat pecunias explicando animum libidinofum non est denunciandus. Probatur minor, huius pecuniæ largitio facta à fœmina confitente non est mala, quia potest benè exerceri, nam potest dare pecunias Confessario, vel ex motivo iustitiæ, vel liberalitatis, vel misericordiæ; sed quod potest benè exerceri non est malum: ergo etiam si Confessarius explicet suum animum libidinofum pœnitens, nec provocatur, nec sollicitatur ad malum.

219 Parificatur hæc obiectio: si Confessor sollicitaret pœnitentem, ut domum suam locaret meretrici publicæ, etiam si Confessarius explicet suam intentionem, scilicet esse illam locationem; ut mulier meretricetur non sollicitaret ad venereas; nulla alia ratione, nisi quia locatio domus, etiam si explicetur à Confessario esse ad meretricandum, potest fieri licitè, scilicet non ut fœmina exerceat venerea, sed ut domum locet; ut tenent Vazquez *tom. opuscul in tract. de scandalo; dub. 5. num. 38. Læsius lib. 2. cap. 24. dub. 7. Valencia 2. 2. disp. 5. quest. 71. punct. 4.* & alij quos citat; sed in nostro casu etiam si Confessarius explicet animum libidinofum, fœmina pœnitens potest licitè exercere elargitionem pecuniæ: ergo illam non sollicitat ad actionem determinatè malam; ac per consequens loco panis non porrigit venenum; ideòque huiusmodi Confessarius non est denunciandus.

220 Respondetur ad argumentum distinguendo antecedens, petere pecunias à pœnitente non est malum si Confessarius non explicat eas esse ad exercenda venerea cum alia fœmina concedo antecedens; si explicat hunc fœminem libidinofum nego antecedens; quia si Confessarius exprimit illas pecunias esse ad consequendam aliam fœminam, ut cum ea habeat copu-



copulam, aut alia inhonesta, largitio pecuniarum non potest honestari ex parte fœminæ, quia est auxilium ad peccatum; ac per consequens donando illas Confessario cooperatur cum illo ad peccatum luxuriæ, quia licet secundum se donatio pecuniarum non sit mala, cum his circumstantiis vitiatur, & est actio inhonesta; per quod patet ad probationem.

221 Ad paritatem responderetur cum distinctione, sollicitatio locationis domus pro meretrice, ut sui copiâ faciat, non est provocatio ad venerea, si in alio loco fœmina meretricatur, cõcedo maiorem; si in alio loco benè viveret, nego maiorem; Auctores enim citati solum dicunt huiusmodi locationem esse licitam, quando aliundè fœmina est determinata ad luxuriandam, & cum illa locatione solum offertur commoditas ad sic vivendum, sicut enim locare domum non ut habeat fœmina commoditatem tantum, sed ut luxuriosè vivat, quæ in alio loco non sic viveret, est malum determinatè, & si ad hoc Confessarius sollicitaret fœminam pœnitentem esset denunciandus; similiter quando sollicitatur ad pecunias elargiendas, ut cum illis cum alia fœmina luxurietur, quia sicut in primo casu, sollicitatio ex circumstantiis contrahitur ad genus luxuriæ, ita in secundo.

222 Contra sextam conclusionem arguit Sousa loco citato, num. 8. donatio domus, ut ibi Confessor se videat cum amasia, potest fieri licitè à pœnitente: ergo non est sollicitatio ad rem inhonestam. Probatur antecedens cum paritate posita numero antecedenti; si enim Confessor haberet concubinam, & in Confessione, vel immediatè ante, vel post, &c. à pœnitente exposceret ut domum locaret concubinæ, etiam si pœnitens sciret cum illa peccaturum Confessarium, non esset sollicitatio comprehensa in Bulla, quia hoc ex natura sua non est malum, & potest benè exerceri: ergo neque erit mala donatio domus, ut ibi Confessor se videat cum amasia. Probatur consequentia, nam ex eo locatio domus non est mala, quia potest exequi sine peccato; sed etiam donatio domus potest exerceri sine peccato: ergo huiusmodi

dona-

donatio, ut Confessarius se videat cum sua concubina, non est mala. Probatur minori: ut in hoc casu donatio domus honestetur, requiritur aliqua necessitas, ut graves Auctores docent; hæc enim necessitas facile potest inveniri in femina penitente, scilicet ne Confessarium inimicum habeat; si dependet ab illo in aliqua commoditate temporali, ne illam perdat, & alia huiusmodi: ergo donatio domus potest exerceri sine peccato, ac per consequens solicitare ad hoc, non est provocare ad malum, quod requiritur ut sit sollicitatio denuncianda.

223 Respondetur negando antecedens, quia donatio domus, ut aliquis ibi se videat cum concubina, est idem ac cooperari moraliter ad peccatum luxuriæ; ad probationem iuxta dicta est distinguendum antecedens: locatio domus non est mala, si scias in alio loco feminam non posse luxuriam exercere cum Confessario, nego antecedens; si etiam si non locetur domus, eodem modo explebunt suam libidinem, concedo antecedens. Itaque in hoc casu solum Confessarius petit locationem à penitente, & in hoc solum cooperatur quod non est malum, quod non contingit quando Confessarius petit domum à penitente, ut se videat cum sua concubina, quia hæc actio, attentis circumstantiis, non potest honestari; cum ad minus sit peccaminosa in genere luxuriæ propter periculum proximum lasciviandi; cumque Confessarius sollicitet, ut femina penitens cooperetur ad actionem connexam cum periculo proximo, sollicitat ad malum intra genus luxuriæ, ideoque huiusmodi Confessarius denunciandus est.

224 Ad illud quod dicitur, quod ut donatio domus honestetur, requiritur aliqua necessitas, quæ facile invenitur, scilicet ne Confessarium inimicum habeat, si dependeat ab illo in aliqua commoditate temporali, & alia huiusmodi. Ut autem Thomas Hurtado *tract. 4. cap. 8. resol. 39.* hanc sententiam Souse contra communem intelligentiam confirmet, facit paritatem cum alia sententia, quam sequutus fuit Castrus à Palao *tom. 1. tract. 6 disp. 6. punct. 11.* in illa enim statuit posse honestari in famulis

mulis portare scalam Dominis suis ad ascendendum domum concubinæ per fenestram, deferre litteras amatorias amassio, & alia huiusmodi, si id faciant metu notabilis detrimenti, puta, ne à Domino malè tractentur, ne torvis oculis aspiciantur, ne domo expellantur, quæ est *Propositio* sr. damnata ab Innocentio XI. sicut enim hoc in praxi nullam habet probabilitatem, ita similiter quòd sit licitum, & honestetur donare domum Confessario, ut se videat cum sua concubina, si hæc ab illo dependet in aliqua commoditate temporali.

225 Ut autem intelligas salutatem huius doctrinæ coincidere cum doctrina damnata ab Innocentio XI. ponam motivum damnationis. Licet verum sit, quòd portare scalam, & aperire ianuam concubinæ, & alia huiusmodi abstracta à circumstantiis non sint mala, sed actiones indifferentes, tamen attentis circumstantiis, quòd femina cognoscitur à famulo, ut concubina Domini, & quòd Dominus quando illam visitat frequenter cadit, omnes istæ actiones adiubant ad exercendam luxuriam Domini, ideòque non possunt honestari, etiam si Herus malè tractet servum, vel omittendo hæc, vel resistendo quamvis amittat commoditates temporales, quia hæc exercendo, semper cooperatur ad peccatum Heri. Ita Pater Cardenas explicando hanc propositionem; aliæ autem sunt actiones, quæ non adiubant ad exercendam luxuriam, & istæ non sunt illicitæ, ut si concubina existens in domo Heri peteret à famulo aquæ poculum, quia ministratio aquæ non adiubat ad exercendam luxuriam; cum autem ministratio propriæ domus, ut Confessarius videat suam concubinam de facto adiubat ad exercendam luxuriam, non autem locatio domus; hinc est, quòd si Confessarius petat in Confessione à femina penitente suam domum, ut ibi videat suam concubinam est sollicitatio comprehensa in Bulla, non autem si petat, ut domus locetur.

226 Ex quibus infero contra eundem Hurrado loco citato, num. 435. quòd si Confessarius in gratiam Heri sollicitaret famu-

famulum in Confessione, vt imponeret humeros ad ascendendum domum per fenestram ad loquendum cum sua concubina, vel vt portaret scalam, vel litteras amatorias, vel aperiret ianuam ad ingrediendum domum, vt illam visiter, foret denunciandus DD. Inquisitoribus, quia sollicitaret ad cooperationem cum Domino ad peccatum intra genus luxuriæ, quod reducitur ad lenocinium.

227 Sed pro coronide se offert quoddam dubiolum resolvendum, quod movet Diana 1. *part. de sigillo Confessionis, tract. 11. resol. 34.* an si Confessarius, qui invitatus audit Confessionem ad dicta sollicitat, vel ad venerea inter se, & feminam confitentem, vel in Confessione, vel immediate ante, vel post, &c. sit denunciandus DD. Inquisitoribus? Miror quòd D. Ioan. Escobar à Corro 1. *part. quest. 2. num. 64.* vir eruditus, & versatus in materijs Sanctæ Inquisitionis, resolvat pro parte negativa; & ratio illius est, quia si in Confessione ante, vel post Confessarius feminam sollicitat, pœnas evadit, quia videtur nullam inferre iniuriam Sacramento, qui voluntatem illud conficiendi non habet, vel hæc voluntas proveniat ex reverentia, aut alio ex fine.

228 Hæc enim doctrina non potest sustineri, & est reiiciens, da à praxi Tribunalis, utpotè clarè opposita non solum Bullæ Gregorij XV. sed etiam omnibus Diplomatum Pontificijs contra sollicitantes. Ratio est clara, quia licet Confessarius renitens accedat ad audiendam Confessionem, ex quocumque capite hæc renitentia procedat, si semel audit Confessionem, habet voluntatem illam audiendi; sed ex eo quòd illam audiat, debet facere quod exigit Sacramentum; nempe, debet adhibere medicinam, & non venenum: ergo si sollicitat ad venerea est denunciandus, quia non adhibet medicinam, sed venenum, quod est comprehensum in Bullis; ideòque abutitur Sacramento Pœnitentiæ, & est denunciandus, vt suspectus in fide.

229 Hoc parificatur cum doctrina Dianæ loco citato, etiam si Confessarius retinens audiat Confessionem, si frangit sigillum Sacramentale, debet puniri omnibus pœnis latis contra fran-

gen-

gentes sigillum, nulla alia ratione nisi quia, & si invitatus audiat, debet facere omnia quæ exigit Sacramentum Pœnitentiæ. Ergo etiam si renitens audiat Confessionem, cum debeat facere omnia quæ exigit Sacramentum Pœnitentiæ, si sollicitat in Confessione immediatè ante, vel post, &c. ad venerea, aliquo ex dictis modis est reus pœnarum quæ continentur in Bullis contra Confessarios sollicitantes, ac per consequens ut præcipitur in Bulla Gregoriana, & in Adictis, est denunciandus Tribunali Inquisitionis.

29. 230. Corroboratur hæc resolutio ab inconuenienti, quia si hoc modo Confessarius evaderet denunciationem, quando aliqua femina accedit ad illum animo confitendi, potest differre Confessionem, dicendo: habeo magnam repugnantiam audiendi Confessionem Sacramentalem, quia valdè timeo administrare Sacramentum Pœnitentiæ, & postea sollicitare; imò potius exprimendo causam renitentiæ posset dicere: timeo, quia sum maxime tentatus ad luxuriam, & præcipuè quando audio Confessionem à feminis pulchris, & hoc medio inciperet sollicitationem, & tentaret feminam; sed hoc esset aperire viam ad fugiendam denunciationem, & pœnam in Santo Officio, quod non est audiendum: ergo neque contraria sententia sustinenda, quia hoc modo Confessarii sollicitantes liberius sollicitarent.

## QVÆSTIO VI.

### AN CONFESSARIVS QVI CONCVBINAM IN CONFES-

*sione de zelotypia arguit, sit denunciandus.*

#### §. VNICVS.

#### DECISIO QVÆSTIONIS PONITVR.

231. **S**ERAPHINVS Freitas in noviss. edit. de Confess. sollicit. quest. 2. num. 21. existimat casum contentum in qua-

WILL

LI

sione,



sione, quoad forum exterius esse fictitium; quia si concubina confiteretur sua peccata commissa in materia venerea cum alijs suo amasio, & iste in Confessione illa peccata acriter reprehendit, licet procedant verba in Confessario ex zelotypia, sonant reprehensionem peccatorum, quam debet adhibere Confessarius ex suo munere; sed quoad forum exterius illa reprehensio est iusta, & nullatenus abusus Sacramenti: ergo dicere quod Confessarius arguit in Confessione de zelotypia, est casus fictitius.

230. His non obstantibus, non iudicant graves Auctores hunc casum fictitium, nam de illo disputat Ioann. Sanchez *in select. disp. vi. num. 32.* Fagundez *ad 2. Eccl. precept. lib. 4. cap. 3. num. 63.* D. Ioan. Escobar à Corro *1. part. quest. 3. num. 36.* Diana *4. part. tract. 5. resolut. 43.* Trullench *tom. 1. in Desalog. lib. 1. cap. 3. dub. 18. num. 46.* prope medium, & alij. Quare cum his Auctoribus resolvo, quod si Confessarius in Confessione acriter obiurgaret suam concubinam pro peccatis commissis cum alijs, taliter quod verba sonarent zelotypiæ vulgò, *zelos lascivos*, huiusmodi Confessarius esset denunciandus DD. Inquisitoribus, non solum tenore Bullæ Gregorij XV. sed etiam aliarum Bullarum contra Confessarios sollicitantes. Præter Auctores citatos, hanc sententiam tenet Salselles *tom. 1. cap. 16. regul. 34. num. 156.* & dicit non solum esse denunciandum qui arguit concubinam in Confessione de zelotypia, sed etiam ex vi Decreti Pauli V. si illam increpat de mala correspondencia in Confessionali, & vigore Bullæ Gregorianæ, si hæc fiant simulando Confessionem, prætextu, vel occasione Confessionis, ea etiam non sequitur.

233. Hæc conclusio probatur primò, obiurgare concubinam in Confessione, id est, *pedirla zelos*, est sollicitatio ad venerea, intra terminos Bullæ Gregorianæ comprehensa: ergo arguere de zelotypia concubinam in Confessione, est casus denunciandi Confessarium. Probatur antecedens, quia huiusmodi actio est provocativa, vel tentativa ad lasciviam, quia ad minus est signum ostendens lascivum amorem: ergo obiurgare concubi-

nam

nam in Confessione immediate ante, vel post, &c. est sollicitatio ad venerea, quare denunciandus est Confessarius qui in Confessione immediate ante, vel post, &c. arguit de zelotypia.

234. Quod autem talis obiurgatio sit signum ostendens lascivum amorem, suadetur; nam aliquem se manifestare zelotum; non est aliud, quam declarare se poenitere, quod alius, & non ipse solus sit particeps amoris lascivi famina; quare arguere faminam de zelotypia, nihil est aliud, quam dicere, dolco quod afferas causam discontinuandi nostrum affectum, & amorem, quia non potest meus affectus sustinere, quod alius tui favoris sit particeps; sed hoc ad minus est habere in Confessione, vel immediate ante, vel post sermones inhonestos: ergo est sollicitatio comprehensa in Bulla Gregoriana, ut constat ex illis verbis: *Aut cum eis illicitos sermones, &c.*

235. Probaturs secunda conclusio: Nam proferre talia verba non potest non coinquinare splendorem, & puritatem tam Venerabilis Sacramenti: ergo arguere de zelotypia in Confessione immediate ante, vel post, &c. est sollicitatio comprehensa in Bulla. Probaturs antecedens: finis predictorum verborum est atrahere faminam ad amorem Confessarii, & eam dissuadere ab alieno in ordine ad augendum proprium; ex quibus verbis illa magis incenditur, quia format iudicium ex zelotypia, quod amor Confessarii est verus, & non fictus; sed hoc ostendere, & dicere in Confessione coinquinat splendorem, & puritatem Sacramenti Poenitentiae: ergo talia verba proferre coinquinat Sacramentum Poenitentiae: ergo arguere de zelotypia in Confessione immediate ante, vel post, &c. est sollicitatio ad venerea comprehensa in Bulla Gregorij XV.

236. Ex quibus deducitur, quod P. Salelles loco citato, optime advertit; nempe, non solum esse casum denunciabilem arguere de zelotypia in Confessione, sed etiam immediate ante, vel post, & etiam praetextu, & occasione Confessionis, etiam Confessione non sequuta, vel simulando Confessionem, vel in Confessionali, quia ex eo quod in his circumstantiis, & locis de-

sus sollicitatio, provocatio, vel tentatio, aut allicientia ad venere, aut cum penitentibus habeant Confessarij sermones, & tractatus iphonestos, quomodocumque ex his modis fiat, Confessarius, ut sollicitans est denunciandus, utpotè exercens sollicitationem comprehensam in Bullis;

237 Sed est advertendum, quod licet Confessarius acriter reprehendat suam concubinam de peccatis confessis, quæ commisit cum uxoris, & liberis, non ex eo est denunciandus, quia licet ex acrimonia qua arguit de illis peccatis, detur aliqua præsumptio, quod procedit reprehensio ex zelotypia, cum aliunde ad Officium Confessarij pertineat gravia peccata acriter increpare, est presumendum hoc non esse zelotypiam, sed ad impletionem muneris Confessarij, exortando feminam penitentem ad detestationem illorum criminum, & futuram emendationem;

238 Sed quid est resolvendum casu, quo femina confiteatur de peccatis cum alijs, & cum ipso Confessario, & iste gravius reprehenderet peccata commissa, v.g. cum liberis, quam peccata patrata cum eo? Respondetur in hoc casu, Confessarium esse denunciandum, quia ex eo quod peccata patrata cum alijs acriter reprehendat, quæ minora sunt, & de commissis cum illo quæ sunt gravissima, utpotè sacrilegia, nihil, vel parum blandè dicat, insurgit præsumptio vehemens, quod talis increpatio non fuit ex zelo Dei, & ut suum munus impleat, sed talem obiurgationem esse zelotypiam, hæc, ut dixi, est sollicitatio denuncianda: ergo huiusmodi Confessarius est denunciandus.

239 Ex dictis insurgit primum dubium: An iste Confessarius non argueret de zelotypia, & postea extra occasionem Confessionis, & non in Confessionario, sed vel domi, vel alio in loco sollicitaret illam feminam, quæ iam est filia spiritualis, esset denunciandus ut sollicitans? Respondetur non esse denunciandum, ita noster Petrus 1.º in 2.º privilegio constituit. Gregorius XI. §. 5. num. 18. & ratio est clara, quia solum per prædictam Bullam subijcitur foro Inquisitorum Confessarius sollicitans in

Con-

Confessione immediate ante, vel post, &c. sed huiusmodi Confessarius non soluitur in Confessione, nec in locis, & circumstantijs comprehensus in Bulla: ergo non est denunciandus Tribunali Inquisitionis.

240. Sed caveant Confessarij, & abstineant ab audiendis Confessionibus fæminarum, cum quibus habent tractatus turpes, & inhonestos, & fæminæ ne confiteantur illis sua peccata. Primò, quia Confessarij complices peccati blandè increpant, & reprehendunt, cum timeant ne fæminæ avertantur à suo amore lascivo, & præcipuè si fæminæ non sunt perditæ vitæ, & timeant poenas Inferni; hoc enim modo facîle cooperantur ad sacrilegam Confessionem, quia si aliundè non habent firmum propositum non peccandi, illas non adiubant, etiam si acriter reprehendant, quia fæminæ parùm moventur dum vident Confessarium in eodem crimine comprehensum. Secundò, quia si sunt cum feminis poenitentibus in occasione proxima peccandi, non denegant absolutionem, cum hoc esset amittere huiusmodi fæminam ad luxuriandum. Terriò, quia est valdè periculolum audire peccata venerea commissæ cum illo, quia ex auditis facîle movetur Confessarius ad provocandam, vel tentandam illam fæminam, ut cum illa in Confessione alia enormia carnalia crimina committat.

241. Quare existimo convenientissimum, si cum magno rigore efficaciter prohiberetur, ne Confessarius audirèt Confessionem à fæminis, cum quibus habuit peccata contra 6. Decalogi præceptum; si hoc enim esset prohibitum talitèr, quòd Confessarius esset denunciandus, gravissima peccata evitarentur, quæ veniam his temporibus non essent tam frequentia, & plures fæminæ honestæ hac via faciliterentur ad committenda, & continuanda enormia sacrilegia cum periculo æternæ damnationis, quæ crimina non committerent si non haberent spem consequendi absolutionem complicitatis delicti. Discurrant Pastores Ecclesiæ remedium ad hanc pestem eradicandam, & ut sit efficacius, & generale, recurrant ad Sanctissimum, quia audi-  
quod

quod in Diœcesi Pampilonensi iam hoc est prohibitum, sub nullitate absolutionis, & alijs pœnis.

242 Secundum dubiolum est: an peccatum carnale habitum cum filia spirituali extra Confessionem, & occasionem Confessionis, aliquomodo possit pertinere ad Tribunal Sanctæ Inquisitionis? Respondetur, quod duobus modis indirectè potest pertinere. Primo, si ad facilitandum ad peccatum diceret Confessarius filiæ spirituali, illud crimen carnale, ad quod sollicitat, non esse peccatum, quia cum hoc dicere sit hæresis Sectariorum, sub excommunicatione, filia spiritualis tenetur huiusmodi Confessarium denunciare, ac per consequens eius sollicitatio indirectè pertinet ad Tribunal Inquisitionis. Secundo modo, dicit D. Ioan. Escobar *part. 1. quest. 11. num. 25.* quod potest indirectè pertinere ad DD. Inquisitores, ut ex his sollicitationibus deducant contra Confessarium suspicionem ad corroborandas alias probationes de delictis pertinentibus directè ad Tribunal, & ad aggravandum facinus Confessarij, & consuetudinem peccandi in materia sollicitationis ad venerea. Et ego addo, quod non rarò evenit: si quando Confessarius sollicitat diceret familiæ, quæ resistit sollicitationi propter Confessionem futuram illius peccati, ne timeas, ego enim audiam, & absolvam de peccatis; nam hoc est sollicitare, & provocare prætextu Confessionis.

243 Dubiolum tertium est: an saltem habere tractatus inhonestos cum filia Confessionis, sit circumstantia aperienda in Confessione? Respondetur, quod est valdè probabile, quod est circumstantia aggravans, & præcipuè si sit proprius Parochus, quia ex officio habet obligationem avertendi ab his, & alijs peccatis suas oves, quare secundum istam sententiam, in opinione defensoris, circumstantias notabiliter aggravantes esse aperiendas in Confessione, hæc circumstantia debet confiteri, sed stando in sententia negante, circumstantias notabiliter aggravantes esse confitendas, ex hac parte non est aperienda hæc circumstantia: quod copula, vel aliud inhonestum fuit habitum cum filia spirituali. Deinde neque est circumstantia mutans speciem, ergo

non



non est aperienda in Confessione. Nec contra hoc facit textus in cap. omnes 8. quest. 39. vbi dicitur, quod sicut ex Baptismo solemniori oritur cognatio spiritualis, ita etiam in Sacramento Pœnitentiæ: ergo sicut cognatio spiritualis est circumstantia mutans speciem aperienda in Confessione, ita etiam cognatio spiritualis orta ex Confessione Sacramentali. Non enim hoc vrger, quia vt explicant omnes Theologi, & Canonistæ quoad Sacramentum Pœnitentiæ, dicitur illa cognatio impropria, idèdque habere copulam cum filia spirituali, non est circumstantia aperienda in Confessione, quia non mutat speciem sicut in Baptismo.

244 Solùm in vno casu est salubre consilium, quod Confessarius qui habuit copulam cum femina, illam confiteatur, imò addo, quod tenetur confiteri huiusmodi feminam, & est quando est valdè timida, & habet maximam verecundiam, ad aperiendum hoc peccatum alteri Confessario; idèdque cum resolutione dicite Confessario cum quo peccavit: cum alio, nunquam manifestabo hoc crimen; in hoc enim casu tenetur audire suam Confessionem, quia aliàs illa femina periclitaretur, & est maximum periculum, ne occupata verecundia taceat illud, vbi alia peccata carnalia, & sacrilegè confiteatur cum alijs, & accedat ad Sacram Eucharistiam.

## QVÆSTIO VII.

**VTRVM LAICVS SE FINGENS SACERDOTE,**  
*& sollicitat in Confessione, sit denunciandus Inquisitioni.*

S. I.

### QVÆSTIONI RESPONDETUR.

245 **D**VPLEX modus est considerandus in hac materia. Primò est: an laicus se fingens Sacerdotem, & sollicitans, sit denunciandus virtute Bullæ Gregorij XV. & aliarum con-

contra Confessarios solicitantes? Secundò est: an ex alio capite; huiusmodi laicus sit denunciandus? Circa primum est maior difficultas, vel ut melius dicam, aliqua controversia; quia Di. Ioan. Escobar à Corro iudicat probabilius huiusmodi laicum fore denunciandum Inquisitoribus virtute Bullæ Gregorij XV. ita tenet 1. *part. quæst. 2. num. 27.* hanc sententiam existimat esse probabilem Thomas Hurtado *tract. 4. cap. 7. resol. 12. num. 119.* & pro ea citat Giguvez *de casibus reservatis, cap. 14. num. 6.*

246 Sed existimo hanc quæstionem resolvendam esse pro parte negativa, & iuxta illam dico laicum se fingentem Sacerdotem, & solicitantem in Confessione non esse denunciandum DD. Inquisitoribus virtute Bullarum contra Confessarios solicitantes. Ita Bonacina *tom. 1. disp. 6. de onere denunciandi, punct. 3. num. 8. propos. 2.* Carena *de Offic. Inquis. par. 2. tit. 6. §. 3. num. 21.* no. ster Trimarchius *de Confess. abutente, disp. 7. sect. 1.* Salelles *tom. 1. lib. 1. cap. 16. regul. 128. num. 39.* Ioann. Sanchez *in select. disp. 17. num. 36.* Trullench *tom. 1. lib. 1. dub. 18. num. 81.* citatque Soufam, Acuña, & alios, Castrus à Palao *tom. 1. tract. 4. disp. 9. punct. 91. num. 5.* Diana 1. *par. tract. 4. de denunciatis, resol. 15.*

247 Probatur hæc conclusio. Primò, quia Bullæ Pauli V. Pij. IV. Clementis VIII. & Gregorij XV. solum loquuntur de Sacerdotibus solicitantibus in Confessione: ergo vi harum Bullarum non sunt denunciandi laici se fingentes Sacerdotes, & solicitantes in Confessione. Probatur consequentia, quia ut dixi, etiam si Bullæ, vel privilegia favorabilia sint non sunt extendenda ad personas non contentas in illis; ideoque si poenitens sollicitat in Confessione, vel abutitur Sacramento Poenitentiae non est denunciandus vigore harum Bullarum contra solicitantes, quia est persona non expressa in Bullis; sed huiusmodi Bullæ contra sollicitans solum exprimunt Sacerdotes: ergo vi earum non est punibilis per DD. Inquisitores laicus se fingens Confessarium, & solicitantem in Confessione.

248 Probatur secundo à paritate: ante Bullam Gregorij XV. sententia communior defensabat non esse denunciandum

Confessarium sollicitantem in Confessione masculinum tenore Bullarum contra sollicitantes; non alia ratione, nisi quia Bullæ solùm erant contra Confessarios sollicitantes faminas; sed Bullæ solùm diriguntur contra Sacerdotes sollicitantes, non autem contra laicos se fingentes Sacerdotes, & sollicitantes in Confessione: ergo tenore harum Bullarum non est denunciandus Confessarius fictus, qui est laicus, & sollicitat in Confessione.

249 Idem est dicendum si Clericus ordinibus minoribus initiatus, vel Subdiaconus, vel Diaconus se fingerent Confessarios, & sollicitarent in Confessione, quia nullus istorum est Confessarius, cum non habeat, nec potestatem Ordinis, nec iurisdictionis, & Bullæ solùm diriguntur contra Confessarios sollicitantes in Confessione; quare solùm sunt personæ expressæ in Bullis, qui ad minus habent potestatem Ordinis ad absolvendum à peccatis. Idem sentio de illo, qui non est Sacerdos, & delegatur ab Episcopo ad absolvendum à censuris, quia huiusmodi absolutio non est Sacramentalis; ac per consequens iste non est Confessarius; ideòque non comprehenditur in Bullis contra Confessarios sollicitantes.

250 Fundamentum Ioann. Escobar à Corro potest hoc modo ponderari: in Bulla Gregorij XV. non solùm præcipitur denunciatio de sollicitatione ad venera facta in vera Confessione, sed etiam de illa, quæ sit prætextu, vel occasione Confessionis, vel simulando Confessionem; sed licet quando laicus se fingit Confessarium, & audit Confessiones non sollicitet in vera Confessione, sollicitat tamen prætextu, & occasione Confessionis, & simulando Confessionem: ergo est denunciandus tenore Bullæ Gregorij XV. Potest hoc confirmari; quia talis laicus, vel Clericus non Sacerdos, qui audit peccata, tenetur ad sigillum, etiam si Confessio non sit Sacramentalis: ergo etiam si Confessio non sit Sacramentalis, si in illa sollicitat ad venera, est reus Bullæ Gregorij XV.

251 Responderetur distinguendo maiorem: In Bullis non solùm præcipitur denunciatio de sollicitatione facta in vera Con-

felli me, sed etiam prætextu, & occasione Confessionis, si fiat à Confessario, concedo maiorem; si ab alio fiat, nego maiorem; nam licet verum sit, quod in nostro casu sit eadem ratio expressæ in Bulla, sed non eadem persona, & ad personas non expressæ in legibus, vel constitutionibus non fit extensio. Ad confirmationem admitto antecedens, & nego consequentiam, quia etiam est sententia plausibilis, quod audiens ex proposito peccata, quando pœnitens confitetur, tenetur ad sigillum; & si signis, vel verbis tunc sollicitaret, non esset denunciandus, quia non est Confessor; idemque est dicendum in nostro casu.

## §. II.

## COROLLARIA EX DIGITIS REFERVNTVR.

252 **S**UPPOSITO, quod huiusmodi Confessarius non sit denunciandus vigore Bullæ Gregorij XV. quia propriè non est Confessarius, se offert primum dubium: an sit denunciandus ex iure communi, vel ex specialibus Diplomatum Pontificijs? Responderetur primò, quod est denunciandus ex iure communi, quia iste abutitur Sacramento Pœnitentiæ, ac per consequens est suspectus in fide; sed DD. Inquisitores possunt procedere ex iure communi contra omnes quomodolibet suspectos in fide: ergo ex iure communi est denunciandus laicus, qui fingens se Sacerdotem, sollicitat in Confessione.

253 Responderetur secundò, quod licet DD. Inquisitores non possint procedere contra laicum se fingentem Confessarium, & sollicitantem in Confessione ex dispositione speciali Pontificum contra Confessarios sollicitantes, benè verò ex vi Bullarum contra laicos, vel Ecclesiasticos non Sacerdotes audientes Confessiones; ita enim constat ex constitutionibus Pauli IV. Gregorij XIII. Sixti V. & Clementis VIII. & in his constitutionibus disponitur, quod huiusmodi criminosi non reconcilientur, etiam si sint veri pœnitentes, sed tradantur Curia: Seculari. Idem statuit Urbanus VIII. & determinat, quod etiam si sint minores 25 annis,

annis, si huiusmodi delictum committant, tradantur Curæ  
Sæculari.

254 In Hispania hæc pœna non est in usu in Sancto Officio,  
sed ut observat Soufa in *Aphorif. Inquisit. lib. 1. cap. 32. & 33 num.*  
13. si se fingens Sacerdotem Confessarium, fuerit laicus, & vilis  
persona, sultibus ceditur, & mittitur ad triremes, & abiurat de  
levi, si non est ex regione infecta hæresi Lutheri, vel Vviclefi,  
quia tunc debet abiurare de vehemētis; si verò fuerit persona ho-  
nesta, & religiosa, damnatur ad triremes; & si sit talis qualita-  
tis, quòd non potest ad triremes mitti, in exilium mittatur cum  
aliquo tempore reclusionis, & salutaribus pœnitentijs; & vltè-  
riùs si sit persona vilis, in actu publico legitur sententia cum  
meritis, & publicè abiurat de levi huiusmodi criminofus.

255 Sed est advertendum, quòd si simplex Sacerdos, vel  
approbatus suspensus ab audiendis Confessionibus, audiunt  
Confessiones, & sollicitant, non possunt procedere DD. Inquisi-  
tores contra eos vi harum constitutionum, quia solùm dirigun-  
tur contra laicos, & non Sacerdotes audientes Confessiones. Ita  
Soufa *op. sc. de sollicit. tract. 1. cap. 9. num. 5.* Santarellus *de hæresi,*  
*cap. 42. dub. unic. num. 5. in fine,* cum Acuña *de Confess. sollicitant.*  
*quest. 13. num. 15.* sed procedunt DD. Inquisitores virtutè Bulla-  
rum contra Confessarios sollicitantes, quia simplex Sacerdos ve-  
nit nomine Confessarij, cum habeat ad absolvendum potesta-  
tem Ordinis, & etiam Sacerdos approbatus, etiam si sit suspen-  
sus ab audiendis Confessionibus.

256 Ex quibus insurgit secundum dubiolum: an si talis lai-  
cus, vel Clericus non Sacerdos audiret Confessionem, sed non  
absolveret, esset denunciandus Inquisitoribus? Duplex est sen-  
tentia: Prima est negativa, & illam defendunt Rodríguez in *qq.*  
*Regul. tom. 2. quest. 28. art. 2. & in summ. tom. 2. cap. 83 nu 3* Ioan-  
Sanchez in *select. disp. 11. num. 36.* Castrus à Palao *tom. 1. tract. 4.*  
*disp. 9. pñct. 9. num. 5.* Trullench *tom. 1. lib. 1. cap. 3. dub. 18. num. 81.*  
Thomas Hurtado loco citato. *num. 113.* Secunda sententia est  
affirmativa, & pro illa stant Freitas in *edit. noviss. de Confess. soli-*



*citant quest. 13. num. 36. Antonius Sousa in Aphorif. Inquisit. lib. 5. cap. 33. num. 3. D. Ioan. Escobar à Corro 1. part. quest. 2. num. 29. & licet P. Diana 1. part. tract. 4. de denunciatis. resol. 16. contrariā teneat, tamen 4. part. tract. 7. resol. 11. mutavit sententiam, & hanc affirmativam defensusit vers. Sed difficultas oritur, ubi in fine statuit cum Sousa loco citato, quod esset denunciandus huiusmodi laicus, qui se fingit Sacerdotem, etiam si tantum audiret Confessionem generalem.*

257 Iuxta istam secundam sententiam assero, quod huiusmodi laicus, vel Clericus non Sacerdos, qui se fingit Confessarium, etiam si non absolvat, dummodò audiat peccata, est denunciandus DD. Inquisitoribus. Hæc conclusio probatur primò à paritate: Quotiescumque delictum attentatum est punibile, Iudex competens delicti consummari, est etiam Iudex competens attentati; sed audire laicum peccata, & non absolvere, est delictum punibile, & attentatum absolvendi: ergo ad DD. Inquisitores, quibus pertinet punire Confessarios fictos, qui non solum administrant Sacramentum Poenitentiae, sed etiam absolunt, etiam pertinet punire fingentem se Sacerdotem, & solum audientem peccata.

258 Maior enim multipliciter probatur. Primò, in polygamia non solum enim punitur à DD. Inquisitoribus polygamia consummata, & perfecta, sed etiam attentata; quare secundum praxim Sancti Officii non solum est punibilis qui contraxit binas nuptias, sed etiam qui est vxoratus, & contrahit sponsalia eum alia femina. Secundo, connatus in delictis est delictum attentatum, & in criminibus pertinentibus ad Officium Inquisitionis puniuntur. Tertiò, non solum sortilegi in Tribunali Inquisitionis puniuntur, sed incipientes sortilegium, & non perficientes: ergo quoties delictum attentatum est punibile, Iudex competens delicti consummari, etiam est Iudex competens delicti attentati; sed audire Confessionem peccatorum, etiam si non impetietur absolutio, est delictum attentatum punibile: ergo si DD. Inquisitores possunt punire per dictas Bullas deli-

ctum

etiam consummatum audiendi Confessiones in laicis, & non Sacerdotibus, quod perficitur ex Confessione, & absolutione, etiam delictum audiendi peccata, quod in hac linea est delictum inchoatum, & attentatum.

259. Probatur secunda resolutio: Ratio quare hoc delictum reservatur DD. Inquisitoribus est, quia huiusmodi Confessorij sunt suspecti in fide, nam de facto approbant errorem Lutheri, & Vviclefi, qui asserebant etiam laicos habere iurisdictionem absolvendi à peccatis; sed qui audiunt peccata etiam sunt suspecti in fide, si non sunt Sacerdotes: ergo etiam si non impertiantur absolutionem, sunt denunciandi Inquisitoribus. Probatur minor: Sicut pertinet ad iurisdictionem absolvere à peccatis, ita audire ipsa peccata; nam audire reum est actus pertinet ad eandem iurisdictionem, ad quam pertinet condemnare, vel absolvere reum; sed qui absolvent à peccatis non habendo aliquam iurisdictionem, sunt suspecti in fide: ergo etiam qui audiunt peccata, si non sunt Sacerdotes qui iurisdictione gaudent sunt suspecti in fide: ergo sunt denunciandi Tribunali Inquisitionis.

260. Sed contra istam resolutionem potest fieri hoc argumentum: Quando aliqua lex prohibet aliquod delictum, debet intelligi de delicto perfecto, & consummato, *cap. autem, distin. 5. de penitent. l. 1. §. hæc verba. ff. quod quisque iuris*; sed tantum audire Confessionem peccatorum, non est delictum perfectum, & consummatum in laico, vel non Sacerdote: ergo per dictas Bullas non debet puniri per DD. Inquisitores, qui tantum audit Confessionem peccatorum. Præterea; quia in Bulla Gregorij XV. dicitur quod procedant DD. Inquisitores contra eos qui non sunt Presbyteri, si Confessiones audiant & absolutionem impertiantur: ergo ut subdantur qui non sunt Presbyteri, & audiunt Confessiones Inquisitoribus, non sufficit audire Confessionem peccatorum, sed requiritur quid absolutionem impertiantur.

261. Respondetur explicando maiorem: Quando aliqua lex prohibet sub poena aliquod delictum, intelligitur de delicto

per-

perfecto, & consummato, ut delictum puniatur poena ordinaria, concedo maiorem; ut pertineat ad iurisdictionem Iudicis, ad quem remittitur puniatio delicti, nego maiorem; quia ut dixi, ad Iudicem ad quem pertinet punire delictum perfectum, & consummatum, etiam attinet iudicare de delicto attentato, quia est eiusdem speciei cum crimine perfecto, & consummato, quod tenet, & exornat pluribus exemplis Carena *par. 1. tit. 5. de polygamis, §. 6. & 7.* idèoque optimè Diana 4 *pars.* loco citato, advertit, quod si aliquis audit Confessionem, licet sit puniendus per DD. Inquisitores, non autem poena ordinaria; licet Soufa loco citato defenser, quod etiam si tantum audiat unum peccatum, talis Confessarius fictus est puniendus poena ordinaria. Per quod patet ad verba Bullæ Gregorij XIII. quia ibi dicitur, quod DD. Inquisitores procedant poena stabilita in Bulla contra laicos, & non Sacerdotes se fingentes Confessarios, & ut illa poena imponatur, oportet quod delictum sit perfectum, & completum, talitèr quod non solum audiant peccata, sed etiam impertiantur absolutionem.

262. Ut autem hæc firma maneant, potest hæc responsio parificari cum aliâ doctrina omninò simili. Per Bullas Gregorij XIII. & Clementis VIII. datur facultas Inquisitoribus procedendi contra illos, qui non promoti ad Presbyteratus Ordinem, Missas celebrant, & est sententia valdè probabilis, & secundum præxim Inquisitionis Hispanicæ, quod ut contra prædictos procedant DD. Inquisitores, sufficit, quod incipiant celebrare Missam, etiam si non perficiant; ita Soufa in *Aphorismis Inquisit. lib. 1. cap. 32. num. 1. & seqq.* ergo pariformitèr ut procedant DD. Inquisitores contra non Sacerdotes administrantes Sacramentum Pœnitentiæ, sufficit quod incipiant administrare audiendo peccata, licet non perficiant absolutionem impertiendo.

263. Sed contra istam doctrinam potest fieri hæc instantia: ut per DD. Inquisitores puniatur nō Sacerdos, non sufficit, quod delictum sit attentatum: ergo nequè ut puniatur Confessarius fictus. Probatur antecedens: quia ut optimè Diana 4 *par. tract. 7.*

*de penis delict. resol. 12.* ad violandas constitutiones Pontificias contra celebrantes non promotos ad Presbyteratus Ordinem, non sufficit, quod quis Sacerdotalibus vestibus induatur celebrare intendens; sed in hoc casu delictum est attentatum: ergo ut puniatur se fingens Sacerdotem, non est sufficiens, quod attente delictum, sed requiritur, quod illud perficiat audiendo omnia peccata, & impertiendo absolutionem, quia alio modo non est crimen consummatum.

264 Secundum doctrinam probabiliorem potest responderi concedendo antecedens, & negando consequentiam, quia quod aliquis induatur vestibus Sacerdotalibus, non est inchoata celebratio, sed solum dispositio ad celebrandum; ac per consequens si tantum induitur, non violat constitutiones Pontificias; bene verò qui audit Confessionem peccatorum, quia iam incipit ministrare Sacramentum Pœnitentiæ; & huiusmodi Sacramenti administratio consistit in Confessione dolorosa peccatorum, & in absolutione, ac per consequens cum delictum sit inchoatum, subijcitur Foro Inquisitorum, qui audit Confessionem peccatorum, etiam si non absolvat ab eis.

265 Ego autem addo sub censura, quod etiam potest responderi distinguendo antecedens; ut puniatur non Sacerdos, non sufficit, quod delictum celebrandi sit attentatum, taliter quod induatur vestibus Sacerdotalibus, & pro illo postea stet non celebrare, concedo antecedens; si pro illo non stet, sed impediatur ab alio, nego antecedens, & consequentiam. Itaque dico, quod si aliquis indueretur vestibus Sacerdotalibus, & postea desisteret voluntariè, fingendo non esse ieiunium, vel aliud non subijceretur DD. Inquisitoribus, nam delictum non esset sufficienter attentatum; si autem ille veller celebrare, & conareretur ex sua parte ad celebrandum, & postea ab aliquo impediretur, tunc est punibilis per DD. Inquisitores, quia manifestatur sufficienter animus celebrandi per huiusmodi conatum, & preparationem ex sua parte, quod inducit suspensionem in fide.

*archid. in l. 1. C. de iur. iur.*

Ex

266 Ex hucusque dictis oritur tertium dubiolum : an non Sacerdos qui se fingit Confessarium , & sedet in Confessionali, ad quem accedit quædam femina, vel animo confitendi, à quo dissuadet antequam dicat aliquod peccatum , vel illa venit ad turpia loquendum, & postea simulando Confessionem , vel dissuadendo à Confessione illam sollicitat ad venerea , sit denunciandus Inquisitoribus? Responderetur fore denunciandum. Probatur primò ex iure communi, quia ex illo datur facultas DD. Inquisitoribus, ut procedant contra omnes suspectos quomodolibet in fide; sed huiusmodi Confessarius est suspectus in fide, ergo de iure communi est denunciandus Inquisitoribus. Probatur minor; in Bulla Gregorij XV. contra Confessarios sollicitantes dicitur, quòd procedant DD. Inquisitores non solum contra Confessarios sollicitantes in Confessione, sed etiam contra sollicitantes prætextu, & occasione Confessionis, ipsa Confessione etiam non sequuta, & contra simulantes se audire Confessionem tanquam suspectos in fide : ergo qui se fingit Confessarium, etiam si non audiat peccata, sed sollicitet prætextu, vel occasione Confessionis, vel simulando Confessionem, est ut suspectus in fide denunciandus.

267 Probatur secundò ex iure speciali quia prædictæ Bullæ contra se fingentes Sacerdotes, & administrantes Sacramentum Pœnitentiæ, non solum debent intelligi de audiente peccata, sed etiam de simulante auditionem peccatorum, & de illo qui alia facit prætextu, & occasione Confessionis, quia dictæ Bullæ sunt favorabiles, sicut Bullæ contra sollicitantes; cum finis præcipuus earum sit favor Sacramenti, & animarum, aliundè non possunt huiusmodi Confessarii ficti administrare verum Sacramentum Pœnitentiæ, nec cum illis sit vera Confessio, ac per consequens simulant semper Confessionem : ergo etiam si non audiant peccata, sed simulent audire, vel sollicitent prætextu, & occasione Confessionis virtute Bullarum contra administrantes Sacramentum Pœnitentiæ, quin sint Sacerdotes, debent denunciari DD. Inquisitoribus.

*Argues*



268. Argues contra primam rationem nostræ resolutionis, ut multoties dixi, nec in favorabilibus fit extensio ad personas non expressas in lege, vel constitutione: ergo etiam si vigore Bullæ Gregorianæ sint denunciandi, non solum Confessarij sollicitantes in Confessione, sed etiam qui sollicitant prætextu, vel occasione Confessionis, non autem qui se fingunt Confessarios & sollicitant, vel simulando Confessionem, vel prætextu, & occasione Confessionis, quia non sunt personæ expressæ in Bulla Gregorij XV. Responderetur negando consequentiam: nam hoc modo non fit extensio ad diversas personas non expressas in Bullis, quia non dico, quod qui se fingunt Sacerdotes, & sollicitant simulando Confessionem, vel prætextu, & occasione Confessionis, quod sint punibiles per DD. Inquisitores virtute Bullæ Gregorianæ; sed per constitutiones Gregorij XIII. Sixti V. & Clementis VIII. quod enim dico est, quod virtute Bullæ Gregorianæ est declaratum, quod tales sollicitantes sunt suspecti in fide; ac per consequens ex alia Bulla Urbani VIII. debent denunciari, quia ibi determinatur, quod omnes suspecti in fide denuncientur DD. Inquisitoribus. Quare supposita declaratione Gregorij XV. quod sunt suspecti in fide, non solum qui sollicitant in Confessione, sed etiam prætextu, & occasione Confessionis, vel simulando Confessionem, dico, quod qui se fingit Sacerdotem Confessarium, & hoc modo sollicitat, est denunciandus ex iure communi, utpotè suspectus in fide.

QVÆSTIO VIII.

AN INTERPRES CONFSSIONIS DENVNCIANDVS SIT.

*si sollicitas ad venerea, & quid dicendum de mandante, & consulente sollicitationem.*

§. I.

PRIMÆ PARTI QVÆSTIONIS SATISFIT.

269. **H**ÆC quæstio facillè potest ex dictis in quæstionibus antecedentibus resolvi, sed ut sigillatim de omnibus

Na

per

pertinentibus ad presentem tractatum abundanter habeatur notitia, distinctè loquar de omnibus partibus contentis, & expressis in titulo quæstionis, & primò de interprete Confessionis sollicitante ad venerea, an sit denunciandus Inquisitoribus fidei. D. Ioan. Escobar à Corro existimat *1 part. quæst. 2. num. 31.* huiusmodi interpretem Confessionis sollicitantem esse denunciandum virtute Bullarum contra Confessarios sollicitantes. Ita Freitas *in addit. ad Acuña tract. de Confess. sollicit. quæst. 15. num. 27. & in edit. noviss. num. 37.*

270. Oppositam sententiam defendo, & resolvo primò, interpretem Confessionis sollicitantem non esse denunciandum virtute Bullarum. Ita Ioan. Sanchez *in select. disp. 11. num. 10. Galles tom. 1. lib. 1. cap. 16. regul. 128. nu. 36 & seqq.* Trullench *lib. 1. cap. 3. d. lib. 18. nu. 82.* Castrus à Palao *tom. 1. tract. 4. disp. 9. punct. 9. num. 6.* Diana *4. part. tract. 9. resol. 9.* Probatur conclusio, quia Bullæ Pontificiæ solum diriguntur contra Confessarios sollicitantes, sed interpretes Confessionis nullo modo est Confessarius, sed solum se habet velut instrumentum, quo intelligentia verborum ad verum Confessarium perveniat: ergo tenore Bullarum huiusmodi interpretes sollicitans non est denunciandus.

271. Hoc enim tenet verum, ut docet Sousa, sive interpretes mulieris confitentis sit laicus, vel Sacerdos, ita tenet *in Aphorism. Inquisit. lib. 1. cap. 34. num. 14.* quia quod sit laicus, vel Sacerdos de materiali se habet, & solum se tenet ut instrumentum, ut Confessarius intelligat linguam poenitentis: ergo etiam si sit Sacerdos, si sollicitat ut interpretes, vel exercendo hoc munus, non est denunciandus tenore Bullarum.

272. Sed ex vi iuris communis propter generalem facultatem concessam Inquisitoribus, huiusmodi interpretes sollicitans in Confessione est denunciandus Inquisitoribus fidei. Hoc enim probat ratio Seraphini Freitas, quia huiusmodi interpretes sollicitans sacrilegè abutitur Sacramento Poenitentiae, nam sumit Sacramentum ut medium ad explendam suam libidinem, sed qui abutitur Sacramento est denunciandus ut suspectus in fide, ergo huius-

huiusmodi interpres sollicitans ex iure communi est punibilis per DD. Inquisitores. Præterea, quia aliquando interpres etiam si sit laicus participat aliquid de actu clavis, ut ait D. Thomas in addit ad 3. part. quest. 1. art. 11. in corpore, Suarez tom. 4 disp. 33. sect. 5. num. 4. ergo interpres sollicitans in Confessione, ut suspectus in fide est denunciandus ex iure communi.

273 Arguit primò D. Ioan. Escobar à Corro, num. 31. licet ex antiquis constitutionibus non sit denunciandus interpres sollicitans in Confessione, benè verò ex Bulla Gregorij XV. ergo non solum ex iure communi, sed ex iure particulari interpres sollicitans in Confessione est denunciandus DD. Inquisitoribus. Probatur antecedens: ex eo ex Bulla Gregoriana est denunciandus Confessarius sollicitans, quia est infernalis proditor animarum, & loco panis porrigit venenum; sed hoc idem facit interpres sollicitans ad venerea, quia iste accedit ad Sacramentum in casu necessitatis, ut Confessarius, qui est Medicus, per intelligentiam verborum perveniat ad notitiam morborum spiritualium, & adhibeat antidotum opportunum, quod interpres convertit sollicitando in mortiferum venenum cum maxima irreverentia tanti Sacramenti: ergo vi constitutionis Gregorij XV. est denunciandus interpres sollicitans in Confessione, & non solum ex iure communi.

274 Responderetur negando consequentiam, ad probationem concedo maiorem, & distinguo minorem; hoc idem facit interpres sollicitans, talitèr quòd se habeat ex parte Confessarij, nego; habendo se ex parte pœnitentis, concedo. Itaque sicut Bulla Gregoriana non est contra pœnitentes sollicitantes ad venerea, quia non sunt personæ expressæ in Bulla, etiam si abutantur Sacramento, & sint suspecti in fide; ita similiter cum interpres se habeat ex parte pœnitentis tenore Bullæ Gregorianæ non est denunciandus, sed solum ex iure communi, quia est suspectus de mala credulitate.

275 Dices contra hoc: interpres Confessionis habetur pro Confessario interpretativè: ergo non solum se tenet ex parte

pœnitentis, sed etiam ex parte Confessarij. Probat<sup>ur</sup> antecedens: interpres Confessionis est medium inter pœnitentem, & Confessarium: ergo saltem interpretative habetur pro Confessario. Probat<sup>ur</sup> antecedens: nam sicut ex parte pœnitentis se habet, quia refert peccata Confessario, ita per modum Confessarij, quia audit peccata pœnitentis: ergo interpres est medium inter pœnitentem, & Confessarium. Præterea, quia si Confessarius tantum audiret peccata, & sollicitaret, etiam si non absolveret esset reus Bullæ: ergo cum interpres quo ad auditionem exerceat munus Confessarij, ut sit reus Bullæ sufficit quod audiat peccata pœnitentis.

276 Respondetur ad instantiam negando antecedens, ad illius probationem distingo antecedens, est medium inter Confessarium, & pœnitentem ad referenda peccata, & ut Confessarius formet iudicium de illis per modum Iudicis, & Medici, concedo antecedens, alio modo, nego. Ad illud quod dicitur quod se habet per modum Confessarij, quia audit peccata pœnitentis, respondeo, quod solum illa audit, ut referat Confessario, non autem ad iudicandum de illis, & ut applicet antidotum, ut Sacer Medicus ad morbos conscientiarum curandos, quod erat necessarium, ut se haberet per modum Confessarij. Per quod patet ad confirmationem, quia Confessarius non præcise est denunciandus vigore Bullæ, quia audit peccata, sed quia illa audit in ordine ad Confessionem, vel ita debet audire, quod non contingit in interprete, quia licet sit in ordine ad Confessionem illa audire, non autem neque ut formet iudicium per modum Iudicis, nec per modum Medici.

277 Sed contra: licet Confessarius sollicitans non in Confessione Sacramentali, sed vel simulando Confessionem, vel prætextu, & occasione Confessionis, nec se habeat ut Iudex, nec ut Medicus, quia prætextu Confessionis sollicitat, est reus Bullæ, sed interpres sollicitat prætextu Confessionis: ergo etiam si non audiat peccata ut Sacer Medicus, vel ut Iudex est denunciandus. Respondetur, Confessarium sollicitantem etiam prætextu,

&amp;

& occasione Confessionis esse denunciandum. Primum, quia est persona expressa in Bulla; quod non contingit in interprete sollicitante. Secundo, quia licet in illis circumstantiis verè; nec sit Iudex, nec Medicus appareret veritalis, & ita debet esse in omnibus casibus comprehensis in Bulla Gregorij XV. & quia abutitur tali officio est denunciandus, quod non contingit in interprete, cum solum se habeat per modum instrumenti ad referenda peccata Confessario.

278 Argues secundo ex eodem Autore: interpret Confessionis sollicitans, prætèxtu Confessionis provocat ad veneream; sed qui sollicitat prætèxtu, vel occasione Confessionis, est reus Bullæ Gregorij XV. ergo interpret sollicitans in Confessione est denunciandus virtute Bullæ. Respondetur, non quemlibet sollicitantem prætèxtu Confessionis esse reum Bullæ, sed qui est Confessarius, quod non contingit in interprete Confessionis.

§. II. ALIIS PARTIBVS QVÆSTIONIS SATISFIT.

279 **P**ARS secunda quæ in hoc §. venit prima resolvenda; est: an mandans Confessario, quod feminam sollicitare sit denunciandus virtute Bullæ Gregorianæ? Pro quo est advertendum non procedere questionem de Confessario mandatum exequente, ut feminam dnm terrore turpes, & inhonestas actiones exerceat; quia Confessarius hæc faciens, proculdubio est denunciandus virtute Bullæ Gregorij XV. & constat ex illis verbis: *Sic ut in his seculis non alijs quomodolibet perpetranda, solum enim est difficultas de mandante Confessario, ut feminam ad venerem sibi sollicitaret.*

280 Duplex enim sententia datur circa hanc questionem. Prima defensio, huiusmodi mandatum esse denunciandum DD. Inquisitionibus vigore Bullæ Gregorij XV. Ita Home bonus de exam. Eccles. part. 2. tract. 2. cap. 12. quest. 26. resol. 4. Riccius in pract. part. 3. resol. 5. num. 2. Secunda sententia ferè est contra.

mu.



munis, & defensor; quod huiusmodi mandans non est denun-  
ciandus vigore Bullæ Gregorij XV. Ita Thomas Hurtado *tract.*  
*4 cap. 7 resol. 13. num. 139.* Diana *1. part. tract. 4. de denunciat.*  
*resol. 21.* D. Ioan. Escobar *part. 1. quest. 2. nu. 16.* Trullench *tom. 1.*  
*cap. 3. dub. 18. num. 48.* Carena *part. 2. tit. 6. de Confess. sollicit. §. 6.*  
noſter Trismarch. *disp. 14. sect. 4.* Peirinis in *addit. ad consil. Gre.*  
*gorij XV. cap. 11. num. 3.* Illi mubom non credidit et melius

281 Iuxta istam secundam sententiam resolvo, mandan-  
tem Confessario ut sollicitè non esse denunciandum Inquisito-  
ribus vigore Bullæ Gregorij XV. Probatur primò hæc conclu-  
sio Bullæ Gregorij XV. solum inquitur de Confessarijs in ordi-  
ne ad Confessionem; quia si isti sollicitent extra occasionem  
Confessionis, & extra Confessionarium, nullam iniuriam faciunt  
Sacramento Pœnitentiæ; sed mandans sollicitat extra Confes-  
sionem Confessarium, ut postea in Confessione faciendam solici-  
tet feminam pœnitentem ad inhonesta secum perpetranda:  
ergo nulla fit iniuria Sacramento Pœnitentiæ, ex eo quod ali-  
quis mandet Confessario sollicitationem faciendam in Confes-  
sione.

282 Hæc ratio principalitèr probat suam limitationem  
quartam D. Ioan. Escobar, sed si aliunde non adiubetur, vide-  
tur huiusmodi argumentationem esse inefficacem: quia qui  
mandat Confessario, ut in Confessione sollicitet, etiam si man-  
datum sit extra occasionem Confessionis, est in ordine ad illud  
sequendum in Confessione, quod sufficit, ut si casus comprehen-  
sus in Bulla Gregoriana; sicut si Confessarius sollicitaret femi-  
nam pœnitentem, quando accedit ad illum ad capiendum con-  
siliū in ordine ad Confessionem postea elicendam, ut dicam  
in suo loco, huiusmodi sollicitatio esset comprehensa in Bulla.  
& hoc non obstanti, nec sufficit in Confessione, nec in Con-  
fessionali: ergo etiam si mandans Confessario sollicitationem fu-  
turam faciendam in Confessione, iubeat extra Confessionem,  
quia mandatum est in ordine ad Confessionem, & cooperatur  
cum Confessario ad sollicitationem in Confessione, ex hac parte  
est

est sollicitatio comprehensa in Bulla. Quare ex eo mandans sollicitationem non est denunciandus virtute Bullæ Gregorij XV. quia non est Confessarius, & constitutio solum est contra Confessarios sollicitantes, non autem contra mandantes.

283 Probatur secundò à paritate; ex eo femina sollicitans in Confessione non est denuncianda, licet iniuriam inferat Sacramento Pœnitentiæ, quia femina sollicitans non est persona expressa in Bulla; sed neque mandans sollicitationem comprehenditur in Bulla: ergo non est denunciandus virtute Bullæ. Præterea, quia subijci per talem Bullam DD. Inquisitoribus est poena, quam non incurrit mandans sollicitationem; ideòque est sententia communis, quòd mandans non incurrit excommunicationem latam contra facientes, nisi etiam expressè sit lata contra mandantes, & quando oritur dubium, an mandans, vel consulens comprehendatur sub censura lata contra facientes, est iudicandum non comprehendi. Ita Bonacina 1. *part. de cens. in communi, disp. 1. quæst. 1. punct. 6. num. 1.* citat Navarrum, & Avilam; sed Bulla Gregorij XV. solum procedit contra Confessarios facientes sollicitationem, non autem contra mandantes: ergo virtute Bullæ Gregorij XV. non est denunciandus DD. Inquisitoribus Confessarius mandans sollicitationem.

284 Quare consequenter ad ea, quæ diximus de interprete Confessoris sollicitante est defendendum, mandantem sollicitationem Confessario esse denunciandum DD. Inquisitoribus ex ipse communi; & ex generali facultate, quam habent procedendi contra omnes quomodolibet suspectos in fide; huiusmodi enim mandans sollicitationem concurrit cum Confessario moraliter ad abusum Sacramenti Pœnitentiæ, & mandatum sollicitandi est exequendum in Confessione; sed qui abutitur Sacramento Pœnitentiæ est suspectus de mala credulitate; ergo ex iure communi est denunciandus DD. Inquisitoribus.

285 Dico secundò consulentem sollicitationem non esse denunciandum tenore Bullæ Gregorij XV. bene verò ex iure communi. Hæc conclusio deducitur ex dictis; nam sicut interpret  
Con-

Confessionis non est persona expressa in Bulla, ita neque consulens. Secunda pars non est minus certa, quia sicut mandans est suspectus in fide ita consulens; nam ambo concurrunt ad abusum Sacramenti Pœnitentiæ; sed mandans sollicitationem ex iure communi est denunciandus: ergo etiam consulens.

286 Solum adverto de mandante, & consulente, quod si essent Confessarij ambo, & mandarent, vel consulere alteri Confessario, vel in Confessione, vel prætextu, & occasione Confessionis, &c. sollicitationem, dum audiret Confessionem talis fœminæ, vi Bullæ sic mandans, vel consulens esset denunciandus Inquisitoribus. Ratio est clara, quia tunc Confessarius sollicitaret alium Confessarium, ut fœminæ pœnitenti suaderet inhonesta, & venerea, vel cum ipso, vel cum alijs; sed huiusmodi sollicitatio est comprehensa in Bulla, quia hoc modo mediare sollicitat ad venerea in Confessione, vel prætextu, & occasione Confessionis; deinde habet sermones, & tractatus inhonestos: ergo huiusmodi consulens, vel mandans tenore Bullæ Gregorij XV. est denunciandus.

287 Ex quibus infero, non esse denunciandum, qui ex malitia audivit in Confessione peccatum lascivum fœminæ, & inde arripuit occasionem ad illam sollicitandam per signa, dum prosequitur Confessionem, quia licet iste sollicitet in Confessione non est Confessarius: ergo virtute Bullæ Gregorij XV. non est denunciandus; bene verò ex iuri communi, quia ex peccato audito in Confessione arripuit occasionem sollicitandi ad venerea in ipsa Confessione; unde est denunciandus ut suspectus in fide, quia maximam iniuriam infert Sacramento Pœnitentiæ, siquidem illud assumpsit ut medium, ut ad venerea sollicitet.

288 Contra primam resolutionem sic argues. Primò, Confessarius sollicitans est denunciandus virtute Bullæ Gregorij XV. ergo etiam iubens, & mandans Confessario sollicitationem. Probatur consequentia: ille dicitur facere, qui facere iubet, l. *manumissiones*, ff. de iustit. & iure, & is qui iubet damnum dare, l. *is damnum*, ff. de regul. iuris, & qui per alium facit per se ipsum

**facere**

facere videtur, *regul. 72. qui facit de regul. iuris in 6.* sed mandans Confessario sollicitationem iubet facere, & facit per alium: ergo si Confessarius sollicitans virtute Bullæ Gregorij XV. est denunciandus Tribunali Inquisitionis, etiam mandans sollicitationem.

289. Respondetur negando consequentiam, & ad probationem dico, quòd qui mandat, & iubet facere, dicitur facere quo ad culpam est verum, non autem quantū ad pœnam; ideoque dixi quòd lex contra facientes quo ad pœnam non comprehendit mandantes si non explicatur in lege, & quando lex vult punire non solum facientes, sed etiam mandantes id explicat. Et ita in *cap. mulieres de sentent. excommun.* extenditur ad mandantem excommunicatio, quæ in *cap. si quis suadente Diabolo*, tantum erat lata contra percutientem Clericum.

290. Argues secundò: mandans sollicitationem committit idem crimen, ac Confessarius sollicitans; nam sicut sollicitare in Confessario est sacrilegium, ita mandare sollicitationem in Confessione: ergo sicut Confessarius sollicitans in Confessione, est denunciandus virtute Bullæ Gregorij XV. ita mandans sollicitationem. Probatur consequentia, ut optimè Barbosa *de potest. Episcop. allegat. 102. num. 2.* irregularitas lata in *cap. litterar. de Apostat.* contra Acolytum administrantem Sacerdoti rebaptizanti, extenditur ad Sacerdotem rebaptizantem: ergo etiam pœnæ positæ in Bulla contra Confessarios sollicitantes extenduntur ad mandantes sollicitationem, quia sicut rebaptizans, & administrans committit idem nefandum crimen, ita Confessarius sollicitans, & mandans sollicitationem.

291. Respondetur negando consequentiam, & ad paritatem potest responderi dupliciter. Primò, admittendo extensionem, quia de inferiori delicto ad superius valet consequentia in ordine ad pœnas; non autem è contra, neque de æquali ad æqualem. Intelligitur in eodem genere, ideoque cum Sacerdos rebaptizans in eodem genere gravius peccatum committat, ac Acolytus administrans; hinc est, quòd si iste irregularitatem incurrit, similiter & ille. Respondetur secundò, secundum

communio rem sententiam, negando antecedens, non incurrit per extensionem irregularitatem, sed ideo manet irregularis, quia directe contra illum est lata huiusmodi poena canonica, ut communiter tenent Canonistae.

292 Argumentum tertium militat contra fundamentum principale nostrae conclusionis: non solum in favorabilibus, sed etiam in poenalibus fit extensio ad personas non expressas in lege, quando militat eadem ratio; sed in Confessario, & mandante sollicitationem eadem ratio militat: ergo licet in Bulla Gregorij XV. solum exprimaturs Confessarius, fit extensio ad mandantem sollicitationem, quatinus iste non sit persona expressa in Bulla. Probaturs maior: poena lata in Mendicantes Religiosos transeantes ad non Mendicantes, in *Clement. 1. de Regularib.* nempe, quod in Capitulo vocem non habeant, extenditur ad Moniales, ita ut masculinum extendatur ad femininum. Ita Gloss. *verb. Quilibet, num 8.* sed ut multoties dixi Bulla contra sollicitantes est favorabilis: ergo non solum est contra Confessarios sollicitantes, sed etiam contra mandantes sollicitationem, quia in his est eadem ratio expressa in lege, scilicet abusus Sacramenti Poenitentiae.

293 Respondetur negando maiorem, & ad probationem illius dico: non fieri extensionem in dicta clementina ad personas non expressas in lege, etiam si illa poena non solum intelligatur contra Religiosos Mendicantes, sed etiam contra Moniales, quia non solum Religiosi, vel masculi sunt personae inclusae in lege, sed etiam feminae; nam lex poenalis est contra Religiosos Mendicantes, & nomine Religiosorum Mendicantium, non solum veniunt masculi, sed etiam feminae; quia est nomen commune statui, quod amplectitur sexum masculinum, & femininum, & ita intelligunt omnes DD. quod privilegia concessa Religiosis Mendicantibus, etiam conceduntur Monialibus Mendicantibus, quia propter rationem allatam sunt personae inclusae in illo nomine *Religiosi*, quod exprimitur in privilegio.



QVÆSTIO IX.

AN SIMPLEX SACERDOS, VEL SVSPENSVS  
ab audiendis Confessionibus, sit denunciandus si sollicitus  
in Confessione.

§. VNICVS.

QVÆSTIONI, ET ARGVMENTIS RESPONDETVR.

294. **D**VPLICITER potest exagitari præsens quæstio. Pri-  
mò, an ex iure communi, & ex generali facultate,  
quam habent DD. Inquisitores ad procedendum contra omnes  
suspectos in fide, possint etiam procedere contra simplicem Sa-  
cerdotem, & Confessarium suspensum ab audiendis Confessio-  
nibus, si sollicitant in Confessione? Sed quia solum hæc quæstio  
potest habere locum casu, quo huiusmodi sollicitans ex iure spe-  
ciali non sit denunciandus, idè primò inquirò, an sit denun-  
ciandus ex iure speciali; nempe, vigore Bullarum contra Con-  
fessarios sollicitantes?

295. In hac quæstione duplicem invenio sententiam. Prima  
tenet, simplicem Sacerdotem, & Confessarium suspensum soli-  
citanes, non esse denunciandos vigore constitutionum Pontifi-  
cum. Ita Postel in addit. ad dub. Regular. verb. Sollicitare feminas,  
Soula inclinatur ad hanc sententiam in Aphorif. Inquisit. lib 1.  
cap. 34. num. 16. illamque defendat Fagundez de præcept. Eccles. in  
edit. noviss. part 2. lib. 4. cap 3. num. 49. Escobar à Corro part. 1.  
quest. 2. num. 11. & seqq. loquitur cum distinctione, & dicit, quod  
simplex Sacerdos sollicitans in Confessione, non est denuncia-  
ndus vigore Bullarum antiquarum contra Confessarios sollicitan-  
tes; benè verò tenore Bullæ Gregorij XV. & hoc ultimum asse-  
rit, num. 20.

296. Secunda sententia absolute affirmat huiusmodi sollici-

tantem in Confessione esse denunciandum tenore Bullarum contra Confessarios sollicitantes. Ita Diana 1. part. tract. 4. de denuntiatio. resol. 17. & 4. part. tract. 5. de Confess. sollicit. resol. 8. Castus à Palao 1. part. tract. 4. disp. 9. punct. 9. num. 1. Peirinis tom. 3. in additament. ad constit. Gregorij XV. cap. 11. num. 3. Truhench tom. 1. lib. 1. cap. 3. dub. 18. num. 77. Ioan. Sanchez in select. disp. 11. num. 38. Thomas Hurtado tract. 4. cap. 8. resol. 31. num. 310.

297 Cum Auditoribus secundæ sententiæ assero, quod simplex Sacerdos, vel Confessarius suspensus à Confessionibus audiendis si sollicitant in Confessione, vel prætexit, & occasione Confessionis, &c. sunt denunciandi DD. Inquisitoribus, & si sollicitant in Confessione, non solum sunt denunciandi virtute Bullæ Gregorij XV. sed etiam Diplomatum aliorum Pontificum contra Confessarios sollicitantes. Hæc conclusio probatur primò ratione fundamentali: Bullæ Pontificiæ in hac materia sunt contra Confessarios sollicitantes, sed simplex Sacerdos, & Confessarius suspensus ab audiendis Confessionibus propriè sunt Confessarij, & veniunt nomine Confessarij: ergo simplex Sacerdos, & Confessarius suspensus, si sollicitant in Confessione, sunt denunciandi DD. Inquisitoribus, non solum virtute Bullæ Gregorianæ, sed etiam tenore aliorum Diplomatum contra Confessarios sollicitantes.

298. Probatur secundò ab inconvenienti: si simplex Sacerdos non esset denunciandus, etiam si sollicitet in Confessione maxime quando poenitens non solum habet peccata venialia, sed etiam mortalia, quia ad absolvendum à mortalibus non habet potestatem; sed hoc prætexit etiam possent subterfugere denunciationem Confessarij, qui habent iurisdictionem ad absolvendum à mortalibus in pluribus casibus, quia si accederet femina poenitens cum peccatis reservatis, vel cum ex communicatione, non satisfacta parte, non haberet iurisdictionem ad absolvendum, & sic tunc sollicitaret, nec esset denunciandus, quod non est dicendum, non solum virtute Bullæ Gregorianæ, verum etiam neque aliarum contra sollicitantes ergo etiam si

sim.

**simplex Sacerdos** solum habeat iurisdictionem ad absolvendum à peccatis venialibus, si sollicitat feminam in Confessione est denunciandus, non solum tenore Bullæ Gregorij XV. sed etiam aliorum Diplomatum Pontificum.

299 Dixi, si sollicitat feminam in Confessione, quia ante Bullam Gregorij XV. erat maxima controversia inter DD. an vifalium constitutionum esset denunciandus Confessarius, qui sollicitabat solum occasione, & prætextu Confessionis, vel simulando Confessionem; & post Bullam Gregorianam, omnes isti Confessarii sunt denunciandi. Quare iuxta constitutionem Gregorij XV. non solum est denunciandus simplex Sacerdos, vel Confessarius suspensus, si sollicitant in Confessione, sed etiam si provocant prætextu, & occasione Confessionis, etiam Confessione non sequuta, & in omnibus casibus, & circumstantijs expressis in Bulla Gregorij XV. quia Bulla est contra Confessarios sollicitantes, & ut dixi, simplex Sacerdos, verè est Confessarius, cum possit absolvere à venialibus, & in casu necessitatis à mortalibus.

300 Ex quibus infero cum Diana loco citato in par. 4. quod si femina accedit ad Confessarium non animo verè confitendi, sed ad implendum exterius præceptum annuæ confessionis, ne excommunicetur, & tunc illam sollicitat est denunciandus huiusmodi Confessarius, etiam si solum sit simplex Sacerdos, quia simulat confessionem, & sollicitat prætextu, & occasione confessionis, etiam si confessio non sequatur, quod est casus expressus in Bulla Gregorij XV.

301 Fundamentum primum, quod adducit D. Ioan. Escobar ad probandum, simplicem Sacerdotem, vel Confessarium suspensum non esse denunciandum Inquisitoribus, si sollicitet in confessione virtute constitutionum antiquarum contra Confessarios sollicitantes, sic procedit illæ Bullæ antiquæ solum erant contra Confessarios sollicitantes in vera confessione, sed simplex Sacerdos non sollicitat in vera confessione, quia licet habeat potestatem Ordinis, caret iurisdictione ergo virtute constitutionum

num

num antiquum non est denunciandus Inquisitoribus simplex Sacerdos sollicitans in confessione.

302. Respondetur primo, hoc argumentum multum probare, quia si hoc esset verum, nec virtute Bullarum antiquarum esset denunciandus Confessarius qui sollicitaret in confessione de peccatis reservatis, quia in ordine ad ista non habet iurisdictionem, & se habet ut simplex Sacerdos respectu mortaliū, quod non est dicendum. Secundo respondeo, quod ut dicatur Confessarius sollicitans in confessione, non oportet quod ex omni parte confessio sit Sacramentalis, sed sufficit, quod extrema penitens accedat animo confitendi, & incipiat confessionem peccatorum, quia alijs ante Bullam Gregorij XV. si aliqua femina confiteretur cum Confessario habente iurisdictionem, & defectu dispositionis eam Confessarius non absolveret, non esset denunciandus DD. Inquisitoribus, quia illa non est perfecte confessio Sacramentalis, quod nullo modo potest sustineri.

303. Fundamentum secundum sic proponitur: Si laicus se fingit Sacerdotem Confessarium, & sollicitat in confessione, non est denunciandus vigore Bullarum contra Confessarios sollicitantes: ergo neque simplex Sacerdos. Probatur consequentia: ad valorem Sacramenti nullum est discrimen inter laicum, & simplicem Sacerdotem, preciso mortis articulo, quia sicut laicus non habet iurisdictionem, ita neque simplex Sacerdos ad absolvendum à peccatis mortalibus, nisi in periculo mortis; sed laicus, ut dixi in propria questione, non est denunciandus virtute Diplomatum Pontificum: ergo neque simplex Sacerdos, nisi sollicitet in periculo mortis, in quo habet iurisdictionem.

304. Respondetur: D. Ioan. Escobar nimis probare contra se, quia ex hoc argumento vincitur simplicem Sacerdotem sollicitantem in confessione, nec virtute Bullæ Gregorij XV. esse denunciandum, & contrarium docet num. 29. Sequela patet: Bulla Gregoriana solum est contra Confessarios sollicitantes, ideoque etiam si laicus sit sollicitans in confessione, cum non sit Confessarius, quia non habet iurisdictionem, non est denunciandus.

ciandus virtute Bullæ Gregorij XV. ergo si eodem modo se habet simplex Sacerdos præciso mortis periculo, quia non habet iurisdictionem, nec erit denunciandus virtute Bullæ Gregorij XV. Sed responderetur esse maximum discrimen inter laicum, & simplicem Sacerdotem; nam laicus nullam iurisdictionem habet, quia nec à venialibus potest absolvere, quam iurisdictionem habet simplex Sacerdos; ac per consequens propriè dicitur Confessarius; sicut Sacerdos qui habet iurisdictionem ad absolvendum à non reservatis, licet illa careat in ordine ad reservata, propriè dicitur Confessarius.

305 Ex omnibus dictis in hac quaestione resultat, quòd si Confessarius est approbatus ad audiendas confessiones in vna Diocesi, & in alia audit confessionem famina, & eam sollicitat, est denunciandus; quia si simplex Sacerdos perpetrans hoc crimen, est deferendus virtute Bullæ Gregorij XV. ad Tribunal Inquisitionis, multò melius Confessarius approbatus in vna Diocesi ad audiendas confessiones, quia potiori titulo appellatur Confessarius, cum ultra potestatem Ordinis habeat iurisdictionem. Sed non placet medium, quod adducit D. Ioan. Escobar, siquidem consistit in eo, quòd huiusmodi Confessarius approbatus in vna Diocesi ad audiendas confessiones, est eligibilis in alia virtute Bullæ Cruciatæ.

306 Hoc ultimum hodie non potest reduci ad præxim, quia stat Bulla Clementis X. expedita anno 1670. quæ dicitur: *Superna*, in qua declaratur, quòd verba Concilij Tridentini circa electionem Confessarij, scilicet quòd sit approbatus per Episcopum, intelliguntur de Confessario approbato per Episcopum illius Locì in quo Confessarius residet. Stat etiam pro hac parte declaratio Cardinalium Interpretum Concilij, facta anno 1611. in qua contra Regulares hæc verba habentur: *Litterasque Cruciatæ prædictas in hac re quidquam novi iuris minime induxisse*. Eodem anno Paulus V. idem declaravit in favorem Archiepiscopi Hispalensis, & addit esse irritum, & inane quidquid in contrarium contigerit attentari, siue scienter, siue ignoranter.

ergo



ergo medium assumptum a D. Ioan. Escobar non habet firmitatem. Et dato, & non concesso, quod hæc sententia habeat aliquam probabilitatem, post damnationem Innocentij XI. non potest reduci ad praxim, quia ad summum est tenuæ probabilitatis, & operari hoc modo est contra tertiam propositionem damnatam, & in valore Sacramenti contra primam. Itaque huiusmodi Confessarius sollicitans est denunciandus sicut simplex Sacerdos, qui habet potestatem Ordinis, & respectu illius poenitentis in alia Diocesi, caret iurisdictione sicut simplex Sacerdos.

## QVÆSTIO X.

### AN DISSVASIO CONFESSARII A CONFESSIONE

*femine, verbis indifferentibus sit sollicitatio comprehensa*

*in Bulla.*

## S. VNICVS.

### SENSVS QVÆSTIONIS APERITVR, ET TVTIOR

*sententia eligitur.*

307 **N**ON est difficultas in presenti, quando Confessarius profert verba quæ sunt aliquomodo venerea, quia iam dixi in 1. quæst. huius 2. pars. similia profertentem in confessione non excusari à crimine sollicitationis propter materiæ parvitatem; solum enim est dubium, quando Confessarius verbis indifferentibus loquitur cum foemina, quæ accedit ad sua peccata confitenda, & dissuadet verbis blandis, suavi affectu, & vultu alacri, ut differat confessionem in alium diem.

308 Hæc quæstio in proprijs terminis tractatur a P. Trismarchio in suo opere de Conf. abut. d. sp. 3. sect. 5. num. 37. & resolvit, quod talis dissuasio est implicita sollicitatio ad venerea. Contrarium docet Thomas Hurtado in suo tract. 4. de Confess. sollicit. cap. 8. resol. 24. num. 229. & 99. pæcc. sed horum Aucto-

tum intelligo hanc quæstionem cum distinctione resolvendam esse, & sic cum Castro à Palao est distinguendum, ut iste distinguit *tom. 1. tract. 4. disp. 9. punct. 7. num. 6. & seqq.* Si enim animus sollicitandi non manifestatur feminae, Confessarius non est denunciandus; si autem etiam si verba sint indifferentia, imò honesta, ex circumstantiis adiunctis colligatur à femina animus sollicitandi, in tali casu huiusmodi Confessarius denunciandus est; ut autem hæc doctrina melius percipiatur, reducam quæstionem ad casus practicos per sequentes considerationes.

309 Prima, si Confessarius dissuaderet confessionem apertiendo causam; nempe, quia crastino die esset lucranda aliqua Indulgentia, vel ut melius examinaret suam conscientiam, & alia huiusmodi; si non immediatè post, nec in confessionali feminam sollicitaret, non esset denunciandus, quamvis postea altero die illam inviseret, & sollicitaret ad venerea; quia huiusmodi sollicitatio non haberet principium in confessione, neque prætextu, & occasione confessionis, neque esset immediatè ante, vel post, nec haberet alias circumstantias adiunctas, ex quibus posset præsumi, quòd illa dissuasio esset ad sollicitandam feminam, cum ostendat Confessarius sufficientes causas differendi confessionem.

310 Secunda, si Confessarius dissuaderet confessionem modo dicto, illam differendo ad alium diem, & postea proferret aliqua verba ambigua, & indifferentia, & aliundè Confessarius esset maximè propensus ad libidinem, ex his circumstantiis adiunctis prudenter femina posset præsumere, quòd hæc dissuasio confessionis non est propter causas explicatas à Confessario, sed ad sollicitandam feminam ad libidinem, & in hoc casu est denunciandus secundum doctrinam Castri à Palao, quia etiam si signa secundum se indifferentia sint, vel honesta, ex circumstantiis adiunctis determinantur ad malum; nempe, quia verba dubia, & indifferentia prolata à Confessario maximè inclinatio ad libidinem, sonant sensum libidinosum ratione proferentis; & si cum eisdem circumstantiis solum interrogaret à femina

suam domum, & postea illam inviseret, & sollicitaret, intelligo quòd huiusmodi Confessarius esset denunciandus, quia ex post factis, & ex interrogatione domus sufficienter colligitur, quòd dissuasio confessionis fuit ordinata ad venerea.

311 Tertia, si Confessarius dissuadeat feminam à confessione, & loquatur cum illa verba ambigua, quæ in vno sensu redolent libidinem, & aliundè eam alloquatur affectu blando, & suavi; hoc modo dissuasio confessionis est implicita provocatio ad venerem. Ita discurret noster Trimarchius loco citato, & citat Ioan. Sanchez in *select. disput.* 11. num. 39. *vers. Vnde in praxi.* Contra istam doctrinam propugnat Thomas Hurtado loco citato. num. 233. & exclamat dicendo: *Væ Confessoribus faciei affabilis, & daleis!* Sed meo videri exclamatio non tenet in hoc casu, quia si Confessarius non dissuaderet confessionem, sed femina confiteretur sua peccata, & ille alloqueretur affectu blando, & suavi, & non diceret verba ambigua, quæ in aliquo sensu redolent libidinem, certè nullo modo esset denunciandus, imò hoc esset laudabile, quia illo affectu blando, & suavi multoties femina moveretur ad confitenda peccata, quæ fortasè taceret, si videret in Confessario faciem iracundam, & audiret verba aspera, vř multoties contingit. Quare vt verificetur casus Trimarchi, oportet quòd omnia posita in hoc numero cōcurrant; nempe, dissuasio confessionis, verba ambigua, & quòd alloquatur Confessarius affectu blando, & suavi; hæ omnes circumstantiæ in concreto manifestant illam dissuasionem esse sollicitationem ad venerea comprehensam in Bulla.

312 Ex quibus infero resolutionem casus practicabilis: si enim femina inciperet confessionem vsque ad peccata contra sextum præceptum Decalogi, & tunc explicaret suam fragilitatem; & hoc audito, Confessarius dissuaderet confessionem ex motivo honesto, vel quia alio die esset lucrandus Iubileus, vel prætextu indispositionis feminae pœnitentis, & absque alijs verbis ista redderet in domum suam, & postea illo, vel altero die illam inviseret, & sollicitaret ad venerea, absque dubio vt sollicitans

citans erit denunciandus; quia ex antecedentibus, & consequentibus manifestatur animus libidinosus Confessarij, nam maxime est advertendum ad illud, quod observavit Confessarius; nempe, quod non dissuassit fæminam vsque ad cognitionem fragilitatis illius, ex quibus circumstantijs adiunctis, & ex post factis prudenter, & verosimiliter præsumitur, quod illa dissuasio in confessione fuit ordinata ad suam libidinem explendam, ac per consequens fuit implicita, & paliata sollicitatio.

## QVÆSTIO XI.

QVOMODO INTELLIGVNTVR ILLA VERBA BVLLÆ  
Gregorij XV. *immediatè ante, vel post.*

### §. I.

EXPLICANTVR VERBA BVLLÆ.

313 **A**NTE Bullam Gregorij XV. fuit maxima controversia inter Doctores: an Confessarij sollicitantes, non in actu Sacramentalis confessionis, sed immediatè ante, vel post essent denunciandi DD. Inquisitoribus, & licèt vt testatur Carena *part. 2. de Confess. sollicit. tit. 6. §. 5. num. 27.* ante Bullam Gregorianam iam esset stylus, & praxis in Hispanica Inquisitione procedendi, non solum contra Confessarios sollicitantes in actu Sacramentalis confessionis, sed etiam contra sollicitantes immediatè ante, vel post, non obstanti cum maxima probabilitate plures graves Auctores defensabant illos non esse denunciandos, quia Bullæ Pij IV. & Clementis VIII. erant pœnales, & in pœnalibus non est facienda extensio; ideòque Gregorius XV. in suo Diplomate Pontificio determinat non solum esse denunciandos Confessarios sollicitantes in confessione Sacramentali, sed etiam qui huiusmodi crimen perpetrantur immediatè ante, vel post confessionem.

314 Quod enim Bulla Gregorij XV. procedat cum maxi-

ma iustificatione, dum iubet denunciare Confessarios sollicitantes penitentes ad inhonesta immediatè ante, vel post confessionem, facile ostenditur: quando duo delicta sunt æqualitè enormia, rationabile est, quòd illis correspondeat eadem pœna; sed sollicitare immediatè ante, vel post est eiusdem gravitatis, & malitiæ, ac sollicitare in confessione: ergo rationabile est, quòd huiusmodi delictum puniatur, sicut sollicitare in confessione. Minor probatur: sicut sollicitare in confessione est sacrilegium, & abusus Sacramenti Pœnitentiæ, ita sollicitare immediatè ante, vel post; nam in moralibus, quòd parùm distat, nihil distare videtur: ergo sollicitare ad venerea immediatè ante, vel post, est eiusdem malitiæ, & gravitatis, ac sollicitare in confessione: ergo ad tollendas controversias inter Auctores, cum maximo fundamento determinatur per Gregorium XV. quòd huiusmodi delictum sit punibile per DD. Inquisitores.

315 Deindè est advertendum pro decisione quæstionis, quòd ad hoc, ut sollicitatio ante, vel post confessionem sit punibilis per DD. Inquisitores, debet fieri immediatè ante, vel post, ut dicitur in Bulla; nam si post elapsum multum tempus, Confessarius, & femina se reituant ad sua propria habitacula, & tunc Confessarius quærat feminam, illamque sollicitet, non est denunciandus Inquisitoribus, sed Ordinario Loci, ut tenent Rodriguez in quæst. Regular. tom. 2. quæst. 27. art. 2. Graff de casibus reservatis, lib. 2. cap. 12. num. 36. vers. 6. *Et si affirmavimus*, Ludovicus à Paramo de orig. S. Inquisit. lib. 3. cap. 10. num. 91. Santarellus de hæresi, cap. 44. num. 15. conclus. 10. & num. 13. conclus. 9. & ratio est clara, quia etiam si sollicitet post confessionem, non autem immediatè, quod est necessum, ut sit casus comprehensus in Bulla.

316 Nec valet si dicas, quòd eadem ratio militat in utroque casu, quia parùm refert; quòd sollicitatio sit immediata ad confessionem, vel non, dummodò sit post confessionem, quia sicut illa quæ fit post confessionem mediatè non est abusiva Sacramenti Pœnitentiæ, ita neque illa quæ immediatè fit, quia

tunc



tunc non est Sacramentum: ergo vel ambæ sunt punibiles per DD. Inquisitores, vel nulla. Non enim valet, quia quæ fit postea transactio magno intervallo temporis, non inhæret ipsi confessioni, ac per consequens per illam sollicitationem nulla fit iniuria Sacramento; at verò quæ fit immediatè ante, vel post, inhæret ipsi confessioni Sacramentali, quia quæ immediatè sequuntur, aut præcedunt præcipuum actum, dicuntur ipsi actui inhære, text. in *l. cum pater de negot. gest. l. penult.* cum autem sollicitatio immediatè ante, vel post inhæreat ipsi confessioni Sacramentali, hinc fit, quòd ista est abusiva Sacramenti, non autem illa quæ fit transactio multo tempore.

317 Ut autem termini melius intelligantur, nullum est dubium quòd ille Confessarius dicitur immediatè sollicitare, qui ante, vel post Sacramentum Pœnitentiæ incontinenti sollicitat; id est, antequam divertatur ad alios actus. Pono exemplum: vocat femina Confessarium, vel per se, vel per alium, si est in Sacristia, vel in Camera; statim ac illum videt ambo saluantur; tunc enim, vel antè dicit femina, quòd vult confiteri; tunc Confessarius laudat ornatum, pulchritudinem, vel alia verba similia allicitiva profert; parùm enim refert si ista loquantur, antequam femina genuflectat, dummodò immediatè sequatur confessio; ista enim est sollicitatio comprehensa in Bulla, quia immediatè ante confessionem Sacramentalem sollicitat; nam post illam sollicitationem femina non divertitur ad alios actus; neque Confessarius.

318 Pono alium casum de sollicitatione comprehensa in Bulla, quæ fit immediatè post: femina confitetur sua peccata, & Confessarius eam absolvit absque eo, quòd in confessione proferat verbum redolens sollicitationem; femina surgit, & etiam Confessarius, & in illo loco, vel in alio sedentes, vel stantes illam sollicitat ad venerea; ista sollicitatio est comprehensa in Bulla, quia fit incontinenti antequam divertantur ad alios actus, & etiam si aliquod temporis intervallum interveniat inter confessionem, & sollicitationem, dummodò sit modicum.

Pono

Pono exemplum in eodem casu: surgio fœmina à pedibus Confessarij, & recitat poenitentiam, & immediatè Confessarius illam quatit, & sollicitat; etiam ista sollicitatio est denuncianda. ut comprehensa in Bulla, quia etiam si non sit immediatè post confessionem physicè, benè verò moralitèr; nam etsi sit aliquod tempus transactum est modicum; ideòque vnus censetur actus ipsa sollicitatio, & confessio, text. in l. 1. §. 1. de verb. & melius in l. duos reos 6. §. duo 3. vers. Modicum, de duob. reis, cum similib.

319 Quòd autem dicatur modicum intervallum temporis, ut iudicetur, sollicitationem esse factam immediatè ante, vel post confessionem, hic opus, & labor; hoc enim relinquitur iudicio prudentum ad denunciandum; nam non est facile ponere regulam generalem, ut Confessarij, vel consulentes cognoscant, an illa sollicitatio fuerit incontinèti ante confessionem, vel post; ideòque iudicare ad denunciationem consulendam pertinet ad viros doctos, & versatos in hac matéria, & ad DD. Inquisitores post denunciationem. Ita Thomas Sanchez de Matrim. lib. 10. disp. 12. num. 23. Augustinus Barbosa dist. 68. num. 6. & dist. 155. num. 11. 12. & 17. Posui casus antecedentes, & postea alios ponam, ut ex his alij contingentes discurrantur.

320 Quando enim actus confessionis iam iudicatur per aliquod tempus interruptus; tunc etiam si Confessarius sollicitet, non est denunciandus Inquisitoribus. Vndè moralitèr duplex actus debet considerari interruptus, ut sollicitatio non sit comprehensa in Bulla, primus ipsa confessio, & secundus actus immediatus antecedens confessionem, & subsequens eam; quando enim fuit transactum tantum spatium temporis, ex quo prudentis iudicio censetur actus interruptus; tunc enim si ira iudicator de confessione, & de actu immediatè antecedente, & subsequente confessionem, Confessarius si sollicitat non est denunciandus, ea parte qua præcipitur denuntiatio in Bulla contra Confessarios sollicitantes ad venerea immediatè ante, vel post confessionem Sacramentalem.

321 Si autem confessio, & actus immediatus ad confessionem

nem

nem ante, vel post non sunt moraliter interrupti; siue sollicitatio confessionem precedat, vel antequam pœnitens se signo Crucis signat dum genuflectit, vel ante genuflexionem, quando femina dicit Confessario, quòd audiat sua peccata, siue sequatur post elargitam absolutionem antequam femina surgat, siue postquam surrexit vocata fuerit à Confessario, & eam sollicitet, siue antequam illam vocet cum alijs per breue intervallum temporis loquatur, est denunciandus Confessarius, ut sollicitans. Ita Soula *cap. 18. num. 1. & 6. & in Aphur. lib. 1. cap. 34. num. 31.* Ioann. Sanchez *in select. disp. 11. num. 49.* & hæc resolutio est communis. Itaque ista principia sunt valdè commendanda memoriæ, ut casus practici cum fundamento resolvantur.

§. II.

CASVS PRACTICI PONVNTVR.

322 **V**T illa verba Bullæ Gregorianæ: *Immediatè ante, vel post*, penetrentur, oportet aliquos casus resolvere, ut ex dicendis circa illos, alij similes decidantur, & primò ponò casum practicabilem: Accedit femina ad confessionem, & inter alia quæ confitetur se offert aliquod dubium, vel casus difficilis, & tunc Confessarius differt absolutionem ad illum consulendum; illo tempore intermedio huiusmodi Confessarius extræ occasionem confessionis sollicitat feminam pœnitentem; ista sollicitatio est comprehensa in Bulla Gregorij XV. Videtur secundum dicta, huiusmodi Confessarium non esse denunciandum Tribunali Inquisitionis; quia inter sollicitationem, & confessionem datur magna interruptio temporis, quia intervallum non est modicum; ac per consequens non potest inharere confessioni secundum iudicium prudentum; ergo hæc sollicitatio non est immediatè ante, nec post, ideòque non est denuncianda.

323 His non obstantibus resolvo, quòd illa sollicitatio est denuncianda, utpotè facta immediatè ante absolutionem; nam

ista

Ista sollicitatio: fuit ut supponitur in illo intermedio temporis necessario ad determinandum dubium ortum ex confessione: ergo censetur secundum æstimationem prudentum, quod illa sollicitatio fuit facta, vel in confessione, vel immediatè antequam perficiatur confessio, quia etiam si detur sufficiens interruptio, ut moralitèr discontinuetur actus, cum huiusmodi interruptio sit necessaria ad perficiendam confessionem Sacramentalem, semper dicitur, quod sit incontinenti, vel immediatè illa sollicitatio, si fiat intermedio illo temporis necessario ad determinandum dubium. Argum. textus in *l. in traddendis* 7. §. 1. *comm. prædior.* Per quod patet ad rationem dubitandi, quia illa interruptio temporis non tollit immeditationem, quando est necessaria ad perficiendam confessionem.

324 Secundus casus, in quo est maxima difficultas, sic proponitur: fœmina confitetur sua peccatâ, & Confessarius in Ecclesia nihil dicit, sed postea immediatè illam insequitur, & in itinere eam sollicitat, vel statim, ac cum illa ingreditur domum suam; est ne iste Confessarius denunciandus Inquisitoribus? Diana 1. *par. tract. 4. de de denunci. resol. 14.* negativè cum aliquibus Auctoribus respondet; sed 4. *par. tract. 5. resol. 7.* postquam proponit duas sententias extremè oppositas cum suis fundamentis concludit: *Sed ego in hac questione de mea nihil asserere volo*, Trullench etiam defendat in hoc casu Confessarium non esse denunciandum, *tom. 1. lib. 1. cap. 3. dub. 18. num. 63.* & citat Soufam in *Aphor. Inquit lib. 1. cap. 34. num. 33.* & in *tract. de solict. cap. 18. num. 8. & 9.* Sed pace tantorum DD. exillimo, tale Confessarium sic sollicitantem esse denunciandum. Ita nos- ter Peirinis de *privileg. Minim. tom. 2. constitut. 4. Gregorij XV. schol. 2. num. 2.* citat Graff. & etiam tenet Lezana in *summ. quest. Regular. cap. 19. num. 34.* licet hæc secunda sententia procedat in alio casu, est cum proposito omninò similis: Dicunt enim isti Auctores, quod si aliquis Confessarius audit confessionem fœminæ, & eam levem cognoscit, & paulò post lenonem mittit ad dictæ mulieris insequenda vestigia, ut illam ad turpia sollicitet, ista

ista sollicitatio est comprehensa in Bulla, & ego addo, quòd ex duplici capite, & quia fuit facta immediatè post confessionem, & prætextu confessionis. Hoc posito discurre, quòd in casu proposito cum maiori ratione illa sollicitatio est comprehensa in Bulla, quia ipse Confessarius immediatè, per se velligia faminae poenitentis insequitur, & in itinere, vel immediatè ingrediendo domum suam illam sollicitat: ergo est denunciandus secundum tenorem Bullæ Gregorij XV.

325 Tota ergo difficultas consistit in illa particula immediatè; nam licet sit verum, quòd faminam Confessarius post confessionem sollicitet, & utatur noticia habita in confessione, iam fuit interrupta, & discontinuata confessio per alios actus; sed his non obstantibus existimo hanc sollicitationem fuisse factam immediatè post confessionem, eo modo quo debet intelligi *ly immediatè* in Bulla Gregorij XV. nam omnes Auctores conveniunt in eo, quòd non requiritur ut sollicitatio sit comprehensa in Bulla, quòd inter sollicitationem, & confessionem nihil mediet physicè, sed quòd non detur medium morale; sed in hoc casu in iudicio prudentum nihil mediat moralitèr; nam quod præsumitur mediare in fraudem legis non censetur mediare, sed in his circumstantijs, quòd Confessarius spectat exitum Ecclesiæ, ut illam insequatur, & eam sollicitat, vel in itinere, aut statim, ac ingreditur domum, prudentèr præsumitur, omnia ista fieri ad vitandam denunciationem: ergo secundum iudicium prudentum inter confessionem, & sollicitationem nihil mediat, ac per consequens sollicitatio censetur immediatè post confessionem.

326 Ex quo inferitur resolutio alterius casus; nempe, quando Confessarius in ipsa Ecclesia spectat, & attendit quando femina concludit communionem, & querit illam ex proposito, & sollicitat; cum his circumstantijs existimo, sicut in casu antecedenti, hunc Confessarium esse denunciandum, quia omnia ista censentur facta immediatè post confessionem, & illa intermedia sunt cautelosa, & in fraudem legis ad vitandam denuncia-

Qq

tionem,



tionem; ideòque eodem modo se habent, ac si non mediant.

317 Sed contra principalem resolutionem potest fieri hæc instantia: vt sollicitatio ad venerea sit deferenda ad DD. Inquisitores, debet saltem incipere physicè, vel moralitèr in locis prohibitis in Bulla; sed talis sollicitatio non incipit physicè, nec moralitèr in locis prohibitis in Bulla: ergo non est deferenda ad DD. Inquisitores. Minor probatur: nam nec fuit facta in confessione, nec in confessionali, nec simulando confessionem, nec prætextu confessionis, quia iste debet esse proximus, & prætextus in hoc casu est remotus; deindè nec immediatè post, quia inter confessionem, & sollicitationem non solum physicè, sed etiam moralitèr plura mediant: ergo huiusmodi sollicitatio, nec physicè, nec moralitèr incipit in locis contentis in Bulla.

318 Respondeo iuxta dicta, hanc sollicitationem, & esse immediatè post confessionem, & prætextu confessionis: Primò, immediatè post confessionem, quia licèt inter confessionem, & sollicitationem plura mediant physicè, non autem in ordine ad iudicium prudentum, quia omnia ista quæ mediant sunt in fraudem legis; quod est idem, ac si non mediant; deindè est prætextu confessionis, quia quamvis physicè sit remotus hic prætextus, moralitèr est proximus; nam illa circumstantia cognita in confessione; scilicèt, facilitas famina est præsens moralitèr in ipsa sollicitatione.

319 Replicabis: si hæc doctrina esset sequenda in praxi, etiam esset denunciandus Confessarius, qui spirituales confessionis filias; misissis litteris amatorijs, lenocinijs, & internuntijs sollicitat, vel postea per se, quòd est contra ea quæ diximus, licèt ut dixi hoc delictum sit fugiendum, quia est periculosum habere cum filijs confessionum res venereas. Probatur sequela: in casu huius resolutionis parùm refert, quòd sollicitatio distet multum à confessione, vt censeatur moralitèr præsens: ergo similiter etiam transacto intervallo temporis, si Confessarius sollicitat filiam confessionis per se, vel per alios, censeatur ipsa confessio moralitèr præsens.

Ref:

330. Responderetur negando sequelam, si non sint alia circumstantia adiuncta, sicut in casu proposito; nam non ex eo quod Confessarius feminam sollicitet in itinere, vel antequam egredietur ex Ecclesia, præcisè censetur confessio moraliter præsens, sed ex aggregato omnium circumstantiarum; scilicet, quod in confessione cognoscit facilitatem feminæ, quod attendit quando egreditur ex Ecclesia, illam insequitur, & sollicitat, vel in itinere, vel quando ingreditur domum; cum omnes istæ circumstantiæ coadunatæ habeant ordinem ad sollicitationem, & incipiant in confessione, & postea sint concatenatæ ad feminam sollicitandam; hinc est, quod confessio est moraliter præsens quando Confessarius sollicitat, quod non contingit quando postea, vel per se, vel per alios, vel per litteras sollicitat filias confessionis.

331. Ex quo infero, quod si huiusmodi Confessarius posteaquam illa femina esset aliquantulum in Ecclesia, vel audiendo Sacrum, vel recitando post Communionem, casu cum illa loqueretur, & ex practica, vel locutionibus diversis aliqua inhonestâ diceret, vel clarè illam sollicitaret, non esset denunciandus, quia huiusmodi sollicitatio est non solum physicè, sed moraliter distans à confessione, & non potest considerari confessio præsens; nam illa intermedia temporis non sunt ordinata ad sollicitationem, cum confessio sit interrupta physicè, & moraliter, quod non contingit in nostro casu, quia omnes circumstantiæ adiunctæ ordinantur à Confessario ad sollicitationem in fraudem legis.

332. Adverto etiam, quod licet dicatur in Bulla immediate ante confessionem, ex quo videtur dicendum esse, quod si accedit femina ad pedes Confessoris animo confitendi, & non confiteretur, quia Confessarius dissuadet à confessione, & illam sollicitat, non ex denunciandus ex eo quod sollicitet ante confessionem, sed quia sollicitat prætextu, & occasione confessionis, quia ut verificetur, quod sollicitat immediate ante confessionem, oportet quod postea sequatur confessio; sicut ut censetur sollicitans

tans immediatè post confessionem, necessarium est, quòd supponatur confessio Sacramentalis. Nihilominus resolvo cum Diana 4. *part. tract. 5. resol. 11.* qui citat Acuña *quest. 14. num. 8.* & Castrum à Palao *tract. 4. disp. 9. punct. 7. num. 3.* hunc Confessarium non solum esse denunciandum, quia sollicitat occasione, vel pretextu confessionis, sed etiam quia provocat, & allicitur immediatè ante confessionem; quia ad hoc non requiritur, quòd sequatur confessio, sed sufficit si feminam accedentem confiteri ad venerem persuadeat, & à confessione dissuadeat; quia cum una femina accedat animo confitendi, perindè est impedire confessionem, & sollicitare; ac si sollicitaret, & postea sequeretur confessio.

333 Alius casus practicus proponitur: quædam femina timorata conscientie, vel Monialis in parlatorio habuit cum quodam Confessario (qui non erat Confessarius ordinarius illius femine, vel Monialis) plura inhonesta; immediatè post commissum peccatum in eodem loco instavit, ut ille complex delicti audiret confessionem illorum peccatorum, quia cum Confessario ordinario, nec cum alio habebat animum illa confitendi, & statim sequuta fuit confessio; huiusmodi Confessarius erat denunciandus DD. Inquisitoribus, quia immediatè ante habuit inhonesta cum filia confessionis, & in loco electo ad audiendas confessiones? Resolutionem huius casus maximopere desiderabam videre in aliquo Auctore clasico, quia semper intellexi hanc sollicitationem non esse comprehensam in Bulla Gregoriana, & illam inveni in doctissimo Ægidio Trullencho *tom. 1 lib. 1. cap. 3. dub. 18. num. 65.* Vbi dicit hanc sollicitationem non esse denunciandam DD. Inquisitoribus, eandem sententiam tenet Ioann. Sanchez *in select. disp. 11. num. 49.*

334 Fundamentum enim ad excusandam hanc delationem est solidum, & firmum, quia tempore sollicitationis, nec femina, nec Sacerdos de confessione facienda cogitarunt: ergo etiam si immediatè ad sollicitationem ad venera sequatur confessio, Confessarius virtute Bullæ non est denunciandus.

Pro-

**Probat**ur consequentia ; ut sollicitatio facta immediate ante confessionem comprehensa sit in Bulla , oportet ut femina ad Confessarium accedat animo confitendi , & Confessarius eam sollicitet, vel postea sequatur, vel non sequatur confessio; sed in dicto casu femina non accedit ad parlatorium animo confitendi, sed post peccata venerea sequitur confessio , ex eo quòd de delicto dolorem concepit, vultque citò à peccato liberari: ergo etiam si immediate post sollicitationem ad venerea sequatur confessio, in dicto casu Confessarius non est denunciandus virtute Bullæ Gregorij XV.

335 Sed circa hunc casum plura occurrunt discutienda. Primò, an sit denunciandus huiusmodi Confessarius, quia sollicitavit in eodem loco postea electo ad audiendam confessionem? Responderetur negativè, quia ille locus fuit electus ad illam confessionem audiendam post crimen commissum ; at verò quando illud peccatum venereum fuit parlatum , nullo modo erat confessionale, sed parlatorium, & si transacto aliquo tempore iterum in illo loco inhonesta committant, & postea eodem modo sequatur confessio, non est casus comprehensus in Bulla, quia ut dicam agendo de sollicitatione in confessionali , parlatorium per accidens est confessionale; quare ea parte qua sollicitat in loco , alio tempore voluntariè electo ad audiendam confessionem absque simulatione, non est casus Bullæ.

336 Secundò, quid esset resolvendum si non solum in hoc casu dictæ circumstantiæ concurrerent, sed ulterius femina, vel Monialis resisteret sollicitationi, dicendo, nullo modo committam tale peccatum, quia valde timeo illud confiteri, & tunc ad facilitandum diceret Confessarius: ego audiam tuam confessionem, ne timeas, & cum hac spe consentit femina, & cooperatur ad inhonestatē? Licet enim huiusmodi Confessarius non sit denunciandus ex eo quòd sollicitet immediate ante confessionem, etiam si post sollicitationem statim sequatur confessio, quia femina non venit ad parlatorium animo confitendi , sed in ipsa sollicitatione cogitat , & loquitur de confessione futura, quam post

post patratum crimen statim ponit in executione. Existimo esse denunciandū huiusmodi Confessarium, quia administrationem Sacramenti Pœnitentiæ sumit vt medium ad facilitandum ad peccatum, quod est medium ad eum vitandum. Hæc advertant Confessarij, quia multoties vtuntur hoc medio, vt feminas honestas pervertant, quæ alio modo manerent in sua integritate, saltem ex timore, & verecundia confitendi peccata obscena.

337 Duo enim adverto circa præsentem casum. Primb, quod Confessarius caute procedat in administratione Sacramenti Pœnitentiæ immediatè post patratum crimen, ne absque vero dolore femina confiteatur, & Sacramentum frustetur; quare administrandum non est, nisi signa satis aperta doloris feminæ ostendat, & transacto illo tempore Confessarius non haberet occasionem audiendi confessionem illius feminæ, quia si alio die potest audire eius confessionem, tutius est illam differre, nisi signa doloris sint extraordinaria. Secundo, quod non administret tam purum Sacramentum in illo loco, in quo obscena, & impura perpetravit; si absque inconvenienci per alium locum potest fieri; nam indecens est, quod tam purum Sacramentum profanetur, cum administrando in loco polluto immunditij veneris.

338 Ex quibus infero primam resolutionem casus practici: Quidam Confessarius erat in sua domo; ad quem accessit femina domestica; vt confiteretur Sacramentalitè sua peccata, cum qua iam antea Confessarius habuit aliqua inhonestà; in administratione Sacramenti Pœnitentiæ processit cum integritate, & puritate, exierunt ex illa Camera, & postquam femina in alia aliquid elaboravit in præsentia ipsius Confessarij, eant sollicitavit ad venerea. Ex dictis est asserendum huiusmodi sollicitationem non esse comprehensam in Bulla Gregorij XV: quia non fuit moralitè immediatè post confessionem; nam sufficientèr fuit interrupta illa confessio, secundum iudicium prudentium per alios actus non conducetes ad confessionem; neque præsumitur, quod Confessarius in fraudem legis illa fecit,



cit, quia frequenter ambo erant in eadem camera, & de alijs rebus loquebantur, & non ex confessione, sed ex conversatione ortum habuit illa sollicitatio, & evenit ut in alijs occasionibus.

339 Infero secundò, quòd si fœmina accedit ad Confessarium, non animo confitendi, sed revelandi aliquod secretum, dicendo, quod illa profert in confessione sub signo Crucis, & alia huiusmodi, & tunc Confessarius illam sollicitat, non est denunciandus, quia non venit animo confitendi, sed ut secretum communicet. Contrarium enim resolves: si fœmina accederet ad aliquid communicandum sub sigillo naturali, quod conducere ad disponendam suam confessionem generalem, vel particularem, quia licet illa sollicitatio non sit in confessione, est in ordine ad Sacramentalem confessionem.

340 Ultimus casus proponitur à Diana loco citato, & illum resolvit doctissimè, ut asserit, præcipuè in materijs S. Officij: Confessarius administrat Sacramentum Pœnitentiæ puero, vel fœminæ, & post absolutionem dicit: specta in Ecclesia, ut mecum venias in domum, & postquam audivit alias confessiones surgit è confessionalis, vocat masculum, vel fœminam, dicendo: sequere me in domum propriam, & ibi tibi dabo chirographum confessionis, ut faciliè possis benè confiteri, ingreditur puer, & in cubiculo illum sollicitat. Absque dubio est huiusmodi Confessarius denunciandus DD. Inquisitoribus, non solum propter dependentiam, quam ista sollicitatio habet cum confessione, sed etiam quia moralitèr est post cōfessionem immediatè; cum omnia intervalla sint ac si non essent, quia ex confessione adhuc illud intervallum temporis fuit ordinatum ad sollicitationem.

§. III.

*ALIQUA DUBIOLA DILUCIDANTUR.*

341 **E**X pluribus propositis in hac questione oriuntur aliqua dubiola vtilia ad praxim. Dixi, quòd si fœmina accedit ad Confessarium animo confitendi, etiam si confessio postea

postea non sequatur, si Confessarius sollicitat poenitentem fami-  
nam fore denunciandum, quia immediatè ante sollicitat. Ex  
quo occurrit primum dubiolum: an sit denunciandus Confessa-  
rius, qui non erat paratus ad audiendas confessiones, sed solici-  
tavit faminam, & reiecta sollicitatione ab ea, expostulat con-  
fessionem, quam non petierat, licèt confessio non sequatur.  
Responderetur, quòd etiam si sequatur confessio, huiusmodi  
Confessarius non est reus Bullæ, ac per consequens non est de-  
nunciandus, quia illa sollicitatio non censetur proxima ad con-  
fessionem moralitèr, quia licèt physicè approximetur, accessus  
faminæ non fuit ad confitendum; si verò postquam explicat  
animum confitendi, Confessarius prosequeretur sollicitationem,  
iam esset denunciandus, quia sit immediatè ante confessionem.

342 Secundum dubiolum: accedit fæmina ad Confessa-  
rium, illa enim non venit animo confitendi, nec disponendi se  
ad confessionem; Confessarius verò suspicatur eo animo fæmi-  
nam accedere, & antequam fæmina manifestet animum, illam  
Confessarius præoccupat verbis provocativis, & allicitivis ad  
venerea; iste Confessarius est denunciandus DD. Inquisitoribus,  
si interloquendum explicèt, quòd habuit in mente, quòd illa  
fæmia accedebat ad confessionem? Respondeo, esse denun-  
ciandum tanquam reum Bullæ Gregorij XV. Ita Trullench  
*som. 1. in Decalog. lib. 1. cap. 3. dub. 18. num. 67.* & D. Ioann. Escobar  
à Corro part. 1. quæst. 4. §. 1. ampliat. 2. num. 11. Ratio est, quia  
huiusmodi Confessarius est suspectus in fide, quia quantum est  
ex sua parte iniuriat, & violat Sacramentum, & ex animo Con-  
fessarij res est metienda, non autem ex animo poenitentis; sed  
ex eo quòd Confessarius habeat hanc suspicionem, & illam ex-  
plicet ex sua parte sollicitat immediatè ante confessionem mo-  
ralitèr: ergo virtute Bullæ Gregorij XV. est denunciandus DD.  
Inquisitoribus.

343 Aliud tertium dubiolum ex hoc originatur: Confessa-  
rius transit per Ecclesiam, & accedit ad illum fæmina animo  
confitendi sua peccata, sed antequam se explicet illum salutat,  
&

& aliqua indifferentia loquitur cum illo, & Confessarius illam ad venerea provocat; ista sollicitatio est censenda moralitè ante confessionem? Facilis est resolutio ex dictis in dubio lo antecedenti, quare cōsequentè ad dicta in illo, est dicendum, huiusmodi Confessarium non esse denunciandum, quia moralitè non sollicitat immediatè ante confessionem, quia licèt intentio feminæ sit facere confessionem; ante sollicitationem eam non explicat, neque per verba, neque per signa; nam si Confessarius ita non intelligit, nulla iniuria fit Sacramento Pœnitentiæ: ergo non censetur huiusmodi sollicitatio facta immediatè ante confessionem; nam iniuria Sacramenti ex mente facientis mentienda est, non autem ex mente feminæ, *qui servum 3. in princip. de obligat.*

344 Dubiolum quartum est: accedit femina ad confessionem, illam inchoando, sed ex aliquo impedimento, vel ex indispositione feminæ non perficitur, & immediatè post confessionem Confessarius illam sollicitat; est ne huiusmodi Confessarius denunciandus ut sollicitans immediatè post confessionem? Responderetur affirmativè, ita noster Peirinis *in addit. ad 4. constitut. Gregorij XV. cap. 11. num. 9. tom. 3.* nam inchoatio confessionis sufficiens est, ut ipsa sollicitatio sit immediatè post confessionem: ergo huiusmodi Confessarius est denunciandus ut sollicitans immediatè post confessionem.

345 Sed contra hanc resolutionem potest fieri hæc instantia: si confessio Sacramentalis non sequitur nulla fit iniuria Sacramento Pœnitentiæ, sed si non fit iniuria, sollicitatio non est deferenda virtute Bullæ ad DD. Inquisitores: ergo non comprehenditur in illis verbis immediatè post confessionem. Responderetur negando maiorem: nam etiam si non perficiatur confessio Sacramentalis in hoc casu, Confessarius infert iniuriam Sacramento Pœnitentiæ, quia in hoc casu fuit Sacramentum inchoatum, quod est sufficiens motivum, ut Sacramento Pœnitentiæ inferatur iniuria, ut tenet Sousa *tract. 1. cap. 11. num. 18.* Si enim qui sollicitat ante confessionem inchoatam infert iniuriam

Rs

giam

riam Sacramento, multò melius qui sollicitat postquam confessio Sacramentalis fuit incepta, etiam si non perficiatur propter aliquod impedimentum.

346 Dubiolum quintum est: accedit ad Confessarium filia spiritualis animo confitendi, sed Confessarius non in confessionali, sed in alio loco, ubi tunc erat, illam salutat, & postea sollicitat; est ne iste Confessarius denunciandus? Ante resolutionem est advertendum, quòd in foro conscientiae si huiusmodi Confessarius habet ignorantiam invincibilem, vel antecedentem, vel concomitantem de confessione illius feminae, non est reus Bullæ. Ita Soufa in *Aphorif. Inquisit. lib. 1. cap. 34. num. 24. & in opusc. de sollicit. tract. 1. cap. 15. num. 2 & seqq.* Sed quid est dicendum de obligatione feminae sollicitata? Ista tenetur denunciare, quia non est facile, quòd moralitè sit certa, quòd Confessarius laborabat tali ignorantia, & præcipuè si non erat solita loquendi cum Confessario, nisi quando veniebat ad confessionem faciendam; tunc enim non est credendum Confessario, quia omnes circumstantiæ convincunt carentiam talis ignorantiae.

347 Pro coronide adverto casum practicabilem in proprijs terminis, licèt ex dictis sit solutus: in quodam Loco parvo accedit femina ad confitendum, quæ cognoscit esse indispositam ad recipiendum Sacramentum Pœnitentiæ, quia habet occasionem proximam volutariam, quam non vult vitare; sed etiam si intelligat illi denegandam esse absolutionem, ad vitandam notam cum alijs domesticis confitetur. Si tunc illam sollicitat immediatè ante, vel post confessionem est denunciandus, quia quamvis ista femina non intendat facere veram confessionem, sed vitare infamiam, ut fiat iniuria Sacramento Pœnitentiæ,

sufficit quòd accedat ad confitendum quomodolibet peccata, etiam si taceat occasionem ex proposito,

& faciat confessionem  
sacrilegam.

QVÆSTIO XII.

QVÆ SOLICITATIONES FIAN'T OCCASIONE,  
& prætextu Confessionis.

§. 1.

EXPLICANTVR TERMINI, ET CASVS SOLICITATIONVM  
denunciabilium prætextu, & occasione Confessionis.

348 **I**N Bulla dicit Gregorius XV. quòd est denunciandus non solum Confessarius sollicitans in confessione, sed etiam si provocet, sollicitet, alliciat, &c. *prætextu, & occasione Confessionis pœnitentem*, quia ista verba, & omnia quæ sequuntur referuntur ad illa antecedentia, sollicitare, provocare, &c. & ad alia subsequentiâ, *aut cum eis illicitos sermones, vel tractatus habuerint*. Vnde ut totalis æquivocatio tollatur, est primò commendandum memoriæ, quòd non solum qui clarè sollicitat ad venerea prætextu, & occasione confessionis est denunciandus, sed etiam qui allicit, tentat, provocat, &c. aut prætextu, & occasione confessionis cum pœnitentibus habet sermones, seu inhonestos tractatus, & omnia ista habent locum, siue sollicitet ad inhonesta inter se, siue cum alijs, & omnia quæ diximus de sollicitatione ad lenocinium, de Confessario qui arguit filiam pœnitentem de zelotypia, aut sollicitat immediatè ante, vel post.

349 Secundò est advertendum, quòd adduntur illa verba in Bulla Gregoriana: *Etiam ipsa Confessione non sequuta*, ut intelligatur, quòd dummodò Confessarius sollicitet prætextu, & occasione confessionis, etiam si postea fœmina non confiteatur, est denunciandus DD. Inquisitoribus. Idemque est dicendum, quamvis sequatur confessio, & absolutio non impendatur. Ratio huius est, quia maior iniuria fit Sacramento Pœnitentiæ si sequitur confessio: ergo si est denunciandus Confessarius qui soli-

Rr 2

citat



citat pretextu, & occasione confessionis, etiam confessione non sequuta, multò meliùs si sequitur confessio, etiam si non impendatur absolutio. Præterea, quia illa particula *etiam*, non est limitativa, sed extensiva, sicque facit hunc sensum, est denunciandus Confessarius qui sollicitat pretextu, & occasione confessionis, quamvis confessio non sequatur.

350 Probatur secundò: Confessarius sollicitans in confessione Sacramentali est denunciandus Inquisitoribus, sed qui sollicitat in confessione non sequuta absolutione, sollicitat in confessione Sacramentali, quia omnis confessio quæ fit bona fide, etiam si non sequatur absolutio est Sacramentalis, ut tenet Medina de *pœnitent. tract. 3. quest. 7. vers. Nec obstat*: ergo est denunciandus virtute Bullæ Gregorij XV. Itaque existimo, quòd istæ particulæ, *pretextu, & occasione confessionis*, solum adduntur ut intelligatur, quòd non solum est sollicitatio comprehensa in Bulla, quæ fit in confessione, sive sequatur absolutio, sive non, sed quæ fit pretextu, & occasione confessionis, quamvis confessio non sequatur.

351 Iure optimo hæc adduntur à Gregorio XV. quia aliundè ferè omnes Confessarij vitarent denunciationem in S. Officio; quia quando accederent fæminæ ad loquendum de confessione facienda illas sollicitarent, & si consentirent, explerent suam libidinem, & non sequeretur confessio, si non consentirent, etiam impedirent confessionem: ergo ne fiat sollicitatio in fraudem legis, & perniciem inevitabilem animarum, benè additur in Bulla Gregoriana, quòd etiam sit denunciandus Confessarius, qui sollicitat pretextu, & occasione confessionis, etiam ipsa confessione non sequuta.

352 Ut autem casus comprehensi in his terminis, facile à Confessarijs decidantur, operæpretium erit aliquos referre in particulari, & ex dicendis circa illos, facile alij similes resolvantur. Primus casus est: Confessarius accedit ad domum fæminæ pœnitentis transacto vno die post confessionem, & ut eam sollicitet ad venerea dicit coram alijs domesticis, quòd vult loqui  
cum

tum illa de rebus pertinentibus ad confessionem, quia ita con-  
venit salutis spirituali illius, quia aliàs non accederet ad do-  
mum suam; hoc prætenu femina, & Confessarius secretò in  
cubiculum ingrediuntur, & Confessarius illam sollicitat ad ve-  
nerca; huiusmodi Confessarius est denunciandus virtute Bullæ  
Gregorij XV. nam qui sollicitat prætenu, & occasione confes-  
sionis est denunciandus Inquisitoribus, etiam si confessio non  
sequatur; sed huiusmodi Confessarius sollicitat occasione, &  
prætenu confessionis, nam confessio sumitur ut medium illius  
accessus, & sollicitationis; ergo tenore horum verborum Con-  
fessarius est denunciandus DD. Inquisitoribus.

353 Nec valet si dicas, quòd iste prætenu est remotus; ut  
autem sit denunciandus Confessarius sollicitans extra confessio-  
nem, prætenu, & occasio confessionis debet esse proximus,  
non autem sufficit remotus à loco, & statu confessionis. Ita re-  
fert Diana 4. part. tract. 5. resol. 7. & citat Soufam *opuscul. de Confess.*  
*solicit. in addit. num. 10.* Fateor enim, quòd ut Confessarius qui  
sollicitat prætenu, & occasione confessionis sit denunciandus,  
quòd prætenu debet esse proximus; sed in hoc prætenu  
proximus est, nam moralitèr nihil distat à confessione, cum  
accessus ad sollicitandam feminam fundetur in ipsa confessione  
præterita, quæ tunc sumitur ut medium ad sollicitandum, &  
idèò confessio moralitèr est præsens; aliud enim esset si Confes-  
sariussumeret hanc occasionem sollicitandi ex confessione præ-  
terita, quia in illa cognovit fragilitatem feminæ absque me-  
moria talis confessionis, quia tunc licèt sollicitatio esset ex occa-  
sione confessionis, talis occasio non sumitur de præsentia, ut me-  
diu ad sollicitandum, & aliundè est illa occasio remota à con-  
fessione, & loco confessionis.

354 Ex quibus resolvo secundum casum qui sequitur ex  
dictis in hac responsione: transacto intervallo temporis, suffi-  
cienti ad interruptionem moralem confessionis, accedit Con-  
fessarius ad feminam prænitentem, de qua, ut dixi, in confes-  
sione cognovit fragilitatem; & illam sollicitat ad venerca quin

ante-

antecedentèr fingat occasionem, nec pretextum confessionis ad accedendum in domum suam, nec ad sollicitationem; illa enim resistit, & Confessarius videndo resistantiam, & quod vult persuadere ei, esse integram, vel honoratam, & bonæ famæ; tunc Confessarius instat dicendo, hoc alteri narra, ego enim scio tuam fragilitatem, & scis me eam scire; si enim per aliam viam non scit nisi per confessionem primò, frangit sigillum confessionis, quia nec cum penitente sine eius licentia, vel permissu potest loqui de peccatis confessis. Secundò est denunciandus; quia pretextus confessionis iam redditur proximus; siquidem illa sollicitatio retrorahitur ad confessionem, & ratione illius confessio est præsens sollicitationi: ergo huiusmodi Confessarius est denunciandus DD. Inquisitoribus vt sollicitans pretextu, & occasione confessionis.

355 Sed P. Sousa ponit hunc casum, inter alios *tract. 1. cap. 18. num. 14.* & in *Aphorif. lib. 1. cap. 34. num. 36.* & dicit huiusmodi Confessarium esse denunciandum, si talis sollicitatio fiat statim post confessionem; sed contrarium tenet noster Peirinis in *privileg. Minim. tom. 2. constit. 4. Gregorij XV. fol. 2. num. 2.* Lezana in *summ. quest. Regular. cap. 19. num. 34.* sed P. Diana 4. p. *tract. 5. resol. 7.* citata, hoc dubium insolutum reliquit; & ego idem dixi §. antecedenti. Et iterum postquam vidi istos Auctores, affirmo; quod etiam si transeat intervallum sufficiens temporis ad interruptionem moralem, huiusmodi Confessarius est denunciandus, quia pretextu, & occasione confessionis sollicitat. Primò; hoc affirmo propter dicta; secundò, quia si hoc modo intelligerentur hæc verba, sicut explicantur à Sousa, vel essent inutilia hæc, vel illa immediatè ante, vel post, siquidem si solum est sollicitatio comprehensa in his terminis, quæ fit statim post confessionem pretextu, & occasione confessionis, & immediatè ante, iam ista sollicitatio est comprehensa in illis verbis, immediatè ante, vel post; & si isti termini pretextu, & occasione confessionis solum verificantur in hoc casu, superflui sunt primi immediatè ante, vel post: ergo vel primi, vel secundi termini sunt

sunt superflui in Bulla, quia nullum præstant effectum.

356 Præterea, quia si sollicitatio fiat transacto aliquo intervallo temporis cum illis verbis positis in casu, vel alijs similibus quæ afferuntur ab Auctoribus: sicut enim tui corporis copiam fecisti alijs, quare non vis commisceri mecum, eadem iniuria irrogatur Sacramento, ac si dicerentur immediatè post confessionem, quia in his, & similibus speciebus clarè apparet, quòd sollicitatio capit ortum ab ipso Sacramento, & est medium patrandi delictum sollicitationis; si enim iniuria fit Sacramento Pœnitentiæ, parùm refert quòd sit transactum aliquod temporis intervallum, vel quòd fiat sollicitatio immediatè post confessionem: ergo in dicto casu Confessarius est denunciandus, quia sollicitat prætextu, & occasione confessionis.

§. II.

ALII CASVS PRACTICI REFERVNTVR.

357 **T**ERTIVS casus practicus est, quando Confessarius dicit fæminæ, vel antequam cum illo confiteatur, vel postea, tu nescis confiteri veni in domum meam, & ego ostendam tibi, quomodò cum omnibus circumstantijs est facienda recta confessio, ista postea accedit, ut instruat a Confessario; sed Confessarius illam ad venerea sollicitat, in hoc casu resolvit Sousa loco citato, quòd huiusmodi Confessarius est denunciandus, quia prætextu, & occasione confessionis fæminam sollicitat, etiam si confessio non sequatur; idemque cum illo resolvo, nam propriè ista sollicitatio comprehenditur in illis terminis Bullæ: *Prætextu, & occasione confessionis, etiam ipsa confessione non sequita.*

358 Cum his principijs à quodam doctissimo Magistro amicissimo meo, alius casus practicus fuit resolutus, iuxta praxim Inquisitionis Hispanicæ; Quidam Confessarius audivit confessionem cuiusdam fæminæ honestæ, & postquam transiit sufficiens temporis intervallum, extra Ecclesiam casu Confessa-

rius

rius illam invenit, & dixit, nescis confiteri ingrediamur tuam domum, & ibi te instruam ad confessionem perfectam, & integram perficiendam, illa credidit Confessario, & cum maxime desideraret modum faciendi rectam confessionem, cum illo intravit domum suam, & statim existimando confessionem antecedentem validam non fuisse, genuflexit coram Confessario in forma pœnitentis, qui dixit, hæc non est confessio, sed instructio ad confessionem, surge, & sede mecum, quo facto aliquas actiones fecit impudicas, & inhonestas, fœminamque prætextu curiositatis provocavit ad molliem, ad quam nullo modo illa consensit; postea intentavit, ut nudus verberaretur à fœmina, & simul ut fœmina ab eo eodem modo verberaretur. Aliqui viri docti dixerunt, hanc non esse sollicitationem comprehensam in Bulla, & ratio fundamentalis eorum erat, quia ut comprehenderetur in dicta Bulla, erat necessum, ut vel huiusmodi sollicitatio esset in confessione, vel occasione, & prætextu confessionis, aut immediatè post confessionem; nullum ex his conveniebat huic sollicitationi: ergo non erat comprehensa in Bulla Gregoriana.

359. Minorem probabant: quia hæc sollicitatio fuit facta post longum temporis intervallum, quia plura mediaverunt inter confessionem, & sollicitationem; deindè non fuit prætextu, & occasione confessionis, sed prætextu instructionis, quod est distinctus casus: ergo ex nullo capite hæc sollicitatio comprehenditur in Bulla. Nec fuit simulatio confessionis, quia licet fœmina in forma pœnitentis genuflecteret, statim Confessarius explicavit suum animum, siquidem dixit, surge, & sede, quia hæc non est confessio. Præterea, Bulla non potest extendi ad hunc casum, etiam si sit favorabilis, quia constitutio favorabilis non est extendenda ad casus diversos: ergo videtur, quòd huiusmodi Confessarius non fuit comprehensus in Bulla Gregoriana.

360. His non obstantibus, Reverendissimè Magister, ut doctus, & versatus in materijs Inquisitionis, semper perseveravit in suo dictamine, & rectè, & ad suum assertum defendendum nega-

negat.



negabat hanc sollicitationem non esse factam prætextu, & occasione confessionis. Primò, quia priùs præcessit confessio, & postea ad ostendendum, & docendum modum benè confitendi, Confessarius sumpsit prætextum ex confessione præterita, dicendo, nescis confiteri, ego domi te instruam: ergo huiusmodi sollicitatio fuit prætextu, & occasione confessionis, ex qua occasionem arripuit ad feminam sollicitandam. Secundò, quia solus prætextus instructionis est sufficiens, ut sollicitatio sit comprehensa in Bulla, quia licet instructio non sit confessio, dicit ordinem ad confessionem.

361 Hoc potest parificari alio casu: si enim, ut multoties contingit, accederet femina ad Confessarium doctum non animo confitendi, & absque simulatione confessionis ad consilium capiendum, ut confessionem generalem disponderet, & Confessarius inde arriperet occasionem ad illam sollicitandam, secundum veriore sententiam, & praxim Tribunalis esset denunciandus Confessarius, ut sollicitans prætextu, & occasione confessionis; quia licet illa non sit confessio Sacramentalis, ordinatur ad confessionem faciendam. Ita Bonacina *tom. 1. disput. 6. punct. 3. num. 17. vers. Secundum dubium est*: ergo idem est discurrendum in nostro casu, quia illa instructio erat ordinata ad confessionem Sacramentalem, quod sufficit, ut Confessarius sit sollicitans prætextu, & occasione confessionis; & fortasè illa verba Bullæ: etiam non sequuta confessione hoc denotant.

362 Hoc totum confirmatur doctrina D. Ioann. Escobar, quam sumpsit ex doctissimo Magistro Sousa *tract. 1. cap. 18. num. 14. per tot. & in Aphor. lib. 1. cap. 34. num. 36. & seqq.* Ponam verba Escobar, viri versati, & practici in materijs S. Officij, ut cum illis resolvantur multi casus, sic enim ait *part. 1. quest. 4. §. 1. num. 53. ampliat. 12. Ut etiam comprehendantur in Summorum Pontificum decretis, omnes sollicitationis casus, qui etsi non intervenerint ante seu post confessionem immediatè, ex ipso tamen Sacramento nata est occasio ad sollicitandum, vel dum Sacramentum fuit sump- tum, velut medium ad provocandam fœminam, seu ipsa sollicitatio*

ita coniungitur cum confessione, ut eam includat ratione alicuius dependentiæ.

363 Ex his verbis confirmo resolutionem doctissimi Magistri; in primis enim dicit Escobar à Corro ex Sousa, quòd sollicitatio comprehenditur in Summorum Pontificum decretis, etiam si non intervenerit immediatè ante, vel post confessionem, si ex Sacramento nacta est occasio ad solicitandum; sed in dicto casu, ex Sacramento fuit orta occasio, siquidem dixit Confessarius, tu nescis confiteri ingrediamur, &c. ergo ex hac parte sollicitatio fuit facta prætextu, & occasione confessionis. Secundo, quia dicit, quòd sollicitatio est facta occasione, & prætextu confessionis, quando eam includit ratione alicuius dependentiæ; sed huiusmodi sollicitatio habet dependentiam à confessione præterita, & futura: ergo Confessarius dictus est denunciandus ut sollicitans prætextu, & occasione confessionis.

364 Quintus casus est. Suppono, quòd aliqua femina fingitur ægotans, vel quia fuit pactum ad hanc fictionem inter ipsam, & Confessarium, vel quia illa desiderat loqui secretò cum Confessario de rebus venereis, & alio modo non habet opportunitatem; hoc prætextu vocat Confessarium ad confitendum, & Confessarius ingreditur cubiculum prætextu confessionis, & eam sollicitat, vel quia eam occasionem præbet, vel intuitu pacti antecedentis. Iste Confessarius est ne denunciandus virtute Bullæ Gregorianæ? Ioan. Sanchez in *select. disput. 11. num. 68. in fine*, sentit, huiusmodi Confessarium esse denunciandum, quia Confessarius vocatur prætextu confessionis, sive antecedenter sit pactum, sive non.

365 D. Ioann. Escobar distinguit, & dicit, quòd si femina ægotans Confessarium evocet ad confitendum, & eam sollicitet, venit denunciandus Inquisitoribus, non quia talis Confessarius sollicitet prætextu confessionis, sed quia simulat confessionem ad illudendum insipientibus. Idem tenet Diana 4 *part. tract. 5. resol. 37* Sed pace horum Auctorum existimo, quòd huiusmodi Confessarius est denunciandus, quia sollicitat prætextu confessionis,

fionis,

tionis, ut ab his Auctoribus proponitur casus, quia ista fœmina ægrotans vocat Confessarium animo confitendi, ergo si non esset simulatio, etiam si Confessarius istam sollicitè ingrediendo domum, & cubiculum prætextu confessionis, non esset denunciandus, quod non est audiendum. Quod enim hoc non sit audiendum, constat, quia ut Sacerdos sit virtute Bullæ denunciandus, dummodò detur prætextus, & occasio confessionis, parùm refert quod non sit simulatio; quia aliàs hæc verba prætextu, & occasione confessionis inutiles essent, & quando Confessarius accedit ad fœminam prætextu confessionis præteritæ, vel futuræ, & sollicitat, non esset denunciandus.

366 Nunc probatur sequela. Secundum hos Auctores, etiam si fœmina sit ægrotans, & vocet Confessarium ad confitendum, si non simulat confessionem non est denunciandus; sed tunc datur prætextus confessionis: ergo si hæc doctrina esset vera, si non est simulatio, etiam si detur prætextus, & occasio confessionis, Confessarius non est denunciandus. Minor probatur: Confessarius ingreditur cubiculum ægrotae prætextu proximo audiendi confessionem in illo loco: ergo tunc datur prætextus confessionis; sed si tunc non esset simulatio ad circumstantes decipiendos, sed Confessarius ingrederetur cubiculum hoc prætextu, & statim sollicitaret, antequam simularet confessionem, nec postea sequeretur confessio, secundum doctrinam horum Auctorum non esset denunciandus: ergo in quocumque loco sine simulatione, si sollicitaret prætextu, & occasione confessionis, non esset denunciandus, quod est contra tenorem Bullæ.

367 Quare meo videri, si casus dicto modo accidit, Confessarius est denunciandus, quia prætextu, & occasione confessionis sollicitat, ideòque adhæreo sententiæ Ioann. Sanchez; nam aliàs, si fœmina vocaret Confessarium ad confitendum, & antequam hic sederet in loco electo ad audiendas confessiones, illam sollicitaret, si postea non sequeretur confessio, non esset denunciandus, quia eodem modo vocatur prætextu confessionis, & deest simulatio; hoc est falsum in omnium sententia, ideòque

additur in Bulla, etiam ipsa confessione non sequita : ergo similiter in dicto casu, si Confessarius vocatur ad confitendum, & sollicitat, etiam si non simuletur confessio, est denunciandus.

368 Alio modo proponit casum Diana loco citato, ex sententia Freitas, *de Confess. sollicit. in noviss. edit. quest. 19. num. 44.* & est: si femina vocet Confessarium ad confitendum, ut Confessarius Prælatum decipiat, cum tamen ex tractatu præcedenti, tam Confessor, quam femina habeant animum agendi de rebus venereis. In hoc enim casu fateor, quod Confessarius sollicitans non est denunciandus, quia prætextus est remotus ex parte utriusque, nam locus ad quem accedunt, ut de rebus venereis tractent, est remotus à confessione.

369 Ex quibus duos resolves casus. Primus est, si Confessarius accederet ad domum feminae animo illam sollicitandi, quia sic tractarunt ambo, & femina diceret circumstantibus, quod iste Confessarius venit ad illam confitendam, ut relinquerent illos solitarios ad explendam libidinem, & Confessarius nullo modo ingrederetur hoc prætextu, cerè non esset denunciandus, quia prætextus, ut constat ex Bulla, debet se tenere ex parte Confessarij, & licet femina prætextet confessionem, Confessarius autem non sollicitat prætextu, & occasione confessionis. Secundus casus est, si Monialis ad facilitandam licentiam, & parlatorium privatum fingeret prætextum confessionis, ut Abbatiſſa licentiam, & parlatorium solitarium illi concederet, & Confessarius ingrederetur solum ad urbanè loquendum, & sollicitaret, vel cum illa haberet sermones illicitos, aut aliud obsecrum, absque dubio denunciandus non esset Confessarius Inquisitoribus, quia prætextus confessionis non se tenet ex parte Confessarij, sed pœnitentis, & iste non ingreditur in Bullam.

370 Si autem unus, & alter casus contrariò evenirent, taliter, quod Confessarius vocaret Abbatiſſam, & diceret, ingredior loco separato ad excipiendam confessionem Monialis, vel ingrederetur domum, & patri, vel matri feminae exposceret cubiculum separatum domus, quia venit ad illam feminam

con-

confitendam, & postquam ingrederetur cubiculum, illam sollicitaret; in vno, & altero casu Confessarius erit denunciandus, quia tunc sollicitaret pretextu, & occasione confessionis, taliter, quod pretextus se haberet ex parte Confessarij.

371 Alio modo proponit casum feminae aegrotæ D. Ioann. Escobar. à Corro *par. 1. quest. 3. de mater solicit. nu. 46. ampliat. 4.* & est quando femina capta amore Confessarij ad illū atrahendum morbum fingit, aut verè aegrotat, vocatque illum ad audiendam confessionem, & clauso ostio cubiculi, illum provocat ad libidinem; & si Confessarius resistit, dicit femina se exclamaturam, vim sibi ab illo inferri, si crimen non adimpleat; in hoc enim casu resolvit D. Ioann. Escobar à Corro, quod si Confessarius consentit, licet lathaliter peccet, non est sollicitans; citat Acuña *quest. 9. num. 9. Graff. cons. 7. nu. 1. de penitent.* Ioann. Sanchez *disp. 11. num. 30.* & loquendo de hoc casu, dicit, quem iam de facto vidi; stat etiam pro hac sententia Trullench *tom. 1. in Decalog. lib. 1. cap. 3. dub. 8. num. 47.* & noster Trimarchius *de Confess. abutent. disp. 9. sect. 1.* illam sententiam iudicat probabilem, sed contrariam esse sequendam ob favorem Sacramenti; ideòque *disp. 14. sect. 2.* illam consulit in praxi.

372 Pater Diana *tom. 4. tract. 5. resol. 15.* proponit hunc casum, sed nihil resolvit, imò potius refert Freitam in fine, & concludit resolutionem referendo, quod secundū istum Auctorem, huiusmodi Confessarius non est denunciandus, neque potest puniri per DD. Inquisitores poena arbitraria; sed miror, quod non resolvat hanc difficultatem; siquidem *resol. 4.* defenfat, quod est denunciandus Confessarius, qui consentit sollicitationi, etiamsi absolutionem Sacramentalem non impendat; idem repetit *resol. 42.* & ego addo, omnes Auctores, qui patrocinantur meam sententiam de Confessario consentiente sollicitationi; nam parum referunt minx feminae poenitentis, ut Confessarius liberetur à denunciatione; quare secundum mea principia, & praxim Inquisitionis resolvo, quod si huiusmodi Confessarius consentit sollicitationi est denunciandus DD. In-

quisi.



inquisitoribus, quod breviter probō: ex tenore Bullæ non solum est denunciandus Confessarius, qui in confessione habet sermones, & inhonestos tractatus, sed etiam, qui illos exercet prætextu, & occasione confessionis, ipsa confessione etiam non sequata; sed si iste Confessarius consentit sollicitationi prætextu confessionis, habet sermones, & inhonestos tractatus: ergo est denunciandus DD. Inquisitoribus.

373 Vt autem alios casus similes resolvas, oportet commendare memoriæ hanc doctrinam generalem; scilicet, semper, & quando accedit Confessarius ad feminam prætextu, vel confessionis futuræ, vel præteritæ, vel ad capiendum consilium de confessione futura, dummodò prætextus se teneat ex parte utriusque, vel tantum ex parte Confessarij, iste est denunciandus, si in his occasionibus illam sollicitat, quamvis nullo modo sequatur absolutio, aut confessio aliquorum peccatorum; si autem prætextus, vel occasio confessionis tantum se tenet ex parte feminæ, Confessarius sollicitans, vel consentiens sollicitationi minimè est denunciandus, quia solum est reus Bullæ si sollicitat prætextu, & occasione confessionis, etiam confessione non sequata: ergo prætextus, & occasio debet se tenere ex parte Confessarij.

## QVÆSTIO XII.

*QVO MODO INTELLIGVNTVR ILLA VERBA BVLLÆ,  
sive extra occasionem Confessionis in confessionario.*

### §. I.

*VERBA BVLLÆ, ET PRIMA SENTENTIA PONVNTVR.*

374 **Q**UOD sit sollicitatio denuncianda Inquisitoribus, quæ sit in confessionali, simul simulando confessionem, non est dubium, quia ad minus hæc sonant verba Bullæ Gregorij XV. quod enim (præcipue his temporibus) inter recentiores vertitur indubium est: an sollicitatio ad venerea solum  
in

in confessionali, præcisa simulatione confessionis, sit denuncianda DD. Inquisitoribus? Vt autem hæc gravissima quæstio cum fundamento decidatur, ponam in hoc §. verba Bullæ, & pro sententia negativa referam intelligentias Auctorum.

375 Verba Bullæ Gregorianæ sunt hæc: *Sive extra occasionem confessionis in confessionario, aut in loco quocumque, ubi confessiones Sacramentales audiantur, seu ad confessionem audiendam electo simulantes ibidem confessiones audire, sollicitare, vel provocare tentaverint, aut cum eis illicitos sermones, sive tractatus habuerint, in Officio S. Inquisitionis severissime, ut infra puniantur.* Tota difficultas inter Auctores est circa constructionem horum verborum: nam aliqui dicunt, quòd illi termini, *simulantes audire confessiones*, non solum referuntur ad immediatè antecedentia, sed ad omnes casus de confessionario proprio, vel electo. Ita Lezana tom. 1. tit. de obligat. Confess. Regul. cap. 19. num. 34. citat Rodriguez tom. 2. quæst. 47. art. 1. & 2. Quarantam in summ. Bullar. vers. Confessor, explicando Bullam Pij IV. Leandrum de Sacrament. tom. 10. tract. 5. de Sacram. Pœnitent. disp. 30. qui citat Freitam in edit. noviss. quæst. 15. num. 49.

376 Etiam tenent hanc sententiam Sousa in annot. ad Bullam Gregorij XV. pag. 265 num. 13. Fagundez in Decalog. lib. 6. cap. 12. num. 19. Sanchez tom. 1. tract. 4. disp. 9. punct. 8. nu. 4. Thomas del Bene part. 2. de Offic. S. Inquisit. dubit. 237. sect. 11. num. 6 pag. 574. Thomas Hurtado tract. 4. de Confess. sollicit. cap. 5. resol. 8. num. 72. & seqq. & cap. 8. resol. 33 §. 1. 2. & 3. Trimarchius de Confess. abutente, disp. 3. num. 2. Boilius in append. ad tract. de Iubil. dub. 13. num. 33. Castus à Palao tom. 1. tract. 4. disp. 9. punct. 8. num. 4. vers. Advertendum tamen est, P. Didacus de la Fuente Hurtado in sua Theolog. reform. qui scripsit anno 1689 dissert. 19. de simulata administratione Sacramenti, num. 94. & seqq.

377 Ioan. Sanchez in select. disp. 12. num. 68. §. hinc fit, loquitur cum distinctione, hæc enim habet: *Hinc fit pœnis huius constitutionis non comprehendit Confessarium, qui cum Moniali paciscitur in Confessionario turpiter confabulari, quando talis locus indifferens est*

est tam ad urbanè loquendum, Hispanicè recibir visitas, quam ad excipiendas confessiones, ut moris est in pluribus huius Curie Matritensis Monasterijs. Quòd contingit ferè in omnibus confessionarijs Monialium, quod est maximus abusus loci Sacri, quia multoties onerantur conscientiæ, vbi per lavacrum Pœnitentiæ exonerantur.

378 Cum autem hæc sententia sit vallata tot rationibus, & Auctoribus doctissimis, licet in alijs mecum sentiat D. Ioann. Escobar à Corro *part. 1. quest. 4. §. 1. num. 35. circa fin.* non autem in censura huius sententiæ, cum illam improbabilem iudicet. Aliud enim est non esse iuxta praxim Inquisitionis Hispanicæ, quòd est verum, aliud esse improbabilem, quia ut dixi in questione præcæmiali, etiam si DD. Inquisitores iudicent secundum unam sententiam, quia in illa fundatur stylus Tribunalis, non tollunt probabilitatem speculativam contrariæ sententiæ, nec practicam quoad forum conscientiæ; benè verò quoad iudicandum in foro exteriori. In confirmationem huius veritatis est recolendum, quod diximus de Decreto Sanctissimi Patris nostri Innocentij XI. in eadem questione præcæmiali; nempe, non posse censurari opiniones quæ controvertuntur inter Catholicos, & adhuc non sunt damnatæ à Summis Pontificibus; sed ista sententia nullo modo est damnata, & aliundè illam docent multi, & gravissimi Auctores: ergo de illa non est dicendum quòd sit improbabilis.

379 Sed licet D. Ioan. Escobar hanc sententiam negativam vocet improbabilem, non idè dictum istius Auctoris est contra Decretum Innocentij XI. Primò, quia iste Auctor scripsit ante Decretum, & hac ratione omnes propositiones damnatæ manent in Auctoribus illas defensantibus, qui scripserunt ante Decretum; sed si aliquæ propositiones ex his post dictum Decretum defenderentur, vel in manuscriptis, vel in libris impressis, statim prohiberentur à DD. Inquisitoribus, quia quæ sunt scriptæ post Decretum, sunt dignæ censura. Secundò, quia dicere quòd aliqua propositio est improbabilis probabiliter, non est

est terminus censuræ; sicut esset si de illa diceretur, quod est temeraria, scandalosa, denigrativa, &c.

§. II.

SECUNDA SENTENTIA PONITVR, ET ELIGITVR.

380 **A**NTEQVAM ponam sententiam affirmativam cum suis Auctoribus, & rationibus, adverto primò, quod in prima sententia proposita est duplex modus procedendi, & etiam in sententia quam amplectar. Primò, enim aliqui Auctores loquuntur in prima sententia absque distinctione, & sic processerunt omnes, excepto Ioann. Sanchez, & Thoma Hurtado, quia dixerunt, quod si sollicitatio sit in confessionali absque simulatione, non est denuncianda DD. Inquisitoribus; & primò Ioan. Sanchez, & Thomas Hurtado tenent, quod si confessionarius est vnicè deputatus ad audiendas confessiones, si in eo sollicitat Confessarius, denunciandus est DD. Inquisitoribus; si autem sit indifferens ad urbanè loquendum, & confitendum, non est sollicitatio comprehensa in Bulla, si in eo provocet Confessarius ad venerea.

381 Auctores autem contrariæ sententiæ etiam procedunt absque distinctione confessionaliū, & defensat, quod sollicitatio in confessionario est denuncianda DD. Inquisitoribus; sed benè absque distinctione procedunt, quia Ioann. Sanchez loco citato, ideò illam distinctionem ponit, quia ex eo quod confessionarius vnicè sit deputatus ad audiendas confessiones, invivie simulationem; quare existimat, quod illa verba: *Simulantes ibidem se audire confessiones*, referuntur ad omnia antecedentia; cum autem Auctores referendi hoc negent, secundum illorum sententiam illa verba non referuntur ad omnia antecedentia, sed ad immediatos terminos: *Aut in loco electo ad confessionem audiendam*.

382 Quare secunda sententia defensat absque distinctione, quod si Confessarius feminam sollicitat in confessionario vigore

Tt

Bulla

Bulle Gregorij XV. est denunciandus Inquisitoribus. Hanc sententiam tenet Salelles *tom. 1. de mater. Inquis. regul. 134. pag. 256. num. 153.* Coriliano *de casib. reservat. part. 1. sect. 2. art. 22. num. 4.* Carena *de Offic. S. Inquisit. part. 2. tit. 6. de Confess. sollicit. §. 5 num. 31. & seqq.* Bonacina *tom. 1. quest. 4. de Matrim. punct. 16. num. 9. in fine,* noiter Peirinis *tom. 2. privileg. constit. 4 Gregorij XV. §. 5. num. 15.* Trullench *tom. 1. in Decalog lib. 1. cap. 3. dub. 18. num. 77. in fine,* Diana *1. part. tract. 4. resol. 18. & 25. & 4 part. tract. 5. resol. 38.* D. Ioan. Escobar à Corro loco citato, *num. 15 & seqq.*

383 Iuxta istam sententiam, & praxim Inquisitionis, dico primò: Confessarium sollicitantem in confessionario vnicè deputato ad confessionem audiendam, si in illo extra occasionem confessionis absque simulatione sollicitat est denunciandus. Probatum primò ex verbis Bullæ Gregorij XV. *Sive extra occasionem confessionis in confessionario, aut in loco quocumque, ubi confessiones Sacramentales audiuntur, &c.* Ex quibus verbis sic arguo: Confessarius non solum sollicitans prætextu, & occasione confessionis, sed etiam extra occasionem confessionis in confessionario est denunciandus, sed qui sollicitat prætextu, & occasione confessionis, etiam si non simulat confessionem, est denunciandus: ergo etiam qui sollicitat extra occasionem confessionis in confessionario, quamvis non simulat confessionem. Probatum consequentia: quia Bulla Gregorij XV. eodem modo loquitur de Confessario sollicitante prætextu, & occasione confessionis, ac de sollicitante extra occasionem confessionis in confessionario: ergo sicut est denunciandus Confessarius sollicitans prætextu, & occasione confessionis, etiam si non simulat confessionem, ita sollicitans in confessionario.

384 Ad hoc respondent communiter contrarij, quod illa verba: *Simulantes ibidem confessionem audire*, referuntur ad tres casus antecedentes, & primus est, *sive extra occasionem confessionis in confessionario*; & est idem ac dicere esse denunciandum Confessarium ad venerea sollicitantem extra occasionem confessionis in confessionali, simulantem ibidem confessionem audi-



audire. Hoc modo construunt prædicta verba ferè omnes Auctores contrariæ sententiæ.

385 Sed contra est: illa verba, *simulantes ibidem, &c.* solum referuntur ad clausulam immediatam, *aut in loco electo ad confessionem audiendam*; quia aliàs talis locus non erat destinatus ad confessionem audiendam, & pro libito Confessarij, & prænitentis ad confessionem audiendam eligitur, & talis locus esse potest, aut in Ecclesia, aut in agro, vel domi, quia si ita non essent intelligenda prædicta verba, ad quid deserviret distinctio locorum; unica enim clausula possent omnia comprehendi, dicendo esse denunciandum Confessarium, qui sollicitat in quocumque loco simulando confessionem: ergo ostendendo distinctionem inter confessionarium, locum in quo confessiones audiuntur, & in loco electo pro libito ad audiendam confessionem, ad ultimum debet referri simulatio, & non ad antecedentia.

386 Confirmatur: ut sollicitatio facta in confessionario sit comprehensa in Bulla, non est necessum quod fiat occasione confessionis, ut constat ex illis verbis: *Sive extra occasionem confessionis in confessionario*: ergo neque est necessum quod fiat simulando confessionem. Probatur consequentia: sollicitatio quæ fit simulando confessionem, fit occasione confessionis, quia occasio confessionis non solum comprehendit confessionem veram, sed simularam, imò magis propriè comprehendit fictam, quam veram. Ita Augustinus Barbosa *dict. 135. num. 6. & 7. pag. 187.* sed sollicitatio quæ fit in confessionario, etiam si fiat extra occasionem confessionis, est comprehensa in Bulla: ergo etiam si fiat absque simulatione, dummodò fiat in confessionario.

387 Hoc ipsum ostendit communis usus loquendi, quia causam fictam, & coloratam occasionem vocamus; dum enim quis vult discedere ab amico propter minimam, aut nullam causam dicitur occasionem querere; ideòque constituendo Barbosa distinctionem inter occasionem, & causam, dicit, quòd causa semper additur facto vero; occasio autem ficto, & simulato: ergo simulatio confessionis est occasio confessionis, quia li-

cet omnis occasio non sit simulatio, benè verò omnis simulatio confessionis est occasio confessionis; sed ex verbis Bullæ dummodò sollicitatio fiat in confessionario est denuncianda, quamvis nulla detur occasio confessionis, quia illa particula *extra*, significat omnimodam separationem, & remotionem ab occasione confessionis, *absentem* 199. ergo si esset necessaria simulatio confessionis, vt sollicitatio facta in confessionario vnicè electo ad audiendas confessiones comprehenderetur in Bulla, esset contra tenorem illius, vt constat ex illis verbis: *Extra occasionem confessionis in confessionario*.

388 Probatur secundò cum eisdem verbis Bullæ: dum enim loquitur de confessionario, & de loco publicè destinato ad audiendas confessiones, diversimodè procedit, ac cum facit mentionem de loco pro libito electo ad confessionem audiendam; quia de primis loquitur indefinitè, & in plurali numero, vt constat ex illis verbis: *Extra occasionem confessionis in confessionario, aut in quocumque loco, ubi confessiones Sacramentales audiantur*; cum autem sit sermo de loco pro libito electo, ponitur in numero singulari, & cum particula disiunctiva: *Seu in loco electo ad audiendam confessionem*: ergo illa verba: *Simulantes ibidem audire confessiones*, sunt accessoria ad locum electum pro libito Confessarij, siue sit in eremo, vel in agro: ergo Confessarius sollicitans in confessionario vnicè electo ad audiendas confessiones, est denunciandus, quamvis non simulat confessionem.

389 Probatur terciò conclusio: Ante constitutionem Gregorij XV. erat denunciandus Confessarius, qui extra occasionem confessionis sollicitabat in confessionario: ergo multò melius vigore Bullæ Gregorij XV. Consequentia constat: quia huiusmodi constitutio non fuit limitativa, sed ampliativa, vt tenent omnes DD. Antecedens probatur: ante constitutionem Gregorianam fuit Decretum Sacræ Congregationis factum coram Pontifice Paulo V. die 10. Iulij anni 1614. vbi facta relatione, quòd aliqui Confessarij in confessionali tractant cum feminis de rebus inhonestis extra occasionem confessionis stando, vel  
seden-

sedendo, sanctissimè decrevit Congregatio : *Vt contra huiusmodi Confessarios procedatur in S. Officio* : ergo vt Confessarius sollicitans in confessionario sit denunciandus Inquisitoribus, non est necessaria simulatio, nec prætexus confessionis.

390 Ad hæc respondet P. Didacus la Fuente Hurtado, loco citato, *in sua Theolog. reform. dissert. 19. num. 97.* quòd. Decretum Pauli V. non fuit publicatum in Hispania, neque Inquisitio illud habet inter alia decreta, & Bullas Pontificias, & etiam si fuerit huiusmodi decretum admissum, & publicatum; cum Bulla Gregorij XV. sit posterior, ad terminos huius Bullæ debet reduci; cum autem in Bulla sint illa verba : *Simulantes ibidem audire confessiones*, si simulatio non adest, Confessarius sollicitans in confessionario denunciandus non est.

391 Sed contra : in primis licèt admittatur, quòd asserit iste Auctor, non ideò DD. Inquisitores carent iurisdictione ad procedendum contra Confessarios sollicitantes in confessionario, quia huiusmodi decretum est declaratio constitutionum Pontificum; vt autem obliget declaratio, & ampliet iurisdictionem, non requiritur quod publicetur, sicut leges, & constitutiones factæ de novo. Secundò, tale decretum non fuit limitatum, nec annullatum per constitutionem Gregorij XV. quia non reduxit sollicitationem in confessionario ad terminos simulationis; imò potius ex hoc sumitur efficax argumentum pro nostra sententia, quia Gregorius XV. nihil limitavit in hac materia, imò potius ampliavit Bullas antiquas: ergo neque limitavit sollicitationem in confessionario ad terminos simulationis.

392 Quando enim confessionarius vnice est deputatus ad audiendas confessiones (de quo procedit hæc conclusio) etiam secundum sententiam Ioan. Sanchez, loco citato, quem sequitur la Fuente Hurtado, *num. 106.* si in illo sollicitat extra occasionem confessionis est denunciandus; quia ex eo quod circumstantes videant Confessarium ingredientem confessionarium, & faminam, præsumunt eorum ingressum esse ad confitendum; cum autem ex hac parte detur sufficiens simulatio, est denunciandus

Con-

Confessarius si sollicitat; etiam si non ingrediatur pretextu, & occasione confessionis, quia sollicitat in confessionali cum sufficienti simulatione, ut circumstantes decipiantur.

393 Ut autem omnia, circa hanc quæstionem distincta maneant; sit secunda conclusio: Confessarius sollicitans in confessionali promiscuo, aut indifferenti ad audiendas confessiones, & ad urbanè loquendum, etiam est denunciandus DD. Inquisitoribus virtute Bullæ Gregorij XV. quamvis non simul et confessionem. Antequam probetur conclusio; adverto me dixisse §. antecedenti referendo sententiam Ioan. Sanchez, quod mihi placuit multo tempore, sed hodie illam non amplector, quia stylus, & praxis Inquisitionis Hispaniæ est pro contraria sententia, siquidem secundum praxim illius non solum puniatur Confessarius sollicitans, in confessionariò vnicè electo ad audiendas confessiones, sed etiam si sollicitet in confessionali promiscuo absque simulatione.

394 Probatur primò conclusio ex Decreto Pauli V. nam in illo dicitur, quod puniatur in Inquisitione Confessarius sollicitans in confessionario extra occasionem confessionis, sive femina sedeat, vel stet ut refert Pater Salesles loco citato; sed ex hoc sequitur, quod sit denunciandus, etiam si sollicitet in confessionario promiscuo absque simulatione: ergo Confessarius sollicitans in confessionario promiscuo ad venerea est denunciandus, etiam si Confessarius non simul et confessionem. Probatur minor: illud decretum emanavit, quia plures Confessarii in confessionario extra occasionem confessionis cum feminis de inhonestis tractabant, & determinatur, quod puniantur in S. Officio, etiam si sint sedentes, vel stantes, per quas positiones tollitur totalitèr simulatio: ergo ex dicto decreto sequitur, quod Confessarius sollicitans ad venerea in confessionario promiscuo est denunciandus, quamvis non interveniat aliqua simulatio.

395 Probatur secundò conclusio: Confessionarius est locus destinatus ad audiendas confessiones, & ad curanda vulnera lethalia; sed si in illo Confessarius sollicitaret ad turpia, & inhonestas

ne deferviret ad ingentiora vulnera ingerenda, quod est iniuria, saltem mediare Sacramenti Pœnitentiæ: ergo etiam si non simul letur confessio, si Confessarius sollicitat in confessionali, etiam promiscuo est denunciandus; quod enim polluere obscœnitibus confessionarium sit iniuria saltem mediare Sacramenti probatur, ex eo qui sollicitat simulando confessionem, iniuriat ex mente Pontificis Sacramentum, quia iste intendit, quod sine sorde administretur, & occasione, & simulatione illius etiam iniuriatur, quia defervit prætextus Sacramenti ad obscœna, & inhonestas; sed si confessionarius polluitur, cum sit locus ad Sacramentum administrandum, etiam iniuriatur Sacramentum, sicut non solum iniuriat Principem, qui eius personam inhonorat, aut iniuriat, sed etiam qui conculcat, & contemnit sedem propriam illius: ergo sollicitare ad venerea in confessionario, qui propriè est sedes Christi, & Sacramenti, est saltem mediare iniuriare Sacramentum, quamvis confessionarius sit indifferens.

396 Nec valet si dicas, quod nulla sit iniuria, nec mediare Sacramento Pœnitentiæ si sollicitatio absque simulatione fiat in Confessionario promiscuo ad audiendas confessiones, & ad urbanè loquendum, quia saltè verba Bullæ debent intelligi de confessionario formali; id est, de confessionario vnicè deputato ad audiendas confessiones. Sed contra; vel confessionale est formale, quando audiuntur confessiones veræ, vel simulatæ tantum, vel ex eo quod sit confessionale; si solum est tale formalitèr, quando audiuntur confessiones, vel simulantur, frustra additur in Bulla, *sive extra occasionem confessionis in confessionario*; cum dicta sollicitatio comprehendatur hoc modo in Bulla, vel quia sollicitat in confessione vera, vel simulata: ergo absque eo quod detur simulatio, si sollicitatio fit in confessionario est comprehensa in Bulla, quamvis confessionarius promiscuus sit.

397 Si autem dicas, quod confessionarius formalis solum est ille, qui vnicè est deputatus ad audiendas confessiones, ac per consequens sollicitare in dicto confessionario absque confessione vera, vel simulata esse casum comprehensum in Bulla, quod



quòd non contingit in confessionario promiscuo. **Contra primò**, omne quod propriè dicitur confessionale est deputatum per se ad audiendas confessiones, quòd autem etiam deserviat ad urbanè loquendum est abusus loci, quòd non tollit esse formalem confessionarium, ac per consequens est confessionale per se, & per accidens parlatorium, sed confessionale per se formalitèr est tale: ergo confessionarius promiscuus formalitèr est confessionarius.

398 **Contra secundò**: ut enim dicit P. la Fuente Hurtado, *num. 106.* ex eo in sententia Ioan. Sanchez, loco citato, sollicitare in confessionario vnicè deputato ad audiendas confessiones, est casus comprehensus in Bulla, quia in illo, ut advertit la Fuente Hurtado, simulatio confessionis intervenit, quia ex vi illius deputationis, vel sola postulatio clavium, apertio loci, ingressusque ad eum determinatè, significat id fieri ad confessionem audiendam, ac per consequens in omnibus his actionibus invenitur simulatio; sed si ad hoc, ut sit confessionale formale, requiritur quòd detur simulatio, frustra ponerentur, ut dixi, illa verba in Bulla; sed etiam si nihil diceretur in illa de confessionali, sollicitatio cum illis circumstantijs esset denuncianda, quia in illa invenitur simulatio: ergo sollicitatio quæ fit in confessionali promiscuo est denuncianda, quia fit in confessionali formali.

399 Ex quibus infero; malè dixisse D. Ioan. Escobar à Corro, loco citato, *num. 27. & seqq.* quòd sollicitare in confessionario est casus comprehensus in Bulla, etiam si non interveniat simulatio, quia dum videmus ingredi Confessarium, & filiam pœnitentiæ confessionarium, semper præsumimus ingressos esse ad confessionem, quia hoc postulat loci destinatio, & officium Confessoris; & ita ratione officij, & loci satis præsumitur simulatio. Hoc enim contrariatur cum dictis *num. 19.* siquidem in hoo numero constituit regulam, quòd illa clausula, *simulantes ibidem confessiones audire*, tantùm refertur ad locum electum per Confessarium ad audiendam confessionem; sed *num. 27. & seqq.* dicit, quòd ex eo Confessarius sollicitans in confessionario est denun-

denunciandus, quia ingressus Confessarij ad illum locum, & filie poenitentiae afferunt secum simulationem: ergo secundum hunc modum discurrendi est sibi contrarius; quia *num. 27.* statuit, quod Confessarius sollicitans in confessionario sufficienter simulat confessionem: ergo contra dictum *num. 19.* illa clausula, *simulantes ibidem confessiones audire*, non solum refertur ad locum pro libito electo à Confessario ad audiendam confessionem, sed etiam ad confessionarium.

400 Utinam probatur conclusio ex Decreto allato Pauli V. quia ibi est sermo de omnibus confessionarijs, & ut refert Salelles, illi Confessionarij promiscui erant, siquidem in illis, ut supponitur, non solum audiebantur confessiones, sed alia diversa Confessarij cum feminis tractabant; ideoque ad excludendam omnem simulationem confessionis dicit P. Salelles, quod fuit determinatum coram Sanctissimo per Cardinales, quod Confessarij tractantes in confessionali de rebus obscenis & inhonestis, per Inquisitores puniantur, siue in confessionario sint sedentes, vel stantes: ergo non solum Confessarij sollicitantes in confessionario vnicè deputato ad audiendas confessiones sunt denunciandi, sed etiam qui sollicitant in confessionario promiscuo.

401 Ideoque duo adverto. Primum, quod Prælati qui habent Moniales, nullo modo permittant, ut confessionarij fiant parlatoria, quia est periculum maximum, ut locus destinatus ad vulnera spiritualia curanda, polluaturn obscenitatibus cum iniuria, non solum loci, sed etiam Sacramenti Poenitentiae, quia saltem talis locus ordinatur ad administrandum tantum Sacramentum. Quare Tribunal S. Inquisitionis hoc anno mense Maij publicavit, & intimavit mandatum, quod est tenoris sequentis: *El Tribunal del Santo Oficio tiene mandado y manda, y por inconvenientes de confesar en las celdas y Capillas secretas, que los Confesores no confiesen hombres, ni mugeres, niñas, ni muchachos, sino es en el cuerpo de la Iglesia y en Confessionarios publicos Y que ningún Cura, ni otro Confessor confiese en las casas, salvo estando en*

*sermos en la cama, ò con algun impedimento considerable, ò estandolo los penitentes, advirtiendole, que se puede confessar en las Sacristias, Claustros, y Capillas que en ellos buviere, publicamente estando de par en par las puertas abiertas: Y por aora no se prohibe confessar en los Oratorios. Et vox manda, sonat præceptum, vt dicam in 3. pars. Secundum, ne Confessarij fidant in probabilitate contrariæ sententiæ, quia nostra est absque dubio secundum praxim S. Officij; ideòque in illo non solum punitur Confessarius sollicitans in confelsionario vnicè deputato ad audiendas confessiones, sed etiam in promiscuo ad administrandum Sacramentum Pœnitentiæ, & vrbane loquendum.*

## §. III.

## ALIQVA ARGVMENTA SOLVNTVR.

402 **F**VNDAMENTVM primum contrariæ sententiæ potest sic proponi: Illa verba *simulantes ibidem confessiones audire*, non solum referuntur ad locum pro libito electum ad confessionem audiendam, sed etiam ad confelsionarium, & ad locum vbi confessiones Sacramentales audiuntur: ergo sollicitatio facta in confelsionario non est denuncianda, si non simulatur confessio. Probatur antecedens ex regula iuris: determinatio respiciens plura determinabilia, debet pariformitèr ea determinare, *h. i. am hoc iure 4. in princip. de vulg l. fin C de sentent. & interlocut.* Sed illa verba *simulantes ibidem confessiones audire*, est determinatio constitutionis Gregorij XV. ergo pariformitèr debet determinare omnia antecedentia; scilicèt, non solum sollicitationem factam in loco electo pro libito Confessarij, & pœnitentis, sed etiam factam in confelsionario, & in loco quocumque vbi confessiones Sacramentales audiuntur: ergo simulatio debet intervenire, vt sollicitatio in confelsionali sit comprehensa in Bulla.

403 Respondetur negando antecedens, & ad probationem illius est distinguenda illa propositio: determinatio respiciens plura

plura determinabilia, debet pariformitèr ea determinare; si in omnibus ratio determinandi eadem est, concedo maiorem; si sit diversa, nego maiorem; quòd autem dicta regula solum hoc cum habeat, quando in utraque specie ratio determinandi est eadem, non autem si sit diversa; constat ex textu, qui est in *l. si servus liber 19. de statu liber. l. si ita strictam 16. de manumiss. testament.* nam singula determinantur prout cuiuscumque natura, & qualitates patiuntur, *cap. olim 25. de rescriptis, cap. cum dilectus 31.* Qualitas enim confessionarij, & natura diversa est à qualitate, & natura loci pro libito electi ad audiendam confessionem, quia confessionarius est destinatus per se ad administrationem Sacramenti Pœnitentiæ, non autem locus pro libito electus; quia ut rectè observat Fagundez, iste locus non solum est in Ecclesia, sed potest esse in agro, vel monte; sicque stat benè, quòd illa verba, *si mulantes ibidem audire confessiones*, sint ratio determinandi locum pro libito electum, non autem confessionarium.

404. Quòd autem in his casibus ratio determinandi sit diversa, constat ex dictis §. antecedenti, quia confessionarius, & locus deputatus ad audiendas confessiones, ordinantur ad Sacramentum Pœnitentiæ, non autem locus electus pro libito, quia iste non habet aliam ordinationem, nisi simulationem confessionis. Quare ratio determinandi nò potest esse alia nisi simulatio confessionis, sed ratio determinandi confessionarium est ipsa ordinatio, quam ex sua natura habet ad Sacramentum Pœnitentiæ; quare sollicitatio in confessionario absque simulatione est casus Bullæ, non autem sollicitatio in loco pro libito electo, si non adest simulatio confessionis. Præterea, quia ut iam dixi, per illas particulas extra occasionem confessionis, excluditur simulatio, quia fingere confessionem ad sollicitandum, est sollicitare occasione confessionis.

405. Fundamentum secundum contrariæ sententiæ est simile antecedenti, sed in hac materia nihil omitram, ideòque illud sic propono: in verbis relatis, *extra occasionem confessionis*, vsque

ad *simulantes ibidem, &c.* Bulla Gregorij XV. constituit novum ius, quod non erat in Diplomatribus aliorum Pontificum contra sollicitantes; scilicet, quod pœna contra sollicitantes in confessione, extenderetur ad sollicitantes extra occasionem confessionis in confessionario; aut in loco quocumque ubi confessiones Sacramentales audiuntur, seu ad confessiones audiendas electo: ergo participium *simulantes ibidem confessiones audire*, ad omnia illa de quibus novum ius introducitur est referendum. Consequentia probatur: clausula posita in fine legis constituentis, novum ius ad omnia antecedentia refertur, *l. talis scriptura, ff. de legat. l. si peperit, §. filia. ff. de liber. & posthum.* ergo participium *simulantes ibidem confessiones audire*, ad omnia illa de quibus novum ius introducitur est referendum.

406 Hoc argumentum patitur manifestam instantiam, quia si hoc esset verum, etiam extenderetur illud participium *simulantes* ad Confessarios sollicitantes extra confessionem prætextu, & occasione confessionis, quod nullus dixit; quia etiam per illa verba, *prætextu, & occasione confessionis*, introducitur novum ius, quia pœnæ contra sollicitantes in confessione, extenduntur per Bullam Gregorianam ad Confessarios sollicitantes prætextu, & occasione confessionis, quia hi non erant in alijs Diplomatribus Pontificijs comprehensi.

407 Duplicitè responderetur ad argumentum. Primò, quòd contra sollicitantes in confessionario non introducitur novum ius, quia iam per Decretum Pauli V. contra illos poterant procedere DD. Inquisitores, ex quo sumitur validissimum argumentum ad probandum, quòd illud participium *simulantes*, non extenditur ad sollicitantes in confessionario, sed tantum refertur ad sollicitantes in loco electo ad confessionem audiendam. Secundò responderetur, quòd clausula posita in fine legis constituentis novum ius ad omnia antecedentia refertur, quando in omnibus est eadem ratio, non autem quando ratio determinandi est diversa, ut contingit in confessionario, & in loco prohibito electo ad confessionem audiendam. Hæc solutio procedit  
admit-



admittendo, quòd Gregorius XV. in omnibus contentis in clausula prædicta introducit novum ius, quia ut dixi, in ordine ad sollicitationem in confessionario nihil novum statuit, sed confirmat decretum Pauli V.

408. Fundamentum tertium sumitur ex intento, & fine Bullæ, quod sic proponitur: Ad intentum, & finem legis, vel constitutionis est attendendum, ut verus sensus percipiatur; sed finis constitutionis Gregorij XV. non verificatur in confessionario, si non adest simulatio: ergo sollicitatio in confessionario sine simulatione confessionis, non est deferenda ad DD. Inquisitores. Probatior minor: finis Pij IV. in sua constitutione est, ne Confessarius Sacramentis Ecclesiæ abutatur, quam Bullam confirmat Gregorius XV. verba sunt hæc: *Nos in animum inducere nequeunt, quòd qui de fide Catholica rectè sentiunt Sacramentis in Ecclesia Dei institutis abutantur. & illis iniuriam faciant*; sed etiam si Confessarius sit in loco confessionarij, & sollicitet, ut item veneream exerceat cum femina, non facit iniuriam Sacramento, neque illo abutitur si non simulat: ergo finis constitutionis non verificatur, si participium *simulantes* non coniungitur cum confessionario.

409. Hoc argumentum etiam patitur manifestam instantiam, nam qui sollicitat solum prætextu, & occasione confessionis, non abutitur Sacramento Pœnitentiæ, quia ibi nec intervenit verum Sacramentum, nec simulatum; hoc non obstat, est denunciandus Confessarius sollicitans prætextu, & occasione confessionis, quia ut iniuria fiat Sacramento, sufficit prætextus confessionis ad venerea exercenda: ergo similiter ut fiat iniuria saltem mediatur Sacramento, sufficit sollicitatio in confessionario.

410. Responderetur ad argumentum negando, quòd sollicitando in confessionario ad venerea, non fiat iniuria saltem mediatur Sacramento Pœnitentiæ; sicut fieret iniuria iustitiæ, vel iudicaturæ, si dilaceraretur sedes destinata ad iudicandum; cum autem confessionarius sit sedes destinata per se ad administran-

ministrandum Sacramentum Pœnitentiæ, si polluitur obscœnitatibus, datur abusus Sacramenti Pœnitentiæ mediatur, quia qui abutitur loco destinato ad illud administrandum, etiam abutitur mediatur Sacramento.

411 Replicabis: qui sollicitat in confessionali absque simulatione, nullam iniuriam facit Sacramento: ergo non est denunciandus Inquisitoribus. Probatur antecedens: nec leviter est suspectus in fide, ut tenet *Sousa post opusc. de Confess. sollicit. in annotat. ad Bullam Gregorij XV. num. 16. & 17.* ergo non facit iniuriam Sacramento Pœnitentiæ. Probatur antecedens: quia ut dicit iste Auctor, tunc ex aliquo facto colligitur suspicio in fide, quando, vel illud factum est coniunctum cum hæresi, vel quando qui illum facit invenitur Hæreticus; sed sollicitare in confessionario, neque est factum coniunctum cum hæresi, quia neque ibi invenitur confessio auricularis, neque inchoatio illius, neque qui sic sollicitat invenitur Hæreticus; nam frequenter huiusmodi Confessarius in confessione nullo modo sollicitat: ergo sollicitans in confessione non est suspectus in fide.

412 Propter hoc argumentum aliqui existimant, quod non in omnibus casibus comprehensis in Bulla Gregorij XV. debent Confessarij abiurare de levi, ita *Sousa in Aphor. Inquisit. lib. 1. cap. 34. num. 68.* qui dicit, quod Confessarij abiurant, si sint sollicitantes in Sacramentali confessione, aut in actu proximo antecedente, vel consequente, aut quando prætextu, & occasione confessionis sollicitant; non autem abiurant quando sollicitatio fit tantum in confessionario. Contrarium autem tenent *Escobar à Corro part. 1. quest. 1. num. 15. & 16. Diana 4 part. tract. 5. resol. 50. & tract. 7. resolut. 7. vers. Verum,* & ita practicatur in Inquisitione Hispanica, quæ fundatur in ipsis verbis Bullæ; quia postquam refert Summus Pontifex de verbo ad verbum omnes casus sollicitationis, & inter illos sollicitationem in confessionario, subiungit; ut *Inquisitores, & Ordinarij super his prout in causis fidei inquirent, & procedant*: ergo cum in dictis causis ad minus procedant iniungendo abiurationem de levi, tales Confessa-

confessarij saltem de levi debent adiurare, etiam si tantum in confessionario sollicitent.

413 Nunc ad argumentum respondeo distinguendo antecedens : sollicitando in confessionario nulla iniuria fit Sacramento immediatè, concedo, mediatè nego, ad illius probationem nego, quòd ad hoc, ut sit suspicio in fide tantum de levi necessum sit, quòd illud factum sit coniunctum cum hæresi, sed sufficit quòd dicat ordinem ad factum coniunctum cum hæresi, quòd contingit in illo, qui sollicitat in confessionario. Hoc parificatur : qui sollicitat immediatè ante, vel post confessionem, aut prætèxto, & occasione confessionis, etiam ipsa confessione non sequuta, absque controversia est suspectus in fide, ut fateatur ipse Pater Soufa loco citato, & non committit factum coniunctum cum hæresi, sed quia omnia ista dicunt ordinem ad tale factum: ergo cum idem contingat in sollicitante in confessionali, merito DD. Inquisitores procedunt contra illum, ut suspectum de levi, & iniungunt abiurationem de levi.

§. IV.

ARGVMENTA MILITANTIA CONTRA SECVNDAM conclusionem, & aliquod dubium proponuntur.

414 DIXI in secunda conclusione, quòd Confessarius sollicitans in confessionario indifferenti est denunciandus, quamvis nulla simulatio interveniat, contra quod sic proponitur primum argumentum : quando verba constitutionis sunt ambigua ad significandum actum præceptum ex ratione expressa in illa debent accipere determinationem ; sed est valde ambiguum inter Doctores, an illud participium *simulantes* referatur ad sollicitationem in confessionario, vel tantum ad locum pro libito electum ad audiendas confessiones : ergo ex ratione expressa in Bulla debent illa verba accipere determinationem ; sed ratio expressa est abusus Sacramenti, & est valde dubium, an talis abusus committatur in confessionario promiss.

miscuo: ergo sollicitatio in confessionario promiscuo non est casus comprehensus in Bulla.

415 Quod enim sit valdè ambiguum, an illud participium *simulantes* ad confessionarium referatur, probatur: nam aliqui gravissimi Auctores, quos citavi pro contraria sententia, absque distinctione asserunt, quod sollicitatio in confessionario, si simulatio abest, non est casus comprehensus in Bulla, & vix invenitur aliquis Auctor, qui expressè dicat, quod sollicitatio in confessionario promiscuo sine simulatione sit casus comprehensus in Bulla: ergo valdè ambiguum est, an sit sollicitatio comprehensa in Bulla, quæ sit in confessionario promiscuo, si simulatio abest. Præterea, quia qui loquuntur cum distinctione, ut Ioann. Sanchez, & novissimè Pater la Fuente Hurtado expressè asserunt, sollicitationem in confessionario vnicè destinato ad audiendas confessiones casum esse Bullæ, non autem quæ sit in confessionario promiscuo ad audiendas confessiones, & urbanè loquendum.

416 Fateor, quod si attendatur ad multitudinem Auctorum negantium esse abusum Sacramenti sollicitare in confessionario promiscuo, quod est valdè ambiguum, an dicta sollicitatio comprehendatur in Bulla, sed si benè penetrantur verba ipsius Bullæ, est clarum hanc sollicitationem comprehendere in illa; quia si confessionarius est vnicè deputatus ad audiendas confessiones, & in illo Confessarius sollicitat, aliquomodo invenitur occasio confessionis, quia ipsa deputatio, ut dicit Hurtado, est simulatio, ac per consequens prætextus, & occasio confessionis; cum enim ponantur illa verba: *Etiā extra occasionem confessionis in confessionario*; & illa particula *extra*, excludat omnem occasionem, etiam excludit simulationem, quia simulatio involvit occasionem.

417 Hæc corroboratur decreto Pauli V. citato, in quo fuit facta relatio, quod multi Confessores tractabant cum mulieribus in confessionali extra occasionem confessionis de rebus inhonestis; ex eo quod ponatur illa particula *extra*, illa confessio-  
nalia

alia promiscua erant; quia in determinatis solum ad confessionem invivitur occasio ex ipsa vnica deputatione. Præterea, quia omnia confessionalia ex sua natura, & per se dicunt ordinem ad confessionem, & quod dicantur promiscua provenit ex abusu illorum: ergo si in prædicto casu Paulus V. loquitur de confessionarijs promiscuis ad confitendum, & ad alia negotia tractanda, signum est, quod sollicitare in his confessorarijs est casus sollicitationis denunciabilis.

418 Ad illud quod dicitur, quod vix est Auctor, qui expressè dicat, sollicitationem factam in confessionario promiscuo esse comprehensam in Bulla, fateor non esse cum his terminis, benè verò cum alijs æquivalentibus: & P. Diana excludendo omnem simulationem, hanc sententiam defensat, 4. par. tract. 5. resol. 38. vers. *His tamen non obstantibus*, ubi concludit his verbis: *Sed cum contra Doctores istos habeamus apertam declarationem S. E. R. & universalis Inquisitionis, ab ea non est recedendum.* Eciã addo, quod hodie in proprijs terminis habemus plures graves Auctores, quia stat praxis Inquisitionis Hispanicæ, quæ ita observat de consilio, & dictamine suorum Theologorum: ergo non debemus recedere ab hac sententia.

419 Argumentum secundum sic procedit: si sollicitatio facta in confessionario promiscuo esset denuncianda, etiam facta in Ecclesijs à Confessarijs in subsellis, & scamnis; sed hoc nullo modo est dicendum: ergo nec est denuncianda sollicitatio quæ fit in confessionario promiscuo, si non est aliqua simulatio. Probatur sequela: sicut scamni, & sellæ sunt promiscua loca ad audiendas confessiones, & urbanè loquendum, ita confessionarij v.g. plurimum Monasteriorum, & frequenter contingit in confessionarijs Monialium; sed etiam si confessionarij sint promiscui, quia in illis audiuntur confessiones, si Confessarius sollicitat in illis absque simulatione est denunciandus: ergo etiam est denunciandus Confessarius qui sollicitat in scamnis, & sellis promiscuis ad audiendas confessiones, & urbanè loquendum.

420 Ductus hac ratione Freitas in noviss. edit. de Confess.

Xx

Sollicit.



*Sollicit. quest. 15. num. 52. Et quest. 13. num. 30.* firmat contrariam sententiam, & resolvit Gregorium XV. restrinxisse decretum Pauli V. ad terminos simulationis. Sed ego semper iudico contrarium, quia si Gregorius XV. ampliavit in omnibus decreta suorum prædecessorum, quomodo erit credendum, quòd in hoc casu restrinxit decretum Pauli V? Sicque ad argumentum respondetur negando sequelam, & ad probationem illius negotii, quòd sicut se habet confessionarius promiscuus, ita se habeant scamini, & sellæ Ecclesiæ, ubi aliquando audiuntur confessiones, & aliquando sedent sæculares, & etiam Confessarij ad loquendum. Ratio disparitatis est clara, nam confessionarij sunt per se sales, & ex abusu parlatoria, ac per consequens semper dicuntur ordinem ad Pœnitentiæ Sacramentum; at è contra, scamini, & sellæ Ecclesiæ, ubi frequentèr sedent sæculares, & sunt destinati ad urbane loquendum, per accidens sunt confessionarij, siquidem scamini, & sellæ sunt loca pro libito electa ad audiendas confessiones; idèoque absque simulatione huiusmodi sollicitatio non est casus comprehensus in Bulla.

421. Argumentum tertium sic procedit, estque confirmatio antecedentis: si illud participium *simulantes* non refertur ad confessionarium, nèque ad locum ubi confessiones sacramentales audiuntur est referendum; sed hoc est falsum; ergo participium *simulantes* refertur ad confessionarium, ac per consequens non est denuncianda sollicitatio in confessionali facta sine simulatione. Probatùr minor, nam de maiori postea dicam quæstione sequenti: ubi non est copia confessionarium, & est multitudo pœnitentium, confessiones sacramentales audiuntur in scamini, & sellis, sed diximus, quòd sollicitatio in his locis non est comprehensa in Bulla absque simulatione, etiam si in illis confessiones sacramentales audiantur: ergo falsum est dicere, quòd participium *simulantes* non refertur ad locum ubi confessiones sacramentales audiuntur, quia ex hoc sequeretur, quòd Confessarius sollicitus in scamini, & sellis Ecclesiæ absque simulatione, sit denunciandus: ergo cum hoc sit falsum, etiam debemus.

demus asserere, quòd Confessarius sollicitans in confessionario promiscuo non est denunciandus.

422 Ad hoc argumentum plenè satisfaciam quæstione sequenti, interim dico, quòd scamni, & sellæ Ecclesiæ non sunt loca ubi confessiones Sacramentales audiuntur, quia per se ad hoc non sunt destinata, sed ad audiendas Missas, Conciones, Officia Divina cum aliqua commoditate, & urbanè loquendum, & si aliquando in illis propter inopiam confessionalium audiuntur confessiones, sunt loca electa pro libito Confessarij; ut autem in illis sit sollicitatio cõprehensa in Bulla debet coniungi cum simulatione, quòd non est necessum, ut postea dicam, in loco ubi confessiones Sacramentales audiuntur, quia de eo fit consideratio, sicut de confessionario.

423 Nunc venio ad dubium, & inferitur ex hucusque dictis, quod potest proponi hac forma: Si Confessarius Monialium sollicitaret Monialem in parlatorio communi, in quo solet excipere confessiones Monialium, & etiam alij loquuntur indifferenter cum eisdem Monialibus, & hoc faceret absque simulatione, esset denunciandus? Respondeo cum distinctione: vel illa sollicitatio, est die, vel horis, in quibus illud parlatorium est destinatum ad audiendas confessiones, vel alio die; si enim est horis, v.g. mane quando destinatur ad audiendas confessiones Monialium, si tunc sollicitaret esset denunciandus, si autem est die, vel ferò, quando parlatorium non est destinatum ad confessiones audiendas, tunc si sollicitaret non esset denunciandus. Ita Ioan. Sanchez in select. disp. 11. num. 68. in fine.

424 Ratio horum potest esse, quia illud parlatorium per accidens est confessionarium, & per se est ad urbanè loquendum; ergo ut sollicitatio in illo facta sit denuncianda, oportet, quòd interveniat aliqua simulatio, quia est locus pro libito electus ad audiendas confessiones. Ex hoc enim quòd die, vel mane in quo audiuntur confessiones, in illo parlatorio ingressus Confessarij videatur, & munus illius, & ipsa deputatio loci generat prudentem suspicionem, quòd ingreditur ad confiten-

dum, ac per consequens est sufficiens simulatio confessionis, quod non contingit si alio die, vel hora, in qua non audiuntur confessiones, ingrediatur, & sollicite.

425 Argues contra hanc resolutionem: si hæc doctrina esset sustinenda, etiam erit denunciandus Confessarius sollicitans in scamnis, & sellis diebus, in quibus ibi audiuntur confessiones; sed hoc non est dicendum si non adest alia simulatio, nulla alia ratione nisi quia sunt loca electa pro libito ad audiendas confessiones; ergo neque est dicendum, quod Confessarius sollicitans in parlatorio die in quo audiuntur confessiones Monialium sit denunciandus. Probatur sequela: quia sicut parlatorium est locus pro libito electus ad audiendas confessiones, ita scamni, & sellæ: ergo si Confessarius Monialium sollicitans in parlatorio est denunciandus, si hoc faciat die in quo audiuntur confessiones, etiam sollicitans in scamnis, & sellis Ecclesiæ, die in quo audiuntur confessiones in illis locis.

426 Respondeo negando sequelam, ad probationem illius nego, quod eodem modo se habeant scamni, & sellæ Ecclesiæ, adhuc die in quo in illis audiuntur confessiones, sicut se habet in eodem evento parlatorium, quia sunt diversi scamni, & sellæ in Ecclesia, & ille scamnus, vel illa sella sunt pars scamni, quæ depuratur ad audiendas confessiones ex forma Confessarij, & prænitentis manifestatur; quare adhuc illo die non est destinata sella, vel pars scamni, si in illa Confessarius non sedet, & femina genuflectit, vel alio modo simulat confessionem, & sic cum præcisè ex circumstantijs loci, & temporis non detur simulatio, si aliud non est, quamvis in illis locis sollicite Confessarius, non est denunciandus; at verò in parlatorio depurato illo die ad audiendas confessiones, ingressus Confessarij, Monialis, & tempus est sufficiens indicium, ut omnes illius ingressum esse ad confitendum Monialem prudenter iudicent.

427 Solum adverto, quod potest contingere, quod in eodem parlatorio sint diversæ crateres, ut contingit in pluribus Monasterijs Monialium, & tunc si in vna confiteatur Monialis, &

Con-

Confessarius absque aliqua simulatione ingreditur aliam ad loquendum, tunc non est denunciandus si sollicitet, quia in illo parlatorio solum una crater est destinata illo die, vel tempore ad audiendas confessiones, non autem alia. Idemque potest contingere in eodem scamno, quia una pars est destinata ad audiendas confessiones, non autem alia. De alijs connexis cum hac questione dicam in sequenti.

QVÆSTIO XIV.

QVOMODO INTELLIGANTVR ILLA VERBA BVLLÆ Gregorij XV. *aut in loco quocumque ubi Confessiones Sacramentalis audiuntur, sive ad Confessionem audiendam electo, simulantes ibidem Confessiones audire.*

EXPLICATVR QVOD SIT SIMVLATIO, ET PRIMA pars questionis.

**V**T autem intelligatur, quando Confessarius simulat confessionem. Primò notandum venit, quod independentè à sollicitatione ad venerea illicita est simulatio in administratione Sacramentorum, ut constat ex damnatione vigesimæ nonæ propositionis; siquidem Innocentius XI. hanc propositionem damnavit: *Vrgens metus gravis est causa iusta Sacramentorum administrationem simulandi*, quæ propositio ad minus damnatur ut scandalosa, & periculosa in praxi.

Duplex enim est simulatio; alia formalis, alia materialis; simulatio formalis, ut dicit Angelicus Præceptor 2. 2. quæst. 111. art. 1. in corpore est mendacium, ita enim ait Magister Angelicus: *Sicut ad mendacium pertinet, quòd aliquis per verba exteriora aliud significet, quàm habet apud se, ita etiam veritati opponitur, quòd per aliqua signa factorum, vel rerum aliud significetur contrarium eius, quòd in eo est, quòd propriè si-*

*mulatio dicitur*: ergo simulatio propria, de qua in presenti est sermo, includit mendacium, vel est mendacium.

430 Contra hoc breviter potest obijci, simulatio fit rebus, vel factis; ut constat in illo qui simulat esse Hæreticum, vel quia concurret cum illis, vel quia observat exterioriter suas constitutiones, & leges, sed mendacium fit vocibus, aut verbis: ergo simulatio non est mendacium. Respondetur negando, quod mendacium solum fiat vocibus, aut verbis; nam etiam moribus, lachrymis, & suspiris potest mendacium committi, nam omnia ista habent significationem, & per omne signum committitur mendacium, quia istius malitia in eo fita est, quod aliquis signis externis abutatur ad fallendum; quod autem fiat mendacium signis vocalibus, aut alio modo mere materialiter se habet.

431 Simulatio ergo materialis est duplex, alia est quæ respicit circumstantiam, & obiectum vitiosum, quæ non potest excusari à culpa; v.g. Catholicus, qui simulat se Iudæum, licet non simulatione formali, quia non est animo decipiendi, sed ex alia diversa intentione, non excusatur à culpa; alia est simulatio materialis, vel ut melius dicam materialissima, quæ respicit rem, vel circumstantiam omnino indifferentem, quæ nihil continet vitij, ac culpæ. Talis fuit illa simulatio Christi quando finxit se longius ire, Lucæ cap. 24. quia licet Discipuli putarent aliud, Dominus significabat suum iter ad Cælum; quare Discipuli decipiebantur præter intentionem Christi, non enim intendebat deceptionem eorum, sed permettebat.

432 Simulatio verò formalis, de qua principaliter in presenti est sermo, nihil aliud est, quam *mendacium consistens in signis, non verbi, sed rei, aut facti*; sicut enim ad verbale mendacium requiritur falsa significatio vocis cum intentione fallendi, ita ad simulationem formalem debet concurrere falsa significatio rei, vel facti cum intentione fallendi; sed ista intentio fallendi non oportet quod semper sit formalis, sufficit enim virtualis, quæ includitur in voluntate proferendi falsum.



433. Noto secundò, quòd vt simulatio sit comprehensa in Bulla, vel se debet tenere ex parte Confessarij, vel ex parte vtriusque; quare si femina accederet ad Confessarium simulando confessionem, vt illum ad venerea sollicitaret, & Confessarius resisteret simulationi positiuè verbis, vel factis, taliter, quòd si erat in confessionario surgeret, quia illa ante genuflexionem dixit, nolo confiteri, sed simulando confessionem ad tollendam notam circumstantium explicare meum amorem, aut alia huiusmodi, si Confessarius tunc resisteret, & non consentiret simulationi, quamvis postea consentiret, non est reus Bullæ, quia simulatio non se tenet ex parte Confessoris, quòd erat necessarium, vt esset reus Bullæ, vt constat ex illis verbis: *Simulantes ibidem se audire confessiones*. Si autem consentiret simulationi, & vel sollicitaret, vel consentiret sollicitationi feminae, absque dubio esset denunciandus, quia si consentiret, & sollicitaret, propriè esset provocans; si autem consentiret, & conueneret simulationem, haberet inhonestos sermões, vel tractatus: ergo quolibet ex his duobus modis vt sollicitans est denunciandus.

434. Noto tertio, vt clariùs intelligamus, quando datur simulatio confessionis, quòd tunc presumitur simulatio comprehensa in Bulla, quando Confessarius factis significat excipere confessionem feminae poenitentis, & sollicitat ad venereas vel consentit sollicitationi feminae, quia simulatio, prout in præfati nihil aliud est, quam vnum rebus, siue factò ostendere, & aliud conficere, *Si ex præf. 6. C. Si certum petatur, ch. 2. C. li Pen. cap. Plus valere*, sed in hoc casu Confessarius sollicitans in confessione non sacramentali, sedendo in confessionario, aut alio loco, & femina genuflexa loquendo ad aures, ostendit illis factis, quòd administrat Sacramentum Poenitentiae, & quòd conficit est sollicitare, vel consentire ad turpia: ergo comprehenditur in illis verbis Bullæ *simulantes ibidem se audire confessiones*, nisi decidendum sit, an simulatio comprehendatur

435. Eicet hæc verba: *Simulantes ibidem se audire confessiones* sint in ultimo loco quæstionis. Primò illa explicui, quia valde



de conducit explicatio ad intelligentiā dicendorum in hoc §. Nunq̃ autem venit explanandum, qui locus censeatur deputatus ad audiendas confessiones, quia ex tenore Bullæ, si Confessarius in illo sollicitus est denunciandus. Quare difficultas est in præsentī, an participium *simulantes*, referatur ad illa verba, *aut in quocumque loco ubi confessiones Sacramentales audiuntur*, vel solum ad locum pro libito electum ad audiendam confessionem? Omnes Auctores defensantes sollicitationem factam in confessionario non esse comprehensam in Bullis, si non adest simulatio; consequenter tenent, quod si fiat sollicitatio in loco ubi confessiones Sacramentales audiuntur, si simulatio abest, non est casus Bullæ? videtur esse confessarius in loco ubi confessiones audiuntur.

436. Auctores autem contrariæ sententiæ defensantes, quod sollicitatio ad venerea facta in loco ubi confessiones Sacramentales audiuntur, est comprehensa in Bulla, quamvis non sit simulatio, & in terminis illam tenet D. Ioann. Escobar, loco citato, num. 27. & seqq. cum his Auctoribus intelligo illa verba, & resolvo, quod si Confessarius sollicitus ad venerea in loco deputato ad audiendas confessiones, est denunciandus. Inquisitoribus, quamvis non simulet confessionem. Probat̃ hoc breviter à paritate: sollicitatio facta in confessionario est denuncianda. Trihunalis, præcisa omni simulatione: ergo idem iudicium debet fieri de sollicitatione facta in loco destinato ad confessiones audiendas. Consequencia probatur: sicut confessionarius est sedes ad Sacramentum administrandum, ita locus deputatus ad audiendas confessiones: ergo sicut sollicitatio facta in confessionali absque simulatione comprehenditur in Bulla, ita quæ fit in loco deputato ad confessiones audiendas.

437. Dices: non valere paritatem, quia etiam si Bulla contra sollicitantes sit favorabilis, non debet extendi ad diversos casus, & cum sollicitatio in confessionali sit casus diversus, stat bene quod sollicitatio in eo sit comprehensa in Bulla, non autem si fiat in loco deputato ad confessiones audiendas. Sed contra est: casus iste non est diversus: ergo si sollicitatio facta in  
con-

confessionario absque simulatione est comprehensa in Bulla, etiam quæ sit in loco deputato ad confessiones audiendas. Probatur antecedens: ex eo sollicitatio facta in confessionario comprehenditur in Bulla, quia confessionarius est locus destinatus ad confessiones audiendas; sed idem invenies in loco ubi confessiones Sacramentales audiuntur: ergo si in eo sollicitat Confessarius est denunciandus.

438. Difficultas autem est, quæ loca sint deputata ad audiendas confessiones, quia ista vox *in quocumque loco*, est indefinita, & est idem ac dicere, quod Confessarius sollicitans in omni loco, in quo confessiones Sacramentales audiuntur, est denunciandus, etiam si non simulet. Pro intelligentia clariori horum verborum est sciendum, quod in aliquibus Ecclesijs non sunt confessionalia, & in illis loco istorum sunt aliquæ sellæ, vel sellæ, aut sedes in certis locis, vel in capellis, vel in corpore Ecclesiæ, quæ solum inserviunt ad confessiones audiendas, & in alijs Ecclesijs præter confessionarios sunt huiusmodi sellæ, vel scamnus parvulus in locis distinctis, ubi solum unus potest sedere, & sunt destinata hæc loca ad audiendas confessiones; sicque de his locis intelliguntur prædicta verba Bullæ, & si in eis Confessarius sollicitet est denunciandus, quamvis non simulet confessionem, quia sollicitat in loco ubi confessiones Sacramentales audiuntur.

439. Argues primò contra dicta: inter istas sellulas, scamnullos, & confessionarium est assignanda aliqua differentia, quia eam agnovit Gregorius XV. siquidem in suo Diplomate Pontificio dicit: *Seu extra occasionem confessionis in confessionario, seu in quocumque loco ubi confessiones Sacramentales audiantur*; sed diximus, quod sollicitans in confessionario est denunciandus, quamvis non simulet confessionem: ergo sollicitans in loco ubi confessiones Sacramentales audiuntur, si non simulet, non est denunciandus, quia aliàs nulla esset differentia de sollicitatione facta in his locis. Respondetur negando antecedens, nam non ponuntur illa verba in Bulla Gregoriana ad stabiliendam ali-

quam differentiam formalem inter confessionarium, & locum destinatum ad audiendas confessiones, sed tantum materiamalem, & illud additur à Gregorio XVI. ne aliquis existimet, quod si sollicitatio non fit in confessionali materiali, non est comprehensa in Bulla; idèdque additur, *seu in quocumque loco, &c.* ut intelligatur esse formalitèr confessionalia omnia loca destinata ad confessiones audiendas in Parochia, aut Monasterio.

440 Argues secundò: si sollicitatio ad venerea in sellulis, & scamnullis esset comprehensa in Bullis, etiam sollicitatio in scamnis Ecclesiæ absque simulatione, quia in scamnis Ecclesiæ audiuntur confessiones Sacramentales quotidie, & tam frequenter sicut in confessionarijs, & sellulis; sed hoc negamus absque simulatione: ergo illud ex quo hoc sequitur. Respondetur distinguendo illam causalem, quia in scamnis audiuntur confessiones Sacramentales tam frequenter, & cum eadem depuratione, nego; absque hac depuratione, & ut in loco prohibito electo ad audiendas confessiones, concedo causalem; & ratio disparitatis constat ex dictis de confessionario, quia ambo loca eodem modo se habent.

441 Solum adverto, quod in Ecclesijs ubi iam sunt loca destinata ad confessiones audiendas, quia sunt sellule, & confessionarij sufficientes, quod solum in illis locis administratur Sacramentum Pœnitentiæ, nisi sit dies magni concursus, in quo est magna copia Confessorum, & pœnitentium; quia Summi Pontifices non solum per sua Diplomata intendunt, quod Sacramentum Pœnitentiæ purè, & sanctè tractetur, sed etiam omnia quæ aliqualem ordinem dicunt ad administrationem tanti Sacramenti.

442 Ex quibus infero, quod si aliquis scamnus Ecclesiæ finiret in aliquo loco destinato ad audiendas confessiones, talitèr, quod ille locus esset ut confessionarius; si Confessarius sollicitaret in illo, absque dubio esset denunciandus, ut reus Bullæ, quia licet scamnus ponatur ad alios vsus, illa pars terminata ad locum commodum ad audiendas confessiones, iam est destina-

ra ad illud ministerium, sicut confessionale, vel sessile, quia quotidie, quamvis sint alia loca destinata ad confessiones audiendas, ibi tanquam in loco destinato cum eadem aequalitate administratur Sacramentum Pœnitentiæ: ergo si Confessarius in tali loco sollicitaret, esset denunciandus Tribunali, quamvis non simularet confessionem.

§. II.

SECUNDA PARS QUÆSITI DILUCIDATUR.

443 **G**REGORIUS XV. in suo Diplomate non solum dæ facultatem Inquisitoribus, & Ordinariis, ut procedant contra Confessarios sollicitantes ad venerea extra occasionem confessionis in confessionali, aut in quocumque loco ubi confessiones Sacramentales audiuntur, sed etiam contra sollicitantes in loco electo ad audiendam confessionem simulantes ibidem confessiones Sacramentales audire. Quare non est dubium, quod illud participium *simulantes* refertur ad minus ad locum electum ad confessionem audiendam; iste enim locus, ut rectè Fagundez in *Ecles. præcept. lib. 4. cap. 3. num. 73.* non solum est in Ecclesia, sed potest esse in agro, vel in platea, aut in quocumque loco.

444 Ex quibus constat explicatio horum verborum, quia cum ille locus non sit destinatus ad audiendas confessiones, sed eligatur pro libito ab ipso met Confessario, solum ex illa simulatione destinatur ad fidè administrandam confessionem, & ex hac parte fit iniuria Sacramento Pœnitentiæ, quia talis locus independentèr ab hac simulatione, nullo modo ordinatur ad Sacramentum Pœnitentiæ, sicut confessionarius, & locus destinatus, qui absque simulatione hunc ordinem dicunt.

445 Maior difficultas stat in illis verbis: *Simulantes ibidem confessionem audire*, supposito quod ista verba intelligantur de simulatione propria quæ consistit in eo, quod ostendatur unum factum, vel rebus, & aliud fiat. Solum stat difficultas in signis suffi-

gentibus ad simulationem confessionis; scilicet, an signi sufficientia signa, si Confessarius sedeat, & mulier genuflectat loquendo ad aures, sicut facit qui verè confitetur, vel an ultra hoc requiratur, quod se signet signo Crucis, & percutiat pectus, & Confessarius simul et absolutionem.

446 Prima sententia tenet, quod ad simulationem confessionis, de qua loquitur Bulla, non sufficit, quod Confessarius sedeat, & tamina se signet signo Crucis, & loquatur cum Confessario ad aures, sed ulterius est necessum; quod Confessarius in fine simul et exterius verba absolutionis. Ita Trimarchius in *suo tract. de Confess. abut. disp. 3. num. 8.* Hieronymus Rodriguez in  *suis resolut. regular. resol. 131. num. 1.* Trullench *tom. 1. in Decal. cap. 18. num. 74.* sed licet hoc dicat dicto numero, postea num. 75. in fine, solū dicit, quod Confessarius sollicitans simulando confessionem, est denunciandus *tenore Editi.* & Bullæ Gregorij XV. & in lingua vulgari se explicat per hæc verba: *Fingiendo, o dando a entender que está en confesando.* Idem tenent Fr. Joann. à Trinitate in *exposit. Bullæ Gregorij XV. sect. 4. dubit. 1. num. 3.* Thomas Hurtado *tract. 4. cap. 4. num. 21. & seqq. & cap. 5. resol. 8. num. 76.* idem repetit. *in 447.* Verumtamen ne fidant Confessarij in illis, quæ tradunt Auctores in hac materia, quia multoties sunt contra saniozem intelligentiam S. Officii, referam verba quæ tradit idem Thomas Hurtado, quia fortè dicta à viro docto cum causa securitate, à pluribus fuerunt practicata, & nescio si postea hæc iuerunt in S. Officio. Verba Thomæ Hurtado *num. 76. & 77.* sunt hæc: *Dico secundum non est simulatio confessionis propria, & rigorosa, quod Sacerdos sedeat in confessionario, & mulier flexis genibus sit cum eo alloquens sed requiritur quod adsint alia signa externa, quælia diximus cap. 4. vel Sacerdos dicat adstantibus, se audire confessionem vestram, quam sollicitas, sique impetretur absolutionem fictam: si hæc non adsint, absque dubio talis Confessor non est, reus Bullæ Gregorianæ, neque est denunciandus.* Et postea hæc scribit num. 77. in fine: *Sis enim ea interpretatus sum Romæ, ubi eram dum publi-*

*publicata fuit, placuitque Summæ explicatio viris doctis, & D. D. Desiderio, S. R. E. Cardinali Scaglia, cuius eram Theologus.* Si aliquis Confessarius parùm versatus in his materijs videt hæc scripta cum his circumstantijs per virum doctissimum, si ex timore Dei non continetur, absque dubio filius in tanto Auctore facilè cadet.

448. Relicta hac sententia, dico, quòd si Confessarius sedet in Ecclesia, vel in alio loco, & fæmina ad modum pœnitentis se ostendit coram illo flexis genibus loquendo ad aures, etiam si alia non præcedant, vt cunctio pectoris, & confessio generalis, neque sequatur ex parte Confessarij simulatio absolutionis, si illam hoc modo sollicitat, est denunciandus DD. Inquisitoribus. Ita observatur inviolabiliter in praxi Inquisitionis Hispanicæ; hanc sententiam in proprijs terminis sequitur D. Ioan. Escobar *part. 1. quæst. 4. §. 1. num. 36. & seqq.* & ex Auctoribus citatis pro contraria sententia, solus Thomas Hurtado expressè ampliavit terminum simulationis; nam licèt alij, vt noster Trimarch, dicant esse simulationem, quando Confessarius sedet, accedit fæmina flexis genibus, & ille simulat absolutionem; non negant, quòd etiam si non simuletur absolutio, non sit casus comprehensus in Bulla.

449. Probatur secundò conclusio: simulatio confessionis, prout in Bulla, nihil aliud est, quam ostendere factò, quòd Confessarius audit confessionem, & committere crimen sollicitationis, sed quando Confessarius sedet, & fæmina est coram illo flexis genibus, & loquitur ad aures, vel secretò, Confessarius ostendit, quòd audit confessionem, & sollicitat ad veniẽm, ergo committit crimen sollicitationis comprehensum in Bulla. Probatur minor: Tunc enim ostenditur confessio, quando circumstantes præsumunt, & iudicant prudentialiter, quòd Confessarius audit confessionem Sacramentalem; sed si more solito, sedet Confessarius, & fæmina coram illo genuflectit, & auriculariter loquitur, putant circumstantes confessionem esse; ergo præciso omni alio, ex eo quòd Confessarius more solito sedet,

&



& femina auricularitèr loquitur flexis genibus, facto ostendit, quòd audit confessionem, & si tunc sollicitat ad veniendum est denunciandus.

450 Probatur secundò: Vt sollicitatio simulando confessionem sit casus comprehensus in Bulla, tantum requiritur, quòd concurrat cum sollicitatione simulatio formalis confessionis; sed ex eo quòd Confessarius more solito sedeat, & femina genuflectat, & auricularitèr loquatur cum Confessario, datur simulatio formalis confessionis: ergo si hoc modo Confessarius sollicitat, est denunciandus. Probatur minor: Simulatio formalis nihil aliud est, quàm significatio alicuius rei, vel facti cum intentione fallendi; sed ex tali dispositione Confessarij, & penitentis datur significatio confessionis cum intentione fallendi, ergo præciso omni alio, si Confessarius sedeat, femina sit coram eo flexis genibus, & auricularitèr loquatur, datur simulatio formalis confessionis.

451 Respondent contrarij, quòd ad hoc, vt detur simulatio formalis, non solum debet dari significatio confessionis, sed intentio fallendi, quia aliud est permissio deceptionis, & aliud est deceptio; quando Confessarius sedet, & femina flexis genibus loquitur ad aures, non significant confessionem formalitèr, nec intendunt fallere, quia ad hoc efficerent, quæ principalitèr concurrunt in vera confessione, scilicèt ex parte feminæ, tuncionem pectoris cum confessione generali, & signo Crucis, & ex parte Confessarij appellationem absolutionis; cum autem hæc deficient, non datur simulatio formalis confessionis.

452 Sed contra: quamvis enumerata, scilicèt, tuncio pectoris, &c. & absolutio aggravent, vel compleant simulationem formalem, tamen vt detur tota essentia simulationis formalis confessionis, sufficiunt sessio Confessarij, situs feminæ, & locutio auricularis, quia qui hoc modo vident Confessarium, & penitentem, semper præsumunt ibi confessionem, quia ita suadent locus, forma, & locutio, *l. aut facta* 16. §. 1. *de pœnis, cap. in omnibus* 26. quia ita sunt qui administrant Sacramentum Pœnitentiæ,

tiæ, & consentientes peccata sacramentaliter, & à solitis præsumptio sumitur, *l. quædam 9. §. nummularios 2. de edendo, l. eum, qui probabilem 19. C. de Episcop. & Cleric. cap. 1. de Cleric. non resident.* ergo cum de more, qui administrat Sacramentum Pœnitentiæ sedeat, & pœnitens flexis genibus sit coram illo, & loquatur ad aures Confessarij, qui tali modo sunt situati simulant confessionem. Nec requiritur quòd habeant formalem intentionem fallendi, sufficit enim virtualis, quæ includitur in voluntate efficiendi falsam, & apparentem confessionem.

453 Ex quibus infero primò, malè dixisse Castrum à Palao *tom. 1. tract. 4. disp. 9. punct. 8. num. 2.* quòd si simulatio interveniat ex parte Confessarij, & pœnitentis, talitèr, quòd ambo, quia in alio loco non possunt loqui de suo amore lascivo convènant, ut loquantur in Ecclesia simulando confessionem, & ibi habeant verba, vel tractatus inhonestos, fœminam ex vi Bullæ non teneri denunciare Confessarium, quia aliàs se proderet. Malè enim dixit, quia semper, & quando Confessarius, vel in vera, vel simulata confessione habet sermones, vel tractatus inhonestos, non solum verus pœnitens, sed etiam simulatus tenetur denunciare. Neque ad hoc est necessum ut se prodatur, quia ut dixi, potest referre verba, vel tractatus inhonestos Confessarij, & tacere proprium consensum. Cum quibus habes sufficientem doctrinam, ut intelligas, quòd etiam si in hoc casu non detur vera confessio, est discurrendum secundum ea, quæ diximus de sollicitatione in confessione vera, & similiter quando existimat Confessarius, quòd fœmina venit animo confitendi verè sua peccata, & illum sollicitat, & consentit.

454 Sed contra hoc ultimum proponam efficacius argumentum contrariorum, quod reducitur ad hanc formam: ut Confessarius sit denunciandus debet esse sollicitans, provocans, tentans, vel alliciens; sed qui in confessione simulata solum consentit sollicitationi, & de novo sollicitat, nec provocat, &c. non est sollicitans, sed sollicitatus à fœmina pœnitente: ergo non est denunciandus vigore Bullæ Gregorianæ. Probatur consequen-

quentia: quia omnia quæ sequuntur postea, referuntur ad hæc verba antecedentia: *Solicitare, provocare, &c.* sed etiam si habeat sermones, vel tractatus inhonestos, nec sollicitat, nec tentat: ergo non est denunciandus ut reus Bullæ. Ut satisfaciam huic argumento, quod est unicum asyllum contrariæ sententiæ, oportet ostendere connexionem verborum Bullæ Gregorij XV. quia alio modo ratio adducta pluribus placet, & fateor me aliquando fuisse convictum hac ratione; sed attendendo ad contexturam Bullæ, facillè solvitur argumentum, quia postquam Summus Pontifex proponit varios casus; nempe, de Confessario sollicitante in confessione Sacramentali immediatè ante, vel post, &c. ita concludit orationem, *Solicitare, vel provocare tentaverint; & postea asserit: Aut cum eis illicitos sermones, sive tractatus habuerint*: ergo apparet, quòd intentum Summi Pontificis est, ut non solum sint denunciandi Confessarij sollicitantes, & provocantes in locis, & occasionibus enumeratis in Bulla, sed etiam qui quavis non provocent, nec tentent, habent in dictis locis, & occasionibus sermones inhonestos, &c.

455 Nec valet si dicas, quòd Bulla non est contra Confessarios consentientes sollicitationi, sed contra sollicitantes, & ita non debet extendi ad consentientes, quia ut multoties dixi, etiam constitutiones favorabiles non extenduntur ad diversas personas præter expressas in Bulla. Non valet hoc, nam res sumunt nomen, & denominationem à principali, & frequentiori parte, ut patet in privilegijs, etiam si in illis contineatur aliquod gravamen, cum autè principalius, quòd intendit Summus Pontifex sit procedere contra Confessarios sollicitantes, quia frequentius isti sollicitant, & provocant ad venerea, idèò licèt comprehendantur in Bulla consentientes sollicitationi, titulus huius Bullæ est contra Confessarios sollicitantes.

456 Ex quibus infero secundò, quòd ad hoc, ut sit sollicitatio comprehensa in Bulla, quæ fit simulando confessionem, non requiritur, quòd simulatio sit ex parte utriusque, sed sufficit quòd se teneat ex parte Confessarij: si autem sola femina simu-

lat,

lat, & non Confessarius, etiam si ille sollicitet ad venerea, non est denunciandus; neque est dicendum faminam esse denunciandam, quia sicut ista nec comprehenditur in Bullis, nec in Edictis, quamvis sollicitet in vera confessione, idem est dicendum si sollicitet simulando confessionem; quod autem quando simulatio non se tenet ex parte Confessarij, non sit denunciandus, etiam si sollicitet ad venerea, constat, quia tunc nullam infert iniuriam Sacramento Pœnitentiæ, ac per consequens neque est suspectus in fide. Ita D. Ioan. Escobar. 1. part. quest. 4. §. 1. num. 40.

457 Infero tertio, quod si Confessarius sit sedens in scamnis Ecclesiæ, & accedit ad loquendum cum eo femina flexis genibus, sed non loquendo ad aures, sed aliquatitèr separata, sicut solent esse in Ecclesia masculi, & feminae audiendo Sermonem, vel Officia Divina, quia masculi sedent in scamnis, & feminae, vel sunt circa illos flexis genibus, vel sedentes, si stando hoc modo Confessarius feminam sollicitat, vel loquitur cum illa aliqua inhonestè, sentio non esse denunciandum; quia in hoc casu non est simulatio formalis ex parte utriusque, nec ex parte Confessarij, quia si frequenter est separata, & aliquando sicut accidit in similibus casibus, loquitur ad aures, & postea separatur, & Confessarius similia facit, non est præsumptio, quod simulat confessionem, quia qui confitetur semper loquitur ad aures Confessarij, & postea Confessarius dum admonet, & reprehendit idem facit: ergo cum in hoc casu non detur simulatio ex parte Confessarij, non est denunciandus.

*§. III. ARGUMENTA CONTRARIÆ SENTENTIÆ SOLVUNTUR.*

458 **A**RGUMENTVM primum Thomæ Hurtado sic proponitur: simulatio confessionis comprehensa in Bulla debet esse propria, & rigorosa; sed si femina solum est genuflexa coram Confessario, loquitur ad aures illius, & Confessarius se-

det more solito absque alijs signis, non datur simulatio propria, & rigorosa: ergo si in his circumstantijs sollicitat, non est denunciandus. Minor probatur: simulatio propria datur quando aliquis significat, quod in se non habet per signa externa, ut quando aliquis facit opera in favorem inimici, quæ solum solent fieri pro amicis; tunc enim dicitur, quod simulat amicitiam, quam in se non habet; sed quando Confessarius solum sedet in confessionalis more solito, & femina genuflexa loquitur ad aures, non significat confessionem, quam non facit: ergo in hoc casu, omni alio præciso non datur simulatio propria. Probatur minor: ut enim significet confessionem, quam non facit, debet esse per signum immediatum significans Confessarium audire confessionem; sicut aliquis ut inter fideles simulet falsam religionem, debet hoc facere per signa determinata significantia falsam religionem, quia si solum vteretur illis signis indifferentibus; nempe, vestibus secundum usum patriæ, etiam si aliqui deciperentur, cum non sint signa determinata ad significantiam falsam religionem, hoc non esset simulare propriè falsam religionem, sed illa locutio, situs, & sessio non est signum determinatè significans confessionem, quia multoties urbanè ad alia negotia pertractanda sic loquuntur feminae cum Confessarijs: ergo quod femina sit genuflexa, loquatur ad aures Confessarij, & iste sedeat more solito, non significat determinatè confessionem, quam non facit, sed hoc requiritur ad simulationem propriam: ergo quamvis Confessarius tunc sollicitet, non est denunciandus, quia non sollicitat simulando confessionem.

459 Responderetur, quod simulatio comprehensa in Bulla, intelligitur de simulatione formali; nego enim, quod quando femina est genuflexa coram Confessario, loquitur ad aures, & Confessarius est sedens, modo quo solet sedere quando administrat Sacramentum Pœnitentiæ, quod non detur simulatio formalis confessionis, & signum immediatè significans confessionem, quam non facit Confessarius, quia ad hoc sufficit, quod circumstantes ex genuflexione, locutione, & sessione præsumant illam



illam feminam confiteri; sicut ut detur simulatio Amicitia, sufficit, quod aliquis faciat pro alio aliqua opera, quæ solum ab amicis solent fieri, & ut simulet aliam religionem, quod aliqua ostendat, quæ solum sunt à sectarijs illius religionis, quia sicut ista immediatè significant illam religionem, ita illa locutio, genuflexio, & sessio immediatè significat confessionem.

460 Hoc totum explicatur cum eisdem exemplis, quæ adducit Thomas Hurtado; licet enim sint alia signa expressius, & abundantius significantia confessionem, ut unctio pectoris, simulatio absolutionis, non tollit hoc, quod alia enumerata, etiam per se, secluso omni alio, sufficienter significant confessionem; sicut licet facere pro aliquo magna beneficia, abundantius, & expressius significant amicitiam, non tollit, quod si aliqua beneficia non tam magna fiant, quod etiam sufficienter immediatè non significant eandem amicitiam. Et licet facere caeremonias Iudæorum, significet expressius, & abundantius professionem eorum religionis, non tollit, quod si tantum aliquis utatur vestibus illorum, ubi non est usus Patriæ, sed distinctivum religionis, ut contingit Romæ, quod non sit signum sufficiens significans professionem illius religionis, & nulla alia ratione nisi quia omnes qui vident illas vestes, præsumunt esse Iudæum, & omnes qui aspiciunt illa beneficia, iudicant esse amicum, quia solum ab ipso similia sunt. Pariformiter si aliquis videt feminam modo dicto, iudicat ibi fieri Sacramentum Pœnitentiæ, vel confessionem: ergo talis sessio, locutio ad aures, & genuflexio, sunt signum significans immediatè confessionem.

461 Argues secundò, & est instantia contra solutionem: ut detur simulatio formalis, debet dari aliquid significans non solum determinatè, quod non fit, sed etiam immediatè; sed illa genuflexio, locutio ad aures Confessoris, & sessio immediatè non significant confessionem, quæ non fit: ergo non datur hoc modo simulatio formalis confessionis. Minor probatur: illud est signum immediatè significans inter quod, & significatum, nihil



mediat (relinquo exempla) sed inter illam genuflexionem, locutionem, & sessionem, & confessionem mediat absolutio: ergo non significant immediatè confessionem, quæ non fit.

462 Dupliciter potest responderi ad hoc argumentum. Primò, negando quod supponunt; nempe, absolutionem significare confessionem, quam iam supponit factam, cum se habeat ex parte materie, sicut non potest significare hominem, quod supponit iam hominem significatum, imò potius, quod expressus significat immediatè confessionem est illa genuflexio, locutio ad aures, & attentio Confessoris, quia hoc modo omnes confitentur. Secundò respondetur, quod licet inter genuflexionem, locutionem ad aures, & sessionem, & confessionem perfectam, & consummatam mediet absolutio, non autem inter ista, & confessionem inchoatam; & sufficit immediatè significare confessionem inchoatam, ut sit simulatio comprehensa in Bulla, quia in illa non solum prohibetur ut denunciabilis sollicitatio facta in confessione perfecta, sed etiam inchoata, cumque inter istam, & genuflexionem, locutionem ad aures, & sessionem nihil mediet, hæc immediatè significant confessionem; & si Confessor hoc modo sollicitet, denunciandus est.

463 Ex his occurrit aliquod dubiosum, quia ut diximus, ad simulationem formalem requiritur intentio fallendi, vel formalis, vel virtualis; si enim accederet ad Confessarium aliqua femina non animo confitendi, sed ad exequendam libidinem, & hoc modo, Confessarius sedendo more solito ad confitendum, & femina genuflexa, & loquendo ad aures, mutuò haberent inhonesta absque aliqua intentione fallendi, imò solum attenderent ad inhonesta perpetranda; iste Confessarius esset denunciandus, quia sollicitat simulando confessionem? Respondetur fore denunciandum, quia ut comprehendatur in Bulla, non requiritur, quod in Confessario sit intentio fallendi, sed sufficit, quod facta eliciat, ex quibus præsumatur talis intentio; siquidem in illis factis est invivita moraliter intentio fallendi, sicut ut aliquis sit propriè sortilegus hæreticalis, non requiritur quod

quòd habeat malam credulitatem, sed sufficit, quòd præsumatur ex factis hæreticalibus. Sic similiter cum Confessarius talia faciens, ostendat signa, ex quibus præsumitur intentio fallendi; hoc sufficit ut sit reus Bullæ, etiam si in illo excludatur illa intentio, quia facta contrarium ostendunt.

464 Adverto contra Thomam Hurtado, quòd si solùm genuflexio, locutio ad aures, & sessio Confessarij in loco pro libito electo, sunt signa sufficientia ad confessionem denotandam, multò meliùs si hæc exerceantur in confessionario. Etenescio quomodo hoc ultimum tam pertinaciter negetur à Thoma Hurtado, citando Ioann. Sanchez in *select. disp* 11. num. 68. §. *hinc fit, & seqq.* qui de hoc nihil dicit, solùm enim in dicto loco statuit, quòd sollicitatio in confessionario promiscuo ad confessiones audiendas, & ad loquendum urbanè, non est comprehensa in Bulla, quia indifferentia loci aufert simulationem; sed non dicit, quòd si ultra locum essent talia signa; nempe, quòd mulier genuflecteret, loqueretur ad aures Confessarij, & Confessarius sederet modo quo solet quando administrat Sacramentum, tunc non esset simulatio sufficiens confessionis, quia ultra dicta locus in illis circumstantijs etiam suadet confessionem, quæ ibi non est; & si hoc modo sollicitat, absque dubio est denunciandus.

465 Probaturn assumptum: quia ex eo in sententia omnium qui referunt illud participium *simulantes* ad confessionarium, qui sollicitat in hoc loco non est denunciandus, quia si non sunt alia signa, non simulatur confessio; sed qui ultra locum dat, vel ponit alia signa, iam simulat confessionem, quia quòd in tali loco sit famina genuflexa, loquatur ad aures Confessarij, & iste sedeat in dicto loco, nihil aliud apud omnes suadent, nisi ibi fieri confessionem: ergo adhuc si admittatur sententia contraria; nempe, quòd sollicitatio in confessionario non est comprehensa in Bulla, si non adest simulatio, est dicendum, quòd si dictæ actiones concurrunt ex parte pœnitentis, & Confessarij, iste esset denunciandus DD. Inquisitoribus.

Ad

466. Ad hæc responderi Hurtado, loco citato, *num. 80. & 81.* quòd etiam si confessionarius sit clausus, talitèr, quòd non possint videri, si Sacerdos impertitur absolutionem, si illam non simulat, non est denunciandus, quamvis hoc modo sollicitet, quia in illo casu femina, quæ est genuflexa, non venit animo confitendi, unde Confessarius non simulat, quia per illam genuflexionem, loquutionem, & sessionem in tali loco, non intendit significare verè, vel falsò confessionem, & si alij existimant se confiteri per accidens est.

467. Hæc doctrina multas patitur impugnationes; sed solum unicam ponam, quæ meo videri convincit istum Auctorem; ex eo huiusmodi Confessarius non est denunciandus, quia etiamsi omnes circumstantes in dicto casu existiment ibi fieri confessionem, Confessarius non intendit significare verè, vel falsò confessionem; sed idem potest dici, si absolutionem falsam, vel signum absolutionis ostendat, quod est contra prædictum Auctorem: ergo etiamsi solum in confessionario dentur alia signa enumerata; si Confessarius sollicitat, est denunciandus. Probatur minor: Tota ratio istius Auctoris ad excusandum Confessarium à denunciatione est, quia non intendit significare verè, vel falsò confessionem; sed etiam si det signa absolutionis potest esse, ut occultet suam libidinem, & non ex intentione significandi absolutionem verè, aut falsò: ergo secundum doctrinam allatam à Thoma Hurtado, etiamsi absolutionem impertiat, non esset denunciandus; hoc nullus admittit, nulla alia ratione, nisi quia etiamsi in hoc casu Confessarius non intendat significare absolutionem, sed occultare suam libidinem; omnes existimant ibi esse confessionem: ergo cum idem iudicent, si in confessionario vident feminam genuflexam loquentem ad aures Confessarij, & Confessarius quòd sedet modo quo administrat Sacramentum Pœnitentiæ, etiamsi Confessarius non intendat simulare veram, aut falsam confessionem per absolutionem, est denunciandus.

**QVÆ.**

QVÆSTIO XV.

QVOMODO INTELLIGANTVR ILLA VERBA BVLLÆ,  
aut cum eis illicitos, & inhonestos sermones, seu  
tractatus habuerint.

§. I.

EXPLICANTVR VERBA BVLLÆ, ET ALIQVI CASVS  
referantur.

468 **O**MNIA obscena, & periculosa contra puritatem Sa-  
cramenti Pœnitentiæ, Gregorius XV. à tanto Sa-  
cramento voluit excludere; ideòque postquam determinavit,  
quòd Confessarij, qui sollicitant ad venerea in confessione im-  
mediatè ante, vel post, &c. puniantur in Sancto Officio, vt non  
fugiant à pœnis taxatis in dicta Bulla, prætextu, quòd non soli-  
citarunt, sed fuerunt provocati ad venerea per pœnites, sta-  
tìm subiungit: *Aut cum eis illicitos sermones, seu tractatus ha-  
buerint.* De hoc enim puncto breviter est tractandum, quia fe-  
rè omnes casus, qui possunt contingere, in alijs quæstionibus  
huius. partis sunt decisi.

469 Pro explicatione notandum est primò, quòd Confes-  
sarij, qui in confessione vera, vel simulata, seu immediatè ante,  
vel post, &c. dicunt, vel faciunt aliqua inhonesta, etiam si prius  
provocentur, vel sollicitentur à pœnitente, sunt denunciandi  
DD. Inquisitoribus theore horum verborum. Noto secundò,  
quòd etiam virtutè horum verborum est denunciandus Confes-  
sarius, qui quamvis sit provocatus à femina, alloquitur cum  
illa verbis blandis, quæ communiter vocant allicientia ad ve-  
neria, vt si illam laudaret de pulchritudine, venustate, &c. non  
autem est denunciandus, quando pronuntiat aliqua verba obs-  
cena necessaria ad confessionem, sive sit circumstantia aggra-  
vans, vel mutans speciem, vt si femina exarata dicerent, ha-  
buiſti

buisti cum sponso accessum, taliter quòd seminare intra vas; vel expositione vtriusque fuit periculum effusionis seminis, & alia huiusmodi? Sic Peirinis *tom. 2. de privileg. constit. 4. Gregorij XV. §. 6. num. 21. in fin.* & est commune.

470 Ex quibus liquidò constat intelligentia genuina horum verborum, quæ est, quòd quamvis Confessarius nullo modo priùs alliciat, aut provocet feminam pœnitentem ad venera, sed priùs provocetur ab ea, si postea Confessarius habet cum illa, vel sermones, vel tractatus inhonestos, aut consentiendo provocationi, vel verbis, nutibus, vel signis manifestando ex parte sua animum libidinosum, absque dubio est denunciandus DD. Inquisitoribus thenore horum verborum; si hæc facit, loquitur, vel significat in illis locis, & circumstantijs comprehensis in Bulla, & sicut in casibus sollicitationis non datur parvitas materiæ, neque in his rebus, factis, vel signis inhonestis, quia ratio est eadem.

471 Sed contra hæc potest fieri hæc instantia: Quòd Confessarius non consentiens sollicitationi faminæ factæ in confessione sit denunciandus, est maximè controversum inter Auctores, etiamsi cum femina habeat sermones, aut tractatus inhonestos postquam est provocatus: ergo si famina non accedit animo confitendi, sed manifestandi suum amorem lascivum, & hoc cognoscitur à Confessario, quamvis consentiat sollicitationi, & postea habeat cum illa inhonesta, non est reus Bullæ, quia gravius peccatum est consentire sollicitationi in vera confessione, & habere inhonesta, quam solum prætextu confessionis. Responderetur negando consequentiam, quia licet sit gravius peccatum consentire sollicitationi in vera confessione, quam in simulata, ista maior, vel minor gravitas est intra eandem speciem, & in duplici hoc casu Confessarius talia exercens est sacrilegus; sicut gravius peccatum est sollicitare in vera confessione, quam in simulata, & hoc non obstanti, hæc maior, vel minor gravitas intra eandem speciem, non tollit, quòd de his duobus delictis cognoscant DD. Inquisitores, & illis denūcientur. Quòd enim



enim convincit argumentum est mihi, debere puniri Confessarium, qui solum consentit sollicitationi pretextu confessionis, quam qui consentit in confessione vera, sicut mihi punitur in Tribunali, qui solum sollicitat in confessionario, quam qui sollicitat in vera confessione, etiam si ambo Confessarij vigore Bullæ per DD. Inquisitores puniantur tanquam suspecti in fide.

472 Casus practicus primus est: accedit femina ad Confessarium in confessionali, & genuflexa coram illo dicit, quod non habet animum confitendi, & postea provocat, & tentat Confessarium ad inhonesta cum illa perpetranda, sed Confessarius nullo modo consentit, & ad fugiendum illam occasionem, dicit, nullo modo committam tam enorme peccatum, sed crede me erga te habere magnum affectum, & propono adire domum tuam ad te invisendum. Est ne iste Confessarius denunciandus, quia in confessionario habet sermones illicitos, & inhonestos cum femina? In simili casu tenet D. Ioan. Escobar *part. 1. quest. 3. §. 2. num. 19.* hoc ex se non significare prævium affectum, nisi habeat adiunctam circumstantiam, qua appareat illa esse venerea; ideòque huiusmodi Confessarium non esse denunciandum.

473 Iste casus cum distinctione est resolvendus. Si enim huiusmodi Confessarius, etiam si transcant dies, postea quærat illam feminam, & ad venerea sollicitet, est denunciandus; quia ex post factis declaratur animus præcedens habitus in confessionali, pretextu confessionis; ac per consequens illa verba, aliundè non inhonesta, talia censentur, *l. Si qui adulterij 34.* ubi bonus textus *C. ad l. Iuliam de adult.* ergo si postea quærit illam feminam, & eam sollicitat, est denunciandus, quia non apparet aliqua circumstantia, ex qua illa verba sint inhonesta, imò potius est præsumendum, talia dixisse ad evadendas tentationes importunas illius feminæ.

474 Casus secundus est: Quædam femina confiteretur, & in progressu confessionis ponitur ante, illam alius Confessarius, cum quo amicitiam turpem habet, huiusmodi Confessarius contristatur, vel quia existimat illam aliqua inhonesta habere

cum illo Sacerdote, cum quo confitetur, vel quia iudicat illa confessione habuisse finem suum amorem lascivum; tunc femina, vel in ipsa confessione, vel immediatè post, signis demonstrat prosecutionem sui amoris lascivi; Confessarius aspiciens correspondet signis, vel verbis; est nè huiusmodi Confessarius denunciandus, vel quia sollicitat in confessione facta cum alio Confessario, vel immediatè post? Respondetur, quòd vi decreti huiusmodi Confessarius non est denunciandus, quia constitutio Gregorij XV. tantùm loquitur de Confessario confitente feminam. Præterea, quia licèt per talia verba, vel signa fiat iniuria Sacramento Pœnitentiæ, hæc iniuria non inferitur à Confessario confitente feminam, & quòd ille aspiciens sit Confessarius per accidens se habet ad consensum, vel sollicitationem: ergo tenore Bullæ Gregorij XV. huiusmodi Confessarius non est denunciandus.

475 Tertius casus practicus: accedit femina ad Confessarium, & ambo sedendo in scamnis, illa dicit, quòd vult aliqua cum eo communicare, & signat se Crucis signo, & addit, hæc dico in confessione; sed nec habet animum confitendi, nec simulat confessionem; sed dixit illa, vt Confessarius melius observe secretum circa ea, quæ femina alloquutura est causa petendî consilium; tunc enim Confessarius habet cum illa sermones, aut tractatus inhonestos; est ne iste Confessarius denunciandus DD. Inquisitoribus? Respondetur negativè: quia vt supponitur in casu, femina non accedit animo confitendi, neque simulat confessionem, & licèt se muniat signo Crucis, illud secretum solùm est naturale, quia cum illa femina non accedat animo confitendi, quæ dicit, non cadunt sub sigillo confessionis. Ita

Eximius Doctor *de pœnitent. disp. 33 sect. 2. num. 6.*

Coninch *de Sacrament. quest. 9. dub. 3.*

*num. 38. & seqq. & commu-*

*niter DD.*

QVÆSTIO XVI.

QVÆ PROPOSITIONES EXPRESSE SINT DAMNATÆ  
in hac materia.

§. VNICVS.

PONVNTVR PROPOSITIONES DAMNATÆ.

476 **V**T certa ab incertis separentur, suppono propositiones damnatas à Summis Pontificibus nullo modo posse reduci ad praxim, vel secundum illas dirigere operationes, vel consilium, quia sicut Summus Pontifex non potest errare in materia circa fidem, secundum illud Pauli: *Columna veritatis*, ita nec in rebus pertinentibus ad morem; nam sicut Ecclesia est vera, ita est Sancta, secundum Symbolum: *Vnam Sanctam Ecclesiam Catholicam*: ergo secundum propositiones damnatas, nullo modo possumus licitè operari; ac per consequens si aliquas propositiones defensabant Auctores ut probabiles, posita condemnatione Pontificia, improbables manent, & ab omnibus Catholicis ut tales reiici debent.

477 Summus Pontifex Alexander VII. die 14. Septembris anni 1665. inter alias propositiones hanc damnavit, quæ in ordine est sexta: *Confessarius qui in Sacramentali confessione tribuit pœnitenti chartam postea legendam, in qua ad venerem incitat, non censetur sollicitare in confessione, ac proinde non est denunciandus*. Hanc propositionem docebat Castrus à Palao 1. par. tract. 4. disput. 9. punct. 4. à num. 2. Thomas Hurtado idem defensabat tract. 4. de Confess. sollicit. cap. 5. à num. 62. meritò hæc propositio damnata est, quia ex eo quòd huiusmodi charta tradatur in confessione, in qua continetur formalis sollicitatio, ista fuit moralitè incepta in confessione: ergo ut sollicitans est huiusmodi Confessarius denunciandus.

478 Hæc enim sollicitatio apertè est comprehensa in Bulla Gregoriana, nam vnum ex præcipuis motivis Summi Pontificis ad stabiliendam denunciationem est, quia huiusmodi Confessarij solicitantes loco panis porrigunt venenum; sed Confessarius qui tribuit chartam in confessione, in qua continetur formalis sollicitatio, loco panis porrigit venenum; nam omnes dicunt, quòd qui tribuit poculum veneni, venenum tribuit: ergo si iste Confessarius in confessione tribuit chartam, in qua continetur sollicitatio, quæ est venenum, loco panis porrigit venenum, ac per consequens verè est sollicitatio comprehensa in Bulla.

479 Sed licèt hæc propositio sit damnata, apponam principale fundamentum sectatorum illius, quod est huiusmodi: solum est denunciandum pro crimine sollicitationis, sed traditio chartæ non est sollicitatio: ergo pro ista traditione Confessarius denunciandus non est. Probatur minor: sollicitatio est inductio, & motio voluntatis alienæ; sed in confessione quando datur charta, non inducitur, nec movetur voluntas pœnitentis: ergo traditio chartæ non est sollicitatio. Minor, in qua est difficultas, probatur: tunc inducitur ad venerem voluntas pœnitentis quando legitur charta, sed supponitur in casu, quòd tunc non legitur in confessione, sed extra domi: ergo in confessione non inducitur, nec movetur voluntas pœnitentis.

480 Confirmatur: ut Sacerdos subijciatur pœnis contentis in Bullis adversus solicitantes, requiritur quòd crimen sollicitationis sit completum in ratione sollicitationis, sicut requiritur homicidium completum, ut incurratur irregularitas homicidij, & percussio Clerici completa, ut excommunicatio liget, & non sufficit dedisse causam horum delictorum: ergo cum traditio chartæ non sit sollicitatio completa, imò neque sollicitatio, sed causa sollicitationis, Sacerdos tribuens huiusmodi chartam pœnitenti, non subijcitur pœnis taxatis in Bullis contra Confessarios solicitantes.

481 Ad argumentum responderetur distinguendo minorem:

tra-

traditio chartæ non est sollicitatio in esse nōdo, concedo minorem; in supponendo, nego minorem; nam sicut est certum, quod litteræ, & voces supponunt pro conceptibus, ita illa charta, vel characteres pro sollicitatione Sacerdotis, & est signum formale sollicitationis, quare in supponēdo est sollicitatio; cū autem hæc charta tradatur in confessione, in ipsa confessione est in supponendo motio pœnitentis, & provocatio; sicut qui dat poculum veneni, etiam si det illud, non ut tunc sumatur, sed postea quando dat poculum, dicitur dare venenum, per quod patet ad probationem; nam secundum dicta, licet in actu secundo, & quoad exercitium, quando legitur charta domi provocet, & moveat, quando datur in confessione, iam in actu primo proximo movere, & provocat cum ordine ad exercitium provocandi.

482 Ad confirmationem responderetur, quod in traditione chartæ, in qua continetur sollicitatio, iam est sollicitatio completa in ratione sollicitationis; cum detur instrumentum in confessione, in quo continetur, & est completa, & formalis sollicitatio; nam ad hoc ut detur completa sollicitatio, sufficit, quod reperiatur in illa, quod petunt Bullæ Pontificiæ, & Bulla Gregoriana dicit: *Inhonestos sermones, vel tractatus habuerint*. Quare sufficit vnum ex duobus. Quis enim diceret, quod tradere feminæ chartam, in qua continetur sollicitatio ad venerem, quod non est habere cum illa inhonestos tractatus? Per quod patet disparitas ad exempla de irregularitate, & excommunicatione.

483 Ex hoc oritur aliud dubiolum: an si Confessarius det chartam in confessionali formali, vel vnicè depurato ad audiendas confessiones extra occasionem confessionis sit denunciandus? Videtur quod non, quia tunc nulla iniuria fit Sacramento. Sed ego intelligo, quod hæc propositio est virtualitèr damnata pro parte negativa. Probat, quia tunc aliqua propositio est virtualitèr damnata quando est antecedens, ex quo inferitur propositio damnata; sed hæc propositio scilicet non est denunciandus Confessarius, qui dat chartam pœnitenti in confessionali vnicè depurato ad audiendas confessiones, in qua contine-



478 Hæc enim sollicitatio apertè est comprehensa in Bulla Gregoriana, nam vnum ex præcipuis motivis Summi Pontificis ad stabiliendam denunciationem est, quia huiusmodi Confessarij solicitantes locò panis porrigunt venenum; sed Confessarius qui tribuit chartam in confessione, in qua continetur formalis sollicitatio, loco panis porrigit venenum; nam omnes dicunt, quòd qui tribuit poculum veneni, venenum tribuit: ergo si iste Confessarius in confessione tribuit chartam, in qua continetur sollicitatio, quæ est venenum, loco panis porrigit venenum, ac per consequens verè est sollicitatio comprehensa in Bulla.

479 Sed licèt hæc propositio sit damnata, apponam principale fundamentum sectatorum illius, quod est huiusmodi: solum est denunciandum pro crimine sollicitationis, sed traditio chartæ non est sollicitatio: ergo pro ista traditione Confessarius denunciandus non est. Probatur minor: sollicitatio est inductio, & motio voluntatis alienæ; sed in confessione quando datur charta, non inducitur, nec movetur voluntas pœnitentis: ergo traditio chartæ non est sollicitatio. Minor, in qua est difficultas, probatur: tunc inducitur ad veniendam voluntas pœnitentis quando legitur charta, sed supponitur in casu, quòd tunc non legitur in confessione, sed extra domi: ergo in confessione non inducitur, nec movetur voluntas pœnitentis.

480 Confirmatur: ut Sacerdos subijciatur pœnis contentis in Bullis adversus solicitantes, requiritur quòd crimen sollicitationis sit completum in ratione sollicitationis, sicut requiritur homicidium completum, ut incurratur irregularitas homicidij, & percussio Clerici completa, ut excommunicatio liget, & non sufficit dedisse causam horum delictorum: ergo cum traditio chartæ non sit sollicitatio completa, imò nèque sollicitatio, sed causa sollicitationis, Sacerdos tribuens huiusmodi chartam pœnitenti, non subijcitur pœnis taxatis in Bullis contra Confessarios solicitantes.

481 Ad argumentum responderetur distinguendo minorem: tra-

traditio chartæ non est sollicitatio in esse nōdo, concedo minorem; in supponendo, nego minorem; nam sicut est certum, quod litteræ, & voces supponunt pro conceptibus, ita illa charta, vel characteres pro sollicitatione Sacerdotis, & est signum formale sollicitationis, quare in supponendo est sollicitatio; cū autem hæc charta tradatur in confessione, in ipsa confessione est in supponendo motio pœnitentis, & provocatio; sicut qui dat poculum veneni, etiam si det illud, non ut tunc sumatur, sed postea quando dat poculum, dicitur dare venenum, per quod patet ad probationem; nam secundum dicta, licet in actu secundo, & quoad exercitium, quando legitur charta domi provocet, & moveat, quando datur in confessione, iam in actu primo proximo movere, & provocat cum ordine ad exercitium provocandi.

482 Ad confirmationem responderetur, quod in traditione chartæ, in qua continetur sollicitatio, iam est sollicitatio completa in ratione sollicitationis; cum detur instrumentum in confessione, in quo continetur, & est completa, & formalis sollicitatio; nam ad hoc ut detur completa sollicitatio, sufficit, quod reperiatur in illa, quod petunt Bullæ Pontificiæ, & Bulla Gregoriana dicit: *Inhonestos sermones, vel tractatus habuerint*. Quare sufficit vnum ex duobus. Quis enim diceret, quod tradere feminæ chartam, in qua continetur sollicitatio ad venerem, quod non est habere cum illa inhonestos tractatus? Per quod patet disparitas ad exempla de irregularitate, & excommunicatione.

483 Ex hoc oritur aliud dubiolum; an si Confessarius det chartam in confessionali formali, vel vnicè deputato ad audiendas confessiones extra occasionem confessionis sit denunciandus? Videtur quod non, quia tunc nulla iniuria fit Sacramento. Sed ego intelligo, quod hæc propositio est virtualitèr damnata pro parte negativa. Probat, quia tunc aliqua propositio est virtualitèr dampnata quando est antecedens, ex quo inferitur propositio damnata; sed hæc propositio scilicet non est denunciandus Confessarius, qui dat chartam pœnitenti in confessionali vnicè deputato ad audiendas confessiones, in qua contine-

tur sollicitatio est antecedens, ex quo inferitur propositio damnata: ergo hæc propositio virtualiter est damnata. Probatur minor: quia sicut ex Bulla Gregoriana est sollicitatio provocare in confessione ad venerea, ita extra occasionem confessionis in confessionalis vnicè deputato ad audiendas confessiones: ergo si traditio chartæ, in qua continetur sollicitatio in confessionalis, non est sollicitatio, neque traditio chartæ huiusmodi in confessione: ergo prædicta propositio est antecedens, ex quo inferitur propositio damnata. Ex quo est resolvendum traditionem chartæ in confessionalis vnicè electo ad audiendas confessiones, in qua continetur sollicitatio ad venerem, est sollicitatio subiecta prænis contentis in Bulla. Ad rationem dubitandi, iam constat in quæstione de sollicitatione in confessionalis.

484 • In eodem decreto idem Alexander VII. damnavit in hac materia aliam propositionem, quæ in ordine est septima, & sic se habet: *Modus evadendi obligationem denunciandi est si sollicitatus confiteatur cum sollicitante; hic potest illum absolvere ab obligatione denunciandi*, hæc propositio insinuat à Thoma Hurtado cap. 6. de Confessar sollicitant. resol. 10. num. 87. & seqq. sed illam non resolvit absolutè, cum dicat in fronte resolutionis, secundus modus evadendi denunciationem, qui alicui forsam non videbitur improbabilis (& si ego de ipso iudicium ultimum non feram, ipsum tamen subijcio, ut sapientiores iudicent, quorum iudicio meum submitto) est, &c. & ponit propositionem damnatam.

485 Motivum damnandi hanc propositionem iam appareat clarè; nam ex eo quòd mulier sollicitata confiteatur cum confessario sollicitante, quamvis omisso denunciationis non sit casus reservatus, non liberatur hæc mulier ab obligatione denunciandi, & cum proposito non denunciandi non potest absolvi, quia & est indisposita ratione peccati, quod habet, non obediendo præceptis Pontificijs, & Inquisitionis, & etiam quia incurrit in excommunicationem, à qua non potest absolvi si non denunciatur, vel saltem habeat firmum propositum denunciandi;

cum

cum autem secundum hanc propositionem sit absolvenda à Confessario absque proposito denunciandi, & aliundè Confessarius non habeat auctoritatem liberandi poenitentem ab onere denunciandi; quia tale onus est impositum à Pontificibus, & ab Inquisitoribus, absolveret poenitentem indispositum, quod ad minus est erroneum in fide. Ex quo liquidò constat nullum Confessarium, nec virtute Bullæ, nec alicuius magni Iubilei posse absolvere mulierem sollicitam nisi denunciaret Inquisitoribus fidei, nisi in aliquibus casibus particularibus ut dixi suo in loco ad quem lectorem remitto.

## QVÆSTIO XVII.

*AN CONFESSARIJ QVI ASSISTVNT SENTENTIÆ quando promulgatur in Tribunali contra Confessarium sollicitantem teneantur sub peccato mortali non revocare reum.*

### §. VNICVS.

*QVÆSTIONI RESPONDETVR, ET ALIQVA inferuntur.*

486 **P**RO coronide huius secundæ partis antequam transcam ad tertiam, in qua de poenis correspondentibus Confessarijs sollicitantibus principaliter agam, decrevi præsentem quæstionem apponere; quam iudico utilissimam his temporibus; ut non destruant assistentes in Sancto Officio, quando legitur sententia contra Confessarium sollicitantem, quod vigilantia DD. Inquisitorum edificat.

487 De hac quæstione plures tractarunt, & præcipuè Acuña *quest.* 24. *num.* 14. & *seqq.* & Sousa in *Aphor. Inquis.* lib. 1. *cap.* 34. *num.* 72. ut autem cum fundamento resolvatur, primò est habendum ante oculos; Sanctum Officium semper secretò in-

tima;

tur sollicitatio est antecedens, ex quo inferitur propositio damnata: ergo hæc propositio virtualitèr est damnata. Probatur minor: quia sicut ex Bulla Gregoriana est sollicitatio provocare in confessione ad venerea, ita extra occasionem confessionis in confessionali vnicè deputato ad audiendas confessiones: ergo si traditio chartæ, in qua continetur sollicitatio in confessionali, non est sollicitatio, neque traditio chartæ huiusmodi in confessione: ergo prædicta propositio est antecedens, ex quo inferitur propositio damnata. Ex quo est resolvendum traditionem chartæ in confessionali vnicè electo ad audiendas confessiones, in qua continetur sollicitatio ad venerem, est sollicitatio subiecta poenis contentis in Bulla. Ad rationem dubitandi, iam constat in questione de sollicitatione in confessionali.

484. In eodem decreto idem Alexander VII. damnavit in hac materia aliam propositionem, quæ in ordine est septima, & sic se habet: *Modus evadendi obligationem denunciandi est si sollicitatus confiteatur cum sollicitante; hic potest illum absolvere ab obligatione denunciandi*, hæc propositio insinuat a Thoma Hurtado cap. 6. de Confessor sollicitant. resol. 10. num. 87. & seqq. sed illam non resolvit absolutè, cum dicat in fronte resolutionis, secundus modus evadendi denunciationem, qui alicui forsam non videbitur improbabilis (& si ego de ipso iudicium ultimum non feram, ipsum tamen subijcio, ut sapientiores iudicent, quorum iudicio meum submitto) est, &c. & ponit propositionem damnatam.

485. Motivum damnandi hanc propositionem iam apparet clarè; nam ex eo quòd mulier sollicitata confiteatur cum confessario sollicitante, quamvis omissio denunciationis non sit casus reservatus, non liberatur hæc mulier ab obligatione denunciandi, & cum proposito non denunciandi non potest absolvi, quia & est indisposita ratione peccati, quod habet, non obediendo præceptis Pontificijs, & Inquisitionis, & etiam quia incurrit in excommunicationem, à qua non potest absolvi si non denunciatur, vel saltem habeat firmum propositum denunciandi;

cum

cum autem secundum hanc propositionem sit absolvenda à Confessario absque proposito denunciandi, & aliundè Confessarius non habeat auctoritatem liberandi poenitentem ab onere denunciandi; quia tale onus est impositum à Pontificibus, & ab Inquisitoribus, absolveret poenitentem indispositum, quod ad minus est erroneum in fide. Ex quo liquidò constat nullum Confessarium, nec virtute Bullæ, nec alicuius magni Iobilei posse absolvere mulierem sollicitam nisi denunciet Inquisitoribus fidei, nisi in aliquibus casibus particularibus ut dixi suo in loco ad quem lectorem remitto.

## QVÆSTIO XVII.

*AN CONFESSARII QUI ASSISTVNT SENTENTIÆ quando promulgatur in Tribunali contra Confessarium sollicitantem teneantur sub peccato mortali non revelare reum.*

### §. VNICVS.

*QVÆSTIONI RESPONDETUR, ET ALIQVA inferuntur.*

486 **P**RO coronide huius secundæ partis antequam transcam ad tertiam, in qua de poenis correspondentibus Confessarijs sollicitantibus principalius agam, decrevi præsentem quæstionem apponere, quam iudico utilissimam his temporibus; ut non destruant assistentes in Sancto Officio, quando legitur sententia contra Confessarium sollicitantem, quod vigilantia DD. Inquisitorum edificar.

487 De hac quæstione plures tractarunt, & præcipuè Acuña *quest.* 24. num. 14. & segq. & Sousa in *Aphor. Inquis. lib.* 1. cap. 34. num. 72. ut autem cum fundamento resolvatur, primò est habendum ante oculos; Sanctum Officium semper secretò insima;



timare hanc sententiam, eam legendo cum meritis coram Secretarijs secreti, & Confessarijs Sæcularibus, & Regularibus, talitèr, quòd ibi, nec Commissarij, nec Nuntij permittuntur, vt hoc negotium maneat sub sigillo Sancti Officij.

488 Secundò: est advertendum, motivum vnicum puniendi secretò Confessarium sollicitantem esse, ne Sacramentum Pœnitentiæ, quòd institutum est in remedium animarum, parvipendatur, & cum noticia delictorum Confessorum retrahantur fœminæ à receptione, & usu tanti Sacramenti, præcipuè si sint honestæ, aut parentes earum cum conceptu huius delicti in Confessarijs illas custodiant cum tanto rigore, quòd solum permittant vt accedant ad aliquos Confessarios, de quibus habeant magnam satisfactionem, quia parentes cum illis confitentur, & fortassè huiusmodi fœminæ obverecundiam non audeant cum illis confiteri sua peccata, & præcipuè si sunt venerea.

489 Cum enim sit tam conveniens, quòd maneat sub secretò hoc delictum, vt habeatur inter Confessarios varia dixerunt Auctores; nam Acuña loco citato *num. 15.* utilius iudicat, quòd præcedente sententia DD. Inquisitores vocent Prælatum Confessarij sollicitantis, & illi eum tradant, vt maxima circumspectione, & cautela ab illo puniatur reclusione, disciplinis, ieiunijs, & alijs salutaribus pœnitentijs, & Sousa loco citato advertit, quòd abiuratio Confessarij sollicitantis non fiat coram multis, quia si sunt multi difficultèr potest secretum servari, quòd est contra intentum punitionis secretæ.

490 Sententia Souzæ *in suo tract. de Confess. sollicit. tract. 2. cap. 16. num. 8.* absolutè defensat, quòd Confessarij, & Ministri Sancti Officij assistants sententiæ contra Confessarium sollicitantem non possunt propalare secretum sub peccato mortali, & probat hoc discursu; quando Sanctum Officium clausis ianuis manifestat Ministris, & alijs aliquod crimen, vel per sententiam, vel ad consilium capiendum, vel alio modo, infamia talis criminis non excedit limites Sancti Officij; sed crimen, quòd non excedit limites Sancti Officij non potest manifestari sine pecca-

peccato mortali: ergo omnes assistentes debent sub peccato mortali servare secretum. Freitas in addit. ad tract. de Confess. solicitant. quest. 24. num. 49. existimat, DD. Inquisitores debere imponere assistentibus Confessarijs præceptum, & excommunicationem, ne alijs propalent hoc crimen.

491 Secundum sententiam Dianæ 4. par. tract. 5. resol. 44. & D. Ioann. Escobar par. 3. de Confess. solicit. quest. 5. §. 5. num. 11. resolvo questionem cum distinctione, & dico: Confessarios, & Ministros Sancti Officij assistentes, quando legitur sententia contra Confessarios solicitantes, non peccare, si crimina manifestant inter alios Ecclesiasticos Sacerdotes Sæculares, & Regulares; bene verò tenentur sub peccato mortali non propalare hæc crimina enormia sæcularibus. Hæc resolutio habet duas partes, & prima facile probatur; quia ex propalatione huius criminis, & pœnarum contra Confessarium solicitantem coram alijs Confessarijs, boni fructus sperari possunt, quia referendo, quod Confessarij solicitantes puniuntur severe in Sancto Officio, alijs incutitur timor, & avertuntur à tam gravi crimine patrando: ergo absque scrupulo peccati Confessarij assistentes sententiæ possunt crimina, & pœnas propalare alijs Confessarijs, sive Sæcularibus, sive Regularibus.

492 Secundo probatur eadem pars, quia ut dixi, ex eo clausis ianuis huiusmodi Confessarij puniuntur solum coram alijs Confessarijs, ne ex notitia horum delictorū sequatur scandalum in Sæcularibus, & ne pœnitentes, & præcipue feminae honestæ à labacro tanti Sacramenti retrahantur; sed omnia ista inducunt sub peccato mortali obligationem servandi secretum, ne perveniant talia delicta ad aures Sæcularium: ergo Confessarij, & omnes assistentes sententiæ sub peccato mortali tenentur non propalare Sæcularibus delicta, nec pœnas inflictas contra Confessarium solicitantem.

493 Hoc enim est certum, quia ut rectè dixit Sousa loco citato, hoc delictum non excedit limites Tribunalis; ideoque ex natura sua, afferre secum secretum Inquisitionis, & aliunde

ut quotidie videmus, ex propalatione horum delictorum oriuntur scandala, risus, & denigrationes in Sæcularibus contra Confessarios, & Ecclesiasticos; & ut assistentes advertant ad hanc obligationem, existimo convenientissimum fore, quòd DD. Inquisitores intimarent hoc sigillum; nam vix est in Tribunali punitus Confessarius sollicitans, quando suum delictum est publicum in tota Civitate, & multoties in Regno.

494 Secunda pars etiam est certa; nam non est occultandum hoc crimen, nec pœnæ ab illis, quibus proficiet illorum notitia; sed Sacerdotibus, & præcipue Confessarijs potest proficere notitia criminis, & punitionis Confessarij sollicitantis, nam ex hac possunt capere exemplum, ut facilius se arceant à simili facinore: ergo his non est occultandum crimen, nec punitio. Præterea, quia frequenter postquam sententia legitur cum meritis in Tribunali, alio die sequenti idem fit coràm Communitate Religiosorum, exceptis Novitijs, inter quos plures non sunt Confessarij: ergo signum est, quòd intentum Tribunalis non est, quòd hoc delictum non perveniat ad aures Ecclesiasticorum, & præcipue Confessorum; ideoque vocantur Parochi, & ex quolibet Conventu Civitatis (si non est magnus numerus Conventuum) unus Confessarius, ut Parochus dicat casum, vel casus Confessarijs suæ Parochiæ, & Regulares idem faciant cum Confessarijs eorum Conventus, ponderando quanta miseria, & infelicitas est pervenire ad statum tam miserabilem, ut coràm tanto Tribunali, & Ecclesiasticis manifestentur crimina tam obsecra, & iuste denigretur Confessarius.

495 Ex quibus infero, quòd alij Ecclesiastici, qui non assistunt sententiæ, sed habent noticiam criminis, & pœnarum per Confessarios, qui fuerunt in Tribunali, habent eandem obligationem servandi sigillum sub peccato mortali, quia cum hoc onere transit ad omnes Ecclesiasticos hoc negotium respectivè ad Sæculares; nam sic postulat qualitas huius delicti ratione sui, & scandali, quia alias ut multoties videmus, huiusmodi punitiones non essent in ædificationem, sed in destructionem

anima-

animarum contra intentum Constitutionum Pontificum, & institutum Tribunalis rectissimi Sanctæ Inquisitionis.

496 Constat ex hucusque dictis in toto hoc tractatu, & ex tenore Bullæ Clementis VIII. facultatem cognoscendi de crimine sollicitationis residere in Tribunali Sanctæ Inquisitionis privativè quoad Prælatos Regulares respectu Religiosorum. Sed quia potest contingere, quòd aliqui intelligant, fundati in Diplomatis Pontificijs antiquis, dictos Prælatos Regulares habere facultatem cognoscendi de alijs criminibus generatibus suspicionem in fide, si ab eis præveniantur, aut in visitationibus, aut alio tempore, placet ultimo loco apponere in hac secunda parte Bullam Pauli V. in qua hæc facultas, quæ fuit concessa per Pium IV. totalitèr è manu Superiorum Regularium tollitur, & conceditur privativè DD.

Inquisitoribus, quæ Bulla est tenoris sequentis.

\*\*\*

## PAVLVS EPISCOPVS.

## SERVVS SERVORVM DEI.

*Ad futuram rei memoriam.*

**R**OMANVS Pontifex ea interdum, quæ Prædecessoribus suis temporum, & rerum qualitate id tunc exposcentis, proinde pro hæresum extirpatione sancita sunt, nobis emergentibus rationibus revocat, & immutat, aliisque desuper disponit, & ordinat, prout in Domino salubriter conspiciit expedire.

§. 1. Dum siquidem *fol. rec.* Pius Papa IV. Prædecessor noster sua perpetuò valitura constitutione statuit, ordinavit, & declaravit, quòd ex tunc deinceps in omnibus Christiani Orbis partibus Inquisitores hæreticæ pravitatis tam Generales, quam in quibuscvis Provincijs, Civitatibus, Oppidis, terris, & Locis pro tempore deputati particulares, contra omnes quorumcumque ordinum, etiam exemptorum, etiam mendicantium professores, & Religiosos, ac etiam alios quoscumque quovis modo privilegiatos, & exemptos, de hæresis crimine quomodolibet suspectos, aut culpabiles, dummodò ab eorum professorum, & Religiosorum Superioribus, vel Prelatis in causis huiusmodi præventi non fuissent, iuxta facultates Officij Inquisitionis ipsius pravitatis inquirere, & procedere, ac culpabiles, & delinquentes reperiros, secundum Canonicas Sanctiones castigare, atque punire possent, & valerent, ac aliàs prout in litteris ipsius Pij Prædecessoris latius continetur.

§. 2. Cum autem rerum usu compertum sit, occasione præventionū huiusmodi nonnulla interdum impedimenta orta esse, quominus causæ huiusmodi ea, qua decet diligentia, cognoscatur. Nos de consilio Venerabilium fratrum nostrorum

Sanctæ

*Sanctæ Romanæ Ecclesiæ Cardinalium, contra hæreticam pravitatem Generalium Inquisitorum illa de medio tollere volentes, motu proprio, & ex certa scientia nostra, ac matura deliberatione, hac nostra etiam perpetuò valitura Constitutione omnia, & quæcumque privilegia, indulta, facultates, & concessiones Generalibus, Superioribus, & Prælatiis quorumcumque Ordinum, sive Mendicantium, sive Clericorum Regularium, cuiusvis Ordinis, & Instituti, etiam in dicta Constitutione non expressorum, & quantumvis exemptorum, & quocumque nomine nuncupentur per dictum Pium, ac quoscumque Romanos Pontifices Prædecessores nostros, & Sedem Apostolicam concessa, approbata, & innovata, & quantumvis etiam longissimo tempore observata, causas ad dictum Officium quovis modo spectantes, cognoscendi, & terminandi, seu in illis quoquo modo se intromittendi, quorum omnium, & singulorum tenores, etiam si de illis specialis, & expressa mentio habenda esset, præsentibus pro plene, & sufficienter expressis, & insertis habentes, Apostolica auctoritate tenore præsentium perpetuò cassamus, revocamus, & abolemus, ipsisque Generalibus, Superioribus, & Prælatiis, ut de cætero quovis quæsito colore, vel prætextu prætensionis, vel consuetudinis, & præscriptionis immemorabilis, seu cognoscendi, an delationes huiusmodi calumniosæ sint, necne in eisdem causis tam moris, quam moribus, quoquo modo se intromittere, se immiscere, denunciations recipere, testes examinare, processus conficere, causas ipsas cognoscere, definire, vel terminare minimè audeant, seu præsumant, simili auctoritate districtius inhibemus.*

*§. 3. Volentes, & expresse mandantes, ut ipsi Religiosi possint, & debeant omnes, etiam ordinum huiusmodi professores de hæresi suspectos, Inquisitoribus, vel Ordinariis locorum vicinioribus libere denunciare, absque eo, quod Superiores prædicti personas denunciandas, & causas perquirere, vel quoquo modo id impedire, vel retardare audeant, seu præsumant.*

*§. 4. Insuper omnes, & quascumque causas ad dictum officium*



ficiū quomodolibet spectantes, & pertinentes coram Generalibus, Superioribus, & Prælatīs huiusmodi, in quibuscumque locis existentibus, ac contra quoscumque Religiosos, ut præferatur exemptos, motas, & pendentes, ad nos harum seriè avocamus, easque omnes in statu, & terminis, in quibus de præsentī reperiuntur, ipsius pravitatīs Inquisitoribus, vel Ordinarijs locorum vicinioribus terminandas committimus.

§. 5. Præterea ipsis Generalibus, Superioribus, & Prælatīs pari auctoritate præcipimus, atque mandamus, ut omnes processus, & acta, causarum huiusmodi Inquisitoribus, seu Ordinarijs prædictis respectivè remittant, & consignent; necnon Professores, Fratres, & Religiosos supradictos, quos hæresis labē infectos, vel suspectos, etiam in visitatione esse noverint absque alia consultatione cum proprijs Superioribus faciendā eisdem Inquisitoribus, vel Ordinarijs locorum vicinioribus respectivè denuncient.

§. 6. Quod si Generales, alijque prædicti præsentibus litteris non paruerint eos omnes privationis quarumcumque Dignitatum, seu Prælaturarum, vel Officiorum suorum Ordinum, ac vocis activæ, & passivæ, perpetuæque inhabilitatis ad easdem, necnon contra fautores Hæreticorum, & impeditores Officij statutas, & inflictas pœnas, aliasque censuras Ecclesiasticas, etiam excommunicationis maioris latæ sententiæ, à quo non nisi à Nobis, vel à Romano Pontifice pro tempore existente, præterquam in mortis articulo, absolutionis beneficium valeant obtinere, eo ipso incurrisse.

§. 7. Necnon præsentēs litteras, licet Generales, Superiores, & Prælati prædicti, aut quicumque alij quavis auctoritate, dignitate, vel officio, seu honore fulgentes in præmissis quomodolibet interesse habentes, vel habere prætendentes ad hoc vocati non fuerint, semper, & perpetuò validas, & efficaces existere, suosque plenarios, & integros effectus sortiiri, & obtinere, ac de omnibus inviolabiliter observari, sicque per quoscumque Iudices, & Commissarios, quavis auctoritate fungentes,

tes, etiam S. R. E. Cardinales, sublata eius, & eorum cuilibet, quavis aliter iudicandi, & interpretandi facultate, & auctoritate, iudicari, & definiri debere, irritum quoque, & innane, si secus super his à quoquam quavis auctoritate scienter, vel ignoranter contigerit attentari, decernimus, & declaramus.

§. 8. Non obstantibus prædicta, ac quibuscvis alijs constitutionibus, & ordinationibus Apostolicis, necnon Ordinum, & Institutorum quorumcumque iuramento, confirmatione Apostolica, vel quavis firmitate aliqua roboratis, statutis, & consuetudinibus, privilegijs quoque, indultis, & litteris Apostolicis, etiam Mare magnum, vel alias quomodolibet nuncupatis, eisdem Ordinibus, eorumque Generalibus, Superioribus, & Prælati, ac personis etiam per quoscumque Romanos Pontifices Prædecessores nostros, ac Sedem prædictam, & per Nos quovis modo concessis, confirmatis, & iteratis vicibus approbatis, & innovatis, quibus, ac alijs omnibus, quæ præsentibus quomodolibet obstatè possent, etiam si de illis, eorumque totis theoribus specialis, specifica, & expressa, ac individua, & de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda foret, eorum theores, pro plenè, & sufficienter præsentibus expressis, & totaliter insertis habentes, illis alias in suo robore permanens, hac vice duntaxat, & specialiter, & expressè derogamus, ceterisque contrarijs quibuscumque.


§. 9. Ut autem præsentis litteræ ad omnium notitiam deducantur, nevé aliquis ignorantiam earum prætere, aut contra eas se excusare valeat, illas in valvas Sancti Ioannis Lateranensis, & Principis Apostolorum, Basilicarum de Vrbe, necnon Cancellariæ Apostolicæ, ac Acie Campi Floræ de more affigi, & publicari, earumque exempla inhibi affixa dimitti, ac post publicationem huiusmodi omnes, & singulos, quos concernunt, & concernent in futurum, perinde arcent, & afficiant, ac si eorum cuilibet personaliter intimatæ fuissent.

Quod,

Quodque earum transumptis, etiam impressis Notarij publici manu subscriptis, & sigillo alicuius Prælati, seu personæ in dignitate Ecclesiastica constitutæ munitis, eandem prorsus fidem in iudicio, & extra ubique gentium, & locorum adhiberi volumus, & mandamus, quæ eisdem originalibus licetis adhiberetur, si essent exhibitæ, vel ostensæ, & nihilominus, ut ad maiorem notitiam singulorum, & quorumcumque Religiosorum prædictorum præsentibus deveniant, etiam volumus, & in virtute Sanctæ Obedientiæ præcipimus, & mandamus Generalibus, Superioribus, & Prælati prædictis, ut in primis proximis futuris Capitulis, seu Congregationibus Provincialibus, vel Generalibus cuiuscumque Provinciæ, tam in Italia, quàm extra præsentibus nostras litteras legi, & publicari faciant, & procurent.

Nulli ergo, &c.  
Datum Romæ apud S. Marcum, anno Incarnationis Dominicæ 1606. Kal. Septembris Pontificatus nostri anno 2.





# PARS III. DE CONFESSARIIS SOLICITANTIBVS:

## Prooemium.



ROMISSI in hac tertia parte tractare de obligatione, quæ residet in Confessarijs monendi pœnitentes ab alijs sollicitatos, vt denunciarent Confessarios sollicitantes, quia alio modo vix esset punibile hoc enorme crimen, cum secretò committatur; hoc enim præcipit Gregorius XV. vt constat

ex illis verbis Bullæ: *Mandantibus omnibus Confessarijs, vt suos pœnitentes, quos nouerint fuisse ab alijs, vt supra sollicitatos monens de obligatione denunciandi sollicitantes, seu vt præfertur tractantes, Inquisitoribus, seu locorum Ordinarijs prædictis, quod si hoc officium prætermiserint, vel pœnitentes docuerint non teneri ad denunciandum Confessarios sollicitantes, seu tractantes vt supra, ijdem locorum Ordinarij, & Inquisitores, illos pro modo culpa punire non negligant. Et etiam de pœnis, quibus Confessarij sollicitantes puniuntur in Sancto Officio, & possunt puniri stando in rigore Bullæ. Vt autem claritate procedam, non solum*

Ccc

de

de dictis agam, sed etiam de omnibus connexis, & accessorijs cum supradictis poenis, & ante omnia erit sermo de punitione Confessarij non monentis, aut consulentis feminæ sollicitatæ non teneri ad denunciandum. Pro quo fit.

## QVÆSTIO. I.

*An Tribunal Sancti Officii possit punire Confessarios non monentes de obligatione denunciandi.*

### §. I.

*An obligetur Confessarius sub mortali ad consulendam denunciationem.*

2 **A**Ntequam sit sermo de punitione Confessarij non monentis denunciationem poenitenti sollicitato ab alio Confessario, oportet scire an hæc omissio monendi, vel consilij ad omittendam denunciationem sit peccatum lethale in Confessario, quia videtur hoc non esse clarum in Bulla Gregorij XV. nam solum dicit: *Mandantes omnibus Confessarijs, ut suos poenitentes, quos noverint fuisse ab alijs sollicitatos monant de obligatione denunciandi sollicitantes.*

3 Pro quo est supponendum 1. quod in qualibet materia inducente obligationem denunciandi teneretur Confessarius monere poenitentem de tali obligatione ex iure naturæ. Ita Eximius Doctor tom. 4. in 3. p. disp. 32. sect. 6. ad fin. Medina de re. sit. quest. 4. in fin. Enriquez lib. 6. cap. 14. num. 4. Prebatur quilibet teneretur ex iure naturæ monere ignaros de sua obligatione, sed maior obligatio est in Confessario, ac in quolibet alio respectu poenitentis: ergo ex iure naturæ teneretur illum monere de obligatione denunciandi, quæ obligatio non solum habet locum respectu Confessarij, sed etiam respectu cuiuscumque, si aud. & aliquem poenitentem sollicitatum fuisse à Confessario.

4 Suppono 2. quod saliter Confessarij ex verbis Bullæ Gre-

Gregorij XV. tenentur monere poenitentes de obligatione denunciandi, quod si poenitentes denunciare seruant debent eis absolutionem denegare donec denunciarent. Ita Enrriquez lib 5. de Poenitentia, cap. 10. §. 11. linter. T. Sola de Confess. sollicitant tract. 2. cap. 20. num. 5. & in Arbor lib. 1. cap. 34. num. 62. Solum enim est difficultas, an ex verbis Bullæ Gregorianæ teneantur Confessarij sub peccato mortali monere nos poenitentes de obligatione denunciandi Confessarios sollicitantes? Post dictam Bullam omnes tractantes de hac materia resolvunt pro parte affirmativa; cum quibus dico Confessarium virtute Bullæ Gregorianæ teneat sub gravi culpa monere poenitentes sollicitatos, ut denunciarent Confessarios sollicitantes. Ita Bonacina tom. 1. disp. 6. de onere, & obligat. denunci. pun. 1. §. 3. num. 10. Peyrinis tom. 2. privileg. §. 8. num. 24. & citat Rodriguez tom. 2. qq. regul. quest. 27. art. 1. & in sum. p. 1. cap. 207. conclus. 1. Acumian quest. 21. num. 6. Sanctar. cap. 46. dub. ult. num. 100.

5 Hæc conclusio varijs modis probatur ab Auctoribus, & 1. apponam rationem Bonacinae satis efficacem, qui ex obligatione admonendi poenitentem in Confessario, infert obligationem in poenitente denunciandi Confessarium sollicitantem; sed ut dixi in 1. p. ex v. Bullæ poenitens sollicitatus tenetur sub mortali denunciare Confessarium sollicitantem: ergo etiam Confessarius sub mortali tenetur monere poenitentem de obligatione denunciandi. Probatur consequentia: illud, quod infert aliud, debet illud præcontinere; sed ex obligatione admonendi infertur obligatio denunciandi sub mortali: ergo obligatio monendi in Confessario etiam erit sub mortali.

6 Probatur 2. conclusio: in Bulla Gregoriana in ordine ad Confessarios ponitur illud participium *Mandantes*, quod sonat præceptum, ut constat ex cap. ex his, de verb. significat. in 6. & Clement. Exiit de paradiso, de verb. signis. Idem tenet Suarez lib. 6. in Decal. cap. 4. num. 33. Vazquez 1. 2. disp. 154. cap. 3. num. 22. contra Emanuel Sa, verb. lex, nu. 6. & Azorium tom.



1. *instit. moral. lib. 5. cap. 6. quest. 5.* quia isti Auctores defen-  
sant, quòd verbum iubeo, vel mando non important præcep-  
tum sub peccato gravi; benè verò præcipio, & impero, & vt  
benè probat Thomas Sanchez ex sententia Vazquez, & Sua-  
rez; hoc verbum mando idem significat ac præcipio, & impe-  
ro; sed hoc præceptum est in materia gravissima, vt constat  
ex ipsa Bulla, quia sollicitatio est enorme sacrilegium, & ge-  
nerat suspensionem in fide: ergo tenentur Confessarij sub  
peccato mortali monere pœnitentes de obligatione denun-  
ciandi.

7. Probatur 3. ex eodem Thoma Sanchez loco citato *num.*  
39. vbi dicit; standum esse in hac materia consuetudini re-  
gionis, & si de hac consuetudine non constat est attendendū  
ad materię gravitatem; sed gravitas materię sollicitationis  
est magna, siquidem multum ponderatur à Summis Pontifici-  
bus, & aliunde frequenter imponunt præceptum sub morta-  
li hoc participio *Mandantes*: ergo vigore Bullæ Confessa-  
rius, qui non monet pœnitentem sollicitatum de obligatione  
denunciandi peccat lathaliter. Præterea; quia independenter  
à Bulla tenetur Confessarius monere, nam ex suo officio est  
obligatus ad dirigendam conscientiam pœnitentis, vt benè  
dispositus recipiat pœnitentiam Sacramentalem.

8. Firmatur 4. assertum: certum est apud omnes, quòd  
runc lex, vel præceptum obligat sub mortali, quando verba  
sufficienter exprimunt intentionem legislatoris esse induce-  
re gravem obligationem; sed ex verbis Bullæ sufficienter col-  
ligitur, intentionem Summi Pontificis esse obligare Confes-  
sarios ad monendam denunciationem sub culpa gravi: ergo  
sub hac tenentur monere pœnitentes de obligatione denun-  
ciandi. Probatur minor; tunc colligitur, intentionem præci-  
pientis esse obligare sub mortali, quando contra frangentes  
præceptum graves pœnæ fulminantur; constat enim ex præ-  
ceptis Divinis statutis in sacris litteris, siquidem omnes Au-  
ctores dicunt esse peccatum mortale contra illa operare,  
quando contra sic operantes fulminantur graves pœnæ in sa-

era Scriptura; sed Summus Pontifex declarat (vt constat ex illis verbis: *ijdem locorum Ordinarij, & Inquisitores illos pro modo culpe punire non negligant*) quòd huiusmodi Confessarij puniantur per Ordinarios, & Inquisitores, quòd indicat magnam poenam siquidem per illos puniuntur hæretici, & suspecti in fide: ergo ex verbis Bullæ sufficienter colligitur intentionem Summi Pontificis fuisse obligare Confessarios ad monendam denunciationem sub peccato mortali.

9. Contra istam conclusionem non potest fieri instantia, quæ non sit soluta in 1. p. vbi egimus de obligatione denunciandi; nam sicut ibi discurritur de poenitente sollicitato, similiter in præsen- de confessario ad consulendam denunciationem discurrendum est. Solùm iterùm adverto, quòd Confessarius nullo modo potest absolvere feminam ab alio sollicitatam, dum modo prudenter non formet iudicium, quòd est parata ad denunciandum, & tunc propter aliquod impedimentum suspendit denunciationem, quia præter peccatum, quòd committeret contra præceptum Summi Pontificis, aliud gravius crimen perpetraret absolvendo poenitentem indispotum.

10. Solùm enim hic se offert àliquod dubium, scilicet an regulares Confessarij possint absolvere mulieres, quæ in termino præfixo in Edicto non denunciarunt Confessarios sollicitantes; ideoque sunt ligatæ excommunicatione posita à Tribunali? Homobonus de exam. Eccles. tract. 7. cap. 7. quæst. 35. responder negativè, sed Portel. in dub. regul. verb. sollicitare, num. 24. & Hieronimus Rodriguez resol. 131. num. 16. defensant sententiam affirmativam, dummodo femina parata sit denunciare Confessarium. Hoc enim vt dixi in 1. p. est adhibendum cum grano salis. Itaq; summi opere mihi placet, quòd tenet noster Peyrinis tom. 2. privileg. constit. 4. Gregorij XV. §. 8. num. 24. in fin. vbi statuit, quòd si poenitentes sollicitati firmiter promittant denunciare, si adsit causa iudicio prudentis Confessarij ad differendam denunciationem possunt absolvi, vel casu, quo cessaret causa denunciandi, quia Confessarius, qui

fo;

solicitarit obijt, quia si non est iusta causa, etiam si sit parata non debet absolvi, nisi prius denunciaret.

11. Neque contra hoc valet si obijcias: nullum posse absolvi virtute alicuius privilegij à censura, nisi prius pars sit satisfacta: ergo etiam si femina sollicitata sit parata ad denunciandum, si prius non denunciaret, neque à Confessione regulari, neque ab alio privilegiato, potest absolvi. Non valet, quia iam dixi in l. p. quod si adest iusta causa ad differendam denunciationem potest absolvi, si præstat cautionem iuramentariam denunciandam, & hoc repeto, ut Confessarij non credam facile feminis quæ omiserunt voluntariè denunciationem, & precipue si in alijs occasionibus promiserunt denunciare ad obtinendam absolutionem, neque semper denegent absolutionem, quia si est iusta causa, vel quia est magnus lubricus, vel tempus satisfaciendi annuæ communioni, & aliub; tam brevi tempore non potest commode fieri denuntiatio, vel quia distat Tribunal, aut Commissarius, dummodo sit parata potest illam absolvere, admodum quo est procedendum cum illo, qui voluntariè omisit restituere, & est paratus ad restituendum.

## S. II.

## Quæstioni satisfice.

12. **V**T ad quæstionem respondeam, cum distinctione est procedendum; duplex enim est sollicitatio comprehensa in Bullis Pontificæ, alia apperta, & clara, alia probabilis, illa dicitur clara, quæ apud omnes est casus Bullæ, illa probabilis, quæ secundum graves Auctores comprehenditur in Bulla, quæstio enim de utraque sollicitatione procedit; quare duo inquiri, 1. an Confessarius non monens penitentem feminam de obligatione denunciandi Confessarium sollicitantem clarè & appertè, ut v. g. sollicitantem ad copulam in actu Sacramentalis confessionis possit puniri per DD. Inquisitores 2. an qui contulit non esse denunciandum, quia est opinio probabilis, quod illa sollicitatio non est co-

pre-

prehensa in Bulla, v. g. sollicitatio tacta extra occasionem confessionis in confessionalis promiscuo, possit punire per DD. Inquisitores, de 1. agam in hoc §. de 2. in sequenti.

13 Anteresolutionem noto 1. quod præceptum Summi Pontificis solum est contra Confessarios non monentes de obligatione denunciandi, quia præcipit ut moneant suos penitentes de hac obligatione, si autem Confessarius non solum omitteret huiusmodi monitionem, sed deceret penitentes doctrinam oppositam dicendo, non esse obligationem denunciandi Confessarios sollicitantes, contra illos absque dubio independentem à Bulla Gregoriana possent procedere DD. Inquisitores, tanquam contra docentes doctrinam erroneam, siquidem huiusmodi doctrina est contra Decreta Pontificia in materia morum.

14 Noto 2. iuxta dicta in questione de correctione fraterna, quod si aliquis Confessarius pretextu correctionis fraternæ consulere, quod non fieret denunciatio sollicitationis clara, & appetere, etiam esset puniendus per DD. Inquisitores, quia ita disponitur in Decreto Alexandri VII. expedito die 8. Julij anno 1660. de quo in questione de correctione fraternæ, nam ibi loquitur Summus Pontifex de omnibus consulentibus non esse denunciandos, ante correctionem fraternam, suspectos in fide, contra quos procedit Decretum, & determinat Sacra Congregatio esse denunciandos, etiam non præmissa correctione fraterna omnes quomodolibet de fide, etiam leviter suspectos, & contra consulentes contrarium penas assignat præter contentas in Bulla Pauli V. scilicet privationem prælaturarum, officiorum, vocis activæ, & passivæ, perpetuæ inhabilitatis ad eandem, cum autem sollicitatio sit crimen ad minus generans suspicionem leviter in fide, si aliquis consulere non esse obligationem denunciandi Confessarium clarè sollicitantem pretextu correctionis fraternæ, de his penis possit puniri per DD. Inquisitores.

15 Ex quibus constat resolutio 1. p. questionis, & consequenter ad dicta defendo, quod si Confessarius non moneat

de obligatione denunciandi penitentem sollicitatum posset puniri per DD. Inquisitores. Probatum : nam Bulla Gregorij XV. loquendo de Confessarijs non monentibus sollicitatos de obligatione denunciandi, dicit; quòd Ordinarij, & Inquisitores *pro modo culpe punire non negligent* : ergo non solum sunt puniendi per DD. Inquisitores qui consulunt prætenu correctionis fraternæ non teneri sollicitatos denunciare Confessarios sollicitantes, sed etiam qui voluntariè omittunt denunciationem.

16 Nec valet si dicas, quòd solum possunt procedere ad punitionem DD. Inquisitores in causis fidei prout explicatur in ipsa Bulla loquendo de sollicitantibus ; sed Confessarius non monens de obligatione denunciandi nullo modo est suspectus in fide : ergo non potest puniri per DD. Inquisitores. Non enim valet, quia præterquam quòd dixi, quòd DD. Inquisitores possunt de delictis cognoscere, quæ nullam generant suspicionem in fide, quia sunt accessoria, vel ad probationem delicti, vel ad ipsum delictum, hoc non potest dubitari; cum expressè per Summum Pontificem detur facultas in dicta Bulla Inquisitoribus ad puniendos Confessarios, non monentes denunciare Confessarios sollicitantes. *pro modo culpe*.

17 Sed ut principaliora verba Bullæ in hac materia caueas, inquiri, quid intelligatur per illa verba : *pro modo culpe*, punire non negligent; quia vel crimen, quod affert poenitens est sollicitationis formalis, vel non. Si est sollicitationis Confessarij, & non monet Confessarius, cum quo confitetur est puniendus per DD. Inquisitores poenis secundum stylum Tribunalis; si omisso monitionis de obligatione denunciandi non versatur circa sollicitationem formalem nulla poena est punibilis Confessarius non monens : ergo videtur quòd illa particula modificativa punitionis indicat, quòd in non monente est maior, vel minor culpa secundum qualitatem sollicitationis, de cuius denunciatione non monet poenitentes, ac per consequens non monentibus correspondet in Sancto Officio maior, vel minor poena.

Du-

18 Dupliciter enim potest satisfieri huic dubitationi: primo dicendo, quòd illa verba: *Pro modo culpe punire non negligant* intelliguntur, quòd omittens monitionem gravius, vel mitius puniatur secundum maiorem, vel minorem præsumptionem scientiæ aut doli; si enim Confessarius non monens de obligatione denunciandi est satis versatus in materijs moralibus præsumitur, quòd in illo talis omissio fuit culpa gravis, quia non solum Confessarius tenetur consultatus à pœnitente monere de obligatione denunciandi, sed quilibet alius, à quo petit consilium saltem ex lege charitatis. Ita Sanchez 1. *confil. moral. cap. 3. dub. 5. num. 2.* Vazquez in *opuscul. cap. 1. de eleemosyna, dub. 4. num. 33.* & alij quos citat Sanchez, & dum malè consulit ex culpa notabili, lathaliter peccat. Idem Sanchez loco citato *dub. 6.* Sylvester *verb. Culpa, num. 6.* & *verb. Restitutio, quest. 1. num. 3.* Lessius *de iustit. lib. 2. cap. 13. dub. 7 num. 21.* Si autem sit ignarus, vel parum versatus in his materijs, cum non præsumatur tam vehementer talem omissionem consulendi denunciationem processisse ex culpa notabili, non est puniendus cum tanto rigore, quia in hoc leviter præsumitur fraus, & dolus.

19 Responderi potest secundo ad dubitationem, quòd sicut in casibus sollicitationis comprehensis in Bulla datur in æqualitas, quia gravius deliquit, qui sollicitavit in actu Sacramentalis Confessionis, quam qui solum prætextu, & occasione Confessionis, ita in omissione monendi sollicitationis denunciationem gravius deliquit, qui non monet denunciationem sollicitationis in actu Sacramentalis Confessionis, quam Confessarius non monens denunciationem de crimine sollicitationis parato prætextu, & occasione confessionis; & sicut secundum mensuram culpæ gravius punitur Confessarius sollicitans in actu Sacramentalis Confessionis, quam qui sollicitavit prætextu, & occasione confessionis: similiter maiori pœna punitur, qui non monuit denunciationem sollicitationis in actu Sacramentalis confessionis, quam

Ddd

qui



qui omisit consilium de delatione huius criminis pretextu, & occasione confessionis.

20 Solùm adverto, ne fidant Confessarij ad consulendum in sua impericia, quia licet verum sit, quòd in alijs cõsulentibus præsumptio ignorantie ad mitigandam culpam, & poenam in foro exteriori habeat locum, non autem in Cõfessario, quia officium consulendi exercet, & qui tale officium exercet, etiam obligatur ad culpam levem; nam in foro exteriori reputatur, ut gravis, est textus sic communiter intellectus, ex l. sicut certo 5. §. Nunc videndum 2. vers. Sed ubi utriusque commodati. Ita Ledesma in Summ. 2. part. tract. 8. cap. 26. concl. 3. Molina de iustit. & iure tomo 3. tract. 2. disp. 730. num. 2. Sicque ut Confessarij. consulentes omissionem denunciationis non incidant in manus Sancti Officij videant, quomodo consulunt, quia allegatio ignorantie non prodest, sicut non prodesset in Advocato in litte, quia ex officio non præsumitur.

### §. III.

*An Confessarius non monens pœnitentem de obligatione denunciandi ductus sententia probabili possit puniri in Sancto Officio?*

21 **A**liqua dixi de hac quæstione in præmio, sed iterum ex professo est tractanda, & ut habeas in memoria, quæ dixi, recole, quòd sicut DD. Inquisitores non possunt punire Confessarios, quorum sollicitationes solum sunt comprehensæ in Bulla Gregoriana secundum opinionem tenuæ probabilitatis; ita neque Confessarius consultatus à pœnitente potest non monere delationem. Confessarij sollicitantis ductus opinione tenuæ probabilitatis, & si hoc modo consuleret, posset puniri per DD. Inquisitores tanquam si non moneret de obligatione denunciandi. Quæ doctrina est communis in omibus materijs pertinentibus ad

ad mores post damnationem Innocentij XI. vt constat ex 3. propositione damnata.

22 Ante resolutionem suppono, quod si opinio est solum vnius Auctoris, & Confessarius secundum illam dat consilium ad omittendam denunciationem in Sancto Officio potest puniri per DD. Inquisitores, quia hec opinio non habet probabilitatem, vt constat ex propositione 27. damnata ab Alexandro VII. nisi aliunde hec propositio à nullo alio Auctore tractetur, & habeat sufficientem probabilitatem intrinsecam, vt sit certò probabilis.

23 Hoc supposito quòd inquiritur in præsenti est, an v.g. si femina sollicitata in confessionalis premittit confiteatur cum aliquo Confessario, & ab isto petat consilium de denunciatione, & ductus opinione certò probabili, dicat illum Confessarium non esse denunciandum, quia non dat consilium secundum opinionem, quam Sanctum Officium sequitur in praxi, si pervenit ad notitiam Tribunalis, huiusmodi Confessarius consulens possit puniri per DD. Inquisitores tanquam non monens de obligatione denunciandi Confessarium sollicitantem?

24 Ad questionem respondeo, quòd si Confessarius in consulendo sequitur opinionem certò probabilem, etiam si in Sancto Officio non admittatur in praxi, quia stillus Inquisitionis est iudicare secundum contrariam opinionem, non est punibilis per DD. Inquisitores ex vi Bullæ Gregorij XV. Hec conclusio probatur primo: quia qui operatur sequendo sententiam certò probabilem ratione ducitur, & prudenter operatur. Ita D. Ioann. Escobar *part. 2 de Confess. sollicitant. quest. 2. §. 2. num. 14. & seqq.* Ioann. Sanchez in *select. disp. 44. num. 61. & 62.* Layman *tom. 1. tract. 1. cap. 5. §. 2. num. 7.* Thomas Sanchez in *Decalog lib. 1. cap. 9. num. 7. & 10.* Bonacina *tom. 2. disp. 2. de peccat. quest. 4. punct. 9. propos. vnic. num. 4.* Diana 2. *part. tract. 13. de opinione probabil. resol. 1.* Trullench *tom. 2. in Decal. lib. 8. cap. 1. dub. 6. num. 1.* Castus Palaus *tom. 1. disp. 2. de conscientia opinante, punct. 2.*

Ddd 2.

num.

num.1. & seqq. & Diana loco citato, qui multoties observat numerum Auctorum, dicit: Quod præter 17. Doctores quos citat, & sequitur Thomas Sanchez in *Summ.* loco iam citato vidit 16. Auctores idem affirmantes.

25 Hoc posito sic arguo: in nullo Tribunali potest puniri, qui non commisit aliquod crimen; sed qui consulit sequendo opinionem certò probabilem, nullum crimen committit: ergo si Confessarius non monet de obligatione denunciandi ductus opinione certò probabili, etiam si sit contra praxim Sancti Officij non est punibilis per DD. Inquisitores. Minor probatur: in moralibus, cum non habeamus evidentiam metaphysicam, sed solum moralem, qui operatur ductus opinione certò probabili, absque temeritate, & cum omnimoda securitate operatur; sed qui prudenter, & absque temeritate operatur nullum crimen committit: ergo si Confessarius consulit sequendo opinionem certò probabilem, nullum crimen committit: ergo si non monet poenitentem de obligatione denunciandi, ductus opinione certò probabili, non est punibilis vigore Bullæ Gregorij XV.

26 Probatur 2. qui operatur sequendo opinionem aliorum, relicta probabiliori propria, prudenter, & sine culpa operatur, ita Castus Palaus loco citato num.2. & citat pro hac sententia Valentiam, Salas, Petrum Navarrum, Sayrum, Thomam Sanch. Ioann. Sanch. & novissimè illam tenet Pater Moyas in *select. tom.1. tract.1. de opinione probabili quest. 6. §.2. & 3.* & citat pro ea præter antiquos Auctores plura viginti ex modernis: ergo multò melius operatur prudenter, & sine culpa Confessarius, qui sequendo propriam opinionem, quam tenent plures Auctores classici, consulit Confessarium sollicitantem non esse denunciandum, quia secundum sententiam certò probabilem, sollicitatio consultata non est comprehensa in Bulla Gregorij XV.

27 Probatur 3. hæc conclusio; quia nemo potest puniri si in rebus moralibus operatur, ad modum quo Summi Pon-

rifices procedunt indispensationibus, & alijs rebus; sed Summus Pontifex multoties operatur sequendo opinionem certò probabilem; & ideo Magister Acazius de Velasco Episcopus Oriolensis *tom. 2. verb. Opinion probable, resol 316. num. 76* postquam dixit esse licitum, & securum in conscientia sequi opinionem probabilem relictà probabiliori, hæc habet: *Pruebase tambien, porque vemos, que los Sumos Pontifices en las cosas de la Iglesia, que no están determinadas, y definidas, sino debaxo de opinion de Doctores, siguen las opiniones probables, y no siempre las mas probables:* ergo dum modo Confessarius sequatur opinionem certò probabilem, quamvis sit contra stil- lum Tribunalis Sancti Officij non potest puniri per DD. Inquisitores.

28 Probatur 4. conclusio: omnia Tribunalia sæcularia, & Ecclesiastica, inter quæ Sanctum Officium, in rebus dubijs operatur sequendo opinionem probabilem, & multoties minus probabilem, & secundum eam Consilium Supremum Sanctę Inquisitionis multoties remittit decisiones observandas in omnibus Tribunalibus, quia sic expedit, & prudentissimè operatur: ergo idem iudicium debet fieri de Confessario consulente, si non moneat de obligatione denunciandi secundum opinionem certò probabilem, etiam si contrariam sequatur Tribunal Sanctę Inquisitionis.

29 Sed quid faciet Confessarius, quando est magnum dubium, an sollicitatio sit comprehensa in Bulla, vel non? Hoc enim multoties contingit, quia talibus circumstantiis evenit casus, quòd illo modo non reperitur in Auctoribus. Meo videri in hoc casu duo debet facere Confessarius: Primo legat Auctores clasicos, qui loquuntur ex professo de hac materia, & forè hac diligentia inveniet casum similem, & si pensatis omnibus in substantia, vel in essentialibus non sit dissimilis, secundum resolutionem illius hunc resolveret. Secundo, si non habeat animum tranquilum, nec potest cum sufficienti fundamento adhuc casum resolvere consulat cum sapientibus, & versatis, non solum in materijs mo-

ralibus, sed in rebus pertinentibus ad Tribunal Inquisitionis.

30 Vt autem in hac materia, & in alijs moralibus recte procedas non possum omittere, quæ tradit Pater Moya in *select. tom. 1. tract. 1. quest. 4. §. 5.* ubi interrogat, qui Doctores consulendi sunt, quia multoties eligunt seculares ad casus difficiles consulendos pro securitate suæ conscientiæ indoctos, & minimè versatos in rebus moralibus. Pro quo observat primo ex Magistro Victoria, quod in rebus dubijs quilibet tenetur consultare illis, ad quos spectat docere istam doctrinam, alias non est tutus in conscientia. Secundo inquirat, qui sunt hi sapientes, cum quibus debent consultari res dubiæ pertinentes ad mores? Respondet hanc determinationem non spectare ad Iurisconsultos, vel istem non ad illos solos. Tertio ex Theologis, qui consulendi sunt? Respondet debere consultari cum Theologo docto, in quo sit equalitas, aut maior doctrina in Theologia morali.

31 Postea dicit addidi doctum in Theologia morali; nam scio frequentissimè evenire, ut magni nominis concionator magnæ doctrinæ reputetur, & sine difficultate ad eum, tamquàm ad doctissimum Confessarium recurratur, tamen ille in re morali, ac casibus conscientiæ re vera est indoctus, vnde seculares falluntur putantes se doctissimum habere Confessarium. Nec vir doctus in Theologia Scholastica sufficit; frequenter enim agnoscimus nonnullos in speculativa peritos, ieiunos tamen esse de conscientiæ casibus; omnia ista docet Pater Moya, & ego addo, quod in rebus dubijs de materijs pertinentibus ad Sanctum Officium multoties etiam Theologi versati in rebus moralibus sunt indocti, quia de his materijs non curant; itaque ad decisionem casus dubij ad viros doctos versatos in rebus Inquisitionis recurrendum est.

32 Sed quid faciendum si postquam casus est consultatus cum Theologis versatis in materijs Inquisitionis semper perseverat dubium practicum, an sit Confessarius denunciandus

us vigore Bullæ Gregorij XV. Tunc enim in dubio est consulenda denunciatio; quia ad Sanctum Officium pertinet examinare, an sollicitatio sit comprehensa in Bulla Gregorij XV. vel non, & in præfati casu, ut supponitur, non potest deponi dubium practicum, cum quo non licet operari. Præterea, quia ut dixi, cognoscere de sollicitatione dubia pertinet ad Sanctum Officium: ergo Confessarius in his angustiis debet monere pœnitentem de obligatione denunciandi, & si contrarium facit DD. Inquisitores contra illum procedere possunt.

33 Sed si in consilio quatuor Doctores versati in materijs Inquisitionis conveniant in eo quod huiusmodi Confessarius est denunciandus, & tres discordent, est ne consulenda denunciatio? Ad hoc cum distinctione respondendum est; si enim quatuor sunt equaliter docti cum tribus, qui stant pro sententia affirmativa, etiam si Confessarius non consulat denunciationem, non potest puniri per Sanctum Officium, quia sequitur opinionem probabilem, ac per consequens prudenter operatur; si verò non solum tres, sed tantum duo, qui tenent sententiam faventem Confessario sollicitanti sint doctiores in materijs Tribunalis, neque in hoc casu est consulenda denunciatio, quia ut dicit Sylvester, *verb. Opinio*: sanior pars, quamvis minor sequenda est, ut constat ex l. 1. cap. de veter. iur. enucl. ubi dicitur: *Sed neque ex multitudine Auctorum, quòd melius, & equius est indicatur, cum possit unus, & fortè deterioris sententia; multos in aliqua parte superare.* Et si è contra, dum consulerent esse Confessarium denunciandum, si sint doctiores, & magis versati, quam 6. Consilium eorum est sequendum, relictis sex, & ita observatur in

Tribunali Inquisitionis.

\*\*\*\*



## §. IIII.

*Argumenta, & corollaria.*

34 **A**rgues 1. etiam si sit sententia favens Confessario sollicitanti probabilior, si stillus Tribunalis fundatur in contraria, Confessarius est punibilis per DD. Inquisitores, ut dixi in quaestione proœmiali: ergo quamvis non monens de obligatione denunciandi fundetur in opinione certò probabili, si praxis Sancti Officij fundatur in contraria docente illud crimen esse sollicitationem comprehensam in Bulla, Confessarius non monens potest puniri per DD. Inquisitores. Probatur consequentia: sicut virtute Bullæ (licet diversis pœnis) Confessarius sollicitans per Sanctum Officium est puniendus, ita Confessarius non monens pœnitentē de obligatione denunciandi; sed quamvis sit sententia probabilis, quòd sollicitatio Confessarij non est comprehensa in Bulla, si stillus Tribunalis fundatur in sententia contraria affirmativa punibilis est: ergo quamvis detur sententia favens Confessario non monenti de obligatione denunciandi, si praxis Inquisitionis fundatur in contraria potest puniri in Sancto Officio.

35 Respondetur negando consequentiam, & ad probationem nego *ly sicut*, quia etiam si pro Confessario sollicitante sit sententia probabilis non est circa factum, sed circa iurisdictionem, quia illa sententia supponit delictum patratum, & solum est difficultas, an illud virtute Bullæ sit punibile per DD. Inquisitores, & quamvis sententia negativa habeat probabilitatem, si stillus Tribunalis fundatur in affirmativa, rectè operantur Inquisitores cognoscendo de illo delicto; ac verò cum Confessarius consulens non moneat de obligatione denunciandi, quia est sententia certò probabilis, quòd illa sollicitatio consultata non est comprehensa in Bulla, nullum delictum committit; nam qui sic operatur prudenter, & virtuosè operatur, ideoque licet

consilium sit contra sententiam Tribunalis, Confessarius non monens non est punibilis.

36 Replicabis: stat bene, quod Confessarius nullum delictum committat, & si dat consilium contra illum Inquisitionis, sit punibilis per DD. Inquisitores: ergo nostra responsio non subsistit. Probatur antecedens: stat bene, quod aliquis puniatur per DD. Inquisitores, ut graviter delinquens contra Bullam, & quod secundum sententiam probabilem solum leviter peccet: ergo etiam componitur, quod Confessarius consulens nullum delictum committat, quia sequitur opinionem certo probabilem, & sit punibilis in Sancto Officio, quia consilium est contra praxim Inquisitionis. Antecedens probatur: est sententia probabilis, quod non est denunciabilis Confessarius laudans pulchritudinem, & venustatem feminae penitentis, quia hoc est culpa levis secundum sententiam probabilem, sed quia haec sententia est contra praxim Tribunalis, huiusmodi Confessarius graviter reprehenditur in Sancto Officio: ergo stat bene quod aliquis graviter puniatur ut sollicitans, qui secundum sententiam probabilem leviter deliquit: ergo bene componitur, quod Confessarius non monens penitentem de obligatione denunciandi nullum crimen committat, & puniatur in S. Officio si operatur contra illum Tribunalis.

37 Respondetur negando antecedens, ad probationem illius dico, quod sententia docens, quod in rebus veneris datur parvitas materiae, hodie ad summum potest esse tenuae probabilitatis, de quo late in 2. p. sicque bene stat, quod Confessarius sequatur hanc opinionem de parvitate materiae, & graviter delinquat, quia post damnationem Innocentij XI. ut constat ex 3. propositione, opinio tenuae probabilitatis non potest reduci ad praxim, & in hoc casu eodem modo est procedendum cum Confessario consulente, quia si iste non moneret penitentem de obligatione denunciandi fuit in opinione tenuae probabilitatis graviter delinqueret, & esset denunciandus, ut comprehensus in Bulla Gregoriana.

38 Maximopere deinceps, quod Confessarij non solum cum puritate administrent Sacramentum Pœnitentiæ; sed etiam quòd consulant de obligatione denunciandi, quando alio modo pœnitens non exonerat suam conscientiam; ut autem hoc ultimum rectè operentur, habeant præ oculis, ut semper moneant sequendo opinionem certò probabilem, sivè sit in favorem Confessarij sollicitantis, sivè praxis Tribunalis; nam si sequuntur opinionem tenuæ probabilitatis cum peccato gravi operantur, & possunt puniri per DD. Inquisitores. Sed hic opus, & labor; quomodo Confessarius cognoscat, quòd sententia favens Confessario est tenuæ probabilitatis? Varia dixerunt Auctores, qui explanarunt propositiones damnatas, & præcipuè Reverendissimus Lumbier, qui in hac materia plus omnibus laboravit, ut potè primus in hac nova Theologia morali, & Pater Cardenas in suis dissertationibus, & videtur ambos circa 3. propositionem convenire in substantia, & solum differre in terminis.

39 Reverendissimus Lumbier dixit, quòd omnes opinionones, quæ sunt probabiliter probabiles sunt tenuæ probabilitatis. Ita in *observatione 5. circa 3. propositionem damnatam ab Innocentio XI. num. 110.* ac verò Doctus Cardenas super eandem propositionem statuit: illam opinionem esse iudicandam tenuæ probabilitatis, de cuius probabilitate Auctores classici dubitant. Meo videri idem dicere Magister Lumbier, quia loco citato asserit, quòd illa sententia est certò probabilis, quæ non est notata ut improbabilis à viris doctis, & passionis expertibus: ergo secundum sententiam Patris Cardenas, sententia probabiliter probabilis est tenuæ probabilitatis, siquidem ideo dicitur probabiliter probabilis, quia graves Auctores iudicant esse improbabilem.

40 Ex quibus deduco primam regulam: illa sententia non potest sequi in hac materia, quæ à viris doctis expertibus passionis, ut improbabilis iudicatur. Dico expertibus passionis, quia ut optimè Lumbier loco citato, si intervenit con-

ten-

rentio aliqua, vel scholæ, vel alterius emolumentum, cum viri etiam docti non præsumantur expertes passionis, quamvis contrariam sententiam iudicent improbabilem, non ideo ut talis est iudicanda. Quare si ex Auctoribus classicis sint tantum tres, vel quatuor, qui iudicent aliquam sententiam esse improbabilem, si alij etiam contrarij non apponant talem notā, non ideo illa sententia est iudicanda tenuæ probabilitatis; dum modo non convincant esse improbabilem, quia in hoc casu vnus sufficit. Si autem tres, vel quatuor essent ex Choripheis Theologiæ moralis, vt Eximius Suarez, Scotus, aut Cayeranus, in hoc casu iudico minorem numerum sufficere, quia vnus ex his plus præponderat, quam duodecim ex alijs; vt potè doctissimi, & expertes omnino passionis.

41 Etiam est tenenda illa opinio vt tenuæ probabilitatis, quando in aliqua doctissima Religione post maturam, & longam disputationem Theologorum præcipitur, quod non reducat ad praxim, vt fuit factum in gravissima, & doctissima Religione Societatis Iesu circa parvitatem materiæ in rebus venereis, vt constat *ex 1. quæst. 2. part.* Dicitur etiam sententia tenuæ probabilitatis, si per Tribunal Sanctę Inquisitionis post consultationem Theologorum vt in probabilis censuretur; tunc enim licet non amittat totalem probabilitatem, quia solum in Summo Pontifice residet potestas damnandi opiniones, quæ inter Catholicos controuertuntur, iam per declarationem Tribunalis illa sententia non potest esse certò probabilis, quia viri docti expertes passionis iudicant esse improbabilem, & ad minus in praxi debemus stare ad declarationem Tribunalis, quia ad hoc pertinet iudicare de valore propositionum.

42 Vt autem cognoscas an propositio sit certò probabilis vide aliquos Auctores classicos, qui ex professo tractarunt de illa materia, & si rationes sunt sufficientes ad formandum iudicium moraliter certum de rectitudine operationis, illa sententia est certò probabilis, quia vt idem Magister Lumbier, habes certitudinem subiectivā, quæ sufficiens est

ad constituendam illam sententiam certò probabilem, licet aliqui Auctores teneant improbabilem esse, quod se tenet ex parte improbabilitatis obiectivæ, cum qua rectè componitur certitudo subiectiva.

• 43 Argues 2. cōtradicta in quæstionis resolutione, & in in hoc §. Confessarius qui non monet de obligatione denunciandi prætextu correctionis fraternæ potest puniri per DD. Inquisitores, sed huiusmodi Confessarius sequitur opinionem certò probabilem: ergo etiam si sit sententia probabilis deobligans ab onere monendi denunciationem, si practica Tribunalis sequitur contrariam sententiam, Confessarius non monens potest puniri. Probatur minor, ut constat ex dictis, illa sententia dicitur certò probabilis, quæ docetur à Doctoribus clasicis expertibus passionis, licet unus, vel alter eam iudicet improbabilem; sed huius conditionis est sententia defensans esse præmittendam correctionem fraternam ante denunciationem, & vix est Doctor clasicus, qui iudicet illam improbabilem: ergo Confessarius non monens huiusmodi denunciationem sequitur opinionem certò probabilem, hoc non obstanti est punibilis per Sanctum Officium: ergo Confessarius non monens de obligatione denunciandi ductus opinione certò probabili potest puniri per DD. Inquisitores, si opinio est cōtra stillum Tribunalis.

44 Meo videri non rectè resolvit hanc difficultatem: Thomas Hurtado, qui acriter patrocinator sententiam defensantem correctionem fraternam in crimine solicitationis; siquidē admissio, quod sit certò probalis sententia defensans correctionem fraternam, responder DD. Inquisitores rectè procedere, si puniāt Confessarios non monentes de obligatione denunciandi prætextu correctionis fraternæ, si est firma spes emendationis, quia Inquisitores præsumunt non adesse firmam spem de emendatione Confessarij solicitantis, citat Davalium 2. 2. tract. de correct. frat. quæst. 9. art. 5. Nescio quomodo potest dicere, quod sententia de correctione fra-

terna in hoc delicto sit certo probabilis; & operando secundum illam, quod Confessarius non monens potest puniri per DD. Inquisitores, cum supposita hac probabilitate Confessarius non monens nullum peccatum committat; aliud est in Confessario sollicitante, quia in isto supponitur delictum punibile.

45 Quare respondeo negando hodie sententiam de pramittenda correctione fraterna ante denunciationem in hoc delicto, & in alijs generantibus suspicionem in fide posse reduci ad praxim, quia est improbabilis ex vi Decreti Alexandri VII. politici in questione de correctione fraterna; & independenter ab isto decreto ad sumum est tenuis probabilitas, quia in edicto DD. Inquisitorum clare prohibetur, si quidem dicitur in eo; quod femina sollicitata denunciet, *sin comunicarlo con persona alguna*. Ex quo inferunt Auctores, quod ad sumum per hec verba non prohibetur communicatio delicti sollicitationis cum aliquo viro docto experto in his materijs ad capiendum consilium de modo, quo debet fieri denunciatio.

46 Ex quibus infero 1. Confessarium consulentem recte procedere, si non monet denunciationem, etiam si secundum sententiam probabilior Confessarius sollicitans sit denunciandus, si in favorem Confessarii sollicitantis sit opinio certo probabilis, quia sequendo hanc opinionem, Confessarius consulens manet à peccato immunis, etiam si contraria sit probabilior sic Castrus Palaus tom. 1. disp. 2. de conscient. opinant. punct. 4. num. 2. & 10. Diana 2. part. tract. 13. resol. 11. Ioann. Sanchez in select. disp. 33. num. 54. & disp. 44. num. 35. Suarez in 3. part. tom. 4. disp. 32. sect. 5. num. 4. Valencia tom. 3. disp. 5. quest. 7. punct. 4 in fin. Thomas Sanchez in Summ. tom. 1. cap. 9. num. 28. & seqq Bonacina tom. 2. disp. 2. de peccat. quest. 4 punct. 9. & disp. 5. de penit. quest. 7. punct. 4. §. 2. num. 26. & 27 & terè est communis hæc sententia in omnibus materijs moralibus excepto in administratione Sacramentorum.

47 Infero 2. recte procedere Confessarium consulentem,



tem, etiam si non moneat de obligatione denunciandi contra propriam sententiam, dum modo contraria sit certò probabilis, quia etiam si relinquat propriam opinionem, & contrariam amplectatur prudenter operatur, & ratione dirigitur, ita Vazquez 1. 2. tom. 1. disp. 62. num. 47. & disp. 63. num. 14. Bonacina loco citato num. 4. vers. Hanc propositionem, & numer. 6. Thomas Sanchez tom. 1. Summ. cap. 9. num. 19. Villalobos tom. 1. tract. 1. difficul. 12. num. 2. Sayrus lib. 1. cap. 6. numer. 11. Diana 2. part. tract. 13. de opinione probabili, resol. 14. qui citat, ut affolet plures Auctores.

48 Infero 3. Confessarium consulentem posse non monere poenitentem de obligatione denunciandi, sequendo opinionem certò probabilem, etiam si contraria sit securior, & magis probabilis, & Confessarius hanc sequatur. Ita tenet Castus Palaus loco citato punct. 2. qui citat num. 2. Valentiam 1. 2. disp. 2. quest. 14. part. 4. Vazquez disp. 62. cap. 4. & seqq. Salas tract. 8. disp. unic. sect. 6. num. 66. vers. Hec opinio. Petrum Navarrum lib. 3. de restit. cap. 1. dub. 13. num. 237. in nova edit. Navarrum cap. 27. num. 280. & 288. Sayrum in Clavi Regia lib. 1. cap. 5. num. 4. & 8. Thomam Sanchez lib. 1. in Decal. cap. 9. num. 14. Ioann. Sanchez disp. 42. num. 12. rationem assignat, quia Confessarius taliter operans prudenter operatur, siquidem ducitur ratione, & potest formare iudicium moraliter certum de rectitudine operationis: ergo similiter Confessarius qui non monet poenitentem de obligatione denunciandi sequendo opinionem minus probabilem, & tutam rectè operatur.

49 Contra hoc argunt contrarij qui sequitur opinionem minus probabilem, & tutam relicta probabiliori, & tutiori exponitur periculo errandi, & malè operandi, quòd est punibile: ergo si Confessarius non monet poenitentem de obligatione denunciandi, sequendo opinionem minus probabilem, & tutam, potest puniri per DD. Inquisitores. Duplìciter potest responderi ad hanc instantiam, & semper negando antecedens, quia qui sequitur opinionem certò probabilem

Item nunquam exponitur periculo malè operandi. Primo, quia, ut tenet communior sententia, qui operatur sequendo opinionem certò probabilem, cum possit formare iudicium moraliter certum de rectitudine operationis tutò operatur, & ut aliquis non se exponat periculo malè operandi sufficit, quòd eligat, quòd est tutum, & nequaquam requiritur, quòd tutius eligat.

50 2. iuxta sententiam Ioann. Sanchez *disp 44. num. 66.* est negandum suppositum antecedentis, nempe quòd inter opiniones probabiles, una formaliter sit securior alia (quod intelligo de opinionibus certò probabilibus) quia securitas opinionum in eo sita est, quòd operans ex illa nullo modo Deum offenda, & cum hoc verificetur, ex eo quòd quis operetur ex sententia certò probabili præter administrationem Sacramentorum; hinc fit, quòd etiam si Confessarius non moneat pœnitentē de obligatione denunciandi, non solum sequendo opinionem minus probabilem, sed etiam minus securam, rectè operatur; quia hæc maior securitas solum est materialis, non autem formalis.

51 Supposito, quòd Confessarius non monens pœnitentē de obligatione denunciandi sit puniendus per DD. Inquisitores, quia in Bulla Gregorij XV. d. citur: *Pro modo culpæ puniantur*, restat scire quibus pœnis sint puniendi Confessarij non monentes, quia in Bulla non assignatur aliqua pœna? Communiter tenent Auctores practici in materijs Inquisitionis, quòd huiusmodi Confessarij non monentes puniuntur in Tribunali pœna arbitraria attendendo ad qualitatem delicti; quia hic modus procedendi contra huiusmodi Confessarios conceditur Tribunali à Gregorio XV. ut constat ex verbis relatis. Ita Soufa in *annotat. num. 27. & in Aphor. lib. 1. cap. 34. n. 73. Diana 4. part. tract. 7. resol 7. vers. Nota etiam.*

52 Licet enim hoc verum teneat ex vi Bullæ Gregorij XV. tamen hodie ex decreto Alexandri VII. iam Confessarij non monentes habent taxatas aliquas pœnas, siquidem

ut

ut ex decreto huius conitat, quod retuli de verbo ad verbum in quæstione de correctione fraterna non præmittenda 1. part. si aliquis Confessarius retrahit, vel retardat à denunciatione, vel propter correctionem fraternam, vel alio prætextu, præter pœnas positas in Constitutione Pauli V. si fuerit Prælatus ipso facto maneat privatus prælaturarum, seu officiorum suorum ordinum, & vocis activæ, & passivæ, & perpetuæ habilitatis ad officia eadem; istæ enim pœnæ sunt contra regulares; quare si Confessarij non moventes seculares fuerint ad prudentiam DD. Inquisitorum relinquitur, ut loco harum pœnarum alias substituant, & rectè procedent, si ultra has pœnas privaverint prædictos Confessarios ab audiendis confessionibus, siquidem sunt mali administratores Sacramenti Pœnitentiæ.

## QVÆSTIO II.

*Vtrum unius testis depositio sufficiens sit, ut DD. Inquisitores procedant contra Confessarium sollicitantem.*

53 **P** Romissi in hac 3. part. tractare 2. loco de pœnis, quibus puniuntur in Sancto Officio Confessarij sollicitantes; sed quia antequam fulminentur pœnæ plura fiunt in Tribunali, siquidem per feminam sollicitatam denunciatur Confessarius, Promotor Fiscalis denunciante ad formandam causam adducit in testes, proceditur ad capturam, posteaque sententia differtur vsque dum ratificentur testes, audiatur reus, concedatur tempus, & Advocatus ad suas defensiones allegandas, quibus finitis, ad pronuntiandam sententiam regulariter concurrunt DD. Inquisitores, Ordinarius, & Consultor Sancti Officij, & postea ad Supremum Senatum sententia mittitur, ex quo iterum remittitur ad idem Tribunal, & modo quo remittitur executioni mandatur subscripta per DD. Inquisitores, Ordinarium, & Secretarium secreti; ideoque ut de omnibus in particulari aliqua dicam primo præmitto hanc quæstionem, & sequentem, ut omnibus constet equitas, iustificatio, & benignitas Sancti Officij, pro quo sit.

§. I.

*Pro responsione questionis varia dilucidantur.*

54. **S** Vppono 1. ex praxi Sancti Officii fundata in Bulla Gregorij XV. siquidem dicitur in illa, quòd Inquisitores, & Ordinarij procedāt in crimine sollicitationis *prout in causis fidei*, quòd denunciator potest esse testis, quia hoc delictum est difficilis probationis, & licet in alijs delictis particularibus, eadem persona non possit esse testis, & denunciator; benè verò in causis fidei, constat ex *cap. in omni negotio de testibus*, vbi dicit Summus Pontifex, *Quòd denuncians veritatem sibi notam habendus est pro teste*. Ita Barbosa *ad hoc caput num. 67.* Noster Trimarch. *disp. ult. sect. 6.* Sotus *de legendis secretis, memb. 2. part. 4. concl. 8. vers. Dubium secundum*, & est communis. Ratio huius suppositionis est, quia ex eo in alijs materijs denunciator testis esse nequit, quia denunciatio frequenter, vel est in causa propria denunciantis, vel amici, vel consanguinei; sed in crimine sollicitationis denunciatio non est in causa propria denunciantis, sed Ecclesiæ, cui interest, & bono publico fidelium: ergo denunciator est habendus pro teste, si aliàs non sit suspectus, vel inhabilis.

55. Suppono 2. quòd in hoc crimine sollicitationis, & in alijs causis fidei admittuntur in testes omnes, præter inimicos capitales, vt excommunicati, criminosi, infames, socij criminũ, periurus, Iudeus, Hereticus, domesticus, familiares, consanguinei, mulieres, minores quatuordecim annorum, pauperes, expiæ, &c. hoc intelligitur contra reum hereticum, vel de heresi suspectum; nam in favorem illius non sunt admittendi. Ita Diana 4. *part. tract. 8. resol. 57.* & vt as- solet citat Auctores practicos, sed nullus istorum facit integrum testem, quia omnes habent exceptionem, & idem Diana loco citato *resol. 124. vers. Non desinam*, dicit, quòd

contra testes in causis fidei non admittuntur exceptiones, nisi tales sint, quæ illos totaliter repelât, ut inimicitia capitales, coniurationes, subornationes, & alia eiusdem generis.

56 Omnes supradicti, & mutus, & Surdus admittuntur in causis fidei, sed cum sua exceptione, & inhabilitate, à qua in nulla causa liberantur; solum enim meo videri pauper, & criminofus in aliquo genere criminis possunt esse testes integri, vel omni exceptione maiores, quia optimè componitur, quòd aliquis, v.g. sit pauper, & timoratae conscientia, taliter quòd prius moriatur, quam periurium committat, & etiam quòd aliquis sit maximè deditus ad libidinem, vel ad aliud genus criminis, & in veritate dicenda æquet alios veridicos; nam videmus, quòd sunt aliqui homines criminofus, & punctualissimi in iuramentis.

57 Suppono 3. quòd DD. Inquisitores diligenter duo considerant ante incarcerationem Confessarij, scilicet qualitatem seminarum denunciatorum, nempe an sint probatae vitæ, an meretrices; nam illis faciliùs creditur, hisce difficiliùs, quare de omnibus debent recipere denunciationem, sed non idè statim vocantur Confessarij, aut incarcerantur, quia sola incarceratio in Sancto Officio est maximè denigrativa. Etiam cum depositione seminarum præponderant moralitatem Confessarij, an sit deditus peccatis carnalibus, & de hoc extrajudicialiter informantur; nā si sit maximè deditus libidini faciliùs contra illum proceditur; sed meo videri non est recurrendum, ut DD. Inquisitores forment iudicium de præsumptione, ad tempus antiquum Confessarij; sed ad illud in quo denunciatur de illo crimine, vel paulò ante, vel post, quia benè componitur, quòd alio tempore fuerit in hac materia perditæ vitæ, & in præfenti peractus contrarios virtutis habeat famam probatae vitæ, ad quam non est attendendum secundum illud: *Talem te invenio, talem te iudico.*

58 Circa feminas male famæ, etiam præ oculis est habendum, an comparuerint in Sancto Officio spontè, quia in

hoc

hoc eventum minus probant, aut compareant coactæ à Confessario, præcipue ex confessione generali, quia in ea Confessarius noluit illas absolvere, nisi prius deterant delationem ad Sanctum Officium; in hoc enim casu præsumitur verum deponere, & quod illud dicunt ad exonerandam suam conscientiam, & non suassione hominis; & etiam debet attendi, etiam si illæ feminae fuissent meretrices, si tunc tunc paratae, & dispositæ ad poenitentiam, aut si iam sunt honestæ; in hoc enim eventum præsumitur dicere verum, quia ex una parte melius præsumitur sollicitatio Confessarii cum hoc genere feminarum, quia in Confessione cognovit earum fragilitatem, & ex alia parte, illa femina per poenitentiam purgavit malam opinionem antiquam.

§ 9 Vt autem cum omni integritate, & iustificatione procedant DD. Inquisitores, sicut assolent, habent aliqua interrogatoria in hoc eventum versantia circa alia motiva denunciandi Confessarium sollicitantem, quia multoties contingit, vel quod femina recurrant ad Sanctum Officium ad infamandum Confessarium, vel quia denegavit illis absolutionem, vel quia cum eis habuerunt amicitiam inhonestam, & cessarunt ducti poenitentia, & timore Dei, & feminae non habent ex eis assistentiam solitam ad vitam sustentandam, vel quia illas feminas reliquerunt, ut alias communicarent; in omnibus his eventibus habemus exemplaria; vel potest esse, quia Confessarius cum aliqua femina habuit aliquas rixas, aut contentiones, & ei dixit aliqua verba iniuriosa in primo motu iræ. Possum enim attestare hunc casum accidisse in quodam opido huius Regni, ubi vix est notitia Inquisitionis, in quo quædam femina habuit cum Confessario aliquas rixas, & contentiones, & postea inter confitendum dixit alteri Confessario, illam fuisse sollicitatam verbis, & factis inhonestis in actu Sacramentalis confessionis à dicto primo Confessario; Confessarius consulens ponderavit obligationem denunciandi feminae, & si in rei veritate illud delictum non fuit patratum ab alio Confessario gravitatem, &



maliciam testimonij falli, & obligationem restituendi famam; ex quibus, & a lijs sanctis monitis femina lacrimis falsa fuit, esse testimonium inventum ad vindicandas iniurias factas ab alio Confessario. Attendant etiam Confessarij ad has cavillationes mulierum, vt consulant denunciacionem, & simul advertant ad ponderandum crimen feminae denunciantis, si movetur ira, odio, aut alio motivo ad denigrandam bonam famam Confessarij attestando falsum cum iuramento in Sancto Officio.

60 Suppono 4. quòd licet feminae admittantur ad hoc delictum probandum, quia aliter veritas haberi non potest, cum regulariter non sint alij testes, vel denunciantes, maior numerus testium requiritur ad plenè probandum hoc delictum, quam ad alia contestanda; nam vt dicit noster Peyrinis *tom. 2. privileg. Constit. 4. Gregorij XV. §. 8. num. 23.* quamvis mulieres sint magnæ conditionis testimonium mulierum muliebri est. Præterea, quia vt rectè advertit Diana, *4. part. tract. 5. resol. 55. vers. Ex quibus;* in condemnandis his rebus omnia sunt consideranda maturè per DD. Inquisitores, quia in hoc crimine probando proceditur, vt in crimine hæresis, vbi testes non publicantur, ideòque plenus defensionis ordo non conceditur, & hoc modo semper timeri potest, ne innocens damnetur, quamvis quilibet testis singularis sit probatissimus; nam ignotum est Iudici, quid illi à reo obijci potest; hæc dixit Pater Diana, & pro illis citat doctissimum Soufam virum maximè versatum in materijs Inquisitionis, & benè hæc asserit, quia potest contingere, quòd testis sit inimicus capitalis rei, & hic solus possit notitiare causam inimicitia.

61 Suppono 5. quòd DD. Inquisitores possunt recipere in testes subditos contra Prælatos, sed advertit noster Trismarch *disp. ult. sect. 7.* & benè, quòd antequam admittantur debet fieri examen de vita; & opinione subditorum, quia si sunt criminosi ordinariè sunt inimici Prælatorum, quòd debet intelligi cum grano salis, scilicet, si Prælati sine ac-

ceptione personarum præmiat merita, & punit delicta, nam si fuerit malus Prælatos, & more mundano conservaret suos amicos dissimulando crimina, tunc subditus non esset repellendus, quia criminofus, sed in hoc casu est discurrendum sicut de alijs testibus, qui admittuntur in Sancto Officio cū sua inhabilitate; & pro regula generali benè dicit Trimar-chius, quod si examinata causa testium inveniuntur idonei, quia sunt probatæ vitæ, possunt admitti in testes contra Prælatum. Ita tenet expressè Angelicus Magister 2. 2. *quest. 68. art. 4. ad 2.* & constat ex Bulla Gregorij Papæ in cap. Admonendi sunt. Vbi ita loquitur Summus Pontifex: *Subditi, ne plus, quam expedit sint subiecti, ne cum student plus, quam necesse est hominibus subijci compellantur vitia eorum venerari.*

62 Et generaliter in denunciationibus adversus regulares Prælatos hæc doctrina debet fervari, quia aliquando vidimus, oblicos sui status ex diabolica tentatione ambitionis omnia tentare; ac per consequens recurrere ad consequendas privationes aliquorum ad Tribunal Sanctæ Inquisitionis; ideòque ad omnia ista, & alia advertunt DD. Inquisitores. Et Moneo Prælatos, ne timore denunciationis, falsæ sinant operari secundum Deum, & dictamen conscientie rectæ, & sint semper sicut petra deserti firmissima, & constans communicando aquas largissimas favorum erga bonos subditos, & virga iustitiæ contra criminofos; nam cum Tribunal Sæctę Inquisitionis prudentissimum, & iustissimum sit examinabit intencionem, & mores subditorum priusquam contra Prælatos procedat.

§. II.

*Questioni respondetur.*

63 **H**ÆC questio varijs modis potest exagitari, & brevitatis causa varijs resolutionibus illi satisfaciā in hoc §. & sequenti; nam vel possunt procedere DD.

DD. Inquisitores ex vnus testis depositione, vel inquirendo ex officio de moribus, & vita Confessarij; vel cum incarcerando, vel puniendo pœna ordinaria, vel extraordinaria, omnibus his modis hæc questio procedit, & vt certa ab incertis separentur, vt certum est habendum, quòd nullus Princeps quantumcumque supremus, etiam si sit Rex, Imperator, aut Pontifex potest condere legem, vt quis tradatur ultimo supplicio propter solam depositionem vnus testis, quamvis ille sit Episcopus, Cardinalis, aut Pontifex. Ita Tirraquellus *in tract. de reb. exiguis, vers. Secunda ratio*. Mascard. *de probat. in proœm. quest. 11. num. 10*. Farinacius *in praxi, part. 2. quest. 67. num. 3 & seqq.* quia in tali causa agitur de re gravissima, & pretiosa, qualis est vita. Idẽ est dicendum dum agitur de fama, quia denigratio diffunditur ad totam familiam, & fama vnus familiæ plus stimatur, quàm vita individui.

64. Afferro 1. DD. Inquisitores ex testimonio vnus feminæ honestæ possunt procedere iuridicè contra Confessorum bonæ famæ examinando & inquirendo de vita, & moribus, vt videant an sint indicia, & coniecturæ contra illum compilando processum. Ita Soufa *tract. 2. cap. 12. num. 4. & seqq.* Freyras *quest. 4. ad Acniam, num. 16 & seqq.* Post quam enim noster Peyrinus *tom. 2. privileg. Constit. 4. Gregorij XV. nu. 5.* loquitur de incarceratione, & tortura Confessarij propter dictum feminæ bonæ famæ hæc habet: *Prinsquam ad capturam deceriant, sumunt secretas, & verba tenuis informationes de denunciante, & denunciato, quibus habitis procedunt*, & addit quòd ita servatur in praxi & testatur Molf. *tom. 1. Summi tract. 7. cap. 24. à num. 38. & Aloyf. Ricc. collect. 149.*

65. Veritas huius assertionis constat ex Bullis Pij III. & Pauli V quia isti Summi Pontifices præcipiunt, quòd inquirent Inquisitores contra Confessarios quemodolibet diffamatos de crimine sollicitationis, ly *Quemodolibet diffamatos* denotat sufficere esse diffamatos per iudicia, & coniecturas; sed ad inquirendum magis iubet testimonium vnus te-

mi-

minæ honestæ, quàm indicia, & coniecturæ sine testimonio alicuius: ergo & ex testimonio vnius feminae honestæ possunt DD. Inquisitores inquirere de vita, & moribus Confessarij, & cõpilare procellum, et.ã si Cõfessarius sit bonæ famæ.

66 Probatum secundo conclusio; quia inter discipulos Angelici Magistri habetur pro communi doctrina, vt videri potest in doctissimo Aragon 1.2. *quest* 33. *art* 3. quod in illis delictis, in quibus non requiritur monitio secreta, aut fraterna correctio, vt sunt quæ cedunt in perniciem multitudinis Iudex teneatur inquirere nulla spectata infamia, & ratio est, quia agitur de maiori damno vitando, quam bonum sit conservare famam proximi; sed crimen sollicitationis cædit in perniciem Ecclesiæ, & fidelium: ergo DD. Inquisitores ex testimonio vnius feminae honestæ non solum possunt inquirere contra Confessarium etiam si sit bonæ famæ, sed tenentur.

67 Confirmatur; Iudex secularis non solum potest, sed tenetur ex testimonio vnius feminae honestæ inquirere contra obfessorem viarum vulgo, *Salteador de caminos*, etiam si denunciatus sit bonæ famæ, quia forsam inveniet indicia, & præsumptiones, si hoc secreto, & ex officio faciat quibus possit incarcerare obfessorem viarum; sed crimen sollicitationis est magis perniciosum Reipublicæ Christianæ, quam delictum obfessionis viarum, siquidem Confessarij sollicitantes sunt obfessores animarum: ergo non solum possunt inquirere DD. Inquisitores ex officio secreto contra illos, sed tenentur, quia agitur de maiori damno vitando.

68 Si autem femina denuncians sit malæ famæ, & Confessarius vir bonæ opinionis in Republica DD. Inquisitores non possunt procedere contra Confessarium. *Confessarius ex cap. Presbiter 2 quest. 5* nam ex hoc scandalum oriretur; si autem Confessarius etiam sit malæ opinionis dicit noster Trismarch. *disp. ult. sect. 2 num* 12. quod in hoc casu an sit admitenda denunciatio ad inquirendum contra Confessarium debet consuli cum Supremo Inquisitore. Hæc sunt communia

inter Auctores ; sed ego existimo, quòd etiam si Confessarius sit bonæ famæ, & femina perditæ vitæ, est admittenda ad inquirendum; quia multoties per hoc medium Confessarij maximæ famæ in Republica fuerunt inventi perditissimæ vitæ; exemplaria sunt ferè in omnibus Provincijs Europæ, & Romæ recentissima.

69 Nec ex hoc oriretur scandalum; quia Tribunal Sæcæ Inquisitionis est secretissimum, & prudentissimum, & si femina est meretrix, iam scit, quòd similes mulieres multoties denunciant falsò, & contra se, habent præsumptionem, quòd deferunt Confessarium ad Tribunal, vel quia noluit Confessor eas absolvere, aut suum amatum; sunt enim huiusmodi mulieres mendaces, fallaces, periuræ, dolosæ, mutabiles, variæ, & corruptibiles; quare cum suis interrogatorijs in his casibus examinant animum, & motivum denunciandi, & si invenerint illud testimonium adminiculatum aliquibus circumstantijs veròsimilibus, opimè facient si ex officio inquirent de vita, & moribus Confessarij; nam hoc faciunt cum tanto secreto, ut si non inveniunt alia indicia, & coniecturas fama Confessarij manet illessa; ideòque dixi, quòd omnes testes, vel denunciantes admittuntur in Sancto Officio præter inimicos capitales, sed non omnes stimantur; nam aliqui, quia sunt omni exceptione maiores amplectuntur, & alij, quia licet sint diminuti, ut meretrices, & criminosi testimonium eorum habet aliquam veròsimilitudinem, non contempnuntur; in hoc enim non potest statui regula generalis, quia dependet ex circumstantijs, & præsumptionibus, sicque ad prudentiam Inquisitorum relinquitur.

70 Circa 2. quòd inquirentur sunt variæ opiniones; aliqui enim dicunt, quòd si Confessarius est malæ famæ, & femina denuncians benè opinata tunc propter dictum talis feminae Confessarius est incarcerationandus. Ita Peyrinis loco citato, sed idem Peyrinis tom. 3. in addis. am. ad Constit. Gregorij XV. cap. 11. num. 4. refert de verbo ad verbum decretum Sanctæ

Sanctæ Romanæ Inquisitionis idiomate Italico directi ad Vicarium Generalem Archiepiscopi Genuensis expeditum die 17. Iulij anno 1627. subscriptum per Eminentiſſimum Cardinalem Millinum, in quo disponitur, quod propter dictam vnius femine non procedatur ad incarcerandum Confessarium sollicitantem, sed de dicta delatione certioretur Tribunal Inquisitionis Romanæ. Hæc sunt verba : *Per il Desso di una sola donna V. S. non faccia costituire, ò carcerare il preteso reo senza darne prima qua auviso*; Cantera in suis varijs qq. criminal. part. 4. de quest. tangenti probat. cap. 2. de probat. per testes, quest. 3. circa fin. vers. 2. intellige supra dictam regul. ibi ex quo infertur, quod in crim. sollicit. & latius ibidem quest. 1. num. 47. per totum dicit, quod dictum vnius femine honestæ facit indicium contra Confessarium non solum ad capturam, sed etiam ad torturam.

71. Hæc enim sententia ferè ab omnibus practicis in materijs Sancti Officij rejicitur; quia in his delictis sola in carceratio est res gravissima, vtpotè denigrativa Confessarij; non enim Confessarius est incarcerandus absque eo, quod saltem semiplenè probeatur delictum, & dictum vnius femine quantumcumque honestæ non facit semiplenam probationem, cum habeat exceptionem sexus, in hac enim materia non desunt exemplaria, quia multoties contingit, quod femina est in maxima opinione honestatis, & habet plures obsecrationes cum occasione proxima voluntaria, & fortassè, quia Confessarius armatus zelo Dei adimplevit suum munus denegando absolutionem, illa ira muliebris defert eum ad Sanctum Officium.

72. Secunda sententia absolutè defensat: propter testimonium vnius femine quantumcumq; honeste Confessarium non esse incarcerandum, nec vocandum ad Sanctum Officium. Ita Carena part. 2. de Confes. sollicit. tit. 6. §. 12. num. 62. citatque graves Auctores, & Castros à Palao tom. 1. disp. 9. punct. 11. num. 1. dicit Confessarium in Sancto Officio

Ggg.

non...



non recludi in carcerem, quovique est testificatus per duos, vel tres testes. Sousa *opuscul. de Confes. sollicit. tract. 2. cap. 12. concl. 4. num. 8.* docet, quod si feminae non sunt probatae vitæ non sufficiunt duæ deponentes de diversis actibus ad incarcerandum Confessarium, sed ad minus tres requiruntur; & Acuña defensat, quod non sufficiunt duæ feminae ad recludendum Confessarium in carcere, si feminae sunt complices delicti, ita in suo *tract. de sollicitant. quest. 23. num. 9.* & Bariola *de Confes. sollicit. quest. 15.* tenet, quod ut DD. Inquisitores procedant contra Confessarium debet prius constare de delicto saltem per duos testes fide dignos. Ioann. Sanchez *in select. disp. 11. num. 47.* hoc remittit, & benè, iudicio Inquisitorum. Quod enim Diana *4. part. tract. 5. resol. 55.* advertit firmiter ex Sousa loco citato est, quod ex delatione unius feminae quantumvis honestæ non est incarcerandus Confessarius, sed potest iuste incarcerari si duæ feminae probatae vitæ adversus illum denunciaverint, hanc sententiam sequitur D. Ioann. Escobar *part. 3. de Confes. sollicit. quest. 5. § 3. num. 16.*

73 Secundum sententiam horum Auctorum assero 2. quod generaliter loquendo ad capturam Confessarij requiruntur duæ feminae fide dignæ, honestæ, & omni exceptione maiores. Hęc conclusio probatur ex decreto Sacre Congregationis citato, nam ibi determinatur, quod ex depositione unius feminae Confessarius nequaquam recluditur in carcerem: ergo sentit Sacra Congregatio, quod ad minus requiruntur duæ feminae. Probatur consequentia: quia ibi decretum loquitur generaliter de omnibus feminis, & ubi ius non distinguit, nec nos distinguere debemus: ergo sive femina sit honesta, sive male opinionis, ut Confessarius recludatur in carcere sufficiens non est testimonium unius feminae: ac per consequens saltem duarum requiritur.

74 Probatur 2. ratione: idè in alijs Tribunalibus ad recludendum reū in carcere sufficit dictū unius feminae fide dignæ, quia per solam incarcerationem solum leviter lædi-

tur fama; sed per solam incarcerationem in S. Officio graviter denigratur fama, & opinio: ergo ut incarceretur Confessarius non sufficit testimonium unius femine honeste, sed ad minus duarum requiritur. Probatur consequentia: quando graviter leditur fama per incarcerationem ad minus debet esse semiplena probatio; quis enim dicit, quod Iudex potest incarcerare hominem probum, & recte opinatum in Republica, ut obsessorem viarum, si ad minus contra illum non est semiplena probatio; nulla alia ratione, nisi quia maxime per incarcerationem sub hoc pretextu leditur eius fama; sed dictum unius feminae quantumcumque honestae, non facit semiplenam probationem, quia non est testimonium integrum, sed diminutum, ob exceptionem sexus: ergo ut incarceretur Confessarius non sufficit una femina etiam si sit honesta, sed requiruntur duae.

75 Dixi generaliter loquendo, quia in casibus particularibus haec doctrina generalis est modificanda: Primo, quia si Confessarius per idem delictum punitus fuit, & accedit dictum unius feminae honestae sufficiens est ad illum incarcerandum, quia licet prima causa fuerit extincta, Confessarius remanet suspectus de sollicitatione, & facile creditur reincidisse in eodem delicto, quia tunc praeter illum testem diminutum ex circumstantiis, & suspitione subiecti fulcitur testis inhabilitas, & unum, & aliud faciunt semiplenam probationem sufficientem ad incarcerandum.

76 Si autem concurrant delationes duarum feminarum, quarum una sit bonae famae, & altera male opinata; si non sunt alia indicia dicit, & bene, Escobar à Cerro loco citato, Confessarium non esse incarcerandum, quia duae feminae huius generis non faciunt semiplenam probationem, bene dixit generaliter loquendo; sed existimo, quod si femina male opinionis accedit tempore, quo iam mutavit vitam, & non sponere, sed ex consilio Confessarii; tunc cum alia femina sufficit, ut DD. Inquisitores procedant ad incarcerationem.

dum Confessarium, quia tunc præsumitur non accedere ex ira, nec ex facilitate, sed ad obtinendam absolutionem Confessarij, aut timore excommunicationis; ideòque optimè dixit Pater Diana; hoc negotium relinquendum esse iudicio DD. Inquisitorum.

77 Si autem mulieres denunciantes sint malæ opinionis, aut meretrices, non sufficiunt duæ delationes ad Confessarium incarcerandum, sed ad minùs tres feminae huius generis requiruntur, quia ad sumùm istæ possunt facere contra Confessarium semiplenam probationem, quæ requiritur in re tam magni momenti, ut Confessarius in carcerem recludatur. Hæc doctrina etiam est verà generaliter loquendo, quia si istæ feminae etiam meretrices accederent tempore alicuius magnæ missionis, quo cognoscitur ex lacrimis, & alijs signis dispositas esse ad sua peccata generaliter confitenda; sentio duas feminas huius qualitatis sufficere, quia tunc est præsumptio, quòd illæ delationes fiunt zelo religionis, & ad exonerandas suas conscientias, & aliundè melius præsumitur esse sollicitas à Confessarijs, quam alias honestas, quia frequenter Confessarij sollicitant mulieres, in quibus ex confessione cognoscunt facilitatem commitendi peccata libidinis; ideòque ad omnia attendunt DD. Inquisitores, quia ex vna parte periclitatur puritas Sacramenti, & bonum fidelium, & ex alia bona fama Confessarij.

78 Hæc omnia dixi ex suppositione, quòd Confessarius sit benè opinatus in Republica, ubi commoratur, quia si est maximè deditus vitijs carnalibus, denunciatio vnius feminae honestæ est sufficiens ad illum incarcerandum; cum in hoc casu indicia, & præsumptiones desumptæ ex mala vita Confessarij suppleant defectum semiplenæ probationis. Sentio quòd etiam iste casus relinquitur iudicio prudenti Inquisitorum, quia sunt plures Confessarij, & præcipuè si sunt docti, & in magna estimatione in Republica, quòd etiam si sint fragiles, & maximè dediti ad libidinem cum magna puritate, & edificatione poenitentium administrant Sacra-

mentum Pœnitentiæ, ideoque iudico in hoc ea su esse convenientissimum, quòd DD. Inquisitores ante in carcerationem examinent alias feminas filias confessionis, ut fiat iudicium de suo modo procedendi. Nescio in hoc puncto proximè, ideoque hoc relinquo sub censura.

§. III.

*Alia inclusa in questione deciduntur.*

79

**A** Nequam descendamus ad testes sufficientes ad condemnandum Confessarium sollicitantem oportet scire, an possit torqueri si negativus persistit, & quot testes debet habere contra se ad illum torquendum? Pro quo est supponendum ex sententia Thomæ Hurtado, qui citat Pascualigum *decis.* 160. propter crimen heresis non sufficere duos testes singulares ad torturam, quia tortura imponit infamiam, quæ gravissima pœna est; nam per hoc declaratur suspectus in fide reus; quare advertit, quòd in crimine heresis requiruntur maiores probationes ad torturam imponendam, quam in alijs delictis. Et ratio est, quia in Sæcto Officio non publicantur nomina testium, & ex hac parte datur locus ad calumniam; ut autem tortura imponatur, oportet quòd concurrant cum duobus testibus singularibus alia adminicula inclinantia animum Iudicis ad credendum tale crimen fuisse à reo commissum.

80 Cesar Carena *part. 2. de Confess. sollicit. tit. 6. §. 14. num. 72. & seqq.* absque distinctione statuit torturam contra Confessarios sollicitantes, & dicit duplicem torturam posse illis imponi: Primam, quando sunt convicti, & confessi de delicto ad eruendam intentionem; nempe an crediderint esse licitum abuti Sacramento Pœnitentiæ ad res lascivas; citat Simanch. *de Cathol. instit. tit. 75. num. 52.* Didacum Canteram in  *suis quest. criminal. Rubric. de heret. cap. 1. num. 69. & 70.* Grat lib. 2. *suarum decis. cap. 5. num. 15.* Geruensem in *praxi Episcopali Neapolitana, cap. 84.* Ratio hu-

huius determinationis adducitur ab ipso Carenas quia cum heresis sit delictum latens in mente, Ecclesia per torturam debet certificari, an reus malè senserit de fide, & ita in calu Confessarij sollicitantis docet Molf. *cap. 24. num. 40.* Secundam, quando reus nec est convictus, nec cōfessus, & adiunt indicia sufficientia ad torturam; in hoc casu est torquendus Confessarius pro veritate habenda.

81. Pater Diana 4. *part. tract. 6. de tortura. in Sancto Officio*, licèt larè disserat *resol. 6. & 7.* de indicatijs sufficientibus, vt tortura imponatur, postea *resol. 21.* dicit: *Sed hæc questio non deseruiet. pro Inquisitione Hispanica, in qua nunquam Confessarij sollicitantes torquentur.* Solum enim advertit, quòd etiam si dictum vnius femine non sit sufficiens, quàmvis sit bonæ fame, vt Confessarius recludatur in carcere, & minùs, vt ad torturam. damnetur, bene verò, si cum femina testificante concurrant alia adminicula, de quibus aliqua dicam post decisionem huius difficultatis.

82. Antequam hanc difficultatem resolvam supponendum est primo, quòd tortura imponitur ad eruendam veritatem alicuius magni criminis ob defectum probationum. Constat ex textu in *l. Divus Pius IX. in princip. de quest.* quare ad imponendam torturam non requiritur tanta probatio, sicut ad pœnam ordinariam fulminandam taxaram. pro delicto; itaque tortura tantum habet locum in gravibus delictis, quorum pœna corporalis est textus in *l. Edictum in princip. de quest.* quia aliàs maior pœna imponderetur delicto semiplenè probato, ac imponitur, quando delictum est plenè probatum; quia tortura est pœna corporalis maxima, & si plenè probaretur delictum ad sumùm ad illud puniandum imponderetur incarcerationio, reclusio, exilium, & alia huiusmodi; hoc fundamento ducuntur Auctores ad sententiam negati; vam defensandam, vt Acuña *de Confess. sollicit. quest. 23. num. 13. & 14.* Castrus à Palao *tom. 1. tract. 4. disp. 9. punct. 11. num. 4. in fin.* Trullench. *tom. 1. in Decal cap. 3. dub. 18. num. 103. & Soula in Aphor. lib. 1. cap. 34. num. 64. & 65.*

83 Supponendum est 2. quod licet Clerici non valeat torqueri ex iure, ut constat ex testu in l. *Sacrofancta* 34. *Auth. Presbiteros*, cap. de *Episcop. & Cleric.* tamen hoc non habet locum in delictis hæresis, aut eam olentibus, & tenet communis opinio, & practica Tribunalis Sanctæ Inquisitionis, non solum in crimine hæresis, sed etiam in sortilegijs atrocissimis generantibus suspicionem de vehementi in primo gradu, ut constat de intentione, & credulitate sortilegi.

84 Ex quibus opinionibus deducit D. Ioann. Escobar 4. *part. quest.* 4. §. 2. de *tortura*, num. 6. & *seqq.* quod etiam in Inquisitione Hispanica sunt casus, in quibus Confessarij sollicitantes debent torqueri, quia crimen sollicitationis est generale, quod sub se continet varias sollicitationis species magni ponderis, & minoris; ideòque in Bulla Gregorij XV. assignantur diversæ pœnæ, ut secundum iudicium Inquisitorum applicentur secundum maiorem, aut minorem gravitatem criminum sollicitationis, & si ad his pœnas imponendas secundum gravitatem delictorum Gregorius XV. se remittit ad arbitrium DD. Inquisitorum, idem iudicium debet fieri de tortura.

85 Ut autem intelligant, quando hoc medium est applicandum aliquas adducit regulas. Prima est, quod quando sollicitatio ad venerea est plenè probata ex sufficenti numero testium, & indicijs, quamvis crimen sollicitationis sit gravissimum, ideòque Confessarius maximè suspectus in fide, etiam si neget intentionem non est torquendus, quia delictum principale est plenè probatum, & tortura est remedium subsidarium in defectu probationum. Præterea, quia suspicio in fide correspondens sollicitationi non est tam gravis, ut per eam valeat inferri tortura.

86 Secunda regula est, quod stante semi plena probatione, quæ in alijs delictis est sufficiens ad torturam, si sollicitatio est talis naturæ, quod non mereatur pœnam gravem corporalem, ut si femina solum verbis, aut tactibus sollici-

ta-



taretur à Confessario, cuius pœna potest esse privatio audiendis confessionibus, exilium, reclusio in aliquo Monasterio, privatio vocis activæ, & passivæ, carcer ad tempus, abiuratio de lævi, non habet locum tortura, quia omnes prædictas pœnas superat, etiam casu, quo delictum plenè probaretur, & ex semiplena probatione, ex qua solet imponi tortura, maior pœna imponeretur, quam mereretur delictum si plenè esset probatum, & hoc modo est verissima sententia negativa, & in praxi Inquisitionis Hispanicæ receptissima.

87 Tertia regula est: dum sollicitatio adiunctas habet gravissimas circumstantias, pro quibus Confessarius gravissimè est puniendus, si delictum plenè probatur, ut pœnis tririmum, perpetuæ carceris, privationis à dignitatibus, officijs, & beneficijs, & ab exercitio ordinum, vel degradari, & tradi brachio seculari, tortura habet locum ad eruendam veritatem, si delictum semiplenè, aut plusquam semiplenè sit probatum; quia in hoc casu intervenit gravissimum delictum punibile gravissimis pœnis, & in his delictis tortura habet locum, quia etiam possunt torqueri Sacerdotes, ut dixi, in atrocissimis delictis hæresis, aut generatibus suspicionem in fide.

88 Quarta regula est si sint diversi testes testificantes de diversis sollicitationibus, quarum vna est atrocissima, quæ meretur si plenè probatur gravissimam pœnam, si testis deponens de illa sollicitatione est omni exceptione maior, adiubatur ab alijs testibus, & taliter adminiculatur, quod potest torqueri ad eruendam veritatem de illa atrocissima sollicitatione; si autem talis testis non est exactæ fidei, non est imponenda tortura Confessario, quia eius parva fides non adiubatur sufficienter ab alijs testibus, etiam fide dignis, qui deponunt de sollicitationibus non ita gravibus, in quibus casibus est vitandum magna prudentia.

89 Si omnia dicta observentur in casibus, in quibus est imponenda tortura sentio sufficere ad executionem huius pœnæ.

pœnæ testimonium duarum feminarum honestæ vitæ, taliter quod si concurrit cum vna femina honesta alia non bene opinata, si non sunt alia indicia non sufficiunt istæ feminae ad exequendam torturam, quia persona, & gravitas Confessarij maiorem probationem exposcit, quam ordinariam; sed in alijs personis, & delictis adhuc est sub lite, an istæ duæ feminae constituent semiplenam probationem sufficientem ad torturam: ergo testimonium duarum feminarum, quarum vna non sit bonæ famæ non est sufficiens ad torturam, si non sunt alia adminicula. Solùm intelligo sufficere, si dictum feminae parum honestæ adminiculatur indicijs, & circumstantijs persuadentibus illud dictum esse verum.

90 Non approbo dictum eiusdem D. Ioann. Escobar loco citato *num.* 20. vbi statuit ex sententia Iulij Clari in pract. quod tortura levis potest imponi ex testimonio vnici testis inhabilis. Quod præcipuè in Sancto Officio ex sententia ipsius non habet locum, siquidem sentit, quod ad minus ad hanc pœnam imponendam requiritur dictum duarum feminarum bonæ vitæ, quia præter inhabilitatem sexus in alijs sunt omni exceptione maiores, & idem postulat ad incarcerandum sollicitantē in S. Officio, si non sunt alia adminicula: ergo neq; ad levem torturam est sufficiens testimonium vnici testis inhabilis, quia tortura supponit incarcerationē. Præterea, quia etiam si sit levis est pœna maximè denigrativa, & vnus testis solus inhabilis nō sufficit (vt postea dicam) etiam ad imponendam pœnam extraordinariam in Sancto Officio, quia nullam invenio, quæ non sit gravis: ergo neque est sufficiens ad torturam.

91 Argunt contrarij fundamento communi ad probandum, propter sollicitationem, etiam si sit gravissima, in Hispania non esse torquendum Confessarium, & proponitur argumentum in hac forma: sollicitatio ad venerea, etiam si sit gravissima, in Hispania solùm inducit levem suspicionem in fide: ergo propter illam Confessarius nunquam est torquendus. Probatur consequentia: tortura solùm imponi-

tur, vel propter crimen hæresis, vel propter delictum generans magnam suspicionem in fide; ideoque rectè dicit Diana, quod in alijs regionibus propter crimen sollicitationis est torquendus Confessarius, quia ibi generat suspicionem vehementem in fide; sed sollicitatio ad venerea in Hispania non generat nisi levem suspicionem in fide: ergo propter huiusmodi delictum Confessario non est imponenda tortura.

92 Dupliciter responder D. Ioann. E scobar ad hoc argumentum, ex quo ferè hæc omnia de tortura deduco, quia inter Auctores practicos Hispaniæ, nullus meo videri, cum tanta distinctione hanc materiam tractavit. Primo responder negando antecedens, quia multoties crimen sollicitationis habet tales circumstantias adiunctas, quod ratione delicti, & personarum, iudices habent fundamentum ad iudicandum illum reum esse suspectum de vehementi in fide, & secundum hanc doctrinam (de qua postea) saltè in hoc casu est suspicio sufficiens ad imponendam torturam pro veritate eruenda.

93 Sed quia etiam si sit sollicitatio gravissima, & intra limites sollicitationis concurrant diversæ circumstantiæ, secundum praxim Inquisitionis Hispanicæ nunquam reus iudicatur ut suspectus de vehemèti; ideo mihi magis placet 2. responsio posita num. 12. quæ ad formam reduco concedendo antecedens, & negando consequentiam; ad illius probationem distinguo maiorem, solum imponitur propter crimen hæresis, vel generans suspicionem de vehementi, taliter quod tantum intendat probare crimen hæresis, vel suspicionem de vehemèti nego, intendendo etiam probare ipsum delictum in se, ad quod est patrata sollicitatio concedo maiorem; itaque per torturam non solum inrenditur in Sancto Officio probare hæresim, vel suspicionem de hæresi, sed etiam crimen patratum, vel per hæresim, vel suspicionem, & si illud facinus ad quod patrandum sit hæresis, vel suspicio in fide, est gravissimum, ad quod si benè probatur, vel reus confi-

retur est magna poena corporalis imponenda, ad eruendam veritatem potest adhiberi tortura, etiam si ex sollicitatione, vel alio delicto solum præsumatur reum esse in fide leviter suspectum.

94 Hoc exemplificat idem Escobar: ut DD. Inquisitores applicent hanc doctrinam ad casus similes. Suppono, quod sollicitatio sit commissa ad patrandum adulterium, incestum, aut homicidium; hæc delicta in iure habent impostam gravem poenam, ut depositionem, aut degradationem, quamvis non committantur in Sacramento, aut eius prætextu, & occasione, quam poenam melius merentur Confessarii si in confessione, aut prætextu, & occasione confessionis hæc delicta committant; si enim patrentur extra has occasiones, nulli est dubium, quod ab alijs Tribunalibus potest imponi tortura: ergo multò melius si patramur, aut in ipso lavacro Poenitentiae, aut in alijs locis, & occasionibus comprehensis in Bulla Gregoriana, quia tunc non solum pertinet ad Inquisitores cognoscere de suspicionem hæresis, sed de ipso delicto ratione connexionis, & sic DD. Inquisitores possunt torquere reum ad veritatem eruendam, sicut imponere poenas statutas in iure contra talia delicta, ut dicit Soula *tratt. 2. cap. 15. num. 3.* nam in Sancto Officio non solum agitur de suspicionem hæresis, sed etiam de delicto, quod intervenit in sollicitatione, quia sollicitatio est individua, & ideò à delicto non valet separari.

95 Ex dictis facile responderetur ad 3. siquidem diximus, quod ex sola depositione unius testis, etiam si sit omni exceptione maior non potest torqueri sollicitans, nec incarcerari; ideòque resolvo, quod solum ex depositione unius testis non possunt DD. Inquisitores punire Confessarium sollicitantem; sed quia hæc difficultas variè traditur ab Auctoribus, & ab hoc puncto, & pender conservatio bonæ famæ Confessarii, & iustificatio Sancti Officii in modo procedendi pono §. sequentem, in quo postquam referam diversa dictamina DD. meum adaperiam.

## S. IIII.

*Quot testes ad Confessarium sollicitantem condemnandum  
requirantur.*

96 **M**ultiplex sententia datur circa numerum sufficientem testium ad Confessarium sollicitantem condemnandum in Sancto Officio. Prima tenet sufficientem vnum testem, quia est difficillimum, aut ferè impossibile crimen sollicitationis alio modo probare. Ita Bonacina tom. 1. *quest. 4. de Matrim. punct. 16. num. 8. vers. Quomodo autem*, citat Ricc. *decis. 369. praxim Neapolitanam*, cum Martilio in *l. si quis in fin. ff. de quest.* Idem in simili Enriquez. *lib. 6. cap. 19. num. 10.* cum Simanca, Aymone, Covarrubia, Gomezio, & alijs de Confessario crimen confessionis revelante. Quæ sententia in nullo Tribunali est practicabilis, quia meo videri apertè apponitur iuri, & rationi.

97 Secunda opinio est, quòd saltèm requiruntur duo testes, ita Molf. *tom. 1. Summ. tract. 7. cap. 25. num. 39.* Paramus *de origin. Inquis. lib. 3. quest. 10. num. 155. & seqq.* Tertia opinio tenet, quòd tres testes regulariter probant hoc delictum, & non minor numerus. Sic Ortiz in *Summ. cap. 24. num. 11.* Lucius in *Summ. cap. 24. num. 11.* & Martinus Bonacina est sibi contrarius, quia eodem *tom. 1. disp. 6. de ore, & obligat. denunc.* dicit, quòd hoc delictum non potest plenè probari adhuc testimonio duarum feminarum. Rationem assignat, & rectè, quia feminae leves sunt, & mutabiles; ideoque ipsarum testimonium etiam est infirmum. Præterea, quia multi Sacerdotes facillimo negotio retraherentur ab audiendis confessionibus timore falsæ denunciationis, nam feminae non solum sunt leves, dolosæ, & fraudulentæ, sed etiam pronæ ad acusandum, & proclives ad odiû, & indignationem.

Quar-

98 Quarta opinio docet, quòd requiruntur quatuor testes ad sollicitationem Confessarij probandam. Sic sentit Acuña de Confess. sollicit. quest. 23. num. 11. Peyrinis tom. 2. privileg. Constit. 4. Gregorij XV. §. 7. num. 23. Quinta exposcit pliusquam quatuor feminas, ita Freytas ad Acuñam in dicta quest. num. 21. & 25. Sexta, & vltima sententia hoc relinquit Inquisitorum arbitrio, ita idē Bonacina loco vltimò citato, Diana 4. part. tract. 5. resol. 55. vers. Ex quibus inferitur, & tract. 7. resol. 7. in fin. Noster Peyrinis loco citato, Trullench. tom. 1. in Decal. lib. 1. cap. 3. dub. 18. num. 98 Ioan. Sanchez in select. disp. 11. num. 47, Fagundez ad 2. precep. Eccl. lib. 4. cap. 3. num. 101. in fin.

99 Hanc sententiam vltimam amplector, sed secundum ea, quæ tradunt Auctores, vt practicetur à DD. Inquisitoribus, ea maturitate, & iustificatione solita in Tribunali oportet aliqua advertere, & ante omnia, quòd in probatione huius criminis non attendant tantum ad numerum, quantum ad conditionem feminarum denunciantium, & ad qualitatem Confessarij, quia si Confessarius est in magna acceptatione in Populo propter suam doctrinam, & virtutem, est magna suspicio, quòd est coniuratio contra illum ex eo orra, quòd à pluribus laudatur; videmus enim aliquos viros doctos abundare inimicis, solùm quia laudantur, & idem contingit in virtuosis, quia isti nihil mali fecerunt, vt autem hi condemnentur in Tribunali maior numerus testium desideratur, quam sit necessarius ad damnandum Confessarium de rebus inhonestis indicium.

100 Adverto 2. quòd aliquando Confessarius potest condemnari melius cum vno teste fide digno, quam si sub alijs circumstantijs plures testes concurrerent, si cum illo teste indicia evidentia, & indubitabilia inveniantur. Constat ex l. expressa Imperatoris Iustiniani lib. 25. de probat. concordat cap. cum olim, de verb. signific. vbi sic dicitur: Sciāt cū-  
eti accusatores eā se rem deferre in publicam notionem debere,  
que munita sit idoneis testibus, vel instructa apertissimis docu-



*mentis, vel indicijs ad probationem indubitatam, & luce clarioribus expedita.* Et ratio est clara, quia etiam si duo testes contextent possunt subornari, & confessio rei potest oriri, vel ex timore tormentorum, vel ex fiducia adipiscendi brevius libertatem, sed indicium evidens, & indubitabile non potest deficere, nec esse fictum.

101 Hoc assumptum elegantissimè suo ore aureo exornat D. Ioan. Chrysostomus *homil. 2. de David, & Saulè,* ut constat ex *1. Reg. cap. 24.* quando David invenit Saul dormientem in deserto Enggadi in testimonium quoddam portuit illum absque periculo occidere, præscidit oram clamydis, ut esset testis tam excellentis operationis postea in conspectu Saulis, etiam si cum illo essent plures Duces, & milites, testes omni exceptione maiores; sed melius (dicit idem Chrysostomus) ostendendo oram clamydis postea in conspectu Regis probavit factum, quam si adduceret pro se omnes illos milites pro testibus; sic enim exclamat Chrysostomus: *Mutus quidem testis, sed omnibus vocem habentibus evidensior;* quia illi testes quantumcumque exceptione maiores erant fallibiles, illud autem indicium deficere non poterat: ergo si cum uno teste concurrant adminicula evidentia, vel indubitabilia, pœna ordinaria potest puniri Confessarius sollicitans, & præcipuè si crimen sollicitationis esset atrocissimum.

102 Hæc doctrina observata fuit in hoc nostro Regno Aragoniæ ad condemnandum homicidam atrocissimum, & inhumanum de cuius delictis non fuerunt testes concludentes contra reum, nec confessio illius; sed quidam per Illustris Iudex dictam doctrinam allegavit, & cum alij Collegæ doctissimi contra homicidam indicia evidentissima, & indubitabilia invenerint ducti doctrina D. Ioan. Chrysostomi, & alijs rationibus valdè efficacibus pœnam ordinariam mortis contra reum pronunciarunt, quæ ita fuit executioni mandata.

103 De hac materia latissimè, & maxima eruditione tra-

tractat D. Ioan. Escobar 3. part. quest. 5. §. 3. & circa illud, quod dixit num. 11. in 1. regula, adverte 3. indigere explanatione, nam dixi, quod cum non omnes sollicitationes sint eiusdem ponderis, & gravitatis, ad minorem sollicitationem probandam non est opus tantæ probationis, sicut debet concurrere ad gravissimam sollicitationem concludendam, cui correspondet magna poena. Idem repetit num. 20. Si enim intentum huius Auctoris sit statuere, quod ad poenam ordinariam assignandam pro crimine sollicitationis requiritur maior probatio, quam ut imponatur poena extraordinaria merum erit: Sed si poena ordinaria est imponenda, quamvis sollicitatio non sit magni ponderis requiritur plena probatio cum eodem numero testium, ac est necessaria dicta probatio ad condemnandum Confessarium poena ordinaria pro sollicitatione gravissima.

104. Hoc enim maximè debet observari, quia omnes poenæ Sancti Officij sunt graves, cum quelibet quantumvis minima sit denigrativa personæ; si enim incarceratus non manet liber, sed expeditur aliqua poenitentia corporali, aut saluari, iam est graviter punitus; cum habeat supra se principalem poenam, nempe denigrationem bonæ opinionis; ideòque si DD. Inquisitores non habent delictum sufficienter probatum testibus, & adminiculis, & reus per se verat negativus suspenditur causa; in alijs verò Tribunalibus cum eadem probatione imponitur aliqua poena extraordinaria, quia hæc non est multum denigrativa personæ. Quare rectè operantur Inquisitores, si absque aliqua poenitentia, quando non sunt sufficientes probationes ut intelligant illud delictum fuisse commissum suspendunt causam monendo Confessarium ut se absteat quantum fieri potest ab administratione Sacramenti Poenitentiae, ne ponatur in occasione patrandi delictum sollicitationis, de quo est suspectus, quia in dubio prævalet fama Confessarij.

105. Adverte 4. quod quando non sunt alia adminicula ad puniendum Confessarium poena ordinaria non sufficiunt

Erunt duæ feminae honestæ, & exultant, quòd in isto casu Confessarius non debet abiurare de levi; nam ut postea dicam hæc est gravissima pœna, quia maximè per illam læditur opinio Confessarij, nisi ille sit talis conditionis, quòd ratione subiecti sit maximè suspectus in rebus venereis, quia quantumcumque feminae sint honestæ secum afferunt inhabilitatem sexus, & præcipuè debet attendi ad qualitates Confessarij; nam si hic est vir prudens, & doctus, etiam si feminae denunciantes sint bonæ opinionis, multotiès habet talia peccata occultissima, quòd Confessarius non potest eis absolutionem impendere, & ex ira, aut odio illum denunciant; casus est practicus, sicque cum magna cautela sunt examinandæ tales feminae, quia multotiès etiam si non explicent causam ex modo dicendi manifestatur aliqua ira, & si Confessarius est benè opinatus semper potest præsumi in feminis aliqua vindicta, aut odium ex causa occulta, quia multotiès ex his causis moventur feminae ad denunciandos Confessores probos, & doctos.

106 Quod enim intelligo est, sufficere duas feminas honestas, ut Confessarius suspendatur ab audiendis Confessionibus, quamvis alia adminicula non concurrant; quia ut optimè Angelicus Magister 1. 2. q. 92. art. 1. & cap. novit 8. de Iudice; Iudices, & Superiores non solum debent tollere à subditis causas veras ruinæ, sed etiam, quæ possunt timeri tollendo occasiones ne incidant in peccatum. Præterea, quia per testimonium duarum feminarum non potest negari, quòd Confessarius maneat maximè suspectus de sollicitatione: ergo huiusmodi Confessarius debet suspendi à confessionibus feminarum audierdis. Probatur consequentia: Prudens Pater Familias non solum tollit suas oves è manibus pastorum, qui clarè illas malè pascunt, sed etiam ab illis, qui sunt suspecti de mala administratione; sed Confessarius testificatus per duas feminas honestas est valdè suspectus de mala administratione Sanguinis Christi ad pascendum gregem Ecclesiæ: ergo debet suspendi ad minus à con-

fessionibus audiendis, qui a prudenter potest timeri, quod si relinquatur in illa occasione, alias oves inficiet.

107 Adverto 5. quod Gregorius XV. in sua Bulla assignat varias pœnas contra Confessarios sollicitantes, quas suo loco referam, & remittit ad arbitrium DD. Inquinorum has, vel illas applicare secundum qualitatem delictorum, sicque præter degradationem, & traditionem brachio seculari, ut imponatur hæc, vel illa pœna, non omnes simul, sufficiunt tres testes omni exceptione maiores, & præcipuè si concurrant alia adminicula, quia hic numerus testium singularium de iure Regio requiritur ad pœnam ordinariam imponendam in delictis occultissimis, & ideo difficilis probationis. Cumque hoc delictum occultissimum sit, si ad imponendas aliquas pœnas Confessario sollicitanti tres testes non sufficerent raro posset puniri, & vindicare iniuriam factam Sacramento Pœnitentiæ, & evitare perniciem animarum.

108 Dixi præter degradationem, & traditionem brachio seculari, nam cum hæc sit gravissima pœna ad eam imponendam requiritur clarissima probatio, quæ non habetur ex tribus testibus singularibus; ideoque ut ista pœna applicetur reis, Summus Pontifex non solum exposcit testes singulares, sed etiam indicia, præsumptiones, & alia adminicula delictum probantia, sic enim ait: *Testibus etiam singularibus concurrentibus præsumptionibus, indicijs, & alijs adminiculis delictum probatum esse arbitrio suo iudicandi, & curiæ seculari, ut præfertur, reum tradendum esse pronunciandi*: ergo ut hæc pœna imponatur, quæ gravissima est, primo debet esse enormissima sollicitatio, & deficere omnem spem emendationis in Confessario, quod raro continget, & 2. præter testes singulares debent concurrere præsumptiones, & alia adminicula.

109 Hoc assumptum probatur a paritate: ut hæreticus relapsus tradatur brachio seculari requiritur probatio luce meridiana clarior, & si est hæreticus formalis pro primo

lapsu, dummodo non sit negativus, nec impenitens, non potest trahi brachio seculari; sed crimen sollicitationis, quātuncumque enormissimum non facit hereticum, sed ad summum suspectum de vehemendi: ergo ut sollicitans trahatur brachio seculari, sollicitatio enormissima debet esse, & deficere omnem spem emendationis, & probationes esse luce meridiana clariores, quod non habetur per testes singulares; ideoque DD. Inquisitores hoc arbitrio Pontificis cum magna circumspectione, & prudentia videntur.

¶ IIo Ex quibus infero, quod ad hoc, ut in hoc crimine, & in alijs ubi admittuntur testes singulares, quia alio modo veritas non potest haberi, huiusmodi testes plene probent delictum requiritur, quod sint probi, honesti, veridici, fide digni, & omni exceptione maiores. Vnde ut in hoc crimine sollicitationis feminae sollicitatę plene probent debent esse honestę, & veridicę, non infames, nec mulierculę, aut meretrices, sed tales, quod pręsumatur nitti veritate, & deponere intuitu religionis, & non odio; aut inimicitia, de quibus qualitatibus debet constare; & ut constet requiritur informatio, sed sufficit, quod fiat verbaliter absque eo, quod sit necessaria in scriptis; ita continetur in quadam epistola Summi Senatus Inquisitionis data Martii die 17. Martij anni 1568. ubi in capite acta deciditur. *Item, quanto á la calidad de los testigos; y óredito que se les deve dar; advertirán si son mugeres desonestas, y apasionadas, y á los demás defectos que podrían tener, de lo qual se informarán de palabra de personas graves, y sin sospecha, con todo recato.* Et in alia speciali Epistola ad Inquisitionem Canariensem, data die 19. Aprilis 1627. hæc verba habentur: *Los abonos de los testigos á la margen de cada uno de ellos verbalmente informados.*

¶ IIIo Cum autem hoc delictum, ut dixi, sit difficillimę probationis ad illud probandum concurrunt testes singulares; nam aliter veritas haberi non potest, quia committitur hoc crimen solum inter Confessarium, & feminam peccantem, ideoque ne aequam transcam ad quęstionem de

poenis imponendis reis sollicitantibus in Sancto Officio, opere primum est aliqua dicere de testibus singularibus, & an isti plenè probent delictum, quod reduco ad sequentem quæstionem.

### QVÆSTIO III.

*An crimen sollicitationis plenè probetur testibus singularibus.*

S. I.

*Aliqua præmittuntur necessaria ad quæstionem.*

**T**estis singularis dicitur ille, qui solum deponit de aliquo crimine, facto, vel verbo commisso, taliter quod de illo delicto singulari, & individuo non sit aliis testis. Quod enim inquiritur non est, an quando aliquis deponit de aliquo delicto, & nullus alius habet de eo noticiam per illum testem plenè tale delictum singulare probeatur, nam hoc asserere est contra omnes Auctores; & ius naturale, quod enim veretur in dubium est; an quando vnus testis deponit de vno delicto sollicitationis, & alius de altero, plenè crimen probeatur? Vnde autem hæc quæstio cum fundamento decidatur aliqua sunt prænotanda.

**Noto 1.** triplicem esse testium singularitatem; alia est obstativa, & invenitur quando in depositionibus testiū est repugnantia, vt si vnus affirmet, & alter neget; alia est singularitas cumulativa, quæ invenitur, quando duo testes deponunt de rebus inter se connexis, vel ex præsumptione iuris, vel ex alio vinculo, & sic dictum vnus adiubat dictum alterius, vt si vnus deponat de facto ipso, alter de fama, vnus de visu, & alter de auditu; tertia singularitas est diversificativa, vel subalterna, & est quando ex dicto testium non oritur repugnātia, & oppositio, sed diversitas delicti in substantia, si vè deponant in eodem crimine in specie, vt si vnus



dicat de delicto commisso in vno loco, alius vero in alio, vel vnus vno tempore, & alius diverso, siue deponant de diuersa specie delicti, vt si vnus testificat de furto, & alius de homicidio.

114. Noto 2. cum sententia communi DD. quòd testes singulares singularitate obstativa, vel diuersificativa, quando deponunt de rebus diuersis in specie vt vnus de adulterio, & alius de furto, vel quando dictum vnus destruit dictum alterius, taliter quòd opponantur testificationes illorum, vt si vnus deponeret Petrum, v. g. fuisse homicidum hora 11. tali loco, & alius deponeret, quòd eadem hora erat in diuerso, aut distantiori loco, vt conigit in facto. Sanctæ Sufannæ nihil probant. In omnino diuersificativa idem contingit, quia duo, vel multi testes prædicti hac singularitate eodem modo se habent, ac si esset vnus testis; nam reus suæ vitæ, & famæ possessor est, & cum in dubijs melior sit conditio possidentis; dictum vnus testis insufficiens est ad eum expellendum à sua pacifica possessione.

115. Noto 3. nec testes efficere plenam probationem, quando sunt singulares cumulatiue. Ratio est clara, quia in criminalibus, in quibus probationes esse debent luce meridiana clariore ex pluribus probationibus imperfectis non consurgit vna perfecta. Ita Diuus Thomas 2. 2. *quest. 76. art. 2.* sed si testes sunt singulares solum cumulatiue; scilicet, quia vnus deponit de visu, alius de auditu, vel de fama, non faciunt plenam probationem, sed solum dictum vnus adiubat dictum alterius: ergo testes singulares cumulatiue non faciunt plenam probationem.

116. Solum enim procedit difficultas in præfenti de diuersitate testium singularium in individuo, v. g. quando vnus testis deponit de vno delicto, & alius de altero eiusdem speciei, an plenè probeatur dummodo testes sint omni exceptione maiores; nec enim est difficultas de omnibus delictis, sed de illis, qui sunt difficilis probationis, & perniciosi Reipublicæ, certum enim est, quòd secundum ius canoni-

cum,

cum, & civile antiquum ex eo quod testes singulares sine quacunque singularitate prædicti sufficienter non probant delictum, ideoque in nostra Religione Minorum determinatur in Capitulo Generali Valentie 4. celebrato num. 50. quod si testes sunt singulares, etiam si omnes testificent de actibus eiusdem speciei, per testimonia eorum reus non est iudicialiter condemnandus. Ita etiam habent PP. Ordinis Prædicatorum Sancti Dominici, qui prævijs magnis, & doctissimis consilijs disponunt suas Constitutiones generales *Constit. 2. cap. 11.*

117. Noto 4. nullum reum posse puniri poena ordinaria, etiam si delictum sit atrocissimum si sufficienter non probetur delictum, quamvis sit crimen hæresis. Probatur hæc notatio, quia ut delictum puniatur poena ordinaria, taliter probatio debet movere animum Iudicis, ut prudenter iudicet tale delictum à reo fuisse commissum; quare non bene loquitur Trimarch. *disp. ult. sect. 5. num. 30.* dicendo hoc esse verum in alijs delictis, sed non quando sunt difficilis probationis, ut contingit in crimine hæresis, & alijs sapientibus hæresim, ut delictum sollicitationis, quod enim non sufficit ad probandum delictum fuisse commissum in alijs criminibus, neque in atrocibus potest movere ad credendum fuisse patratum, nam quod inducit ut Iudex intelligat crimen fuisse commissum non est gravitas delicti, sed probatio per testes, & adminicula, imò potius, quanto atrocius fuerit delictum requiritur maior probatio; itaque ut hæresis plenè probetur, probationes debent esse luce meridiana clariore, *cap. sciatis sancti 2. quest. ult. ex l. finali, cap. de probatione.*

118. Noto 5. quod de iure regio plura delicta possunt puniri, & si tantum probentur testibus singularibus, itaque in l. 2. statuitur, quod si delictum sodomie probetur per tres testes singulares omni exceptione maiores, taliter quod quilibet deponat de vno actu particulari, & distincto reus, ut sodomia puniatur. Alterum est circa violationem se-

cre.

creti servandi à Consiliarijs Regis, ad quod probandum sufficientes sunt tres testes singulares, & sic in l. ff. 2. dicitur: *Mandamos que en este delicto de no guardar secreto, se tenga por probança bastante contra los que lo revelaren, probandose con testigos singulares.* Omnia ista disponuntur, quia alias ista delicta sunt gravia, & difficilis probationis, & alio modo impunita manerent; idem docent Auctores de vsurarijs, & de-  
 fragentibus sigillum confessionis.

119. Noto 6. quod crimen non probatur sufficienter, etiam si sit hæresis testibus singularibus singularitate cumulariva. Probatur, quia singularitas cumulariva ut dixi, confur-  
 git ex testimonio vnus testis de delicto, & alijs de opinio-  
 ne, & fama, vel de auditu; sed est contra ius naturale, quod solum per vnum testem de visu, & alijs solum de fa-  
 ma delictum sufficienter probetur, nisi secum traherent ca-  
 lla indicia, quod mouerent animum Iudicis absque dubita-  
 tione ad intelligendum tale delictum fuisse à reo paratum; ergo crimen hæresis non probatur sufficienter per testes sin-  
 gulares singularitate solum cumulariva.

120. Nec valet dicere, quod si crimen hæresis sufficien-  
 ter probetur testibus singularibus singularitate cumulariva, magis timeatur committere peccatum hæresis, quia conside-  
 rarent delinquentes esse puniendos minori probatione, quam alios criminosos. Respondetur, quod favor fidei non  
 admittit quod iniustum est, & contra dictamen rationis; sed  
 est iniustum & contra dictamen rationis, quod Iudex proce-  
 dat ad proferendâ sententiam absque eo quod sufficienter  
 sit convictus ad credendum delictum fuisse à reo commis-  
 sum, & non potest convinci per testes singulares solum.

Singularitate cumulariva: ergo hoc non potest fie-

ri in favorem fidei in crimine hæresis, &

idem iudicium debet fieri in alijs

delictis generantibus suspi-  
 cionem in fide.

§. II.

*Proponuntur sententia, & sequenda eligitur.*

121 **N**otitiosus Pater Diana loquendo de crimine heresis 4. part. tract. 8. resol. 57. vers. Dico 11. Statuit pro conclusione, quod ex multitudine testium singularem nemo ut hæreticus in poenam ordinariam condemnari potest; itaque si quatuor vel plures testes omni exceptione maiores, quilibet deponit de suo actu hæreticali distincto non sufficiunt ad condemnandum aliquem pro hæretico ad poenam ordinariam, citat pro hac sententia Pegnam in Direct. part. 3. Comment. 121. Beroium in cap. licet causam, nu. 43. de probat. Grotum de testib. part. 7. num. 326. Roxas de heret. part. 2. num. 146. & seqq. Secundum istos Auctores nullum crimen sufficienter probatur testibus singularibus, & si aliter veritas haberi non potest, nunquam possunt puniri crimina talis conditionis poena ordinaria.

122 D. Ioann. Escobar part. 3. quest. 4. §. 2. num. 7. & seqq. duo statuit 1. num. 7. pro certo constituit, quod crimen sollicitationis potest plenè probari per testes singulares citat Acuiam, quest. 22. nu. 8. Ludovicum à Paramolib. 3 de orig. Inquis. quest. 10. num. 158. & seqq & num. 165. Bonacinam de onere, & obligat. denunci. disp. 6. punct. 3. num. 25. versic. Obicies 1. Nostrum Peyrinis in Privileg Minim. Const. 4 Gregorij XV: § 7. num. 22. & postea num 11. dicit: Quod nullum delictum per testes singulares in specie manet perfectè probatum, nec in genere, sed ex duobus, vel tribus singularibus testibus deducitur sufficiens, & verosimilis probatio ad credendum illum Confessarium patratum fuisse crimen sollicitationis.

123 Meo videri in his apparer manifesta implicatio, si enim crimen sollicitationis per testes singulares potest plenè probari, ut dicit num. 7. quomodo cum hac plena probatione componitur, quod illud delictum, nec in genere, nec in

in specie maneat perfectè probatum per testes singulares: Et ratio horum est, quia secundum ius commune <sup>idem</sup> est delictum esse plenè probatum, ac perfectè probatum; imo potius ex plena probatione deducitur perfectè delictū fuisse probatum; sed in sententia huius Auctoris crimen sollicitationis plenè potest probari per testes singulares: ergo perfectè probatur per dictos testes. Si secundum istum Auctorem per testes singulares non potest probari hoc delictū perfectè, neque in genere, neque in specie non probatur plenè; nam ad plenitudinem probationis ad minus pertinet probatio perfecta delicti in specie.

124 Quòd autem hæc sententia non possit sustineri, probatur: si delictum per testes singulares non maneret plenè, & perfectè probatum, reus condemnaretur absque eo, quòd esset cōvictus legitimis probationibus; sed quòd aliquis damnetur absque probationibus legitimis est contra ius naturale, quia expelleretur à possessione certa suæ opinionis per illegitimas, & dubias probationes, quod non est dicendum: ergo si delictum per testes singulares plenè non probaretur, reus condemnaretur absque legitimis probationibus: ergo signum est, quòd delictum sollicitationis plenè probatur per testes singulares.

125 Contra hoc stat praxis Tribunalis, quia licet suspicio de delicto non convincat delictum fuisse commissum, quando suspicio est violenta reus propter suspicionem damnatur, quod est commune apud omnes practicos in materia Inquisitionis: ergo stat benè quòd per testes singulares sollicitans non sit cōvictus legitimis probationibus de delicto, & propter violentam suspicionem damnetur.

126 Responderetur suspicionem violentam ita cogere animum Iudicis, ut inferat vim, & necessitet intellectum ad iudicandum delictum fuisse commissum; quare ex eo quòd legitimè probetur suspicio violenta, etiam manet legitimis probationibus cōvictus reus de delicto; ideoque suspicio violenta, & delictum pro eodem reputantur in foro externo;

cum enim ex tali suspitione iuris, & a iure delictum legitime clareat, lex; quæ fundatur in præsumptione, præsumit delictum esse patratum, & ea parte, qua suspicio est violenta non admittit probationem in contrarium.

127 Sit conclusio: delictum sollicitationis plenè, & perfectè probatur testibus singularibus singularitate diversificativa individui delicti, sed non speciei. Hæc conclusio deducitur ex dictis, & sub alijs terminis traditur à Narbona l. 1. glos. 2. num. 6. tit. 2. lib. 8. *Recopilas pag. 901.* Probatur 1. ex ipsa Bulla Gregorij XV. hæc sunt verba: *Ne delictum tam enorme remaneat ob defectum probationis impunitum cum difficilis sit probationis, testibus etiam singularibus concurrentibus, præsumptionibus, indicijs delictum esse probatum &c.* ergo statuit Summus Pontifex, quòd delictum sollicitationis maneat legitime probatum per testes singulares.

128 Respondet ad hæc D. Ioann. Escobar, quòd testibus singularibus nunquam perfectè probatur delictum, sed ut puniatur si sunt testes omni exceptione maiores præsumitur probatum, & hoc statuit Summus Pontifex, quia alio modo delictum non posset probari, cum sit difficilis probationis; ideoque in his delictis nunquam imponitur pœna ordinaria, sed extraordinaria. Sed contra Summus Pontifex pro qualitate criminis sollicitationis diversas pœnas taxavit; & inter eas ponit damnationem ad trirèmes, & si bene visum fuerit præcedente degradatione traditionem ad brachium sæculare, hæc est ultima pœna, quæ non potest imponi nisi delictum sit plenè, & perfectè probatum legitimis probationibus; sed dicit Summus Pontifex, quòd huiusmodi pœna potest imponi, si delictum sit probatum testibus singularibus, concurrentibus præsumptionibus, indicijs. &c. ergo quia per testes singulares, si sint maiores omni exceptione, hoc delictum plenè, & perfectè probatur.

129 Probatur 2. Nullus Princeps, nec etiam Summus Pontifex potest condere legem, quòd reus condemnatur in foro externo, nisi sit convictus legitimis probationibus, vel



confessus, & in cap. Notum, Præbiter Christophorus restituitur, quia fuit eiectus à sua Ecclesia non convictus legitimis probationibus, nec confessus; sed Gregorius XV. statuit, quòd Confessarius sollicitans condemnatur gravissimis pœnis, si delictum testibus singularibus, & alijs adminiculis probetur: ergo quia his probationibus crimen sollicitationis plene probatur; ac per consequens hoc modo convincitur reus, quia alias talis lex esset iniusta.

130 Confirmatur: Nullus Princeps potest sua lege disponere aliquid illicitum, quia si hoc faceret, lex esset irrationabilis, & iniusta; sed si delictum non est perfecte, & plene probatum testibus singularibus, lex Pontificia, quæ disponit, quòd puniatur talis reus esset iniusta, & irrationabilis, quia est contra ius naturale quòd innocens damnetur, & in foro iudicali, & externo innocens est qui non est convictus legitimis probationibus, aut confessus: ergo ne hoc dicatur, allerendum est, quòd delictum sollicitationis plene & perfecte probatur testibus singularibus.

131 Probatur 3. In his delictis pertinentibus ad fidem in ordine ad forum iudicale non est negandum, quòd Summus Pontifex habet iurisdictionem ad statuendam formam, & modum probandi plene delicta, melius ac Princeps secularis, quia suam iurisdictionem non accipit à populo, sicut Princeps secularis, sed à Deo; sed Princeps secularis potest condere legem per se, quando populus absque limitatione transulit iurisdictionem, quòd delictum plene probetur testibus singularibus, & ut dixi, de facto est Statutum factum à Rege in Hispania de sodomia, de violatione secreti servandi per ministros Regios, & de crimine læsæ Majestatis: ergo cum crimina pertinentia ad fidem sicut læsæ Majestatis Divinæ, bene potest Summus Pontifex statuere, quòd ista crimina (inter quæ est sollicitatio in confessione) sufficienter probentur per testes singulares; quia quòd probentur legitimè delicta per testes omni exceptione maiores non est de iure nature, sed de iure Canonico, & Civi-

Civili, contra quod potest Summus Pontifex disponere.

132 Probatur 4. probationes delicti ad hoc dantur, ut Iudici constet secundum allegata, & probata delictum fuisse commissum à reo, & sic eum convincat de crimine, & cogat sustinere poenam à lege taxatam; sed ex eo, quod Summus Pontifex determinet suam legem, quod delictum probetur testibus singularibus sufficienter, ne crimen maneat impunitum, constat Iudici illud crimen fuisse commissum: ergo ex vi eiusdem legis iam reus est convictus, & potest cogi ad poenam; quia semper, & quando Iudex operatur secundum legem pronuntiando sententiam dicitur reus convictus, sicut è contrarietur, quod non est convictus; quando Iudex deviat à lege.

133 Probatur 5. efficaciter conclusio: testes singulares singularitate solum diversificativa in loco, & tempore, quia singularitas solum se habet ex parte individuationis delicti, solum admittuntur, ut sufficientes ad plenè probandum delictum sollicitationis; sed isti testes singulares quo ad circumstantias pertinentes ad individuationem delicti sunt confictes ex vi legis, quia lex disponit, quod contestetur in specifica ratione delicti. Unde quamvis per istos testes non convincatur, quod confessorius sit sollicitans cum tali femina, v. g. si accedunt tres omni exceptione maiores, ex dispositione legis testes singulares contextant ad probandum legitime talem Confessorium fuisse sollicitantem, quia unus testis deponens de una sollicitatione adiuvat alium deponentem de alia, & è contra: ergo per testes singulares solum singularitate diversificativa quo ad individuationem legitime probatur delictum.

134 Confirmatur a paritate: ex iure Regio delictum sodomiae plenè probatur per testes singulares deponentes de delicto sodomiae si solum in individuo sint singulares, v. g. quia unus deponit de uno actu sodomiae in horro, & alius de alio actu exercito in domo, quia licet isti testes sint singulares quo ad individuum contextant quo ad speciem, & le-

gitimè probant esse Sodomitam : ergo similiter si vna femina contextat de sollicitatione facta in Confessionario, & alia de altera facta in confessione Sacramentali, licèt sint singulares quo ad individuum contextant quo ad speciem.

## §. III.

*Argumenta contraria, & corollaria.*

135 **F**undamentum 1. D. Ioann. Escobar ad probandum per testes singulares nunquam perfectè posse probari delictum, ad hanc formam reducitur: Si hoc delictum per testes singulares maneret perfectè probatum, hi probarent plenè speciem delicti; sed per testes singulares non potest probari plenè delictum in specie: ergo nunquam crimen sollicitationis potest plenè, & perfectè probari per testes singulares. Probatur minor; sicut plenè non potest probari delictum in genere, nisi probetur species, quia delictum in genere non datur in rerum natura, ita nō potest probari plenè delictum in specie, absque eo, quod probetur in individuo, quia delictum in specie sine individuo non datur in rerum natura; sed per testes singulares nullum delictum probatur in individuo plenè, cum de individuo solum datur vnicus testis: ergo neque probatur plenè species delicti per testes singulares, etiam si sint plures omni exceptione maiores.

136 Respondetur ad argumentum, quod licèt a iure canonico, & civili antiquo nullum delictum plenè probetur testibus singularibus, taliter, quod talis probatio sufficiens sit, ut reus maneat convictus in individuo; ex dispositione nova Summi Pontificis plenè probatur delictum per testes singulares non solum in genere, & specie, sed etiam in individuo, quia ex tali dispositione resultat, quod probatio vnius delicti in individuo adiubet probationem alterius, & è contra, & supposita hac dispositione, contextant illi testes, ad speciem delicti probandam perfectè, taliter quod reus maneat convictus.

137 Fundamentum 2. sic proponitur: ut hoc delictum  
ple-

plenè probetur, ex nova dispositione Pontificis non sufficiunt testes singulares: ergo per testes singulares non probatur perfectè crimen sollicitationis. Probatum antecedens: dispositio Pontificis est, ut hoc delictum non maneat impunitum ob defectum probationis, quod sufficienter probetur, si concurrant testes singulares, præsumptiones, & indicia, hæc sunt verba: *Ne delictum tam enorme remaneat ob defectum probationis impunitum, cum difficilis sit probationis testibus etiam singularibus, concurrentibus præsumptionibus, indiis, delictum esse probatum, ergo ut perfectè delictum hoc probetur, ultra testes singulares debent concurrere alia adminicula.*

138 Respondetur hoc argumentum solum convincere non sufficere duos testes singulares solum, ut plenè hoc crimen probetur, quod quidem fateor; ideòque in dicto casu, ut plenè, & perfectè reus sit convictus oportet, quod concurrant alia adminicula, ut dixit Summus Pontifex, sed ita possunt multiplicari testes singulares, quod nulla sit indigentia aliorum indiciorum; nam quilibet testis singularis in hoc casu, de eodem delicto est novum indicium, & maximum; quia unus testis omni exceptione maior est taliter indicium, quod facit semiplenam probationem.

139 Totum hoc confirmatur doctrina eiusdem D. Ioan. del Corro, qui arguit Soufam de inconsequentia, quia iste Magister dixit *cap. 11. num. 14. & seqq.* quod crimen sollicitationis non potest plenè probari per testes singulares; & postea in quest. de testibus singularibus, quæ habetur in fine suorum aphorismorum Inquis. defendit crimen hæresis posse probari perfectè per testes singulares, qui deponant de diversis actibus observationis eiusdem legis, aut sectæ, ideòque dicit Escobar *num. 19.* quod in primo loco debet intelligi, crimen sollicitationis non posse probari plenè per testes singulares ex iure communi, vel quo ad probationem regularem aliorum delictorum, non verò quo ad probationem irregularem: ergo iam admittit Escobar, quod ex dispositione particulari Summi Pontificis crimen hæresis plenè,

ne, & perfectè probatur per testes singulares, sed idem iudicium, & eadem dispositio Pontificia sit de probatione criminis sollicitationis: ergo etiam plenè, & perfectè probatur testibus singularibus.

140 Gregorius XV. in suo decreto Pontificio statuit, quòd cum testibus singularibus, ad Confessarium sollicitantem condemnandum concurrant indicia, & præsumptiones ex quo infero, quòd ista indicia solum sunt necessaria ad plenè probandum hoc delictum, quando numerus testium singularium est parus, non autem quando est magnus, & testes sunt maiores omni exceptione, nam in tantum multi testes singulares, melius probant, quam indicia, & adminicula; dummodo nō sint evidèntia, vel indubitabilia, ac perconsequens tam magnus potest esse numerus testium singularium, quòd sufficiat etiam ad traddendum sollicitantem brachio seculari, si ita postulat gravitas delicti (de qua postea), quod est contra D. Ioann. Escobar loco citato num. 24 quia existimat ad hanc poenam imponendam semper esse necessaria indicia, & præsumptiones.

141 Nunc occurrit aliquod dubiolum; nempe quæ indicia, & præsumptiones erunt sufficièntia cum testibus singularibus, quando non est magnus numerus testium, ad condemnandum Confessarium, vt. sollicitantem? Respondco, quòd hoc relinquitur Iudicium arbitrio, vt est expressum in Constitutione Gregorij XV. constat ex illis verbis: *Delictum probatum esse arbitrio suo iudicandi*, & probatur ex l. 3. vers. *Tu magis de testibus cum similibus vulgatis*; sed sentio secundum eandem Constitutionem, quòd quando testes singulares non sufficiunt ad condemnandum reum ad minus requiruntur duo adminicula, quia Summus Pontifex loquitur in plurali, hæc sunt verba: *Concurrentibus præsumptionibus indicijs, & alijs adminiculis*.

142 Sed quæ adminicula possunt concurrere ad iudicandum Confessarium fuisse sollicitantem? Respondetur, quòd plura possunt esse: scilicet integritas testium, suspicio

Con-

Confessarij in rebus veneris, frequentia loquendi secreto cum sollicitatis, siue in Confessionali, siue in eorum domibus, si testis qui inter confitendum indecens verbum à Confessario audierit, confessio extraiudicialis, nuncia, milio munerum, & alia similia, quia cuncta referre est difficilimum. Advertant Confessarij ad illud indicium de alloquutione frequenti in confessionario, & in alijs locis cum filiabus confessionis, vt abstineant à colloquijs continuis, quia præterquam quòd est periculum in frequenti communicatione cum feminis, ex illa oritur præsumptio, si alia concurrant contra vitam, & opinionem Confessarij.

143 Infero 1. quòd licet requiratur plena probatio, vt pœna ordinaria imponatur Confessarijs sollicitantibus, quæ probatio non potest haberi per testes singulares singularitate adminiculativa; vt autem aliqua pœna extraordinaria imponatur sufficit, quòd delictum hoc modo probetur. Probatur, quia quando delictum probatur per testes singulares singularitate adminiculativa, delictum debet semiplene constare per vnum testem omni exceptione maiorem, & alim de plenè debet probari, quòd huiusmodi Confessarius est male opinatus in illo genere delictorum; sed tunc sententia primario tendit ad puniendum huiusmodi Confessarium, vt criminofum, quòd probatur plenè, & secundario ad puniendum illum pœna extraordinaria, vt sollicitantem, quia hoc enorme crimen est plusquam semiplenè probatum per vnum testem de delicto in particulari, & alios de mala fama Confessarij; ergo per testes singulares singularitate adminiculativa potest imponi Confessarijs pœna extraordinaria.

144 Infero 2. quòd si testes deponunt de re permanenti, etiam si diversificentur in tempore non dicuntur ad speciem delicti probandam singulares, sed testes; dummodo res taliter permanens sit, quòd variari non possit moraliter loquendo in diverso tempore, & loco Ita Thomas Sanchez. *lib. 6. confit. cap. 5. dub. 12. num. 13.* Sylvester *verb. Testis, quest. 3.* Azorius *p. 3. lib. 23. cap. 27. dub. 7.* Plura sunt exempla



in varijs materijs. Si enim vnus testis diceret, se vidi ille Petrum excommunicatum dixisse in Missa Gloria in excelsis, & alter quòd dicebat Evangelium, isti sunt contextes ad probandum Petrum esse irregularem; & si vnus per foramē prius videret aliquem Iudaizantem, & post illum alius idem videret sunt testes; similiter si aliquis Confessarius ingrederetur cubiculum feminae ad administrandum Sacramentum Poenitentiae, & vnus prius videret inhonesta exercere, & postea alius, isti sunt contextes ad probandum delictum, quia licet habeant diversitatem in tempore sunt de re permanenti moraliter respectu cuius sunt contextes, & etiam potest dici quòd sunt contextes in tempore, quia licet tempus physicè sit diversum est idem moraliter, cum cōtinuetur idem crimen.

145. Infero 3. contra Thomam Hurtado, quòd Religio in Capitulo Generali non potest condere statutum disponens, quòd delicta plenè probentur testibus singularibus, nisi sit circa delicta difficilis probationis, & gravissima, de quibus iam est Constitutio Pontificia, quòd plenè probentur in alijs Tribunalibus testibus singularibus. Probatur, quia Religio non potest condere legem oppositam iuri communi, & Canonico; sed vt dixi est de iure communi, & Canonico, quòd delictum non probetur plenè testibus singularibus: ergo si statutum non versatur circa crimina, de quibus est Constitutio Pontificia, quòd sufficienter probentur testibus singularibus in alijs Tribunalibus, nō potest fieri à Capitulo Generali.

146. Nec convincit contra istam rationem, quòd tradit Thomas Hurtado *trakt. 4. cap. vnic. resol. 11. num. 1086.* scilicet, quòd Societati Iesv est concessum magnum privilegium à Paulo III. confirmatum à Iulio III. & à Gregorio XIII. quòd leges factæ in Capitulo Generali, aut faciendæ, postquam factæ sunt, aut antiquæ, de novo etiam in totum mutaræ eo ipso Apostolica auctoritate confirmatæ censeantur, vt refert Eximius Doctor *tom. 4. de Relig. lib. 2. de*

*ingressu, cap. 2. num. 4.* quod privilegium habent omnes Religiones, in quibus est Bulla communicationis, quæ communicatio concessa est specialiter nostræ Religioni Minimorum per Bullas *Sixi IV. Iulij II. & Urbani VIII.* ergo si Religio in Capitulo Generali statuit, quod aliquod delictum sufficienter probetur per testes singulares est lex firma, & valida, ut potest confirmata per Sedem Apostolicam.

147 Respondetur ad hanc instantiam secundum principia solidiora, quod illud, quod opponitur iuri communi, & canonico per clausulas generales nec derogatur, nec conceditur à Summis Pontificibus, & præcipue quando est poenale, & potest cedere in damnum tertij, cum autem hoc quod delictum sufficienter probetur per testes singulares sit contra ius commune, & canonicum, & à Summis Pontificibus, & à Regibus solum sit dispensata forma probandi per testes in criminibus gravioribus, & difficilis probationis, & constitutio possit esse in præiudicium tertij, etiam si generaliter confirmantur leges Capituli Generalis factæ, & faciendæ, in hac generali concessione non comprehenduntur illa, quæ opponuntur iuri communi, & Canonico, sicut opponitur probatio per testes singulares, solum enim hoc potest habere locum in illis delictis atrocissimis difficilis probationis, de quibus iam est concessum privilegium aliquibus Tribunalibus.

### QVÆSTIO III.

*Quibus poenis sint puniendi Confessarij sollicitantes.*

§. I.

*Pœnæ Pontificiæ, & aliqua notabilia referuntur.*

148 **V**T autem recto ordine procedam primo ponam verba Bullæ Gregorij XV. in quibus variæ poenæ contra Confessarios sollicitantes stabilitæ sunt.

LI.

hæc.

hæc sunt verba: Et quos in aliquo ex huiusmodi nefarijs excessibus culpabiles repererint, in eos pro criminum qualitate, & circumstantijs, suspensionē ab executione Ordinis, privationis, beneficiorū, dignitatū, & officiorū quorumcumq; ac perpetuæ inhabilitatis ad illa, nec non vocis activæ, & passivæ, si Regulares fuerint, exilij; dānationis ad triremes, & carceris etiam in perpetuū absque ulla spe gratiæ, aliasque pœnas decernant. Eos quoque si pro delicti enormitate graviores pœnas meruerint, debita præcedente degradatione, curiæ seculari puniendos tradant.

149 Istæ novem pœnæ sunt taxatæ in lege Pontificia, scilicet suspensio ab executione Ordinis, privatio beneficiorum, dignitatum, aut officiorum, & perpetua inhabilitas ad alia obtinenda, privatio vocis activæ, & passivæ, exilium, dānatio ad triremes, incarcerationio, degradatio, & traditio brachio seculari, quæ sunt applicandæ per DD. Inquisitores per distributionem accomodam secundum maiorem, vel minorem gravitatem delicti sollicitationis; quare si delictum est sufficienter probatum debent imponere Confessario aliquam, aut aliquas ex prædictis pœnis iuxta meritum delicti, & ultra dictas pœnas ex Pontificibus habent facultatem ad alias arbitrias taxandas, si videbitur eis expediens pro qualitate, & conditione criminis, & Confessarij.

150 Hoc posito pro praxi aliqua sunt advertenda, & primo, quod licet sollicitatio sit apud Deum enorme sacrilegium, & perniciosissimum Ecclesiæ, & fidelibus; in ordine ad forum iudiciale quadrupliciter potest considerari, ad eum modum quo DD. considerant culpam; itaque secundum istam considerationem, alia est sollicitatio levis, alia gravis, gravior, & gravissima, quibus correspondet pœna levis, gravis, gravior, & gravissima. Pœna levis est quæ datur non formato processu, & pro unica sollicitatione, quam Confessarius sponte confitetur, & tunc absque incarceratione extrajudicialiter, ut dicit noster Trimarch. *disp. ult. sect. ult. num. 51.* imponuntur secretò aliquæ salutare pœ-

nitentia Confessario, ut sunt ieiunia, recitationes Psalmorum, disciplina, & alia huiusmodi, sed hoc raro practicarur in Inquisitione Hispanica, quia frequenter causa suspenditur, & ad summum movent Confessario, ne audiat confessiones precipue seminarum.

151 Poena gravis est, quæ correspondet sollicitationi gravi, & est quando Confessarius est convictus per sufficientes probationes, quod sollicitavit verbis æquivocis in confessione, aut in confessionalis, aut in alio loco simulando confessionem ad actus inhonestos, oscula, & similia, aut ductus vehementi passione ad actum consummatum, vel ad mollicitiem, quæ non fuit sequuta; postea agam de poenis correspondentibus huic sollicitationi gravi.

152 Poena gravior imponitur, quando sollicitatio est gravior, & stabilitur, quando probatur, quod Confessarius est affectus ad patrandum delictum sollicitationis, & multo tempore perseveravit in eo cū magno scandalo poenitentis, & quando fuit punitus per DD. Inquisitores, & nō acquievit; huic sollicitationi debetur poena gravior. Poena gravissima correspondet gravissimæ sollicitationi, de qua postea in suo loco. Sed pro nunc sufficit scire, quod hæc poena gravissima continetur in Bulla Gregorij XV. quæ est degradatio, & traditio brachio seculari, & nullo modo hæc poena est applicanda, nisi in casibus expressis in iure, ut tenet Glossa in cap. Apostolus 81. dist. in lit. P.

153 Secundo maxime est advertendum, quod ad hoc ut imponatur, etiam infima poena iudicialiter non solum in hoc delicto, sed etiam in omnibus pertinentibus ad Sanctum Officium debet attendi, quod probationes sint sufficientes, taliter quod per illas reus sit plenè convictus, quia quælibet poena iudicialiter imposita in Sancto Officio, quamvis solum sit recitatio vnius psalmi est gravis, utpotè denigrativa personæ; & si ad incarcerationandum, ut dixi, oportet quod detur plusquam semiplena probatio, quia iam incarceration est denigrativa, cum sit magis denigrativa quælibet poeni-

pena iudicialis non debet imponi absque plena probatione secundum qualitatem delicti.

154 Antequam descendamus ad alias pœnas; cum degradatio realis, & traditio brachio sæculari merito assignetur à Summo Pontifice pro pœna gravissima correspondente gravissimæ sollicitationi, est advertendum 3, quod hæc pœna raro potest imponi, etiam si sollicitatio ad venerem sit gravissima; dummodo non concurrant aliæ circumstantiæ, quia sollicitans, aut est in Italia, aut in Hispania, in Italia solum est suspectus de vehementi, in Hispania de levi; degradatio, & traditio brachio Sæculari, neque est pœna, quæ imponitur in Tribunali pro suspitione de levi, nec de vehementi, & sic necessum est, quod concurrant aliæ circumstantiæ, vel alia delicta mixta cum sollicitatione; quare oportet scire, in quibus casibus hæc gravissima pœna sit imponenda, quia habetur in Bulla Gregoriana, & non est facile scire quando potest imponi.

155 Pro quo adverto quarto pro regula generali, quod si sollicitatio dirigatur ad speciem luxuriæ, cui in iure pœna degradationis imposita est, & actu patretur poterunt Inquisitores Confessarium degradare, & cum tradere brachio Sæculari, sicque si sollicitatio esset in confessione ad actum sodomicæ, & consummatur, Confessarius est degradandus, & tradendus brachio Sæculari; non autem si deveniant ad actum proximum sodomiæ, & non perficiatur, quia in hoc casu non est locus ad pœnam ordinariā. 2. si Confessarius, qui sollicitavit ad turpia in confessione inveniatur hereticus, quia existimabat esse licitum sollicitare in confessione; si sit re lapsus, negativus, aut impœnitens, etiam potest, & debet degradari, & tradi brachio Sæculari. 3. si Confessarius est, ter correctus per DD. Inquisitores, & privatus ab audientis confessionibus, & nihilominus eas audit, & sollicitat; iste, ut incorregibilis potest tradi brachio Sæculari. 4. etiam est tradendus brachio Sæculari Confessarius, qui occidit personam sollicitatam in actu Sacramentalis confessionis, vel quia

quia non consensit, vel ne denunciaret in Sancto Officio; sed intelligo quòd in Inquisitione Hispanica hæc pœna nō praticatur nisi contra hæreticum relapsum, impenitentem, aut negativum.

156 Advertendum est. 5. quòd Iudices ad puniendum maiori, vel minori pœna hoc delictum debent attendere ad scandalum, & malum exemplum proveniens ex sollicitatione, nam quantò maius fuerit, maior erit pœna; & caveant Iudices ne imponant Confessarijs propter crimen sollicitationis publicas pœnas. 1. propter scandalum obuenturum fidelibus. 2. ne parentes filias, & mariti vxores arceant à frequentia Sacramenti Pœnitentiæ agnoscendo, quòd lascibi Confessarij faciunt in confessione. 3. ne detur occasio hæreticis irridendi tantum Sacramentum his temporibus ab eis impugnatum. His enim generaliter prælibatis descendamus ad pœnas, quæ aplicantur particularibus sollicitationibus. Pro quo sit.

## §. II.

*De pœnis, quibus puniuntur in Sancto Officio Confessarij sollicitantes.*

157 **P**OEN A magis consueta in Sancto Officio pro crimine sollicitationis est privatio ab audientis confessionibus, non solum fœminarum, sed virorum. Sed antequam ad alia deveniam circa istam pœnam adverto, quòd ex decreto Supremi Senatus, Inquisitores particulariũ Tribunalium debent imponere hanc pœnam non ad tempus, sed in perpetuum, ita habetur in vna Epistola Supremi Cõsiliij missa ad omnes Inquisitores Hispaniæ anno 1660. Sed Scobar à Corro *part. 3. quest. 4. §. 1.* dicit suo tempore vidisse Confessarium suspensum per sex menses ab audientis confessionibus fœminarum; alium per biennium, & aliũ per quinquenniũ; neque hoc est contra decissionẽ, & praxim Inquisitionum particularium, quia Supremum Inquisitionis Con-



Consilium cum in his materijs ut Princeps Supremus potest dispensare in suo decreto, quod non possunt facere Inquisitores particulares. Ita Diana 4. pars. tract. 7. resol. 7.

158 Hæc enim poena imponitur omnibus sollicitantibus non solum pro gravioribus sollicitationibus, verum etiam pro gravibus, & cum maxima iustificatione; quia secundum ius, quilibet debet puniri in eo Officio, quo deliquit, ut constat ex l. si aliquid 12. C. de susceptoribus lib. 10. sed Confessarius sollicitans deliquit Officio Confessarij: ergo debet puniri tollendo ab eo Officium, sicut fit in qualibet communitate, qui enim deliquit Officio, eo privatur. Quare hæc poena imponitur Confessario non solum sollicitanti cum effectu sequuto in actu Sacramentalis Confessionis, sed etiam si sollicitet immediate antè, vel post, prætextu, aut occasione confessionis, ipsa confessione non sequuta, aut in Confessionario, aut in quocumque loco, ubi confessiones Sacramentales audiuntur, aut electo ad audiendam confessionem, simulando confessionem, etiam si sollicitatio sit tantum gravis, sicut si sollicitaret in confessionali, aut prætextu, & occasione confessionis, &c. ad tactus, oscula, & similia, aut in confessione verbis, aut factis non plurimum obscenis, ut si velicaret brachium, attrectaret pedem, vel manum, &c.

159 Præter istam penam, quæ transcendentalis est in omnibus sollicitationibus ad turpia, quando sollicitatio est tantum gravis, ad quam classem reducuntur sollicitationes enumeratæ num. antecedenti; nempe quæ fiunt extra Sacramentum Pœnitentiæ verum, & quando intra confessionem Sacramentalem sollicitatio est solum attentata; quia sollicitatio, quæ fit in ipsa confessione Sacramentali maior iniuria est Sacramento, quam quæ in absentia illius perpetratur, sicut gravior iniuria reputatur, quæ pronuntiatur coram Principe, quam illa, quæ dicitur in absentia illius, licet utraque sit iniuria Principis. Ultra privationem à confessionibus audiendis pro his sollicitationibus imponuntur aliæ pœnitentiæ salutares; nam Confessarius in Hispania abiurat de le-

vi, & in Italia de vehementi; ad hanc abiurationem, vt potest dicam, sequitur privatio Officiorum, inhabilitas perpetua ad illa, & privatio vocis activæ, & passivæ, recluditur in Monasterio per aliquod tempus, in quo, in choro, & refectorio tenet ultimum locum, & etiam condemnatur ab Inquisitoribus, vt sententia cum meritis legatur in Monasterio coram omnibus Religiosis, exceptis novitijs, cum disciplina circulari; illæ penitentiarum aliquando agravantur, vel dimittuntur secundum qualitatem delictorum ad arbitrium DD. Inquisitorum.

160 Antequam ad alias pœnas transeamus circa dicta se offert aliqua difficultas, in Hispania Confessarij sollicitantes abiurant de levi, quia tale crimen generat suspicionem in fide de levi; difficultas enim est, an non solum Confessarius sollicitans simulando confessionem, vel pretextu, & occasione confessionis debeat abiurare de levi, sed etiam qui sollicitat in Confessionario, vel vnicè deputato ad audiendas confessiones, vel promiscuo ad urbanè loquendum, & ad confessiones audiendas? Cæsar Carena docet 2. *part. de Confess. sollicit. tit. 6 §. 16. num. 78 & seqq.* quod etiam si tenore Bullæ Gregorij XV. cognoscant DD. Inquisitores, & procedant contra crimen sollicitationis in Confessionario; Confessarij ibi sollicitantes non debent abiurare de levi, citat pro hac Soutam in *Aphor. Inquisit. lib. 1. cap. 34. nu. 68. & in suo opuscul: de Confess. sollicit. ad Bullam Gregorij XV. numer. 15. & 16.*

161 His non obstantibus est resolvendum, quod huiusmodi Confessarij, aut sollicitent in Confessionario vnicè deputato ad audiendas confessiones, aut in confessionario promiscuo abiurant de levi; hodiè in hac materia non est dubium, quia ita in praxi inviolabiliter observatur in nostra Inquisitione Hispanica; & independenter ab hoc stillo hanc resolutionem defensant Diana 4. *part. tract. 5. resol. 50. vers. Quod alios verò casus, & tract. 7. resol. 7 vers. Verum an probabiliter*, & D. Ioan. Escobar 1. *part. quest. 1. num. 15. & 16. Et*

ratio Dianæ meo videri est efficax; quia sollicitatio in confessionali includitur in Bulla, sicut alij casus, pro quibus Confessarij sollicitantes abiurant de levi, quia de omnibus dicit Summus Pontifex eodem tenore verborum, quod generant suspicionem de mala credulitate; sed in alijs casibus contentis in Bulla Confessarij sollicitantes abiurant de levi: ergo etiam Confessarius, qui sollicitat in confessionario, sive sit vnicuique electo ad audiendas confessiones, sive promiscuo debet abiurare de levi.

162. Secundo addit idem Diana aliud argumentum, quod multum iuvat ad intelligendum, hanc esse mentem Summi Pontificis, quia attestatur iste Auctor, quod his Confessarijs imponitur abiuratio in Romana Inquisitione, ex cuius praxi sumitur efficax argumentum; nam non potest negari, quod in Romana Inquisitione rectè practicatur intentum Pontificum, quia omnes Constitutiones Pontificiæ, ibi expediuntur, & inrimantur, & si aliqua difficultas occurrat circa intelligentiam verborum statim communicatur cum Supremo Pastore, & dicitur; sed Pater Diana attestatur, hunc esse stilum in Inquisitione Romana: ergo quia intentum Summi Pontificis est, quod huiusmodi Confessarij sollicitantes abiurent in Sancto Officio.

163. Ad hanc rationem respondet Carena, quod non debet terrere attestatio Patris Dianæ, quod de ista observetur in Inquisitione Romana, quia P. Diana solum erat versatus in materijs Inquisitionis secularis, quare de practica illius Tribunalis potest attestare cum omnimoda securitate; non autem de stillo Inquisitionis Romanæ. Sed contra: verum enim est, quod si aliquis Auctor, v. g. solum curaret de practica Inquisitionis Hispanicæ, solum de stillo illius posset attestare; sed Pater Diana de omnibus Tribunalibus, & Regnis habuit exactam notitiam, aut per epistolas, aut per libros, ut constat ex suis operibus, & melius de Inquisitione Romana, quia tēpore Innocentij X. fuit Romæ, & ibi habuit perfectam notitiam, quomodo Inquisitores Supremi Tribunalis Romæ practicabant casus Bullæ Gregorianæ.

164 3. Potest probari alia ratione efficacissima: Gregorius refert, & confirmat Bullam Pij IV. & facit vnā de terminationem ex hac Bulla, & suis additamentis; sed Confessarij comprehensi in Bulla Pij IV. sunt suspecti in fide in omnibus casibus ibi expressis: ergo etiam in additis per ipsum Gregorium; quia sunt comprehensi sub vnico contextu, & vnica terminatione terminati. Constat ex *l. iam hoc iure de vulgari, l. Quamvis, C. de impub.* Solum enim poterat esse difficultas de Confessario sollicitante in Confessionario promiscuo, sed hodie hoc dubium est decisum, quia ex praxi Inquisitionis Hispanicæ etiam abiurat de levi.

165 Contra hanc vltimam rationem arguit Carena *nu. 82.* a paritate. Ratio quare etiam in hoc casu Confessarij sollicitantes debent abiurare de levi est, quia Gregorius XV. dicit, quod in omnibus casibus ibi expressis procedant Inquisitores, & Ordinarij sicut in causis fidei; sed ex hoc non sequitur, quod in omnibus casibus contentis in Bulla debeant abiurare de levi, sed intelligitur solum quo ad modum procedendi, sicut enim in Inquisitione Lusitanicæ Inquisitores habent commissionem specialem Summorum Pontificum procedendi contra Sodomitas cum hac clausula speciali in Bulla Gregorij XIII. expedita die 13. Augusti, anni 1574. *sicut in causis fidei*, idem dici potest de Inquisitoribus huius Regni Aragonicæ, Valenticiæ, & Chatalonicæ, quia pro illis etiam est Bulla Pontificia: ergo ex eo, quod Summus Pontifex dicat, quod Inquisitores procedant in omnibus casibus contentis in Bulla, sicut in causis fidei non inferitur, quod in omnibus casibus Confessarij debeant abiurare de levi.

166 Respondetur esse verum, quod dicitur in argumento de Sodomitis, scilicet habere facultatem Inquisitores ad procedendum contra illos per concessionem specialem pontificiam, prout in causis fidei, solum quo ad modum procedendi, quia talis facultas non fundatur in suspitione contra fidem; at verò omnes casus contenti in Bullis per-

tinentes ad crimen sollicitationis fundatur in presumptione, quod Confessarij talia exercentes malè sentiāt de Sacramento Pœnitentiæ, ut constat ex tenore Bullæ Pij IV. confirmatæ, & ampliata per Gregorium XV. & cum sub eodem tenore verborum ingrediatur sollicitatio extra occasionem confessionis in Confessionario; hinc est, quod sollicitans hoc modo etiam est suspectus de levi; ac per consequens etiam debet abiurare de levi.

167 Circa suspensionem ab audiendis confessionibus, inter alia, duo advertit doctissimus Carena *part. 2. tit. 6. de Confess. sollicit.* §. 18. & sunt conformia ad ea, quæ dixi in notabilibus. 1. advertit *num. 9.* quod quando Confessarius, neque est confessus, nec convictus de sollicitatione, sed tantummodo aliquibus probationibus, & indicijs gravatus, quod tunc potest suspendi ad tempus ab audiendis confessionibus ad arbitrium Inquisitorum, & testatur, quod ita pluries disposuit Sacra Congregatio; & ratio huius est, quia pœna suspensionis à confessionibus audiendis potius respicit favorem Sacramenti, quam pœnam Sacerdotis. 2. quia etiam hæc pœna potest imponi Confessario sollicitanti spontè comparenti propter eandem rationem. Sed advertit, in hac materia esse procedendum cum magna circumspectione, ut privilegia spontè comparentium maneant illata, & sic dicto Confessario in tali casu potest iniungi, ut confessiones non audiat, nisi necessitatus à suis superioribus, & attestatur ipse Carena, ita fuisse practicum in sua Inquisitione in casu gravi ex ordine Sacre Congregationis.

### §. III.

*De alijs pœnis imponendis Confessarijs sollicitantibus.*

168 **I**N Bulla Gregorij XV. dicitur, quod possunt DD. Inquisitores imponere pœnam depositionis, & privationis beneficiorum, dignitatum, officiorum, & in-



inhabilitatis ad illa; hæc enim pœna correspondet graviore sollicitationi, quia importat infamiam iuris textus *in l. qui cum viro 4. §. ex Auctor. de re milit l. Iudices 12. C. de dignitatibus lib. 12.* Sed est advertendum, quod inter depositionem, & privationem beneficiorum est differentia, nam privatus a beneficio non percipit fructus, sed potest exercere spiritualia beneficii; at verò depositus est privatus a beneficio, eius fructibus, & exercitio Sacrorum.

169 Hæc enim pœna depositionis imponitur in iure contra Clericum cognoscentem carnaliter suam spiritua-lem filiam, si vè sit filia spiritualis per Baptismum, si vè per Sacramentum Pœnitentiæ. 2. contra Clericos adulterantes. 3. contra Clericum incestum committentem. 4. contra comittentem sacrilegium non solum ex sua parte, sed ratione personæ, quam carnaliter cognoscit, vel quia peccatum exercetur in loco sacro, sicut si misceretur carnaliter cum Moniali, vel si effunderet semen, aut haberet copulam in Ecclesia cum qualibet femina. 5. per stuprum commissum à Clerico hæc pœna imponitur. 6. hæc depositio habet locum in quolibet crimine gravi, quod relinquitur arbitrio Iudicum, sed hoc arbitrium debet regulari per noviores Canonones, non autem per antiquiores, ut constat ex cap. fraternitatis 7. in ordine 34. distinct.

170 Si autem cum sollicitatione misceatur aliqua ex his circumstantiis possunt DD. Inquisitores imponere hanc pœnam Confessariis sollicitantibus, quia sunt Iudices in his delictis, ut si parentur, aut in confessione Sacramentali, aut immediate ante, vel post, quia non solum pertinet ad Inquisitores punire ista delicta, quia generant suspensionem infide, sed quia ratione connexionis talia sunt. Præterea, quia delictum, & suspensio non possunt separari, cum suspensio oriatur ab ipso delicto commissio in confessione: ergo neque debent separari quo ad delicti cognitionem, & punitionem; ac per consequens non solum pertinet ad DD. Inquisitores cognoscere de suspensione, sed etiam de ipso de-



licto, & eum punire eadem pœna disposita in Sacr is Canonibus ad arbitrium illorum, quia ita determinavit Gregorius XV.

171 Si enim DD. Inquisitores, quia ita postulat gravitas delicti, possunt imponere pœnam depositionis, multò melius pœnam suspensionis, cum sit minor; hæc enim pœna specialiter habet locum, quando Confessarius sollicitat suam concubinam pluriès in confessione; nam ut constat ex Concilio Tridentino *sess. 24. de reformat. cap. 14.* pœna suspensionis correspondet Clerico concubinario, & licet aliæ pœnæ sint expressæ in iure, hæc est frequentior, idè-que pro prima vice admonetur, & arbitrariè punitur, si reincidit privatur à fructibus beneficiorum per tres menses, & si tertio cadit, & nō emēdatur privatur omnibus beneficijs, officijs, portionibus, & pēsionibus. Hæc pœna sicut antecēdēs non est in usu in Sancto Officio; sed non dubito, quòd potest imponi, cum sit expressa in Bulla; & deinde in ipso decreto Gregorius XV. dat facultatem Inquisitoribus ad alias pœnas imponendas.

172 Magna enim cum difficultate in Sancto Officio hæc pœna valet imponi, quia in Sancto Officio sollicitantes privantur perpetuò ab audiendis Confessionibus; quare non datur occasio ad reincidendum, nisi Confessarius esset inobediens, & pertinax, & postea reincideret audiendo confessiones suæ concubinæ, & eam sollicitando. Solum existimo, quòd in vno casu hæc pœna esset imponenda, scilicet si propter concubinatum ab ordinario esset iam admonitus Confessarius, & ne incideret in pœnam suspensionis, in confessione vera, aut simulata sollicitaret concubinam; quia tunc ratione suspicionis punire Confessariū pro illo delicto pertinet ad DD. Inquisitores, & cum hæc pœna sit imposita in iure, si aliud non obstat, debet puniri suspensione per Sanctum Officiū.

173 Idem Gregorius XV. determinat in sua Bulla, quòd DD. Inquisitores pro crimine sollicitationis. possint dam-

damnare Confessarios ad triremes, quod fuit practicum in Sancto Officio, vt. refert Castrus Palaus *tom. 1. tract. 4. disp. 9. punct. 11. num. 2. in fin.* Maior difficultas est in quibus casibus, & delictis possit imponi hæc gravissima pœna, in quo nihil certum potest constitui, quia non est facile ponere regulam generalem, ideòque hæc pœna sicut aliæ relinquitur arbitrio DD. Inquisitorũ; solum enim debet expui talis condemnatio, quando sollicitatio est gravissima, & potest applicari, si Confessarius est maximè diffamatus, & pluriès monitus, & semper contra obedientiam Tribunalis prosequitur confitendo, & sollicitando.

174. Etiamque hæc pœna potest imponi, quando sollicitatio est cum horrenda iniuria Sacramenti Pœnitentiæ, vt si Confessarius in confessione sollicitaret sorores, aut si defloraret virgines, vt refert D. Ioann. Escobar loco citato, §. 3. num. 4. de quodam Confessario, qui matrem, & tres filias virgines cognovit in actu Sacramentalis confessionis, & tres virgines stupavit, fuit enim damnatus ad triremes. Etiamque hæc pœna potest imponi, si Confessarius in actu Sacramentalis confessionis frequenter, & quasi ex officio habet res obscenas cum filiabus spiritualibus.

175. Contra istam sententiam arguit Seraphinus Freyras ad Acuniam *quest. 24. num. 43. & seqq.* Confessarij sollicitantes etiam pro gravissimis sollicitationibus, nunquam publicè puniuntur, ne publicetur hoc delictum cum scandalo maximo fidelium, sed si damnarentur ad triremes, hoc delictum publicaretur, & aliundè est indecens, quod viri Deo dicari, exponantur inter sentinam pessimorum, vbi peiores reduntur; quare noster Peyrinis de subdito *tom. 1. quest. 1. de obedient. cap. 27. pag. 345. versic. Sed quoniam in fin.* hæc habet verba: Fateor tamen, quod melius esset, tum pro Religionibus, tum pro istis sceleratis, qui propter facinora perpetrata sunt digni, vt ad triremes eiciantur, eos ad perpetuos, & duros carceres compedibus, disciplinis, & inedia torquendos condemnare; sic enim de illorum salute, & correptione posset sperari.

Et

176 Et postquam idem Peyrinis loco citato monet Prelatos, quod quantum fieri potest avertantur ab impositione huius pœnæ *vers.* Dico 2. hæc scribit: *Si quandoque esset Religiosus ad triremes damnandus, deberet condemnari, vel in perpetuum, vel si tantam non meretur pœnam, ut finito tempore habitum maneat expoliatus, ita ut ad Religionem amplius non redderet.* Citat Rodriguez tom. 2. qq. Regul. quæst. 25. art. 2. & *vers.* Sequenti reddit rationē: quæ est huiusmodi: Nam ad mala pronus, cum perversis degens, pessimus efficitur, & tantum abest, ut possit sperari emenda de istis, quin potius rationabiliter credi possit, ipsos evassuros peiores; unde infecta illa ovis, quæ scelerum Magistra erit facta, ad inficiendas alias oves in Religionem sanas admitti non debet: Ergo huiusmodi criminosi non debent condemnari ad triremes, etiam si delictum sollicitationis sit gravissimum, quia Tribunal Inquisitionis potius attendit ad emendationem scelerati, quam ad punitionem.

177 Respondetur, 1. ad illud quod dicitur, quod esset scandalum, si per dictam pœnam publicaretur delictum sollicitationis, quod ad secretum Sancti Officij pertinet, quod taliter Confessarius mittatur ad triremes, quod delictum ignoretur, etiam si videatur pœna, & ad illud quod dicitur ex sententia Peyrinis, quod sunt peiores, respondeo tuam doctrinam debere observari à Iudicibus Ecclesiasticis quantum fieri potest, quia si loco huius pœnæ Ecclesiasticus recludatur perpetuò in carcerem cum disciplinis, & alijs salutaribus pœnitentijs melius potest sperari emendatio, quam ex condemnatione ad triremes, & aliunde excusatur maxima indecentia denigrativa status; sed non est dubitandum, quod DD. Inquisitores possunt imponere hanc pœnam ex facultate expressè concessa à Gregorio XV. ut clarè constat ex verbis Bullæ, & in aliquo casu singulari convenit, quod hæc pœna imponatur, ut ceteri timeant, & præcipuè si cum sollicitatione ad venerea misceretur aliud enorme crimen, ut homicidium, vel scœminæ ne denunciaret, aut mariti ut liberius peccent: & addo quod tenerentur DD. In-

qui-

quisitores hoc facere si talia crimina fuerunt perpetrata, & postea sunt notoria in Civitate, vel populo.

178 Ex dictis in hac quæstione, & ex praxi frequentiori Inquisitionis Hispanicæ ponam de verbo ad verbum sententiam, quæ frequentior est in Tribunali pro punitione Confessarij sollicitantis, quæ solum mutatur penes magis, & minus secundum maiorem, vel minorem gravitatem sollicitationis. Causa conclusa, vocantur ab Inquisitoribus mediante aliquo Ministro Sancti Officij Consultor, si est in Tribunali, & Ordinarius, proferunt sententiam, illaque intimatur reo in Tribunali secreto; postea legitur in eodem secreto sententia cum meritis processus, præsentibus Secretarijs, secreti Sancti Officij, & 12. vel 16. Confessarijs ex Sæcularibus & regularibus, plus, minus vè ad arbitrium Inquisitorum; Confessor autem sollicitans stat in forma rei, reprehenditur graviter, comminatur, & monetur ab antiquiore Inquisitore; privatur ab audiendis confessionibus in perpetuum, imponitur illi exilium per aliquos annos secundum gravitatem delicti, à loco, in quo crimen fuit commissum, ab Inquisitione, in qua punitur, & à Corte Regia per octo annos, & etiam ab his locis per circuitum octo leucarum, per duos, vel tres annos recluditur in aliquo Monasterio, abiurat de levi, & si Regularis fuerit præcipitur, ut in Choro, & refectorio habeat ultimam locum, & privatur voce activa, & passiva; Postea per aliquem Secretarium secreti Sancti Officij iterum legitur in suo Conventu sententia cum meritis, præsentibus omnibus Religiosis professis, & post lectam sententiam ab omnibus flagelatur.

179 Vt dixi hæc pœnæ secundum maiorem, aut minorem gravitatem sollicitationis, aut secundum eius frequentiam debent augeri, aut minui; pro quo semper DD. Inquisitores attendunt ad causas, quæ concurrunt, an minuant, vel aggravent sollicitationem, quod deducitur ex aliquibus exemplis, ut ad normam istarum sollicitationum, aliæ discurrantur in ordine ad pœnas imponendas. i. exemplum est,

est, si fœmina soluta, verbis sollicitetur absque actu venereo habito in actu Sacramentalis confessionis, non est sollicitatio qualificata, sed simplex. 2. si fœmina coniugata sollicitetur in actu Sacramentalis confessionis, & actus nō fuerit sequutus, sollicitatio habet tantum vnam qualitatem, quæ est in specie adulterij; at verò si eadē coniugata sollicitetur attrectando eius crura, aut verenda, sive perficiendo actum turpem, tunc erunt duæ qualitates aggravantes, scilicet turpe factum, quo magis inquinatur Sacramentum, & simul adulterium, quod principaliter intenditur, idem est dicendum de virgine, & Moniali: quia eadem est ratio.

180 Cum dictis exemplis cognoscas, in sollicitationibus fœminarum, quando propter qualitates concurrentes debet aggravari, vel minui pœnæ; sed quia Bulla Gregorij XV. loquitur de sollicitationibus fœminarum, & virorum, de verisque apponam exemplum. Si puer provocetur ad nefandū ali quo facto turpi, sicut est attrectare eius verenda, aut fœmina nupta ad habendum congressum per vas præposterum, in hoc casu sunt tres qualitates aggravantes, scilicet ex persona, ex facto, & ex fine, & si actus consummatur sunt quatuor, & idem est discurrendum de similibus. Quantum enim plures concurrant circumstantiæ aggravantes, vel mutantes speciem, magis debent augeri pœnæ; si autem deficient minui; nam hoc modo secundum ius Canonicum, & Civile est procedendum in applicatione pœnarum.

181 Adverto ultimò, quòd pœnæ sunt applicandæ tali modo, ut secundum circumstantias sint congruentiores ad vitium puniendum, & ad emendationem delinquentis, & illa pœna dicitur congruentior, quæ magis opponitur vitio, quia medicina debet esse contraria morbo, id est debet esse talis, quòd delicto in quo deliquit reus adversetur, & reprimatur secundum textum in cap. ex tenore 10. de sentent. excommunic. Quare frequenter imponitur suspensio ab audientis confessionibus, quia si hac via Confessarius deliquit, auferendo occasionem reprimatur, & etiam esset sanum, quòd  
im.



imponerentur ieiunia, & disciplina, quia vitia carnis reprimuntur, ideoque canit Ecclesia tempore Quadragesimæ: *Qui corporali ieiunio vitia comprimis.* Etiam observant DD. Inquisitores modum puniendi delicta, quia multoties expedit, quod fiat cum secreto maximo, & in alijs occasionibus, quod supplicium perveniat ad aures omnium, quia delictum fuit notorium.

## QVÆSTIO V.

*An Confessarij sollicitantes semper solum abiant de levi*

### §. I.

*De suspitione de levi, & de vehementi.*

182 **C**ERTVM, & indubitatum est, quod Confessarij sollicitantes in Italia abiurant de vehementi, quia ibi reputantur suspecti in fide de vehementi; in Hispania autem regulariter abiurant de levi, quia solum habentur, ut suspecti in fide leviter; cum autem quælibet abiuratio iuridica sit maxime denigrativa personæ, ut ista pœna iudicialiter imponatur, oportet quod plena probatio delicti præcedat secundum conditionem criminis, ut autem hæc quæstio cum claritate decidatur prius debemus scire, quid sit suspicio in fide de levi, de vehementi, & violenta.

183 Doctissimus Peña 2. part. direct. distinguit triplicem suspicionem in fide, nempe levem, vehementem, & violentam; dicitur suspicio levis, non quia sit temeraria, quia summa prudentia est directa, sed dicitur levis, quia sumitur ex indicijs externis, ex quibus colligitur, quod raro, & casu quodam talia exerceens sit hæreticus, v.g. in Hispania, qui contrahit 2. nuptias vivente 1. vxore est suspectus de levi, quia qui talia exercet in Hispania raro est hæreticus, ideoque non est torquendus super intentionem. Suspicio vehemens est probabilis coniectura desumpta ex factis,

*Nunq*

*aut*



aut verbis, ex quibus capitur argumentum, quòd talia exercens frequenter, & ut in plurimum est hæreticus, v. g. qui abigitur Sacramento Eucharistiæ ad fabricandum aliquod fortilegium est suspectus de vehemènti in fide, quia talia exercens frequenter est hæreticus, ideoque potest torqueri super intentionem, suspicio violenta est præsumptio iuris, & à iure, quia ex dispositione iuris præsumitur hæreticus talia dicens, vel exercens, ita ut contra talem præsumptionem regulariter, & directè probatio non admittatur, quia ex talibus dictis, vel factis efficaciter concluditur error in mente operantis, ut si aliquis faceret cæremonias iudaicas, vel diceret imagines non esse adorandas, sed omnia ista in Tribunali qualificatur absque præsumptione, ut hæretica formaliter attendendò ad dicta, & facta, & talia faciens, vel dicens reputatur ut hæreticus formalis pro foro externo.

184. Licet omnes Auctores cognoscant has differentias suspicionis in fide est inter illos magna difficultas, per quid constituatur delictum generans suspicionem in fide, quod est idem ac inquirere, quas circumstantias debet habere, crimen, ut prudenter, & absque temeritate iudicetur, operantem male sentire de aliquo articulo fidei catholicæ. Licet enim hoc iudicium possit esse fallum, & multòties non sit sicut iudicatur, tamen non est temerarium, sed prudens, & hoc est sufficiens, ut DD. Inquisitores possint de illo iudicare; nam ut constat ex Bullis Pontificijs non solum possunt cognoscere de delictis, quæ clarè sunt opposita fidei, sed de omnibus delictis, quæ generant suspicionem in fide.

145. Alphonsus à Castro de iusta hæreticorum punitione distinguit tria genera delictorum cap. 1. alia, ad quæ omnes sumus proni, ut sunt carnis voluptates, cupiditas divitiarum, appetitus honoris, & dignitatum ambitio, ista enim delicta secundum se non generant suspicionem in fide, quia præsumitur quòd talia faciens non intelligit licitè operari; dixi secundum se, quia si adiungitur aliqua circumstantia gra-

gravissima, bene potest generare suspitionem in fide, ut  
quis vivente prima vxore aliam ducat; alia sunt peccata, que  
refugit natura, & nunquam ad illa movetur nisi impelatur,  
vel ab errore intellectus, vel à passione vehementi, ut est  
occisio sui, aut abscissio membri præcipui; hæc enim cri-  
mina nisi constet, quòd sunt commissa ex vehementi passio-  
ne, aut ex pusillanimitate generant suspitionem in fide,  
quia prudenter iudicatur talia facientes existimare id sibi  
licere, ut hæretici circuncelliones; alia sunt opera, ad quæ  
voluntas, nec ex se dicit propensionem, nec repugnantiam  
possitivam, sed intellectus illa ostendit, ut sunt ceremonie  
iudaicæ, scilicet Sabbati observatio, usus Agni paschalis, &c.  
in his enim cum voluntas non moveatur à delectabilitate  
objecti, movetur ab intellectu errante, qui iudicat illa ope-  
ra esse licita; quare ex his operibus resultat suspicio violenta  
contra operantem.

186 Emmanuel Valle de Moura de *incant. cap. 3. nu. 6.*  
& *segg. cap. 5. & 6.* dicit illud delictum generare suspicio-  
nem in fide, & reddere operantem suspectum, quod est enor-  
me, vel ratione sui objecti, quia est contra naturam, vel  
ratione circumstantiarum, in quibus enormitas relucet. Exis-  
timo hanc sententiam aperte esse falsam, quia in præsentem  
non loquimur de suspitione Theologica, sed de iuridica,  
ut optime Corduba in *questionar. quest. 17. §. 7. vers. Sequi-  
tur ex dictis*. Licet enim quodlibet enorme delictum gene-  
ret suspitionem Theologicam, non autem iuridicam, nisi  
enormitas habeat aliquas circumstantias, ex quibus id possit  
colligi; enormissimum enim delictum est, quod filius occidat  
Patrem, & etiam proditio Patriæ, & nullus dixit, huiusmo-  
di delicta generare suspitionem in fide; ergo ex enormitate  
delicti præcisè non colligitur suspicio in fide, quæ iuridica  
est.

187 Magister Soto in relectione de propositione hære-  
tica, & Corduba loco citato dicunt, quòd exercere illa ope-  
ra, quæ approbantur, ut licita ab hæreticis generat suspicio-

nem in fide, sed ego addo ut hæc sententia bene intelligatur, quod si ista exercentur, ac si essent licita, hoc modo generant suspicionem in fide; non præcisè, quia exercentur, quia alias fornicator esset suspectus in fide; sed quia taliter exercentur, ac si essent licita, v. g. quis committit simplicem fornicationem, & immediatè post sine prævia confessione, cum possit, accedit ad Eucharistiam, vel celebrat Sacram; iste est suspectus de hæresi, non quia fornicator, sed quia opus exercuit, quod permittit hæresis; nam ex eo quod post fornicationem non confitetur, cum possit, & accedit ad Sacram Eucharistiam capitur præsumptio de mala credulitate, quia opus exercet, ac si non esset peccatum simplex fornicatio.

188 Dixi ista facta tali modo exercita generare suspicionem in fide, quia potest concurrere aliqua circumstantia, qua purgetur talis suspicio, constat ex *cap. de humine de celebrat. Missar.* ubi constat, quod licet Sacerdos celebrans existens in peccato mortali, melius iudicasset non consecrare, sed hostiam non consecratam Populo adorandam ostendere, quam consecrare in mortali, quamvis hoc factum generaret suspicionem in fide; tamen ignorantia excusavit, & à suspicionem purgavit, quia talis Sacerdos bona fide existimavit minus hoc repugnare reverentiæ divinæ, quam consecrare in peccato mortali.

189 Sed in omnibus casibus pertinentibus ad Tribunal Sanctæ Inquisitionis maxime est observandum, & attendendum ad diplomata Pontificia; itaque quamvis delictum generet suspicionem in fide, si non est Bulla alicuius Pontificis, vel aliqua dispositio iuris Canonici, aut consuetudo introducta in Tribunali, DD. Inquisitores non iudicant de illo crimine, quia de eo non est suspicio iuridica, sed tantum Theologica. Constat hoc in crimine fractionis sigilli confessionis, quod est gravissimum sacrilegium, & generat suspicionem in fide, quia præsumitur, quod talia faciens male sentit de Sacramento Penitentiae; hoc

non

non obstanti, quia non est Bulla Pontificia, quæ det facultatem Inquisitoribus, ut contra hos Confessarios procedant, suspicio solum est Theologica, ideòque contra illos criminolos non procedit Tribunal Sancti Officii.

190 Non est dubium in præfenti, an Confessarius sollicitans sit suspectus in fide suspitione iuris, & à iure, quia hoc apertè constat ex diplomatibus Pontificijs, nempe *Pij IV. Pauli V. Clementis VII. I. & Gregory XV.* solum enim est difficultas an sit suspectus tantum de levi, an etiam de vehementi? Sed antequam ad questionis resolutionem descendamus oportet radicitus intelligere, quomodo Confessarius sollicitans ad venerea, qui regulariter est bonus Catholicus, possit esse aliquo ex dictis modis suspectus in fide?

191 Videtur enim quòd frequenter Confessarius sollicitans nullo modo sit suspectus in fide, quia si sollicitatio non est ex motivo malæ credulitatis, sed ex vehemèti passione erga feminam, cuius pulchritudine vincitur, & præcipuè si est maximè inclinatus ad res venereas, & abusus Sacramenti Penitentiae tantum se habet concomitantè ad sollicitationem, quia si in defensionem Sacramenti Penitentiae occasio se offerret, taliter Confessarius sollicitans est radicans in fide, quòd si esset possibile, millies in favorem tanti Sacramenti moreretur, & præcipuè in Hispania, ubi non permittitur error Sectariorum Luteri, nec unquam in publico fuit: ergo Confessarius sollicitans nullo modo est suspectus in fide.

192 Responderetur, quòd ista ad sumum præbant, quòd huiusmodi Confessarius in foro interno non deliquit contra fidem, & ideò tantum præsumitur deliquisse, quæ præsumptio non est temeraria, quamvis possit esse falsa; at verò in foro externo cum abutatur Sacramento Penitentiae prudenter iudicatur suspectus in fide à Summis Pontificibus, quorum declarationibus standum est, quia quantumcumque Confessarius sit radicans in fide, factò fidè Catholicam impugnat.

nat, idēque adhuc in Hispania, vbi non est error circa hoc Sacramentum non potest totaliter purgari à suspicione, cum factum sit contrarium fidei.

## §. II.

## Resolvitur questio.

193 **R**esolutio huius quæstionis dependet ex resolutione alterius, scilicet an Confessarij sollicitantes sint suspecti de levi, aut de vehementi, quia si sunt suspecti de vehementi, debent abiurare de vehementi; si autem de levi debent abiurare de levi. Variè enim discurrunt Auctores circa præsentem quæstionem. Carena *part. 2. de Confess. sollicit. tit. 6.* defenfat: Confessarios sollicitantes esse suspectos de vehementi, ac per consequens debere abiurare de vehementi, citat Pegnam *ad direct. part. 2. comm. 81. vers. Ille quoque Bariolam in suis Floribus direct. Inquis. de Confess. sollicit. vers. Suspicio, qua argentur, & in vers. Debent Confessarij*, Leonem *in Thesaurò fori Ecclesiast. part. 3. cap. 37. num. 35.*

194 Thomas Hurtado *tract. 4. de sollicitant. cap. 8. resol. 34. num. 375.* loquitur cum distinctione; dicit enim, quod si sollicitatio sit in actu confessionis veræ, Confessarius est suspectus de vehementi, & de vehementi debet abiurare, nisi sit usus in contrarium; si autem sollicitatio sit extra occasionem Confessionis in Confessionario, tunc solum debet abiurare de levi, quia in hoc casu solum de levi est suspectus. Alij absque distinctione docent, quod Confessarius sollicitans est tantum suspectus de levi, ita per Illustris D D. Ioseph Scisse Regius Consiliarius in Supremo Consilio Aragoniæ, huius nostri Cæsar-Augustani Conventus Sanctæ Mariæ de Victoriæ maximus benefactor, Consultor Supremi Consilij Inquisitionis Hispanicæ suo *tom. 4. decis. 449. num. 3. & decis. 450. num. 9. & decis. 454. num. 6.* Sousa *de Confess. sollicit. tract. 1. cap. 5. num. 6.* Acuña *tract. de Confess.*  
so-



*solicit. quest. 2. num. 29.* Castrus à Palao in *Summ. tom. 1. tract. 4. disp. 9. punct. 6. num. 1.* & est communis inter Auctores Hispaniæ, & ex his duabus sententijs, orta fuit diversitas inter Inquisitiones Hispaniæ, & Italiæ; sicque adhæredo huic sententiæ in Inquisitione Hispanica Confessarij sollicitantes abiurant de levi, & in Italia secundum primam sententiam abiurant de vehementi.

195 Mihi valde placet sententia D. Ioann. Escobar, qui *part 1. quest. 1. num. 12.* defenfat, quòd licet in Hispania regulariter Confessarij sollicitantes abiurent de levi, tamen pro suspitione, & abiuratione non potest certa regula statui, quia suspiciones omnes à Iudicium animis oriuntur, cum fundentur in præsumptione, & ex diversis rerum circumstantijs, diversas deducunt præsumptiones secundum textum in *l. ob carmen 21. §. si testes 3. versic. Confirmavit, de testibus, l. minor. 32. de minor.* citat Menochium *lib. 1. præsumpt. quest. 5. num. 4. & seqq. & quest. 7.* Farinacium *1. tom. praxis criminalis, quest. 36. à num. 93. maxime 98.*

196 Hanc sententiam sequor, & prima pars illius probatur: suspicio de levi sumitur, & capitur ex illis verbis, & factis, quibus rarò in operante reperitur hæresis; sed sollicitatio ad venerea in Hispania, vbi non est error circa Sacramentum Pœnitentiæ est factum, ex quo rarò deducitur hæresis, aut error in fide: ergo est delictum quod frequenter tantum generat suspicionem in fide de levi; ac per consequens regulariter Confessarij debent abiurare de levi. Hoc parificatur in Polygamis, qui in Italia sunt suspecti de vehementi, quia præsumitur, quòd hoc quod est habere simul duas vxores procedit frequenter ex aliquo errore intellectus; sed quia frequenter in Hispania, vbi numquam circa hoc delictum fuit error, procedit ex libidine, & non ex errore intellectus, Polygami tantum sunt suspecti de levi: ergo cum eadem ratio militet in Confessarijs sollicitantibus, frequenter sunt suspecti in fide tantum de levi.

197 Secunda pars, scilicet quòd non potest certa regula



la statui, sed hoc est relinquendum iudicio Inquisitorum, etiam est mihi certa, & videtur clara, si attendamus ad verba Bullæ Gregorij XV. nam vt. constat ex eius tenore pro qualitate sollicitationis assignat pœnas applicandas ad arbitrium DD. Inquisitorum, & inter alias ponit pœnas non solum suspensionis, & privationis beneficiorum, sed etiam degradationis, traditionis brachio sæculari; sed istæ pœnæ correspondent in Sæncto Officio criminibus, quæ ad minus generant suspicionem in fide de vehementi, & etiam si crimen sit atrocissimum, degradatio, & traditio brachio sæculari, solum exercetur cum hæreticis relapsis, vel impenitentibus, aut negativis: ergo aliquando sollicitatio habet tales circumstantias, quod redit sollicitantem plusquam suspectum de levi: ergo non potest statui regula generalis, sed hoc debet reduci ad iudicium DD. Inquisitorum.

198: Vt autem hæc doctrina applicetur ad casus particulares ponam duos, in quibus meo videri Confessarius fuit suspectus vehementer in fide. Primus fuit alijs temporibus in præxi per aliquem Confessarium sacrilegum, qui eodem tempore, quo filia spiritualis confitebatur sua peccata, titulo reliquiæ dicebat, & executioni fuit mandatum, quod illa haberet verenda Cōfessarij suis manibus. Sentio enim, quod in hoc casu Confessarius fuit suspectus de vehementi, quia addit circumstantiam verentem magnopere in derisum Sacramenti Pœnitentiæ.

199: Secundus casus comprehensus in Bulla Gregorij XV. est, quando Confessarius sollicitat feminam vt. peccet, non secum, sed cum alio. In hoc enim casu intelligo, quod Confessarius est suspectus de vehementi, quia tota ratio, quare in Regnis Hispaniæ Cōfessarius sollicitas ad venerea est suspectus tantum de levi est, quia præsumitur, hanc sollicitationem frequenter procedere ex libidine; sed casu, quo sollicitet ad peccandum cum alio, hæc causa cessat: ergo est suspectus de vehementi, ac per consequens huiusmodi Confessarius debet abjicere de vehementi.

*Alio*

200 Alio modo videtur, quòd in Inquisitione Hispanica Confessarius sollicitans debet abiurare de vehementi, licet Pater Salelles maximè versatus in materijs Inquisitionis contra praxim Inquisitionis Hispanicæ dicat, quòd etiã pro secundo lapsu Confessarius sollicitans, qui abiuravit de levi, potest abiurare de vehementi; nam postquam *tom. 3. pag. 30. num. 17. & 18.* dixit, quòd si relapsus abiuravit de levi, cum eisdem indicijs levibus, etiam pro secundo lapsu debet abiurare de levi; postea *num. 20.* dixit, quòd si habet cõsuetudinem committendi talia crimina debet abiurare de vehementi, eo quòd indicia de se levia transeant ad vehementia, attenta hac circumstantia, quòd reus similia committere consuecat. Sed præcisè pro secundo lapsu, si semper perseverat indicia levia, in Hispania Confessarij sollicitantes non abiurant de vehementi, sed augentur poenę propter reincidentiam.

201 Casum præsentem pono in illo, qui 3. incidit in idem crimen sollicitationis, quod potest contingere; nam licet Confessarius sollicitans maneat perpetuò privatus ab audiendis confessionibus, potest ductus sua inclinatione depravata iterum sollicitare, vel confitendo, vel simulando confessionem, & incidere 3. in manus Sancti Officij; in hoc enim casu iudico, quòd huiusmodi Confessarius potest constringi ad abiurandum de vehementi, sed hoc relinquitur suo arbitrio attenta suspitione secundum circumstantias cõcurrentes, & istę circumstantię possunt esse, vel frequentia sollicitationum, vel alia causa.

202 Ratio huius resolutionis est, quia in hoc differt crimen sollicitationis ab alijs delictis generantibus suspicionem in fide, quòd sollicitatio etiam in 3. lapsu præsumitur, quòd procedit ex fragilitate, & pronitate ad lasciviam, quod non evenit in alijs delictis generantibus suspicionem in fide, ut constat in fortilegijs, quę amatoria non sunt; si enim fortilegus abiuravit de levi, & postea relabitur præsumitur, quòd habet parvum assensum circa res fidei, & fre-

querer malam credulitatem; cum non detur alia causa, ex qua in 3. lapsu talia delicta procedant: ergo etiam pro 3. lapsu frequenter debet imponi abiuratio de levi, nisi tales circumstantiæ concurrant, quòd DD. Inquisitores iudicent talia exercentem habere malam credulitatem.

203 Nec placet pro Inquisitione Hispanica sententia Thomæ Hurtado loco citato, nempe quòd sollicitans in confessione vera, debet abiurare de vehementi; non autem qui sollicitat in confessione simulata, aut prætexit, & occasione confessionis, quia licet sit maius crimen, ex eo non resultat maior suspicio, sed debet gravius puniri Confessarius; nam sicut ex sollicitatione facta simulando confessionem præsumitur, quòd frequenter procedit ex affectu ad libidinem, ita contingit in sollicitatione ad venerea in actu Sacramentalis Confessionis, sicque solùm debet abiurare de levi; verum enim est, quòd gravius punitur sollicitans in actu Sacramentalis Confessionis, quam qui sollicitat tantum simulando confessionem.

204 Ut autem hæc melius practicentur semper DD. Inquisitores debent habere præ oculis, quòd licet in omnibus casibus contentis in Bulla, Confessarij sollicitantes sint suspecti de levi, si non concurrant aliæ circumstantiæ, sed pro qualitate delicti gravius, vel mitius puniuntur in Sancto Officio. Itaque si cetera sint paria gravius debet puniri, qui habuit molliorem in actu Sacramentalis Confessionis, quam Confessarius, qui tantum sollicitavit ad copulam habendam postea, & sic de ceteris, & gravius punitur, qui deliquit in actu Sacramentalis Confessionis, ac ille qui sollicitavit simulando confessionem, aut in Confessionali, & ita est procedendum in similibus delictis.

205 Dixi si cetera sunt paria, quia Tribunal Sanctæ Inquisitionis est medium inter Pœnitentiæ Sacramentum, & alia Tribunalia pro foro externo; imitatur Sacramentum Pœnitentiæ in eo, quòd finis principalis est lucrare animas, & sicut cum maiori misericordia, & benignitate proceditur

in Tribunali Pœnitentiæ cum peccatoribus, qui cum verecundia, & signis emendationis confitentur sua peccata, ac cum illis, qui coacti suasionibus, & pœnis interni repide illa facerentur, ita proceditur in Sancto Tribunali, & si imponitur pœna est secundariæ, in hoc habet similitudinem cum alijs Tribunalibus, sed discriminatur in eo, quod alia Tribunalia principaliter attendunt ad publicam vindictam; at Sanctum Officium ad emendationem, & sic cum pœnitentibus, & confessis mitius procedit, quam cum negativis, & impenitentibus, ideo videmus multoties aliquos mitius tractari in Sancto Officio cum gravioribus delictis, quam alios cum minoribus.

106. Solum enim ex his causis procedit maior misericordia cum pœnitentibus in Sancto Officio, quia ibi conservatur semper integritas, nec est periculum pervertendi illud rectum Tribunal ad ingressum vitij, acceptionis personarum, quia in illo proceditur summa integritate, & occlusa est via ad favores excommunicatione Pontificia, & hoc modo nec Reges, nec Principes, nec Nobiles se interponunt ad loquendū pro illis, ne incidam in excommunicationem, & aliunde à nullo Tribunali, vel Principe potest impediri liberum modum procedendi, quia etiam contra hos sunt excommunicationes Pontificia. Quare in hoc Sanctissimo Tribunali solum attenditur ad Deum, & ad illius causam.

§. II.

*Argumenta contraria, & aliqua dubiola.*

107. **A**rgumentum 1. pro contraria sententia potest ad hanc formam reduci: in omnibus Inquisitionibus debemus stare ad tenorem Bullarum Pontificum; sed secundum Bullam Gregorij XV. & Pij III. Confessarii sollicitantes sunt suspecti de vehementi: ergo non solum in Italia, sed etiam in Hispania debent abiurare de vehementi. Probat minor, hæc sunt verba Bullæ: *Nos in animum*

*inducere nequeunt, quòd qui de fide Catholica rectè sentiunt, Sacramentis in Ecclesia Dei Institutis abutantur, aut illis iniuriã faciunt, &c.* Sed ex his verbis clarè colligitur, Summũ Pastorem præsumere, non benè sentire de fide, qui abutitur Sacramento Pœnitentiæ, quod generat suspensionem de vehementi in fide: ergo Confessarius sollicitans ad venera in Sacramentali confessione est suspectus de vehementi.

208 Respondetur, quòd ex verbis Summi Pontificis solùm inferitur, Confessarium sollicitantem esse suspectum in fide; non autem quòd sit de levi, aut de vehementi; nam hoc indefinitum relinquit; imò potius ex his verbis mea sententia confirmatur, quia cum Summus Pontifex statuatur præsumptionem de mala credulitate ex abusu Sacramenti Pœnitentiæ, & non determinet, an hæc præsumptio sit vehemens, vel levis deducitur hoc esse iudicandum per DD. Inquisitores attenta qualitate, & modo abusus; ideòque dixi, quòd licet frequenter Confessarius sollicitans in confessione sit suspectus de levi, possunt dari casus, in quibus sit suspectus de vehementi.

209 Argumentum 2. sic procedit: fortilegia, quæ sunt abusu Sacramentorum generant suspensionem in fide de vehementi: ergo etiam sollicitatio cum abusu Sacramenti Pœnitentiæ generat suspensionem de vehementi. Probatur consequentia à paritate: ex eo fortilegia cum abusu Sacramentorum generant suspensionem de vehementi, quia sumuntur, ut media, vel ad consequendam libidinem, vel ad divitias habendas, vel alia huiusmodi; sed etiam sollicitatio ad venera in Sacramento Pœnitentiæ sumit Sacramentum, ut medium ad libidinem explendam: ergo huiusmodi sollicitatio generat suspensionem in fide de vehementi.

210 Respondetur negando consequentiam, ad probationem distinguo minorem, sollicitatio sumit Sacramentum, ut medium ad explendam libidinem, immediatam nego minorem, mediatam concedo minorem, quia Sacramentum Pœnitentiæ solum sumitur ut medium ad sollicitandum immed-

di atq̃, & Confessarius non existimat, quòd Sacramentum habet virtutem ad consequendam scēminam, sed solùm sperat illam consequi suasionibus filius in fragilitate humana, & suis verbis amatorijs; quare ad explendam libidinem abusus Sacramenti solùm se habet concomitanter, & Sacramentum propriè non est medium ad explendam libidinem, sed ex illo Confessarius sumit occasionem ad sollicitandum ad libidinem, & cum aliunde in Hispania non sit error circa Sacramentum Poenitentiae, præsuntur quòd frequenter hæc sollicitatio non procedit ex mala credulitate, sed ex fragilitate, & nimia inclinatione ad res venereas.

211 Non sic accidit in sortilegijs hæreticalibus in primo gradu; nam in illis speratur consequitio mali finis ex efficacia, & virtute Sacramenti; ac per consequens præsuntur, quòd talia faciens frequenter habet malam credulitatem, quia si non crederet, quòd illa media habent efficaciam vel ad consequendum amorem lascivum, vel divitias, non abuteretur Sacramentis; ideoque etiam si in sortilegijs amatorijs, vna ex causis sit libido, & præsuntur, quòd sit ad libidinem consequendam, cum applicentur Sacramenta, ut media immediata ad illum finem consequendum, & hoc frequenter procedat ex credulitate efficacie ad hunc pravam finem consequendum, semper generatur contra operantem suspicio de vehementi in fide, & ad hanc purgandam sortilegus abiurat de vehementi.

212 Primum dubiolum, quòd se offert circa dicta est, an Confessarius sollicitans, qui abiurat de levi, teneatur ab iurare, & deterreret omnem hæresim? *Pegna in direct. 3. part. Comment. 40. versic. in quo tamen cum seqq.* respondet negativè, sed praxis est contraria: itaque hodiè Confessarius abiurans de levi, omnem hæresim deterrere; sed si postea incideret in aliquam hæresim, non puniretur ut hæreticus relapsus, quia quando abiuravit de levi, nō abiuravit de formali; quod erat necessarium, ut postea, ut relapsus puniretur.

213 Secundum dubiolum huic affine est, quid sit faciendum,



dum, quando Contellarius sollicitans renuit abiurare? Respondetur, quòd possunt DD. Inquisitores illum cogere per excommunicationem ad abiurandum, sed non potest pl<sup>u</sup> et ultimo supplicio, quia hoc tantum habent locum in veris hæreticis, ut constat *ex cap. ad abolendam 9. versis. Presenti capite excommunicamus 13. §. addycimis in fin. de hæreticis*; sed in casu, quòd per annum intordescat potest puniri ut hæreticus, quia intordescencia per unum annum generat suspicionem violentam contra fidem, & sic poena ordinaria hæreticorum est puniendus, qui per annum inforduerit.

214 Ex his resultat tertium dubiolum; an non solum qui infordescit per annum in excommunicationem incursum in causis fidei sit puniendus per DD. Inquisitores, ut hæreticus præsumptus, sed etiam qui incurrit excommunicationem in causis Civilibus, & per annum infordescit? Castus à Palao *tom. 1. tract. 4. disp. 4. punct. 2. num. 5.* cum Farinacio, & Menochio existimat esse suspectum de fide, qui per annum infordescit, non solum quando incurritur excommunicatio pro aliquo crimine, sed etiam in causa Civilis; & ratio illius est, quia minus potest retardare ad comparandum causa Civilis, quam Criminalis: ergo si infordescit excommunicatus pro causa Civili, maius fundamentum datur ad præsumendum malè sentire de potestate Ecclesiæ.

215 Postquam P. Diana 4. *part. tract. 7. resol. 18.* statuit cum Barbosa in *Cellest. tom. 3. lib. 5. tit. 2. cap. 6. num. 6.* quòd DD. Inquisitores non procedunt contra infordescen-tes per annum, quando excommunicatio est lata pro causa Civilis, in eodem loco *vers. Verum notandum* defensat, quòd DD. Inquisitores solum procedunt contra infordescen-tes in excommunicationem per annum, quando excommunicatio fuit incurta in causis fidei, & tunc infordescens non condemnatur, ut verus hæreticus, sed ut præsumptus; idemque iudicat esse discurrendum de fautoribus, defensoribus, & receptoribus hæreticorum, & de impediens quomodolibet exercitium liberum Sanctæ Inquisitionis.

216 Quartum dubiolum est: supposito, quòd Confessarius cum magna irrisione Sacramenti Pœnitentiæ sollicitaret ad venerea, taliter quòd esset vehementissimè suspectus de hæresis; ideoque deberet abiurare de vehementi, si torqueretur super intentionem, & in tortura responderet catholicè; an postea tantùm esset ei imponenda abiuratio de levi? Respondetur debere abiurare in hoc casu de vehementi; quia licèt per torturam respondendo catholicè liberetur ab abiuratione de formali, quia cum error consistat in mente, si iste non constat per Confessionem rei, neque hæresis formalis externa, cui correspondet abiuratio de formali; ac cum suspicio de vehementi fundetur in præsumptione orta ex ipso delicto, cum hoc semper perseveret, etiam præsumptio; ideoque est imponenda abiuratio de vehementi, quamvis in tortura catholicè respondeat.

217 Ex quibus omnibus infero, esse plures causas, etiam si delictum secundum se sit gravissimum, ad augendas, aut minuendas pœnas, & DD. Inquisitores ad has causas attendunt, & est casus practicabilis: nempe si foemina audax Confessarium sollicitet, & si non assentiarur minetur se vociferaturam, aut testificaturam coram Inquisitoribus se ab illo sollicitatam fuisse, & tunc habeat rem cum illa, vel consentiat habendam postea, licèt sit sollicitans comprehensus, ut dixi in Bulla, cum illo mitissimè est procedendum. In his, & alijs casibus pœnæ sunt in arbitrio maximo DD. Inquisitorum, qui possunt minuire pœnas impositas à iure, ut communiter docent Auctores, taliter quòd Farinacius

*tom. 1. crimin. quest. 17. num. 22.* etiam ex-

tendit hoc arbitrium, si concurrant iu-

sta causa, ad crimen hæ-

resis.

pacientes roturam, licet idem debeat fieri cum his, aut cum senibus devilis naturæ.

220. Suppono 2. in Sancto Officio pro crimine enormi generanti suspicionem de vehementi in fide non solum torqueri plebeios, sed etiam Nobiles, licet isti sint mitius torquendi, quia illi in criminibus eiusdem speciei. Ita Simancas in *Catol. instit. tit. 65. num. 62.* & Pegna in *direct. par. 3. comment. 110.* Dixi cum æquali delicto, quia si Nobilis esset hæreticus formalis, & plebeius solum suspectus de levi, aut de vehementi, sentio durius esse torquendum nobilem, licet in penis publicis diversæ pro illo applicetur pœnæ, nisi in casu, in quo esset puniendus ut hæreticus relapsus, negatus, aut impenitens.

221. Suppono 3. quod etiam si sint personæ privilegiatæ viri, qui non pervenerunt ad 14. annos, ut docet Doctissimus Sesse in *decis. Regni Aragonum tom. 2. decis. 476. nu. 20.* hoc privilegium non habet locum in crimine læsæ Maiestatis Divinæ, & humanæ, sed in alijs criminibus pertinentibus ad Sanctum Officium si sint minores etate 14. annorum non solum sunt terrendi verbis, sed terrore reali, ut nudando, ligando, & adducendo ad locum tormenti; non tamen imponendo; si autem sint minores 25. annis ingressi 14. ad minus, possunt torqueri, sed mitius quam maiores. Ita Pegna in *direct. Inquis. part. 3. comment. 110. §. minores* verò 20. annis, Simancas in *Catol. instit. tit. 65. num. 45.* licet plures Auctores apud Farinacium *quest. 42. nu. 102. & 133.* defensent, quod etiam si sint minores etate 14. annorum possunt torqueri moderatè, quando potest fieri sine periculo.

222. Si autem fuerint feminae, si sint prægnantes, nec possunt torqueri, nec terri verbis, & post partum non sunt torquendæ nisi post 40. dies. Ita Cantera in *qq. criminali. quest. 10. de reo num. 1.* Tuschus *lit. F. concl. 328. num. 21.* ita ut si infra 40. dies torqueretur, & fateretur delictum confessio esset nulla, Antonius Gomez *tom. 3. par. cap. 13. num. 34.*

persona esset suggerere, & incitare ad falsum. Ita Miranda in ordine Iudic. tom. 2. quest. 26. art. 15. concl. 7. Simancas in Causol. instit. tit. 65. num. 17. & seqq. ideò que in instruct. Tol. tana anni 1561. sic statuitur. Al tiempo, que la sententia de tormento se pronunciare, el reo sea advertido, particularmente de las cosas sobre que es puesto à question de tormento; pero despues de pronunciada la sententia, no se le deve particularizar cosa alguna, ni nombrarse persona de los que parecieren culpados, ò indiciados por su proceso, y en especial, porque la experiencia enseña, que los reos en aquella agonia dicen qualquier cosa, que les apunten, de que se sigue perjuyzio de terceros, y ocasion para que se revoquen sus confessiones, y otros inconvenientes. Quare de nullo delicto in particulari, aut persona interrogandi sunt.

225 Cum confessio facta in tormentis non noceat, nisi postea ratificetur, neque si reus confiteatur ex comminatione propinqua tormenti, post tormentum, & confessionem, aut factam in tortura, aut in reali comminatione propinqua, debet reus ratificare suam confessionem, aliàs non posset per illam condemnari; difficultas ergo est inter Auctores, quomodo, & quo tempore debet fieri hæc ratificatio? De modo non est difficultas; nam omnes conveniunt in eo, quòd debet eam ratificare extra locum torturæ, quia si ibi fieret semper perseveraret reus in confessione facta in tortura timore alterius tormenti.

226 Soufa in Aphor. Inquis. lib. 2. cap. 39. num. 42. existimat hanc ratificationem debere fieri post duos, vel tres dies postquam inflicta fuit tortura; & ratio huius sententiæ potest esse, quia ratificatio, quæ dat valorem confessioni factæ in tortura debet fieri animo paccato absque aliqua perturbatione animi, & dolore; sed ad hoc est necessarium ad minus transire duos, aut tres dies, quia ex tortura manet dolor, & vehemens perturbatio animi, ad cuius serenitatē aliquod spacium considerabile temporis debet transire: ergo ad dictam ratificationem oportet ut saltē transeant duo, aut tres

nat, ideòque adhuc in Hispania, vbi non est error circa hoc Sacramentum non potest totaliter purgari à suspitione, cum factum sit contrarium fidei.

## §. II.

*Resolvitur questio.*

193 **R**esolutio huius quæstionis dependet ex resolutione alterius, scilicet an Confessarij solicitantes sint suspecti de levi, aut de vehementi; quia si sunt suspecti de vehementi, debent abiurare de vehementi; si autem de levi debent abiurare de levi. Variè enim discutunt Auctores circa præsentem quæstionem: Carena *part. 2. de Confess. solicit. tit. 6.* defensat: Confessarios solicitantes esse suspectos de vehementi, ac per consequens debere abiurare de vehementi, citat Pegnam *ad direct. part. 2. comm. 81. vers. Ille quoque Bariolam in suis Floribus direct. Inquis. de Confess. solicit. vers. Suspicio, qua argentur, & in vers. Debent Confessarij*, Leonem *in Thesouro fort Ecclesiast. part. 3. cap. 37. num. 35.*

194 Thomas Hurtado *tract. 4. de solicitant. cap. 8. resol. 34. num. 375.* loquitur cum distinctione; dicit enim, quod si sollicitatio sit in actu confessionis veræ, Confessarius est suspectus de vehementi, & de vehementi debet abiurare, nisi sit usus in contrarium; si autem sollicitatio sit extra occasionem Confessionis in Confessionario, tunc solum debet abiurare de levi, quia in hoc casu solum de levi est suspectus. Alij absque distinctione docent, quod Confessarius sollicitans est tantum suspectus de levi, ita per Illustris D. D. Ioseph. Scissè Regius Consiliarius in Supremo Consilio Aragoniæ, huius nostri Cæsar. Augustani Conventus Sanctæ Mariæ de Victoriæ maximus benefactor, Consultor Supremo Consilij Inquisitionis Hispanicæ suo *tom. 4. decis. 449. num. 3. & decis. 450. num. 9. & decis. 454. num. 6.* Sousa *de Confess. solicit. tract. 1. cap. 5. num. 6.* Acuña *tract. de Confessi-*  
so-



*solicit. quest.* 2. num. 29. Caltrus à Palao in *Summ. tom. 1. tract.* 4. *disp.* 9. *punct.* 6. num. 1. & est communis inter Auctores Hispaniæ, & ex his duabus sententijs orta fuit diversitas inter Inquisitiones Hispaniæ, & Italiæ; sicque adhærêdo huic sententiæ in Inquisitione Hispanica Confessarij sollicitantes abiurant de levi, & in Italia secundum primam sententiam abiurant de vehementi.

195 Mihi valde placet sententia D. Ioann. Escobar, qui *part* 1. *quest.* 1. num. 12. defensat, quòd licet in Hispania regulariter Confessarij sollicitantes abiurent de levi, tamen pro suspitione, & abiuratione non potest certa regula statui, quia suspiciones omnes à ludicum animis oriuntur, cum fundentur in præsumptione, & ex diversis rerum circumstantijs, diversas deducunt præsumptiones secundum textum in *l. ob carmen* 21. §. *si testes* 3. *versic. Confirmavit, de testibus, l. minor.* 32. *de minor.* citat Menochium *lib. 1. præsumpt. quest.* 5. num. 4. & *seqq.* & *quest.* 7. Farinacium 1. *tom. praxis criminalis, quest.* 36. à num 93. maxime 98.

196 Hanc sententiam sequor, & prima pars illius probatur: suspicio de levi sumitur, & capitur ex illis verbis, & factis, quibus rarò in operante reperitur hæresis; sed sollicitatio ad venerea in Hispania, vbi non est error circa Sacramentum Pœnitentiæ est factum, ex quo rarò deducitur hæresis, aut error in fide: ergo est delictum quod frequenter tantùm generat suspicionem in fide de levi; ac per consequens regulariter Confessarij debent abiurare de levi. Hoc parificatur in Polygamis, qui in Italia sunt suspecti de vehementi, quia præsumitur, quòd hoc quod est habere simul duas vxores procedit frequenter ex aliquo errore intellectus; sed quia frequenter in Hispania, vbi numquam circa hoc delictum fuit error, procedit ex libidine, & non ex errore intellectus, Polygami tantùm sunt suspecti de levi: ergo cum eadem ratio militet in Confessarijs sollicitantibus, frequenter sunt suspecti in fide tantùm de levi.

197 Secunda pars, scilicet quòd non potest esse regula

la



200. Alio modo videtur, quòd in Inquisitione Hispanica Confessarius sollicitans debet abiurare de vehementi, licet Pater Salelles maxime versatus in materijs Inquisitionis contra praxim Inquisitionis Hispanicæ dicat, quòd etiã pro secundo lapsu Confessarius sollicitans, qui abiuravit de levi, potest abiurare de vehementi; nam postquam *tom. 3. pag. 30. num. 17. & 18.* dixit, quòd si relapsus abiuravit de levi, cum eisdem indicijs levibus, etiam pro secundo lapsu debet abiurare de levi; postea *num. 20.* dixit, quòd si habet consuetudinem committendi talia crimina, debet abiurare de vehementi, eo quòd indicia de se levia transeant ad vehementia, attenta hac circumstantia, quòd reus similia committere consuecat. Sed præcisè pro secundo lapsu, si semper perseverat in indicia levia, in Hispania Confessarij, sollicitantes, non abiurant de vehementi, sed augentur poenę propter reincidentiam.

201. Casum præsentem pono in illo, qui 3. incidit in idem crimen sollicitationis, quod potest contingere; nam licet Confessarius sollicitans maneat perpetuò privatus ab audiendis confessionibus, potest ductus sua inclinatione depravata iterum sollicitare, vel confitendo, vel simulando confessionem, & incidere 3. in manus Sancti Officij; in hoc enim casu iudico, quòd huiusmodi Confessarius potest constringi ad abiurandum de vehementi, sed hoc relinquitur suo arbitrio attenta suspitione secundum circumstantias concurrentes, & istę circumstantię possunt esse, vel frequentia sollicitationum, vel alia causa.

202. Ratio huius resolutionis est, quia in hoc differt crimen sollicitationis ab alijs delictis generantibus suspicionem in fide, quòd sollicitatio etiam in 3. lapsu præsumitur, quòd procedit ex fragilitate, & pronitate ad lasciviam, quod non evenit in alijs delictis generantibus suspicionem in fide, ut constat in fortilegijs, quę amatoria non sunt; si enim fortilegus abiuravit de levi, & postea relabitur, præsumitur, quòd habet parvum assensum circa res fidei, & fre-

querer malam credulitatem; cum non detur alia causa, ex qua in 3. lapsu talia delicta procedant: ergo etiam pro 3. lapsu frequenter debet imponi abiuratio de levi, nisi tales circumstantiæ concurrant, quòd DD. Inquisitores iudicent talia exercentem habere malam credulitatem.

203 Nec placet pro Inquisitione Hispanica sententia Thomæ Hurtado loco citato, nempe quòd sollicitans in confessione vera, debet abiurare de vehementi; non autem qui sollicitat in confessione simulata, aut prætexit, & occasione confessionis, quia licèt sit maius crimen, ex eo non resultat maior suspicio, sed debet gravius puniri Confessarius; nam sicut ex sollicitatione facta simulando confessionem præsuntur, quòd frequenter procedit ex affectu ad libidinem, ita contingit in sollicitatione ad venerea in actu Sacramentalis Confessionis, sicque solùm debet abiurare de levi; verum enim est, quòd gravius punitur sollicitans in actu Sacramentalis Confessionis, quam qui sollicitat tantum simulando confessionem.

204 Vt autem hæc melius practicentur semper DD. Inquisitores debent habere præ oculis, quòd licèt in omnibus casibus contentis in Bulla, Confessarij sollicitantes sint suspecti de levi, si non concurrant aliæ circumstantiæ, sed pro qualitate delicti gravius, vel mitius puniuntur in Sancto Officio. Itaque si cetera sint paria gravius debet puniri, qui habuit molliorem in actu Sacramentalis Confessionis, quam Confessarius, qui tantum sollicitavit ad copulam habendam postea, & sic de ceteris, & gravius punitur, qui deliquit in actu Sacramentalis Confessionis, ac ille qui sollicitavit simulando confessionem, aut in Confessionali, & ita est procedendum in similibus delictis.

205 Dixi si cetera sunt paria, quia Tribunal Sanctæ Inquisitionis est medium inter Pœnitentiæ Sacramentum, & alia Tribunalia pro foro externo; imitatur Sacramentum Pœnitentiæ in eo, quòd finis principalis est lucrare animas, & sicut cum maiori misericordia, & benignitate proceditur

in

in Tribunali Pœnitentiæ cum peccatoribus, qui cum verecundia, & signis emendationis confitentur sua peccata, ac cum illis, qui coacti suasionibus, & pœnis interni repide illa fatentur, ita proceditur in Sancto Tribunali, & si imponitur pœna est secundario, in hoc habet similitudinem cum alijs Tribunalibus, sed discriminatur in eo, quod alia Tribunalia principaliter attendunt ad publicam vindictam; at Sanctum Officium ad emendationem, & sic cum pœnitentibus, & confessis mitius procedit, quam cum negativis, & impenitentibus, ideo videmus multoties aliquos mitius tractari in Sancto Officio cum gravioribus delictis, quam alios cum minoribus.

206. Solum enim ex his causis procedit maior misericordia cum pœnitentibus in Sancto Officio, quia ibi conservatur semper integritas, nec est periculum pervertendi illud rectum Tribunal ad ingressum virij, acceptionis personarum, quia in illo proceditur summa integritate, & occlusa est via ad favores excommunicatione Pontificia, & hoc modo nec Reges, nec Principes, nec Nobiles se interponunt ad loquendum pro illis, ne incidam in excommunicationem, & aliunde à nullo Tribunali, vel Principe potest impediri liberum modum procedendi, quia etiam contra hos sunt excommunicationes Pontificia. Quare in hoc Sanctissimo Tribunali solum attenditur ad Deum, & ad illius causam.

§. II.

*Argumenta contraria, & aliqua dubia.*

207. **A**rgumentum 1. pro contraria sententia potest ad hanc formam reduci: in omnibus Inquisitionibus debemus stare ad honorem Bullarum Pontificum; sed secundum Bullam Gregorij XV. & Pij III. Confessarii sollicitantes sunt suspecti de vehementi: ergo non solum in Italia, sed etiam in Hispania debent abiurare de vehementi. Probatur minor, hæc sunt verba Bullæ: *Nos in animum*

inducere nequeunt, quòd qui de fide Catholica rectè sentiunt, Sacramentis in Ecclesia Dei Institutis abutantur, aut illis iniuriã faciant, &c. Sed ex his verbis clarè colligitur, Summũ Pastorem præsumere, non benè sentire de fide, qui abutitur Sacramento Pœnitentiæ, quod generat suspicionem de vehementi in fide: ergo Confessarius sollicitans ad venera in Sacramentali confessione est suspectus de vehementi.

208 Respondetur, quòd ex verbis Summi Pontificis solùm inferitur, Confessarium sollicitantem esse suspectum in fide; non autem quòd sit de levi, aut de vehementi; nam hoc indefinitum relinquit; imò potius ex his verbis mea sententia confirmatur, quia cum Summus Pontifex statuatur præsumptionem de mala credulitate ex abusu Sacramenti Pœnitentiæ, & non determinet, an hæc præsumptio sit vehemens, vel levis deducitur hoc esse iudicandum per DD. Inquisitores attenta qualitate, & modo abusus; idèoque dixi, quòd licet frequenter Confessarius sollicitans in confessione sit suspectus de levi, possunt dari casus, in quibus sit suspectus de vehementi.

209 Argumentum 2. sic procedit: sortilegia, quæ sunt abusu Sacramentorum generant suspicionem in fide de vehementi: ergo etiam sollicitatio cum abusu Sacramenti Pœnitentiæ generat suspicionem de vehementi. Probatur consequentia à paritate: ex eo sortilegia cum abusu Sacramentorum generant suspicionem de vehementi, quia sumuntur, ut media, vel ad consequendam libidinem, vel ad divitias habendas, vel alia huiusmodi; sed etiam sollicitatio ad venera in Sacramento Pœnitentiæ sumit Sacramentum, ut medium ad libidinem explendam: ergo huiusmodi sollicitatio generat suspicionem in fide de vehementi.

210 Respondetur negando consequentiam, ad probationem distinguo minorem, sollicitatio sumit Sacramentum, ut medium ad explendam libidinem, immediatum nego minorem, mediatum concedo minorem, quia Sacramentum Pœnitentiæ solùm sumitur ut medium ad sollicitandum immedia-

di atè, & Confessarius non existimat, quòd Sacramentum habet virtutem ad consequendam fœminam, sed solùm sperat illam consequi suasionibus fîsus in fragilitate humana, & suis verbis amatorijs; quare ad explendam libidinem abusus Sacramenti solùm se habet concomitanter, & Sacramentum propriè non est medium ad explendam libidinem, sed ex illo Confessarius sumit occasionem ad sollicitandum ad libidinem, & cum aliunde in Hispania non sit error circa Sacramentum Pœnitentiæ, præsumitur quòd frequenter hæc sollicitatio non procedit ex mala credulitate, sed ex fragilitate, & nimia inclinatione ad res venereas.

211 Non sic accidit in sortilegijs hæreticalibus in primo gradu; nam in illis speratur consequutio mali finis ex efficacia, & virtute Sacramenti; ac per consequens præsumitur, quòd talia faciens frequenter habet malam credulitatem, quia si non crederet, quòd illa mèdia habent efficaciam vel ad consequendum amorem lascivum, vel divitias, non abuteretur Sacramenti; ideoque etiam si in sortilegijs amatorijs, vna ex causis sit libido, & præsumatur, quòd sit ad libidinem consequendam, cum applicentur Sacramenta, vt mèdia immediata ad illum finem consequendum, & hoc frequenter procedat ex credulitate efficaciæ ad hunc pravum finem consequendum, semper generatur contra operantem suspicio de vehementi in fide, & ad hanc purgandam sortilegus abiurat de vehementi.

212 Primum dubiolum, quòd se offert circa dicta est, an Confessarius sollicitans, qui abiurat de levi, teneatur ab iurare, & deterreri omnem hæresim? *Pegna in direct. 3. part. Comment. 40. versic. in quo tamen cum seqq. respondet negativè, sed praxis est contraria: itaque hodiè Confessarius abiurans de levi, omnem hæresim deterreret; sed si postea incideret in aliquam hæresim, non puniretur vt hæreticus relapsus, quia quando abiuravit de levi, nō abiuravit de formali; quod erat necessum, vt postea, vt relapsus puniretur.*

213 Secundum dubiolum huic affine est, quid sit faciendū,



dum, quando Confessarius sollicitans renuit abiurare? Responderetur, quòd possunt DD. Inquisitores illum cogere per excommunicationem ad abiurandum, sed non potest per ultimum supplicio, quia hoc tantum habent locum in veris hæreticis, ut constat *ex cap. ad abolendam 9. versis. Presenti capite excommunicamus 13. §. addycimis in fin. de hæreticis*; sed in casu, quòd per annum inordefcat potest puniri ut hæreticus, quia inordefcentia per unum annum generat suspicionem violentam contra fidem, & sic poena ordinaria hæreticorum est puniendus, qui per annum inordefcit.

214 Ex his resultat tertium dubiolum; an non solum qui inordefcit per annum in excommunicationem incursum in causis fidei sit puniendus per DD. Inquisitores, ut hæreticus præsumptus, sed etiam qui incurrit excommunicationem in causis Civilibus, & per annum inordefcit? Castus à Palao *tom. 1. tract. 4. disp. 4. punct. 2. num. 5.* cum Farinacio, & Menochio existimat esse suspectum de fide, qui per annum inordefcit, non solum quando incurritur excommunicatio pro aliquo crimine, sed etiam in causa Civilis & ratio illius est, quia minus potest retardare ad comparandum causa Civilis, quam Criminalis; ergo si inordefcit excommunicatus pro causa Civilis, maius fundamentum datur ad præsumendum malè sentire de potestate Ecclesiæ.

215 Postquam P. Diana *4. part. tract. 7. resol. 18.* statuit cum Barbosa *in Collect. tom. 3. lib. 5. tit. 2. cap. 6. num. 6.* quòd DD. Inquisitores non procedunt contra inordefcentes per annum, quando excommunicatio est lata pro causa Civilis, in eodem loco *vers. Verum notandum* defensat, quòd DD. Inquisitores solum procedunt contra inordefcentes in excommunicationem per annum, quando excommunicatio fuit incurfa in causis fidei, & tunc inordefcēs non condemnatur, ut verus hæreticus, sed ut præsumptus; idemque iudicat esse discurrendum de fautoribus, defensoribus, & receptoribus hæreticorum, & de impediētibz quomodolibet exercitium liberum Sanctæ Inquisitionis.

Quar-



216 Quartum dubiolum est: supposito, quòd Confessarius cum magna irrisione Sacramenti Pœnitentiæ sollicitaret ad venerea, taliter quòd esset vehementissimè suspectus de hæresi; ideoque deberet abiurare de vehementi, si conquiretur super intentionem, & in tortura responderet catholicè; an postea tantum esset ei imponenda abiuratio de levi? Respondetur debere abiurare in hoc casu de vehementi; quia licet per torturam respondendo catholicè liberetur ab abiuratione de formali, quia cum error consistat in mente, si iste non constat per Confessionem rei, neque hæresis formalis externa, cui correspondet abiuratio de formali; ac cum suspicio de vehementi fundetur in præsumptione orta ex ipso delicto, cum hoc semper perseveret, etiam præsumptio; ideoque est imponenda abiuratio de vehementi, quamvis in tortura catholicè respondeat.

217 Ex quibus omnibus infero, esse plures causas, etiam si delictum secundum se sit gravissimum, ad augendas, aut minuendas pœnas, & DD. Inquisitores ad has causas attendunt, & est casus practicabilis: nempe si foemina audax Confessarium sollicitet, & si non assentiarur mingitur se vociferaturam, aut testificaturam coram Inquisitoribus se ab illo sollicitam fuisse, & tunc habeat rem cum illa, vel consentiat habendam postea, licet sit sollicitans comprehensus, ut dixi in Bulla, cum illo mitissimè est procedendum. In his, & alijs casibus pœnæ sunt in arbitrio maximo DD. Inquisitorum, qui possunt minuire pœnas impositas à iure, ut communiter docent Auctores, taliter quòd Farinacius tom. 1. crimin. quest. 17. num. 22. etiam extendit hoc arbitrium, si concurrant iusta causa, ad crimen hæresis.

pacientes roturam, licet idem debeat fieri cum his, aut cum senibus devilis naturæ.

220. Suppono 2. in Sancto Officio pro crimine enormi generanti suspicionem de vehementi in fide non solum torqueri plebeios, sed etiam Nobiles, licet isti sint mitius torquendi, quā illi in criminibus eiusdem speciei. Ita Simancas in *Catol. instit. tit. 65. num. 62.* & Pegna in *direct. par. 3. comment. 110.* Dixi cum æquali delicto, quia si Nobilis esset hæreticus formalis, & plebeius solum suspectus de levi, aut de vehementi, sentio durius esse torquendum nobilem, licet in penis publicis diversæ pro illo applicetur pœnæ, nisi in casu, in quo esset puniendus ut hereticus relapsus, negativus, aut impenitens.

221. Suppono 3. quod etiam si sint personæ privilegiatæ viri, qui non pervenerunt ad 14. annos, ut docet Doctissimus Sesse in *decis. Regni Aragonum tom. 2. decis. 476. nu. 20.* hoc privilegium non habet locum in crimine læsæ Maiestatis Divinæ, & humanæ, sed in alijs criminibus pertinentibus ad Sanctum Officium si sint minores etate 14. annorum non solum sunt terrendi verbis, sed terrore reali, ut nudando, ligando, & adducendo ad locum tormenti, non tamen imponendo; si autem sint minores 25. annis ingressi 14. ad minus, possunt torqueri, sed mitius quam maiores. Ita Pegna in *direct. Inquis. part. 3. comment. 110. §. minores vero 20. annis*, Simancas in *Catol. instit. tit. 65. num. 45* licet plures Auctores apud Farinacium *quest. 42. nu. 102. & 133.* defenserint, quod etiam si sint minores etate 14. annorum possunt torqueri moderatè, quando potest fieri sine periculo.

222. Si autem fuerint feminae, si sint prægnantes, nec possunt torqueri, nec terreri verbis, & post partum non sunt torquendæ nisi post 40. dies. Ita Canteria in *qq. criminali. quest. 10. de reo num. 1.* Tuschus *lit. F. concl. 318 num. 21.* ita ut si infra 40. dies torqueretur, & fateretur delictum confessio esset nulla, Antonius Gomez *tom. 3. var. cap. 13. num. 34.*

persona esset suggerere, & incitare ad falsum. Ita Miranda in ordine Iudic. tom. 2. quest. 26. art. 15. concl. 7. Simancas in Casbol. instit. tit. 65. num. 17. & seqq. ideò que in instruct. Tol. tana anni 1561. sic statuitur. Al tiempo, que la sententia de tormento se pronunciare, el reo sea advertido, particularmente de las cosas sobre que es puesto à question de tormento; pero despues de pronunciada la sententia, no se le deve particularizar cosa alguna, ni nombrarse persona de los que parecieren culpados, ò indiciados por su proceso, y en especial, porque la experiencia enseña, que los reos en aquella agonia dicen qualquier cosa, que les apunten, de que se sigue perjuizio de terceros, y ocasion para que se revequen sus confessions, y otros inconvenientes. Quare de nullo delicto in particulari, aut persona interrogandi sunt.

225 Cum confessio facta in tormentis non noceat, nisi postea ratificetur, neque si reus confitetur ex comminatione propinqua tormenti, post tormentum, & confessionem, aut factam in tortura, aut in reali comminatione propinqua, debet reus ratificare suam confessionem, aliàs non posset per illam condemnari; difficultas ergo est inter Auctores, quomodo, & quo tempore debet fieri hæc ratificatio? De modo non est difficultas; nam omnes conveniunt in eo, quòd debet eam ratificare extra locum torturæ, quia si ibi fieret semper perseveraret reus in confessione facta in tortura timore alterius tormenti.

226 Souisa in Apbor. Inquis. lib. 2. cap. 39. num. 42. existimat hanc ratificationem debere fieri post duos, vel tres dies postquam inflicta fuit tortura; & ratio huius sententiæ potest esse, quia ratificatio, quæ dat valorem confessioni factæ in tortura debet fieri animo paccato absque aliqua perturbatione animi, & dolore; sed ad hoc est necessarium ad minus transire duos, aut tres dies, quia ex tortura manet dolor, & vehemens perturbatio animi, ad cuius serenitatē aliquod spacium considerabile temporis debet transire: ergo ad dictam ratificationem oportet ut saltem transcant duo, aut tres dies.

re, & ratificare intendat; licet enim alij ponant alium modum ratificandi ab hoc non est recedendum, quia est magis receptus in praxi.

230 Circa præsentem materiam omnes Iudices debent advertere, quod si reus est minor, ratificatio confessionis factæ in tortura, facienda est coram curatore, quod inviolabiliter observatur in Tribunali Sanctæ Inquisitionis, & ita tenet Villadiego in *polit. cap. 3. num. 330.* ideoque Paulus Garfias in *ordine Proces in Sancto Officio, fol. 40.* dicit: *Si el reo fuere menor de 25. años se ha de ratificar con asistencia de su Curador, y firmar ambos* Sed etiam si confessio sit ratificata postea potest revocari; sed ad hoc ut revocatio faciat fidem debet reus allegare, & probare causas revocationis, aut erroris habiti in ratificatione.

131 Cantera loco citato advertit, quod si reus fuerit confessus in tortura, & postea ad Tribunal Iudicis revocaverit, & post revocationem spontè fuit iterum confessus, dicendo, quod illud, quod dixit in tortura erat verum, tunc valebit confessio facta in tortura, cum fuerit corroborata cū confessione spontanea postea facta; hæc affert Cantera, & dicit: *Istum casum habui in praxi, & sic fuit determinatum per Consilium Supremum Inquisitionis;* & ego addo nunc sic esse determinandum.

## QVÆSTIO VII.

*An Confessarius qui in Tribunali abiuravit sit inhabilis ad Prælaturas, & privatus perpetuo voce activa, & passiva.*

### §. I.

*Aliqua notabilia, & Decretum Sacre Congregationis præmittuntur.*

232 **S**UPPONO 1. nullam esse difficultatem in illis Religionibus, in quibus est Statutum Capituli

inhabilem ad omnia Officia, & Beneficia, & licet sit contraria sententia non est deducenda ad praxim.

235 Suppono. 3. quod hic non est difficultas de Confessario sollicitante, qui abiuravit in Sancto Officio extraiudicialiter, quia spontè comparuit, & DD. Inquisitores ei imposuerunt poenitentias salutes secretò, quia iam de isto fuit sermo in 1. part. sed in præsentì solum est difficultas de Confessarijs sollicitantibus, qui iuridicè, vel quia fuerunt confessi, aut convicti abiurarunt in Sancto Officio, aut de vehementi, aut de levi, an isti maneant perpetuò inhabiles ad Prælaturas, & privati perpetuò voce activa, & passiva ex iure communi, aut speciali? Ut autem cum fundamento decidatur hæc quæstio præmitto Decretum Sacræ Congregationis Cardinalium habitæ Coram Sanctissimo Pastore Urbano VIII. die 1. Octobris anno 1626. & illud referam de verbo ad verbum, quod est tenoris sequentis.

236 In generali Congregatione S. R. & Vniuers. Inquis. habitæ in Palatio Apostol. Montis Quirin. Coram S. D. N. D. Urbano, Divina Providentia Papa VIII. Illust. DD. S. R. E. Cardinalibus in vniuersa Reg. adversus hæreticam pravitatem Inquisitoribus Generalibus à S. Sede Apostolica specialitèr deputatis S. D. N. iustis de causis animarum suam moventibus decrevit, & statuit, vt in posterum Regulares omnes cuiuscunque Ordinis, Religionis, Societatis, & Instituti, quibus pro delictis ad S. Inquisitionis Officium spectantibus poenitentiarum genus aliquod impositum fuerit (salutaribus poenitentijs exceptis) eo ipso ad omnes Religionis suæ gradus, & Officia inhabiles censeantur; & deinceps (etiam si poenitentiarum tempus expleverint, vel gratiam receperint) ad illatamen promoveri nullatenus possint, nisi prius obtemperet à S. D. N. vel ab hac Sacra Congregatione coram Sanctitate sua habenda speciali, & expressa rehabilitationis gratia; aliàs promotio quælibet nulla sit, & promouentes ipsi privationem suorum Officiorum, ac præterea vocis activæ, & passivæ ipso facto incurrant, ad quæ restitui nisi ab-

inpositionem abiurationis de levi debere delictum, seu iudicium plenè, & perfectè esse probatum : ergo abiuratio est pœna, sed ex Decreto Urbani VIII. nullus punitus in Sancto Officio est eligibilis ad prælaturas : ergo qui propter sollicitationem abiuravit de levi iudicialiter inhabilis manet ad gradus, & prælaturas Religionis. Quòd autem non sit tantùm abiuratio pœnitentia salutaris ex eo constat, quia ad pœnitentias salutares imponendas non requiritur plena, & perfecta probatio, ut plures Auctores tenent, quia existimant non esse denigrativas personæ, benè verò abiuratio de levi iudicialis.

240 Sit secunda conclusio : ex vi decreti Urbani VIII. licet Regularis, qui abiuravit iudicialiter in Sancto Officio maneat privatus in perpetuum voce passiva, non autem activa. Probatur conclusio: non potest negari, quod istud decretum sit pœnale, quia solum per illud imponuntur pœnæ, & etiam si aliquomodo sit favorabile, quia timore harum pœnarum rectè Confessarij procedent in administratione Sacramenti Pœnitentiæ non debet extendi ad diversum genus pœnarum, sed privatio vocis passivæ est diversa pœna à privatione vocis activæ, sicque benè componitur, quòd Regularis habeat vocem activam in electione Prælatorum, & sit privatus voce passiva : ergo ex vi decreti Urbani VIII. Confessarius sollicitans, qui in Sancto Officio abiuravit de levi iudicialiter non manet privatus voce activa. Hæc dixi ex vi decreti probabiliter, sed secundum intelligentiam Tribunalis, huiusmodi Confessarij manent perpetuò privati voce activa, & passiva, & est iustissimum.

241 Sit tertia conclusio : Confessarius sollicitans, qui non solum abiuravit iudicialiter in Sancto Officio, sed ei fuerunt impositæ aliæ pœnæ, ut reclusio in Monasterio per aliquod tempus, exilium, & alia huiusmodi non est eligibilis ad Prælaturas. Hæc conclusio deducitur ex antecedentibus. Sed superest difficultas resolvenda, ut hæc conclusiones habeant solidum fundamentum ; nempe an decretum



Vrbani VIII. sit receptum, aut promulgatum in Hispania? Ut autem hæc difficultas decidatur aduerto, hoc decretum obligare in omnibus Religionibus, in quibus huiusmodi decretum fuit publicatum in Capitulo Generali. In nostra Religione Minimorum nullum est dubium, quia illud habemus insertum in libro Constitutionum generalium, cuius titulus est, digestum Minimorum. Et credo hoc decretum esse promulgatum, & acceptatum in omnibus Religionibus; & si forte in aliqua Religione non sit intimatum, in ea est sequens difficultas.

242 An in illis Religionibus, in quibus non est publicatum Decretum Urbani VIII. obliget? Responsio dependet ex resolutione alterius difficultatis, scilicet, an ut decreta Congregationum obligent requiratur intimatio eorum in Provincijs? Pro quo est advertendum, quod circa leges Pontificias est duplex sententia. Prima enim asserit, & est probabilior in materia de legibus, non obligare leges, etiam Pontificias, si non publicantur in omnibus Provincijs. Secunda sententia tenet, leges Pontificias obligare, si sint publicatæ in Curia Romana, & affixæ ad Valvas Sancti Petri, & in Campo Floræ. Etiam si hæc secunda sententia esset vera, ratio fundamentalis illius non habet locum in præfenti Decreto; quia decreta, quæ sunt in congregationibus particularibus Eminentiſſimorum Cardinalium, sive pro Episcopis, sive Generalis Inquisitionis, cum non publicentur in Campo Floræ, quia non sunt sicut leges universales, ut obligent oportet, quod publicentur in Provincijs, aut si fuerint pro Religiosis in Capitulis Generalibus, aut Provincialibus.

243 His positis est certum, quod si hoc Decretum non est publicatum in aliqua Religione, si aliquis Religiosus abusuſſet de levi in Sancto Tribunali pro crimine solicitationis non est inhabilis ad officia, & gradus Religionis, nisi hæc poena mulceatur in Sancto Officio, quæ solum solet apponi per aliquos annos; hoc enim clare constat ex dictis;

nam

nam decreta Sacrae Congregationis solum obligant si publicentur, sed ut dixi, non publicantur, quando sunt pro Regularibus, nisi intimentur in Capitulis Generalibus, aut in Provinciis: ergo si in aliqua Religione hoc decretum non est publicatum, in illa tenore huius decreti Confessarius sollicitans non est inhabilis ad obtinenda officia Religionis.

244 Sit quarta conclusio: si aliquis Religiosus fuit punitus in Sancto Officio, vi huius decreti manet privatus non solum officiis, & dignitatibus Religionis, sed etiam gradibus Magistri, Doctoris, Præsentati, & Lectoris. Probat, quia in dicto decreto sic statuitur: *Ex ipso ad omnes Religionis sue gradus, & officia inhabiles censeantur*; sed gradus Religionis sunt Præsentaturæ, Magisterij, &c. ergo manent privati omnibus his gradibus, qui in Sancto Officio puniti fuerunt. Per illa verba: *Ad officia inhabiles censeantur*, non solum intelliguntur Prælaturæ, sed etiam quodlibet aliud officium honorificum Religionis; idcircoque huiusmodi pœnitentiarii, etiam si pœnitentiam expleverint non possunt præfici in Diffinitores, Socios Provinciæ, Magistros Novitiorum, & alia huiusmodi, quia sunt officia honorifica in Religione.

245 Thomas Hurtado *tract. 4. de Confess. sollicit. cap. 8. resol. 60. §. 3. num. 804.* dicit absolute, quod per has dignitates, officia, & gradus intelliguntur illa, quæ iurisdictionem, aut regimen regulare exercent; non autem illa, quæ potius sunt onera, quam honores, ut declaravit Sixtus V. esse Magistrum Ordinis, ad quæ peracta pœnitentia congruum est restitui, si alias fictè non pœnitet, ut constat *ex cap. bene valet, & cap. ut constitueretur 50. distinct.* Sed pace tanti Auctoris, debebat advertere, quod decretum Sixti V. emanavit multo tempore antequam esset decretum Urbani VIII. sed in isto decreto, etiam peracta pœnitentia, Regularis qui fuit punitus in Sancto Officio iudicialiter non solum manet privatus officiis, sed etiam gradibus, inter quos præcipuus est Magisterium: ergo etiam peracta pœnitentia non potest resti-

tan, nisi ex dispensatione Pontificis ad gradum Magistri.

246 Quod enim existimo verum est, quod peracta pœnitentia dicti pœnitentiati possunt prædicare, legere, docere, & imprimere, & si homo literatus sit pœnitentiatus, taliter quod eius libri sint valdè utiles ad alios instruendos; nõ inuenio rationem, quare superiores illis licentiã non concedant, vt Typis eorum opera mandent, licet Trimarch *sect. ult. num. 63. & 69.* & Peyrinis *tom. 2. de privil. Constit. 10. Urbani VIII. §. 18. num. 5.* nimis rigidè loquantur. Sed etiam ad has licencias concedendas valdè est attendendum ad genus delicti; nam si iste Regularis ductus ex vehementi passione incidit in peccatum sollicitationis, & aliàs sua doctrina sit utilis Ecclesiæ, quia cum edificatione docet, & scribit, congruum est, vt prosequatur docendo, scribendo, aut prædicando; ideòque in Sancto Officio Hispaniæ, si Confessarius tantum est sollicitans non privatur prædicatione Verbi Divini, si in hoc ministerio cum integritate, & ædificatione processit.

### §. III.

#### *Aliqua dubiola deciduntur.*

247 OMNIA dicta procedunt ex vi decreti Urbani VIII. independenter enim à decreto aliqua dubiola in hac materia se offerunt. Primum dubiolum est, an Confessarius, qui iudicialiter fuit multatus in Sancto Officio independenter à decreto Urbani VIII. sit inhabilis ad Prælaturas? Ad hoc dubium respondet Diana 4. *part. tra. 7. §. resol. 83.* negativè, quia existimat, & benè, quod sicut irregularitas solum incurritur in casibus à iure expressis, ita infamia iuris, sed etiam si Confessarius sollicitans multatus in Sancto Officio sit, in iure non est expressum, quod contrahat infamiam iuris: ergo non est inhabilis ad Prælaturas independenter à decreto Urbani VIII. citat pro hac sententia Riccius *decis. Cur. Neap. part. 1. decis.*

cis 129. Homobonum in *conf. casuum conscientie vol. 1 part. 4. resp. 158. Glossam in cap. Infamibus, de regul. iuris.*

248 Et etiam quod per pœnitentiam in Sancto Officio Confessarius, qui abiuravit, & multatus fuit alijs pœnis, incurrat infamiam iuris, & ideo ineligibilis sit ad Dignitates, & Officia ex iure cœmmuni; si v. g. fuit privatus ab audiendis confessionibus ad tempus, & condemnatus ad exilium, & reclusionem in aliquo Monasterio; finita pœnitentia eligibilis est ad Officia Religionis, quia vt dicit Glossa singularis *ad cap. omnis caro, verb. Leges*, finito tempore relegationis tollitur infamia orta ex sententia, *L. ordine ff. ad municipia*: ergo licet quando adimplet pœnitentiam, cum sit sub pœna, ac per consequens adhuc non sit purgata infamia in eligibilis sit ex iure cœmmuni; cum finita pœnitentia tollatur infamia eligibilis est ad Prælaturas.

249 Contra hanc resolutionem hæc instantia potest fieri: Confessarius sollicitans est suspectus de hæresi; ideoque abiurat in Sancto Officio: ergo etiam peracta pœnitentia est ineligibilis ad Prælaturas ex iure cœmmuni. Probatur consequentia: qui fuit condemnatus in iudicio propter crimen publicum, etiã post impletã pœnitentiam manet infamis *cap. infamis 3. quest. 7.* sed infamis inhabilis est ad Prælaturas, etiam peracta pœnitentia *Regula infamibus 87. regul. in 6.* & pœnitentia iuridicè in Sancto Officio infamis est: ergo ex iure cœmmuni, & independentè à Decreto Urbani VIII. non est eligibilis ad Prælaturas.

250 Propter hoc argumentum sententiã contraria habet magnam probabilitatem, & intelligo, quod ad tollendam ambiguitatem in Sacra Congregatione, Coram Sanctissimo fuit determinatum pœnitentiatum in Sancto Officio manere in perpetuum privatum Officijs Religionis, gradibus, & Dignitatibus. Cum autem nostra resolutio sit independentè ab hoc decreto est respondendum; non omnem infamiam reddere reum inhabilem ad Officia, & Dignitates, sed illam, quæ est expressa in iure; ideoque licet apud homines reputetur

tur ut infamia maxima, quod aliquis sit punitus in Sancto Officio; cum hæc infamia post poenitentiam impletam non reperiatur in iure; non dicitur infamia iuris: ideoque Confessarius sollicitans post peractam poenitentiam eligibilis est ex iure communi.

251 Ex his resultat 2. dubiolum, scilicet an ex iure communi; si Confessarius adimplevit omnes poenitentias impositas in Sancto Officio, in quo perpetuò fuit privatus ab excipiendis confessionibus, sit eligibilis ad Officia, & Dignitates Religionis? Respondetur negativè, quia ut dixi, solum infamia contracta ex poenitentia iuridica Sancti Officij purgatur postquam impletæ sunt omnes poenitentiae; sed Confessarius, qui est privatus iuridicè perpetuò ab audiendis confessionibus est in perpetua poena inflictà à DD. Inquisitoribus: ergo etiam si alias poenas adimpleat, si perpetuò est privatus à confessionibus audiendis ineligibilis est ad Officia, & Dignitates Religionis.

252 Ex quibus infero, quod in Hispania independentè à decreto Urbani VIII. Confessarius punitus in Sancto Officio pro crimine sollicitationis nunquam est eligibilis; quia in Tribunali semper privatur perpetuò à confessionibus audiendis, & benè, quia cum finis principalis Sancti Officij sit emendatio Confessarij, & medium ad emendationem sit efficaciter tollere occasionem; hoc modo radicaliter aufertur, quia nunquam erit tempus; in quo possit patrare tan enormia delicta; ideoque hæc poena nunquam dispensatur in Sancto Officio: ergo cum Confessarius sollicitans sit in perpetua infamia iuris non potest eligi ad Officia Religionis.

253 Tertium dubiolum est: an DD. Inquisitores possint cum Regularibus, qui iudicialiter fuerunt condemnati in Sancto Officio dispensare, ut sint habiles ad Officia, & Dignitates, aut gradus Religionis? Et idem interrogo de promoventibus ad Officia? Respondetur ad 1. negativè neque indigemus alia probatione, quam aducere verba Decreti Urbani VIII. quæ sunt sequentia: *Ad illa tamen promoveri*  
*nul-*

*nullatenus possint nisi prius obsecra à S. D. N. vel ab hac Sacra Congregatione coram Sanctitate sua habenda speciali, & expressa reabilitationis gratia.* Si enim Romæ sola Sacra Congregatio Inquisitionis posset reabilitare huiusmodi Regulares; idem posset supremum Consilium Inquisitionis Hispaniæ; quia sicut illa Sacra Congregatio est Suprema Inquisitio pro Italia, ita Supremum Consilium pro Hispania; sed cum ex decreto constet, quod adhuc est necessaria præsentia Sanctissimi; huiusmodi Confessarius non potest reabilitari à Supremo Consilio Inquisitionis.

254 Ad 2. etiam respondetur negativè, quia expressè habetur in Decreto Urbani VIII. sed potest esse difficultas an dicta pœna contra promoventes solum incuratur post sententiam? Ad quod respondeo, quod ipso facto incurritur; solum enim debet constare de corpore delicti; nempe qui fuerint promoventes ad Officia; nam ex hoc, quod hoc constet absque alia declaratione promoventes manent privati suis Officijs, & voce activa, & passiva, taliter quod solum possunt restitui ab eodem S. D. N. vel à Sacra Congregatione coram Sanctitate sua habenda.

255 Non desinam 4. & ultimo loco proponere quoddam dubiolum, quod resolvit Thomas Hurtado loco citato §. 3. num. 801. quod hoc modo potest proponi: quidam Sacerdos Sæcularis fuit punitus in Sancto Officio, quia sollicitavit in confessione; peracta pœnitentia Religionem ingreditur, ex quo fuit orta difficultas, an fuerit habilis ad Dignitates; & Officia Religionis? Thomas Hurtado respondet habilem fuisse. Sed ego contrarium resolvo. 1. quia alio modo casus his temporibus est impracticabilis in Hispania; nam Confessarii sollicitantes perpetuò sunt in pœnitentia, cum ab audientis confessionibus in perpetuum priventur. 2. quia, ut multoties dixi, etiam si Bulla sit pœnalis extenditur ad idem genus personarum, quando est eade nidentitas rationis; sed in primis stat Bulla contra Confessarios punitos ob crimen sollicitationis: deinde post impletam pœnitentiam dictus

Con-



Confessarius Regularis invenitur: ergo est inhabilis ad Officia, & Dignitates Religionis. Idem sentio contra eundem Auctorem si Sacerdos novitius sollicitavit, & pro hoc delicto fuit punitus in Sancto Officio, & peracta penitentia proficeretur in Religionem. Et hæc sufficiant de toto hoc tractatu, & utinam cedant in laudem, & gloriam Omnipotentis Dei trini, & Vni, & Beatæ Genitricis Mariæ, Dominae nostræ, eius Sponsi

Sanctissimi, Patris nostri Francisci à

Paula, & Doctoris Angelici

Divi Thomæ

Aquinatis,

&c.



# INDEX QVÆSTIONVM, ET PARAGRAPHORVM.

LITTERA P. INDICAT PAGINAM.

**P**ROOEMIUM, vbi fit mentio de Bullis contra  
Confessarios sollicitantes in confessione, & refertur  
Bulla Gregorij XV. de verbo ad verbum. *Pag. 3.*  
Quæstio vnica proœmialis, an sufficiat probabilitas doctri-  
næ, vt Confessarius liberetur à pœnis taxatis contra soli-  
citanes. *P. 8.*

§. 1. *Aliqua supponuntur.* *Ibidem.*

§. 2. *Deciditur quæstio.* *P. 11.*

§. 3. *Argumenta militantis contra conclusionem solvantur.* *P. 15.*

## PARS PRIMA.

Quæstio 1. An Bulla Gregorij XV. sit recepta in Hispa-  
nia. *P. 21.*

§. vnicus *resolvitur quæstio.* *Ibidem.*

Quæstio 2. An ex novo indulto Gregorij XV. valeant Or-  
dinarij de crimine sollicitationis separatim cognosce-  
re. *P. 24.*

§. 1. *Aliqua supponuntur, & deciditur quæstio.* *Ibidem.*

§. 2. *Occurritur fundamentis contrarijs, & aliqua corollaria resol-  
vuntur.* *P. 28.*

§. 3. *Aliqua dubiola connexa cum quæstione.* *P. 32.*

Quæstio 3. Quæ personæ subijciantur Tribunali Inquisicio-  
nis per crimen sollicitationis, & quæ sint exemptæ, *P. 36.*

§. 1. *Resolvitur quæstio quoad aliquas personas subiectas, &  
exemptas.* *Ibidem.*

§. 2. *Vtrum Generales Religionum possint propter hæresim, vel so-  
licitationem puniri à DD. Inquisitoribus.* *P. 40.*

Rrr.

Quæ.

## INDEX QVÆSTIONE M,

Quæstio 4. An Bullæ contra Confessarios sollicitantes sint  
favorabiles vel odiose. P.45.

§.1. Respondetur quæstioni. Ibidem.

§.2. Fundamenta contrariæ sententiæ proponuntur. P.52.

Quæstio 5. An in crimine sollicitationis ante denunciatio-  
nem sit præmitenda correctio fraterna. P.55.

§.1. Aliqua utilia ad quæstionem referuntur. Ibidem.

§.2. Alia non minus utilia stabiliantur. P.62.

§.3. Stabilitur conclusio pro parte negativa. P.67.

§.4. Argumentis contrariis occurritur. P.72.

Quæstio 6. Vtrum cessante suspitione quod Confessor so-  
licitans male sentit de Sacramentis sit denunciandus.

Pag.77.

§.1. Proponuntur sententiæ, & tutior eligitur. Ibidem.

§.2. Argumenta contraria solvuntur. P.82.

§.3. Casus practici resolvuntur. P.90.

Quæstio 7. Quas pœnas incurrant personæ sollicitatæ, si nō  
denunciant, & quæ tenentur denunciare. P.99.

§.1. Explicantur effectus deliberatæ omiſſionis denunciandi Con-  
fessarium sollicitantem. Ibidem.

§.2. De causis excusantibus à denunciatione. P.107.

§.3. De alijs causis excusantibus. P.115.

§.4. An femina sollicitata teneatur denunciare cum aliquo gravi  
damno. P.125.

§.5. An mulier sollicitata, quæ omiſſu denunciationem possit absol-  
vi virtute Bullæ Cruciatæ. P.132.

§.6. An nā solum femina sollicitata, sed etiam quilibet sciens  
Confessorem sollicitasse teneatur denunciare in Tribunali Sā-  
ctæ Inquisitionis. P.138.

§.7. Proponuntur fundamenta contrariæ sententiæ. P.143.

§.8. An femina sollicitata quæ non pervenit ad 12. annos teneat-  
ur denunciare. P.146.

§.9. An teneatur sollicitans se ipsum denunciare Inquisitoribus. P.149.

§.10. An sit sanum consilium, quod Confessarius, qui sollicitavit  
se ipsum Tribunali denunciet. P.153.

PARS

# ET PARAGRAPHORVM.

## PARS II.

Quæstio 1. An Confessarius excusetur à crimine sollicitationis per materiz parvitatem. P. 161.

§. 1. Explicantur termini Bullæ Gregorij XV. lb idem.

§. 2. An in rebus venereis detur materiz parvitas. P. 166.

§. 3. Resolvitur quæstio. P. 171.

§. 4. Argumentis contrarijs satisfi. P. 175.

§. 5. Casus practici ex dictis deciduntur. P. 180.

§. 6. Alij casus resolvuntur. P. 187.

Quæstio 2. Vtrum Confessarius consentiens sollicitationi factæ à femina sit denunciandus. P. 196.

§. 1. Vtrum si Confessarius sollicitet, & femina consentiat, hæc teneatur denunciare. Ibidem.

§. 2. Quæstioni respondetur. P. 201.

§. 3. Argumentis contrarijs satisfi. P. 204.

§. 4. Aliqua corollaria, & dubiola proponuntur. P. 210.

§. 5. Alia dubiola connexa cum antecedentibus resolvuntur. P. 216.

Quæstio 3. An Confessarius, qui sollicitavit adolescentem in confessione sit denunciandus. P. 223.

§. 1. Deciditur quæstio. Ibidem.

§. 2. Fundamenta contraria, & aliqua dubiola ponuntur. P. 227.

Quæstio 4. An Sacerdos sollicitans in Confessione ad alia peccata extra venerea, & in omnibus alijs Sacramentis ad venerea sit denunciandus virtutæ Bullæ Gregorij XV. P. 231.

§. 1. Prima pars quæstionis deciditur. Ibidem.

§. 2. Fundamenta contrarie sententiæ contra conclusiones. P. 238.

§. 3. Pars 2. quæstionis resolvitur. P. 244.

§. 4. An femina sollicitans Confessarium sit denuncianda Tribunali Inquisitionis. P. 247.

Quæst. 5. Vtrum Confessarius sollicitans ad lenocinium sit denunciandus. P. 252.

§. 1. Resolvitur quæstio cum connexis. Ibidem.

§. 2. Argumenta contraria. P. 258.

# INDEX QVÆSTIONVM;

- Quæstio 6. An Confessarius, qui concubinam in Confessione  
de Zelotypia arguit sit denunciandus. P.265.  
§.unicus, *decisio questionis ponitur.* Ibidem.
- Quæstio 7. Vtrum laicus se fingens Sacerdotem, & sollicitas  
in confessione sit denunciandus Inquisitioni. P.271.  
§.1. *Questioni respondetur.* Ibidem.  
§.2. *Corollaria ex dictis referuntur.* P.274.
- Quæstio 8. An interpres confessionis denunciandus sit si so-  
licitat ad venerea, & quid dicendum de mandante, & cõ-  
fulente sollicitationem. P.281.  
§.1. *Prime parti questionis satisfit.* Ibidem.  
§.2. *Alijs partibus questionis satisfit.* P.285.
- Quæstio 9. An simplex Sacerdos, vel suspensus ab audien-  
dis confessionibus sit denunciandus si sollicitat in confes-  
sione. P.291.  
§.unicus *questioni, & argumentis respondetur.* Ibidem.
- Quæstio 10. An dissuasio Confessarij à confessione feminae  
verbis indifferentibus sit sollicitatio comprehensa in Bul-  
la. P.296.  
§.unicus *sensus questionis aperitur, & tutior sententia eligitur.* Ibidem.
- Quæstio 11. Quomodo intelliguntur illa verba Bullæ Grego-  
rij XV. immediate ante, vel post. P.299.  
§.1. *Explicantur verba Bullæ.* Ibidem.  
§.2. *Casus practici ponuntur.* P.303.  
§.3. *Aliqua dubiola dilucidantur.* P.311.
- Quæstio 12. Quæ sollicitationes fiant occasione, & prætextu  
confessionis. P.315.  
§.1. *Explicantur termini, & casus sollicitationum denunciabilium  
prætextu, & occasione confessionis.* Ibidem.  
§.2. *Alij casus practici referuntur.* P.319.
- Quæstio 13. Quomodo intelliguntur illa verba Bullæ, siue  
extra occasionem confessionis in confessionario. P.326.  
§.1. *Verba Bullæ, & prima sententia ponuntur.* Ibidem.  
§.2. *Secunda sententia ponitur, & eligitur.* P.329.  
§.3.

## ET PARAGRAPHORVM.

§.3. *Aliqua argumenta solvuntur.* P.338.

§.4. *Argumenta militantia contra 2. conclusionem, & aliquod dubium proponuntur.* P.343.

Quæstio 14. Quomodo intelligatur illa verba Bullæ Gregorij XV. aut in loco quocumque ubi confessiones Sacramentales audiuntur, sive ad confessionem audiendam electo simulantes ibidem confessiones audire. P.349.

§.1. *Explicatur quid sit simulatio, & prima pars questionis.* Ibidem.

§.2. *Secunda pars questii dilucidatur.* P.355.

§.3. *Argumenta contraria sententiæ solvuntur.* P.361.

Quæstio 15. Quomodo intelligantur illa verba Bullæ, aut cum eis illicitos, & inhonestos sermones, seu tractatus habuerint. P.367.

§.unicus, *explicatur verba Bullæ, & aliqui casus referuntur.* Ibidem.

Quæstio 16. Quæ propositiones expressè sint damnatæ in hac materia. P.371.

§.unicus, *ponuntur propositiones damnatæ.* Ibidem.

Quæstio 17. An Confessarij qui assunt sententiæ quando promulgatur in Tribunali contra Confessarium sollicitantem teneantur sub peccato mortali non revelare reum. P.375.

§.unicus *questioni respondetur, & aliqua inferuntur.* Ibidem.

### PARS III.

Quæstio 1. An Tribunal Sancti Officij possit punire Confessarios non moventes de obligatione denunciandi. Pag. 386.

§.1. *An obligetur Confessarius sub mortali ad consulendam denunciationem.* Ibidem.

§.2. *Questioni satisfi.* P.390.

§.3. *An Confessarius non monens pœnitentem de obligatione denunciandi ductus sententiâ probabili possit puniri in Sancto Officio.* P.394.

§.4. *Argumenta, & corollaria.* P.400.

Quæ.



# INDEX QVÆSTIONVM,

Quesitio 2. Vtrum vnus testis de positio sufficiens sit; vt DD.

Inquiritores procedant contra Confessarium sollicitan-  
tem. P. 408.

§ 1. Pro responsione questionis varia dilucidantur. P. 409.

§ 2. Questioni respondetur. P. 413.

§ 3. Alia inclusa in questione deciduntur. P. 421.

§ 4. Quot testes ad Confessarium sollicitantem condemnandum re-  
quirantur. P. 428.

Quesitio 3. An crimen sollicitationis plene probetur testibus  
singularibus. P. 435.

§ 1. Aliqua premitantur necessaria ad questionem. Ibidem.

§ 2. Proponuntur sententię, & sequenda eligitur. P. 439.

§ 3. Argumenta contraria, & corollaria. P. 444.

Quesitio 4. Quibus pœnis sint puniendi Confessarij solici-  
tantes. P. 449.

§ 1. Pœne Pontificiæ, & aliqua notabilia referuntur. Ibidem.

§ 2. De pœnis quibus puniuntur in Sancto Officio Confessarij soli-  
citantes. P. 453.

§ 3. De alijs pœnis imponendis Confessarijs sollicitantibus. P. 458.

Quesitio 5. An Confessarij sollicitantes semper solum abiurent  
de leui. P. 465.

§ 1. De suspitione de leui, & de vehementi. Ibidem.

§ 2. Resolvitur questio. P. 470.

§ 3. Argumenta contraria, & aliqua dubiola. P. 475.

Quesitio 6. Quomodo, & quo tempore debet fieri ratificatio  
confessionis factę in tortura. Pag. 480. quę est 476.

§ 1. Alique doctrine generales supponuntur. Ibidem.

§ 2. Questioni satis fit. P. 482.

Quesitio 7. An Confessarius, qui in Tribunali abiuravit sit  
inhabilis ad Pręlaturas, & privatus perpetuò voce activa,  
& passiva. P. 485.

§ 1. Aliqua notabilia, & Decretum Sacre Congregationis premi-  
tuntur. Ibidem.

§ 2. Questio resolvitur. P. 488.

§ 3. Aliqua dubiola deciduntur. P. 492.

ELEN.

# ELENCHVS RERVM NOTABILIVM, QVÆ IN HOC VOLVGINE CONTI- NENTVR.

*Littera P. paginam indicat, & littera N:  
numerum marginalem.*

## A

**A**BBATES sollicitantes sub-  
iiciuntur DD Inquisitoribus,  
p. 44. n. 85.

Abiuratio de levi non est impo-  
nenda iudicialiter propter testi-  
monium duarum feminarum bo-  
næ famæ si non sunt ad pinnicula,  
p. 431. n. 105. & 106.

Abiuratio de levi imponitur  
Confessario sollicitanti in Confes-  
sionario absque simulatione, p. 343  
n. 412.

Vide Confessarius, sollicitatio.

Abusus Sacramenti Pœniten-  
tiæ non est materia sigilli, p. 119.  
n. 127. & iste abusus saluatur cum  
unico actu sollicitationis, p. 87. n.  
176.

Abusus habitus Religiosi, aut  
sacerdotis ad locum punibilis per  
DD. Inquisitores, p. 235. n. 164.

Accesus feminae ad Confessa-  
rium ad capiendum consiliū pro  
formanda confessione generali suf-  
ficiens est, si Confessarius eam so-  
licitat, vt puniatur in Tribunali,  
p. 321. n. 361. & 362.

Acculator in quo distinguitur à  
denunciante, p. 143. n. 297.

Acolytus ministrans rebapti-  
zanti, & rebaptizans incurrūt eas-  
dem pœnas p. 289. n. 290. & 291.  
Actiones, quæ adiubant ad exer-  
cendam luxuriam adhuc ex metu  
notabilis damni non possunt exer-  
ceri, p. 262 n. 224 & 225.

Adpinnicula concurrentia ad  
probendam sollicitationem, p. 446  
n. 141. & 142. si hæc sint indubi-  
tabilia, & euidencia magis con-  
vincunt quam testes, p. 430 n. 100.  
& seqq.

Quæ adpinnicula sint indubi-  
tabilia, ibidem.

Astrologi iudicarij, & chyro-  
man-

## Elenchus Rerum

mantici suspecti in fide, & denū-  
ciandi, p. 82. n. 164. & seqq.

Audiens extra cōfessionem fe-  
minā sollicitasse Confessarium car-  
ret obligatione eam denunciandi,  
p. 250 n. 194.

Audiens Confessarium solici-  
tasse, etiam si non possit probare  
delictum tenetur denunciare, p.  
139. n. 289.

Et etiam si hoc audiat a femi-  
na malæ famæ, p. 141. n. 293.

Audiens sollicitationem factam  
à Confessario amico, aut consan-  
guineo tenetur eum denunciare,  
p. 142. n. 295.

Audiens malitiosè confessionē  
femine, & in illa sollicitationem  
Confessarij habet obligationem  
denunciandi, p. 145. n. 301. & 302.

Audiens peccatum lascivum fe-  
minæ quando confitetur, si eam  
per signa sollicitat ex iure commu-  
ni denunciandus, p. 288 n. 287.

Auctores habentes propositiones  
damnatas non sunt digni cen-  
sura si scripserunt ante damnatio-  
nes Pontificum, p. 3 28. n. 379.

Auctoritas damnandi proposi-  
tiones residet in Summo Pontifi-  
ce, p. 9. n. 7.

## B

**B**ENEFICIO spontaneitatis  
fruantur qui accedunt nul-  
lis indicijs præventi, p. 153. n. 320.

Bulla Cruciana non dat privi-

legium ad eligendum Confessa-  
rium approbatum in aia Diocē-  
si, p. 295. n. 306.

Bulla Gregori XV. refertur de  
verbo ad verb. p. 3. n. 5.

Hæc Bulla est publicata, & re-  
cepta in Hispania, p. 22. n. 33. & 34.

Fuit directæ eadem Bulla ad  
omnia Regna Catholica, & non  
derogat privilegium concessum In-  
quisitioni Hispanicæ, imò confir-  
mat, p. 28. n. 48.

Bulla Gregoriana subijcit In-  
quisitioni omnes Confessarios so-  
licitantes seculares, & regulares,  
& etiam simplicem Sacerdotem,  
p. 36. n. 65. & seqq.

Bullæ contra Confessarios so-  
licitantes sunt favorabiles, p. 46.  
n. 88. & seqq.

Bullæ speciales de delictis per-  
tinentibus ad Sanctum Officium  
sunt excitativæ iurisdictionis, &  
multoties ampliativæ; p. 242. n.  
180.

## C

**C**LEMENS VIII. in crimi-  
ne sollicitationis facultatem  
privativam DD. Inquisitoribus  
concessit quo ad Prælatos regula-  
res, p. 2. n. 2.

Complex. delicti tenetur de-  
nunciare quando delictum vergit  
in damnum nōtabile multitudi-  
nis spirituale, vel temporale, p.  
150. n. 151. etiam si indirectè se-  
prodat, ibidem, p. 3 13. & seqq.

Con.

## *Nusabilium Rerum.*

Confessarius qui non est comprehensus in Bullis contra sollicitantes secundum sententiam probabilem est punibilis in Tribunali, p. 11. n. 11.

Confessarius sollicitans non liberatur à denunciatione propter materię parvitatem, p. 172. n. 26. & seqq.

Confessarius qui tentat, & conatur sollicitare paliatè, & cooperatè est denunciandus, p. 180. n. 45 & seqq.

Confessarius dans donum insolitum in confessione quando sit denunciandus, p. 183. n. 53. & seqq.

Confessarius laudans pulcritudinem mulieris, venustatem, ornatum, & alia huiusmodi quomodo sit habendus, vt sollicitans; & si offert feminae ramsculum florum blandis verbis, p. 187. n. 60. & 61.

Confessarius exaggerans affectum erga feminam in confessione, in quo casu sit denunciandus, p. 190. n. 68. & idem si profert verba quę à marito respectu vxoris, & ab amato respectu concubinae dicuntur, ibid. n. 69. & seqq.

Confessarius imponens loco penitentię feminae flagelationes exequendas ab ipso Confessario, aut ab ipsa femina in eius præsencia est denunciandus, p. 193. n. 74. &

75.

Idem est resolvendum si perit in confessione, quòd femina os-

tendat femoralia, p. 194. n. 76.

Confessarius consentiens sollicitationi feminae denunciandus, p. 202. n. 86. & seqq.

Confessarius sollicitatus in confessione ad gravius peccatum à quo dissuadet, & sollicitat ad minus deferendus est ad Tribunal, p. 206. n. 106. & 107.

Idem iudicium fit quamvis femina non accedat animo confitendi dummodo simulat confessionem, & Confessarius sollicitationi consentiat, p. 211. n. 108.

Idem est dicendum quando Confessarius differt ad aliud tempus turpia loqui, vel efficere, quamvis non præbeat feminae absolutionem, p. 212. n. 111.

Confessarius qui non explicat consensum in confessione, sed trāsacto intervallo sufficienti temporis quærit feminam, & se explicat an sit denunciandus, p. 213. n. 114. & 115.

Confessarius qui inter confitendum habet secum mollitiem, quā postea extra occasionem confessionis aperit feminae ad eam provocandam ad turpia an sit denunciandus, p. 214. n. 116. & seqq.

Confessarius consentiens sollicitationi per minas graves denunciandus, quamvis mitius puniatur in Sancto Officio, p. 221. n. 134. & seqq.

Confessarius exoptulans pecunias feminae consenti ad inho-

Sti

ne.

## Elenchus

nesta habenda cum alia denunciā-  
dus est Inquisitoribus, p. 256. n.  
210. & si petat à femina domum,  
ut ibi se videat cum sua concubi-  
na idem iudicium fit, p. 257. n. 212

Et si tribuere in confessione  
immediatè ante vel post charitan-  
tiam continentem sollicita-  
tionem ad lænocinium, ibidem,  
n. 113.

Confessarius qui invitus audit  
confessionem si sollicitat est de-  
nunciandus, p. 264. n. 228. & 229

Confessarius sollicitas nec indi-  
rectè tenetur se ipsum denuncia-  
re p. 150 n. 314. & 315.

Confessarius sollicitans rectè  
faciet si se presentet in Tribuna-  
li, & plenè fateatur sua delicta, p.  
157. n. 228. & seqq.

Confessarius quomodo proce-  
det si eum eo confitetur femina  
ab eo sollicitata, p. 159. n. 333. &  
334.

Tenetur sub peccato mortali  
movere sollicitatos de obligatione  
denunciandi, & quo iure, p. 386.  
n. 3 & seqq.

Confessarius consulens omis-  
sionem denunciationis in crimine  
sollicitationis prætextu correctionis  
fraternæ puniibilis per Sanctum  
Officium, p. 321. n. 14. &  
seqq.

Confessarius sollicitans post cō-  
fessionem incompletam ex aliquo  
impedimento, sollicitat immediatè  
post confessionem, p. 313 n. 344

Confessarius sollicitans ad ve-  
neria filiam spiritualem antequā  
explicet ista animum confitendi in  
quo casu sit denunciandus ut so-  
licitans immediatè antè, p. 314. n. 346.

Idem iudicium fit si immediatè  
ante vel post provocat ad veneria  
quamvis confessio sit nulla, ibid.  
n. 347.

Confessarius accedens ad do-  
mum feminae qui dicit circumstā-  
tib⁹ quod vult loqui cum ea de re-  
bus pertinentibus ad confessio-  
nem, si hac occasione ingreditur,  
& sollicitat est denunciandus, p. 316  
n. 352 & 353.

Confessarius qui post aliquod  
temporis intervallum sollicitat fe-  
minam cuius fragilitatem cognov-  
it in confessione explicatō no-  
titiā fragilitatis, quando sit de-  
nunciandus, p. 318. n. 354. & seqq.

Confessarius qui audit confessionem  
feminae, & postea etiam  
si transeat multum tempus, ingre-  
ditur demum illius prætextu in-  
structionis confessionis si sollici-  
tat est denunciandus, p. 319. n. 357  
& seqq. ubi omnia clarè explicat-  
ur de prætextu confessionis.

Confessarius sollicitans absque  
simulatione in Confessionario nunc  
deputat⁹ ad audiendas confes-  
siones deferendas ad Sanctum Offi-  
cium, p. 330 n. 383. & seqq.

Idem de sollicitante in con-  
fessionalipromissuo, p. 334. n. 393  
& seqq. . . . . Con-



## Notabilia Rerum.

Confessionarius promiscuus comprehenditur in Bulla præcisa simulatione, p. 344 n. 416.

Confessionarius sollicitans in loco destinato ad audiendas confessiones denunciandus quamvis non simulet, p. 354 n. 442.

Confessionarius sollicitans in loco prohibito electo simulando confessionem comprehenditur in Bulla Gregoriana, p. 355 n. 443. & 444.

Confessionarius habens inhonestam confessionem, aut in alijs occasionibus relatis in Bulla Gregorij XV. quamvis sollicitetur a femina, est denunciandus, p. 367 n. 468 & seqq.

Confessionarius qui in Sacramentali confessione tribuit penitentiam chartam postea legendam, in qua ad verum incitat non censetur sollicitare in confessione ac proinde non est denunciandus: est 6. propositio data ab Alexandro VII. p. 371 n. 477.

Confessionarius sollicitans perpetuo privatur ab audiendis confessionibus, p. 353 n. 157 & 158.

Confessionarii sollicitantes in confessionario promiscuo abiurant de levi, p. 455 n. 161. & seqq.

Confessionarii sollicitantes in confessione regulariter in Hispania abiurant de levi, & in Italia de vehementi; ubi de suspicionibus in fide, p. 465 n. 182. cum seqq. & p. 471 n. 195. & 196.

In aliquibus sollicitationibus gravissimis etiam in Hispania abiurant de vehementi, p. 472 n. 197. & seqq.

Confessionarii sollicitantes nunquam possunt habilitari in Sancto Officio ad Prælaturas, & officia ordinis, p. 494 n. 253.

Confessionarius secularis punitus in Sancto Officio, & Novitius, post professionem sunt inhabiles ad Prælaturas, & officia ordinis, p. 495 n. 255. vide verbo *Abiuratio*, Bulla, *denuntiatio*, *femina*, *Inquisitio*, *lanocinium mulier*, *pæna Regularis*, *Simulatio*, *Tribunal*, *Tortura*.

## D

**D**EGRADATIO, & traditio brachio seculari non est requenda in Inquisitione absque certissima probatione, p. 433 n. 108. & 109.

Degradatio quæ pena sit, & quando potest imponi Confessionario sollicitanti, p. 452 n. 155.

Delectatio de copula sub conditione quod esset licita est peccatum grave, p. 169 n. 20.

Delectatio venerea parva explicata ex parte Confessionarii non solum in confessione vera, sed etiam simulata generat suspicionem in fide, p. 177 n. 38.

Delegati Sedis Apostolicæ non  
Sist. 2. pos.



## Elenchas

possunt excedere fines delegatio-  
nis, p. 233. n. 160.

Delicta difficilis probationis,  
vt hæresis, sollicitatio in confessio-  
ne, ad sui probationem admittunt  
in testes denunciante, p. 409. n.  
54.

Denunciatio facta à femina in  
Hispania coram Ordinario con-  
tra Confessarium sollicitatem il-  
lam non liberat, vt iterum denun-  
ciet coram Inquisitoribus, p. 31.  
n. 54.

Denunciatio extra Episcopos,  
Archiepiscopos Legatos, & Mi-  
nistros Sedis Apostolicæ potest fie-  
ri coram Inquisitoribus, vt referat  
Summo Pontifici, p. 40. n. 76.

Denunciationis definitio, & di-  
stinctio ab accusatione, p. 56. n. 108  
& 109.

Denunciatio debet fieri intra  
terminum præfixum ad evitandū  
peccatum, & censuram, sed non  
computantur dies feriati, p. 59. n.  
116.

Denunciatio in criminibus ge-  
nerantibus suspicionem in fide nō  
est omittenda prætextu correctio-  
nis fraternæ, p. 68. n. 137.

Denunciatio feminae debet fie-  
ri absque eo quod explicetur con-  
fessus, & aliquando convenit vt  
fiat per Confessarium loco Com-  
missarii, p. 125. n. 256. & 257.

Denunciandus est Confessarius  
solicitans etiam si in aliquo casu  
nō esset suspectus in fide, & dede-

rit sufficiens signa emendationis,  
p. 67. n. 138. & seqq.

Denunciandus est Confessarius,  
qui faciliat feminam ad peccatū  
venereum proponendo eius abso-  
lutionem, p. 309. n. 339.

Denunciandus est Confessarius  
qui ingreditur ad feminam ægro-  
tam confitendam, si per minas cō-  
sentit sollicitationi, p. 433. n. 108.  
& 109.

Denunciandus est Confessarius,  
qui sollicitat in parlatorio die, vel  
horis, in quibus ibi audiuntur cō-  
fessiones, p. 347. n. 423. & seqq.

Denunciandi sollicitantes est  
præceptum naturale, & positivū,  
& additur à Tribunali excommu-  
nicatio, p. 56. n. 109.

Denunciatus non tenetur pro-  
bare delictum bene vero accusas,  
ideoq; ille debet denunciare quā-  
vis non possit probare crimen, p.  
58. n. 114.

Denunciandus non est Confes-  
sarius, qui sollicitat feminam ac-  
cedentem ad communicandum ali-  
quod secretum, quamvis ea dicat,  
illud dicere sub confessione dum-  
modo non conducatur ad confes-  
sionem Sacramentalem, p. 311. n.  
339.

Dubium de sollicitatione, & de  
alijs rebus pertinentibus ad mores  
quomodo debet vinci, & cum qui-  
bus est consulendum, p. 39 7. n. 29.  
& seqq.

Vide verbo Edictum.

E

## Notabilium Rerum.

**E**

**ECCLESIASTICI** etiam si sint Præbiteri possunt torqueri pro crimine hæresis, aut eâ olente, p. 423. n. 83.

Ædictû, aut Monitorium incipit obligare â die quo habetur notitia, p. 59. n. 117.

Et non numeratur dies notitię, nec dies delationis, ibidem.

Et si in primo die notitię Ædicti fit propositum non denuncian- di committitur peccatum mortale, sed censura nõ incurritur, ibid.

Ædictum Inquisitionis habet plures fines, p. 76. n. 152.

Ædictum Inquisitorum obligat sub excommunicatione solum cum notitia directa criminis, p. 111. n. 228.

Ædictum Inquisitionis est perpetuum, & obligat ad modum legis, p. 115. n. 234.

Quod non obligat ad denuncian- dum cum impotentia phisica, aut morali, p. 116. n. 238.

Sed ista cessante, vel alio impedimento statim debet fieri denun- ciatio, ibid. n. 239. & 240.

Ædictum Inquisitionis in His- pania assignat pro termino sex dies, in Italia duodecim, & in Lu- sitania triginta, p. 117. n. 241.

Obligat ad denunciandum quã vis non possit probari delictum, p. 141. n. 299.

Episcopi cognoscebant de cri-

mine sollicitationis ante Bullã Sij IV. p. 24. n. 37.

Episcopi hodie nõ possunt cog- noscere de crimine sollicitationis separatim ab Inquisitoribus, p. 25. n. 2. & seqq. Idem est dicendũ de hæresi, & de omnib\* delictis gene- rantibus suspicionem in fide, p. 29 n. 51.

Episcopi sine Inquisitoribus, nec Inquisitores sine Episcopo nõ possunt pronuntiare sententiam con- demnatoriam contra Confessariũ sollicitantem, p. 2. n. 57. Idem iu- diciũ fit de sententijs absolutio- rijs, & interlocutorijs, ibidẽ. n. 58. & seqq.

Et si Episcopus non adhæret dĩ tamini Inquisitorum & iure cõ- muni causa remittitur ad summũ Pontificem, sed in Hispania ex iu- re speciali ad Inquisitorem Ge- neralem, & eius Senatũ, p. 34. n. 7.

Episcopus si requisitus intra oo- to dies non compareret, & Inquisi- tores absque eo pronuntiant sen- tentiam hæc est valida, p. 35. n. 64.

Episcopi consecrati non subdũ tur Inquisitoribus, etiam si tantũ sint titulares, nec Episcopus ele- ctus, & confirmatus, pag. 38. n. 71. bene vero si non sit confirmatus, p. 42. n. 79.

Excommunicatio non multipli- catur si non sunt plures actus ex- teriores, p. 104. n. 113.

Excommunicatio lata contrã Clerici percussorem multiplicatur,

## Elenchus.

tur, quoties moraliter dantur plures persequutiones, p. 105. n. 215. & 216.

## F

**F**ŒMINA consentiens Ollicitationi factæ à Confessario in ci. constantijs expressim Bulla Gregoriãna tenetur denunciare, sed non appetire colesum, p. 196. & 197. n. 79. cum tribus seqq.

Fœmina non interrogetur, nec de consensu sollicitationis, nec de cooperatione ad actus turpes Confessarij, & si hoc fatetur non scribatur in actis, nec legatur in meritis caus. p. 199. n. 84. & seqq.

Fœmina sollicitans Confessarium non est denuncianda Tribunali Inquisitionis, p. 217. n. 123. & seqq.

Fœmina inter confitendum cõspirata gravi somno, aut paraxysmo, si Confessarius tunc habet cû illa inhonestæ, si postea illa habet notitiam de crimine tenetur denũciare, p. 220. n. 130. & seqq.

Fœmina sollicitata quando tenetur prevenire denũciationẽ propter impedimentum superveniens ante terminum præfixum in ædicto, p. 118. n. 241.

Fœmina moribunda, & Monialis, quæ non denunciarunt, quomodo debent denunciare, & Confessarius quid faciet in his casibus, p. 120. n. 145. & seqq.

Fœmina sollicitata in terris Turcarum dum pervenit ad Hispaniã tenetur denunciare Confessarium sollicitantem, p. 123. n. 252. & seqq.

Fœmina sollicitata non tenetur denunciare Confessarium cum periculo proximo amittendi maiore partem bonorum, p. 130. n. 268.

Fœmina sollicitata debet denunciare amicum consanguineum, & benefactorem, p. 131. n. 271. & 272.

Fœmina sollicitata, quæ non est parata ad denunciandum non potest absolvi, sed si est parata in aliquibus casibus, p. 133. n. 273. & seqq.

Fœmina quando tenetur denunciare Confessarium si eam sollicitat, aut dum egreditur ex Ecclesia, vel in itinere, aut statim ac domum ingreditur, p. 304. n. 324. & 325.

Fœmina fingens se ægrotam vocans confessarium, si hic ingreditur prætextu confitendi, & illam sollicitat tenetur denunciare, p. 322. n. 364. & seqq. Contrarium resolves si ad decipiendum Prælatum fœmina vocat Confessarium, ut confiteatur, p. 324. n. 368.

Fraterna correctio delinquentis est actus misericordiæ, & charitatis, p. 60. n. 118. de illa datur præceptum divinum, & naturale, ibidem, n. 119.

Fraterna correctio obligat omnes personas idoneas ad corripiendum,



## Notabilium Rerum:

dum, sed magis obligat Prælatos, quam subditos, p. 61. n. 120.

Fraternæ correctionis ordo ante denunciationem, ibid. n. 121.

Fraterna correctio non habet locum quando periclitatur bonum commune spirituale, vel temporale, p. 62. n. 122. nec habet locum in crimine sollicitationis, & contraria sententia hodie non potest ad praxim reduci, p. 68. n. 136. & seqq.

## G

**G**ENERALES omnium Religionum sunt æquales in Dignitate, & iurisdictione, p. 41. n. 78.

Generales per Bullam Gregorij XV. subijciuntur Sancto Officio in crimine sollicitationis, p. 41 n. 79.

Gravitas maior, aut minor datur intra speciem sollicitationis, p. 195. n. 77.

Gregorius XV. declaravit, in Regnis Hispaniæ Ordinarios non posse cognoscere separationem delicti mine sollicitationis, p. 27 n. 46. Idē Pontifex non restrinxit decretum Pauli V. ad terminos simulationis p. 346. n. 420.

## H

**H**ERESIS crimen quantumcumque occultum est de-

nunciandum non præmissa correctione fraterna, p. 62. n. 123.

Hæresis probatio admittit testes singulares, p. 64. n. 128.

Hæresis crimen denunciandum sub peccato mortali, & excommunicatione, etiam contra Parentes, & fratres, p. 66. n. 132.

Hæresis, & omnia delicta generantia suspicionem in fide, etiam tantum loquantur ex auditu sub excommunicatione denuncianda, p. 139. n. 289 & 90.

Hæreticus quantumcumque secretus sub peccato mortali est denunciandus, quamvis aliquis sciat delictum sub sigillo naturali firmato iuramento, p. 67. n. 129. non autem si habeatur notitia in confessione, ibidem, n. 130.

Hæreticus, qui abusus confessionis, vel ad decipiendam, ad ad corrumpeudum Confessarium est denunciandus ab ipso Confessario sub peccato mortali, p. 66. n. 131.

Hæreticus non tenetur se presentare Tribunali ad obtinendam absolutionem si timet præventionem, p. 130. n. 267.

Hæretici torquendi cum magnis probationibus, p. 421. n. 79.

Hispanica Inquisitio non procedit contra feminas sollicitantes Confessarios, p. 251. n. 200.

Homo plebeius, qui abutebatur Sacramento Pœnitentiæ ad adquirendas pecunias in Sancto Officio fuit punitus p. 217. n. 122.

Homo

## Elencbus

Homo contra inuassorem vite, fame, & rerum familiarium potest insurgere cum moderamine inculpatae tutelae, p. 128. n. 263.

### I

**I**GNORANTIA invincibilis, oblivio, & inadvertentia excusant ab excommunicatione, p. 107. n. 219. & 220.

Ignorantia peccati concomitans, & inadvertentia poenae taliter, quod si non esset eodem modo committeretur peccatum excusatur ab excommunicatione, p. 108. n. 221. Idem iudicium fit cum ignorantia eo modo probabili peccati, & sollicitationis, ibidem, n. 222. & seqq. Item de ignorantia vincibili, p. 117. n. 229.

Ignorantia nihil prodest in foro externo pro Confessario non mponente de obligatione denunciandi, p. 394. n. 20.

Immediate ante confessionem datur sollicitatio quando femina accedit animo confitendi, & Confessarius provocat ad venerea, etiam si non sequatur confessio, p. 308. n. 332.

Immediate ante sollicitat Confessarius, qui provocat ad venerea, si existimat quod femina accedit ad confitendum, & se explicat, p. 312. n. 342. Contrarium est dicendum quando illam sollicitat antequam aliquid dicat de con-

fessione, si Confessarius existimat, quod non vult confiteri, ibidem, n. 343.

Incarceratio sola in Sancto Officio est denigrativa, ideoque ad Confessarium incarcerandum regulariter sunt necessaria testimonia duarum feminarum bonae opinionis, p. 418. n. 73. & 74. In casibus particularibus alio modo est procedendum, p. 419. n. 75. & praecipue si Confessarius sit deditus vitijs carnalibus, p. 420. n. 78.

Inquisitio Hispanica non cognoscit defractione sigilli confessionis, p. 217. n. 124.

Inquisitio ante emanationem specialium Bullarum poterat cognoscere de omnibus delictis generantibus suspicionem in fide, p. 241. n. 178. & 179.

Inquisitio potest punire Confessarium sollicitantem, etiam si in aliquo casu extraordinario non sit suspectus in fide, p. 31. n. 56.

Inquisitio Hispanica si non timet fugam, ante incarcerationem Sacerdotum, mittit negotium ad Supremum Senatum, p. 41. n. 77.

Inquisitionis statutum de puritate sanguinis Ministrorum est favorabile, p. 48. n. 93.

Inquisitionis Tribunal habet auctoritatem Apostolicam damnandi, & prohibendi libros, p. 9. n. 7.

Inquisitionis stylus fundatur in una opinione certiorabili, quia tolatur

## Notabilium Rerum.

colat probabilitatem contrariæ,  
p. 11. n. 11.

Inquisitionis Tribunal non po-  
nit in numero cum Sede Pontifi-  
cia, p. 13. n. 15.

Inquisitores procedentes contra  
id, quod habent de iure, aut de  
consuetudine malè operantur, p.  
11. n. 12.

Inquisitores possunt procedere  
contra aliquos delinquentes non  
suspectos in fide, p. 79. n. 158.

Interpres confessionis si solici-  
tat ad venerea est denunciandus in  
Sancto Officio, p. 282. n. 272.

Iudex rectè operatur si profert  
sententiam in criminalibus contra  
opinionem faventem reo circa iu-  
risdictionem, secus circa factum,  
p. 16. n. 21. & 22.

Ius antiquum est sequendum si  
expressè per ius novum non est  
correctum, p. 33. n. 60.

## L

**L**AICUS se fingens Confessa-  
rium, & sollicitans non est  
denunciandus vigore Bullarum  
contra Confessarios sollicitantes,  
p. 272. n. 246 & seqq.

Laicus se fingens Sacerdotem  
si sollicitat ad venerea punitur in  
Sancto Officio ex iure communi,  
& ex Constitutionibus Pontificijs  
contra non-Sacerdotes audientes  
confessione, n. p. 274. n. 252 & 253.  
Idem est dicendum si non Sacer-

dos tantum audiat peccata quam-  
vis non absolvat, p. 275. n. 256. &  
seqq.

Laicus qui simulat confessio-  
nem, aut sollicitat prætèxtu con-  
fessionis quamvis nullum pecca-  
tum audiat denunciandus est In-  
quisitoribus, p. 280. n. 266. & se-  
quenti.

Lanquium quid sit, p. 255. n.  
207.

Lanocinium comprehensum in  
Bulla Gregor. XV. est si Confes-  
sarius in gratiam Domini solici-  
taret in Confessione famulum, ut  
imponeret humeros ad ascenden-  
dum per fenestram ad turpia exer-  
cenda cum sua concubina, & ut  
alia huius generis efficere, p. 263.  
n. 226.

Lanon Confessarius sollicitans  
feminam in casibus comprehens.  
in Bulla Gregoriana est denuncia-  
dus Inquisitoribus, p. 253. n. 204.  
& 205.

Lanon est Confessarius, qui so-  
licitat feminam ut sit mediatrix  
cum alia, ut secum, aut cum alijs.  
habeat turpia, & iste est casus Bul-  
lae, p. 206. n. 206.

Lanon Confessarius, qui solici-  
tat masculum, ut amicitiam inho-  
nestam habeat cum aliqua femina,  
aut redeat ad aliquam, est denun-  
ciandus, p. 255. n. 208.

Lex favorabilis derogans inri-  
alterius qualito non est extenden-  
da, p. 225. n. 142.

Lex

Lex



## Elenchus

Lex regulariter disponit de rebus communiter accidentibus, p. 226. n. 143.

Lex pro conservanda honestate favorabilis est, p. 48. n. 91.

Leges, & statuta, quæ respiciunt publicam utilitatem favorabilia, p. 50. n. 95.

Leges odiosæ pariunt extensionem ob bonum publicum, ibid. n. 96.

Leges Pontificiæ non obligant si non publicantur in Provinciis, p. 123. n. 253. nec extenduntur ad peccata præterita, bene vero ædificia, p. 124. n. 55.

Leges canonicæ, & Civiles non obligant cum gravi damno, p. 129. n. 260.

## M

**M**AGISTRI Ordinum Militarium subijciuntur Inquisitoribus in omnibus causis fidei, p. 41. n. 79.

Mandans Confessario, ut sollicitet in confessione solum est denunciandus ex iure communi, p. 286. n. 281 & seqq. Idem iudiciū fit de consulente p. 287. n. 285.

Mandans in confessione, vel prætextu, & occasione confessionis, aut consulens alteri Confessario, ut in confessione feminam sollicitet virtute Bullæ Gregorij XV. est denunciandus, p. 288. n. 286.

Meretrici licet locatur domus,

si in alio loco eodem modo vivet, p. 261. n. 221. & 222.

Ministri, & Legati Sedis Apostolicæ illi dicuntur, qui mittuntur ab ipsa Sede ad eius negotium tractandum, non autem qui delegantur ad alias causas particulares, p. 38. n. 72.

Monialis, nec habens impedimentum perpetuum, non possunt absolvi ab hæresi formali externa, nisi compareant in Tribunali Inquisitionis per alium, p. 120. n. 246.

Monialis habens in parlatorio aliqua inhonesta cum Confessario, etiam si postea cum eo confiteatur in ipso loco, non tenetur denunciare Tribunali, si non accessit animo, aut prætextu confitendi, p. 308. n. 333. & seqq.

Mulier, quæ facilitatur à Confessario ad exercenda cum eo turpia, his verbis: ne timeas, ego te audiam, & absolvam à peccatis est denunciandus, p. 270. n. 242.

Mulier honesta, quæ extra confessionem, & eius prætextu peccavit cum Confessario si postea dicat ei: cum alio nunquam manifestabo hoc crimen, tenetur audire suam confessionem, p. 272. n. 244.

Mulier sollicitata tenetur denunciare Confessarium sollicitantem, quamvis statim ostendat sufficientia signa emendationis, p. 90. n. 182. & seqq.

Mulier sollicitata in quo casu ha-

## *Notabilium Rerum!*

habeat obligationem denunciandi Confessarium sollicitantem puni-  
tum in Sancto Officio, p. 26. n. 195. & seqq.

Mulier sollicitata omitrens denunciationem voluntarie peccat lethaliter, p. 99. n. 204. ad quam speciem peccatorum hæc omisio pertineat, p. 100. n. 205. & seqq.

Mulier sollicitata omitrens liberè denunciationem duorum Confessorum duplicem excommunicationem incurrit, p. 106. n. 217.

Mulier quæ non denunciat ex ignorantia crassa, & supina incurrit excommunicationem Ædicti, p. 111. n. 228. & seqq.

Mulier sollicitata nõ solum sub excommunicatione Ædicti Inquisitionis teneretur denunciare, sed sub eadem censura ex vi Decreti Summi Pontificis, p. 115. n. 235. & seqq.

Mulieres non confiteantur cum complice delicti, p. 269. n. 240. & esset convenientissimum efficax, & universale remedium ad hoc evitandum, ibid. n. 241.

**N**

**N**ON Sacerdos, qui conatur Missam celebrare puni-  
tur in Sancto Officio, p. 181. n. 47.

Non monens denunciationem sollicitationis in Sancto Officio, si sit Confessarius subijcitur Tribunali Inquisitionis, p. 385. n. 1.

Non monens denunciationem sollicitationis si sit versatus in materijs Inquisitionis gravius debet puniri, p. 393. n. 18.

Non monens denunciationem sollicitationis in actu Sacramentalis confessionis maiori pœna est puniendus, quam qui non monet si sollicitatio fiat alio modo, ibid.

Non monens denunciationem ductus opinione tenuæ probabilitatis potest puniri per Sanctum Officium, p. 394. n. 21. Idem si nõ monet filius in opinione vnius Auctoris, p. 395. n. 22.

Non monens penitentem de obligatione denunciandi ductus opinione certò probabili, quamvis sit contra praxim Inquisitionis non est punibilis, p. 395. n. 24. & seqq.

Non monens denunciationem Confessarij sollicitantis prætextu correctionis fraternæ puniatur in Tribunali, p. 405. n. 45.

Non monens denunciationem ductus opinione certò probabili rectè procedit, quamvis contraria sit probabilior, & securior, p. 406. n. 48.

Nullus Princeps quantumcumque supremus, nec Pontifex potest condere legem, vt quis tradatur ultimo supplicio propter vnius testis depositionem, p. 414. n. 63.

Numerus maior testium requiritur in Tribunali Inquisitionis ad condemnandum reum, quam in

Tit 2 alijs

## Elenchus

alijs Tribunalibus, [p.412. n.60.](#)

Numerus testium sufficiens ad condemnandum reum relinquitur iudicio DD. Inquisitorum, [p.429. n.99.](#)

Nuncij Sedis Apostolicæ, & eius Ministri non subijciuntur Inquisitoribus, idem de Legatis, aut Officialibus eiusdem Sedis, [p.38. n.72.](#)



**O**FFICIUM Inquisitionis nō solum iudicat de suspitione in fide, sed etiam de delicto ratione connexionis, [p.426. n.93. & 94](#)

Operis divisio in 3. p. [p.21. n.30.](#)

Opinio tenuæ probabilitatis non est sequēda in praxi iuxta dānationem 3. propositionis Innocentij XI. [p.9. n.8.](#)

Opinio certō probabilis aliena potest sequi relicta propria probabili, [p.396. n.26.](#)

Opiniones certō probabiles æqualiter sagax formaliter, [p.17 n.22.](#)

Opiniones probabiliter probabiles sunt tenuæ probabilitatis, [p.402. n.39.](#)

Opiniones tenuæ probabilitatis quomodo sint cognoscendæ? & diversæ regulæ, [p.403. n.40. & seqq.](#)



**P**ARUITAS materiæ non datur in deletionē veneræ, [p.167. n.14. & seqq.](#)

Parvitas materiæ non est admittenda in omnibus præceptis Decalogi, [p.170. n.22.](#)

Nec datur in abusu Sacramēti Pœnitentiæ, [p.176. n.34.](#) nec in blasfemijs hæreticalibus, [p.173. n.29.](#)

Paulus V. decrevit, ut essent denunciandi in Tribunali Inquisitionis Confessarij sollicitantes in confessione masculos, [p.227. n.145.](#)

Peregrini, & exteri tenentur denunciare hæreticos, & Confessarios sollicitantes vi Ædicti Inquisitionis, [p.122. n.250. & 251.](#)

Poligamia attentata punitur in Sancto Officio, [p.181. n.47.](#)

Pontifex habet auctoritatem damnandi propositiones probabiles, [p.9. n.7.](#)

Pontifex potest declarare præceptum de correctione fraterna, [p.95. n.194.](#)

Pœna levis in alijs Tribunalibus in Sancto Officio reputatur gravis, [p.425. n.90.](#)

Pœna depositionis quando imponitur Clerico, & in quibus delictis sollicitationis, illa potest puniri Confessarius, [p.459. n.179. & seqq.](#)

Pœna suspensionis quando cor-  
rel-

## Notabilium Rerum:

respondet sollicitationi ad venera, p. 460. n. 171. & 172.

Pœna trirerum potest imponi Confessarijs sollicitantibus, & in quibuscasibus, p. 461. n. 173. & seqq.

Pœna hæc rarò est imponenda Religiosis, ibidem, n. 175. & 176.

Pœnz contra Confessarios sollicitantes in confessione ad alia peccata præter venerè, & in alijs Sacramentis ad inhonestà arbitrariz sunt in Tribunali Inquisitionis, p. 245. n. 188.

Pœnz contra facientes non extenduntur ad mandantes, p. 289. n. 289.

Pœnz contra Religiosos mendicantes extenduntur ad Moniales, p. 290. n. 292. & 293.

Pœnz contra Confessarios sollicitantes 9. secundum tenorem Bullæ Gregorij XV. p. 449. n. 148 & 149.

Pœnz hæc applicandæ ad arbitrium DD. Inquisitorum, ibidem.

Pœnz contra Confessarios sollicitantes aggravantur secundum qualitates concurrentes, p. 464. n. 180.

Pœnz applicandæ, quæ sunt congruentes ad vitium puniendum, & emendationem delinquentis, ibidem, n. 181.

Pœnitens proferens leve mendacium in confessione solum venialiter peccat, p. 176 n. 35. & 36.

Pœnitens sollicitans in con-

fessione à Confessario ad peccatum veniale tenetur cum denunciare, p. 243. n. 183.

Prelati nullo modo permittant, quòd Confessionarij fiant parloria, p. 337 n. 401. & disponant, quòd Confessionalia sint in locis clavis, & publicis, vbi decretum novum Tribunalis, ibidem.

Pæceptio, inbeo, & mando in materia gravi sonant præceptum sub mortali, p. 387 n. 6. & 7.

Prætextus confessionis debet se tenere ex parte Confessarij, & nò sufficit quòd sit ex parte feminz, p. 324. n. 369. & 370. vbi sunt duocalus, & vide, p. 326. n. 373.

Privilegium concessum marito censetur concessum vxori, p. 431. n. 81.

Propositio 13 damnata ab Innocentio XI. explicatur, p. 89. n. 180.

Propositio 7. damnata ab Alexandro VII. est: modus evadendi obligationem denunciandi est si sollicitatus confiteatur cum sollicitate, hic potest illam absolvere ab obligatione denunciandi, p. 374. n. 484.

Puer, aut femina qui spectat in Ecclesia, aut alio loco, quia in confessione ei dixit Confessarius specta, & postea venies mecum, & dabo tibi chiographum confessionis, etiam si mediet intervallum temporis si postea, vel in domum suam, aut in alium locum illum,

vel

## Elenchus

vel illam ducit, & sollicitat est denuntiandus, quia habet in honesta immediate post confessionem, p. 311.n.340.

Pueri, & feminae impuberes si sunt doli capaces sub excommunicatione tenentur denunciare Confessarios sollicitantes, p.148, [n.308.](#) & seqq.

Pueri, & feminae impuberes qui dicantur, & an ligentur censuris [p.146.n.303.](#) & seqq.

## Q

**Q**UALITATES, & conditiones testium deponentium in crimine sollicitationis, p. 434.n.110.

Quilibet particularis iure naturae tenetur impedire damnum Reipublicae, potius quam conservare famam proximi, idem iudicium fit de bono communi spiritali, [p.88.n.178.](#) & seqq.

Qui est excommunicatus ob retentionem concubinae non potest absolvi nisi prius eam eiciat, p. [134.n.277.](#)

Qui non potest probare delictum sollicitationis tenetur denunciare ex vi Bullarum, & Edicti Inquisitionis, [p.144.num.299.& 300.](#)

Qui Confessarii dicantur sollicitare praetextu, & occasione confessionis, [p.315.n.348.](#) & seqq.

## R

**R**ATIFICATIO confessionis, factae in tortura fit in Inquisitione post 24.horas, p.484.n.227.& seqq.& de modo ratificandi confessionem, [ibid.n.229.](#)

Ratificatio huius confessionis debet fieri a minore coram Curatore, [p.485.n.230.](#)

Regis consilij concurrentibus testibus singularibus puniuntur propter fractionem secreti iurati, [p.438.num.118.](#)

Regulares Praelati non possunt cognoscere de dubia sollicitatione, [p.37.n.68.](#)

Regulares virtute suorum privilegiorum, & quilibet Confessarius virtute Bullae Cruciae post denunciationem possunt absolvere ab excommunicatione, quam contraxit femina sollicitata per omissionem liberam denunciationis, [p.135.n.279.](#)

Regulares Confessarii non monentes de obligatione denunciandi puniuntur in Sancto Officio privatione vocis activae, & passivae, & si Confessarius fuerit secularis est puniendus poenis arbitriis, [p.407.n.51.& 52.](#)

Regulares admittuntur in testes contra Praelatum in Inquisitione cum aliqua distinctione, p.412.n.61.& [62.](#)

Re:



## Notabilium Rerum:

Regularis qui abiuravit in Sancto Officio propter crimen sollicitationis est perpetuò inhabilis ad Prælaturas, & officia Religionis, p.488.n.238. & seqq. hæc abiuratio debet esse iuridica, ibid.

Idem iudicium fit de regulari, cui imposita fuerunt aliæ poenæ in Sancto Officio, p.489 n.241.

Regularis punitus in Sancto Officio manet perpetuò privatus gradibus Magistri, Doctoris, Præfentati, & Lectoris, p.491. n. 244. Sed peracta pœnitentia potest prædicare, legere, & docere, p.492.n.246.

Religio Minimorum habet statutum circa probationem per testes singulares, p.437.n.116.

Religio Minimorum habet statutum Capituli Generalis, quo disponitur, quòd Religiosus punitus in Sancto Officio sit inhabilis ad Prælaturas, p.486. n. 332.

Religiones non possunt concedere statutum disponens, quòd delicta plenè probentur testibus singularibus, p.448.n.145.

Religiosi professi in Religione addicta ad chorum horas Canonicas tenentur recitare sub peccato mortali, p.9.n.8.

Reservatio votorum, & peccatorum est odiosa, p.53. n.102. Ideò restringenda, p.205.n. 97.

Reus quando tenetur fateri delictum, p. 152.n.318. & 319.

Reis in Sancto Officio ante torturam datur accusatio de dictis testimoniis, sed nomina non publicantur in Sancto Officio, p.482. n.223.

Reis est interrogandum in tortura generaliter, & nullo modo de aliquo delicto in particulari, p.482.n.224.

Reis non nocet confessio facta in tortura si postea non ratificatur, neque quando fit ex comminatione propinqua, p.483. n. 225.

Romanæ Inquisitionis Decretum disponens, quòd Confessarius non incarceretur propter testi monium vnius sententiæ, p.417. n.70.

## S

**S**ACRAMENTA non conferuntur licet cum vsu opinio nis probabilis relicta tutiori circa materiam, & formam; benè verò circa iurisdictionem, p.13. n. 16.

Sacerdotes assistentes in Tribunali quando legitur sententia contra Confessarium sollicitantem tenentur sub peccato mortali occultare reum secularibus, p.376.n.489. & seqq.

Scolæ, & alia loca ubi solum confessiones audiuntur absque simulatione comprehenduntur in Bulla Gregoriana, p.353.n.438. & seqq. Sci.



## Elenchus

Sententia, quæ datur in Sancto Officio regulariter contra Confessarios sollicitantes, p. 473. n. 178.

Sigillum naturale non obligat quando crimen est in damnum Reipublicæ, p. 58 n. 115.

Simplex Sacerdos, & Confessarius suspensus si sollicitant in confessione sunt denunciandi, p. 292. n. 297. & seqq. Idem iudicium si sit femina accedit solum ad implendum exterius præceptum, aut si talis Sacerdos sollicitat prætextu confessionis, p. 293. n. 300.

Simulatio formalis, & materialis, quæ fit, p. 349. n. 429. & seqq.

Simulatio in administratione Sacramentorum non licet, ibid. n. 428.

Simulatio rigorosa datur si Confessarius sedet, & femina flexis genibus loquitur ad aures, p. 357. n. 448. & seqq.

Societas testu contra parvitatem materiz in rebus venereis habet decreta duorum Generalium, p. 167. n. 16.

Sodomia puniatur pena ordinaria si probatur testibus singularibus, p. 437. n. 118.

Sollicitatio includit vehementerodium, & diligentiam ad aliquid agendum p. 102. n. 3.

Sollicitationis definitio, & explicatio, ibid. n. 45. & 46.

Sollicitatio ad venerea in confessione est enorme sacrilegium, p. 163. n. 6.

Idem iudicium fit de sollicitatione immediate antea, vel post, simulando confessionem, prætextu, & occasione confessionis, sive in loco destinato ad audiendas confessiones, p. 164. n. 9. & seqq. tib.

Sollicitatio conditionata illis verbis: si esset licita, comprehenditur in Bulla Gregoriana, p. 182. n. 48. & seqq.

Sollicitatio comprehensa in Bulla censetur, si Confessarius in confessione osculetur manum feminae, velicaret brachium, aut præmeret pedem, p. 191. n. 71.

Idem est dicendum si Confessarius proferat verba turpia, aut luadet feminae, ut ostendat vas naturale infirmum ad medicinam applicandam, ciura, vel digitos pedum, p. 192. n. 72. & 73.

Sollicitatio in confessione absolvi potest virtute Bullæ Cruciatæ, p. 137. n. 285.

Sollicitatio in loco destinato ad audiendas confessiones absque simulatione est denuncianda, p. 352. n. 436. & seqq.

Sollicitatio ad venerea simulanda confessionem ex pacto antecedenti inter Confessarium, & feminaum est denuncianda, p. 359. n. 453.

Sq.

## Nobilium Rerum:

Solicitatio quatuorplex, & pœna ei correspondens, p. 450. n. 150. & seqq.

Solicitationis qualitates quomodocognoscantur, p. 464. n. 179 & 180.

Solicitanus condemnatus ab Episcopo iterum potest puniri in Hispania in Sancto Officio, p. 31. n. 55.

Solicitare ad turpia est inducere procurare suasionibus, & mendacijs verbis, aut factis ad aliquid inhonestum, p. 162. n. 3.

Spontere comparcates qui dicantur, & quomodo tractentur in Sancto Officio, p. 153. n. 320. & 321.

Suspicio in fide quatuorplex fit, & quæ delicta generant suspicionem Theologicam, aut iuridicam in fide, p. 466. n. 184 & seqq.

## T

**T**ESTES singulares singularitate oblativa nihil probant, p. 436. n. 114. neque probant plenè si solum sunt singulares cumulativè, ibid. n. 115.

Testes singulares ex iure antiquo non probant sufficienter delictum, p. 436. n. 116.

Testes singulares singularitate diversificativa solum quo ad individuum sufficienter probant delictum sollicitationis, & quomodo,

p. 439. n. 123 & seqq. & p. 441 n. 127. & seqq.

Testes singulares singularitate adminiculativa sunt sufficientes ad pœnam extraordinariam imponendam, p. 447. n. 143.

Testes depoñentes de re permañenti cum diversitate temporis tantum sunt testes, ibid. n. 144.

Testium singularitas quatuorplex p. 435. n. 113.

Testimonium unus femina honeste sufficiens est ut procedatur in Sancto Officio inquirendo de vita, & moribus Confessarij sollicitantis, p. 114. n. 64. & seqq.

Testimonium meretricis quando appreciatur in Tribunali, & quomodo, p. 416. n. 69.

Theologi versati in materijs moralibus consultandi sunt, & quando est dubium in rebus pertinentibus ad Sanctum Officium an debeat attendi ad maiorem numerum Doctorum, p. 393. n. 31. & seqq.

Timor mortis, abscissionis membri, aut vulnere gravium, & alia huius generis excusant ab obligatione denunciandi, p. 126. n. 259. & seqq.

Timor cadens in virum constantem quomodo intelligatur, p. 127. n. 260.

Tolerantia Ecclesiæ statutum de puritate sanguinis est favorabile, p. 49. n. 94.

Tortura imponitur in Sancto

Viv. Of.

## Elenchas

Officio ad eruendam veritatem alicuius magni criminis, p. 422. n. 82.

Tortura potest imponi in Hispania pro crimine sollicitationis solum in aliquibus casibus, p. 423 n. 84.

Tortura non est declaranda contra senem 70. aut 60. annorum, nec contra laborantes febris quarantana, neque sunt torquendi laborantes morbo galico, brachio debilitato, &c p. 478. quæ secundum ordinem est, p. 480. n. 119.

Tortura imponitur in Sancto Officio pro crimine enormi generanti suspicionem in fide de vehementi nobilibus, & plebeis, p. 481. n. 220.

Torquentur in Sancto Officio personæ privilegiatæ, & etiam viri quamvis non perveniant ad 25. annos, sed moderatè, non autem feminae prægnantes, ibid. n. 221. & 222.

Tractatus inhonestos exercitos à Confessario extra confessionem, & confessionale femina poenitens non tenetur aperire, p. 270. n. 243.

Tribunal Inquisitionis solum cognoscit de delictis generantibus suspicionem iudicam in fide, p. 217. n. 123. & 124.

Tribunal Inquisitionis potest punire feminas sollicitas si non denunciant, p. 137. n. 283. & 284.

Tribunal Inquisitionis milit-

simè procedit cum reus, qui plene & integrè fatetur sua crimina, p. 154. n. 321. & non oportet, ut fiat confessio de delictis non pertinentibus ad Sanctum Officium, p. 154. n. 322.

Tribunal Inquisitionis cum Confessariis spontè comparentibus procedit extra iudicialiter, & quomodo, p. 158. n. 330. & seqq.

Tribunal Inquisitionis non potest punire Confessarium non morte de obligatione denunciandi cum opinione certò probabili, p. 409. n. 34. & 35.

Tribunal Inquisitionis in causis fidei omnes admittit in testes præter inimicos capitales, sed cum sua exceptione, p. 409. n. 55. & 56.

Tribunal Inquisitionis in denunciationibus Confessorum sollicitantium attendit ad qualitatem Confessorum, & feminarum denunciantium, & quomodo, p. 410 n. 57. & 58.

Tribunal Inquisitionis cum magna prudentia procedit in feminis examinandis, quia multoties falso denunciant, p. 411. n. 59.

Tribunal Inquisitionis mediat inter Poenitentiae Sacramentum, & alia tribunalia pro foro externo, p. 472. quæ secundum ordinem est, p. 474. n. 205.

Tribunalia debent operari secundum sententiam faventem reo circa factum, non autem circa iu-

## Notabilium Rerum:

iurisdictionem, [p.19.n.27.& 28.](#)

Tribunalia Ecclesiastica, & secularia cognoscunt de delictis secundum sententiam certò probabilem de iurisdictione, [p.11.n.11. & seqq.](#)

Tribunalia, & etiam Summus Pontifex in rebus dubijs operantur cum opinione certò probabili, [p.397.n.27.& 28.](#)

## V

**V**OCARE Deum in testimonium mendacij levis est peccatum mortale secundum damnationem 24. propositionis Innocentij XI. [p.173.n.27.](#)

Urbanus VIII. præcipit sub poena excommunicationis, ut denuncientur hæretici, & suspecti quomodolibet in fide, [p.235. n. 175:](#)

Idem Pontifex derogavit omnia vivæ vocis oracula, quò intelligitur de illis, quæ continebāt novum privilegium, & nõ de alijs quæ sunt declarationes Pontificum, [p.39.n.49.](#)

## Z

**Z**ÆLOTYPICA poenitentistè perata à Confessario, ut readeat ad concubinam, si fiat intra terminos Bullæ Gregorianæ est sollicitatio denuncianda, [p.258. n.214.](#)

Zælotypia Confessarij explicata, aut in confessione vera, aut simulata, vel prætextu, & occasione confessionis est casus denunciabilis, [p.266.n.235.& seqq.](#)

Zælotypia denunciabilis est, si Confessarius acriter reprehenderet peccata, quæ concubina commisit cum alijs, & nihil diceret de proprijs, [p.268.n.238.](#)

Zælosus à quo dicatur, & quid propriè sit Zælotypia, [p.267.n. 234.](#)

Zælus Religionis præsumitur, quando femina etiam si sint malæ opinionis accedunt ad denunciandum Confessarium, non spontè, sed quia alius Confessarius denegavit absolutionem, si hoc modo Confessarius sollicitans est testificatus per dicta duarum feminarum, quarum una sit bene apinata, & altera malæ famæ potest incarcerari, [p.419.n.76.& 77.](#)

# F I N I S.

1875

V

V

21711







70

5-3-2

